

1379

J. HEVELII

MACHINA
COELESTIS.

L. HENVELD

MAGCHIMA
COELESTIS.



A. Boy delineavit.

J. Falck sculpsit.

M



225119

11

Part Prime

LIBRARY OF THE UNIVERSITY OF TORONTO LIBRARIES
UNIVERSITY OF TORONTO LIBRARIES



JOHANNIS HEVELII
MACHINÆ COE-
LESTIS

PARS PRIOR;

ORGANOGRAPHIAM,

Sive

Instrumentorum Astronomicorum omnium,
quibus Auctor hactenus Sidera rimatus,
ac dimensus est,

ACCURATAM DELINEATIONEM,

ET

DESCRIPTIONEM,

Plurimis Iconibus, æri incisis, illustratam & exornatam,

exhibens:

Cum

*Aliis quibusdam, tam jucundis, quam scitu dignis,
ad Mechanicam, Opticamque Artes pertinentibus;*

In primis,

De Maximorum Tuborum Constructione,
& commodissimâ Directione;

N E C N O N

Novâ ac Facillimâ
Lentes quasvis, ex sectionibus Conicis, expoliendi
Ratione.

Cum Privilegio Sac. Cæsareæ, & Reg. Polon. Majestatum.

GEDANI.

AUCTORIS Typis, & Sumptibus,

Imprimebat

SIMON REINIGER.

ANNO M DC LXXIII.



JOHANNES HEVELIUS
MACHINAE COE
LESTIS
PARS PRIOR
ORGANOGRAPHIA
INSTRUMENTUM AUTOMATON MOTU
DUPLEX ANGULAT PAGCUS SICCA TERRA
AC MUSCA
ACCURATAM DELINEATIONEM
DESCRIPTONEM



225/119

De M. Henr. Tuptum Configuratione
et Compositissima Descriptione;

Nec non

Moy ac I Scilliis

Locutus duassis, ex legiōnibus Conicis expositiū;

Ratiōne.

Cum Particulis eari Cylindri, & R. P. ad N. M. dicitur

G E D V N L

Auctoratis Thibis, & Simplicis

l. t. 18 s. 144

Simoni Reinicelli

ANNO M DC LXXXIII





POTENTISSIMO, INVICTISSIMO,
AC
CHRISTIANISSIMO,
FRANCIAE & NAVARRÆ
REGI,
LUDOVICO
XIV,
DOMINO LONGE CLE-
MENTISSIMO.



CHRISTIANISSIME REX,

Augustissimæ TUÆ MAJESTA-
TIS fulgentissimus Splendor, Orbem Ter-

B

rarum

rarum, quâ patet, universum, radiis Heroicarum Virtutum, admirabiliter coruscantibus gloriofissimè colluistrans; tum è diverso nominis, ingeniiq; mei, dum meo me modulo metior, tenuitas, hominem præsertim extraneum, sub Arcto oriundum, & in angulo suo latitantem, ab Eminentissimo TUO Throno deterrere utique, & repellere potuisset, ac fortassis jure etiam meritoq; debuisset. Sed Incomparabilis TUA in tam Excelso fastigio Bonitas, ac Clementia, tum summa illa, summeq; admirabilis pariter ac venerabilis, erga Scientias Artesque, in primis Uraniam nostram Propensio, quâ Divam illam, omnesq; Ejus Cultores SACRATISSIMA TUA MAJESTAS, ex innatâ Regiâ Generositate, nunquam non respicere dignatur, animum rursus mihi addidit, ut non verear ad TE, INVICTISSIME REX, accedere, & Machinam hanc meam Cœlestem, TUÆ MAJESTATIS Augustissimo Nomini dicatam jure optimo, & consecratam, pro contestandâ humilimè Animi gratissimi obsequientissimiq; veneratione debitâ, ad Regios TUOS Pedes

provo-

provolutus, subjectissimâ & devotissimâ ma-
nu offerre, atque deponere. Id quod spe
facere audeo optimâ fretus, cùm T U, SA-
CRATISSIME REX, ut Toti Orbi Li-
terato satis superque exploratum est, admi-
randos Cœli Orbēs, in D E I Gloriam, Hu-
manæque Mentis Culturam, ac Utilitatem
contemplari, pulcherrimasque Siderum ac
Stellarum formas rimari, gloriosum semper
ducas; imò ut Cœlestia magis magisq; in-
dagentur, excolantur, exornentur, gnavis
& gnaris Cœli Metatoribus seriò id dare
negotii soleas: fore ut AUGUSTISSI-
MA MAJESTAS TUA hancce qua-
lem qualem Machinulam Cœlestem, studio
evidem à me ac labore (ut de sumptibus
atq; impensis taceam) non exiguo condi-
tam, tum prætereà tot jam annis Cœlo ipsi
Stellato haud usque adeò invitâ Uraniâ ad-
hibitam, clementissimè admittere haud de-
dignetur. Annue igitur, PRÆGLORI-
OSISSIME REGUM, & tenuissimum
hoc Opusculum, ad Sideralem Scientiam fe-
licius excolendam, faciliusq; provehendam
unicè à me suscepimus; TUÆ verò Incom-

parabilis Benignitatis, Summæq; Munificen-
tiæ Immortali Beneficio in lucem protra-
ctum publicam, Placidissimo Vultu, Sere-
nisimisque Oculis intuere; tum Auctorem
quoque ipsum, humillimo id, devotissimo-
que, pro eo uti par est, animo contenden-
tem, Exoptatissimisq; MAJESTATIS AC
GRATIÆ TUÆ REGIÆ Radiis re-
creari, ut hactenus, porrò indulgentissimè
sine. Quod si impetravero, non solum eo
me nomine felicem, sed laborum etiam, &
vigiliarum mearum fructum longè maximum
consequutum existimabo: crescatque inde
animus, ut majori, quam unquam hactenus,
alacritate ea, quæ adhuc molior, cumq; Or-
be Erudito, si DEUS permiserit, commu-
nicare cogito, aliquantò, ut nonnulli judi-
cant, digniora & sublimiora, Organis hisce
nostris ex ipso hausta æthere, in Publicum,
Astronomicarum, uti confidimus, Artium
bono, proferam & protrudam. Quod su-
perest, DEUM O. M. ex intimis præcor-
diis veneror, ut TUÆ AUGUSTISSI-
MÆ REGIÆ MAJESTATI plurimos
vitæ annos, exoptatissimam valetudinem,

perpe-

perpetuamq; Felicitatem, ad Nominis
DIVINI Gloriam, Orbisq; Christiani, ac
Literati emolumentum maximum, Clemen-
tissimè largiatur. Dabam Dantisci, Anno
Millesimo Sexcentesimo Septuagesimo Ter-
tio, Sole in medio Leonis existente.

*SACRÆ, AC CHRISTIA-
NISSIMÆ MAJESTA-
TIS TUÆ,*

*Humilimus, ac Subje-
ctissimus*

J. HEVELIUS.



Almanach des empereur
Français

1772. Hauseau

INDEX CAPITUM

ATQUE

SERIES TOTIUS OPERIS.

CAPUT I.

De Instrumentis Astronomicis, tam Veterum, quam Recentiorum in genere.

CAPUT II.

De Quadrante Orichalcico.

CAPUT III.

De Sextante Orichalcico.

CAPUT IV.

De Sextante Chalybeo.

CAPUT V.

De Quadrante Horizontali ligneo.

CAPUT VI.

De Sextante Magno Ligneo.

CAP. VII.

De Octante Magno Ligneo.

CAPUT VIII.

De Quadrantibus Orichalcicis Minoribus.

CAPUT IX.

De Quadrante Magno Azimuthali.

CAPUT X.

De Quadrante Magno Horizontali Aeneo Volubili.

CAPUT XI.

De Sextante Magno Orichalcico

CAPUT XII.

De Octante Maximo Orichalcico.

CAPUT XIII.

De Sextante Portatili.

CAPUT XIV.

De Instrumentorum Pinnacidiis, sive Dioptris.

CAPUT XV.

De Instrumentorum Divisionibus.

CA-

CAPUT XVI.

De Instrumentis quibusdam, pro inveniendâ Lineâ Meridianâ & explorandâ Magnetis Declinatione.

CAPUT XVII.

De Horologiis.

CAPUT XVIII.

De Peculiari Machinula Helioscopicâ, pro Eclipsibus, Maculisque Solaribus exquisitè determinandis.

CAPUT XIX.

De quibusdam Telescopiis, eorumque Directionibus.

CAPUT XX.

De Tubi Optici Sexaginta pedum Constructione & Directione.

CAPUT XXI.

De Telescopio nostro Maximo.

CAPUT XXII.

De Peculiari Observatorio, maximis Telescopiis convenientissimo.

CAPUT XXIII.

De Lentibus Conicis elaborandis & expoliendis.


CAPUT XXIV.

De Stellæburgo nostro, diversisque Speculis Astronomicis.

ORDO FIGURARUM.

Figura	A inter pag. 96 & 97	Figura	Q inter pag. 270 & 271
	B inter pag. 102 & 103		R inter pag. 282 & 283
	C inter pag. 108 & 109		S inter pag. 300 & 301
	D inter pag. 114 & 115		T inter pag. 308 & 309
	E inter pag. 124 & 125		T* inter pag. 334 & 335
Figura	F inter pag. 132 & 133	Figura	V inter pag. 372 & 373
	G inter pag. 136 & 137		W inter pag. 374 & 375
	H inter pag. 150 & 151		X inter pag. 382 & 383
	I inter pag. 164 & 165		Y inter pag. 392 & 393
	K inter pag. 184 & 185		Z inter pag. 406 & 407
Figura	L inter pag. 200 & 201	Figura	AA inter pag. 410 & 411
	M inter pag. 222 & 223		BB inter pag. 420 & 421
	N inter pag. 242 & 243		CC inter pag. 428 & 429
	O inter pag. 254 & 255		DD inter pag. 432 & 433
	P inter pag. 264 & 265		EE inter pag. 444 & 445





JOHANNIS HEVELII
 IN
MACHINAM
COELESTEM
PRÆFATIO
 AD
 LECTOREM.



A Stronomiam, inter omnes disciplinas Mathematicas, caput altius exse-
 rere, ac præ aliis Scientiis plurimis lumi-
 ne naturali acquisitis, celsissimam hono-
 ris sedem jure merere, apud Eruditos
 haud cadit in disceptationem. Etenim
 non solum circa omnium Nobilissimum,
 ac pulcherrimum occupatur subjectum, circa corpora vi-
 delicet illa ætherea maxima, ac mirabilissima D E I opera,
 quorum amplitudinem, distantiam, & mirabilem, adeoq;
 multiplicem, ac abstrusissimum motum contemplatur, in-
 vestigat, plùs plùsq; detegit, tum ad seram, in rerum omni-
 um Conditoris Honorem, generisque humani maximam
 utilitatem, propagat Posteritatem; quin-etiam viâ metho-
 doque utitur res illas maximè dissitas, aliarumque rerum
 naturalium abditissimas explorandi, easque demonstran-
 di, quam reliquæ Artes & Scientiæ longè efficaciori, &
 certiori, ex ipsis scilicet Geometriæ, & Arithmeticæ fonti-
 bus, nec non oculari demonstratione, ac plurimis longâ
 temporum serie, debitibus Organis acquisitis observationi-
 bus deductâ, ac depromptâ.

*Astronomia
aliarū Ma-
thematicarū
Scientiarum
est Regina.*

*Circa pra-
stansissima
versatur ob-
jecta.*

*Solidis fun-
damentis, ac
firmissimis
innitiuit ra-
tionibus.*

A

Super

Super hæc, si totam hanc Mundi Machinam aliquantò penitiùs introspicimus ; quid ? quæso aliarum rerum omnium Sole Præstantius, Magnificentius, Lunâ pulchrius, Planetis , Stellisque omnibus admirabilius ac nobilius, universis ad enarrandam, & celebrandam DEI Gloriam unicè creatis.

Etherea corpora sunt magna fere Opera. Proinde ultrò largiendum, nihil etiam esse sublimius, præstantius, neque jucundius , laudabilius , utilius, que, quàm ex hoc Terreno corpusculo, in hâc fragili atque exiguo vitæ nostro curriculo, amplissima illa ac mira Cœlestia Corpora aliquantò penitiùs, in majorem Supremi Numinis, Operum Mirabilium cognitionem contemplari & perscrutari.

Res omnino sublimis, Cœlestium arcuvis dare operam. Quâ mens nostra, ut à Terrenis validissimè avocatur, sic econtrariò ad æterna illa nimiùm quantum deducitur , ac erigitur ; quò possimus eò intimiùs, Ävi Conditoris admirabilem Potentiam, inperscrutabilem Sapientiam, atque ineffabilem Bonitatem cognoscere.

Corda humana, Rerum etherearum Contemplatione, ad super Cœlestia mirè eriguntur. Quæ cum ita sint, utique genuina Astronomia, quæ nos eò ducit, aliarum Mathematicarum Scientiarum meritissimo jure est Nobilissima ac jucundissima ; quid quod simul multis aliis Artibus, Scientiis, Studiisque multum præbeat luminis, atque utilitatis. Exinde evenit, quòd nunquam non apud omnes Sapientiores , imò apud Reges & Principes, Sceptra Mundi tenentes , in summo honore ac pretio extiterit ; nihil potius habentes , quàm Eam omni memoriâ benignissimè protegere , magno animo conservare, quin-etiam strenuè se ipsos Ei navare posse operam.

Astronomiam nunquam non omni observantia culta, ac debita generatione prosequuntur. Quam impenso amore, & singulari veneratione Divinam hanc Sideralem Scientiam Philosophi Ethnici aliorum etiam Sapientiores prosequuti fuerint , partim Seneca Lib. VII. Cap. I. Natural. Quæst. hisce exprimit verbis : *Non aliud quis aut magnificentius quæsierit, aut didicerit utilius, quàm de Stellarum Siderumque naturâ :* partim Plato in Epinomide : *Nolite ignorare Astronomiam Sapientissimum quiddam esse.* Sic quoque Plinius, Vir magnæ Eruditionis Rerum Cœlestium Studiosos hâc egregiâ allocutione dignatus : *Macte,* (inquit) *ingenio este Cœli Interpretes, rerumque naturæ capaces ; argumenti repertores, quò Deus hominesque vicistis.* Rursùs *Ovidius*

vidius Poëtarum haud postremus, fortunatos beatosque deprædicat omnes Cœli Inspectores :

Felices animæ, quibus hæc cognoscere primis,

Inq; domus superas scandere cura fuit.

Sed non minus, qui Christo nomen dederunt Astronomiam plurimi fecerunt, ut Eam, tanquam Scientiam utilissimam, hominiique Christiano condignam, ejus dignitatem sustinere, ac propagare omnibus modis contenderint. Imò ipse Propheta, divino ductus instinctu, omnes quasi ad Contemplationem æthereorum Corporum serio adhortatur, ac impellit: *Attollite (exclamat) in sublime oculos vestros, & videte quis creaverit ista.* *Dominus est, qui educit in numero exercitum illarum;* omnes illas ex nomine vocat: *præ multitudine, & forti potentia ne unum quidem deest:* Cap. 40. Ac si dicere velit, Splendidissima, Amplissima, admirabilique motu prædicta hæcce corpora Cœlestia, in summo æthere, ordine planè incomprehensibili, à D E O, Mundi Artifice, non eo fine accensa, atque disposita sunt, ut ea nudè tantum, cum Brutis Animalibus adspiciamus, neque cum cœcutientibus Ethnicis vel vereamur, vel adoremus, divinove cultu veneremur; sed ut Gloriam ejus enarrent, & quam magna sint Jehovæ opera, loquente Rege, & Prophetā Davide: quò sic ex intuitu, & intimo re horum divinorum Operum contemplatione, Creatoris Sapientia, Potentia, Bonitas, & admiranda Directio magis magisq; nobis elucescat, ac innotescat; nec non corda nostra, ad puriorem Divini Numinis cultum, & debitā Venerationem erigantur. Præprimis, ut eò acriùs incitemur, ad agendas toto pectori gratias submississimas, quòd splendidissima illa Cœli Corpora, in maximum commodum totius humani generis creaverit, atque in eo admirabili, & invariabili ordine hucusq; planè conservaverit: quò perpetuò dividant, quemadmodum ipsa loquitur Sacra Scriptura, diem à nocte, & sint in signa, & tempora, & dies & annos, ad vitam mortalibus eò commodiùs in Altissimi Gloriam, proximiisque utilitatem, instituendam, & transfigendam.

Quam Christiani.

*Quin-etiam
Sacra Pagina
ne ipse ad
Specacula
rerum Cœlestium maxi-
moperè exci-
tant, invitā-
que homines
omnes.*

*Quem in fi-
nem?*

*Astra, ma-
xime huma-
no generi in-
serviant.*

*Scientia Si-
dere a homi-
nes mirum in
modum oble-
stat, atq; re-
creat.*

Quæ contemplationes Cœlestes , ut ad æternam salutem efficacissimè nos deducunt ; sic quoque animum non strum, præ cæteris ferè Scientiis omnibus , mirè recreant , atque oblectant ; attestante Cicerone Lib. IV. Academic.

Quæst. : *Est animorum (inquit) ingeniorumque naturale quoddam pabulum , consideratio , contemplatioque naturæ , præprimis rerum Cœlestium.* Et rursùs Lib. V. Tusc. Quæst. ; *Quid est dulcissus otio literato ? iis dico literis , quibus infinitatem rerum , atque naturæ , & in hoc ipso mundo , Cœlum etc: cognoscimus.* Cum primis , quid suavius , ac delectabilius , quam contemplari , suis met oculis perlustrare , hoc nostro præsertim tempore insignium & maximorum Telescopiorum adminiculo , tot ac tot amplissimorum Luminum genuinas facies , earumque miras varietates , vicissitudinesque , tūm perpetuò quidem variabilem , ordinatissimum tamen , ac constantissimum motum præ se ferentium.

*Astronomia
reliquas ferè
Scientias o-
mnes egregie
præmoveat, ac
exornat.*

De cætero , habet etiam Divina hæc nostra Scientia , in totâ vitâ humanâ amplissimam suam utilitatem , plurimaq; summè necessaria in reliquas Scientias Artesque confert ; non solum in Geometriam , Arithmeticam , Opticam , Gnomonicam , Harmonicam , & Mechanicam (quarum operâ pariter haud raro illa ipsa utitur) sed etiam in Medicinam , Agriculturam , Mercaturam , Rem Nauticam , Hydrographiam , Geographiam , & Chronologiam ; ita ut pleræque , absque Astronomiæ auxilio , nec rectè excoli , conservari , nec per se subsistere ullo modo queant.

*Tam Medi-
cinam, Agri-
culturam,
quam Mer-
caturam.*

Quid Sideralis Scientia in Medicinâ valeat satis superque habemus exploratum , etiam ex admonitione ipsius Galeni ad ægrotos , qui sibi caveant , suadet , ne se committant manibus Medicorum Astrologiam ignorantibus . Quam maximoperè insuper Agricultura , & Mercatura opus habeat Mensibus & Diebus , ad tempora rectè distinguenda , quarum præcisam quantitatem sola Astronomia præscripsit , ac ad certas leges reduxit , nullà fusiori probatione indiget . Hincque jam olim , dictam Scientiam , instar regulæ , pro exercendâ Agriculturâ , & Mercaturâ , habuerunt . Prisci enim priusquam Calendaria obtinuerunt , ex Side rum

rum Fixorum ortu & occasu, tempestates anni distinxerunt, atque opportuna tempora operum suorum observarunt.

Res item Nautica, an possit subsistere, ac adeò feliciter per totum Oceanum, ambitumque Terrenum, & quidem securissimè diu noctuque exerceri? nisi Nautæ saltem aliqualem Astronomiæ haberent cognitionem, ut possent altitudines Poli, Solis & Stellarum, hujusve generis alia convenientibus Instrumentis debite rimari? dijudicandum relinquo omnibus. Pariter Geographia ferè tota, ab Astrorum Scientiâ dependet. Namque non solum iisdem planè Polis circulisque in globis suis Terrestribus describendis, locisque distinguendis utitur, qui usurpantur alias in Cœlestibus; verùm etiam nisi ipsas Longitudines, Latitudinesque locorum ab ipsâ peteret Astronomiâ, posset ne vel ullius alicujus Regionis correctam delineationem, nedum descriptionem nobis exhibere? Non minùs Chronologia, num ad libellam, ac solide possit fundari, stabiliri, ac demonstrari, absque omni prorsus Calculo Eclipsium utriusq; Luminaris, ab Astrorum Interpretibus petito, nemō sibi facile persuadebit. Profectò, quid susciperent, præstarentq; Chronologi, Chronographi, Rerumque Geistarum Scriptores omnes, si veram cujusvis anni, Mensium & Dierum magnitudinem, Astronomi ex observacionibus Æquinoctiorum, & Solstitiorum deductam, ipsis non suppeditarent. Abundè equidem innotuit, silente ex parte Astronomiâ, vel potius dormitante leniter, currentibus quibusdam seculis, quanta extitit temporum aberratio, imò confusio; adeò ut jam Julii Cæsaris tempore, neque Messium feriæ æstate, neq; Vindemiarum autumno amplius competerent; Plutarcho, & Suetonio testibus. Quid postmodùm, successu temporis, in eodem negotio, circa Calendarium Julianum acciderit, & quid sine dubio, futuris seculis obtingeret, si cessaverit Astronomorum diligentia, Eruditi optimè perspiciunt. Omnium itaq; suffragio certissimum est, Annorum & Mensium veram distributionem, ab Astrorum Scientiâ unicè dependere.

*Nec non
Rem Nauti-
cam.*

*Geographi-
am.*

*Chronologi-
am.*

*Chronogra-
phiam.*

*Solâ Astro-
nomorum ca-
râ, atq; ope-
râ, genuina
annorū, Mē-
sium, ac die-
rum magni-
tudines ex-
plorantur, co-
servantur.*

*Olim tempo-
rum magna
extitit con-
turbatio.*

Hincque nec in Civilibus, nec in Ecclesiasticis negotiorum ordo, quamcunque etiam agas vitam, in quocunque etiam statu verteris debite conservari, nec Principatus, Regnave recte administrari, ac regi, sublato scilicet omni Calendario, (quo tamen hocce tempore ob Astrologia abusum, nihil ferè abjectius) ullo modo possunt.

Verum enimverò; quis quæso huic notitiæ primus jecit fundamenta? quis eam ordine hucusque certis limitibus circumscriptam conservavit? quis Lunæ, Solisq; defectus, Plenilunia, Novilunia, Quadraturas, reliquosque Siderum adspectus, homini scitu dignissima, imò non nunquam maximè necessaria, omni tempore, tam in præteritum, quàm futurum supputat, ac determinat? quis dierum noctiumque inæqualem prolixitatem, Siderum, Solis, Lunæque ortum & occasum, pro quovis Horizonte, ad præcognoscendum Maris æstum, ut reliqua præteream quamplurima, in maximum usum totius humani generis planissimè designat, & verissimè prænuntiat? Nonne Fastos, Cyclosque apud Græciæ Asiacq; Pompulos, Meton, Eutemon, Oenopides, Cliostratus, Eudoxus, & Calippus digesferunt? nonne hi Siderum fuerunt Periti? nonne apud Romanos id ipsum præstitit Julius Cæsar, hâc Scientiâ probè imbutus, cum Flavio Scribâ, & Sosigene, eum in finem ex Ægypto accersito. Sed omnes utilitates hîc ordine recensere, quas uberrimè ad omnes ferè Artes Mechanicas, tam Civiles, quàm Militares, in Studium Physicum, totamque Philosophiam, partim etiam ad ipsam Theologiam adfert, non est hujus loci; in summâ, ut brevibus saltem dicam, habent, quod ex Astronomiæ fontibus hauriant; Agricolæ, Milites, Mercatores, Nautæ, Mechanici, Chronologi, Geographi, Hydrographi, Cosmographi, Philosophi, Medici, Jurisperiti, Politici, Theologi, Principes, Civesque, homines plerique omnes.

His igitur de caussis adducti, ut non tantum à quibusdam seculis, sed ab ipso statim Mundi primordio, præcipua mortalium nomina, imò Capita, utpote Principes, Reges

*Calendari-
um habet
maximâ ne-
cessitatem.*

*Cœli Meta-
tores quid
præstiterint.*

*Præclaris-
sima Astro-
nomorum no-
mina.*

*Homines fe-
rè omnes, de
Scientiâ A-
stronomicâ,
hanc levia
deponunt.*

ges, Imperatores, & Monarchæ omnem moverint lapidem, quò hanc Sublimem Sideralem Scientiam, curâ & cogitatione, ex ipsis tenebris primum eruerent, deinde quoq; exornarent, locupletarent, atque ad seram seriò transferrent Posterioritatem, ob ejus Præstantiam, jucunditatem, utilitatem, ac necessitatem; adeò ut ab omnibus, licet aliquali duntaxat lumine naturæ imbutis in summo semper honore ac pretio, tam ipsa Divina hæc Astrorum Scientia, quam Ejus Repertores & Interpretes, præsertim præstantiores, qui præ cœteris, præclaro aliquo invento Eam ditaverint, habiti fuerint.

Olim apud Gentem Asiaticam, cum primis apud Persas, nemo in Regem creabatur, nisi Magorum, hoc est, Astronomorum disciplinis imbutus esset. Simili modo Sinensium, qui Prudentiâ & Ingenio paucissimis Populis cedunt, mos est vetustissimus, ad hæc usque tempora sanctè conservatus, ut Scientiæ Astronomicæ imbutos, etiam ad summas præfecturas, & dignitates admittant. Quàm impenso amore, & honore, Europæi Principes, ac Reges Christiani, ut olim, sic & nunc eandem Scientiam habeant, & quàm Benignissimè & Liberalissimè ejus Cultores, veros videlicet Astronomos præ cœteris excellentiores assiduè excipient, ex sequentibus patebit. Quinam autē isti opere ipso sint, ex Sapientissimi Platonis dictis sub finem Epinomidis, tūm Cl. Crügeri, Præceptoris olim mei honoratissimi, super iisdem verbis, commentariolo, affatim est perspicuum: *Nempe necesse est* (inquit Plato) *verum Astronomum esse non eum, qui secundum Hesiodum, omnesque hujusmodi occasum ortumque consideret* (qui Calendaria, adhæc addit Crügerus, & alia secundum Kepleri, aliorumque Ephemerides scribit) *sed eum potius* (pergit Plato) *qui circuitus octo* (nempe, addit Crügerus, Septem Planetarum & primi mobilis) *& quomodo septem sub primo versentur, quove ordine circulos suos singuli peragant* (hoc est, addit Crügerus, eum potius, qui Ephemeridum fundamenta intelligit).

Hujus generis Viri, inquam, per totam Europam, apud Principes, ac Reges plurimum semper valueré, & haud mediocri dignati sunt honore: quorum Magnatum haud pauci

Rem Sidera-
lem excole-
ret, promove-
ret.

*Ut Asiatici
olim, sic &
nunc Europei
Populi Astro-
nomie verè
Peritos in
maximo ha-
bent honore.*

*Quisnam
sit genuinus
Astronomus
ex mente
Platonis &
Crügeri.*

*Quinam
olim ex Prin-
cipibus Chris-
tianis, præ a-
liis Astrorū
Sci-*

*Scientiam, e-
jusq; Cul-
res in deliciis
habuere.*

pauci sanè extiterunt, qui hisce studiis impensè & favére, & maximo ardore etiam ipsimet excoluérē: utpote Carolus Magnus, Fridericus II & III, Carolus V, Rudolphus II Imperatores; Alphonsus Hispanorum, Matthias Pannoniæ, Fridericus Daniæ Reges; Wilhelmus Princeps Hassiæ, reliquos ut taceam quām plurimos, qui incomparabili Gratiâ Siderum Scrutatores, ad Studia Astronomica excolenda, & restauranda foverunt, luculentissimâ Munificentiâ excitarunt, maximosque, & incredibiles sumptus in ipsas operas erogarunt.

*Et hoc nostro
ævo Maximi
Rerum Side-
ralium inve-
niuntur Me-
cœnates, ac
Promotores.*

*Inter quos
Ludovicus
XIV, Rex
Christianisfi-
mus jure e-
minet.*

Verūm haud operæ pretium est, eos hīc prolixè recensere Evergetas, Promotores, ac Patronos, qui elapsis jam seculis extitère; sufficiat, hoc nostro ipso tempore, non solum qui jure iis æquiparandi, sed etiam longè sunt anteferendi, Dei Gratia, florent: quorum Gloriæ, ac Heroicarum Virtutum Splendor, donec Sidera existent, nunquam in Mundo, præsertim apud Astronomiæ deditos evanescet. Et ut unicum aut alterum tantūm ex eo ordine hujus ævi Maximum, & Incomparabilem Astronomicorum Studiorum Mecœnatem attingam: quām Benignum, quām Munificum Ludovicus XIV, Rex Christianissimus se præbet huic Siderali Scientiæ; quantâ Clementiâ, & Famentiâ dignatur Siderum Inspectores, & quidem non eos solummodo, qui Regno suo subsunt; sed etiam hinc inde alios, in angulo licet latitantes. Quām Illustre Collegium ex Præstantissimis, & Eruditissimis hujus Seculi Viris, Astronomiæ bono, fundavit, ac liberalissimè Ei prospexit; quām Splendidum, & Magnificum, optimis Organis diversissimi generis ditatum, & exornatum Uraniburgum, immensis sumptibus extrui curavit.

*Corolus II,
Rex Magnæ
Britannie
Studiorum
Cœlestium
Maximus
quoq; Ever-
getes.*

Nec attinet prorsùs silentio præterire Laudatissimum Regem Magnæ Britanniæ, Carolum II, qui Illustrissimam Nostram Societatem à se primùm gloriose conditam, nunquam non Gratia, ac Protectione Suâ dignam judicat, nihil planè intermittens, quod ad honorem, & commodum, præcipue Astronomicorum Studiorum vergere possit.

Ex his itaque satis evidenter evadit manifestum; cùm omni memoriâ Eximii Mecœnates, Maximiique Fautores singulari propensione, ac voluntate erga Rem Astronomiæ dediti extiterint, tum etiam idonea Subjecta in Mundi prodierint; utique D E U M O. M., qui ista Immensa, ac maximè Admiranda Cœlestia Corpora, statim initio Mundi, homini ad contemplandum in altissimo Æthere exposuit, porrò pro Suâ Infinitâ Misericordiâ prospecturum, quò hocce nostrum Sidereum Studium, in Divinissimi Sui Nominis Gloriam, maximumque totius humani generis commodum, plūs plusque excoli, & ad extremum Mundi terminum feliciter conservari non nequeat.

Magna nos etiam spes tenet, quin Omnipotens hujus voti nos compotes reddat; quippe qui nunquam non adeò Benignissimo oculo Scientiam hanc Sideralem respexit, ut ab ipso primordio vix seculum elapsum fuerit, quo Deus, si non plures, saltem unum aut alterum virum habilem, ingenioque pollentem, pro illo studio promovendo Clementissimè nasci voluerit, maximo ipsis indito ardore, ut si amplius progreedi non licuerit, saltem illud conservare optimis modis contenderint: imò nonnulli quandoque exorti sunt, quorum ingeniosis studiis, ac indefessis laboribus haud parùm illa Scientia Divina crevit, & asurrexit. Sic ut manifestissimè pateat, licet ejusmodi Præstantissimi Viri in magnâ frequentiâ ubivis locorum obviām se nobis minimè ferant, qui maximo conamine res illas tractent, ac suscipiant; nihilominus tamen aliqui minimum omni tempore, modo ex his, modo illis Gentibus exoriuntur, quibus Arcana hæc Cœlestia penitus introspicere, ampliusque detegere omnino curæ, cordique est: prout Doctissimus Causinus in Procœmio Lib. de Domo DEI, rectè sentit: *Vix tamen permittit Deus esse nationes à cœla tam remotas, ut aliqui existant, qui arcanum non habeant cum Stellis commercium.*

Principiò quidem maxima pars horum virorum in Regionibus Orientalioribus extitit, utpote in Chaldæâ, Persiâ, Ægypto & Arabiâ; ubi quoque prima Astronomiæ iacta fuerunt fundamenta; postea vero successu temporis,

*Ex quibus
maxime elu-
ceat, Deum
velle Astro-
nomicam Sci-
entiam ad in-
teriorum Mun-
di usque con-
servare.*

*Omni tem-
pore Deus u-
num aut alie-
rum Sudii
Astronomici
Cultorem ex-
citavit.*

*Modo in his,
modo illis Re-
gionib⁹, Stel-
larum exer-
cetur Com-
merciū.*

*Ubinam A-
stronomia
primi us fuc-
rit exculta;
& quomodo
ad*

*ad alios atq;
alios migra-
verit Popu-
los.*

(velut in toto hoc Mundo res suas habent vices, maximisq; mutationibus sunt obnoxiae) in Græciâ plurimi sunt excitati ; hinc in Italiam, Germaniam, Galliam & Angliam migrarunt ; & denique etiam apud Populos Borialiores, in Daniâ videlicet ac Prussiâ aliqui sedem fixerunt. Et quemadmodum apud Asiaticos hæc Astronomica Scientia paullatim defloruit ; sic rursus apud Europæos vigescere incepit, ac successivè mirum in modum crevit : sicut ex dicendis clariùs patebit.

*Asiaticis
Gembis,
tanquam pri-
mis Sideralis
Scientia Re-
peritoribus o-
mnino debe-
tur laurea ;
sed quibus re-
vera, sub ju-
dice adhuc lis-
eß.*

Gloriam autem libentissimo animo Gentibus Orientibus concedimus, quod primi omnium extiterint Astronomiæ Repertores, ac Commentatores ; verum quibus ex istis Populis, cùm plurimi ad Orientem refederint, præcipius debeatur honos, & quo loco revera ea Scientia originem traxerit, tum quisnam Inventorum fuerit antesignanus, adhuc disceptatur. Extra quidem controversiam est, Scientiam Rerum Astronomicarum cum primis hominibus ortum suum duxisse. Fieri enim vix potuit, quod illa splendida Cœli Corpora, quorum alia ferè in diem, imò horam, adeò evidentes vicissitudines exhibent, utpote Luna suo incremento & decremento, Sidera circa ortum & occasum, quoad motum tum diurnum, tum annum, item deliquia Luminarium, modò colore, modò quantitate & duratione longè diversissima, oculos mentesque hominum, cujuscunque etiam fuerint nationis, etiam primo intuitu, multò maximè non perstrinxerint, in admirationem protraxerint, nec non ad cultum Supremi Numinis, harum rerum omnium Directoris, etiam quosvis stupidissimos validissimè inflammaverint. Nec ullum est dubium, quin etiam nonnulli cordatores, & præ cœteris singulâri sapientiâ prædicti ab istis miris Cœli phænomenis, partim novitate rei perculti, partim etiam ex insitâ illâ naturali inclinatione, quâ mens humana ad Scientias propendet, maximoperè excitati fuerint, ad ea magis magisque rimanda, atque exploranda. Namque Deus, ut homines omnes cupientes, & capaces fecit Scientiarum, sic naturâ trahuntur, & ducuntur ad Scientiæ cupiditatem.

*A primo
statim mun-
di primordio,
homines A-
stronomie o-
peram dedi-
se, existimat
auctor.*

*Omnis ho-
mines na-
turali propen-
sione inhabitan-
Scientius.*

Nec ullum est dubium, quin etiam nonnulli cordatores, & præ cœteris singulâri sapientiâ prædicti ab istis miris Cœli phænomenis, partim novitate rei perculti, partim etiam ex insitâ illâ naturali inclinatione, quâ mens humana ad Scientias propendet, maximoperè excitati fuerint, ad ea magis magisque rimanda, atque exploranda. Namque Deus, ut homines omnes cupientes, & capaces fecit Scientiarum, sic naturâ trahuntur, & ducuntur ad Scientiæ cupiditatem.

Num

Num autem Sethi Filii Nepotesque, nullâ morâ interpositâ, Uraniam colere inceperint, ejusque pomeria protinus dilataverint, Josepho Auctore? & utrum Abraham primus extiterit, qui hanc Scientiam Ägyptiis tradidit? an vero Josephus, Abrahami pronepos Eam ab Ägyptiis acceperit? an hic ab illis Illam didicerit? in Sacris literis ne quidem vestigium invenimus; atque sic sub judice adhuc lis est. Tempore tamen Moysis anno circiter ante Christum 1550 vel paullò etiam citius, Judæorum scilicet & Jobi temporibus, jam ex parte Sideralem Scientiam innotuisse, etiam Chaldæis & Babylonii non omnino incognitam fuisse, ex Prophetis ipsis quidem satis superque liquet; sed quo anno, quove loco, si rem scrupulosius aliquantò desideremus, Divina Cœlestium Cognitio sua genuina cœperit primordia, planè nescitur.

Quicquid tamen sit, mihi quidem non adeò alienum à veritate esse videtur; Studia Astronomica non tantum Noæ temporibus, sed fortassis etiam aliquantò adhuc citius, ante videlicet Diluvium partim jam detecta fuisse. Quandoquidem ipsis quoque Patriarchis Annus & Menses benè innotuerunt. Nec multùm abest, quin persuasum cum quibusdam habeam, ipsum Adamum priorem extitisse omnium, qui cum Filiis, Nepotibusque suis de istis Arcanis haud parùm disseruerit. Nam, cùm primulus extiterit mortalium, qui magna illa Cœli Luminaria adspexerit, & quidem longè majori naturæ lumine, quàm ullus subsequentium, imbutus; utique credibile est, ab harum sublimium Rerum Contemplationibus mirificè eum fuisse accensum, & tot continuis seculis, quibus vixit, sine omni dubio plurima ex Astris deprehendisse, eaqué prolixissimè, tanquam DEI maxima Miracula, Prognatos suos haud leviusculis commentariis docuisse; quòd sic aliquantò paullatim successu temporis ad penitiorem harum rerum cognitionem, magis magisque scrutando, ac prioribus vestigiis insistendo, haud difficulter pervenire potuerint.

A quibus deinde, post videlicet Diluvium, ad plures diversos Populos dubio procul hæc Venerabilis Scientia emanavit,

*Quisnam
ex Patriar-
chis Sideralis
Scientiae pri-
mus fuerit
Detector.*

*Moysis &
Jobi tempori-
bus, Studium
Astronomicum
haud ampli-
us latuisse
certum est.*

*Etiam an-
te Diluvium
dieta Scientia
jam parte fu-
it cognita.*

*Auctor sibi
penè persua-
det, Adamū
fuisse primū
Rerū Cœle-
stium Con-
templatorem.*

*Post Dilu-
vium Divina
hæc*

*hac Scientia
ad diversos
transit Po-
polos.*

*Quinam ex
Ethnici pri-
mi fuerint Si-
derum Obser-
vatores.*

navit, qui conjunctim deinceps Ei operam navarunt, Observationibusque invigilarunt. Inter Ethnicos autem quinam fuerint omnino priores, an Chaldæi, an verò Aegyptii? non adeò promptum est, ob Historiarum defectum, dijudicare. Rationi tamen magis videtur esse consentaneum, etiam ex ipsis Observationibus procliviùs demonstratu, Scientiam hanc Sideralem, veluti primùm ex Asiâ, à Patriarchis, ita quoque omnium primò ad Chaldæos, Asfyrios & Babylonios profluxisse. Utrum autem prorsùs in Abrahamum, vel ejus Patrem Thare (qui, ut Philo vult, harum rerum jam benè gnarus extitit) dicta Scientia primitùs ceciderit; an verò ad alios quoque Chaldæos simul transierit? non ausim adeò certò affirmare; posterius tamen magis amplectendum esse censeo: id quod Chaldæorum Observationibus 330 ferè annis ante Abrahami tempora perfectis haud difficulter corroborari potest: dummodò Historiis temporumque rationibus tutò insistere queamus: de quibus autem mox pleniùs.

*Chaldaeos A-
egyptiis fuisse
quidem prio-
res in Scientiâ
Siderâ; sed
ea protinus in
Astrologiam
divinatricem
commutarunt.*

Omnino igitur statuendum, hanc gloriam Chaldæis referendam esse, quòd citius, quàm reliquæ Gentes Astronomiam coluerint; sed eam protinus in Astrologiam, Artemque divinandi & futura prædicendi commutarunt. Nam quicquid notitiæ tam Aegyptii, quàm Chaldæi habuere de Sideribus, id ad Astromantiam totum retulére, atque idcirco apud illos non Astronomia germana, quàm spuria, hoc est, Astrologia divinatrix viguit: ut recte loquitur GasSENDUS in præfatione ad vitam Tycho-nis. Ut plurimum enim pro Genethliacis habitu fuerunt, qui cùm Magicis Artibus commercium habebant: unde conjicere licet, vel parùm admodùm de verâ Scientiâ Siderali, quæ Cœlestium Corporum motum, distantiam, magnitudinem, hujusque generis alia contemplatur ac rimatur, fuisse sollicitos.

*Alii primam
cognitionē Re-
rum Astrono-
micarū A-
egyptiis relin-
quunt.*

Inveniuntur quidē alii, qui primam Astronomiæ inventionem Aegyptiis attribuant; ex eo quòd Babylonie Aegyptiorum fuerit Colonia: ut vult Diodorus Siculus. Verum si lis hæc dirimi debeat ex ipsis Observationibus, ab utrāq; Gente habitis, palma sanè Chaldæis & Babylonii debetur.

Et-

Etenim Ägyptiorum Observata ferè nulla ante Alexandri Magni tempora (nisi fortè perierint) extiterunt; atvero Chaldæi, & Babylonii, Observationes habuerunt ab annis 1993 ad usque Babylonem ab Alexandre captam, ut Callisthenes, cùm Babylone ageret, ad Aristotelem perscripsit, & à Porphyrio relatum est. Coepissent igitur observare initio Asyriorum Monarchiæ, imò statim ab ipso Diluvio, in annum ante Christum 2298 ferè incidente; atque ita ipsæ Observationes anno A. C. 2334 principium ducerent; si res solido fundamento niteretur.

Quanquam Eclipses Chaldæorum à Ptolomæo annotatae, non ultra annum A. C. 718, ad annum videlicet secundum Mardocempadi, & tempora Ezechielis Prophetæ procedunt: id quod etiam Plinius corroborare videtur, dum inquit: Epiginem non antiquiores, apud Babylonios, reperisse Observationes, quām septingentorum viginti annorum coctilibus laterculis inscriptas.

Si igitur Observationibus, & Historiis unicè insistentium, ut etiam meritò debet, possent alii Asiatici populi primatum hunc Chaldæorum in controversiam vocare; Chinenses nimirùm: qui non solum inter Vetustissimos jure numerantur, sed etiam Rei Astronomicæ notitiam jam à benè multis habuere annis. Auctor est Martinius in præfatione Atlantis Sinensis: *Mathematicas Scientias antiquissimas fuisse apud Sinas ferunt, quod & antiquissimæ Siderum Observationes abundè ostendunt;* sed quales fuere, & quo tempore peractæ fuerint, non meminit ibidem, verūm tantummodo, quòd literas, atque Historiam habuere à ter mille annis ante Christum natum, à tempore Henochii, ab anno vide-licet Periodi Julianæ 1712. Num autem etiam ab eo jam tempore Observationes habuerint, ex dictis haud adeò certò conicere licet. Hoc tamen liquidissimum est, ut clare innuit modo citatus Martinius p. 62 Atl. Chin: nimirùm Magnum Chinensium Mathematicum jam tempore Samuelis prophetæ, anno scilicet ante Christum 1120 Observationibus operam dedisse: *In eâ (civitate nempe Teng-fang) spectatur (inquit) etiamnum ingens regula supra æneum planum*

*Quo tempore
Ägyptii in
ceperint ob-
servare.*

*Chaldei mul-
tè ciuius Ob-
servaciones
instaurerunt.*

*Quando E-
clipses incep-
runt observa-
re Chaldaei*

*Chinenses lon-
gè adhuc citi-
us Chaldaei,
Sidera obser-
vasse proba-
tur.*

*Samuelis
Prophetæ te-
pore jam Re-
bus cœlestibus
invigilavit
Cheungus
Astronomus
Chinensis.*

*Ubi, quibus
Instrumentis,
& qualia ob-
servationis.*

ad perpendiculum erēcta, in certas divisa partes, uti & in ipsa plani superficie linea extensa in suas etiam partes distributa, quo Instrumento Cheucungus, magnus ille apud Sinas Astrologus & Mathematicus, summisque totius olim Imperii præfectus umbram Meridianam observabat, atque inde altitudinem Poli, ceteraque, quæ ex ea colligi possunt, venabatur. Vixit is ante Christum natum annis mille centum & viginti, ibidem visitur turris, in qua solitus Syderum notare cursus ac conversiones, dicta Quonsing tai, hoc est, aspiciendorum Syderum turris.

*Chinenses ja
anno A. C.
1120 hand
levia in A-
stronomiā
peregerunt.* Atque hæc abundè ostendunt, Chinenses jam anno A. C. 1120, non tantùm rudiorem Sideralis Scientiæ cognitionem habuisse, sed etiam plurima haud leviuscula jam penetrasse. Cùm Instrumenta non adeò inepita, ad Observations Cœlestes adhibuerint, ad altitudinem scilicet Solis Meridianam, Polique Elevationem explorandam. Id quod sanè vix quisquam mihi facile persuaderet: hosce nimirūm populos, tam longo temporis intervallo, priusquam Chaldæis Ægyptiisque hæc de re quicquam (quantum memoriæ proditum est) innotuerit, tantos in Astronomicis jam fecisse progressus, etiam ipsam eandem turrim, cum eo ipso Instrumento, quo Cheucungus ad Astra usus est, ad hæc usque tempora integra ac salva conservari, nisi evidenteribus argumentis, vix contextis & cerebro fictis, ea omnia evincerentur.

*Chinenses
præ omnibus
aliis Gentibus
Historias ha-
bent vetustis-
simas.* Constat enim ex Chinensium Historiis, quas præ omnibus aliis populis in hunc usque diem possident vetustissimas, eos antiquissimis vetustate documentis gaudere, Observationesque longè vetustiores, quam ulli reliquarum Gentium posse producere: quemadmodum Martinus in Suâ Historiâ Sinicâ pag. 15 sancte confirmare videtur: nempe sub Imperatore Tertio Hoangtio, anno ante Christum 2697, eo ferè tempore, quo Enoch mortuus, vivente adhuc Methusalah, anno videlicet

*Anno ante
C. 2697 Chi-
nenes Cyclo-
nem, Polum,
Sphæram, a-
liaque pluri-
ma detege-
runt.* Periodi Julianæ 962, Tanaus (Imperatoris Præfectus) cyclum Solis (sexaginta annorum) quo Sinæ in hunc etiamnum diem utuntur, perfecit anno ante vulgarem Christi Epocham bis millesimo sexcentesimo septuagesimo cycli primi, ut & hujus Imperatoris vigesimo octavo. Alter (Præfectus) Yumchinius polum & stellas illi proprias primus observavit, & Instrumento quopiam, cuius formam Scriptores non tradunt, sphæra

rā utique Cœli orbem repræsentante Cœlestis Orbis figuram imitatus est; multa præterea usu expertus, è quibus aëris ac Cœli inferioris mutationes deprehendi queant. Rursùs sub Quinto Imperatore Chuenttious anno ante Christum bis millesimo quingentesimo decimo tertio, Periodi verò Julianæ millesimo ducentesimo quadragesimo octavo, eodem penè anno, quo Adam mortuus, juxta nostrum calculum pag. 21 meminit dictus Author: Tradunt ab eo (Imperatore scilicet) Calendarium toto Regno publicatum receptumque. Scripsit etiam Ephemerides quinque Planetarum, quos dum imperabat, omnes in Cœlo conjunctos vidit eo die, quo est observata Solis & Lunæ conjunctio. Et hunc diem primum illius anni esse voluit, prout Author Sinicarum rerum in Constellatione XE dictâ indicat; quæ nunc circa gradum decimum octavum Piscium incipiens, ad quartum usque Arietis extenditur. Pergit: fortassis hæc est illa Planetarum celebris in uno Signo conjunctio, quam asserunt Europæi Chronologi Nœtica ætate fuisse. Quid ad hæc illi, qui annos retro pauciores ad Diluvium Nœticum numerant, dicturi sint, nescio etc: Ajo tamen hanc omnino primam esse stellarum Observationem, de quâ quidem conveniat inter authores. Quid ad hæc Europæi nostri? ego sanctè assevero, me in Historiâ Sinicâ, de quâ dixi, Observationem in istius Imperatoris ætis invenisse: hæc ille.

De Septimo Chinensium Imperatore Yaus vivente, anno ante Christum bis millesimo trecentesimo quinquagesimo septimo, sexagesimo videlicet ante Diluvium, Noæ tempore, secundum nostrum computum, refert idem Martinius pag. 25 Hist. Sinic: Siderum contemplatione se cumprimis oblectans, anni dimensionem nonnullis erroribus obnoxiam restituit; mensem quoque intercalarem & abundantem ad debitum ordinem rededit. Ad quod efficiendum duorum virorum opera usus est, & in eâ facultate præstantium; quorum unus Hius, alter Hous nominabatur. Hos ad assiduam magni Cœli venerationem cohortatus, jussit varia ad Mathesin opportuna Instrumenta conficere; Lunæ quoque stellarumque motus diligenter observare; agriculturæ ritè exercendæ præcepta inde ad vulgi usum eruere; ac demum summâ accuratione hiemale Solstictium notare. Intererat enim illam Solis conversionem à Rege non ignorari, quod eo die cuncta officia ministris distribuere consuesset: etc: Ut verò ad Solstictium (pergit) redeamus, ajunt Sinici Scriptores, illud iis temporibus circa primum gradium

Paullo post
Adamū Chinenses jam
Calendarium & Ephemerides habuerunt:

Quo anno
Chinenses o-
mnès Plane-
tas, in uno eo-
demq; Signo
conjunctos viz
derint.

Diluvium;
juxta Chinenz
ses, longè ci-
tius incidit.

Annū &
Menses, jam
Noæ tempore;
si credendum
Chinensis;
restituerunt
Hius & Hous
us.

Èodem tem-
pore Instru-
mētis Lunara
Stellasq; di-
mensi sunt.

Solstictium
Brumale quâ
paris

*parte Cœli ini-
tiò à Chinen-
sibus fuerit ob-
servatorum.* dum Constellationis Hiu observatum, quæ modò initium circa decimum octavum gradum Aquarii sumit. Quæ ratio si est approbanda, Solstitium ultra quadraginta & octo gradus ab ortu suo interea deflexisse necessum. Certè quidam ex iis, qui librum Xuking interpretati sunt, affirmare non dubitat, imperante Chincungo è Sungæ familiâ, anno post Christum natum millesimo quinto Solstitium à superiori Observatione jam deprehensa à quadraginta duobus gradibus ab annis ter mille trecentis quadraginta duabus mutasse. Prima enim illius Observatio fuit annis ante Christum bis mille trecentis triginta septem.

*Variatio Sol-
sticiorum quan-
ta jam fuerit
deprehensa à
Chinenibus
anno post Chri-
stum 1005.* Denique ipse auctor quoque annotat, sub Quarto Imperatore Familiae Hiaæ Chumkango, anno ante Christum bis millesimo centesimo quinquagesimo octavo, & centesimo ferè anno post Diluvium, memorabilem Eclipsin accidisse, dum Sol Sidus aut constellationem FANG dictam obtineret, quæ nunc tempore A. C. ferè poris circa vigesimum octavum gradum Scorpii est. Eam quòd Astrologi Regii per incuriam non prædixerant, morte multati sunt. Annum hujus Eclipsis non eundem apud omnes reperio. Alii asserunt eam altero anno hujus Imperatoris ante Christum bis millesimo centesimo quinquagesimo octavo contigisse; alii in sextum ejusdem annum referunt, qui foret ante Christum bis millesimus centesimus quinquagesimus quartus.

*Chinenium
annotata non
omnino rejici-
enda esse vi-
dentur.* *Chinenes lon-
gè vetustiores
Observatio-
nes, quam Ä-
gyptii & Chal-
dæi proferunt.* *Cum qua-
dringentis fe-
rè* Enimvero, hæc inter luculentiora merito referuntur testimonia, nisi quis omnia commenta esse dixerit, Historiamque Chinensium omnem penitus rejecerit. Quanquam, meâ opinione, ea omnino repudiari vix possunt, quæ tempora, Auctorum nomina, multa singularia, Observationsque ipsas referunt; cum primis non videntur esse de nihilo, quæ de utroque Solstitio Brumali observato, deque intervallo inter utrumque Solstitium elapso est annotatum. In summâ, ex modò citatis clarè elucet, Chinenses omnium Asiaticarum Gentium multò evidentiora documenta, Observationsque longè vetustiores in medium adducere, etiam quam ipsi Ägyptii, & Chaldæi. Etenim jam anno bis millesimo quingentesimo decimo tertio ante Christum, universorum Errorum Synodum, sub decessum ferè Adami deprehenderunt, nec non Calendaria, ac Ephemerides construxerunt. Adhæc ante bis, vel ter mille annos ante natum Christum jam Organis Solstitia, motum Plane-

Planetarum, Altitudinesq; Poli observarunt, & hujus generis alia. Imò posito, Callisthenis relationem esse certam, Chaldæos scilicet ab annis mille nongentis nonaginta tribus ad tempora usque Alexandri Observationes habuise; nihilo tamen minùs isti Chinenses quadringentis annis pro- pemedùm citius, si fides illorum Historiis est adhibenda, Observationibus operam dederunt: sic ut optimo jure, inter omnes Gentiles Chinensibus laurea debeatur.

Verùm satis admirari nequeo, cùm dicti Chinenses jam à tot ac tot mille annis haud adeò leviusculam Rerum Astronomicarum notitiam, tum notabiles Observationes habuerint, easque etiam hucusq; probè conservaverint, adjectis plurimis aliis assiduè ex ipso Cœlo deductis, qui factum fuerit, quòd non longè majores, quàm nostri Europæi, in èa Scientiâ fecerint progressus: utut Europæi de illorum vetustissimis Observationibus, quantum sciam, nil quicquam hactenus, sed tantùm paucissima quædam Babyloniorum & Hipparchi Observata obtinuerint, exceptis iis, quæ proximis elapsis quibusdam seculis, indefeso studio sibimet ipsis compararunt.

Sed nimis hæc multa de iis; sufficiat, abundè esse ostensum, Scientiam Sidereum ab Asiaticis, præsertim Chinensibus primam suam duxisse originem; qui tamen sine dubio non à se ipsis, sed à Noà, vel Primis Patriarchis eam hauserunt. Cùm liquidum sit ex superioribus, quod Chinensium Observationes, in tempora Primorum Patriarcharum incidere videantur. Quomodo autem hæc cum Chronologiâ nostrâ convenient, quæ annos pauciores etiam inter ipsum Diluvium statuit, relinquo Theologis, ac Chronologis dirimendum; mihi hæc vice nihil amplius incumbit, quàm breviter ostendere, quinam præcipue inter Gentiles, meâ solùm opinione, Divinæ Astronomiæ primi fuerint Repertores, & Fundatores. Nunc ulterius progrediendo speciatim inquiramus in ipsos primos Auctores, quo ad Historiæ permittent, quinam nimirum illi fuerint? quidnam alias præ alio hæc in Arte invenerit, & præstiterit? tum quomodo Scientiam Sideralem de die in diem plùs plùsque

rè annis, Chi-
nenses citius
Astris invigi-
laverint, me-
riò his Popu-
lis debetur pri-
ma gloria.

*Europæi etiā-
si destituti fue-
rint illis veru-
stissimis Ob-
servationibus,
longè tamen in
hac Scientiâ
Astronomica
Chinenses nunc
superant.*

*A quibus Chi-
nenses didice-
rint Res Cœle-
stes.*

*Computū an-
norū inter Di-
luvium, Theo-
logis & Chro-
nologis relin-
quit auctor.*

*Quisnā inter
Gentiles prim⁹
fuerit Astrono-
mia Detectoř,
& quomodo
succesivè cre-
verū Scienzia.*

Nihil ab initio absoluū. emendaverint, promoverint, atque excoluerint. Facile enim colligitur, Astronomiam haud protinus ab ipso exordio, ad eam perfectionem potuisse pervenire, ad quam quidem tractu diuturnioris temporis, multo labore studioque indefesso, paullatim fuit perducta. Nam, *nulla res consummata cum incipit*, loquente Senecâ; & usu, atque exercitatione hominibus Ars, atque Scientia comparatur. Adhæc

*Studium Si-
dereū succes-
su temporis
redditur per-
fectius.* quicquid in toto extat Mundo, habet suum principium, & progressum. Sic quoque nostra Studia Cœlestia possunt utique progressu ævi absolutiora reddi, si non cessaverit

Posteritatis diligentia. Quippe plurima multis primùm elapsis annis, imò seculis cognoscuntur, & deprehenduntur, quæ antea prorsus in occulto latebant, & exploratu vide-

*Recentiores
in Scientiâ
Astronomicâ
promovendâ
Antiquiorib⁹
multò semper
sunt felicio-
res.* bantur impossibilia. Unde etiam accidit, quod Laudatissimi Astronomi Veteres, licet pari ingenio, ac industriâ rem tentaverint, eò usque progredi, quām quidem Recentiores nunquam potuerint: qui omni tempore multò illis feliciores in rebus Uranicis detegendis, & excolendis extiterunt; ut clarius ex dicendis patebit. Arduæ enim res,

*Abstrusissi-
ma res non-
nisi lente &
paullatim de-
teguntur.* multiq[ue] laboris, ac operæ, lentissimo procedunt gradu, nodumq[ue] maximâ cum difficultate solutilem habent. Quippe, non viribus, ut scitè Cicero de Senectute loquitur, aut velocitate corporum res magnæ geruntur. Et natura nihil citò magnum fieri voluit, sed pulcherrimo cuique operi difficultatem proposuit, quæ labore, & exercitatione vinceretur.

Ut autem ad ipsos Cœli Interpretes in specie deveniamus, sciendum est, eorum, qui hâc in parte præ cœteris alitteratores omni tempore paucissimi extiterunt. De quod mireris, Benevole Lector. Nam etsi hocce Studium inter præstantissima, jucundissima, & utilissima meritò reponatur; attamen maximas suas quoque habet difficultates, magnique laboris, ac operæ

*Quare in tur.
majori fre-
quentiâ A-
stronomie
Peritii non in-
veniantur.* est,

est, quin-etiam sumptus haud mediocres sibi poscit. Hisce de causis paucissimi curam harum rerum suscipientes comparent. Eo præprimis attento, quod parùm admordum, hoc nostro ævo, ad victum & amictum contribuat ; vel prout Cl. Crügerus loqui solebat ; quòd istius Scientiæ fumarium parùm fumet. Astrologi quidem, & Genethliaci, sive alii plurimi Res Astronomicas perpetuò in ore habentes, de iis prolixè disceptantes, ac scribentes, sub fornacem nimirùm calculos ponentes, aliorumque Præstantium Virorum Tabulas, librosque pervolutantes, ubique in magno numero obviām eunt ; verùm aliquid solidi ex ipso æthere, etiam cum maximo sanitatis, facultatisque (cujus hocce tempore magna gerenda est cura) dispendio, diu noctuque haurientes, grande illud Cœli volumen assiduè revolventes, singulasque siderales paginas enixā operā contemplantes, animadvertisentes, & perquirentes, vix paucissimi, ubicunque eos etiam quæras, prodeunt. Proinde Eximius P. Gassendus, Philosophus & Astronomus haud vulgaris, Amicus olim noster summus, in Exercit. Epist. contra Fluddum pag. 277 rectè ait : *At mi Mersenne, dici non potest, quām paucos sui dignos ducat immortalis Vranie. Judiciarios quidem ubique Astrologos videoas : videoas qui scitè motuum Tabulas, Ephemeridesque texant, aut versent : denique videoas, qui Sphærulis, Armillis, Astrolabiis, Quadrantulis, aliisque id genus minutulis organulis, quasi cimeliis delecentur ; sed, qui graviores illas curas (utpote Observationes Corporum omnium Cœlestium) dignè suscipiant, vix totidem sunt, quot Thebarum Portæ, vel Ostia Nili. Et mirere, si quod tam pauci, sed ipsā tamen àuto Phia periti Cœlestium, de Cœlestibus Corporibus docent habeatur vulgo in Paradoxis : cùm sit numerus innumeris eorum, qui Cœlestia loquuntur, aut scribunt ; & omnes tamen non ex ipso Cœlo, sed ex proprio cerebro opiniones comminiscantur? etc. Legendus est Liber ipse naturæ (addit idem Auctor paullò post) si quidpiam certi addiscendum est ; floccifaciendi, qui caprilineas, technicasque decertationes studium esse naturæ putant : hæc ille.*

Sed concessō, unus alterve hinc inde reperiatur ; non tamen omnibus, & singulis datur protinus adire Coryn-thum. Quandoquidem rarò aliquis, quoad ingenium,

*Genethliaci
ubiq; plurimi
existunt, sed
rarò vix unus
aut alter Side-
rum Inspector
& Dimensor.*

*Plurimi Ta-
bulas Ephe-
meridesque
condunt, per-
volutantque,
tum de rebus
Cœlestibus lo-
quuntur, sed
paucissimi i-
psum Side-
rum meatum
scrutantur.*

*Non omne
Ingenium ad
Sudia Cœle-
stia aptū est.*

*Quibus in-
geni corpo-
risq; dotibus
Astronomus
debeat esse
instructus.*

*Siderū Scru-
tator his vir-
tutibus pre-
ditus, potest
cum Dco ali-
quid presta-
re.*

*Sub frōtispī-
cio huj9 Ma-
china Cœle-
stis, & Astro-
nomū adum-
brare voluit
auctor, tum
quomodo di-
cta Scientia
fuerit excul-
ta, stabilita,
& conserva-
ta.*

animumque, ad Res Astronomicas tractandas sculptus, sive factus est. Nam studia hæc Cœlestia non solùm Acutissimum, Sagacissimum, & quidem Mechanicum Ingenium, hominemque mente manuque valentem efflagitant ; sed etiam, qui firmâ valetudine, & compacto gaudeat corpore ; præprimis, qui acie oculorum polleat, ad res minimas tum eminūs, tum cominūs optimè discernendas ; insuper, qui nulli labori parcat, nullamque operam sive diu, noctuque, sive æstu, sive gelu suscipiendam vereatur ; cui largæ sint facultates, unde possit sumptus depromere necessarios, vel saltem, qui Mecœnatem habeat Munificentissimum, idoneam ac sufficientem supellectilem ad quævis suppeditantem ; & denique, qui tenax sit propositi, & constans voluntatis, semel suscepta studia ad mortem usque, viresque permittant, continuandi, & promovendi. Talis, inquam, hanc raram adeptus felicitatem, potest, successu temporis, quædam laude digna expedire, quæ aliquando in Siderum Creatoris Honorem, ac Divinæ Scientiæ incrementum, Ejusquè perpetuam cedere possunt conservationem.

Has qualitates, quas sibi Urania à Suis Cultoribus omnino expetit, & quibus virtutibus debeant esse à natura dotati ; adhæc quomodo hæcce sublimia studia magno cum fructu recte institui, promoveri, & ad Posteritatem feliciter propagari queant : deinde quinam isti fuerint, qui his præclaris animi corporisque dotibus, præ multis aliis à Deo fuerint prædicti, ac primarii Principes, hujus scilicet Regni Siderei extiterint ? denique quæ via Machina illa Astronomiæ, quoce labore, industriâ, ardore, tum quibus sumptibus fuerit fundata, exstructa, exornata, nec non quæ ratione dignitas, decusque ejus perpetuò conservari, & ab omni interitu vindicari non nequeat ? placuit mihi quadrantenùs in ipso frontispicio hujus libri, tam emblematicè, quam hieroglyphicè, figuris quibusdam adumbrare, atque sub adspectum cujusvis ponere.

*Explicatio
frontispicii
hujus Libri.*

Initio, ad lœvam, Obeliscus Laureâ atque Stellâ coronatus se se offert, Scientiam quasi Astronomicam referens ; vel si mayis, instar Monumenti est, cum certâ inscriptione, in

in honorem, perpetuamque Scientiae memoriam, à Laudatisimis nostris Prædecessoribus erecti, quod Posteris sancte conservandum fideliter commendant: quo omniibus viribus videlicet incumbant, ne Machina haec splendidissima à semetipsis tanto labore, tantâ diligentia, tantisque impendiis, in Dei Gloriam, hominumque commodum, post tot demum secula exstructa, labem vel vitium ullo modo contrahat, multò minus tota collabascat. Et ut eò felicius imposterum opus succederet, visum fuit Patribus certis quibusdam emblematis obelisco adscriptis indicare, quomodo illi, qui operam Astronomiae navare satagunt, à naturâ debeant omnino esse comparati.

Primum emblema, ascendendo, Cranium hominis, cum inscriptione, *Acutissimo*, exhibit: ac si dicerent, verus Astronomus acerrimum ingenium, mentemque sublimiorrem habeat, ad res abstrusiores promptè percipiendas, funditus explorandas, ac penetrandas. Secundum emblema in ordine, Oculum refert, additâ hâc voce *Lynceo*, nimirum Siderum iste Scrutator, ut sit ingeniosus, sic etiam visu polleat, sive Oculos habeat lynceos, ad quævis minutissima rite distinguenda, nec non ad Observationes maximè aptos. Tertium Emblema, aratum gerit, cum inscriptione, *Indefessō*, videlicet labore. Cœli enim Metator nullum subterfugiat laborem, instar aratoris sit indefesus agendo. Namque non tantum ingenio, mente, oculisque; verum etiam corpore, in primis manibus, omnibusque viribus ipsi est sudandum, in rebus organicis inveniendis, iisque, si eò usque progredi datur, suo Marte elaborandis, dividendis, examinandis, atque Observationibus peragendis, conscribendis, adumbrandis, ærique incidendis. Quarto Emblemati, Cor adscriptum est, hâc vocula, *Constantissimo*, nempe animo. Oportet enim Astronomus ut sit perseverantissimus, cursumque constantissime tenens in suis contemplationibus, Observationibus, studiisque sit minimè pertensus, diu noctuque, rerum omnium, divino

*Requisita
Studii Astro-
nomici per
Emblemata
deteguntur.*

*In Astro-
nomo quæna
requirantur.*

*Acutissimi
Oculi.*

*Labor inde-
fessus.*

Constantia.

auxilio, ex ipso Cœlo deductarum, ingeniosè & laboriosè exploratarum, etiam ad ipsum usum, effectumque deducendarum ; nec se patiatur, sive fastidio difficultatum, sive diuturnitate laborum frangi, neque metu consumendæ valitudinis, & sumptuum impendendorum ab isto negotio se divelli, seu deterreri ; neque ullis illecebris, cupiditatum lenociniis, aut amicorum suavissimis sodalitiis, quando rarissima maximeque notatu digna, quorum Astronomiæ plurimum interest, phænomena occurant, se ullâ ratione ab ipsis studiis avocari sinat ; sed assidue, in semel suo laudabili suscepto, cum D E O, opere, firmissimo animo, & perseverantissimâ voluntate pergit, & semitam illam semel arreptam nunquam deserat, sed potius in eâ alacriter progrediendo totam consumat ætatem. Quintò ; ad cuspīdem Pyramidis legitur, *Investigantur*, scilicet Astra ; Atq; sic i-
tur ad Astra. quæ stella illa in summitate Obelisci laureâ cincta exprimit. Non secùs, ac si Honoratissimi Antecesores nobis ad animum revocare cupiant : quòd, quemadmodùm Scientia Sideralis acutissimo ingenio, lynceo oculo, indefesso labore, & constantissimo animo condita sit, atque exculta ; ità quoque à Posteris haud diversâ ratione salva & integra conservari, nec non ulteriùs exornari, adaugeri possit : quò sic de manu quasi in manum nullo non tempore auctior, ac splendidior tradi non nequeat Posteritati.

Veterum A-
stronomorum
egregia ad-
borratio; quâ
Posteritatem
ad studiū A-
stronomicum
magis magis.
que excelen-
dum excitare
voluerunt. Ut autem majori id ardore & solicitudine, cùm à nobis, tum à Filiis nostris suscipiatur, voluerunt Laudati Antiquiores calcaria quasi nobis admovere, Inscriptione aliquâ Obelisci stylobatæ incisâ ; quam nobis instar Testamenti, ex optimâ Eorum erga Successores voluntate reliquerunt, his nimirùm verbis : *In D E I O. M. Gloriam,* *Rei q̄ Literariæ incrementum, summis ingenii, corporisq̄ viribus, sumptuq̄ incredibili, à mul-
tis retrò seculis, quam solidè fundatum, tam feliciter exstructum hocce Sideralis Scientiæ Mo-
numentum, Filiis, Nepotibusq̄ sanctè porrò con-
servan-*

*servandum, ampliusq; exornandum relinquunt
Patres.*

Cœterūm, id quod Emblematibus Pyramidi adscriptis, id pariter quasi in æthere, & quidem hieroglyphicè illustrare voluimus ; nimirūm : quomodo Diva Urania excipi, tractari, ac provehi debeat, ad feliciorem Cœlestium Studiorum successum commode obtinendum.

Atque ita Currus, (Studium videlicet Astronomicum referens) quem spectas, Benigne Lector, ab ipsâ Ingeniosissimâ Mechanicâ, adjuvantibus Præclarissimâ Opticâ, ac Præstantissimâ Picturâ, nec non Dignissimâ Cælaturâ, depictus, sculptus, totusq; artificiosè, & nitidissimè elaboratus est. Huic fulgenti currui, & quidem eminentiori loco considet ipsa Astronomia, in capite Stellam ; in manibus verò Solem, Lunamq; gerens, induta veste multigenis Asterismis, plurimisq; stellulis arte variatâ, atq; exornatâ. Quò primo intuitu statim cuiq; pateat, quònam Illa præcipue spectet, ac quibusnam occupetur. Hicce autem currus mirâ arte confectus, sive Scientia Siderea Ei insidens, ægrè admodùm loco movetur, nedum facilimè nudis manibus promovetur. Proinde diversa animalia, & quidem præ aliis alacriora, & valentiora requiruntur, quo opus hocce ex voto ac procliviter nullo non tempore succedat. Idcirkò currui primò Lynx est subjungendus ; hoc est : si quis Astronomiæ minimè sub tugu-riolo, ad fornacem, sed sub dio incumbere statuat, oportet sit fulgentibus, acutisq; oculis præditus. Secundò ; Lyn- ci jugatur generosus, & impavidus Equus, laborum imperterritus, ac patiens. Quippe res poscit, ne Siderum Scrutator ulli labori & sudori parcatur. Tertiò ; his duobus Leo admovetur ; hoc est : sit vegetus, ardens & constans, ad cursum arreptum conficiendum. His, inquam, feliciter impletatis trigis concitatissimo, & rectissimo sanè cursu provehitur Opus.

Verùm autem, ne Astronomia, vel is, qui huic Scientiæ se devovit, curru cadat, vel à recto tramite ad flexum laby- rinthi-

Quomodo
Astronomia
felicitè pro-
vehi possit,
hieroglyphicè
Auctor ex-
ponit.

Plurime Ar-
tes Scientiæq;
sapientis Astro-
nomie veni-
unt ab auxi-
liis.

Studium A-
stronomicū ab
ignaro planè
aliarum Sci-
entiarum Ar-
tiumq; nullâ
ratione exco-
liuntur.

Cursus A-
stronomicus
non nisi diver-
sis animalibus
instituitur, &
peragitur.

Sideralis Sci-
entia summo
judicio tra-
Etanda.

rinthicum ducatur: quandoquidem hæc animalia sunt intractata, ardentia, & durissima oris, adeoque soluta, ut si ne prudente aliquo Directore iter facile flecterent, atque ad viam ancipitem devenirent; hoc est: ne hocce Studium optimè cogitatum vago cursu in præcipitia ruat, vel errores cadat, vel saltem à verâ metâ deflectatur, operæ pretium est, ut hæc bruta animalia, quæ se ipsa, nec regere, nec se in orbitâ strictè continere queunt, à quodam Agitatore benè perito, & exercitato; hoc est; ab ipsâ Ratione in anteriori parte trigæ insidente, frenis inditis lenissimè regantur, atque agitentur.

Nonnisi Arithmetica et Geometria Comitibus, da- tur adire rationam.

Etenim ut ut Ratio ipsa abundè rerum sit provida, per-
acute & circumspectissima, nullo tamen modo sola hocce
negotium sustinet, vel his animalibus concitandis sufficit,
nisi Nobilissima Arithmetica, ac Ingeniosissima Geome-
tria Ei succurrant, & ferocia, atque inobsequentia ista ani-
malia, arripientes habenas, pro voluntate flectant, & ab o-
mni deviatione coerceant: quò prudenti Rationis dire-
ctioni, & consilio omnino ad nutum obtemperetur. Ad
dextram itaque Geometria adstat, vestimento variis figuris
Geometricis condecorato induta, in capite verò Triangu-
lum ferens: ad lævam rursùs Arithmetica, pulcherrimâ
tunicâ numerorum characterismis exornata, moderamen-
gerit. Atque ita his trigis, Directore, ac Ducibus Urania
Nostra nimium quantum progreditur, benè secura, quòd
haud facile seducatur, aut in errorum præcipitia rapiatur;
hoc est: si quis iis jam sæpius dictis animi corporisque do-
tibus gaudeat, assistentibus Arithmeticâ, & Geometriâ,
utiique exoptatus, annuente nimirum Divinâ Gratiâ, hujus
Sublimis Studii exspectatur exitus, ut dubitandum non sit,
quin in Altissimi Gloriam, Scientiæ Decus, atque Aucto-
rum sempiternam tandem etiam feliciter cedat memoriam.
Id quod volans Tempus per æthera hâc proclamatione pro-
fert: *DEO & Posteritati;* Fama verò Temporis
Comes his verbis: *Divinæ artis immortalitati.*

Astronomia in Dei Glori- am, Posteri- tatisq; com- modum tan- dem cedit.

Quinam fue- rent omnium Astro-

Postremò in eodem Iconismo quatuor præcipuos A-
stronomiæ Antistites, aliorum omnium Coryphæos univer-
sis

sis & singulis germanis Astronomis ad persequenda Illorum vestigia, tum æternæ memoriæ ergo, ob summas horum Excellentium Virorum Virtutes, operasque, tanto molimine præclarè peractas, tum in quo honore, ac pretio Eos nunquam non habeam, Eorumque Studia devenerer, producere placuit. Sunt enim quasi quatuor Columnæ, quibus tota Astronomia innititur; ad instar quatuor illorum Globorum, vel lapidum angularium, super quos Obeliscus Scientiæ Sidereæ felicissimè exstructus est; vel potius, qui Universam Machinam nostram Sideralem, cervicibus suis, tantâ cum laude, à tot seculis hucusque gloriissimè sustinent, & ab omni labe, atque interitu egregiè vindicant.

Prior autem in ordine est Hipparchus, qui omnium primus Catalogum Fixarum, Globumque Cœlestem condidit, nec non Observationes Äquinoctiorum nobis reliquit.

Alter est Ptolomæus, reliquorum antesignanus, qui res omnes primus in ordinem, atque sub certam deduxit hypothesis. Hi duo, faciem nobis quasi præferunt, nosque admonent, quām attentissimis animis, quantāque assiduitate tot Stellarum colluentium cursus contemplari, ac perscrutari, Eorum edocti exemplo, debeamus: & ne nobis per-

suadeamus, Majores jam superasse omnes omnino difficultates, Scientiamque penitus ad culmen perduxisse, uno spiritu pronunciant:

Fundamenta jecimus quidem solida; sed solidiora & majora suo tempore speranda.

Nam arduum opus, quod inchoatur, non protinus simul omnimodè perficitur, indubitatisque adstringitur legibus; nonnisi scrutando, corrigendo, addendo Artes excoluntur: propterea etiam perfectiora, cum Deo & die, speramus: prout etiam feliciter jam accidit. Non ideo tamen eò sunt minores, sed æque maximam merentur laudem, quod Primopili extiterint, primas difficultates, glaciemque perrumpentes.

Reliqui stantes, Magnus noster est Copernicus, & Incomparabilis Tycho Braheus: qui maximo sanè ingenio,

Astronomo-
rum Eminen-
tissimi.

Hipparchus.

Ptolomeus.

Veteres non-
dum omnem
penitus su-
perarunt dif-
ficultatem.

Progressu,
majora ad-
huc sperada.

Copernicus
& Tycho quid
præstiterint.

& Heroico ausu Astronomiam sunt aggressi : ille quidem inveniendâ novâ, ac longè faciliori hypothesi, existente scilicet Sole in centro Mundi, Terrâque immobili ; hic verò, tot ac tot tam Fixarum, quàm Planetarum Observationibus, præ cæteris omnibus feliciter peractis, nobisque instar Thesauri relictis, reliqua Eorum merita ut taceam, omnino est in propatulo. Hi, inquam, maximi Viri, ut bini superiores, collatis inter se sermonibus de Studiis Veterum, Eorumque præclaris conatibus, in hæc verba tandem prorum-

Habet, quod agat omnis aetas. **Multa quidem detecta, sed quamplurima**

Posteris sunt relicta. Evidem non minùs scitè, quàm rectè. Omnis enim ætas habet, quod agat. Hincque non est, quòd nobis imaginemur, nihil amplius reliquum esse, quod inveniri, enucleari, corrigi, atque excoli adhuc debeat : tantùm profectò abest, ut id consentaneum sit, ut maximè contrarium luce clariùs compertum habeamus. Nemmo enim unquam abyssum Divinæ Sapientiæ, etiam in rebus naturalibus exhaustus : quemadmodùm ex sequentibus prolixius elucescat. Atque hæc sunt, quæ occasione Tituli hujus operis, de naturâ videlicet, ingenio, & officio Rerum Cœlestium Indagatoris dicere voluimus ; adhæc, quomo-
Divina Sapientia est in perscrutabili. do hæc Scientia excoli, & propagari debeat.

Quinam Astronomorum extiterint principi. Sequitur nunc, sicuti proposuimus, ut Historias penitus introspiciamus, quòd pateat, quinam sub vexillo Uraniæ strenue militaverint, & quinam præ aliis præclariora ab initio præstiterint ? Nam, quæ Poëtæ de Astronomiæ ori-

De progressu Astronomia plurima Poëta fingunt gine, & progressu fabulantur, vel fingunt : utpote de Cœlo, quasi hic omnium primus Siderum fuerit Contemplator, cum suis liberis, Atlante scilicet, Saturno, Titane, Hyperione, Japito, Hespero, Atlantis filio, Africæ & Mauritaniæ incolis ; item de Hercule, Mercurio, Prometheo ac Cepheo, de Endymione, Orpheo, & aliis Astronomiæ operam navantibus, planè silentio præterire decrevimus. Cùm fabulis plurimis intermixta esse videantur, ac nullâ certitudine innitentur. Quare ad ea descendamus, quæ à fidis

Ob defectum Historiarum pro- Auctoribus planè sunt annotata : incipiendo primùm à Græcis

Græcis ; etsi haud omnium primi extiterint Inventores, sed alii Barbari, Asiaticique Populi ; ut partim Plato ipse ultrò testatur, partim etiam ex relatione nostrâ superiori est manifestum.

In Theatrum igitur hocce Astronomicum primum omnium Thaletem producamus, anno secundo Olympiadis 35 ; anno scilicet ante Christum 637 natum ; qui inter vetustiores Græcorum Astronomos meritò refertur. Cursum enim Solis à conversione in conversionem primus detexit, Solisque magnitudini Lunarem orbem comparatum, septuagesimam & vicesimam illius partem esse dixit. Deinde, anni quoque tempora, illorumque vicissitudines primùm invenisse ferunt, eumque in trecentos sexaginta quinque dies divisisse, nec non Cynosuram, Ursam minorem reperisse, Solisque Defectus prædixisse ; conscripsit tamen nonnisi duos libellos, secundūm quosdam, de Solsticiis videlicet, & Äquinoctiis, teste Laertio : obiit anno ante Christum 586.

Hujus Discipulus fuit Anaximander Milesius, Terram instar centri, ac globosam esse statuens. Solis quoque Solsticia, & Äquinoctia ostendit, nec non constructā Sphærā primus horas ex umbrâ gnomonis distinguere docuit : quanquam alii obliquitatis inventionem Pythagoræ ; vel Oenopidæ Chio tribuant. Anaximandri autem auditor fuit Anaximenes Milesius, Lunam lumine notho lucere, coque Terrâ inter Solem & Lunam interpositâ, lumine privari dicens. Anaxagoras verò, Anaximenis rursùs discipulus, Solem esse, dicebat, masfam rotundam, eamque carentem ; Lunam autem habere colles, valles, variaque habitacula : Lacteum orbem esse Solaris luminis reflexionem non intermicantibus stellis.

Tempore Anaximenis claruit in Italiâ Pythagoras, anno ante Christum circiter 525 ; qui ab Ägyptiis & Chaldaëis Sideralem didicit Scientiam ; cui Græci, ejusque assecræ plurimum debent, propter universam Planetarum Theoriām ; nec minùs Recentiores, nosque omnes, qui modo Terram mobilem statuimus. Inter cætera enim primitus

*progressum
Astronomie
nonnisi à Gra-
cis Author de-
ducit.*

*Thales inter
primos Græ-
corum Astro-
nomos merito
habetur.*

*Anaximan-
der auditor
Thaleis Ter-
rā instar cen-
tri habuit.*

*Anaximenes
& Anaxago-
ras Lunam
monosam es-
se, tum alieno
lumine gau-
dere dixerunt.*

*Pythagora
plurimum de-
bent Astro-
nomi, presertim
quod ferè pri-
mus Terram
mobilem sta-
tuerit.*

Solem item pro cœtro Planetarum totiusque Mundi esse, eumque cum toto Cœlo stare, Terram verò circa ipsum in usq; Universi habuit.

Motum Terræ plurimi Veneris, & Re- centiorum Astronomorum sunt amplexi.

docuit, Solem centrum Planetarum, totiusque Mundi esse,

eumque cum toto Cœlo stare, Terram verò circa ipsum in-

star Planetæ moveri. In cuius partes postmodùm plurimi

Gravissimi Viri abiére: utpote Philolaus Cratoniates, Ni-

ceta, Seleucus, Cleantes Samius, Leucippus, Ecphantus,

Heraclides Ponticus, Nicolaus Copernicus, & Recentio-

rum plurimi, immò ferè nunc omnes, qui non verentur

sententiam suam, quam in sinu fovent, liberiùs effari.

Democritus, & Empedocles, quo tempore vixerint.

Anno ante Christum quadringentesimo quinquagesimo octavo, Democritus Abderita, Anaxagoræ Clazomenii, & Liciippi Discipulus claruit; qui de Polo, deque Sideribus vagis, atque magno anno nonnulla conscripsit;

cui paullò post Empedocles Agrigentinus successit. Deinde anno ejusdem æræ quadringentesimo vigesimo nono

Euctemon & Meton Solstitione observarunt.

Euctemon & Meton Athenis Solstitium observarunt; hic simul cyclum decemnovenalem, sive aureum numerum,

nec non Solare horologium, cum quibusdam aliis, excogitavit.

Quem secutus Eudoxus Gnidius, haud paucarum

rerum Inventor. Anno ante Christum trecentesimo qua-

dragesimo item Autholycus Pritanæus vixit; cuius libri

duo, unus de Sphærâ, alter de ortu & occafu Siderum In-

errantium adhuc extant. Sub quibus temporibus Calip-

pus prodiit, periodum annorum 76 introducens, eamque

non ab Æquinoctio Autumnali, sed præcedente Solstitio

incipiens.

Postmodùm Theophrastes Lesbicus, & Aratus emersere; & sub temporibus Ptolomæi Philadelphi, anno nimirum ante Christum trecentesimo decimo quinto Conon clarus fuit; qui Deliquiorum Solis & Lunæ Observationes collegit, Comamque Berenices Sideribus adscripsit. Ho-

Calippus periodum introduxit.

rum ferè ætate etiam Timochares & Aristyllus viguerunt;

quorum industria Stellarum Fixarū Declinationes ex Hip-

parcho apud Ptolomæum possidemus: inter cætera Timo-

chares, Spicam Virginis, punctum nimirum Æquinoctii Au-

tumnalis octo gradibus antecedere, detexit. In primis sub

Aristarchus Samius sententia.

annis ante Christum ducentesimo decimo Aristarchus Sa-

mius, & Archimedes magni fuerunt nominis: ille senten-

tiam

tiam de mobilitate Terræ, Sole immoto, cum Pythagorâ, tētiam de mo-
& Philolao fovit; quanquam nihil, præter de magnitudi-
nibus & distantiis Solis & Lunæ ad nos pervenit; hic ve-
rò in Solsticiis notandis desudavit, Solis, Lunæ, ac reliqua-
rum Errantium Stellarum motus ingeniosissimè in Sphæ-
ram artificialem transtulit, atque aliarum plurimarum in-
ventionum auctor extitit.

Hos subsequuti duo longè Clarissimi Viri sub Ptolo-
mæo Philometore & Epiphane, Eratosthenes nempe Cy-
renæus, Bibliothecæ Alexandrinæ Præfectus; qui Tropi-
corum distantiam ac Cœlorum motus dimensus est; cuius
Eratosthenis
hortatu Armillæ & Re-
gulae Alexan-
dria fuerunt
constituta.
hortatu Alexandriæ à Ptolomæo Armillæ, ac Regulæ ad
Observationes Cœlestes constitutæ sunt: tum magnus il-
le Hipparchus Nicenus vel Rhodius Astronomorum suo
tempore omnino Princeps, nulli non Siderum Scrutatori
notissimus, anno scilicet centesimo quadragesimo ante
Christum natum: quidnam autem in Re Sidereâ præstite-
rit, & quantum ipsi Astronomia debeat, tum quod Nobis
plurima Æquinoctia à se ipso, eà quâ potuit diligentia Ob-
servata, tum in primis Catalogum plurimarum Fixarum,
secundum longitudinem & latitudinem, plurimasque E-
clipsium vetustissimarum Observationes à tempore Mar-
docempadi reliquerit, in explorato habemus omnes. Ad-
hæc Periodum Callipticam correctiorem adhibuit; &
cum Latitudinem Lunæ variam, Nodorum anticipatio-
nem, tum Eccentricitatem, motumque Lunæ circa Apo-
gæum segniorem, ad Perigæum vero citatiorem animad-
verterit, Hypotheses, & Tabulas motuum condidit; ex
quibus tuto postmodum Eclipses prædicere potis fuit.
Imò, pro reliquis Planetis Tabulas construxisset, si idone-
as à Chaldaïs, Babylonii, Ægyptiis, Græcisque obtinuis-
set Observationes. Sic ut primus ferè fuerit, qui limen o-
stii tetigit, & solidiora Astronomiæ jecit fundamenta.
Hinc merito in summo habetur honore, omniisque laude est
dignissimus.

Deinde prodieré Geminus, Theodosius Tripolitanus; Sosigenes, cujus operâ Julius Cæsar Calendarium restituit;

Menelaus, & Theon Fixis quoq; invigilarunt. Andromachus ; Agrippa, qui in Bithyniâ Lunæ conjunctionem cum Plejadibus animadvertisit ; Menelaus, qui temporibus Trajani Stellis Fixis quoque operam dedit ; nec multò post Theon Smirnæus, qui Alexandriæ Sidera haud minus scrutatus est.

Claudius Pto- lomeus totam Astronomiam prim9 instau- ravit, adq; certas deduxit leges. Inter alios verò immortale nomen sibi comparavit Claudio Ptolomæus anno post Christum circiter centesimo trigesimo ; qui propter Doctrinam Sideralem inter paucos cedro dignus. Cùm Scientiæ Astronomicæ planè sit primus quasi conditor ; qui Hipparchi, aliorumque Observations, additis etiam propriis, in formam deduxit, ac luculentas rationes excogitavit ; atque ita omnem doctrinam de Sole, Lunâ, deque tum Inerrantibus, tum Errantibus Stellis in Almagesto suo complexus est ; quam non solùm Alexandrini, sed omnes Arabes & Latini longâ temporum serie etiam retinuerunt. Post Ptolomæum longo intervallo Egregii quidam Viri in medium venerunt : utpote Pappus & Theon, Alexandrini, cum filiâ Hypatiâ, Astronomicarum Rerum admodum peritâ ; Proclus, alioq;.

Hypatia Re- bus Cœlestibus dedita fuit. Cæterùm, inter Astronomiæ deditos celebris etiam fuit Sulpitius Gallus ; sed longè celebrior extitit Julius Cæsar, qui veterem annum, Sosigenis operâ correxit : quandoquidem hoc labore de toto Terrarum orbe benè meruit. Præter hos autem inter Latinos ferè paucissimi extiterunt, qui

Julius Cæsar restituione Calendarii no- men sibi im- mortale com- paravit. genuinæ Astronomiæ operam navarunt : at Caroli Magni tempore, non tantum ipse Imperator hisce studiis impensè delectabatur ; sed alii etiam Magni Viri & Principes : utpote Maimon, Saracenorum Rex Babylone ; Almeon, Rex

Inter Roma- nos paucissimi Cœli Metato- res sunt re- perti. Arabum, qui 50 annis ante Albategnius maximam Solis rum, quam Ar- rabum Astro- nomia operam dederunt. Declinationem annotavit ; Item Albumasar, Mahumetes Alfraganus, sive Alferganus. Inter Arabes verò valdè eminet Albategnius, Princeps Syrus, alias Mahometes Ara-

Inter prima-rios verò Al- bategnius re- ponendum est ; cum variâ viâ Scientiam Sideralem se- riò excoluerit. Etensis dictus, qui anno Christi octingentesimo octogesimo octavo, varias magni momenti Observations, maxime Astronomiæ bono, partim Aractæ, partim Antiochiæ peregit ; cum primis Solis Apogœum à Ptolomæi tempore in consequentia progressum esse deprehendit ; Fixasque, regredi

regredi in Ortum uno gradu intra annos septuaginta; Eclipticæ obliquitatem eo tempore minorem ferè esse, nec non circa Planetas alia complura. Sic quoque Ptolomæum in multis correxit, Tabulasque novas construxit, ac Librum simul de Scientiâ Stellarum composuit.

Seculo post Albategnium, Alfarabius Arabs; item Geber, sive Gebrus claruerunt; inter Latinos rursùs Abbo, Abbas Floriacensis, Hermannus Contractus; item Arzahel sive Arzachel Hispanus, qui obliquitatem Eclipticæ adhuc minuto minorem, quàm Albategnius anno Christi millesimo octogesimo observarat; quanquam anno millesimo centesimo quadragesimo secundo Almeon Almansorius, Arabs Solis maximam Declinationem rursùs uno minuto minorem, nempe 23 Grad. 33 Minut. animadverterit. Quo ferè tempore Humenus in Ægypto, Abraham Abenezra, Averroes, sive Aben-Roes, Campanus, Hali filius Abenragelis floruerunt; præterea, anno millesimo centesimo trigesimo secundo Johannes de Sacrobusto, & Jacobus Alkindus.

Inter plurimos autem magni nominis Viros, ac Principes fulsit anno Christi millesimo ducentesimo septuagesimo Alphonsus, Rex Castellæ & Legionis; qui novas Tabulas motuum Cœlestium condere aggressus est. Optimè perspiciens, tum Ptolomæi, tum Albategnii à Cœlo nimium quantum recedere. Quam ob rem omnes Celebres, tam Arabum, quàm Judæorum convocavit, quò rem istam, adhibitis accuratioribus Observationibus, studiosissimè perficerent; sed metam, ut quidem optimus Rex sibi imaginabatur, haud attigerunt. Quippe magis mysteria quædam, quàm Observationes ipsas respiciebant, quas etiam penè nullas instituebant. Præcipuus autem illorum, qui huic operi præerat, Rabbi Isaac Hanan fuit, Toletanæ Synagogæ Cantor. Brevi quidem post, circa annum millesimum trecentesimum, subsequuti sunt Thebetius Arabs, & Prophatius Judæus, qui nonnulla circa Eclipticæ obliquitatem, Fixarumque motum, quem Alphonsini prorsùs neglexerant, observarunt. Res tamen eò nondum deducta fuit,

*Alfarabius,
Geber, & Ar-
zachel Claris-
simi Astrono-
mi.*

*Almeon, ma-
ximam Solis
Declinationē
minorem cate-
ris observavit.*

*Alphonsus
Rex, Astro-
nomia magnus
Mecænas.*

*Alphonsin
vix ulla Ob-
servationes ipsi
instituerunt.*

*Rabbi Isaac
Hanan, practi-
cius Alphon-
sinarum Tabu-
larum Condi-
tor.*

*Alphonsini
metam omnino
non attigerunt*

*Post Alphon-
sinos, longo tē-
pore Astrono-
nomia filuit.*

fuit, ut Tabulæ omnino cum Cœlo congruerent; nec ul-
lus ferè aliquis post hos emicuit intra centum quinquaginta
annos subsequentes, qui seriam hujus operis curam medi-
tabatur, ut ut alii passim extiterint, qui Astrologiæ Judicia-
riæ, sive Arti Divinatoriæ operam darent strenuam. Dóneç

*Tandem Peur-
bachius, & Re-
giomontanus
prodieré, ma-
ximi Astrono-
mie Periti.*

in Germaniâ prodierint duo Eximii Viri, Georgius scilicet
Peurbachius, anno millesimo quadringentesimo vigesimo
tertio, & Ejus discipulus, Johannes Müllerus, alias Regio-
montanus dictus, anno nimirum millesimo quadringente-

*Sideralis Sci-
entie restau-
rationi subve-
nire unicè me-
ditabantur.*

simo trigesimo sexto omni laude dignissimi, atque inter
meritissimos Astronomos jure numerandi. Hi quidem

nihil potius in votis habebant, quam labanti Astronomiæ
remediis sufficientibus succurrere, & Observationibus de-

bitis eam ritè restaurare. Eum igitur in finem commoda
Instrumenta construxerunt, nec non plurima notatudignis-
sima ex ipso Cœlo deduxerunt; sed præmatura mors utri-
que obicem posuit, quo minus ea omnia, quæ in animo ge-
rebant, ad finem feliciter perduxerint.

Sub his temporibus, illustris famæ erat in Italiâ, Domi-
nicus Maria, & Johannes Blanchinus, Bononienses; item
Abraham Zacutus in Africâ, atque Joh. Stöfflerus Tubin-

*Copernicus
magno cona-
tu Astrono-
miam, juxta
hypotheses Py-
thagoricorum,
aggressus est.*

gæ in Germaniâ; atverò nullus horum, initio hujus supe-
rioris seculi, majora præstítit, quam Magnus, & nunquam
satis laudatus Nicolaus Noster Copernicus, Thorunensis
Borusus, Canonicus Warmiensis Frauenburgi. Exemplo
enim, in primis Peurbachii, & Regiomontani animatus, o-
mnibus viribus cœpit Astronomiam excolere juxta certas
Hypotheses Pythagoricorum, Terram mobilem in Eclipti-
câ, Solem verò in Centro Universi immobilem statuenti-
um. Ideoque varias Observationes, Instrumentis, quibus

*Copernic⁹ no-
vas Tabulas
condidit; sed
Fixas non re-
stituit.*

tum dabatur, instituit, novasque Tabulas, quoad fieri potuit,
exquisitas construxit. Verùm, ne hæ quidem universis phæ-
nomenis satisficerunt. Quandoquidem circa Stellas Iner-
rantes nihil quicquam magis, quam Hipparchus, & Ptolo-
mæus peregerat. Id quod cum optimè etiam prævidisset,
seriò deinceps Joachimum Rheticum adhortatus est, ut
præprimis allaboraret, quo Fixæ, si non omnes, saltē præci-
puæ

puæ circa Eclipticam restitucentur; attamen ne hic quidem, nec quisquam alias post Copernicum, negotium istud ad exoptatum finem perduxit; ut ut haud pauci Egregii Viri eo tempore extiterint, qui haud parum laudis diversissimis Studiis Astronomicis meruere: utpote inter alios, Petrus Appianus, anno Christi millesimo quingentesimo vigesimo quinto; Johannes Schonerus; Erasmus Rheinhodus; Petrus Nonius; Gemma Frisius; Joh. Stadius; Michael Mæstlinus, & Conradus Dasypodius.

Usque dum Splendidissimum illud Jubar Danicum, Incomparabilis ille Tycho Brahe, natus anno millesimo quingentesimo quadragesimo sexto, prodiit: cui inter omnes ferè alios, quotquot etiam (sit venia verbo) unquam Uraniae operam dederunt, primarius debetur locus, & qui immortalitatis memoriæ nunquam non est dignissimus. Plura enim nobilia, & accuratiora, in omni parte Astronomiæ, quam quis unquam Prædecessorum suorum præstítit; per complures annos, ab ipsâ Juventute, ad mortem usque operam dando seriis Observationibus, & quidem Instrumentis majoribus, & perfectioribus, ad instauranda Sublimis nostræ Scientiæ Sideralis collapsa fundamenta.

Quæ cùm autem ex restitutione, & correctione Stellarum Fixarum unicè dependeant, atq; Nobilis ille Vir id ipsum probè etiam perspexisset, indefesso labore negotium illud arduum, quod à tempore Hipparchi nemo omnium tentare ausus, non solùm heroico animo aggressus, sed post multorum annorum decursum, non neglectis interea reliquis Planetis omnibus, feliciter etiam ad finem perduxit; condendo nimirùm, ac elaborando illo novo accuratiori Fixarum Catalogo, eoqué novis insuper ducentis circiter Fixis locupletando: quanto labore, quantâ constantiâ, quantisque sumptibus, quos in tam numerosum, & magnificum Instrumentorum apparatus, in ædificia, Observatoria, alienas operas, inque res cæteras impendit, nimis longum foret hic recensere. Præclarissima monumenta, quæ Nobis, Posteritatique reliquit: utpote egregia Ejus Scripta, inprimis Observationes tot annis habitæ, Herculei videli-

*Quinam in
Scientiâ Siderali post Co-
pernicum ex-
titere clari no-
minis.*

*Tycho Brahe
omnium alio-
rū Prædeces-
rum lögè præ-
clariora susce-
pit & peregit.*

*Tycho post
Hipparchum,
primus Stellas
Fixas restituit*

*Tycho magnos
sumptus in Rem
Astronomica
erogavit.*

*Tycho præ-
matur à mor-
te præventus,
omnia & sin-
gula elabora-
re penitus
hanc potuit.*

*Non posu-
mus simul o-
mnia.*

cet illi labores affatim testantur, resque ipsa loquitur. Cum autem Incomparabilis hic Vir, anno millesimo sexcentesimo primo, die vigesima quartâ Novembris, immaturâ morte, anno ætatis quinquagesimo quinto abreptus fuerit, pro votis, ut quidem sibi proposuerat, totam Astronomiæ Theoriam, Tabulasque novas condere haud valuerit, plurima aliis elaboranda, atque excolenda relinquere coactus est: prout Nobis omnibus usu venit. Humana enim mens, omnia & singula naturæ, simul & semel perscrutari haud yalet; sed aliis atque aliis penitus enucleanda sunt committenda.

*Princeps Has-
siae, eximus
Astronomie
Promotor ac
Cultor.*

*Princeps, cum
suo Rothman-
no maxime
Stellis Iner-
raticis invi-
gilavit.*

Eodem propemodùm tempore, Illustrissimus, & Laudissimus Princeps, Guilhelmus Hassiæ, imò aliquantò adhuc citius, quam ipse Tycho, Casfellis, ab anno videlicet millesimo quingentesimo sexagesimo primo, ad annum millesimum quingentesimum nonagesimum septimum, multum operæ in observandis Sideribus, præsertim circa longitudines, & latitudines Fixarum restituendas, partim Ipse, partim per Suos, Clarissimum Christophorum Rothmannum, & Justum Byrgium locavit; adhibitis quoque præstantissimis Quadrantibus & Sextantibus: quemadmodum Literæ, tum Ejus ad Tychonem, tum etiam ipse Catalogus, ut ut quarundam tantum Fixarum loca ex suis Observationibus correxerit, nunc tandem operâ R. P. Alberti Curtii, jussu Imperatoris, unâ cum Historiâ Observationum Tychonicarum editus, luculenter ostendunt.

*Post Land-
gravium &
Tychonem,
plurimi Pra-
stantissimi se-
qui sunt A-
stronomi.*

*Longomonta-
tanus Tabu-
las construxit
Danicas.*

Supervenerunt postea diversi alii Eruditissimi Viri, magis magisque Astronomiam nostram elucidantes, ac promoventes: Jacobus Christmannus nimirum; Christophorus Clavius; Galilæus de Galilæis, Bartholomæus Pitiscus; Joh. Antonius Maginus; Christophorus Scheinerus; Severinus Longomontanus, eximus ille Tabularum Danicarum conditor; qui à multis annis Tychoni extitit ab Observationibus, imò illis magnâ ex parte præfuit. Item Wilhelmus Schickardus, Adrianus Metius, Willebrordus Snellius. Inprimis verò multum laudis apud Uraniæ Sobolem meruit Johannes Keplerus, Vir Sagacissimi,

simi, & ardentissimi Ingenii, abstrusarum Rerum Cœlestium Scrutator acutissimus, & subtilissimus ; qui, licet parum admodum circa ipsas Observationes, ob visus debilitatem, atque Instrumentorum defectum, peragere potuerit, plurima tamen, si quis unquam in Theoriâ funditus stabilendâ, in minutissimis perscrutandis, in Tabulis ex Observationibus Tychonicis restaurandis, Rudolphinisque construendis felicissimo successu perfecit ; & quæ ex Observationibus non valuit, Ingenii sui acumine ferè obtinuit. Deinde etiam varia, reconditæque doctrinæ monumenta nobis reliquit : sicuti non solùm ex tot voluminibus, typis jam exscriptis, sed etiam ex Manuscriptis suis omnibus, quæ lucem nondum viderunt, satis superque patet. Plurima enim ex Kepleri Operibus nondum hucusque publici facta sunt juris, teste me ipso, in cujus manibus universa illius Manuscripta, cum omnibus ejus Epistolis manu suâ exaratis ad Clarissimos hujus seculi Viros, tum horum responsionibus fortunatè nunc tandem, post multos annos, ab hæredibus obtenta versantur. Inter alia haud postremum mihi esse videtur, cui nomen est Hipparchus ; qui liber plurimum laboris, ac ingenii acuminis continet ; sed dolendum, quod nondum ab ipso Auctore omnimodè sit digestus ; nihilominus tamen saepius est ab ipso Keplero in suis voluminibus citatus : unde colligere datur, Auctorem haud parvi Hipparchum suum fecisse.

De reliquo, quemadmodum hocce seculum in omni doctrinâ Sublimium Ingeniorum fuit fertilissimum, ac Scientiæ, Artesque multum hucusque creverunt ; sic etiam plurimi Excellentissimi, & longè Eruditissimi Viri per totam Europam, singulari Divini Numinis Directione prodieré, Astronomiam nostram omnibus modis excoentes, parte nuperis annis fato jam functi, parte etiamnum in vivis existentes ; quorum nomina hic ordine recensere, meritaque Eorum universa enarrare, nimis sanè foret prolixum, quin-etiam supervacaneum. Cùm egregii illorum labores, ingeniosa inventa, ac perennia monumenta, sub omnium Eruditorum oculis, manibusque versentur, quid?

*Keplerus Vir
admirādi in-
genii, Scienti-
am Astro-
nomicam mirè
excoluit.*

*Kepleri dis-
versissima
Scripta lucem
nondum vide-
runt.*

*Universa
Kepleri Ma-
nuscripta in
manibus ver-
santur Au-
toris.*

*Keplerus in
Hipparcho
suo multum
posuit opere.*

*Nostrum Se-
culum Subli-
mum Inge-
niorum fuit
feracissimū.*

*Quid quisq;
eorum in Si-
derali Scien-
tia peregit in,
propatulo eß.*

quod ipsimet vibrantibus nunc etiam radiis per totum Orbem Eruditum corruscent; ut nemo ferè non nesciat, quid præclari hucusque unusquisque Eorum suscepit, peregerit, ac in lucem protulerit.

*Ut ut ab ex-
orsu hucusq;
ab omnibus
strenue alla-
boratum fue-
rit; ad sum-
mum tamen
perfectionis
vestigium A-
stronomia nec
dum perduci
potuit.*

*Omnes Uni-
verse Tabula
in quibusdam
adhuc labo-
rant.*

Verùm enimverò, licet à multis retrò seculis in hunc usque diem, à tot tantisq; magnis Luminibus, in Scientiâ hâc Siderali maximæ difficultates jam fuerint, Divinâ ope, superatæ, plurimæ abstrusissimæ detectæ, ac insuper nihil ferè intentatum sit relictum, quò ea, quæ adhuc in Astronomiâ perscrutandâ supersunt, feliciter pervestigarentur; fateri tamen ultrò oportet, etiam ipsos Tabularum Astronomicarum Condidores, omnes in universum Tabulas, sive Danicas, Landspergianas, Philolaicas, Riccioli Bononienses, Britannicas, sive etiam Rudolphinas plurimis in locis, non tantùm in Eclipsibus, sed quoque in Planetis penè omnibus, satis evidenter, quin enormiter nonnunquam ab ipso discedere Cœlo; ac ita seriâ correctione opus habere: quemadmodùm in Mercurio nostro plurimis exemplis luculentissimè ivimus demonstratum, tum recentissimæ Observationes omnium Observatorum abundè confirmant.

*Aprobis Ob-
servationibus
tota dependet
Astronomia.*

Hincque nullus non Astronomiæ Cultorum summo- perè exoptat, expetit; quò sublimi huic abstrusissimo Studio subveniatur, ac id ipsum, cum DEO & die plùs plusque excolatur, promoveatur. Quod cùm autem unicè à certis, ac indubitatis omnium Planetarum, Fixarumque Observationibus dependeat; hæ verò rursus, ut ab ipsis Astronomiæ primordiis ad Tychonem usque, sic quoque ab ipso Tychone, ad hæc usque tempora ferè rarissimæ extiterunt. Et si quæ adhuc habitæ fuerunt, ut plurimùm tamē Organis

*Quò paucio-
res, prater
Tychonicas,
hæc tenus ha-
bitæ fuerunt
Observatio-
nes, eò magis
opera danda
est, quò nunc
succesu tem-
poris plures
obirenamus.*

vix sufficientibus, tam ratione magnitudinis, quam materiæ fuerunt peractæ. Operæ igitur pretium est, ut in eo toti præ reliquis contemplationibus, Studiisque æthereis omnibus desudemus, quò complures, multorum annorum continuatas Observationes, non solum circa Eclipses, Occultationes, sed in primis circa Altitudines Meridianas Solares, Solstitia, Äquinoctia, loca Planetarum in quâvis Coeli parte,

parte, cum primis circa restorationem Inerrantium Stellarum Catalogi, qui alias multâ correctione indiget, ex ipso Cœlo, congruis, maximis, atque ex solido metallo perfectioribus Instrumentis obtineamus, Orbis Literati bono annotemus, ac luci exponamus.

Sed cùm non omnibus hocce contingat, atque hæ contemplationes plurimum difficultatis habeant; præprimis quòd ingenium sublime, pariter profundissimum, animum laboriosum, assiduum & constantem, tum à curis quibus cunque prorsùs liberum efflagitent; adde, ut Regium omnino Studium, sic quoque Regios sumptus, summu mque otium exposcant, quibus deficientibus, omnis sanè conatus planè evadit irritus. Hinc neutiquam mihi unquam imaginatus, posse me vel quicquam laude dignum, tenuitatis optimè mihi conscius, hâc in parte suscipere, nedum peragere. Nihilo tamen seciùs, quia dulcedo cuncta intelligendi superat omnes difficultates, ac labores; rem istam, Divino auxilio fretus, non unâ manu cœpi: ut ex sequentibus patebit. Præprimis cùm ad istud Studium Cœlestè haud vulgares naturæ stimulos, atque singularem animi inclinationem nunquam non, ut ipse senserim, sic etiam alii in me à teneris perspexerint.

Accidit igitur D E O sic volente, quòd Parentes optimâ recordatione semper mihi prosequendi, persuasū insuper, & hortatu amicorum benè mihi cupientium, in eo consenserint, ut animum, alioqui satis cupidum, ad Studium Matheſeos applicarem; idque eò faciliùs est impetratum, quò minùs singularis Eruditionis Mathematicus haud longè querendus esſet. Gedanum enim id temporis Profesorem Publicum Cl. Petrum Crügerum in Gymnaſio alebat, virum, ut sublimiori ingenio, sic quoque rarâ docendi felicitate, ac suavissimâ humanitate præditum. Genius exoptatissimæ Eruditioni, horis subcisivis, non neglectis interim reliquis Humanioribus literis me ſubjeci, anno videlicet millesimo sexcentesimo vigesimo septimo, ætatis verò meæ decimo sexto. Quam fidelem autem ac impensam operam, optimus hic meus Eruditor mihi

Catalogus Fixarum correctione adhuc indiget.

Non omnibus datur excole-
re Uraniam.

Auctor nun-
quā fibi per-
ſuafit, ſe posſe
aliquid in tā
ſublimi Scien-
tiā vel quic-
quā tentare.

Auctor à ju-
venute pro-
pēſus ad S. u-
diū Astro-
nomicum.

Parentū con-
ſenſu Auctor
Studia Ma-
thematica ag-
gresus eſt.

Auctor olim
audiuor fuit
Crügeri, Viri
in Siderali
Scientiā do-
ctissimi.

Anno 1611,
die 28 Janu-
arii

*ariūſt. n. ho-
ra 8. 30. Min.
mane Auctor
Dantisci in
lucem suscep-
tus.* nunquam non præstiterit, ingratus profectò forem, nisi
gratissimo animo, etiam hoc loco agnoscerem, memori-
amque Ejus debito honore prosequerer. Non solum enim,
pro suā facillimā, ac maximè perspicuā erudiendi metho-
do, prima rudimenta Arithmeticæ, Geometriæ, Gnomo-
*Auctor opti-
mā memoriā
prosequitur
Præceptorē,
ob fidelem sibi
navatam o-
peram.* nicæ, Trigonometriæ, Sphæricæ, Chronologiæ, Astrologiæ
mihi tradidit, sed etiam ipsam Astronomiam eatenus mihi
instillavit, & quidem unius aut alterius anni tantummodò
spatio (cùm res meæ id non ferrent diutiùs, quod dolebam)
ut cùm loca omnium Planetarum, tum Eclipses, sive Lu-
nares, sive Solares ex Tabulis, absit jactantia, supputare
promptè potuerim.

*Crügeri hor-
tarū, Au-
ctor ad artes
quasdam Me-
chanicas ani-
mum appli-
cavit.* Quò autem inchoata eò feliciùs progrederetur Mathe-
sis, suasor Crügerus extitit, ut simul Arti Graphicæ, nec non
quibusdam Mechanicis rebus operam navarem : quoniam
res has, inquietabat, Studioso Mathematum, suo tempore,
multùm luminis, levaminis, utilitatisq; allaturas. Con-
silio itaq; hoc promptè arrepto, manus meas, concesso otio,
ad res illas, ut & Cælaturā adhibui assidue ; ne non possem
initiò organula Geometrica, circinosq; proportionum
delineare, divisionibus, numerisq; (licet non prævidissem
id mihi aliquando usui posse evenire) ritè distinguere, & si
quæ fortè ære non possent, manibus meis deinceps para-
rentur. Ad quod Studium Mechanicum, cùm senserim

*Ad quas etiā
valde pronus,
in primis ad
Cælaturā &
Automata-
riam.* animum meum quadantenūs proclinatum, etiam mediocri-
ter, Divinā ope, operas illas mihi succedere, alacriter simul
suscepi addiscere ex quodam perito Artifice artem auto-
matoriorum, quævis Instrumenta elaborandi, pariter quæ-
vis alia, sive ex ligno, sive ære, sive ebore tornandi, & li-
mandi ; quò sic liceret, re exigente, ex voto, tornum, malleum, limam, atque cælum in commodum meum con-
vertere. Et quamvis molestus, gravis, ingratusq; hic fu-
erit labor, persisti tamen in sententiā firmiter, & diligent-
& crebrà exercitatione superavi tandem omnem difficul-
tatem, maximè ad ea animatus illo haud vulgari eloquio :
nihil dulcius esse, quàm omnia scire ; & omnium bona-
rum artium Studia habere aliquando suam egregiam utili-
tatem.

Cum-

Cum primis autem honorandæ memorię Crügerus serio suasit, meque induxit, videns naturali inclinatione præcipue in Mathesin, & Mechanicam me propendere, ut non solo tantum calculo Astronomico me dederem, sed multò magis, omni datâ occasione, Cœlum ipsum introspicere, Observationibusque diligentissimè, quoad fieri possit, invigilarem. Hac basi enim, ajebat, totam Astronomiam fulciri, eoque præcipua, dignissimaque ea esse, quæ suscipi, & peragi in hocce Siderali Studio possent; præser-tim si attento animo, debitâ industriâ, & commodissimis Organis negotium hocce aggrediamur. Ex eo sæpius Ty-chonem mihi ob oculos ponebat, adjiciens, si ad hujus laudissimum exemplum quilibet Rerum Cœlestium Studiosus se omnimodè componeret, utique Astronomia longè feliores, quam elapsis quibusdam seculis, sine omni dubio, faceret progressus.

Et cum ipse Crügerus mirè etiam Cœlestibus Observationibus delectaretur (ut ut imbecillitas visûs res eminùs ex voto discernendi, atque defectus Instrumentorum prohiberet) quâvis occasione, in primis ad Eclipses animadver-tendas, quò eò majores mihi injiceret stimulos, me accer-sivit, operibusque istis adhibuit. Atque ita his asfuetus nullum unquam Deliquium, vel aliud quodcunque phæno-menum, subsequentibus annis, quo usque hîc Dantisci re-manere obtigit, nisi Cœlo omnino renitente, præterlabi-pas fui, quod non è ratione, quâ tum concedebatur, fuerit annotatum. Ab anno tamen, quo Studia mea con-tinandi gratiâ ad exteris misfus, & toto illo tempore, quo in Bataviâ, Angliâ, Galliâ, & Germaniâ commoratus sum, vix levia in Mathesi tentare licuit; nisi quòd obvias non-nunquam Eclipses, annuente serenitate, animadverterem, atque ea Studia, tam Theoretica, quam Mechanica Practi-ca, quibus jam mediocriter eram imbutus, magis magisque excolerem, addiscendo videlicet Artem Architectonicam, Sciagraphicam, & Scenographicam, tum quicquid ad doctrinam Optices, atque Catoptices spectare videretur, vel quòd existimassem, in meum aliquando vergere posse emolumentum.

Verten-

Ipsas Observa-tiones Cœ-lestes suscipi-endas es se sua-det Crügerus.

Observationis negotium præcipuum est in totâ Astronomiâ.

Astronomia Cultores Ty-chonem omnino imitari debent.

Auctior Crü-geri Observa-tionibus fre-quenter inter-fuit.

Auctior Ecli-pses in obser-vandas nun-quā reliquit.

Itineribus studia Cœle-stia partim interrupta fu-ere.

*Astronomia
Cultores suos
plerūque par-
cissime suscep-
tati.*

Vertentibus autem quibusdam annis; revertens felicitatem rursus in Patriam, ac bene perspiciens, quod is, qui honeste ac commodè vitam cum suis ducere satagit, animum alio, quam ad nudam Mathesin conferre necesse habeat. Nam etsi, ut supra ostensum est, vix quicquam in Mundo nobilius, honestius, jucundius, atque utilius, quam Cœlestis Fornicis Contemplatio existat; attamen hoc præsertim ævo, parcissimè sustentandis vita adminiculis alumno suo prospicit. Quam ob rem suadentibus amicis, & præser-tim honorandis Parentibus (qui me filium unicum inter re-liquos liberos hic Dantisci retinere studebant) Commerci-um illud Uranicum, per temporis aliquod intervallum nonnihil suspendi; totus in eo incumbens, ut hic Gedani ad ea negotia, & quidem civilia animum applicarem, pro-ut optimis Parentibus consultum videbatur, quibus pos-sem vitam colere & honestam, & salutarem, quibus res meæ proficerent, minimè verò deficerent: quod sic, cum Deo, liceat, rebus ita meis Oeconomicis ex parte prospectis, etiam Astronomiæ postmodùm nonnullis subvenire, ejusque operas aliquando eò procliviùs expedire. Præstat quoq; putabam, bonum Civem rem aliquam habentem, quam nudum & inopem, atque ex aliorum nutu dependentem agere Mathematicum.

*Auctor nullo
tempore Res
Mathemati-
cas omnino
deseruit, licet
aliis negotiis
fuerit maxi-
mè distractus.*

Hæc dum egi, non tamen omnino Cultum Uraniæ debitum, quo usque saltē curæ tam privatæ, quam publicæ permiserunt, interea deserui; sed quoad potui in Mechanicis, rebus adumbrandis, construendis, Opticis, Catoptricis, in primis elaborandis & expoliendis lentibus, vi-trisque hyperbolicis ad effectum perducendis diligenter me exercui. Eo præsertim attento, quod à Cl. Crügero indies magis magisque ad id genus studii excitabar; ma-ximè verò istâ allocutione me inflatum sensi, quā me alloquebatur anno millesimo sexcentesimo undequadrage-simo, Mense Mayo, paucis diebus antequam vitam ipsam cum morte commutasset, his nimirūm verbis: Cūm non nesciam (inquit) brevi Eclipsin Solarem in hoc nostro ho-rizonte visibilem instare, utique nulla mihi potior cura fo-ret,

*Crügerus al-
locutione suâ
Auctorem
haud medio-
criter exsti-
mularit, ad
prosequenda
Studia Cœle-
stia.*

ret, quām ut eam possem, totius Astronomiæ (cui plurimū interest) bono, debitè animadvertere; verū optimè videns, ac Divinam Voluntatem præsentiens, hoc ipsum, ut quidem hactenus, nunquam ampliùs me præstiturum. Idcirkò Te iterum iterumque circa meum ex hac vitâ secus sum seriò adhortor, rogoque ex isto quidem propensiissimo affectu, quo Te, Studiaque Astronomica semper sum complexus, ut in posterum aliquantò adhuc alacriùs, majorique curà, quām hactenus Astronomica Studia, quibus, aliisque rebus ad ea pertinentibus haud parum temporis consumpsisti, excolere suscipias; minimè dubitans, quin te nunquam istius rei pœniteat. Nam hocce negotium, ut est honestum, sic quoque in commodum Astronomiæ, ac Patriæ Tuæ aliquando cedere potest honorem; hæc ille: paucos post dies, magno meo dolore, Vir hic, & Astronomus profundæ indaginis fato functus est; plurima quidem magno ingenio & studio conscripta reliquit, sed suorum incuriâ, temporumq; injuriâ, maxima pars eorum adeò periiit, ut vix paucissima ampliùs supersint.

Ab hoc tempore, vix dicī potest, quo amore, & ardore Studia Astronomica prosequutus, & quidem longè alacriùs, quām antehac unquam. Incidentē igitur paullo post Eclipsin, anno sc. 1639, d. i Junii summâ industriâ, quantæ id erat meæ tum facultatis, excepī, delineavi, & annotavi. Dein, sub idem tempus omni conatu moliri incipiebam, quò possem Divæ Uraniæ qualiacunq; officia atque Studia mea cum aliquo fructu deferre. Meris Calculis sub tegulo ponendis (cùm horum hominum nullo unquam tempore fuerit penuria) haud posse Astronomiæ reapse subveniri probè sciebam; sed ex ipso Cœlo, congruis, maximisque ex solido metallo confectis Organis, Observations æthereorum Corporum petendas esse. *No-*
sti enim (rectè scribit Gassendus ad Cæsium pag. 51 Epistol.) *Observationes esse fundamenta, quibus Astronomia iuxatur, & cùm plu-*
rimi exoriantur semper, qui Tabulas, Ephemeridesque contexere possunt,
aut corrigere, raris tamen sæculis nasci, qui ipsi studiosè observent. *Hinc*
nihil mirum, si post exactam tot sæculorum seriem, perfectè adhuc instau-
Post fata Cruci.
geri majori
ardore Res
Cælestes su-
scipit Auctor.

vix spiam exquisitus aliquis Siderum Metator. rari Cœleste hoc studium non potuit ; quando ex totâ Antiquitate infrequentissima habentur observatorum subsidia. Vnius memoriâ totius ævi dignissimus Tycho Braheus in hanc præsertim curam incubuit.

Proinde, nihil magis etiam in votis tum habebam (cùm præstantiorem operam eâ in re me collocare haud posse ratus) quâm ut mihi ejusmodi commoda compararem Instrumenta, quorum adminiculo fructus aliquis utilitatis in Astronomiam derivari posset. Verùm enim verò mecum rursùs reputans, quâm immensum, arduum, & sublime opus aggredi cogitem, quanta rerum cognitio, quale ingenium, quales vires ad hoc ipsum Studium requirantur ; quantos labores, & sudores ad sustinendum (ubi somnus oporteat nunquam non abesse ab oculis) & quod maximè, quâtos sumptus hoc Siderale Studium sibi depositat ; quibus facultates privati alicujus hominis penè sint impares, ad hocce negotium feliciter exequendum ; quod cum primis Favore, ac Munificentia Principum, quin-etiam tranquillâ vitâ, otioque largissimo opus habeat ; hæc nimirùm mente volvens, fractus sum animo, atque omnis penè cupido illius rei apud me prorsùs evanuit. Non ignorabam enim, ingenio tenui, & perquâm exiguâ doctrinâ me esse præditum, virès meas corporis non admodùm tenaces, meque privatum, qui civile genus vivendi elegeram, vitæ Sociam assumferam, remque familiarem gravissimam, maximo temporis dispendio, expediendam habebam ; atq; ita vix tantum temporis, supervenientibus plurimis aliis atque aliis, tam privatis, quâm publicis negotiis, reliquum fore, ut iis Studiis vacare debite possem ; ut taceam, quòd nulla penitus mihi spes tum affulgebat, nec ullâ ratione mihi persuadere poteram, me vel posse aliquando Maximi cujusdam Mecœnatis Munificantiam, & Gratiam ullo aliquo digno opere demererri. Nihilominus constans perstitti voluntatis, & hoc unicum mihi delegi, in quo ætatem meam transigerem ; Deo O. M. confsus, Eum, qui mihi ardorem, ea conandi, Clementissimè inspirasset, Benignissimè quoque prospecturum, fore, ut suo tempore neque vires, neque sumptus, neque otium, neque cætera, quæ adhæc requirantur,

*Auctor per-
spiciens tot ac-
tor difficulta-
tes, circa exe-
quendum Cœ-
leste negoti-
um, animum
ferè despōdit.*

*Auctor se suo
mei iur mo-
dulo.*

*Vt ut con-
scius sua te-
nacitatis Au-
ctor, in pro-
posito tamen
perstitit, Deo
omnia com-
mittens.*

rentur, mihi neutiquam deficiant; quò optima mea inten-
tio, ad Nominis Divini Gloriam & Honorem, felicissi-
mum obtineat succesum.

Obtigit etiam auspicatò, quod res hæc melius cecide-
rit, quàm unquam sperassem; dum occupationibus potis-
simùm domesticis singulari solicitudine, atque debitâ curâ
charissimæ Consortis, pro voto mihi exemptis, aliquantò
liberiùs Rebus Cœlestibus invigilandi dabatur occasio.
Proinde ab anno statim millesimo sexcentesimo undequa-
dragesimo accuratores, quàm antehac Quadrantes, & Sex-
tantes elaborandos dedi: non quidem ex puro ligno, sed so-
lido ære, quoad radium trium quatuorve pedum amplitu-
dine; quæ Organa, meâ opinione, tum temporis abundè vi-
debantur Observationum capacia: prout etiam sequentibus
annis, utpote anno hujus currentis seculi, quadragesimo,
quadragesimo primo, secundo, ac tertio ad Astra, Eclipses,
cæteraque phænomena sæpiùs adhibita fuére. His com-
paratis, nec non Telescopiis diversissimæ longitudinis, ad
Maculas Lunares, Solares, ad Joviales, reliquorumque Pla-
netarum facies rectè contemplandas, manu meâ elaboratis,
atque constructis, Speculam eminentiori loco ædium mea-
rum, anno quadragesimo videlicet primo, ut ut à molestis-
simâ functione publicâ, eo tempore mihi impositâ, haud pa-
rûm interpellatus, extruere curavi. Ex quâ paullò post
Eclipsin Lunæ, die 18 Octobris ejusdem anni observans,
protinus deprehendebam, Phases Deliquiorum vix posse
adeò accurate absque ullâ Macularum Lunarium cognitio-
ne, vel potius delineatione, licet etiam ab omnium exerci-
tissimo Observatore, determinari, & dijudicari; ut ut
præstantissimos Tubos, omnemque operam ad ea adhibea-
mus. Cumprimis, quia Eclipsium quantitas solâ conje-
cturâ, pro cuiusvis arbitrio, sive imaginatione, quâ quisq;
præ alio pollet, nitatur.

Sub eandem igitur Eclipsin arbitratus sum, haud fore la-
bor irritus, nec ingratus, si aliqua delineatio omnium Ma-
cularum in Lunâ existentium, ac meliori Tubo apparen-
tium, tam ratione sitùs inter se invicem, magnitudinis, di-

*Deus beni-
gnissimè vo-
to, ac propo-
sito Auctoris
annuit.*

*Quo anno
solidiora Au-
ctor sibi com-
paraverit
Instrumenta.*

*Auctor Spe-
culam Astro-
nomicam in-
staaurat*

*Occasione E-
clipsois Ma-
culas Luna-
res delineare
proponit Au-
tor.*

*Auctor non
dubitavit ty-
pum aliquem
Macularum
Lunarium
Posteris fore
gratum.*

versæ figuræ, luminis, umbræ, atque coloris susciperetur atque omni Studio perficeretur. Verum non ignorans, neminem adhuc eo tempore talem Lunæ faciem, earumque Macularum, quantum sciebam, in lucem protulisse (excepto Galilæo, eoque rudiori Schemate, Nuncio suo Sidereo annexo, nullo tamen commodo) brevi post finitam Eclipsin, desiderio flagravi, ipsem hanc in parte aliquid tentare; an possem Tubis mea operâ confectis quicquam, quod conduceret, in primis Observationibus æthereis progignere.

*De delinean-
dis Maculis
in Lunâ uni-
versis Aucto-
ritate spō ferè
initiò abje-
cerat.*

Cupido quidem ea conandi in me non deerat, nec Ars Graphica, ad rem hanc summè necessaria, nec oculorum acies, pro quâ Altissimo immortales habeo grates, deficiebat; nihilominus mihi incipienti labor ferè nimius videbatur, vix unquam ad exitum perducendus: ob multitudinem rerum, earumque varietatem diversissimam: attamen perseveravi, & minimè desperavi de feliori successu; quod omnia initia sint gravia, progressu verò leviora.

*Auctor prin-
cipiò non nisi
solo suo bono
unicum Ple-
nilunium ad-
umbrare de-
creverat.*

Lunam itaque singulis diebus, dummodo affulgeret, Telescopio, stylo, ac penicillo enixa operâ excepit; sed eo duntaxat animo, ut unicum tantummodo Plenilunium accuratè adumbrarem, illudque non ad publicum usum exponendum, quod nunquam tum venerat in mentem; sed solo meo bono, ad Eclipsium Observationes eò exquisitiùs à me imposterum obtainendas. Verum aliquantò ulteriùs in eo negotio progressus, optimè perspexi, nullum me unquam absolutum Plenilunium, neque accuratam aliquam Symmetriam omnium Macularum obtenturum, nisi simul phases omnium dierum, nimirum totius Mensis, sive motus Lunæ periodici tam crescentes, quam decrescentes adumbrarentur. Idcircò animadvertisens, negotium hocce paullatim felicius, imò ex voto tandem succedere, neque hunc laborem aggredi sum veritus. De quo autem parùm abfuit, quin deterritus fuissem; perlectis scilicet iis, quæ Petrus GasSENDUS in vita Peireiskii eodem anno quadragesimo primo luci exposuerat: nimirum, quod ipse GasSENDUS, Eximii Peireiskii instinctu, Maculas Lunares depingendas, operâ Præstantissimi cujusdam Pictoris ac Cælatoris

*Progressu
verò omnes
Phases de-
pinxit.*

*Ab opere isto
Selenogra-
phico parùm
abfuit, quin
Auctor de-
nudò fuerit fe-
rè avocatus.*

toris jam susceperat : ut Lib. V. pag. 229 percipere est.

Quam ob causam anno millesimo sexcentesimo quadra-

gesimo quarto, die decimo quarto Januarii Cl. GasSENDUM

literis compellavi : utrum speciem Suæ Selenographiæ ab-

solvisset, nec ne? & an consultum ipsi videatur, ut Sele-

nographiam (cujus aliquas icones, maximâ parte jam deli-

neatas, ac parte æri incisas etiam ipsi transmiseram) incho-

atam ulterius ad finem usque perducerem. Quid respon-

derit eodem anno, Mense Aprili, ex sequentibus patet :

Debeo porro ingenteis quoque pro adeò egregio Solis Schemate, in quo a=

liquot Maculas, faculasque appinxisti, lætorque, Te & obtainere egregi=

um adeò Telescopium, & methodo uti, quæ videntur longè, quam Scheine=

rianâ facilior, & pollere non modo visu, qui possit sane haberi Lynceus,

verum etiam manu adeò eleganti, ut depingi nihil accuratius possit. Fa-

cit hoc certè, ut non modo consentiam, sed quantum licet etiam exhorter, ut

quam ego Selenographiam affectavi, ipse perficias ; siquidem, cum mihi

pingendi ignaro, utendum aliis fuerit manibus, potes Tu rara fælicitate

tuis-met uti, & pingendo, &, quod maximum, æri incidendo. Item

aliâ Epistolâ, Idibus Octobris eodem anno datâ : Mirâ a=

liunde lætitia quas phasium Luminarium icones una transmisisti, sum ex=

osculatus, siquidem non potui non tam valde mirari, & oculi tui in obser=

vando perspicaciam, & manus tuæ in penicillo, cæloque tractandi indu=

striam. Nam & cum sit in te præterea affectus ad exsequendum, sunt

in te uno eæ dotes, quæ vix in ullo alio sint unquam, queque nisi conce=

nerint, frustrâ perfectio operis difficillimi exspectetur.

Atque ita intellecto, Præstantissimum hunc Virum o-
pus hocce omnino deseruisse, cum nullâ ulteriori volunta-
te, ullo alio tempore redintegrandi ; adhæc phases meas
ipsi, ut & aliis magni nominis quibusdam Viris, haud us-
que adeò displicere ; sed potius Eos insuper strenue ad ea
prosequenda me etiam atq; etiam adhortari, nimiùm quan-
tum Urania mea fuit excitata, atque desiderium plus ultrà
pervenieendi in animo crevit, usque eò, ut nihil amplius in
votis habuerim, quam quomodo ea ipsa, quæ diu noctuq;
meditatus, ac speculatus eram, summis vigiliis, maximoq;
labore, non sine sanitatis, facultatisque bonæ partis dispen-
dio acquisita, quantocyus in lucem proferrerentur. Pro-

Auctor eâ de
re GasSENDUM
literis com-
pellat.

GasSENDUS
hortatur Au-
ctore, & plus
plusq; exci-
tat ad Sele-
nographiam
perficiendam.

GasSENDUS
denuò suader,
laborē Seleno-
graphicum
continuandum
esse.

Persuasus
Eximiorū Vi-
rorum, Sele-
nographiam
Auctor ala-
criter est ag-
gressus.

*Auctor nocte
Phases Lu-
nare adum-
bravit, die
vero eas scul-
psit.*

*Sapiens inspe-
rata in ma-
ximum cedunt
commodum.*

*Selenogra-
phia non nisi
maximo la-
bore progra-
ta.*

*In delinea-
tione Macu-
larum Luna-
rium, Auctor
simul ratione
habuit reli-
quorum Side-
rum.*

*Auctor vi-
dens opellas
suas Eruditis
haud usque
ad eò displice-
re, ad Obser-
vationes Pla-
netarum se
accingit.*

*Absq; Re-
stitutione Fi-
xarum, fru-
stra in Erro-
num motu la-
boratur.*

inde somnum abstensi ab oculis, nulli nocti serenæ, Lunâ affulgente, parcens; quas noctes, vultum Lunæ penitus contemplando, ac adumbrando; dies verò rursùs nitidiùs, & pleniùs facies illas calamo, styloque delineando, limando, imò etiam ipso cælo incidendo penitus consumebam: teste ipsa Selenographiâ.

Sicque demum intelligebam, percommode accidisse, quòd juvenilibus annis ex composito stylum, penicillum, cælumque pro voluntate dirigere, & tractare addidicissem; alioquin hâc peritiâ negatâ, crede, nunquam potuissem hunc Selenographicum, satis operosum, & sumptuosum laborem, ne quidem somniare, nedùm suscipere, atque ejusmodi plurimis Observationibus, & iconibus illustratum in lucem exponere.

Quantæ autem operæ id fuerit uni soli, ea omnia peragere, & quibus sumptibus ad prælum tandem deductum fuerit, harum rerum experti facile norunt; ut mirum non esset, etiamsi aliquantò largius intervallum, quàm unius lustri, eodem opere absumpsissem. Interea tamen reliquas Observationes, tam Planetarum, Eclipsium, Occultationum, nec non Macularum Solarium, Jovialium haud quaquam remissius tractavimus, & quidem iis Instrumentis, paullò antè, ut diximus, constructis: quemadmodùm ipsæ Observationes, Lib. II. III & IV Machinæ hujus Cælestis prolixius ostendent.

Ad umbilicum itaque eo opere, anno videlicet quadragesimo septimo, perducto, ac percepto tam ex literis privatis, quàm scriptis publicis, operas quales quales meas, bono publico suscepas, Viris Eruditis, etiam Maximis Musarum Evergetis haud extitisfe omnino fastidio, nec non stimulos Studiorum Astronomicorum ultrà prosequendorum mihi injicere; volui quantocyùs amicorum, Eorumque omnium voluntati morem gerere, penitus persuasus, haud me posse melius vitam meam publico impendere, quàm si Observationibus omnium Planetarum nunc quoque enixè operam navarem. Has autem rursùs haud feliciter posse depromere optimè perspiciebam, nisi ipsæ Stellæ Inerratiæ Studio indefeso universæ & singulæ observarentur, eorumque

rumque loca debite restituerentur. Ad quod in primis Studium etiam plurimi Astrorum Periti me eo tempore animabant, impellebant: sicuti partim ex Cl. Viri de Leonibus, Celeberrimæ Mariæ Cunitiæ, Uraniæ Propitiæ Geneticis Mariti literis, anno quadragesimo octavo, die 28 Febr.

Insignis Astronomus ad instaurandas Fixas Astrorum suæ flat.

ad me datis legere est: *Non ægrè feras, si Tibi, à proprio genio satis incitato, calcar addere pergam, admone amque, ut ante omnia ipsa= rum fixarum loca probè examines. Nam et si Tycho omnia humanæ in= dustriæ momenta in hoc negotio insuffisse meritò videatur. Restant tamen nonnulla, partim crassa, partim levia sphæmatica, postgenitorum indu= stria corrigenda. Ne gratis hoc mihi credas, producam mearum Observa= tionum duas, in duabus fixis, Lucid. nempe in dextro humero, & stellæ in dextro brachio Heniochii, sive Aurigæ, quarum hanc anno 1634 Mensib. Febr. Mart. April. diversis modis, instrumentis, sitibus, respectu primi motus saepius observavi in $25^{\circ} 26' \text{ II}$, cum latit. Bor. $13^{\circ} 45'$ cui Catalog. Rudolph. $24^{\circ} 56'$, Longomont. & Progymnasm. $24^{\circ} 26'$ dun- taxat concedebat. Hac ejus longitudine obtentâ, alteram quoque, cui Cata= log. Longomont. & Rudolph. $26^{\circ} 20' \text{ II}$ assignabant, examinavi, & so= lummodo $25^{\circ} 56' \text{ II}$, cum latit. $21^{\circ} 29'$ ferè inveni. Vestrum erit, Viri ab exquisitâ supellecili Instrumentariâ paratis simi & instructis simi, & qui= bus forsitan plus otii, & commoditatis suppetit, quam mihi, Cœlum super his consulere, & uter nostrum, ego ne, an Catalogus Fixarum rem proprius at= tigerit, liberè arbitrari. Has enim sedes à me dictis fixis rite assignatas esse, correctus Planetarum motus saepius luculenter jam comprobavit. Nec pu= tes, has duas solummodo sibi exposcere correctionem, sunt & aliæ, dudum à me animadversæ. De quibus in præsentiarum scribere nihil attinet. Quas quidem jam dudum, mea sponte, aggressus fuissem, nisi Lunaribus, aliorumque Planetarum Observationibus (ut taceam reliqua) plus, quam satis, fuissem occupatus: prout dicto de Leonibus eo tempore respondi.*

Brachium Aurige quo- usq; à Cœlo discedat.

Plurima Fixæ correctio- ne indigent.

Has autem Observationes cum fructu aliquo suscipere, exploratum probè habebam, Instrumentis iis trium, quatuorve pedum, quæ olim mihi comparaveram, fieri haud posse; sed majoribus, & amplioribus opus esse. Proinde, cum Quadrans aliquis Azimuthalis ex solido metallo, so=licitante olim Cl. Crügero, operâ peritissimi cujusdam Ar- tificis, ex singulari erga Sideralem Scientiam, literasque omnes

Maximus Instrumentis opus est ad Observatio- nes Fixarum.

De Qua- drante Azimuthali no- stro maximo.

omnes propensione Nobilissimi, & Amplissimi Nostri
Senatus Gedanensis, sumptibus haud levibus in eundem
Quadrantem suppeditatis, inchoatus quidem, sed minimè
omnino perfectus, hīc Gedani otiosè locum quendam te-
neret, & quidem inter Martialia Organa, cum quibus rem
nullam jure habere debebat, decenter illum in Astronomiæ
commodum, Patriæque meæ dulcissimæ honorem expeti-
vi; quem etiam nullo labore, à Nobiliss. nostro Senatu,
pro eo amore, & favore, quo me, meaque Studia nunquam
non est prosequutus anno quadragesimo quinto circiter
obtinui. Quo impetrato protinus illius splendidissimi
Quadrantis omnes partes, quæ nondum ad perfectionem
pervenerant, curabam elaborari quam diligentissimè, nec
non regulam cum pinnacidiis, quibus adhuc destituebatur,
adjici; tum illius gratiâ, cum idoneum locum nullum ha-
Peculiarem
Turrim pro
Quadrante
Azimuthali
auctor ex-
struxit. - berem, ubi illum reponerem, peculiarem speculam, sive
turrim, priori speculâ longè adhuc eminentiorem, haud le-
viusculis impensis construxi, ad Observationes inpos-
tum eò commodius peragendas. Antequam autem istum
Hand est res
leviuscula re-
Etè adornare,
& ad Obser-
vationes ex-
ponere In-
strumenta. magnum, & egregium Quadrantem Azimuthalem in hac
speculâ ad lineam Meridianam ritè collocare, ab omni par-
te debitè examinare, ac penitus certus esse potuerim, quod
omnimodè officio suo satisfaciat, multum temporis, labo-
risque perdidi. Non enim res leviuscula, Instrumento-
rum vires probè exploratas habere, cum quibus res maxi-
mæ, utpote Altitudines Meridianæ Solares, Aequinoctia,
Solstitia, atque rursus ex his Annus Tropicus, Eccentrici-
tas, Apogæum, totusque motus Solis, reliqua ut præterea, -
explorari debeant:

Non solo
Quadrante
Azimuthali,
sed aliis insu-
per Instru-
mētis diversi
generis Ob-
servationes
expediuntur. Insigni autem hoc Quadrante Azimuthali toto Ori-
chalcico satisque ample ritè tandem accommodato, & ad
usum translato, protinus animadvertebam, opus etiam fo-
re aliis majoribus Instrumentis, Sextantibus videlicet,
Quadrantibus Horizontalibus, & Octantibus, quam quæ
antea constructa habebam. Idcirco, cum eo tempore
Auctor ini-
tiò ad modum
Ty- meliora animo non comprehenderem, ad rationem Ty-
chonicorum Instrumentorum, tam quoad qualitatem,
quam

quam magnitudinem, diversa Organa fabricari curavi: *Tychonicum
Organa con-
didit.*
ex solido. nimirum, siccoque ligno, orichalcicis laminis
superinducta, adjectis regulis, atque pinnaciis orichal-
cicis (sex sc. pedum ratione radii, qualia Tycho descri-
psit in Suâ Mechanicâ) tum Quadrantem Pensilem, tum
Sextantem; Octantem verò duobus pedibus Tychonico
adhuc majorem. Quibus majoribus Instrumentis etiam
summoperè opus erat: quippe solo Quadrante Azimu-
thali quid præstari possit, nisi simul intercedentes Fixa-
rum, & Planetarum à se invicem dimetiri possimus, facile
intelligitur.

Hisce autem Organis fabricandis, dividendis, & ex-
plorandis, rebusque cæteris huc spectantibus elaborandis,
atque comparandis anni aliquot effluxere, priusquam o-
mnia sic fuerint in Observatoriis disposita, ut promptè ad
Observationes, præsertim Fixarum, adhiberi potuerint.
Deinde etiam plurimum temporis transiit, antequam ipsum
negotium serio aggredi licuerit; Rerum videlicet Optica-
rum studiis, vitris expoliendis, Telescopiis construendis,
in primis lentibus hyperbolicis tandem ad exoptatum fi-
nem perducendis: sicut etiam, Divinâ annuente Gratiâ,
postquam diversimodè, variâ viâ, tum Carthesianâ, sed fru-
strâ, haud modico temporis dispendio tentaveram, mihi
feliciter, anno 1649, meâ quidem opinione, obtigit; pro-
ut suo loco pluribus dicetur. Adhæc, haud modicum tem-
poris intervallum consumpsimus, Selenographiâ jam edi-
tâ, investigando motu Lunæ Libratorio, ejusque limitibus
ritè stabiliendis; quæ primùm omnia anno 1648 explora-
ta fuére. Maximè verò me à proposito divertebat acutis-
simus morbus, quo subsecente anno gravissimè, imò le-
thaliter per menses aliquot conflictabar, nec non molestis-
simæ curæ haud paucæ, quæ omnia me nimium quantum
à susceptis laboribus, ac Observationibus distrahebant, ac
obstabant, quò minus iisdem annis, ut quidem proposue-
ram, eo in negotio plurima tentare potuerim. Interea ta-
men nihilominus phænomena, quæcunque obvia fuére sub
codem tempore, ut potuere, debite annotavimus, ac deline-
Anno 1649
Auctor gra-
viter dece-
buit.

ayimus, imò, etiam æri incidimus : quemadmodùm ipsæ nostræ Observations ulterius ostendent.

*Majoribus
Instrumentis
aneis quando
Auctori pri-
mum obser-
vare oblige-
rit.*

Quibus de caussis, inquam, accidit, quod ad illas serias, magnique momenti Observations, majoribus scilicet illis recentioribus Instrumentis peragendas, quas pro restaurandis tam Fixarum, quam Planetarum motibus animo conceperam, citius pervenire, quam demùm anno 1652 haud potuerim. A quo tum tempore hucusque, nulla mihi unquam major cura fuit, quam ut primùm Quadrante

*Altitudines
Solis Meri-
dianas, &
quinoctia &
Solstitia fre-
quentissimè
Auctor ob-
servavit.*

illo Azimuthali Orichalcico, Altitudines Solis Meridianas, Fixarumque singulis serenis diebus & noctibus, dedita operâ observarem, nec non, datâ occasione, quævis Æquinoctia, Solstitia tam Brumalia, quam Æstiva ; deinde etiam cæteris Instrumentis distantias Siderum dimetirer. Ad quod etiam negotium constanter promovendum, à superveniente tum temporis, anno 1652 Cometa illo, capite maximo, fateor me valdè fuisse excitatum, non neglectis tamen hujus ipsius Criniti Sideris Observationibus. Quid autem circa ejus cursum deprehensum, & annotatum fuerit, & quales labores in ejus curriculo penitus pvestigando, ac quibusvis ejus phænomenis explanandis, devorare necessum fuerit, ipsa Cometographia monstrat. Quâ occasione quoque evenit, dum Cometa modò ab hac, mo-

*Apparitio
Cometa, ad
corrigendas
Fixas multū
tribuit.*

dò illâ Stellâ Inerraticâ capiebatur, quod magis magisque, de plurimarum Fixarum erroneo situ confirmabar, atque re ipsâ tum experiebar, omnino verissimum esse, quod olim Keplerus, Astronomorum Sagacissimus ad Wilhelmum Schickardum in Epistolâ quâdam, anno 1618, die 11 Martii perscripserat : *Deinde velim Te hoc scire, non esse omnino tutum fidere Catalogo Fixarum Tycholico, quia loca Fixarum ex Observationibus computata sunt per Studiosos varios, inveniunturque passim errorculi, &c.* Imò, non solum eâ caussâ, quod in calculo, sed etiam in ipsis Observationibus sine dubio nonnunquam ab erratum sit : quemadmodùm idem Keplerus in Epistolâ ad Mæstlinum, anno 1620 datâ, haud perperam suspicatur ; dum scribit : *Rogo majorem in modum, idque propter bonum publicum, & propter honorem professionis nostræ, quæ consistunt in hoc adju-*

vando

vando, ut dispicias, quid agendum putas in motu Fixarum emendando. Nam similia etiam ex nonnullis Observationibus Veneris videor eruere posse, ut ita diurnæ Veneris Observationes, cum proximis Tychonicis nocturnis, interventu horarii Veneris non optimè convenientant. Unde desiderium eò magis in animo crevit, ut correctione aliquā, quantum possem, præcipuis stellis subvenirem. Nunquam tamen constitueram, omnes & singulas Fixas observare, ac examinare; nec ullà ratione mihi imaginari poteram, me, vel si maximè voluissem, illas omnes, quarum aliquot milia Observationum essent peragenda, unquam posse: attento, Magnum Tychonem etiam decem, imò quandoque duodecim studiosorum operâ suffultum, viginti annorum spatio vix istud immensum opus, licet adeò magnifico Instrumentorum apparatu, totque ac tot sumptibus vix ad finem perducere valuisse; me verò, nec vitam, in primis ejusmodi mediis, ac summè necessariis requisitis initiò planè destitutum, eò usque mihi promittere, nedum tot insomnes noctes perducendas, & quidem unius, aut alterius hominis tantummodo auxilio subnixum, sustinere ullo modo posse. Hincque citius terra ætherem conscenderet, ut mihi imaginabar, quam adeò numerosam Fixarum Stellarum cohortem omnimodè me perscrutari unquam valere. Divina tamen lux affulsit, ut hocce immensum opus, quod post Hipparchum nemo, nisi Tycho magno ausu suscepit, simul etiam ad exitum perduxit, supra spem omnem meam progressu temporis felicius nobis successerit.

Cùm igitur dictum negotium omnibus viribus aggressus essem, affulgente illo benè notabili Cometa, volui & huic aliquantulum operæ navare, quandoquidem nihil, quod ad eam rem spectare videbatur, mihi tum deerat. Atque exinde, hortatu amicorum accidit, quod huic insolito phænomeno plūs, quam unquam mihi persuasissem, invigilaverim, etiam ipsam Cometographiam conscripserim. Quem autem molestissimum laborem, sanè nunquam, neque cætera quamplurima suscepissem, nisi hic Cometa emicuisse. Verum, sicuti pluribus Astrorum Scrutatori-

*Initiò An-
tor præcipu-
as taniū Fi-
xas emenda-
re constitue-
rat.*

*Auctor nuna-
quam sibi i-
maginatus se
posse vel ullà
ratione omnes
& singulas
Fixas exa-
minare.*

*Negotium
tamē spe me-
lius successerit*

*Auctor mul-
tum opera
posuit Come-
tographicis
laboribus.*

Cometa, plerumq; Ingenia Astronomica ad quid amplius tangent. bus, sic quoque mihi, quali quali Siderum Cultori obtigit, quod magis ac magis accensus fuerim, ex novo illo recens exorto Sidere, pro modulo à Deo concesso, ad Studia Astronomica ulterius majori adhuc conamine, quam antea continuanda. Propterea ex composito hominem quendam, & diligentem, & visu pollentem ivi quæsitum, qui

Ad Observationes plures requiruntur. mecum assiduè Sextantibus, & Octantibus Observationes perageret, mihique in iis omnibus, quibus solus non sufficerem, strenue opem ferret. Sextantibus enim & Octantibus nemo, ut Periti non nesciunt, solus rem administrare valet, ut quidem Quadrantibus fieri potest : quibus etiam semper solus Altitudines capio, ac omni tempore quoque anno.

Auctor, in suis ipsis Observationibus fidè alteri è grè adhibet. Agnosco namque me eo semper laborasse affe-ctu, an bono, an malo, Tuum erit, Benigne Lector judicare, quod nemini alteri cuidam, quisquis etiam is unquam sit, in observandis Sideribus, facile fidem adhibeam, ubi ipsem negotium oculis, atque manibus meis, tam in dirigendis Instrumentis, numerandis gradibus, eorumque scrupulis, quam & annotandis singulis animadversionibus, perficere quo.

Auctor ad Ricciolum, de motu Luna Libratorio, & ad Nucerium de Luninarij de liquis Epistolas edidit. Sub anno tamen 1653 summoperè rursus à variis curis, nec non susceptis illis Cometographicis laboribus in dies crescentibus, ob calculum toediosissimum mihi unico peragendum, iconismos tot ac tot adumbrandos, ac cælan-dos interpellatus ; cum primis superveniente R.P. Riccioli Almagesto, cui autor nonnulla infererat, quæ Selenographiam ex parte concernere videbantur, tum quod de genuino motu Lunæ Libratorio ritè inveniendo, ac penetrando, ferè omnem spem abjecerat : quibus commotus anno 1654, accepto tum primùm ejus Almagesto, quod Epistolam benè longam, de dicto motu Lunæ Libratorio ad P. Ricciolum conscripserim, ac typis evulgaverim : quâ ostendebatur, rem ipsam de quâ penè desperasset, jam felici successu, annuente Divino Numine obtentam, adque certas deductam esse leges. Deinde etiam, animi relaxandi gratiâ, alia diversa edidi Opuscula : utpote, Epistolam de utriusque Luminaris Defectu ad Illustriss. Nucerium. Item anno

anno 1656, Dissertationem de nativâ Saturni facie, insti-
ctu Serenissimi Gastonis Aurelianensium Ducis. Nihilo
tamen minus in Observationum illo negotio, non obstan-
tibus illis impedimentis omnibus, alacriter perreximus.

Continuatis igitur his Observationibus aliquot anno-
rum intervallo, atque probè explorato, Quadrantem no-
strum Azimuthalem constantissimè quidem officio suo
fungi; reliqua verò Instrumenta, utpote illa minora trium,
quatuorve pedum orichalcica, tum nonnulla ad rationem
Tychonicam ex ligno elaborata, laminis solummodo ori-
chalcicis superinducta, nonnihil à recto tramite successu
temporis deflectere; ut iis adeò tuto insistere haud possimus.
Minoribus quidem ex eo, licet ex puro metallo confectis,
quòd non justæ sint magnitudinis ad partes secundorū ac-
curatè commonstrandas, tū quòd dioptræ minori distantiâ
ab invicem removeantur; majoribus verò illis Tychoni-
cis exinde, utut divisiones exactissimas exhibeant, ad duo-
decimam cujusque minutis ferè partem determinandam,
quòd progresu, elapsis aliquot annis, easdem distantias Si-
derum, nunc aliter atque aliter in minutis ipsis, ne dicam
secundis, quām initio, detegant; atque sic longo usu talia
Instrumenta mutationi maximè obnoxia esse, certis indi-
ciis compereram: prout suo loco prolixius dicetur. Ex-
periebar itaque tum re ipsâ, verissimum id esse, quod olim
ipse Tycho Lib. II Progymnasm. pag. 256 fassus est: ni-
mirūm, Instrumenta, (ex ligno nempe) usū & ætate à primâ per-
fectione degenerare. Item Organa nisi è solidō metallo affabré elaboren-
tur (inquit) mutationi obnoxia sunt; & si id quoque detur, ut è metallicâ
materiâ constent, nisi ingentia fuerint, divisiones minutissimas graduum
non sufficienter exhibent; dum hoc præstant, suâ magnitudine & pondere
se ipsa ita aggrevant, ut facile tum extra planum debitum, aut figuram
competentem; dum circumducuntur, declinent, tum etiam suâ mole intracta=
bilia redditur. Quare majus requiritur in Instrumentis Astronomicis,
quæ omni vitio careant, construendis artificium, pari judicio conjunctum,
quām hactenus à quamplurimis animadversum est; Id quod nos ipse usus,
longaque docuit experientia, non paucolabore, nec mediocribus sumptibus
comparata. Adhæc, addit dictus Auctor pag. 358 ejusdem

*Dissertatio
de Saturno, ad
Serenissimū
Aurelianen-
sium Ducem.*

*Auctor tan-
dem deprehē-
dit, Instru-
menta Tycho-
nicā a successu
temporis mu-
tationi esse
obnoxia.*

*Ligneis In-
strumentis pa-
rū admo-
dū esse tri-
buendum, ipse
fatur Ty-
cho.*

*Est Res ar-
dua, idonea
cōstruere In-
strumenta.*

Subtilissimū negotium Observations administrare Cœlestes. Lib. II Progymn. Quanta subtilitas & diligentia requiratur in Observationibus Cœlestibus mechanice instituendis, nemo compertum habet, nisi qui multorum annorum experientiâ, variisque Organis, nec paucolabore, aut sumtu, horum notitiam sibi familiarem reddiderit.

Maxima, simul ex solidō metallo, tū ad nutum volubilia Sidera requirunt Organaganā. Ideoque, quoniam abundè pariter exploratum habebam, etiam experientiâ addidiceram, omnino necessum esse, si quis cum fructu aliquo, Observationibus Cœlestibus, Astronomiæ, & Posteritati consulere satagat, ut non

solum maxima, accuratissimè in secundorum partibus distributa, sed etiam ex solido metallo confecta habeat Organā; & quidem ejusmodi, quæ ad nutum ad omnes Cœli plagas, omnesque distantiarum inclinationes converterentur, ac dirigerentur, tum suo pondere ne minimum quidem Observationibus sint impedimento. Cùm autem

Sed artis est talia construere. hoc ipsum, etiam ipsi Astronomorum Principi Tychoni in hoc pulvere longè exercitatisimo arduum esse visum fuerit; quidni mihi hoc longè facilius erat cogitatu, quam inventu, atque ad effectum productu; & quidem ei, qui vix plus, quam privatam ageret vitam, facultates suas alio impendendas haberet, qui nullius auxilio, vel Liberalitate cuiusdam frueretur Principis. Attamen in proposito perseveravi, maximè semper eo solatio erectus: Deus pro-

Auctor omnē movit lapidē, quō posset am plissima anea, & aptissima sibi comparare. videbit. Atque ita diu noctuque meditabar, quomodo possem non tantum maximos Quadrantes, Sextantes & Octantes, sex, septem, octo & novem ped. ex puro puto metallo, omni ligno prorsus remoto construere; qui ut subtilissimè essent in minutissimas partes distributi, sic etiam admodum volubiles, & ad dirigendum quaquaversum maximè leves, licet essent alioqui ponderissimi. Quod

Anni efflu- xere, prius quam illa ob- tenta fuere. negotium anno 1655, Divino auxilio, atque operâ cujusdam peritissimi Automathurgi etiam suscepi. Verum cùm multum laboris constiterit ejusmodi vastissima, ac gravissima, ex solido metallo conficere Organā, unus aut alter effluxit annus, antequam omnino elaborata fuere; imò ipse præcipuus Artifex vitâ functus, priusquam ultimam manum iis adhibuerat. Hincque alium Automapœcum in ædibus meis alendum suscepi, qui Instrumenta ad exopta-

exoptatam perfectionem perduceret, ac alia insuper necessaria construeret.

Hisce autem Organis ex voto conquisis, commoda rursus Specula, & locus undique patentissimus, ad Observationes administrandas deerat. Quippe nec Turris illa pro Quadrante Azimuthali exstructa, nec Specula illa prior haud satis capax extitit, multò minus prospectui ab omni parte, ut Observationes omnimodè exigeant, satis induxit, quò Observationes commodè institui possent. Idcircò, denuò novos sumptus me impendere oportuit, ut aliam Speculam Astronomicam multò aptiorem, altiorem, & ampliorem, in fastigio reliquarum mearum ædium, ab omni impedimento prorsus liberam, sub ipso dio exædificarem: in quā demum Organa illa vastissima, & solida, eà ratione transtuli, ut nullum alteri esset impedimento, ut ut conjunctim ad Observationes adhicerentur.

Relictis itaque Tychonicis, prioribus scilicet illis ex ligno confectis Instrumentis, his ex ære elaboratis omni tempore constanter usus sum: cùm inter reliqua universa immane quantum ab omni parte excellebant: quibus autem in partibus, postea erit percipiendum. Ab auxiliis tum mihi erat Præstantissimus Juvenis acutissimi, & subtilissimi Ingenii M. Michael Kretzmerus Dantiscanus, Rostochio eum in finem à me evocatus: cui nunquam non volupe erat, etiam totas noctes insomnes mecum ducere. Dignissimus profectò, ut quām diutissimè vitam vixisset; sed Deo aliter visum fuit: mors enim, postquam vix tribus annis Observationibus mecum operam dederat, magno meo dolore, illum eripuit. Coactus igitur alium quendam Socium quæsitum ivi; interea tamen ab istis Contemplationibus haud feriatus sum, sed aliorum operâ, qui tum mihi erant à manibus, usus sum; donec alium inveneram. Quanquam ejusmodi Studiosi, qui aliquid solidi suscipere in hoc Studio allaborant, non undique existunt obvii, sed raræ sunt aves. Cùm Astronomia sit sumptuosa, ac parùm plerunque Cultoribus lucrosa. Exinde etiam haud ita procliviter in alium ejus generis hominem incidere potui;

*Ampliorem
& altiorem
Speculā, pro
reponēdis re-
liquis Instru-
mentis An-
ctor adornat.*

*Tychonica
Organa li-
gnea, Auctōr
planè rejecit.*

*Kretzmerus
egregius A-
stronomia cul-
tor, Auctori
ab auxiliis in
Observatio-
nis negotio
extiit.*

*Mathemati-
Studiosi per-
panci existūt.*

ut

In capiendis distantias sapientius Auctor etiam Automathurgum suum adhibuit. ut necessum omnino fuerit Automathurgi mei, quem in ædibus tum meis, ut modò dicebam, ob alia diversa Instrumenta, ac horologia condenda alebam, operâ uti, quò mihi singulis noctibus esset, in distantiis capiendis, ab auxiliis. Quo in negotio etiam adeò erat exercitatus, ut nemini facile, etiam doctissimo cederet. Verùm, ne hic quidem longævus extitit: anno enim proximo ab excessu prioris Mortuus Automathurgo, alias quidem Sodalis ad Observationes substitutus, sed subitanè morte quoq; correptus. Socii, vitam pariter in domo meâ cum morte commutavit. Accepi igitur Francofurto alium quendam, Mag. scilicet Christianum Pelargum, Juvenem ob eruditionem, vitæque probitatem valde mihi commendatum; sed pariter vix ædes meas ingressus, priusquam adhuc unicam Observationem mecum peregerat, acutissimo morbo correptus, paucos post dies decessit.

Coadjutores Observationū sapientius permittit, ut Moderatori pertinet, sic ipsi Observationi bus damnoſū. Unde mirum in modum circuli mei extitère perturbati, me nullius Coobserveroris auxilio diutissimè frui posse. Nam tales vicissitudines, dum sæpius aliis atque aliis substituitur, principali Observationum Moderatori pertinet, quàm sunt adversæ, imò fastidiosæ, & perniciosæ; perpetuè tuò scilicet recentibus Subjectis rem & otium perdere. Multum enim elabitur temporis, priusquam exercitatio sufficieni coadjutor aliquis debitè instrui potest, ut quibusvis Observationibus omnimodè sufficiat. Nihilo tamen minus animum neutiquam abjeci, nec lassitudine & tœdio victus, quòd res hæ aliter, quàm volebam, succedebrent; verùm inter hæc alios domesticos, nec non Uxorem ipsam ad Observationes accersivi, cum quibus æque accu-

M. Marquardus, Juvenis Rerū Mathematis carum benè gnarus, per aliquot annos Auctori fuit ab Observatiōnibus. ratè, quàm cum illis rem peregi: usque dum Wittebergæ M. Andreas Marquardus ad me venerit, Juvenis alias Eru-

strum utriusque haud amplius ferret, aliò se contulit. In cuius locum deinceps alium quendam Magistrum Philosophiæ Lipsiæ elegeram; sed obstacula intervenire, quò minus Gedanum pervenerit.

Tœdiosissimū Auctori fuit, to- Cùm igitur maximè mihi esset tœdiosum, toties alios atque alios Observationum quærere Socios; satiùs fore arbitrabar,

bitrabar, si mihi perseverantes coadjutores, & qui mihi es-
sent perpetuo ab auxiliis compararem : res sic multo pro-
cliviùs, minorique temporis dispendio, & majori contrà
certitudine, sine dubio, procederent. Hincque illos, quos
perpetim domi alebam, ad istud negotiū advocavi ; utpote
inter alios Typographum meum Batavum, cum charissimā
thori Sociā, ad id Studium naturali inclinatione bene aptā :
brevi etiam temporis intervallo, tum hæc, tum ille Observa-
tiones omnes adeò exquisitè mecum administrabant, ut
quisquis priorum aliis unquam ; sic, ut horum operam hu-
cusque per decem & amplius annos, in observandis vide-
licet Sideribus sufficienti satisfactione usurpem : nec un-
quam alios coobservatores quæsiturus, quo usque his frui,
quod animitus opto, mihi liceat.

Verūm, ut ad ipsas nostras Observationes, nec non In-
strumenta eum in finem fabrefacta deveniamus. Initio, Initio Au-
tor ad nor-
mam Tycho-
nicarum Ob-
servationum
se composit.
adhibens ad Cœlestia Sextantem & Octantem Tychoni-
cum, Observationes Brahæi mihi semper instar normæ, sive
libellæ fuerunt, ad quas tam Organa, quam Observata no-
stra examinabam, ac corrigebam : prout aliis plurimis, et
iam Tychonis ipsius Familiaribus semper usu venit : nimi-
rūm, si quando certas aliquas Intercapedines Siderum ca-
piebant, priùs ipsum Instrumentum, ad certam aliquam
Stellarum Distantiam explorabant, an planè eandem, quam
Tycho invenerat, commonstret? secùs Instrumentum eò
direxerunt, vel Divisionibus, vel Dioptris mutandis & lo-
candis, donec eadem planè Distantia, ut Tychoni olim,
prodiret. Id quod ipse quoque faciebam ; ratus, hanc ra-
tionem omnibus aliis esse præferendam ; quamvis rem
longè aliter sese habere, experientia postmodùm common-
straverit.

Ad Distantiam igitur Lucidæ Arietis & Palilicii, tum
Sextantem, tum Octantem illos ligneos priùs examinavi ;
experiebar autem, Instrumenta mea, cum quovis etiam so-
cio rem tentarem, diversam prorsùs Distantiam detegere, ac
nunquam in ipsis secundis, cum Tychonicis Instrumentis
convenire, ut ut omnem adhicerem diligentiam. Quando-

H

quidem

tores alios at-
que alios sub-
stituere Coob-
servatores.

Tandem feli-
ci successu &
Uxorem &
Typographi
num Auctor
ad Observa-
tiones accersi-
vit.

Quomodo Ty-
chonici aliiq;
Observatio-
nes atque In-
strumenta exa-
minaverint.

Instrumenta
Auctoris, ini-
tiò hand pe-
nitius respon-
debant Tycho-
nicis.

In quibusdā ad duo integrā gra minuta discrepabant. quidem Tycho eandem ipsam Intercapedinem observavit $35^{\circ} 32' 10''$; ego verò perpetuò meis Instrumentis $35^{\circ} 32' 45''$, hoc est $35'$ secund. majorem eandem deprehendebam; alias etiam insuper Distantias ad integrum, imò nonnunquam ad duo integra minuta diversas; & quidem minimè constanti variatione. Modò enim in excessu, modò in defectu Observationes meæ, respectu Tychonicarum, peccabant.

Auctor sua ad Tychonica omnino compонere volunt; sed infeliciter successu. Hæc perspiciens, Instrumenta mea necessitate constrinxi, etiamsi nullà ratione vitium aliquod invenerim, ut eandem Distantiam inter Lucidam Arietis, & Palilicium ostenderent: omnino persuasus, magis Tychonicis, quàm meis oculis, ad aliorum exemplum, fidendum esse; sed exspectatio mea me egregiè fecellit; sicuti brevi percipies.

Scrupulus Auctori tandem injectus, quod Organa sua ad placitum alterius, absq; ullā evidenti necessitate, vi quādam coegerit. Nam, cùm per annum, & ampliùs, Instrumentis istis meis Tychonicis correctis, uti putabam, Observationibus invigilassem, injectus est mihi scrupulus: recténe omnino factum sit? quòd Instrumenta mea absque omni evidenti vitio coegerim, præter voluntatem eorum Distantias ad Tychonis normam commonstrarē; præsertim cùm videbam, etiam recentiora mea maxima, ex solido metallo, summa diligentia constructa Organa, eandem Distantiam ad $35'$ secund. majorem referre, quàm Tychonica, & quidem dictam scilicet illam inter Lucidam Arietis, & Palilicium rursùs præcisè $35^{\circ} 32' 45''$; velut initio lignea mea ostenderant. Id quod, sanè, sensus animi mei valdè confudit, ac omnia ferè incerta reddidit, quòd animadvertebam, causam planè ignorans, Organa mea, etiam illa nova ex ære fabrefacta, à Tychonicis prorsùs discedere.

Auctor Organorum sua de nūo examinare statuit. In istâ autem re ancipiti; an meis, an verò Tychonicis insistendum esset? nullam aliām viam, ex hoc labyrintho me extricandi perspiciebam, quàm ut nullis fiderem, nullisque me Observationibus adstringerem; sed mea Instrumenta denuò, remotâ omni præconceptâ opinione, ad amussim revocarem, divisiones nempe, regulas, dioptras, totamque fabricam probè priùs examinarem, an etiam vitiolum aliquod sublateret? si nihil quicquam reperirem, vellem meis Instrumentis omnino insistere, & ea, quæ provenirent

-venirent, pro vérissimis retinere, non obstante alii aliter
sentirent. Quò autem rerum mearum eò essem securior,
gravissimum laborem, vix integro anno persolvendum, ag-
gredi haud veritus sum : ad exemplum Magni Tychonis,
qui omnia, & singula accuratisima esse exoptabat, quæ
ab illo peragi debebant : ut ipse pag. 73 Epistolar. scribit :
Volo enim, quæ à me proficiuntur, vel nulla sint, vel longè exactissima.
Præstat enim hæc intacta relinquere, quam oscitanter, &
rudiori Minervâ tractare. Id quod & mihi semper pro-
positum fuit, aut accurate, aut nihil suscipere ; in primis
circa has ipsas Observationes. Idcircò tutissimam viam,
eandem quam Tycho, elegi : nimirùm, me primum velle
omnes illas, & quidem easdem Distantias Stellarum ad E-
clipticam & Äquatorem consistentium, per totum circuli
ductum, solicitissimè observare ; deinceps, ex iis diffe-
rentias Ascensionales investigare : pari modo, ut Eximus
Tycho pag. 200 Lib. I Progymn. suscepereat ; quæ si con-
junctim integrum omnino circulum, seu 360 Grād. exhibe-
rent, certum fore indicium, & mea Instrumenta esse corre-
ctissima, & nos etiam probè omnia observasse ; sin aliter,
differentias videlicet Ascensionales sive majorem, sive mi-
norem aliquantò circulum referrent, indubitatū fore, meis
nullam planè adscribendam esse fidem, sed econtrariò ve-
stigiis Tychonis in omnibus esse insistendum.

Verùm, quæso, inquies fortè, si hujus Scientiæ benè
es gnarus, quâ te spe lactasti ? vel quænam Tibi es imagi-
natus ? putasne te correctiora, quam ipsum Tychonem per-
ficere posse ? Tuæ Distantiæ, ut & Declinationes non so-
lùm in secundis, sed etiam nonnunquam ad duo integra
minuta prima (ut ipse ultrò fateris) à Tychone discedunt :
quomodo igitur unquam fieri potest, ut differentiæ Ascen-
sionales integrum producant circulum ? cùm Tychonis
Distantiæ, nec non Declinationes, à Tuis in plurimis di-
versæ, planè integrum, exceptis paucissimis tantummodò
secundis, componant circulum. Atque ita arenam meti-
ris, & nunquam integrum circulum ex tuis elicies, tum per
consequens etiam Instrumenta tua ex necessitate vitio ali-

*Potius nihil,
quam dubia
peragere.*

*Quâ via Au-
ctor examen
rigidissimum
instituerit.*

*Per differen-
tias Ascensio-
nales Instru-
menta omni-
um optimè
explorantur
& corrigun-
tur.*

*Quæ in datis
differunt, ra-
tioni consona-
est, ut etiam
in producto
disconveni-
ant.*

*Initio vide-
batur in Au-
toris Instru-
mentis & Ob-
servationibus
vitium late-
re.* quo laborant. Sic est, fateor lubens ; principiò planè an-
xius eram, lupum auribus quasi tenens ; cum primis perspi-
ciens differentiam nostrarum Distantiarum, & Declinatio-
num. Non potui tamen ab isto rigidiori examine desiste-
re, videns, me jam quasi ad incitas esse redactum, sed coge-
bar ultima experiri, jacta jam erat alea ; nescio quā spe du-
ctus, examini omnia commisi, eo animo, res ut ut caderet,
me libenter velle acquiescere : & si viderem, correctione
aliquā mea indigere, non ideò remissius negotiū susci-
perem. Attamen, magna me spes tenebat de meliori hujus
*Auctor tamē
meliora spe-
re, rabat.* rei exitu : cùm scirem, Instrumenta mea, absit jactantiā, justæ magnitudinis esse, magnâque dexteritate fabrefacta,
meis manibus exquisitè distincta, Pinnacidia rite iis affixa ;
deinde etiam Observationes omnes cum exercitatisimo
Socio illo Kretzmero, absque omni præconceptâ opinio-
ne esse peractas, non semel quidem, sed pluries, & quidem
diversissimis coadjutoribus probè examinatas.

*Peraacto ex-
amine, rite se-
habere invēta
sunt omnia.* Subjeci itaq̄ue Distantias, ac Declinationes meas cal-
culo, & quidem nudas ipsas, minimè fucatas aut comptas,
ut nonnunquam fieri solet, sed eo prorsùs modo, quo plu-
ries obseruatæ, ac in Diario meo relatae fuerant : ut quem-
que ingenuum decet virum. Nam omnia candidè agen-
da ; ab ipsis fucatis prorsùs abhorrendum. Peraacto igitur
calculo, res profectò longè meliùs, quam quis unquam
putārat, cecidit : inventæ istæ Differentiæ Ascensionales
omnino integrum conficiebant circulum, ut ne quidem in
secundis quibusdam differentiola aliqua deprehenderetur.
Hincq̄ue, ut initio animo planè perturbatus, sic rursùs nunc
novos animos mihi additos esse sensi, ubi certior redde-
bar de Instrumentorum nostrorum fabricâ, divisione, nec
non industriâ in administrandis Observationibus. Nam
si vel in unicâ Distantiâ vel minimum aberratum fuisset,
nullà, sanè, ratione 360 Grad. absque ullis adhaerentibus
scrupulis secundis provenissent. Norma enim hæc omni-
um absolutissima est, pro examinandis Organis : utrum
nullà, an verò aliquā correctione indigeant ? quemadmo-
dum Astronomiæ Peritiores optimè habent exploratum.

Sed quæras insuper, Benevole Lector, qui unquam fieri potuerit, ex diversis datis, Tuis nempe, & Tychonis eadem elicere quæsita; quod profectò repugnat Arithmeticae, & Geometriae, imò ipsissimæ rationi? Ita omnino esse, lubens largior, nihilominus assevero; Distantias, & Declinationes meas easdem penitus esse, & fuisse, ut eo tempore observatæ sunt, & etiamnum in Cœlo quilibet congruis, & perfectissimis Instrumentis eas explorare potest; tum quoque omnino integrum circulum ex differentiis Ascensionalibus me produxisse: sicuti suo loco, forte in Prodromo nostro Astronomiae dicetur ampliter. Unde autem evenerit, quod ex diversis Tychonis Distantiis, & Declinationibus etiam integer circulus prodierit ad 22 secund., nimis prolixum foret, hoc loco commonstrare; rejicio igitur id lubens in proximam occasionem, ubi ad oculum, Deo dante, demonstrabitur, reverè se se ita habere omnia.

Quod tamen non arripias velim, ac si id in præjudicium Tychonicarum Observationum sit dictum, absit! Tychonicas Observationes in magno semper, quam quis unquam, pretio habeo, ac illis nil quicquam detractum volo. Quicquid hic relatum est, non nisi veritatis, & Studiorum Cœlestium promovendorum gratiâ dictum, & susceptum est. Nam, etiam in hocce negotio semper in cujusvis animo hærere debet: Amicus Plato, amicus Aristoteles, sed magis tamen amica veritas. Ad ipsum Cœlestem Fornicem, Deo volente, me referam, ad Observationes Illustrissimi Principis Hassiæ, cum Celeberrimo Rothmanno, & Justo Byrgio peractas, ad aliorum acerrima examina, qui maximis, æneis, & justissimis Organis sunt instructi; horum Judicio omnes & singulas nostras Observationes committo, non dubitans, quin dies doceat, quibus in posterum sit insistendum.

Hac ratione igitur rigide, omniq[ue] diligentia examinatis Instrumentis nostris, certus factus cum essem, in Organis nihil desiderari, sed prorsùs iis fidendum esse. Ideoq[ue] ad aliorum nec Instrumenta, nec Observationes

Mirares!
ex diversis
distantiis &
declinationi-
bus, tam Ty-
chonæ, quam
Auctore pa-
riter integrū
elicuisse cir-
culum.

Unde id e-
venerit, alibi
commonstra-
bitur.

Veritatis bo-
no (salvâ e-
xistimatione
Tychonica)
Auctor pro-
vocat ad ipsū
Cœlestē For-
nicem, aquis-
simosq[ue] re-
rum harum
Arbitros.

Auctor tan-
de certior fa-
ctus, in Obser-
vationibus &
Instrumentis
suis nihil pe-
nitius deside-
rari.

hâc in parte me accommodare prorsùs volui ; sed quicquid nostra, debitâ diligentia adhibitâ, commonstrarent, annotavi fideliter : atque sic magnum illud negotium, Observationes nempe tam Planetarum, quam Fixarum, Divino auxilio, cum primis, cùm toties ab amicis urgebar, alacri animo sum aggressus. Et, ut peractorum laborum, quos *Fidissimis Instrumentis negotiorum Observationis Auctor agreditur.* Instrumentis Tychonicis illis ligneis antea peregeram, circa plurimas Distantias jam obtentas, eò essem securior, minimè fuit mihi in fastidio, omnes illas & singulas priores Intercapedines denuò, novis nostris ex solido metallo confectis Instrumentis, quina secunda peculiari ratione & directione commonstrantibus, ad incudem revocare : explorando nimirùm, an etiam antiquiora Instrumenta labem quandam contraxissent ? quanquam non unius anni id fuerit labor : ut ex ipsis Observationibus nostris perspicere est.

Quo tempore Fixarum Observaciones majoribus Instrumentis serio fuerint inchoatae. Anno igitur 1657 Instrumentis illis majoribus æneis, Sextantibus scilicet, & Octantibus primùm seriò incipimus loca Fixarum rimari ; à quo labore me nullo tempore postmodùm divelli passus sum, ut ut varii luctuosissimi casus intervenerint, qui remoram facile injecissent, nisi Divinâ ope his omnibus feliciter ereptus, ut non tantum susceptos labores continuare, sed & Mercurium meum anno 1662 edere potuerim, & quidem ex Typographia nostrâ ; quam tum primùm ex Belgio, haud parvis impensis, apportari curaveram : quò possem posthâc operas meas, quæ sub manibus versabantur, eò promptius & accuratiùs, & præsens, & corrigens omnia in lucem proferre.

Casimirus Rex Typographiam Auctoris egredio Privilegio donavit. Ne autem à quopiam eo in negotio turbarer, ut quidam jam audebant, atque liberum esset, Typographos in Domo meâ quovis tempore alere, Serenissimus Casimirus, Rex Poloniæ, optimo, & maximè honorifico Privilegio Benignissimè mihi prospexit, pro Suâ erga me, meaque Studia Uranica propensissimâ voluntate : quam etiam sæpiùs, cùm hîc Gedani commoraretur, sum expertus. Non solum enim aliquoties qualem qualem supellectilem meam Astronomicam oculis suis subjicere, quin-imò per multam

tam noctem Telescopiis Sidera, ex Speculâ meâ, contem- erga Studia
plari, & ut iis porrò strenuè operam darem, me Benignis- Uranica lu-
simè animare haud fuit deditus. Unde profectò cupi- calemisimis
do crevit suscepta prosequendi; præsertim cùm eodem fe- indicis au-
rè tempore Christianissimi Regis Incomparabilis Gratia, Rex Christia-
& Munificentia, ex innatâ erga Scientiam Sideralem, E- nissimus Au-
jusque Cultores Summâ Clementiâ, ut ut nullo meo me- cto Clemens-
rito, luculentissimis, ac maximè honorifcentissimis testi- tiam Regiam
moniis mihi Gratiissimè detecta fuerit; præcipue per- degere jus-
spiciens, Sac. Reg. Maj. placido vultu annuere nostris Cona- sit.
tibus Astronomicis, eosque Indulgentiâ Suâ dignos judica-
re. Quod, ut non solùm supra spem, atque exspectationem
meam accidit, in Cœtum, Famâ ac Eruditione Celebratis- Christianissi-
simorum Virorum Clementissimè adoptatum esse, sic ma- mi Regis Ju-
gis magisque accensus, ut quæ hactenus mediocri labore, ac dicio Autor
industriâ, aliquo etiam sumptu, molitus eram, animosius ad prosequen-
in posterum urserim; maximè Regio illo de meâ tenuitate
Judicio excitatus.

Accesit, sub his temporibus sanctâ atque stabilitâ, sin- Illustr. So-
gulari erga Scientias, Artesque Serenissimi Regis Magnæ cietas Britan-
Britanniæ promovendi Propensione, Regiâ Societate, nica Aucto-
quòd dicta Illustrissima Societas adeò humanissimis literis, rē humanis-
uberrimam Ejus erga me voluntatem, quò semel suscep- mis literis ad
ta Studia
Cœlestia ma-
xime inflam-
matus.
Studia Astronomica alacriter porrò prosequerer, prolixius
contestata sit; simul etiam Benevolè detexerit, quâ parte
mihi potissimum esset insudandum; prout ex literis Illu-
striss. Reg. Societatis Secretario, Oldenburgio, nomine &
jusu Ejus ad me, anno 1664, die 11 Maii scriptis intelligere
est. Gestiunt præterea (scribit) perspicentes immotum Te in sincero
Vranicæ cultu perstare, nilque ducere antiquius, quam Fixarum Observa-
tionibus jugiter invigilando, ipsarum Catalogum à mendis, quibus scatet,
vindicare, tuamque adeo Cœlestem, quam motris, Mæchinam in Rei
literariæ incrementum adornare. Agnoscunt unâ tecum, hæc de Fixarum
restitutionis cura, nî seriò suscipiatur, frustrâ fore Planetas observare, gius adhortan-
eorumque motum ad debitam velle normam redigere, vel etiam in illâ A= tur in restau-
stronomiæ parte quicquam, quod sit operæ pretium, elaborare. Hoc igitur ratione Fixa-
rum strenuè
in negotio cùm cardo versetur rei, quid supereft, Vir Cœleberrime, quam pergit, tan-
ut

quam in partē ut *Tu*, *Tu*ique similes, toti in eo sint, ut nullis non conquisitis adminiculis
te præcipuā Astronomia. indefesso Studio insignem & utilissimam hanc operam conficiant. Duce
Tu te hīc præbes laude dignissimum, dum non modò in æstu negotiorum,
quæ *Tibi* quæ *Consuli*, quæ *Judici* incumbunt, otium *Tibi* paras, ut huic
vaces Cælestium contemplationi, verū etiam quæcumque potes adjumenta
Quā allocuri undiquaque advocas. Ex hāc Illustriss. Reg. Societ. adeò sin-
one plus plūs gulari, ac prolixā allocutione, denuò ardor, minimum ali-
que Auctor componitus, in quid, ut ut curta mihi fuerit supellex, conandi, & in lucem
suscep̄tis Ob- proferendi, in pectore nimirū quantum crevit; quò eas
servationibus *Observationes*, Bono cum Deo suscep̄tas, quantocyūs pro-
ulterius pro- viribus deproperem.

*Sidera assi-
duè observa-
re, novumq;
cōdere Fixa-
rum Catalogo-
gum, est res
valdè ardua.*

Verū, cùm Opus sit immensi laboris, omnes Stellas Fixas, tam hactenus cognitas, quam residuas hucusque ne-
glectas, quotquot supra nostrum Horizontem sub adspe-
ctum cadunt, Instrumentis rectè dimetiri, novumque con-
dere Fixarum Catalogum, nec non Planetas omnes nun-
quam inobservatos relinquere, non nisi cum tempore, atq;
multorū annorum labore, assiduè navatā operā, fieri potu-
it; ut ut nullam serenam noctem studiò præterlabi facile
passus fuerim. Atque ideo in annos aliquot protractum
est; præsertim cùm Cometographia multum etiam tem-
poris mihi abstulerit; quam autem planè ut desererem,
haud consultum esse videbatur, post tot jam exantlatos
calculos, ac labores; imò dedecori mihi fore putabam,
tanto molimine inceptum prorsùs abjicere: animo vol-
vens, non minùs esse virtutem, laudabilia ad finem constan-
tissimo animo perducere, quam inchoare.

*Finis coro-
nat Opus.*

*Ad Cometo-
graphiam ab-
solvenda, ali-
quot Cometa
Auctorem
quasi compu-
terunt.*

Ad quod Opus Cometographicum non tantūm insignis
ille Cometa 1661, Mense Februario exortus, sed in primis
subsequentes splendidissimi illi, ac rarissimi Cometæ anno
1664, & 1665 maximè me invitabant. Cùm viderim,
Cœlum quasi ipsum, tot præclarissimis Luminibus tempo-
raneis in æthere accensis me admonere, & compellere, ad
Divina hæc Miracula, ac mira Cœli corpora, ac phæno-
mena plus plusque in Creatoris Gloriam contemplanda, ex-
ploranda, luciisque exponenda. Exoptatò itaque accidit,
quòd tres illi eximii Cometæ, dum Cometographia ad-
huc

huc sub manibus versabatur, apparuerint; ad quam profectò haud parum elucidationis, ac materiæ disserendi contribuebant, imò exempla suppeditabant à me ipso animadversa, quæ plurimis Ieronismis fuerint illustrata, ac exornata.

Quantum autem negotii mihi dicti Cometæ fases ferint, priusquam omnes illas Observationes obtinuerim, calculo examinaverim, æri insculpserim, ac conscripserim, aliorum esto judicium. Plurimum quoque operæ constitit Prodromus Cometicus, anno 1665, amicorum insti-
Cometa, plu-
rimum nego-
tii Autori
fases ferunt.
 ctu editus; nec non Mantis sa Prodomi, cum Descriptio-
 ne posterioris Cometæ; quam, profectò, componere su-
 per sedissem anno 1666, præsertim eo tempore, cum gra-
 vissimæ afflictiones me tetigerint, nisi illa mihi à quibus-
 dam extorta fuisset. Multum igitur temporis effluxit, non
 tantùm his, sed etiam aliis negotiis, ut & commercio Li-
 terario, alia ut taceam, expediendis, priusquam hæc o-
 mnia superari potuerint, atque ipsa Cometographia pro-
 dierit.

Exantlatis verò tandem, DEI beneficio, anno 1668,
Cometogra-
phiâ editâ
quid Auctor
suscepit ac
peregrit.
 molestissimis, gravissimisque illis Cometographicis Ope-
 ribus, nihil potius curabam, quām ut possem quantocyūs
 Machinam meam Cœlestem in publicum, Divino adjutus
 auxilio, feliciter protrudere. Eamque ob causam omnem
 movi lapidem, ut quām citissimè omnes illas Observatio-
 nes residuas, ad Catalogum Fixarum spectantes, derome-
 rem, ac annotarem; minimè tamen interea neglectis reli-
 quis Observationibus, utpote Eclipsium, Occultationum,
 Planetarumque omnium, ad corrigendas motuum Tabu-
 las, quò suo tempore ipsæ Tabulæ Astronomicæ, quæ pas-
 sim haud parùm vacillant, eò procliviùs restitui possent.
 Quarum Observationum quinque voluminibus conscri-
 ptarum etiam, annuente Divinâ Gratiâ, hucusque magnum
 confarcinavi cumulum; spero etiam, si Deus vitam proro-
 gaverit, labores istos ad vitæ usque exitum continuatu-
 rum. Cùm minimè dubitem, Posteritati haud fore inuti-
 les, imò forsitan & mihi ipsi cedere posse aliquando emo-

Observatio-
nes Auctoris
quinquæ volu-
minibus ma-
nuscriptis
continetur.

lumento. Constitui enim, si Deo ita visum fuerit, elaborato atque edito tam Fixarum Catalogo, quam Astronomiæ Prodromo, maximâ parte jam absolute, etiam quicquam circa Tabularum inquisitionem, & restitutionem, quantum id meæ erit facultatis, tentare. Voluntas equidem id conandi non deficit, dummodò Universæ Machinæ Conditor, in cuius Nominis Gloriam, & admirandorum Operum Suorum celebrationem hæc à me suscepta sunt, det mihi clementissimè vitam, viresque ingenii, atque corporis, ut pro Orbis Eruditæ exspectatione, & amicorum desiderio, meoque voto, ea omnia perficere queam.

Inchoavi quidem hoc amplissimum Opus, solidaque fundamenta jam, Deo sit Gloria, jacta sunt, quibus Machina nostra Cœlestis universa superstrui debet; & quidem ea, quæ omnium ferè sunt difficilima, tum ad restauracionem Tabularum necessariò requiruntur, jam DEI beneficio sunt explorata: utpote præcisâ cognitio Elevationis Poli Gedanensis, Obliquitatis Eclipticæ, Apogæi Solaris, Eccentricitatis, Parallaxeos, Refractionis; item maximæ Äquationis Solis, veri anni Tropici magnitudinis, non solum ex nostris, sed etiam ex Hipparchi, Ptolomæi, Albattegnii, Waltheri, Landgravii, Tychonis, nec non aliorum Recentiorum quorundam Observationibus; sic ut non tantum Epochas Solares ritè deduxerim; sed etiam jam novas Tabulas Solares construxerim. Quibus, crede, plurimum temporis, maximo labore, & quidem majori, quam fortè Tibi imaginaris, nuperis annis consumpsi, antequam ea omnia ratione, quâ volebam, fuerint investigata. Cujus tamen Operis me non pœnitet; siquidem negotium hocce, laus sit Altissimo, eatenus successit, ut existimem, nisi mihi mea nimium placent, haud fuisse frustraneum.

Quantum verò hæ nostræ Solares, à reliquorum Auctorum Tabulis, & in quibus disideant, vel convenient, vel quomodo tam Antiquiorum, quam Juniorum Observationibus respondeant, non est hujus loci hic prolixius recensere; sed rejicienda erunt in Prodromum nostrum Astronomiæ,

*Elaborato
Fixarū Ca-
talogo Auctor
cōstituit, ede-
re Astrono-
mia Prodro-
mum.*

*Fundamenta
solidiora jam
jaeta sunt
pro cōstruen-
dis novis Ta-
bulis.*

*Gravisima
ferè, quamvis
maximo la-
bore, jam su-
perata sunt,
qua ad Astro-
nomiam per-
tinent.*

qui

qui brevi, si Deus proposito nostro annuerit, Tuis, Benigne Lector, & oculis, & acerrimo Judicio exponam. Utinam & otium, & auxilium (cùm non sit unius hominis labor) socii cujusdam à calculis mihi concederetur, quò possem, ut desiderio flagror, ad reliquos quoque transire Planetas ; sed ut, optimè nosti, nullus unquam, ut ut omnes ingenii nervos ad illud Studium intendat (sit venia verbo) reliquos sex Planetas ritè restituere, nisi priùs Fixæ corrigantur, ac restaurentur : quemadmodum Nobilissimus Tycho passim seriò inculcat, præsertim Lib. I cap. II pag. 137 De novâ Stellâ : *Post Solaris curriculi (inquit) præcisam investigationem in Astronomiâ instaurandâ, constituendâque, proximum & principalem (stellæ nimirūm Fixæ) merentur locum. Quemadmodum enim sine hoc, nec Illæ, nec etiam Erraticæ in debitum ordinem, atque Harmoniam redigi possunt : sic etiam absque Affixarum exactâ cognitione, Planetarum loca, accuratè demetiri, non conceditur.* Sunt enim hæ visibilia quædam lucidaque Cœli Corpora, hinc inde disposita, à quibus, tanquam certis metis, Erraticarum Stellarum variis transitus per totum Zodiacum, tam in longum quam latum, commodè discernuntur ; Adeò, ut qui sine Fixarum priùs restitutis locis, Planetarum cursui normam aliquam præscribere, eundemque numeris æmulari tentet, quidvis agendo nihil agat.

Quod, cùm omnes Rerum Cœlestium Interpretes non ignorent ; hincque jam pridem exoptârunt, ut huic Operi manus adhiberentur, meque sæpiùs solicitârunt, ut non solùm quantocyùs istud deproperem, tum etiam ipsas Observations, quas sciebant, in aliquo numero jam à me, Divinâ ope, tot annorum spatio esse peractas, ulteriori morâ remotâ, publici facerem juris : prout inter alios Illust. & Eruditissimus Casinus, anno 1669, 23 Julii literis ad me datis declaravit : *Magnum sane desiderium Machinæ Tuæ Cœlestis, Observationumque Tuarum omnium, quarum spem facis, in nobis excitasti, quod ut quamprimum fieri potest, expleas, te etiam atque etiam rogo. Nec enim dubitamus, quin illæ profumâ earum subtilitate, & fide, ad hypotheses motuum Planetarum accuratiùs constituendas sint quam aptissimæ.* Item Celeberrimus Bullialdus, anno 1670, die 26 Augusti. *Machinam Tuam Cœlestem tam avidè expeto, ut ad absolvendum tanti momenti opus Te hortari nunquam desinere que-*

*Si Deo ita
vifsum erit,
auxiliumque
non deerit,
Auctor sta-
tuit, etiam re-
liquis Plane-
tis pro modu-
lo suo subve-
nire.*

*Absq; Resti-
tutione Fixa-
rum, frustrâ
negotio quic-
quam tenta-
tur.*

*Plurimi Era-
ditorum Au-
tore adhor-
tantur, ut tâ-
de negotium
Fixarum ab-
solveret.*

*Casinus pa-
rius è de re
Autore ad-
monuit.*

*Ut & Bullia-
ldus seriatim
perficiuntur.*

am. Legitimas equidem dilatæ editionis rationes affers; sed operum Tuorum, quæ omni laude & applausu dignissima sunt, præcipuum illud esse, Tibi persuasum cupio. Quemadmodum ferè in omnibus literis ad me exaratis enixè admonuit, præsertim ad animum revocato rerum humanarum vicissitudinem, quòd vita nostra brevis, & post decessum nostrum ea omnia, quæ tantis cum vigiliis, sudoribus, & algoribus, tot ac tot annorum spatio, sollicitè ex ipso æthere acquisita fuere, facile perire queant, vel in aliorum manus, quibus eripi posteà difficulter admodum possent, incidere. Operam igitur omnem adhiberem, relictis reliquis Studiis omnibus, ut ad exoptatum finem ea omnia perducerentur, ac simul quantocùs in publicum proffererentur.

Auctoritatem nulla fuit potior cura, quam ut Orbi Literato morem gerat. Cùm itaque toties ac toties, ad perficiendam Machinam Cœlestem, edendasque Observationes nostras, tum etiam Maximi Principes ad idem propositum Incomparabili Suâ Gratiâ, ac Clementiâ excitaverint; utique nulla mihi etiam potior cura fuit, expeditis ex parte reliquis laboribus, quam ut seriò nunc tandem Opus istud meum promoverem, & tam Observationes nostras Universas, Eclipsium, Occultationum, Planetarum, Fixarumque, omnium in globo existentium, quam aliorum Inerraticorum Siderum ultra adhuc quingentorum, globo haec tenus nondum adscriptorum Observata, ab anno videlicet 1630 hucusque, Divinâ annuente Gratiâ, ex voto acquisita, Orbi Literato exponerem, protinus quoque novum Affixarum Catalogum, Globumque ederem.

Dum sub prælo fervent ipsæ Observations, Auctor è re esse putat, Partem Priorum Machinæ Cœlestis interea edere. Verùm, cùm fusissimum sit Opus, quod aliquot volumibus scriptis continetur, haud modicum temporis intervallum sibi depositit, priusquam istæ Observationes omnies typis exscribi posunt. Quamobrem consultum esse visum fuit, ad persuasiones amicorum, ut interea, dictis Observationibus sub prælo fervescientibus, primam Partem, sive Librum Priorum hujus Machinæ Cœlestis in publicum cimittatur. Quæ autem Pars Prior non nisi Mechanica est, universa scilicet nostra Instrumenta, quæcunque hucus-

hucusque ad Observationes Cœlestes à me adhibita fuére, exhibens. Quin rationi etiam consonum esse putavi, quicquid ordine prius, etiam in antecesum proferri. Adhæc necessariò etiam requiritur, ut Organa illa, quibus Observations peractæ sunt, omnium oculis, ac judicio priùs subjiciantur, ac exponantur. Quò pateat, an hæc nostra Prædecesorum Instrumentis sint paria, ac tanti valoris, ut sufficient omnimodè adeò maximi momenti diversis Observationibus? ne, his denegatis, Observationes fortè in dubium à quopiam vocentur; vel si non arrideant, successu temporis, ut fieri utique poterit, accuratiora adhuc, & absolutiora reddi nonnequeant.

Quò autem hujus Machinæ Cœlestis Pars Prior, sive Organographia eò promptiùs lucem adspiceret, atque Icones omnes eò citius æri mandarentur, dedità operà Sculptorem quendam ex Bataviâ, non sine aliquo sumptu, Gedanum accersivi, inqué domum meam recepi. Nam etsi haetenus in quibusvis nostris Operibus omnes Delineationes, ac Iconismos ultra quadringentos manu meâ fecerim, ærique inciderim; haud potui tamen solus huic labori fatis arduo sufficere: attento, quòd tantum otii mihi à cæteris laboribus, circa quotidianas Observationes, Delineationes, resque cæteras conscribendas, ad prælum promovendas, corrigendasque, peragendis neutiquam suppetat; cum primis, quòd mihi ipsi satis negotii adhuc supersit, Iconibus istis pro Parte Posteriori Machinæ sculpPENDIS. Adhæc, quis mihi etiam suasor extitisset, ut id, quod commodè per alium fieri potuit, ipsem uno aut altero anno consumendo, ac nihil amplius agendo peragerem. Quandoquidem ætas mea propemodùm est decursa, qui annum jam, DEO sit gloria, ago sexagesimum tertium; quo vix paucissimi superesse videntur: quorum igitur optima habenda est ratio. Nihil enim pretiosius tempore, quod sanè nunquam recurrit, nec resarciri potest. Hincque satius esse existimavi, minùs necessaria relinquere, & id unicè summâque ope agere, quod necessariò mihi soli incumbit, ac per alterum fieri nequit. Cùm plurima etiam aliorum meorum

Cœlestis Organographia in antecesum exhibetur.

Cur Auctor Organographia in antecesum ediderrit.

Auctor sibi in auxilium Sculpiorem vocavit.

Iconibus æri incidēdis Auctor solg hand par fuit.

Haud consultum extitit Auctori, ut omnia & singula solus æri mandaret.

Prestat agere magis præcipua, præser- rim proventâ etate.

Operum longè difficiliora, ut modò dicebam, adhuc restent paragenda; quæ lubentissimo animo ad exoptatum finem, Deo propitio, perducere utique cupio.

*Nunquam
non magno.
Studio ferio-
que Res A-
stronomicas
Auctor su-
scipit.*

*Etiamsi co-
natus hic no-
ster non omni-
bus æq; pla-
cuerit; vide-
bis tamen ali-
quid minimū
me tentasse,
ac voluisse.*

Hac itaque ratione, spe nunc citius hanc Partem Priorem Machinæ Cœlestis absolvere licuit; quam in præsens omnibus Siderum Fautoribus & Cultoribus, Deo Auspice, sub adspectum sisto. Quò non nesciant, quanto animo, ac ardore (absit jactantia) Studia Astronomica aggressus fuerim, nullis laboribus, & sumptibus ex meo marsupio depromptis unquam parcens, ut ut non sine aliquo sanitatis, facultatisque meæ dispendio id acciderit; pronus tamen semper ad ea omnia extiti: dummodò viderim, iisdem me posse quicquam impetrare, atque ad effectum producere, quod aut Divæ Nostræ Scientiæ, aut Posteritatis bono aliquà ratione saltem cedere posset. Num verò Opusculum hocce ad cuiuslibet sit palatum, vel omnibus Rebus Cœlestium Deditis per placere, aut eorum desiderium, atque exspectationem omnino explere possit, sanè nescio: quare Tuo, Benigne Lector, æquissimo judicio ea omnia committo. Spe hac certissimâ, ac Tuâ æquitate fretus, quin ultrò agnoscas, etiamsi ipsam metam hac in parte minimè attigerim (ut vel mihi, vel alii cuidam factu nunquam est possibile) minimum tamen haud obscuris indiciis ostendisse, me optimâ intentione omnia suscepisse, ac nonnulla ardentissimo animo voluisse, pro tenuioribus ingenii mei viribus, ac modicis meis facultatibus. Is, qui sublimiori, & feliciori ingenio à Deo præditus, cui sunt opes largiores, faciat, ut hujus generis quædam præclariora, ac perfectiora proferat: prout etiam illi procliviùs multò est factu, cum stratæ viæ jam insistat, glaciesque ex parte jam fracta sit, ad plurimas sublimiores inventiones detegendas.

*Sine dubio
plura, & ma-
jora cum re-
pore detegen-
tur.*

Nec ullum mihi est dubium, quin Tu, vel alias quisquam ex Posteritate, dummodò rem æque toto animo suscipiantis, nihilque intentatum relinquatis, longè plura ac excellentiora his meis qualibus qualibus inventis, cum Deo & die sitis detecturi. Nam, non nisi gradatim ascenditur ad altiora. Nemo unquam adeò extitit felix, qui semel, & simul

mul exploraverit, penetraverit, detexeritque universa. Recetè enim Poeta canit : discimus & morimur, vita est Schola nostra sub ipsam quoque necem.

Quod supereft, Deo optimo maximo toto corde gratias habeo, quod vitam, sanitatem, otiumque, sub tantâ negotiorum ac molestiarum mole, Clementissimè concesferit, ad Studia hæc Cœlestia, à benè jam multis annis, in Nominis Divinissimi Sui Gloriam eò usque producenda ; Qui porro Divinâ Suâ Benignitate nobis adsit, quò etiam reliqua, quæ adhuc sub manibus versantur, & in animo gero, nec non aliquo labore adhuc indigent, in commodū quoddam Astronomiæ feliciter in lucem proferre quantocyùs non nequeam ; in primis Prodromum nostrum Astronomiæ, cum integro Fixarum Catalogo, atque Globis Cœlestibus reformatis, nec non Partem Posteriorem Machinæ Cœlestis Lib. II, III, & IV exhibentem, quæ jam à bienio maximè sub prælo fervet.

Liber Secundus, omnes nostras Observationes Cœlestes, tam Eclipsium, Occultationum, Planetarum, quam Fixarum omnium, ut ordine ab anno 1630 hucusque ex Cœlo sunt depromptæ, exhibebit. Liber Tertius, Altitudines Solis Meridianas, Äquinoctia & Solstitia, ab anno 1632 hucusque ; nec non cujusvis Planetæ Observationes speciales, adjectis temporibus ex Altitudinibus correctis referet. Liber Quartus, Catalogum, & Indicem omnium Distantiarum, quarum aliquot millia, & quidem majoribus illis Sextantibus, & Octantibus æneis, cum aliorum auctorum Distantiis, quotquot reperire datum est, comprehendet : utpote, quæ à Wilhelmo, Principe Hassiæ, Typhone, Gassendo, & Ricciolo fuerunt annotatae. Ut sic uno intuitu protinus pateat, quænam convenient, & quæ rursus ab invicem dissideant : quò quilibet curiosus Sidenum Cultor, cognitâ discrepantiâ, ipsem si velit, Cœlum intueri, easque ipsas denuò examinare ac pervestigare possit : quibusnam videlicet magis præ cæteris fidendum, & inhærendum sit. Totus enim sum in eâ sententiâ, nullâ cœcâ fide in hocce negotio Sidereo opus esse, nec fas esse,

Auctor Deum veneratur, ut porrò annuat suis votis.

Quanam adhuc sub Auctoris versetur manibus.

Argumentum Libri Secundi Machinae Cœlestis.

Argumentum Libri Terii.

Argumentum Libri Quarti Machinae Cœlestis.

Cum aliorum Observationes adjuncte sint nostris, in proclivi erit cognoscere discordantiam.

In Rebus Astronomicis nullâ fide opus est.

ullius

ullius alicujus auctoritati nimium tribuere, ubi res integra,
*Qui de alio-
rum operibus
judicium af-
fectar, necesse
est, ut non ac-
cedat illotis
manibus.*
 & quovis die Observations eadem repeti possunt ; sed ne-
 cessè est, qui aliorū Observations examinare & explorare
 contendit, ut sit in his rebus optimè versatus, & exercita-
 tus, Instrumentis idoneis, majoribus, & ex solido metallo
 confectis abundè instructus ; secùs, profectò, stoliditas
 esset, de aliorum benè exercitatorum Observatis ferre ju-
 dicium. Et, cùm Liber iste Quartus Machinæ Cœlestis,

*Quo ordine
distantia & Stel-
larū ab Au-
tore sint di-
positæ.*
 instar sit alicujus Indicis ; omnes Distantiæ secundum or-
 dinem Alphabeticum, ac seriem Siderum sunt dispositæ,
 eatenus, ut nullo labore quarumcunque Stellarum cujus-
 vis Sideris Distantiam, tum à nobis, tum ab aliis Clarissi-
 mis Observatoribus annotatam, quām citissimè poteris
 invenire. Nostris Distantiis annus quoque, Mensis &
 Dies adscripti sunt, tum quoties, & quibus Instrumentis
 à nobis observatæ fuére ; sed de iis plura percipies, cùm
 hi tres Libri Partis Posterioris hujus Machinæ lucem ad-
 spexerint.

*Pars Prior
Machina Cœ-
lestis, non nisi
Organa ex-
hibet Autó-
ris Astrono-
mica.*
 Sed revertamur ad Partem hanc Priorem ; quæ, uti mo-
 dò diximus, non nisi, Tibi Benigne Lector, Organa no-
 stra Astronomica, quibus ab initio nostrarum Observatio-
 num usi sumus, & in hunc usque diem etiamnum utimur,
 exhibet : non quidem universam nostram supellectilem
 Astronomicam, quam mihi tot annis, cum apparatu Me-
 chanico diversi generis haud adsperrnendo comparavi ; sed
 ea saltem Instrumenta majora, quæ minimum duorum vel
 trium pedum, quæ radium, sunt magnitudine ; reliquis o-
 mnibus illis minoribus neglectis, ut ut mihi adsint in aliquâ
 copiâ non pervili pretio comparata.

*Quinam sit
Ordo Instru-
mentorum in
hoc Opere ob-
servatus.
Structuram In-
frum.*
 Ordo autem subsequentium Instrumentorum haud an-
 xiè à me quæsitus, nec observatus ; sed omnium primò a-
 gere placuit in genere de Instrumentis, & Veterum, & Re-
 centiorum, tum quæ de iis præcipue annotanda videban-
 tur. Deinde, in specie me contuli ad Instrumenta nostra,
 & quidem ad ea minora, & leviora. Tertiò exhibui illa
 lignea, partim laminis æneis incrusted, qualia Nobilissimo
 & usum In-
frum Tychoni Brahæo in usu fuerunt. Quarto loco conspicun-
 tur

tur illa maxima, quæ ex solido metallo fabrefacta sunt, ut po-
te Quadrantes, Sextantes, Octantes, cum toto eorum ap-
paratu necessario, ac sufficienti descriptione Fabricæ, divi-
sionum, dioptrarum, aliarumque rerum, tam quæ olim fue-
runt in usu, quam quæ nunc recens sunt inventæ: in summâ,
de omnibus, & singulis satis fusè ibidem disseritur, quæ-
cunque sive ad structuram, sive eorum usum spectare sum
arbitratus. Quintò & postremò, cùm benè compertum
habeam, hoc nostro ævo tam inter Eruditos, quam Magna-
tes, & Principes plurimos inveniri, qui mirificè delectan-
tur Telescopiis, Tubisque Opticis, ad contemplanda mira
illa Corpora ætherea, non solum illis minoribus & vulga-
ribus trium, sex, vel duodecim pedum, sed etiam viginti,
triginta, imò sexaginta ped. longitudine. Adhæc, cùm
nemo non nesciat, quanta incrementa Studia Siderea cœpe-
rint à primâ inventione horum Telescopiorum: & quem-
admodùm successu temporis absolutiora redditæ sunt; sic
quoque hæ Scientiæ haud parùm creverunt; imò, si magis
magisque perficerentur, atque longiora construerentur
(prout etiam fieri posse puto) sine dubio, plurima, quæ in
obscuro adhuc latent, in lucem protraherentur, maximo
Astronomiæ bono. Proinde intermittere quoque nolui,
hâc datâ occasione etiam meorum Telescopiorum men-
tionem facere; (quoniam inter Organa Astronomica etiam
sibi locum aliquem vendicant) & quidem eorum, quæ par-
tim à me ipso, partim etiam ab aliis Praeclaris Artificibus,
& Eximiis Rerum Opticarum Cultoribus sunt elaborata;
non tamen omnium, quæ possideo, sed tantum præcipuo-
rum, & longissimorum, quæ minimum duodecim ped.
sunt, & ad centum quadraginta ped. excrescunt, quales lon-
gissimi Tubi, quantum sciam, nuspian adhuc sunt constru-
cti, nec ad res Cœlestes adhibiti.

Hos, inquam, Tubos Opticos cuiusvis curiosioris Side-
rum Indagatoris oculis subjiciam; non quidem, quâ ratio-
ne lentes ab omni parte sint elaborandæ, ac expoliendæ,
neutquam. Nam hoc ipsum integrum volumen sibi de-
posceret; quod hâc vice non est mei instituti; sed solum-

*strumentorū
satis plenè de-
texit Author.*

*Telescopia
apud Princi-
pes, & Erud-
itos in ma-
gno nunc sunt
precio.*

*Ex Teleco-
piis, Scientiæ
hand parùm
crevere.*

*Auctori pla-
cuit, etiam
snorum Tu-
borum Opti-
corū menio-
nem facere.*

*Ariem expo-
liendi ipsas
lētes, Auctor
hâc vice ira-
dere non pro-
posuit.*

modò, quomodo eorum Tubi sint constructi, quibus lentibus, tum quâ viâ variâ adhiberi debeant ad Cœlestia, etiam commodissimè ad quævis minima, licet sint omnium longissimi,

*Auctor no-
vam inven-
tionem propo-
nit, etiam ma-
ximos quoq;
Tubos Opticos
mirè faciliter
dirigendi.*

unâ ferè manu quâm levissimè ex voto dirigi queant, ut ut sint maximæ gravitatis, & quidem hoc singulari commodo, quod possis res minimas uno oculi ictu Tubo excipere, & continuò in Telescopio, donec vo-

lueris, ad satietatem usque conservare, ut ne semel Te invito, licet motu velocissimo, sive communi, sive proprio objectum feratur, eo excedere possit. Quæ Telescopiorum, in primis illorum longissimorum ad quævis objecta directio, alioquin Observatoribus hucusque multum ad nau- seam usque faces sivit laboris, maximo nonnunquam tem- poris dispendio. Et quamvis interdum, felici quodam casu, Stella aliqua Tubo excepta subitò fuerit; æque ta- men facile, ut inventa, oculis se se rursùs subduxit. Nun-

*Hac ratione
plarime mo-
lestia evitan-
tur; rursùs
verò hand
paucæ commo-
ditates intro-
ducuntur.*

quam enim, quisquis etiam sit, nudis manibus Telescopiū aliquod triginta, quinquaginta, ne dicam septuaginta, vel centum quadraginta ped. adeò firmiter ad quodvis objec- tum retinere potest, quin protinus id rursùs perdat, vel ex Tubo exeat: sicuti nemo non eorum, qui commercium aliquod habet cum Tuboscillis, ultrò fatebitur. Hac no- strâ autem ratione, & inventione, (quod præfiscini dixe- rim) molestissimum illum, & tœdiosissimum laborem planè evitare, ac quasi ludens cum ejusmodi vastissimis Machinis Opticis, summâ cum jucunditate, Contemplationes istas peragere poteris; adeò, ut semper certus sis, Te posse quodvis minutissimum objectum è vestigio, imò, antequam Tubum introspicias (quod nonnemini mirum fortè videbitur) non solùm detegere, sed etiam firmiter, quo usque placuerit, retinere; licebit etiam Tibi, ab eo Telescopio discedenti, alteri cuiquam locum, cum accuratissi- mà directione ad quodvis desideratum objectum, relin- quere.

*Auctor hand
ingratum fore
sperat Siderū
Culturibus
hanc*

Quod, cùm res sit prorsùs nova, & hactenus nondum tentata, sic pariter magnæ commoditatis, tum Observatio- nes omnes Telescopiis iis procerioribus, inquam, peragen- das,

das, multò quām hactenus jucundiores, & faciliores reddat; *hanc Machinam nam recte cognoscere.*
 haud inutilem fore operam, nec non penitiorum Rerum Cœlestium Scrutatoribus adeò ingratam putavi, si inventionem hanc nostram, cum aliquā Descriptione & Delineatione, reliquis meis Instrumentis adjicerem. Videbis rem ipsam verbis respondere, & quām facilimo negotio maximas etiam Tuborum Machinas, licet centum & quinquaginta, imò ampliùs pedum, absque omni ferro, quin ne unico quidem clavo ferreo indito, ex nudo ligno construi posse; sic ut ex quibusdam, tribus, vel quatuor summū partibus componi, regi; & rursùs disjungi, etiam suo loco, ab omni aëris inclemētiā conservari non nequeant.

Hâc occasione potuissemus optatò de lentibus quoque ipsis pro quovis Tubo elaborandis, & expoliendis, tam generatim, quām speciatim, atque omnibus iis, quæ ad hanc Artem spectant, aliquantò prolixius, velut etiam plurimi Amici jam dudum summoperè expetiverunt, differere atque agere; verùm, cùm peculiare hoc ipsum exigat volumen, uti modò dicebam, committendum hocce negotium aliis, qui fortè plus adhuc in eo defudarunt, & quibus plus otii est; non dubito, quin pariter, ut nos fecimus circa Tuborum Constructionem & Directionem, hanc Artem, lentes quasvis expoliendi (paucis hactenus tantùm recte cognitam) tum ea, quæ recèns ab illis inventa sunt, lubentes in commodum Posteritatis, omnibus prorsùs adminiculis detegendis, integerrimè communicaverint.

Et, ne ipse huic optimæ admonitioni contrarius esse videar, nonnulla quædam postremo loco hujus Partis Prioris Machinæ Cœlestis adtexam, de conficiendis & expoliendis videlicet lentibus hyperbolicis: quā ratione nimirūm non usque adeò ineptè perfici queant, ac etiam nonnullæ earum jam olim felicissimo successu à me elaboratæ fuerint, quæ adhuc penes me aservantur. Quia igitur ab his res maximæ dependent, præsertim si in posterum magis magisque perficiantur; ut minimè despero, etiamsi ab hinc annis aliquot plerique Eruditorum & Mechanicorum mihi contradixerint, ac pluri de eo negotio penè despe-
Mantisæ loco Auctòr peculiare inventum, de Lentium Conicarum expoliacione communicat.

*Inventionem
de lētibus Co-
nicis elaborā-
dis Auctōr a-
liorum expo-
nit judicio.*

raverint; meretur utique, ut Orbi Literato exponatur, E- jusque accuratori examini subjiciatur; spe certissimā fren- tus, alios (si hisce vestigiis insistent) Studiis Opticis planè deditos, eorumque optimè gnaros, plusque otii habentes,

cum die prodituros, qui hasce lentes hyperbolicas, pro lon- gioribus Telescopiis, non solum jugiter promoveant, sed tandem etiam ad exoptatissimum perducant exitum; non tantū ejus generis convexas, sed etiam concavas (meā quidem sententiā) expolire facilimo negotio non neque-

*Si graviori-
bus studiis Au-
ctōr non fuis-
set occupatus,
fortè in hoc
negotio jam
aliquid am-
plius præsti-
tis est.*

ant. Si gravissimæ meæ occupationes, contemplationes- que æthereæ hactenus non obstatissent, ipse forsitan ali- quantò ulteriùs etiam hāc in parte progressus fuissem; ve- rūm, quia modò dicti mei labores multò mihi videantur nobiliores, ac magis etiam Astronomiæ conduceat, quò ad finem tandem pro voto aliorum perducantur, necessariò ab isto studio desistere coactus sum, etiam lubens eo super- sedere volui: non ignorans, neminem posse peragere o- mnia; tum plurimos inveniri exercitatores, huicque rei aptiores, qui otio abundant, & huic uni studio perpetuò

*Qui continuò
unice rei sunt
intenti, plus
sane præstant
cæteris.*

adhærent, relictis cæteris omnibus. Hi, inquam, feliciori cum successu plurima invenient, & peragent, quàm qui plurimis est intentus, & mox hæc, mox illa assiduè per- agenda habet. Nam, qui non totos continuos dies his ne- gotiis vacare potest, parùm admodùm præstabit. Äqui bonique igitur consulas rogo, Benigne Lector, hanc qua- lem qualem inventiunculam, candidè Tibi à me exhibi-

*Auctōr hor-
tatur Opticas
Studioſos, ut
rem illam ul-
teriùs perfici-
ant.*

tam. Si existimaveris, hocce tenue inventum posse abfo- lutius reddi, prout etiam in eā sum sententiā, quæſo ope- ræ tuæ ne parcas, & sis bono animo. *Plurima enim ad in- veniendum contulit, ut Seneca Lib. 6. Cap. V. Natural. Quæſt.* loquitur, qui ſperavit posse reperiri. Et cùm negotium ad cul- men perduxeris, rursùs nobiscum rem communicato; sine omni dubio majorem gloriam, qui lentes hyperbolicas perfeceris, quàm qui rationem eas expoliendi tradiderit, obtinebis.

*Quanam Or-
gana in hâcce
Orga-*

Hæc itaque sunt majora nostra & præcipua, ut dixi- mus, Instrumenta Astronomica, minorum illorum, utpote Radio-

Radiorum, Astrolabiorum, Annulorum Astronomicorum, vel aliorum quorundam, ut ut ad Observationes omnino pertineant, meminisce hoc loco, minimè operæ pretium esse duxi; imò nimis prolixum foret, tum Lectori valdè toediosum, hisce minutulis rebus tempus terere, quæ ipsem et, tanquam crepundia, ad serias Observations nunquam adhibui; fateor tamen, inter apparatus Mechanicum nonnulla nova Inventa inveniri, qui egregium suum usum, variâ viâ, in primis circa Divisionis negotium exquisitiùs peragendum, præbent, quæ etiam nonnemini Mechanics Studio non posunt esse ingrata; sed temporis parcendum esse ratus; poteris igitur Tu, qui suo tempore iis forsitan indigeas, eandem operam his rebus locare, sine dubio, pro felicitate tui ingenii & similia, & præstantiora adinvenies.

*Organogra-
phia fuere ex-
bibita.*

Sufficiat itaque iis, quæ hâc Parte Priori Machinæ Cœlestis, bonâ ac optimâ, erga Sublimes has Contemplationes Cœlestes voluntate, partim etiam persuasu Præclarissimum quorundam Amicorum, partim humanarum rerum vicissitudinibus commotus, exhibere volui. Exploratum siquidem abundè habemus, quod mors nonnunquam unus hominis pluscula, maximo labore, molestiis, ac sumptibus, multorum annorum spatio inventa, constructa, & anxie conquisita, brevissimo tempore rursùs absorbeat, ac penitus perimat, præsertim accidente hæredum incuriâ, temporisque injuriâ, ut vix vestigium aliquod, vel ulla rerum earum omnium memoria Posteritati supermaneat. Exemplum Tychonis præstò est; nisi enim nobis Mechanicam suam reliquisset, etiam Idea tanti apparatus Præstantissimorum Instrumentorum omnino periisset: quippe, ne unicum quidem, Globum si excipias, amplius superest, quod non fractum, vel aliorsum, ad operas prorsus alienas adhibitum, translatumque fuerit. Ideoque, ne eandem pariter adversam fortunam, ex hæredum forsitan meorum negligentiâ, hæc qualia qualia Instrumenta mea experiantur; volui eo animo atque affectu, quo nunquam non Sublime hocce Sidereum Studium complexus sum, illa omnia pro-

*Quid Auto-
rem impule-
rit, ut Machi-
nam Cœlestem
in lucem pro-
truderet.*

*Tychonis Mes-
chanica ab o-
mni interiu-
vindicavit e-
jus Instru-
menta.*

bè delineata, æriqué incisa, quoad fieri potuit, cum suffici-
 Si hocce ne-
 enti Descriptione Nepotibus relinquere. Si fortè nonnul-
 la inveniantur, quæ in Astronomiæ incrementum ex parte
 prestitum fu-
 erit, soli Deo
 gratia deben-
 tur.
 Universæ Machinæ Mundanæ, quòd mihi vitâ, sanitate, ac
 facultatibus necessariis huc usque Clementissimè prospe-
 xerit, ad hæcce qualiacunque, non sine aliquo labore, curâ,
 atque impendiis invenienda, construenda, inque lucem
 exponenda, quæ Tu absque omni molestiâ, temporisque
 dispendio, ex paucis admodùm pagellis, adeò perspicuè
 intelligere, atque in tuum emolumentum procliviter com-
 mutare vales. Ultimò, si pariter existimes, Benigne Le-
 tor, ea, quæ penes me adhuc hærent, & Divinâ Ope pro-
 Deum insu-
 per nobiscum
 venerare, ami-
 ce Lector, ut
 porrò adspiret
 nostris conati-
 bus exantlan-
 dis.
 ducere constitui, digna, ut sub Tuum, aliorumque prode-
 ant adspectum; venerare, ac insuper ex intimis præcor-
 diis Supremum Numen mecum precare, quò ulteriùs La-
 boribus & Conatibus nostris, ad majorem Nominis Sui
 Gloriam, Ingentium Suorum Operum Contemplationem,
 nec non Divinæ Nostræ Scientiæ aliquantò ampliorem Co-
 gnitionem tandem ad finem feliciter perducendis, Be-
 nignissimè annuat! Vale mi Astrophile, &
 fave porrò nostris Studiis.



JOHANNIS HEVELII
M A C H I N Æ
C O E L E S T I S
P A R S P R I O R,
 SIVE
 LIB. I.
O R G A N O G R A P H I A M
 EXHIBENS.

C A P U T I.

*De Instrumentis Astronomicis, tam
Veterum, quam Recentiorum
in genere.*



*Singula Ar-
tes peculiari
Instrumento-
rum appara-
tu indigent.*
 Uemadmodum universæ, & singulæ Artes Mechanicæ, ac quævis Artificia, pro ratione cujuscunque operis peragendi, peculiaria & benè apta armamenta, sive organa necessariò poscunt; sic quoque Artes, atq; Scientiæ Mathematicæ singulæ, singularia & maximè propriora Instrumenta, sive Organorum apparatus efflagitant: prout rebus expediendis magis ac magis convenire videntur. Geometria habet suos Circinos, Regulas, Normas, & hujus generis diversissima, quibus circulos, figuræque dicit, delineatque. Optica possidet sua Telescopia, reliqua ut taceam, quibus Cœlum quasi petit, Corporum æthereorum nativas facies;

*Absq; In-
strumentis
Astronomia
neutriū ex-
colitur, nec
subsistit.*

*Solā ratione,
nudisq; ocu-
lis ac mani-
bus in Re Si-
dereā nibil
quicquam per
ficiuntur.*

*Organā A-
stronomica si-
ne dubio ini-
tiō fuerunt
planisima;
sed qualia, i-
gnoratur.*

*Orientales
Populi qua-
libus Instru-
mentis usi fu-
erint.*

*Quando Ar-
millæ fuerint
condita.*

facies, figuræ, & quæ cò spectant, contemplatur, & perver-
stigat. Pari ratione Astronomia quoque peculiaribus, &
commodissimis Organis summoperè opus habet, quibus
motum, magnitudinem, distantiam, & hujus generis alia
Æthereorum Corporum affinia rimatur, scrutatur, explo-
rat, atq; detegit. Quod cùm Laudatissimi Prædecessores,
Siderali Scientiæ dediti, etiam initio statim, sine dubio,
probè perspexerint, res has sublimes, motum scilicet horum
altissimorum æthereorum Corporum, neminem unquam
nudis oculis, vel solà mentis Contemplatione, ut ut quis
longè acerrimo ingenio præditus fuerit, penitus explora-
turum, multo minus hanc Scientiam ad culmen productu-
rum, nisi prius idonea, & aptissima adinvenirentur Orga-
na, & affabre construerentur, quæ mirabilem, & intrica-
tissimum illorum Corporum motum comprehendenderent,
& detegerent.

Conjicere autem possumus facile, quòd, sicut omnium
rerum principia fuerunt gravia, & nil, nisi cum tempore
crevit, atque absolutius redditum est (ut clarè admodum
ex omnium Mechanicarum Artium, & Artificiorum arma-
mentis, eorumque toto apparatu patet) eo pacto quoque
prima, & recentissima quævis Instrumenta Astronomica,
à quocunque etiam primitus illa fuerint inventa, quæ ad ri-
manda Sidera adhibita fuere, sine omni dubio levissima,
& simplicissima extiterunt, nimium quantum ab illis, pro-
gressu repertis, discedentia. Qualia autem revera, & quæ
planè ratione fuerint constructa, cùm Historiæ nullam eo-
rum faciant mentionem, plenè hoc loco detegere, atque
sufficientem adumbrationem exhibere nequimus. Atvero
devoluta Siderea Scientiæ ad Sinas, Assyrios, Babylonios,
atque Ægyptios, Astrolabia, Torqueta, Radii, Regulæ Pa-
rallacticæ, & fortassis etiam alia hujus generis, quæ ad no-
titiam nostram haud pervenire, in usu fuerunt. Succeden-
tibus vero Timochare, Hipparcho, Ptolomæo & Alba-
tegno, Armillas Zodiacales adhibuerunt: prout ex Alma-
gesto Ptolomæi, aliisque Scriptoribus liquidum est. Sed,
ut ut dictæ Armillæ Splendidissimæ, ac sumptuosissimæ
fuerint,

fuerint, neutiquam tamen rem omnem omnino exquisitè, uti debebat, commonstrarunt, pariter Armillæ Äquatoreæ, licet ex solido metallo extiterint fabrefactæ: quippe, quæ non nisi sextam unius integri gradū partem discernebant: unde constat, haud fuisse sufficientis magnitudinis: prout Observationes Hipparchi, & Ptolomæi testantur. Adde, quòd harum Armillarum, etiam omnium majorum usus sit operosus, molestus, & simul valdè lubricus. Nam, cùm diversis partibus sive circulis componantur, utique fieri haud potest, ut omnia & singula in puncto accuratisimè semper convenient; & in tali constructione, & dispositio- ne, inter observandum à plano nonnunquam etiam enor- miter exorbitent; in primis si sunt vastissimæ, mole suâ ac pondere minùs sunt mobiles; rursùs, si sunt minoris magnitudinis, minitorum, nedum eorum partium subdivisionem admittunt; adeò, ut procliviter conspicuus error, etiam ab Observatore longè exercitatissimo, hisce Armillis com- mittatur: quemadmodùm sæpiùs quoque Antiquioribus obtigit.

Cæterùm, Torqueta & Regulæ Parallacticæ Ptolomæi, cùm pariter ex diversissimis constiterint partibus, & qui- dem ponderosisimis, nec his, utut debitam præ se ferant magnitudinem, aliquid accurati peragi potest, præcipue, quòd ob nimiam ponderositatem ægrè adeò correctè ad æquilibrium deducantur, ac quaquaversùs regantur; è contrario si sunt leviora, simul etiam minora existunt, & tum, ut in Armillis, divisiones deficiunt. Insuper Radii quid præstent, sive ex ligno, sive ære, cujuscunque etiam longitudinis, & in quibuscunque minutissimis particulis sint distincti, ac affabré elaborati, circa minores, & maiores Stellarum Intercapidines, fusori commonstratione haud est opus: cùm Peritiores harum rerum affatim id ipsum exploratum habeant. Sic ut certo certius sit, nulla ulla Instrumenta, sive Astrolabia, Radii, Torqueta, Regulæ Parallacticæ, sive etiam Armillæ, quibus Veteres ad Sidera usi sunt, officio suo satisfecére, si accuratam, & debitam præcisionem ab omni parte spectes: sicuti ipse Tycho in

*Armillæ of-
ficio suo mi-
nimè satisfe-
cerunt.*

*Quid id fue-
rit causa.*

*Torqueta, &
Regula Pa-
rallactica, nō
sufficiunt pa-
riter Rebus
Cœlestibus.*

*Radiorum us-
sus etiam val-
de lubricus.*

*Veterum In-
strumentis u-
niversis solidæ
inniti hand
possumus.*

suis præclaris scriptis, cumprimis pag. 146 Epist. ad Rothmannum recte admonet: *Nam etiam si* (Torquetum scilicet) *Tychonis justæ magnitudinis foret, tamen è nimis multis & diversis partibus intricatae componitur, multaque requiruntur ad singularum dispositionem, quæ inter observandum difficulter simul administrantur, adeò ut dum unum cavitur, alterum facile negligatur, quodlibet verò per se aliquid erroris sensibilis suggerere potest.* Taceo, quod ipsum etiam Instrumentum suâ mole se se nimium aggravet, cum non secundum æquilibrium ejus dispositiones convolutioni adaptentur. Ita ut nullum sit inter omnia Astronomica Organa à Veteribus excogitata, quod minus expeditam & ratam certitudinem Observatori exhibeat, ut ut satis ingeniose ejus structura, quæ Armillas ab Hipparcho & Ptolomæo usurpatas in planam quandam Circulorum compagem compendiosius & minori sumtu redigere, Arabes hujus primi (uti existimo) inventores, conati sint etc.

Ideoque Recentiores præcedentis Seculi defectibus horum Instrumentorum subvenire conati sunt, construendis videlicet Quadrantibus, Annulis, ac meliorandis Radiis Astronomicis; verùm, ne hi quidem, ut exoptabant, rem acutigerunt, utpote, qui plerunque non nisi ex ligno, atque exiguæ existebant magnitudinis. Cùm verò Illustrissimus Princeps Hassiæ, ac Nobilissimus Tycho Brahe prodierunt, coqué animo, ut seriam Astronomiæ ferrent operam, immane quantùm Organa ab omni parte facta sunt accuratiora; non solùm quæ divisionem, constructionem, dioptras, totumque apparatus; sed cumprimis, quod Instrumenta in universum longè ampliora, & Observationibus tamen non omnino renitentia construxerint. Princeps Wilhelmus Hassiæ Organa sua, bina tantum minuta integra priùs commonstrantia, eò redegit, ut posteà singula minuta prima, quin horum partem dimidiā, nonnunquam etiam quartam exacte ostenderent; quorum nonnulla ex solido metallo trium pedum, quoad radium, extiterunt. At Incomparabilis Tycho ulterius adhuc magnifico Instrumentorum suorum apparatu progressus; non tantum nonnulla pariter ex aere, sive metallo, unius & dimidi, duorum, nec non duorum & dimidi pedum magnitudine possedit; sed & alia diversa, quanquam maximâ parte lignea, ad proclivorem

cliviorem usum, & faciliorem, & commodiorem versus quævis objecta directionem (ut ipse auctor tum existimabat) sex, & unicum Quadrantem Muralem. sex cum dimidio pedum amplitudine elaborari curavit; quæ non solum singula minuta, sed & sextam cuiusvis minutæ partem, ratione haud ineptâ indicabant. Præterea Regulis Parallasticis, Armillis Zodiacalibus, ex puro puto metallo, ad rationem Hipparchicam vel Ptolomaicam, & quidem paucioribus circulis, ad longitudines & latitudines Affixarum Stellarum protinus obtinendas, non acquievit; sed pariter Armillas tres Äquatoreas sibi comparavit, quarum unica quinque pedum ex sesqui altero circulo tantum constructa extitit. Cujus beneficio haud magno labore, & absque omni calculo statim Siderum Declinationes, & Ascensiones Rectas dimensus est. Præcipuè verò nobilissimum quoddam Instrumentum primùm excogitavit, adque præxim deduxit; Sextantem nimirùm, nec non Octantem, pro quibus tota Posteritas Ipsi plurimùm debet. Etenim Sextans aliorum Instrumentorum omnium commodissimum invenitur, quod ad Siderum dimensiones, experientiâ teste, unquam adhiberi potest. Quorum Sextantum duos possedit sex pedum quâ radium magnitudine; alterum pro Altitudinibus Stellarum capiendis, alterū pro solis distantiis dirimendis: quem omnibus reliquis, quotquot fuere, meo quidem judicio, jure præfero. Quippe loco prioris Sextantis ad Altitudes destinati, multò promptius, ac commodiùs Quadrantibus utimur, si pari sint amplitudine. Quales Tycho, ut ex ipsius Mechanicâ elucet, sex quoque habuit; inter quos quatuor extitè Azimuthales. Quantquam priores illi tres, ut ut ex puro ære fabrefacti, sufficiētem magnitudinem haud habuerunt, ut aliquid exquisiti, & solidi, fatente ipso Tychone, iis perfici potuerit. Omnium præcipuorum primò extitit Quadrans Muralis, alias Tychonicus appellatus; qui tamen non nisi uno solo arcu orichalcico muro affixo constitit. Alter quidem non minus debitæ, sex scilicet ped. fuit magnitudinis, ut quamlibet partem quartam unius scrupuli primi indicaverit; sed

*Organa Ty-
chonica qua-
re maximâ
parte lignea
extiterint.*

*Quot & qua-
lia Tycho ha-
buerit Instru-
menta.*

*Tycho pri-
mus extitit
Sextantis, a-
liorū Instru-
mentorum com-
modissimi, In-
ventor.*

*Ad Altitudi-
nes, Quadra-
tes sunt Com-
modiores Sex-
tantibus.*

*Quæna fuc-
runt Tychoni-
præcipua Or-
gana.*

ferè totus ex ligno constructus erat, nisi quod laminis oris chalcicis esset incrustatus, æneisque Pinnacidiis, atque Regulâ constaret. Tertiū Quadrans totus fuit chalybeus, quadrato etiam chalybeo comprehensus, unaque Azimuthalis; qui Tychoni admodum erat in amore, prout quoque merebatur. Quandoquidem inter maximos unicus extitit, qui ex solido compositus erat metallo. Optandum autem fuisset, ut pariter Sextantes, à quibus æque sublimia dependebant, ex puro ære conflati extitisent, nunquam sanè adeò conquestus fuisset, quod Organa ex nudo ligno constructa, usu & tempore à debitâ perfectione tandem deficerent. Ligna enim, ut ut sint solidissima, siccissima & vetustissima, nihilominus successu temporis corrumpuntur, aëri & intemperiei cedunt: sicuti suo loco postea dicetur prolixius.

*Cur Tycho Organa Univer-
sa non ex solidi metallo conser-
derit.* Quæras autem, cur Tycho etiam hos Sextantes non ex ære composuerit? anne sumptuum parcendorum gratiâ id fecerit? Neutquam profecto. Quippe Tycho prædives extitit, & sumptibus haud parcebat: quandoquidem, uti constat, in Astronomicam supellecilem ultra trecenta millia florenorum haud ægrè impendit, ut taceam, quæ Rex Daniæ eum in finem Liberalissimè nunquam non elargitus est. Atque ideò multò procliviùs, minorique rei suæ familiaris dispendio tales æneos Sextantes produxisset, quam quisquam privatus, qui ex suo loculo omnia depromenda habet. Genuina autem causa, quare id non fecerit Tycho, hæc est; Quod omnino in eâ fuerit opinione, Sextantes & Octantes ex metallo tantâ magnitudine fabrefactos, nullo modo à duobus Observatoribus, prout meritò debet, fore tractabiles, multò minus ad nutum quaquaversum flexiles; sic ut hâc ratione Instrumentorum moles, & pondus exceptatisimo effectui omnino resisteret. Optimè tamen perspexit, Organa metallica longè fore excellentiora, & securiora pro Observationibus Cœlestibus, dummodò leviusculo labore tractari, ac expeditè regi illa concederetur. Conqueritur enim passim, etiam Sextantes ligneos Observatoribus multum facessisse negotii, ut pluribus, quam duobus,

*Tycho in rem
Astronomica
plurima ero-
gavit.*

*Tycho existi-
mavit Instru-
menta ex are
fabrefacta,
hanc posse ex
nutu moveri.*

*Organa li-
gneae etiam o-
lim*

duobus pro uno Sextante opus fuerit Coadjutoribus, ad eos commodè elevandos, inclinandos & conservandos, præsertim in adversis planis, atque sitibus. Hac re com-
motus, ut pariter Octantem, sive Arcum Bipartitum, nec non Semicirculum Azimuthalem, cuius radius quatuor cum semisse erat pedum, maximâ parte ex ligno construxerit; quò laborem, atque molestiam eò magis evitaret.

Manifestissimè igitur patet, quantâ curâ ac solicitudine Tycho Astronomiam excoluerit, quo usque Instrumentis subvenerit, quâ viâ ea correxerit, & quibus præclaris inventionibus, nullo labore ac sumptibus parcens, ditaverit, atq; exornaverit, ut nemo Prædecessorum suorum unquam licet Reges & Monarchæ inter illos extiterint, qui miras Structuras, ac sumptuosissimas & splendidissimas Pyramides, atque Gnomones, tum hujus generis alia Magnifica Organa, ut partim etiamnum in Chinâ, ac alibi visuntur, exstruxerint, & erexerint; nihilominus tamen nullo ullo unquam eorum Instrumentorum tantum in Astronomicis perfecere, quantum ipse nunquam satis Laudatissimus Tycho; prout res ipsa loquitur, atque tot ac tot Observationes ostendunt. Nam, nisi Tycho id præstisset, nec Tabulæ Rudolphinæ lucem vidissent, nec ipsa Urania eousque in plurimis provecta fuisset. Atque ita debetur Ipsi, tum à nobis omnibus, tum à totâ Posteritate Gratia immortalis, imò Dulcissima ejus Memoria vigeat semper in animis Astronomorum, quòd nobis Successoribus viam straverit, rationemque commonstraraverit, quâ cum Deo & die successivè ad altiora, adhibitis necessariis sumptibus, debitâ diligentia, ac indefesso labore, pervenire non nequeamus.

Post Tychonem quidem plurimi Præclarissimi passim extitère Viri, qui in Tabulis condendis, aliisque rebus Astronomicis expoliendis egregiam navarunt operam; sed paucissimi sanè emicuerunt (quod tamen pace omnium dictum esse velim) qui ipsis Observationibus ex æthere petitiis Uraniæ opem tulerint, nedum Veterum, ut & ipsius Tychonis Instrumenta ullo modo correxerint, leviora, & ad quasvis operas commodiora reddiderint, ad accuratiora

lim Observa-
toribus mul-
tum faces se-
runt negotiis.

Nec olim
quisquam ex
Regibus pre-
stantiora Or-
gana ipso Ty-
chone posse-
dit.

Laurea Ty-
choni debe-
tur, quòd A-
stronomiam
ad eo promo-
verit, nobisq; à
omnibus face
prætulerit.

Post Tychonem Organæ
Astronomicæ
vix parum
absolutiora
sunt redditæ.

Landsper-
gias qualia
habuerit In-
strumenta. nimirūm aliqua paullatim obtinenda, Posteritatiq̄e pro-
palanda. Philippus quidem Landspergius, se veritati
longè propius accessurum putabat, ligneo suo Quadrante:
Cujus radii (inquit Progymn. Lib. I. pag. 15) singuli erant pe-
dum fere quatuor; eundemque laborem iteravimus, parato Quadrante æ-
neo majore. Sed non addit, quantæ is fuerit magnitudinis; si-
ne dubio haud extitit priore amplior; cùm genuinam ejus

An iis quic-
quam ampli-
us Tychone po-
iuerit præsta. capacitatem, atq̄ue structuram non exprimat Hoc igitur
nudo quatuor pedum, fortè etiam aliquantò adhuc minori
re. Quadrante, absq̄ue omni Sextante, vel ullo alio quodam

Instrumento, quid præstare dictus Auctor in arduo isto Cœ-
lesti negotio potuerit? etiamsi omnium extitiset ingenio-
sissimus, ac perspicacissimus, & an altius rem provehere,
quàm Tycho splendidissimo ac magnifico Instrumentorum
suorum apparatu quiverit? aliorum esto judicium: quan-
quàm illius ipsius Observationes abundè ostendant, quàm
longissimè à veritatis metâ collineaverit. Cæterū Rev.

An P. Ricci-
oli Instrumen-
ta Tychonicis
fuerint aptio-
ra, Auctor
dubitatur. P. Ricciolus, Praeclarus Almagesti Scriptor, ac Astrono-
miæ Reformatæ Auctor, haud pauca quoque cum suo So-
dali P. Grimaldo, Quadrantibus & Sextantibus trium,
quatuor, sex, & uno duodecim pedum observavit; sed po-
tissimum, ut judico, ligneis: cùm non adjecerit, universa
ex metallo fuisse adornata; nisi quòd Lib. IV. cap. 15.
Astron. Reform. referat: usi sumus frequentius duobus Quadrantibus ferreis, uno Tychonico seu mobili, altero Grimaldico & Stabili, in Meridiani plano firmisimè collocato. Deinde etiam Regulis Parallacticis, prius sex pedum, & posteà octo, stabiliq̄ue gno-
mone quindecim ped. usi sunt. Utrūm autem hæc In-
strumenta ad Tychonica accesserint, vel illis anteces-
sint, non ausim adeò certò, cùm pleniorem eorum descri-
ptionem nusquam exhibeat, affirmare.

An peculia-
ria planè Or-
gana Recen-
tiores nostri
modò habe-
ant, Auctor
nō habet com-
portum. Qualia verò Instrumenta hisce temporibus Magni &
Peritisimi Viri, tam h̄ic in Europâ, quàm alibi locorum
habuerint, vel etiamnum habeant, cuius compositionis, &
generis, tum quid iis præclari, & singularis Astronomiæ
bono peregerint, me prorsùs, quoniam nihil adhuc, quan-
tum sciam prodit, latet. Interea tamen nullus planè du-
bito,

bito, universos & singulos operam Uraniæ navantes, vel etiam navaturos, officio suo satisfecisse, vel adhuc satisfacturos, egregiis scilicet, novisque planè inventis Ei subveniendis ac suppeditandis : quò pos sit posthac Urania nostra altius caput exferere splendidissimâ suâ supellectili Organicâ. Decet enim, ut indefessi semper simus agendo, & cupidissimi ad res sublimes penitus cognoscendas, ac penetrandas : maximè, cùm in Gloriam Altissimi vergat, ac Rei Literariæ bono ac emolumento plūs plūsque cedat.

Tycho autem, tanquam Vir aliorum omnium Præcessorum suorum in hoc pulvere longè Exercitatisimus, de Instrumentorum fabricâ, divisione, & qualia pro Observationibus Siderum sint eligenda, Lib. I. Progymnasm. cap. IV. pag. 335, serìò animis Astrophilorum inculcat. *In ipsis autem (inquit) Instrumentis singularis habendus est delectus (nec enim omnia id in recessu habent, quod primâ fronte pollicentur) & solida in illis conficiendis, tractandisque requiritur diligentia, pari circumspetione conjuncta, majorque fortè, quam à plerisque hæc tenus aestimata est. Ni si etiam magnitudinem singulis graduum scrup. discernendis sufficientem obtinuerint, unaque è materiâ mutationi aëreæ non obnoxia constinent, oleum & opera perditur. Id itaque in primis præstandum venit, ut simplicissima sint, nec multis minus necessariis constent, partibus atque requisitis, & insuper tractationi usuique admodum habilia atque expedita, reddantur.* Hæc ita reverà se habere omnia, harum Artium Periti & Exercitati ultrò mecum agnoscent omnes.

Negari quidem haud potest, Nobilissimum Tychonem, uti percepimus, haud modicos sumptus impendisse, omnemque curam, atque diligentiam adhibuisse, ut sibi maximè propria, & convenientissima compararet Instrumenta ; sed ex modò citatis, tum etiam iis, ex Tychonis Lib. II. pag. 256 Progymnasm. Proemio nostro insertis, affatim perspicitur, illum inter plurima sua Organa, quorum viginti in Mechanicâ suâ delineata ac descripta exhibentur, vix quinque, vel sex possedissem, quæ tutò vel jure eligi, & ad Observaciones Cœlestes transferri potuerunt. Id autem

non

*Partium est
nostrarum, ut
omnes allabo-
remus, quò
Instrumenta
de die in diem
perfectiora
reddantur.*

*Qualia Or-
gana esse de-
beant Astro-
nomica ex
menie Tycho-
nis.*

*Tycho inter
plurima Or-
gana vix pau-
cisimah-bu-
it, quibus pro-
bè innuit po-
tuit.*

*Nemo unquā
initiō tam fe-
lix, qui statim
ad culmē per-
tingit.*

*Sapiens etiam
subtilissima
inventiones
non deducun-
tur ad pra-
xin.*

*Nec Armil-
la & Equato-
rea rem adeò
accuratè per-
ficiunt.*

*Tutiori viâ
semper ince-
dendum.*

*Quibus In-
strumentis o-
ptimè carere
possimus.*

non est, quod mireris. Nam cum primus quasi omnium extiterit, qui hanc Artem eam laudabili ratione aggressus, haud potuit initio statim, omnibus adminiculis meliori modo detegendis, ad ipsum apicem pertingere; sed longa experientia successivè primum didicit, quæ mutanda, corrigenda, retinenda, vel etiam prorsus rejicienda essent. Id quod nemini Observatorum etiam oportet esse fastidiosum, non nunquam ex iis, licet laboriosè inventis, plurima remove-re, si votis non respondeant; secus raro admodum aliquod singulare ac perfectum proferes inventum. Etenim non omnes Contemplationes, mentisq; ideæ, ut quidem principiò sibi quis persuadet, ad effectum perducuntur, ad usumque transferuntur, sed plurimæ cum praxi pereunt & evanescunt.

Verum, ad Tychonis Instrumenta ut rursus redeamus: certum est, plurima Eum habuisse ad rationem vetustioris ævi, utpote: Regulas Parallacticas, atque Armillas Zodiacales: quæ autem, sicuti suprà deduximus, etiam secundum ipsius Tychonis sententiam, plura semper promiserunt, quam re ipsa præstiterunt. Et licet Tycho postmodum Armillas Äquatoreas fatis amplas, paucioribusque circulis sibi confecerit; nullo tamen modo tam Longitudes, & Latitudines, quam Ascensiones Rectas, & Declinationes iis adeò exquisitè, ut fieri meritò debebat, vel etiam Sextantibus & Quadrantibus obtinere potuit: ut nemo non Astronomorum mihi facile ad stipulabitur. Illis quidem Armillis rem ipsam absque omni calculo quam facilimè expedimus; hisce autem Sextantibus, & Quadrantibus nonnisi ex Distantiis & Altitudinibus, peracto priùs calculo, non sine aliquo labore rem cognoscimus, longè tamen accuratiùs, & tutiùs; id quod in Rebus Cœlestibus in primis sollicitè est attentendum.

Proinde hoc nostro ævo plerique Astronomorum, experientia edocti, in eo consentiunt omnes, universas Armillas, cum Zodiacales, tum Äquatoreas, nec non Regulas Parallacticas, Torqueta, & hujus generis alia Instrumenta à Cœlo optimo jure penitus posse removeri, ab iis præser-tim

tim Observationibus alicujus momenti, quibus motum Corporum Cœlestium restaurare annitimus. Ad ludicra quidem, ostentationis gratiâ pro Magnatibus, qui rem non serio, sed animi relaxandi causâ nonnunquam tractant, calculum omnem, laboremque summoperè evitant, ejusmodi Instrumenta haud malè inserviunt; sed ad res serias, maximiique momenti, ubi Sextantes, Quadrantes ex ære justæ magnitudinis ad manus sunt, nihil prorsùs, crede, illis tribuo. Harum autem Armillarum, & Regularum Parallacticarum apud Tychonem numero sex fuerunt. Tres reliqui Quadrantes minores, licet ex metallo affabré elaborati extiterint, unius vel duorum ped. cum semis se magnitudinis, ad Observationes singulares (nisi quòd ad tempora corrigenda sufficerint) utpote ad motum Solis restaurandum, Elevationem Poli inveniendam, Declinationes determinandas, reliqua ut præteream, neutiquam quoque idonei extiterunt: sicuti Tycho in Mechanicâ Suâ, sub Lit. A 3. circa descriptionem horum Instrumentorum luculenter ipse testatur. Præter hæc ibidem alia duo Organa lignea levioris compaginis inveniuntur, quæ Tycho ad Novam Stellam, anno 1572, priusquam meliora sibi comparaverat, adhibuit; quibus Tycho ipse haud multùm etiam tribuit: prout in modò dictâ Mechanicâ sub Lit. E fatetur: *Cavendum autem Solerti Scrutatori ab iis Instrumentis (nempe à modo dictis) eorumque dispositione; quæ facile vacillant, aut quovis modo vitio contrahendo obnoxia sunt.* Cum Sextante Chalybeo, pro Distantiis per unicum Observatorem dimetiendis, Tycho pariter, uti patet, parùm admodùm peregit, quando præstantiora præstò erant. Quoniam quatuor tantummodo pedum extitit, nullam planè dioptram ad centrum, seu oculum Observatoris habens; tum, quòd unus solus Distantiis capere cogebatur; cùm tamen longè profectò certius sit, binos simul negotium peragere. Adhæc, Semicirculo illo Azimuthali, ut & Quadrante Magno ex ligneis trabibus elaborato, ob nimiam ejus ponderositatem non nisi viginti viris convolubili, cùm multò aptiores habuerit Quadrantes, quibus tutiùs fidendum erat, quàm Semicirculis,

*Ad res se-
rias Armilla
haud sunt ad-
hibenda,*

*Tycho quæda-
Instrumenta
ipse rejecit,
quando altio-
ra rimatus*

*Tycho horri-
tur ut à qui-
busdam In-
strumētis nos
caveamus.*

*Nonnulla In-
strumēta nul-
lius usus fue-
runt.*

utique etiam optimè carere potuit : quemadmodum hisce, quantum sciam, vix quicquam notatu dignum quoque præstitit.

Sex Instrumenta pre aliis Tycho in pretio habuit. Fuerunt itaque horum Instrumentorum numero quatuordecim, quæ vix usum aliquem notabilem & præclarum Tychoni præbuerunt ; ita, ut sex tantummodo remaneant, tres scilicet Quadrantes, unicus Octans, & duo Sextantes, qui huic arduo operi aptè adhiberi potuerunt. Quos etiam ipse Tycho aliis omnibus meritò prætulit ; in primis autem Sextantem quendam inter modò dictos, quo frequenter admodum utebatur, & cui plurima & præcipua confidebat, in maximo pretio habuit, eumque in Mechanicâ suâ sub Literâ D 2 valde etiam deprædicat : *de hoc Instrumento (inquit) id testari possum, tantâ certitudine & præcisione siderū præbere intercedentes, tamque citò & facile, ut nihil in eo desiderari queat.*

Sextanti plurimum Tycho tribuit. Quæ sex Instrumenta Momo cuidam harum rerum planè ignaro forsitan paucissima videbuntur ; verùm scien-
Non à multis, sed à cor- rectis & ex quisitis Instru- mentis dependet Astronomia. dum, quòd numerus huic negotio haud multùm tribuat, nec interest, quot eorum dentur ; sed quàm affabré illa, quæ necessariò requiruntur, sint elaborata, quantâ diligentia divisa, & ab omni parte quàm justa, & correcta. Si Organa Astronomica non instar crepundiorum esse, vel ostentationis gratiâ in Cimeliarchio suspendi debeant, sed ad res sublimes & serias adhiberi, parùm admodum refert, quantus sit numerus ; verùm, qualis eorum sit fabrica atque virtus. Ego in èa sum sententiâ, prout plurimi etiam Astronomiæ Periti mihi sunt adstipulaturi, quòd Regulis Parallacticis, Armillis, ut & suprà dictis illis quatuordecim Instrumentis hoc tempore optimè carere possimus ; sufficit ad universam Astronomiam restaurandam, ut in promptu sint tres circiter Quadrantes, quorum unus necessariò sit Azimuthalis ; item duo, aut tres Sextantes, cum unico Octante, diversa insuper correctissima Horologia, cum nonnullis præstantissimis atque longissimis Telescopiis, reliquoque varii generis minori apparatu maximè requisito ; his comparatis, omnium optimè universa ac singula, circa Observationes Cœlestes, expediri possunt : hâc tamen ex-

Quot Instrumentis opus sit ad Observations Rerum Cœlestium.

prefsa

presâ conditione, si Organa ex ære affabré fabrefacta, subtilissimè ac exquisitissimè in minutissimas minutorum partes distincta, idoneis dioptris armata, probè ab omni parte examinata, & undique sint exacta; quæ ad nutum sunt volubilia, & quocunque in casu, seu quavis inclinatione, absque omni renixu omnibus modis Observatori promptissimè parent. Excipias velim, si diversis in locis, atque Speculis Instrumenta locare, tum quædam portatilia, quæ procliviter in alium atque alium constitui posunt locum, quod amplissima & ponderosissima denegant, habere satagas. Ideoque iterum iterumque assero, neque à permultis Instrumentis, neque numerosis Observatoribus hocce Cœleste dependere negotium.

Nam, quantum triginta vel quadraginta penè annis, quibus assiduè Observationibus operam dedi, addidici, probè expertus sum, haud posse quidem uno solo, aut altero Instrumento quævis penitiora explorari; sed quod etiam longè sit tutiùs haud trecentis, nunc hoc, nunc illo frequentissimè permutando uti. Si unicum Quadrantem Azimuthalem, vel summùm binos ab omni parte absolutissimos possideas, longè profectò satiùs tutiùsque est, Altitudines Meridianas, ac Declinationes Solares, earumque variationes annuas pervestigare: id quod pariter etiam dictum sit de Sextantibus, & Octantibus. Quandoquidem tales frequentissimæ variationes, & permutationes non nunquam discrepantiolam aliquam Observationibus ingerunt, quæ Tibi, aut alteri suo tempore haud parum facilius possunt negotii: de quibus fortasse alibi pleniùs. Hâc de cauſâ præstat etiam, ut unicus Observator, uno eodemque loco, omnia & singula, si iis omnino solus par est, diligenter peragat, quam si per plurimos Socios, diversissimorumque auxilio id fieri curet. Nunquam enim juiores illi Studiosi, qui Observationibus destinantur, & plerunq; compulsi, coacti, sustentationis aut præmii causâ labores illos suscipiunt, tantâ diligentia, tantâ circumspectione, tantoque animo rem tractabunt, nec tanquam minùs experti & exercitati etiam ullo modo possunt, quam

*Sepiùs Or-
gana permu-
tare non usq;
ad eo tunc est.*

*Unicus aut
alier Obser-
vatorū exer-
citus plus
valeat in A-
stromniā pro-
movendâ, quā
treceti radio-
res.*

*Qui solo du-
cumūr Scien-
tia amore, ma-
jori sanè fo-
lertiâ, quam
qui lucri caus-
sâ, coacti
quasi rē tra-
ctant.*

Tycho, nisi pluribus Observations cōcredidisset, rariū sānē fuisset aber- ratum.

qui Veritatis & Scientiæ promovendæ solummodo gratiâ, à nemine ære conducti, oneri collum supponunt. Nisi Tychoni labor nimius fuisset, suâ observandi benè diffici ratione solus Quadrantibus, & cum unico semper constan ti coadjutore Sextantibus, rem omnem peragere; minimè verò tot ac tot diversis Studiosis, quorum plurimos semper aluit, negotium frequentissimè commisisset, sine omni dubio toties variâ viâ deceptus haud fuisset. Nam, quod hâc vel illâ parte se se nonnulla intruserint, non nisi suis Studiosis haud usque æque exercitatis, neutiquam verò Ipsi Tychoni adscribendum est. Quippe ardua sānē res est, pri usquam alicui alii, in rimandis Sideribus, absolutè omnino fidere possumus. Adde, nunquam etiam posse Socios, quām qui in perpetuâ ver- satur exerci- tatione. brevissimo interdum temporis tantum spatio commoran tes, ac Observationibus operam navantes, æque justè & exquisitè rem peragere, quām præcipuum Observationum Moderatorem, qui ipsem Instrumenta construxit, divisit, adornavit ac approbavit. Cùm ille cujusque Instrumenti proprietatem minùs habeat exploratam, quomodo nunc hoc illâ, istud verò nunc hâc ratione regi ac dirigi debeat, quæve in unoquoq; evitanda, & contrâ observanda omnino sint, quām qui perpetuò de die in diem Organis assidet, iisque se se assiduè exercet.

Auctor initio omnino alla boravit, ut Instrumenta idonea, & cor rectissima sibi compararet.

Postquam igitur Deus O. M. ita voluit, ut & ego, ex aliquâ mihi erga Rem Astronomicam propensione, Studia hæc Cœlestia aggredi cœpisse, nulla mihi potior cura fuisse it, quām ut ex optimo illo consilio dato Lib. I. cap. IV. pag. 335, item Lib. II. Progymnasm. pag. 256, hoc in proemio pag. 53, illo verò in hoc ipso Capite primo à nobis citato, negotium istud Cæleste susciperem, atque talia Instrumenta ad Observations suscipiendas eligerem, atque construerem, quæ Tychonis consilio essent convenientiora, & ad usum commodiora. Proinde, protinus animum à Regulis Parallacticis, Torquetibus, Radiis, Annulis, Astrolabiis, nec non Armillis tam Zodiacaibus, quām Äquatoreis prorsùs removi, ut vel quicquam magni iis tentarem, nec multo amore flagrabam conficiendi parvulos

Qualia pri- mūm cōstru- xerit.

Quadrant-

Quadrantes, atque Sextantes; sed qui primitùs constructi, Quadrantes & Sextantes, quâ radium trium pedum, quâ verò materiam toti orichalcici, singula minuta, eorumque partem quartam probè indicantes fuerunt. Deinceps, ad exemplum Tychonis adhuc majora quoad radium sex pedum, sed maximâ parte lignea Instrumenta fabrefieri curavi, ob eandem rationem, ut Tychoni olim videbatur, quò essent leviora, atque volubilia.

Cognito autem ac abundè explorato, paullò pòst Instrumenta illa Tychonica lignea, (prout jam in proëmio diximus) nullà ratione adeò exquisitè, nec perseveranter officio suo fungi posse; feliciter mihi in mentē venit, sum moperè opus fore, ex solido prorsùs metallo tantæ, imò majoris aliquantò adhuc magnitudinis Organa sibi comparare, si quædam notatu digna perficienda, Posteritati que relinquenda essent. Quæ autem, ut facile intelligis, si primò omnium inveniri, adque praxin deduci debeant, plerumque multum facesunt laboris. Ideoque & mihi arduum id esse initò videbatur; nihilo tamen minùs, ut suprà jam relatum est, dum in proposito perseverabam, serior rem tentans, nullis sumptibus parcendis, feliciùs succesit, ceciditque opus, vel unquam principio mihi essem imaginatus.

Quâ verò singulari novâ ratione maximi illi Quadrantes, Sextantes & Octantes constructi, adornati, & pro singulis quinis secundis distinctè commonstrandis distincti fuerint; dein, quo pacto commodissimè, ac promptissimè regantur, ad quosvis situs, omnesque inclinationes, unâ quasi manu quâm velocissimè dirigantur, inclinentur, ibidemque firmiter sustententur, & contineantur; adhæc, quomodo Regulæ atque Pinnacia subtilissimè, ac levissimè punctò temporis commoveantur, ac debito semel arrepto loco nunquam emoveantur, & hujus generis singularia, ex subsequenti speciali Instrumentorum nostrorum Descriptione, & Delineatione quilibet affatim perspiciet. Nullus dubito, si non omnes, plurimos tamen hujus Scientiæ benè gnos, ejusque interiora intelligentes, ex infrâ

*Instrumenta
Tychonica li-
gnea Aucto-
r planè rejec-
tis in locum verò
majora & so-
lidiora substi-
tuunt.*

*Quo singula-
ri artificio
Instrumenta
Auctoris sunt
costructa, suo
loco explican-
dum erit.*

*Auctore Rem
Astronomica
hanc unaten-
tas se*

tasce manu, sine dubio fabebuntur plurimi. dicendis ultrò fasfuros, quām seriò & enixè mihi cordi fuisse, præstare voluisse, meq; nullis ullis sumptibus de proprio peculio depromptis unquam pepercisse; qui sanè ad haud pauca excurrunt millia, si præsertim attendas, quanta impendia in Ædificia, Structuras, Speculas, tot ac tot sumptuosissima Instrumenta diversissimi generis tam Astronomica, quām Optica, in Typographiam, Papyrus, Typographos, Sculptores, Calcographos, Coadjutores, in Bibliothecam locupletandam, reliqua ut taceam, nunquam non lubentissimè erogaverim, quò saltem aliquid correctioris, & subtilioris adinvenirem ac impetrarem. Num autem ex voto, & quo usque successerit opus, & an parte aliquà Ars hæc inventione quādam prorsùs novà ditata atque exornata fuerit, non meum, sed tuum est, Cordate Lector, judicare.

Plyrimo novi invēta Instrumētis Auctō adjectis. Non ambigo, neminem unquam proditurum, qui sibi arrogabit, se citius ejusmodi maxima è solido metallo ponderosissima Instrumenta, in Speculâ mobili tantâ facilitate & agilitate (quod præficissimè dixerim) eâque prorsùs novâ ratione commovendi & dirigendi, adinvenisse, adque Cœlestia adhibuisse. Neque Quadrantes, ad planum & perpendiculum beneficio unius solius cochleæ; nec non universas Regulas Quadrantum & Octantum, pariter & Pinnacidia Octantum adeò promptissimè ad nutum & votum direxisse: ut taceam reliquas rationes recentes, Quadrantes Azimuthales peculiari modo construendi, regendi, Tubos longissimos centum, imo centum quadraginta pedum dirigendi, sustentandi, & quidem solum opera leviusculæ alicujus Machinulæ: prout prolixius hæc Pars Prior Machinæ Cœlestis ampliter ostendet. Cum

Hoc nostro seculo hand vulgaria sunt detecta. primis haud obscurè patebit, quòd, quemadmodum Laudatissimi Nostri Antecesores omni opere, proximè elapsis

seculis, in primis Celeberrimus Tycho adnixi sunt, meliora ac perfectiora Organa Astronomica reddere; sic quoque hoc nostro seculo haud minus præclarissimis inventionibus, atque ingeniosissimis adminiculis, maximo Astronomiæ bono ac incremento locupletata atque exornata sunt:

prout

prout res ipsa loquitur, etiam sera Posteritas sponte suâ prolifiùs, sine dubio, agnoscat; præprimis & nos hisce temporibus non frustrà omnino vixisse, eoque strenuè, omnibusque viribus allaborasse, quousque à Deo concessum fuerit.

Sed non est quod existimes, mi Astrophile, quasi jam omnium difficultatum scopuli, atque apices sint superati, univerfa ad omnimodam perfectionem deducta, omnisque Scientia funditus hisce exhausta: nequaquam profectò? verùm, sicuti nos homines in hoc Mundano Corpore constituti, in Scientiis ad summum perfectionis vastigium pervenire nullo modo possumus, atque Scientias, Artesque ex parte hic tantummodò cognoscimus; sic quoq; ultrò largiendum est, etiam in hisce Rebus nostris Astronomicis, ut in Proëmio monuinus; *Multa quidem detecta, sed plurima Posteritati adhuc esse relicta.* Exinde, licet Scientia Sideralis haud parùm hucusque exculta, correcta, atque jugiter sit promota, Organaque ejus, cum mirè ac abundè locupletato apparatu, longè sint perfectiora redditæ, atque insigniter exornata; nihilominus mirum quantum, sine omni dubio, redigi possunt adhuc excultiora & absolutiora: si duntaxat Successores Nostri omni curâ, labore, industriâ, sumptibus haud parsis (sine quibus sanè nihil efficitur) ad exemplum nonnullorum Prædecesorum, rem eandem moverint, promoverint. *Artes enim certè omnes & Scientiæ (ut rectè Clarissimus Mæstlinus in Epistolâ quadam anno 1599 ad Keplerum scribit) ad superiora & supra fastigia nequaquam per primos, sed per posteriores, qui inventis sua quoque dona divinitus concessa superaddiderunt, conscenderunt.* Hincque nullum est dubium, quin tota Astronomia, progressu temporis, suprà quam estimari potest, sublimior atque splendidior reddatur. Quod ut fiat, licet omnes nostri qualescunque labores, ac universæ nostræ inventiunculæ, iis videlicet inveniendis obumbrarentur, prorsusque removerentur; dummodò Scientiæ, Bonæque Artes in Divinisimi Numinis Honorem crescant, ac magis magisque innotescant, toto pectore appre-
camur!

*Plurima ad-
huc detegēda
supersunt.*

*Et Studium
Astronomicū
procul omni
dubio, cum
die crescat.*

*In plurimis
Posteri felici-
ores sunt
Prædeceso-
ribus.*

*Auctoris
Volum.*

C A P U T II.

De Quadrante Orichalcico.

*Instrumentū
hocce etiam si
in ordine pri-
us, non idēo
tamen praci-
pum est.*

HUnc Quadrantem primo loco sub adspectum ponere volui, non quod sit omnium subsequentium Instrumentorum nostrorum maximè præcipuum, neque quod mihi fuerit quacunque occasione familiarissimum; sed potius, quod reliquorum nostrorum Instrumentorum Astronomicorum ferè extiterit postremum (si parvula unus, aut alterius ped. utpote Radios, Astrolabia, Quadrantulos, & id generis diversissima, quæ hoc loco nullius sunt considerationis, excipias) & quo propemodùm nullominus ad res serias usus fuerim, tandem etiam ab Observationibus planè removerim. Non quod ratione fabricæ, sive divisionis defectu quodam laboraret; neutiquam; sed quod successu temporis meliora, majora & perfectiora mihi comparaverim.

*Magnitudo
Quadrantis.* Extitit autem hic Quadrans, quæ radium trium ped. totus orichalcicus, & quidem tali crassitie, & ejusmodi ligamentis, ex eadem materiâ probè consertus, ut apprimè cuivis destinato negotio sufficeret, etiam suâ mole Observatori haud esset molestus. Proinde commodè aliorum transportari, suo Pedestali imponi, ac promptissimè quaquaversum dirigi poterat. Absque Regulâ autem solo perpendiculo ex centro ejus appenso constructus erat; ut plerunque præteritis temporibus conficiebantur. Eo quidem attento, quod usus eorum hac ratione sit facilior ac tutior, tum illis præsertim minus in hoc pulvere exercitatis, & singula attendantibus haud adeò procliviter hujus generis Quadrantibus aberrare detur, quam si Regulas possideant, vel ad libram Horizontis prius dirigi debeant.

*Auctor ipse-
met Quadrā-
tem distinxit.* Divisiones, ut in omnibus reliquis Instrumentis, quæ unquam usurpavi; sic & in hoc Quadrante manu meâ ipse met perfeci. In ea enim opinione hæreo firmiter, nullum ullum Organum Astronomicum, præcipue sublimioribus Rebus æthereis destinatum, posse vel à quodam alio Artifice, ut ut maximè hujus Artis gnaro, tantà curâ atque diligentia




Fig. A

gentiâ distingui, pinnacidia pariter imponi, ac undique explorari, quām ab ipso Observatore, qui eo uti sibi propo-
suit. Quandoquidem existimo, neminem unquam nego-
tium istud adeò serio curaturum, præsertim, qui lucri caussâ
eò inducit, quām qui sponte suâ, solo veritatis amore, &
penioris æthereorum Corporum cognitionis solummodò
gratiâ rem suscipit. Hic, quò eò majorem apud Posterita-
tem demereat gratiam, profectò majori solicitudine atque
industriâ, quām quidam ære conductus, omnia peraget; sed
necessè, ut sit ejusdem Artis optimè peritus, atque à Juven-
tute Rebus Mechanicis probè assuetus, secùs omnis conatus
est frustraneus. Nam, quām procliviter leviusculus qui-
dam error his in subtilissimis rebus committi potest, qui
ipsi Observatori à Constructore studiò occultatur, ac plu-
rimas postmodùm hallucinationes, longè majores ipsis Ob-
servationibus cum tempore ingerit; quas nemo, etiam o-
mnium perspicacissimus, & Lynceus initio statim prævi-
dere posset: sed primùm longo temporis intervallo, fortè
magno suo, temporisque dispendio animadverteret, &
non nisi hoc corrigendo, vel alio Instrumento correctiori
substituendo, plurimis annis damnum istud repararet.
Suasor itaque Tibi sum (qui id experientiâ addidici) ne al-
teri cuiquam hâc in parte fidas, si rebus omnibus peragen-
dis ipse sufficienter par es. Sicque multò promptius defe-
ctus atque vitia, si quæ Instrumentis, ut facile fieri potest,
adhærent, ipse cognosces, ac rursùs corriges, omnibusque
Instrumentorum incommodis facilimè succurses, quām
alius quisquam Instrumentorum nudus Opifex, vel Artifex.

Dictæ autē Divisiones eà ratione arcui fuerunt à nobis
insculptæ, ut non tantùm singula minuta prima, sed eorum
penè quadrantes deprehendere potuerim. Primò quili-
bet gradus in tres partes, hoc est in 20'; & quælibet pars
tertia, in duas æquales partes, hoc est 10' distincta est; dein,
decem circuli paralleli ejusdem distantia in arcu satis am-
plo ducti sunt, atque lineis transversalibus distincti, quò
singula minuta exquisitè animadverti, earumque partes in-
termidiæ probè dijudicari possent: quemadmodùm et-

Vix ullus ar-
tifex adeò ac
curatè Instru-
menta ador-
nare & exa-
minare valet
quām ipse Si-
derum Meta-
tor; si nimi-
rūm Mecha-
nicarum Ar-
tiñ imprimit
est gñarus.

Id quod ipse
in condendis
Organis per-
ficere potes,
ne committas.
alteri.

Divisiones
quà ratione
fuerunt factæ

mut

N

iam

iam harum rerum vel mediocriter expertus facile intelligit; reliqui vero ex Delineatione infrà adjiciendâ optimè quoque cognoscent.

Qualia pinnacidia Quadrans possidentur.

Pinnacidia ad modum Tychonicum sunt fabrefacta. Quare autem hoc, & non alio usus sim, & adhuc utar, occasione majorum Instrumentorum, ubi ex composito de Dioptris in genere & in specie agetur, prolixius exponeatur. In Pinnacidiis antecedentis, sive ad centrum Quadrantis existentis medio minutissimum foramen conspicitur, pro Altitudinibus Solaribus, quò Sol radios suos in posterius trahicere possit Pinnaciū, in cuius medio rursùs punctum, sive ad magnitudinem disci Solaris circellus descriptus est; sic, ut splendente Sole totus discus plenè illuminetur, atque tum Solis centrum cum circelli centro omnino conveniat: qui autem circellus, cum Quadrans tantum sit trium pedum, vix etiam quintam vel sextam partem unius æquat digiti. Posset quidem idem circellus aliquantò reddi major, si foramen antecedentis Pinnacidiū paullò quoque esset amplius; sed radii Solares non nihil obtusiores evadunt, ut peripheriam Solis adeò distinctè animadvertere haud possis. Quocirca benè attendendum, quò foramen prioris dioptræ debitam proportionem, secundum cujusvis Instrumenti amplitudinem, habeat.

Canali opus pro Altitudinibus Solaribus.

Quò autem discus, sive lumen Solis è clariùs atque distinctiùs in inferioris pinnacidiī circello appareat, utor nunquam non quadriformi tubulo, cuius pars inferior pinnacido, oculo propinquissimo adaptanda multò amplior est, & quidem Observatorem versus omnino patens; prout ex præcedenti Schemate videre est. Hicce tubulus brachio Quadrantis inter utrumque pinnacidium unciolis, vel fibulis annexitur: tum radii Solares, per prioris pinnacidiī foramen transientes, ad inferioris circellum multò clariùs se se objiciunt, ut è exquisitiùs Altitudines capere possis, & quidem longè accuratiùs, quam mediante umbrâ antecedentis Dioptræ. Cùm omne superfluum, & circumfusum lumen Solare à Pinnacido, ejusque circello prorsùs, tanquam in camerâ quâdam obscuratâ, prohibetur. Per tu-

Absq; canali Solis radii in Quadrantibus longè sunt obtusiores.

bum

bum autem, mi Lector, non intelligo Telescopium aliquod lentibus instructum, sed planè nudum ex chartâ constructum Tubulum.

Pedestale, sive Fulcrum quod attinet hujus Quadrantis, constat ex ligno querceo solido, atque quatuor pedibus, basi decussatæ insistentibus, uti ex Icone vides. Partes omnes hujus Fulcimenti, sicuti commodissimè conjungi, ac certis cochleis firmari; sic rursùs disjungi, ac separari æquè facile posunt: quò eò procliviùs aliorum transferri, quando opus, nonnequeat. Cuivis pedi cochlea chalybea inserta est; quò, ad rationem libellæ sive perpendiculi, Quadrantem dirigere, atque disponere possis; ne ipsum perpendiculum nimium arcui adhæreat, nec ab eo discedat ac vibret. Nam nisi hocce perpendiculum, pro Altitudine commonstrandà appensum, propinquissimè ad arcum pendeat, nullo quasi intercedente spatio, liberrimè tamen, ut nullibi adhæreat, nunquam sanè aliquid accurati perages, ut ut omnem adhibeas diligentiam, prout Peritiores optimè norunt. Proinde ratio maximè efflagitat, ut quilibet Observator initio protinus Observationis rem hanc maximè observet. Verùm, quia hâc ratione aliquantò laboris est, ac plurimum temporis absumitur, priùsquam Quadrans, beneficio harum quatuor cochlearum directoriarum, justè omnino constituitur; aliud planè diversum modum Quadrantes, & quidem ad unguem & quam cito tissimè ad perpendiculum dirigendi, & inclinandi, ut nihil promptius atque accuratiùs possit, unius solius cochleæ beneficio, in quamcunque plagam, ut ut Fulcrum multò maximè à circulo Verticali declinet, vel Horizontem versus vergat, construxi. Quod Artificium Quadrantes disponendi, ut hactenus penitus fuit incognitum, sic à nobis primùm est excogitatum: quanquam nonnemini Carptori, eo benè viso levissimū fortè videbitur; sed Cœlestia penitiùs introspicientes, ac Mechanicarum Rerum Cultores ex praxi addiscent, tum subsequentibus percipient, mirum esse adminiculum, nec non majorem in rebus plurimis habere usum, quam primâ fronte promittat.

*Structura
Pedestalis.*

*Directio per-
pendiculi in
Quadranti-
bus necesse, ut
sit accuratis-
sima.*

*Auctor pla-
nè novū arti-
ficium diri-
gendi perpen-
culum inova-
nit.*

Construitur autem hāc ratione, nimirūm : Pars Fulcimenti superior quadrata illa lignea, quæ Pedestali suo quadrantis, si epistomio, sive axiculo inseritur, cui aliās teres illud ferrum affixum est, & cui rursus Quadrans suo canali adaptatus ad quamvis Altitudinem dirigitur, ex duabus componitur partibus, cardine conjunctis, ut pars illa, cui teres illud ferrum pro Quadrante affigendo, sive sustentaculum Quadrantis insertum est, mobilis sit, ac beneficio alicujus ferreæ cochleæ, matrici mobili annexæ, pro quāvis necessitate & inclinatione nunc magis magisque disjungi, dilatari, vel rursus conjungi & contrahi perlevi momento non nequeat. Atque sic Quadrans, canali suo superiori parti mobilis appensus, ad nutum sine omni negotio ad exactum verticalis planum, sive perpendiculum quām exquitissimè ac lenisimè, uno quasi digito, in quamcunque Cœli plagam dirigitur, & quidem adeò firmiter, ut eo situ correctiori nunquam excidat, ut ut Horizon, sive pavimentum hinc inde promineat, & inæqualitatibus abundet, ipsumq; Fulcimentum propendeat: sicuti quilibet re ipsâ experiri poterit. Proinde, cùm hoc ipsum adminiculum sit Observatioibus, meo quidem judicio, aptissimum, omnibus nostris Quadrantibus id quoq; adhibui, quod, uti meretur, quando ad reliqua Instrumenta perveniemus, pleniūs & accuratiūs delineatum & descriptum dabimus.

Eundem autem Quadrantem, licet singula minuta, ac insuper eorum partes probè exhibeat; nihilominus tamen ad Observationes sublimiores, utpote ad Altitudines Poli, Solis Meridianas, Obliquitatem Eclipticæ, Fixarum Declinationes, Parallaxes, Refractiones, & hujus generis neutiquam adhibui; sed solummodò ad Siderum Altitudines, pro horologiis corrigendis. Qualia Instrumenta abundè sufficiunt huic negotio, quæ singula minuta commonstant, ut majoribus haud opus sit; ad res verò cæteras subtiliores, non est, quod iis nimium fidas. Nam, quantò mājorā, & in minoribus subdivisa sunt particulis, tum tota ex metallo existunt, tantò tutior, certiorque est eorum usus: dummodò ad quascunque Cœli partes, absque multo negotio

Instrumenta, quātō mājorā, tantō sunt præstantiora.

gotio, à quolibet Observatore regi ac circumvolvi lenissimè possint, neminiq; mole & nimio pondere suo fastidium creant. Etenim, non solum magni ingenii, laborisque est, ingentia, amplissima, ex solido ære ponderosissima adinvenire & construere Instrumenta; sed quoq; talia mole maxima digitorum percusione levissimè regere, in quamcunque partem, sub quacunque elevatione & dispositio- ne oxyssimè dirigere. Qualia etiam tandem, Divino adiutus auxilio, non tantum cogitatione finxi & depinxi, sed etiam peculiari ratione feliciter composui, atque ad effectum deduxi; prout infrà pleniùs commonstrabitur, rem se se omnino ita habere: nec non clarissimè patebit, plura, quæ Antiquioribus, imò etiam ipsi Tychoni, ratione dirigendorum Instrumentorum ex solido metallo, illorum scilicet maximorum, penitus non cadere videbantur in rerum naturam, nunc maximè esse in potestate nostrà. Nam dies diem docet: & Rerum Natura sua non simul tradit. Mihi planè videtur, Posteros hæcce qualia qualia Organa nostra visuros, majora & sublimiora adhuc compendia, sine omni dubio, atque adminicula inventuros, ac detecturos. *Veniet enim tempus* (ut Seneca scitè loquitur) *quò ista, quæ nunc latent, in lucem dies extrahat, & longioris ævi diligentia.* Id quod etiam procliviter fieri poterit: inventis quippe facile aliiquid est addere; unde & ego, prout ultrò fateri oportet, indies commodiora & accuratiora cognovi & detexi, quæ modò huic, modò illi longè aptius convenient operi: quemadmodum ex nonnullis nostris haud usque adeò ineptis inventiunculis abundè erit manifestum. Quas autem non ab aliis petivi, nec ullò aliquò clanculum abstuli, sed meo Marte laboriosissimè impetravi, sumptibus haud vulgaribus. Qui, quanti fuerint mihi soli faciendi, non attinet dicere, ex sequentibus tamen nonnemini, si non plenè cognoscere, saltem ex parte conjicere licebit.

De reliquo, Quadrans hicce leniter quidem super suo epistomio commoveri, atque etiam beneficio alicujus cochleæ canali à tergo Quadrantis insertæ firmari potest, ut captam Altitudinem omnino retineat; sed solicite attenden-

Majoris artis est, amplissima Organa duobus digitis regere, quam omni conatu exstruere.

Quæ olim inter impossibilita- lia habebantur, nunc sunt in manu no- strâ.

In Scientiis, artibusq; se- per plius ultra progrederimur.

Auctor vari- is rebus dete- etis confir- matur, posse progressu praefstaniora de- tegi.

Sumptibus Auctor nun- quam parsit.

Haud levi- uscula res est, Quadrantes ad quasvis Altitudines exquisitisimè diriger.

*Aliud novum
in signe inven-
tum pro direc-
tione Qua-
drantum.*

dum, cochleam dum attrahis & firmas, ne Instrumentum à definità altitudine discedat, ut facile fieri potest. Quòd si verò minimè Quadrantem cochleà illà constringas, rurùs procliviter genuino loco varià viâ dimovetur; sic ut ferè nunquam satis certus esse possis de priùs captà Altitudine. Quamobrem aliam planè novam rationem huic negotio commodissimam, tum etiam ad plurima alia, excogitavi. Minutulum quidem est Instrumentum, unà solà cochleà constans, minorisqué pretii; sed majora sanè, quām forte Tibi imaginaris, etiam circa maxima & ponderosissima præstat Organa. Eatenus, ut non tantùm quosvis Quadrantes, ad quamcunq; desideratam altitudinem promptissimè ad unguem dirigere, ac exquisitissimè determinare, sed etiam firmissimè constringere possis; quò nullo planè modo perpendiculum loco suo vero dimoveatur, atq; semel deprehensa Altitudo semper eadem, ac invariata permaneat: quemadmodùm circa Quadrantes subsequentes largiter commonstrabitur.

C A P U T III. *De Sextante Orichalcico.*

*Sextantum
combinatio
necessè sit fir-
missima.*

Non minùs hic Sextans totus æneus est, quām modò descriptus Quadrans; constat quoque tantà crassitie, quantam magnitudo ejusdem lustramenti necessariò requirit; ne planum ejus regendo, commovendo, & inclinando ullo modo lædi, curvari, vel vitiari possit. Nam nisi Sextantes ligamentis, atque retinaculis probè firmis sint constructi & coadunati, ad Observationes & Distantias obtinendas neutiquam sunt idonei. Radius hujus Instrumenti est trium ped. longit.; majus eo tempore, initio scilicet Observationum mearum, construere haud ausus sum, ne nimium pondus Observatori foret molestum, Observationibusque obstaret, quò minùs nullo labore in aliud atque alium locum, unà cum suo Fulcimento, procliviter transportari posset. Quod Fulcrum eum in finem pariter, ut antecedens illius scilicet Quadrantis, ex robusto li-

*Cur initio nō
ampliora In-
strumenta fué-
re constructa.*

gno




Fig. B.

gno quercino, sex propemodùm pedum altitudine, constru-
ctum est, ut unà aut alterà cochleà facilimè concorporari
& coadunari, pariter rursùs dissolvi, vel dirimi non ne-
queat. Differt autem hocce Pedestale à superiori, quòd
non nisi tribus constet pedibus, atque tres tantummodò
cochleas directorias sive directrices habeat, quibus Sextan-
tes firmius, & commodius sustentantur. Adhæc, hocce Ful-
cimentum eandem semper conservat altitudinem; quan-
quam, si res exigeret, posset ad integrum pedem longius
produciri, adminiculo videlicet partis superioris, cui globus
ille orichalcicus mobilis adaptatus est, columninis tereti illo
ligno inserti; sed è ratione ego planè non opus habeo, ut
ut Tychonis Fulcra eo modo composita fuerunt, quò sem-
per erectis pedibus, haud inclinato corpore Observationes
peragerent. Nam omnes Distantias, sub quacunque incli-
natione & directione Sextantis, sedendo commodissimè
dimetimur, ope cujusdam sellæ peculiaris, quæ ad placitum
producere & contrahi potest; prout occasione majorum
nostrorum Instrumentorum videbis, ac percipies.

Regula ipsius Instrumenti, sicut Corpus totum, orichal-
cica est, & quidem adeò solida & consolidata, ut haud faci-
lè incurvari, vel vitium aliquod contrahere possit: præser-
tim, cùm arcu ab omni parte adeò exquisitissimè insistat,
marginique inhæreat, ut nullo pacto dimoveri, lenissimè
tamen ad quamvis distantiam commoveri queat. Sub fi-
nem Regulæ, infra scilicet pinnacidium, cochlea inserta est,
quà, inventâ Intercapedine, Regula, ne debito loco exeat,
firmatur, sicuti hactenus plerumque moris fuit. Dicas au-
tem, Regulam eatenus arcui esse uniformiter constringen-
dam, ut debito loco haud facile depelli possit. Id factu
quidem facile est, vel clavo ad centrum contractiori, vel
plumulâ quâdam chalybeâ instar sufflaminis; sed scias ve-
lim, quòd hoc ipsum minimè conduceat ad exquisitas ob-
tinendas Observationes. Quandoquidem è ratione, non
ita levisimè & procliviter huc illuc, prout res exigit, digi-
to regi & commoveri potest. Dein, si debito firmius Re-
gula Instrumento insidet, plerumque saltat, vel resultat, ut
nun-

Fulcrū semper eandem servat altitudinem.

Structura Regulae.

Regula necesse sit volubilis.

nunquam ferè eandem, quam vclis, adeò præcisè obtinere Distantiam valeas. Exinde, sive hâc firmiori Regulâ, sive etiam superiori cochleâ, quâ arcui adstringi debet, utaris, ut

*Regula, que
solum cochleâ
ad strictoriâ
limbo anne-
tuntur, nun-
quam rem ac-
curatè deter-
minant.*

ut sis in hoc negotio exercitatisimus, neutiquam tamen, ne semel quidem, nisi casu quodam, usque accuratè, ut res poscit, tu etiam optimè cognoscis, Distantias aut ob Regulæ renixum, aut cochleæ culpam, quæ attracta diversitatem parit, Stellarum dirimes. Atque sic ejusmodi Instrumentis, quibus tam Tycho, quâm alii, quantum sciam, huc usque usi sunt, plurimæ Intercapidines debitam præcisionem non obtinent, quam quidem obtinerent, si Regulæ ex votu, lenissimè quaquaversum ab exercitato Observatore deduci possent, atque ad nutum mentis, manuumq; se se accommodarent.

Unde certò colligere datur, quòd talibus Instrumentis, elapsis temporibus, nequaquam potuisse vel ullum aliquem adeò tutò & justè, ut fieri quidem debebat, etiam potuisset, Distantias dimetiri: fortuitò sanè accidit, si quando eadem Distantia, eâdem præcisione rursùs aliquoties iteratâ, in ipsis minutis, ne dicam secundis provenire debet. Ideoque hâc re commotus, aliam prorsùs rationem, Regulas cum pinnaciis dirigendi adinveni, quam posteà etiam perpetuò Majoribus nostris Organis æneis felicissimo successu adhibui. Nam, quia ratione illâ

*Olim Sextâ-
rum Regula
soluta nudis
manibus omni
tempore diri-
gebantur.*

antiquâ Regulæ nudis & nudatis manibus moveri ac dirigiri oporteant, nullo pacto id adeò accuratè fieri potest, ut modò non in excessu, modò in defectu non nihil pecces; præsertim hyberno tempore, intensissimo frigore, quo potiores Observationes plerunq; ob Cæli serenitatem peragendæ sunt, quando nimirum frigus per unguis elabitur, digitis ita rigescunt frigidissimo assiduè palpando & tractando metallo, ut ne quidem eos regere, nedum præsentiscere valeas, quam partem versus deducatur; quandoque etiam ab Observationibus planè abstinendum, quòd nimirum frigus perdurari nequeat. Denudatis enim digitis, ut modò dicebam, illâ ratione oportet, ut Regulæ commoveantur, secùs nihil quicquam accurati produces. E diverso, hâc nostrâ recenti ratione Regulæ & dioptre ad amussim; ope rursùs unius

*Auctor no-
vam rationem
adinvenit, u-
nus*

unius solius cochlearum gubernantur, & quidē omnes Observationes non nudis, sed manibus chirothecis armatis nunquam non peraguntur: quemadmodū in descriptione majorum nostrorum Quadrantum, Sextantum & Octantum, quibus istud inventum omni tempore applicavi, plenius explicabitur.

Cæterū, loco Dioptrae in centro Sextantis, Cylinder orichalcicus unius & semissis digiti, ratione diametri, in altitudine duorum pollicum constitutus est; oculum vero Observatoris versus, in extremitate Regulae alterum pinnacidium, duabus rimulis, quæ à se invicem ad crassitatem cylindri distant, diversis cochleis firmiter affixum est: quo possit, si primā vice non omnino recte Instrumento applicatum est, rursus recludi, & paullò loco moveri, atque sic prorsus corrigi, quando nimis Dioptra rigidiori examini non respondet: quomodo autem examen hocce institui debeat, partim in Proëmio jam delibavimus, partim aliquantò clariùs suo loco dicendum erit. Divisiones insuper hujus Sextantis planè iis, quæ in præcedente Quadrante, tum ratione partium minutorum, tum linearum transversalium inveniuntur (cùm utrumque Instrumentum sit æqualis magnitudinis) respondent: quemadmodū, quando ex composito de Instrumentorum diversis distinctiōnibus agetur, ad oculum delineabitur.

Hujus generis Sextantes, quoniam plerunque ad Sidērum Distantias, raro verò ad Altitudines, si Quadrantes in promptu sunt, ut ut etiam horum vicem quodammodo subire possint, adhibentur, ratio ex necessitate flagitat, ut maximè sint volubiles, & universis directionibus obtinerantes, quò nunc elevari, deprimi, inclinari respectu Horizontis, sive perpendiculari ad quocunque Stellarum planum, vel phænomenorum situm nonnequeant, ita tamen, ut sub quâvis inclinatione, licet inordinatâ, ac verticali plano proximâ semper eodem loco firmiter hæreat, ac nunquam eo, quo usque volueris, vel minimum exeat. Cæteroqui, sanè, frustrà foret omnis labor, si Instrumentum debito piano reniteretur, vel illud exquisitissimè, & constan-

O

tissimè,

nus cochlearum
directoria be-
neficiorum, & qui-
dē tactus ma-
nibus Regu-
lā dirigendi.

De pinnaci-
diis, aq; Cy-
lindro Sexia-
tis.

Divisiones
hujus Sextan-
tis conveniunt
divisionibus
superioris In-
strumenti.

Sextantes
maximè sint
ad natum vo-
lubiles.

tissimè ad quasvis Siderum Distantias conservare respuleret: sicuti rerum harum Peritiores optimè, & me tacenter, intelligunt. Verùm enimverò, hæc omninò sunt diuersa, imò repugnantia: lenissimè & ocyssimè moveri posse, simul etiam eodem momento, absq; omni cochleâ, firmissimè sub eodem plāno sponte suâ consistere, ut eo, nisi vi aliquâ adhibitâ, dimoveri nequeat. Sed quicquid sit, exquisitæ Observationes id omninò exigunt; an autem res prorsùs sit possibilis? ex dicendis fiet manifestum.

*Tycho quo-
modo Sextan-
tes gubernan-
ter.*

*Auctor rem
prorsus aliter
iunxit.*

*Sextantibus
Sustentaculū
duplici cardi-
ne volubile
adhibitum est.*

*Majores Sex-
tāres aliā ra-
tione regendi
sunt.*

Nobilissimus Tycho, primus Sextantis ad Siderum Intercapedines obtainendas Inventor globum ligneum undique orichalco incrustatum, duorum pedum in Diametro, plurimis, diversisque plumis ferreis multo labore probè prospectum, ad Sextantem suum ligneum sex pedum, ut patet ex ejus Mechanicâ, adhibuit. Ego verò experientiâ tandem edidici, haud opus esse tanto amplissimo & anxiè elaborato globo: quippe, qui possum rem eandem longè minori globulo, & quidem longè accuratiùs, sub quâcunque inclinatione absque omni tremore administrare. Circa Sextantes hujus generis minores trium pedum, initio nullo globulo, sed tantùm illo Instrumentulo, quod Geometris in dirigendis Astrolabiis familiare est, tum duplice, & quidem transverso, sive decussato cardine gaudet, quale in præcedenti Schemate depictum vides, usus sum. Hujus, inquam, ope Observationes haud usque adeò malè peregi; sed ut rem rectè percipiás, in minoribus & levioribus Sextantibus, in quibus pondus non prævalebat. Posset quidem etiam in majoribus Sextantibus, ad proportionem ponderis, simile Instrumentum decussato cardine conflatum adhiberi, quod tam arctè esset constrictum, ut Sextantem probè sustineret; sed maximo hoc incommodo, quod suo situ vix magnâ vi, non sine corruptione totius Instrumenti, emoveretur; rursùs, si tanto robore non constaret, sub nullâ inclinatione subsisteret, quando nimirùm centrum gravitatis jam exiret, nisi aliis adminiculis sustentaretur; id quod autem admodùm foret Observatori molestum.

Idcir-

Ideircò & hocce sustentaculum dupli ratione volubile penitus ab Instrumentis meis removi, supponendo globo quodam Orichalcico, ad Sextantem quidem hunc trium pedum haud usque adeò magno, quinque tantum vel sex ferè pollicum, quà diametrum ; sed rotundissimè & æquabilissimè tornato & expolito , cujus superficies sphærica ab omnibus fissuris, inæqualitatibus, eminentiis, vitiisque planè sit immunis. Huic globo æneo teres ferrum instar columninis insertū, vel potius, ut eò solidius esset pro Sextante sustinendo, est infusum. Deinde globus hicce semisphæræ excavatæ , ex ære notabili crassitie fusæ, tam ab exteriori , quàm interiori parte probè expolitæ inseritur ; posteà eidē globo crasfus & robustus, unius circiter digiti, latus annulus imponitur ; sit autem æquabilissimè tornatus & excavatus, secundùm globi sæpius dicti diametrum ; ita tamen, ut amplitudo hujus annuli minor aliquantò sit, quàm maximus circulus illius globi, seu sphæræ. Porrò, per marginem illius annuli diversæ cochleæ 8 vel 10 chalybeæ insertæ sunt, quarum ope globus ille orichalcicus cum semisphærâ per dictum annulum constringitur, & quidem adeò arctè manubrio quodam volubili, ut res flagitat. Atque sic adminiculo hujus sphæræ volubilis æneæ Sextans ad nutum & lubitum regitur & dirigitur, tum in omni plano paret & subsistit. Cavendum autem probè, ut Sextans, qui huic mobili globo imponi debet, benè transfris & ligamentis undique æneis constrictus & consolidatus sit, tum trabibus chalybeis sive ferreis hinc inde firmatus & suffultus : quò omni potentia adhibitæ in movendo & inclinando (cùm globus ægrè admodùm loco commovetur ; alias non sustineret in quocunque plano satis ponderosum hocce Instrumentum) debitè resistere possit. Secùs profectò, facile à perfectione fabricæ discederet, vitiumque contraheret, ut vix alicui usui esse possit.

Verùm, ne hic quidem globus orichalcicus volubilis, ut ut in minoribus Instrumentis suo officio fungi potest, hâc ratione adhibitus majoribus Organis ab omni parte satisfecit. Proinde omnibus viribus annixus sum, quò possem

*Globum us
tibilem con-
sruere, pro
commovendis
& regendis
Sextantibus.*

*Per globura
volubilitè Sex-
tantes medio-
cres ex nutra
reguntur.*

*Maximi ve-
rò Sextantes
ne hoc quide
solo volubili
globo ex voto
commoventur;
sed*

*sed alio invē-
to adhuc opus
habent.* sem aliam quandā singularem, annuente Divino Numine, rationem adinvenire & securiorem, multoqué commodiorēm; & quidem talem, cuius adminiculo universi Sextantes longē faciliūs, leviūs & procliviūs ad quodvis planum duderentur, in quo sponte suā, remotis quibusvis cochleis, plumis, vel retinaculis firmiter subsisterent: quamquam hoc novum inventum etiam postmodūm minoribus Sextantibus quatuor ferè ped. sed peculiari ratione, prout suo loco explicabitur, haud mediocri Observationum commodo applicavi.

Ad hunc quidem Sextantem trium pedum sustinendum, globum istum volubilem satis validum comperi: hincque eo etiam circa hujus generis & magnitudinis Instrumenta usus sum, præsertim initio Observationum mearum, ante viginti vel triginta circiter annos; cùm majora Instrumenta nondum habebam in promptu, hunc Sextantem ad Distantias Siderum frequenter admodūm, & quidem satis feliciter adhibui (sicuti Pars Posterior Machinæ Cœlestis abundè ostendet) operâ cujusdam mihi ab Observationibus. Nam ejusmodi Sextantibus nemo solus, ut quidem Quadrantibus licet, Intercapedines Stellarum dirimere potest, sed necesse est, ut semper bini Observatores Instrumento adsistant, si aliquid accurati deprehendi debeat. Nisi aliud Sextantem, diversâ planè ratione constructum, ad manus habeas, cuius beneficio etiam unicus solus Observator quibuscumque Distantiis determinandis par est. Qualem mihi etiam olim comparavi; prout capite subsequente eum delineatum, & descriptum dabimus.

C A P U T IV. *De Sextante Chalybeo.*

*Hunc Sex-
tantem unicus
observator re-
gere potest.* **S**Extans, quem modò exhibemus, pariter ex solido constat metallo; maximâ tamen parte chalybeus est, exceptis arcu atque pinnaciis, quæ ex orichalco sunt fabrefacta. Instrumentum autem hocce peculiari planè ratione, quam præcedentia constructum est: quò unicus solus Observator




Fig. C.

fervator hujus adminiculo, quando res ita exigit, Distantias Siderum, vel Cometarum dimetiri possit. Ejus ferè generis Nobilisf. Tycho Brahe posse dicitur, ejusdemque magnitudinis nimirūm quoad radium quatuor pedum; quoad Structuram verò ejusque Fulcimentum, nec non Dioptrās.
In quibus
hocce Instru-
mētum à Ty-
chonico diffe-
rat.
 Sextans hic noster, respectu Tychonici, planè diversus est. Cùm Fulcrum Tychonis vel leviter commotum facile vacillet, tum quòd plurimas res superfluas, cochleasque ipsum Instrumentum habeat, quibus omnibus optimè carere possumus, & nihilominus nostrum ex nutu commodissimè dirigere.

Quamobrem sustentaculo instar tripedis, quale ad Sextantem superiorem adhibeo, utor; potest quoque nec non ipse Sextans hic chalybeus, quando opus, aut peregrè ab eundum, in partes disolvī. Videtur mihi, quoniam Tychoni structura sphæræ nostræ orichalcicæ volubilis eo tempore nondum cognita fuit, necessariò ampliori illo arcu R S, ut ex ejus Mechanicâ apparet, Fulcro affixo opus fuisse; secùs profectò nec ad certum planum dirigi, nec in eo ullo modo, ob Instrumenti ponderositatem, conservari potuisset. De quibus autem omnibus non est, quòd sim solitus. Nam, si globum orichaleicum volabilem, qualēm jam pag. præced. partim descripsimus, partim etiam pleniùs infra describemus, ad manum habeas, ex voto euscemodi Instrumentum commovetur, subsistendo firmiter in quocunque situ, licet Stellæ sub eodem apparent verticali. Quâ omnino verò ratione Sextans hic chalybeus constructus sit, quomodo robustus ille arcus chalybeus, cruri immobili affixus, ad crus alterum mobile transeat, illudque sustentet, rursus huic arcui aliud tenaculum minus annexum, ad arcum alterum orichalcicū, divisionibus distinctum, in debito situ planoque nunquam non retinendum, in primis, quando crus mobile alteri immobili propriūs jungitur, in minoribus scilicet Distantiis; hæc, inquam, ut & cætera ad Structuram pertinentia, omnium optimè etiam Tyro harum Mechanicarum rerū ex apposita Delineatione cognoscit, ut vix fusiori descriptione opus sit. Qui

Structura i-
psa patet ex
Delineatione
appositâ.

verò harum rerum planè rudis est, ejus puto haud multum interesse, an hæc singula omnino recte intelligat, nec nō.

Sciendum autem, quando hocce Instrumentum ad Intercapedines Siderum adhiberi debet, necessum esse, ut arcus divisus ab Observatore sit aversus, centrum verò Sextantis cum suo cylindro oculo admoveatur, ut me tacentे intelligis. Deinde, quò arcus mobilis eò proclivius, justiusque commoveatur, utrique cruri trabeculam ferream per matrices mobiles transeuntem, ne motum respueret, firmiter annexi; rursùs huic trabeculæ ferreæ cochlea chalybea cruri mobili coadunata est, cuius beneficio nunc angulus Instrumenti major, nunc minor ad quamvis Distantiam redditur. Nam, cùm hocce Instrumentum nullam peculiarem habeat regulam, ut quidem reliqui Sextantes, sed crus mobile instar illius est, quod gradus & minutu designat, exigit omnino res, ut crus illud mobile ad lubitum nunc constringi, nunc dilatari ope hujus cochleæ non nequeat. Adeò, ut minimè opus habeamus illâ majori & longiori ab uno crure ad alterum transeunte cochleâ,

quâ Tycho in suo Sextante Chalybeo usus est: imò hæc ipsa magis impedimento, quâm adjumento est in Observationibus peragendis: exempli gratia; crus mobile Sextantis sit constitutum ad 50 Gradus; rursùs è vestigio sine ullâ morâ observari debet Distantia aliqua decem circiter graduum: quæso, quantum temporis spatiū requiritur, priusquam crus mobile cochleâ illâ toties convertendâ, per quadraginta scilicet gradus, eò deducas; nonne sæpius optimam occasionem aliquam observandi perdes nunquā reversuram, utpote in Cometis, Lunâ, Mercurioque, in quorum Observationibus maturatò opus est, si quicquam accurati obtinere satagas. At verò hâc nostrâ licet multò breviori cochleâ in momento quasi, à sexaginta videlicet gradibus, ocyssimè crus mobile etiam ad primum gradum,

Hic Sextans nullam Regulam; sed crus mobile posset.

Regitur per cochleari cochleâ.

Cochlea hujus Instrumenti directoria brevior, longè commodior est illâ Tychonis longiori.

si necessitas flagitat, deducere vales, absque omni commotione vel circumductione cochleæ. Nam trabecula ferrea, cui cochlea hæc nostra affixa est, mediante minori aliquâ cochleâ

cochleâ à crure immobili modò dissolvitur, modò eidem rursùs adstringitur, sic ut crus mobile subitò uno iectu eò deducere possis, quò velis, ad obtinendam Distantiam propositam ; firmato itaque illâ minori cochleâ dicto crure mobili, poteris ad unguem, majori sc. cochleâ, Distantias quasvis dirimere, & quidem tantâ certitudine, ut semel constituto debito loco nunquam exire pos sit, licet valide totum agites Instrumentum. Quò autem omnia clariùs pateant, volui & arcum illum totum Sextantem sustentantem, nec non trabeculam, cum omnibus matricibus, trochleisque denuò ad pedem Instrumenti, sub majori aliquâ designatione, Tibi ab oculos ponere.

Pedestale quidem hocce nostrum, pariter ut Tychonicum, haud potest longius produci, nec contrahi arctius : quippe, etiamsi posset, supervacaneum planè foret. Nam, dummodò Fulcimentum ad longitudinem alicujus viri, vel 6 pedes propemodùm initio constructum est, ut in mediocribus directionibus stando Observationes administrare deitur, longiori vel breviori fulcro haud opus habemus. Siquidem in sublimioribus, vel declivioribus Sextantum inclinationibus semper scabella diverorum graduum, vel sellas, quæ elevari & deprimi pro necessitate possunt, adhibemus ; adeò, ut horum scabellorum & sellarum beneficio Observationes semper commodissimè sedendo, & nunquam stando, vel inclinato, incurvato & adverso corpore, nisi aliter fortè visum sit, peragere queamus. Quæ sanè commoditas haud leviuscula est in administrandis Observationibus ; imò, crede, nunquam quis inclinato corpore, vel ad genua provolutus rem hanc æque accuratè, quam si aptissimè sedeat, perficiet ; in primis ipsis Instrumentis, quorum Regulæ nudis manibus, absq; omni cochleâ, moveri ac dirigi debent : prout in Tychonicis accedit. Id circò neutquam opus habemus, ut Fulcimenta Sextantum, cujuscunque etiam ponderis vel magnitudinis sint, nunc eleventur, nunc deprimantur, ut quidem plerique hactenus opinati sunt.

*Fulcrum non
producitur,
nec contrahitur.*

*Sellarum ces-
silium & Sca-
bellorum ope-
quasvis Ob-
servationes
sedendo pera-
gimus.*

*Incurvato
corpore, siuq;
incommode-
re Observa-
tiones neuti-
quā adeò ex-
quisitiè expe-
diantur.*

*Tycho in
hujus generis
Sextante duo
taniūm habu-
it pinnacidia;
Auctor verò
tres cylindros*

Pinnacidia Tycho in hujus generis Instrumento non nisi duo habuit, ad apicem nimirūm utriusque cruris, circa arcum in gradibus distinctum unicum; & quidem instar lamellæ quadratæ, ad centrum verò Instrumenti nullum constituit, sed oculo ruditer centro Sextantis admoto, operantummodo binorum illorum pinnacidiiorum Distantias solus determinavit. Quà ratione profectò nequaquam semel quidem, nisi felici aliquo casu, Distantias omnino præcisè obtainere potuit, ut ut fuerit quis lynceus, omnemque adhibuerit diligentiam. Nam nisi oculus certo quodam exquisitissimè determinato loco, vel potius pinnacido infallibili semper uniformiter adhæreat, quomodo quæso in isto subtilissimo negotio rem acu attinges. Unde etiam, & quidem meritò Tycho conqueritur, quòd hocce Instrumentum nunquam non parallaxin aliquam creaverit, quam ab Observationibus priùs demere necesse habuit.

*Sextantes
universi non
debent vel ul-
lam paralla-
xin inducere.*

*Cylindrum
construere pe-
culiaribus a-
lis mobilibus
binis simul
cruribus in-
servientibus.*

Proinde hæc perspiciens, solicitus protinus fui, quomodo huic inconvenienti succurrerem. Nam Observationibus Distantiarum neque hic Sextans pro uno Observatore, neque reliqui Sextantes omnes pro duobus Observatoribus vel minimam parallaxin ingerere debent, sed necesse, ut omni tempore & loco Distantias Stellarum, utpote Fixarum, omnino correctas & minimè corruptas trahant. Hincq; in centro Instrumenti, ut in aliis Sextantibus consuevimus, peculiarem loco pinnacidi constitui cylindrum; sed singulari ratione adornatū, qualē vix quisquam, sine omni dubio, hactenus viderit unquam. In utroq; cruce Instrumenti ad arcum divisiones exhibentem itidem cylindrum, quà diametrum $1\frac{1}{2}$ ferè poll. quà verò altitudinem duorum propemodùm poll. affiximus; sic ut hic Sextans tres cylindros, nullas verò lamellas, ut quidem Tycho habuit, possideat. Ille cylinder, qui centro insistit, atque oculo admovetur, alas habet, ut in pinnaciis Quadrantum & aliorum Sextantum vides; hoc tamen discrimine, quòd in hoc cylindro alæ sint mobiles, beneficio certi cujusdam tubuli orichalcici, cui firmiter sunt affixa, &

& cum quo circa cylindrum circumagi posunt. Inter alas autem mobiles, & hunc cylindrum duæ rimulæ relictae sunt tantæ latitudinis, ut commode Sidera inter observandum dignosci per eas possint. Quando igitur Distantia inter binas Stellas determinanda hocce Sextante occurrit, prius crus fixum, ope illius mobilis cylindri ad centrum, & alterius ad limbum ad alteram Fixam accurate dirigitur, quo facto, protinus totum Instrumentum globo, cui insitit, cochleâ eò destinatâ firmiter adstringitur, ut situ exire nequeat ; deinde illicò cylinder mobilis convertatur ad angulum normalem versus crus alterum mobile, ciusque cylindrum, quò beneficio illius cochleæ trabeculæ ferreæ affixæ ad alteram Stellam præcisè dirigi possit, cruribus sic binis illis Stellis exquisitissimè obversis, habes quam quæris Siderum Distantiam ; sed necesse est, ut aliquoties, omniq; diligentia hasce Observationes repeatas, alias profectò hocce Instrumento facilimè aberrabis. Ut autem alæ cylindri ad centrum Instrumenti, respectu utriusque cruris, ejusque cylindri remotioris, semper ad angulum rectum sponte & præcisè consistant, in utroque crure propè alas clavulus infixus est, ut alæ non nisi ad angulum normalem, etiam in ipsis tenebris, dirigi nunquam non possint. Melioris autem intellectus gratiâ etiam hunc cylindrum mobilem, & totum, & in suas partes dissolutum, sub majori aliquâ Delineatione in præcedente Iconismo exhibuimus.

Divisiones in hocce Instrumento pariter manu meâ quam diligentissimè perfeci, per lineas nempe itidem transversales, sed diversâ paullò ratione, quam in binis præcedentibus. Nam, cum hic Sextans radio quatuor pedum constet, potuit circulus in aliquantò minutioribus particulis, paucioribusque circulis subdividi : hac quidem ratione ; quilibet gradus prius in tres æquales partes distinctus ; deinde illius pars tertia in quatuor partes ; sic, ut beneficio quinque tantummodo circulorum cujusvis minuti dimidiā, imò quartam partem recte discernere possis.

*Quomodo
Observatio
instituatur.*

*Cylindri a-
la ad utrum-
que Sextantis
crus semper
ad angulum
rectum consti-
tuuntur.*

*Divisiones
in hoc Sextan-
te paullò sunt
diversæ.*

Hujus generis Instrumēta pro uno Observatore nunquā rem aque accura- te conficiunt, quā reliqua, ove duorum obseruatorū.

Auctor raro admodū hoc Sextanteum fuisse est.

Ad postremum, non nescias velim mi Astrophile, me hunc Sextantem vix rarissimè ad res subtiliores, ut ut affabré ex solido metallo pro ejus magnitudine sit elaboratus, exquisitè distinctus, Pinnacidiis benè justis prospectus, quam tamen unicus solus Observator Stellarum Intercapedines adeò accurate rimatur, quàm bini Observatores Sextante aliquo regulà mobili ditato, cuius crus utrumque fixum est, partesque omnes transstris & contignationibus firmiter sunt constrictæ. Ideoque initio statim operam dedi, ut hujus generis aliquot, & quidem quoad radium adhuc maiores mihi compararem, quibus successu temporis etiam omnes meas Observations, quotquot Liber II, III, & IV, Machinæ Cœlestis continet, cum Socio quodam benè exercitato, quem nunquam non eum in finem in Domō meā alui, peregi. Quod si verò nonnullas Distantias illo Sextante chalybeo solus quandoque obtinuerim, neutiquam tamen eas pro indubitatis arripui, priusquam aliis Sextantibus, & Octantibus, & quidem majoribus & solidioribus illas ipsas Intercapedines aliquoties examinaverim & approbaverim.

C A P U T V.

De Quadrante Horizontali ligneo.

Quadrans hic fixo ali- quo loco repo- nendus est.

Superiora Instrumenta, utpote Quadrantes & Sextantes, è ratione sunt constructa, ut commode aliò possint transportari, ac sub dio ubivis locorum pro lubitu exponi. Hic verò Quadrans, respectu magnitudinis & ponderositatis, non adeò procliviter omni loco, & quidem sub libero aëre transfertur; sed conductit Observationibus, ut sub tecto locus aliquis aptus ei assignetur ad Observata peragenda. Nam, licet maximâ parte ex solidiori quercino tantummodo ligno constet, arcum orichalcicum, Pinnacia, nonnulla transstra, tenacula, sustentacula, globumque æneum, cui insistit, si excipias, nihilominus tamen ægrè




Fig. D.

A. Steck Delin.

T. Seal Sculpsit

ægrè, nisi ope duorum virorum, loco movetur & aliò transportatur.

Initiò Specula mea Astronomica non undique prospe-
ctui patebat, sed à parte superiori tecta erat, fenestras ta-
men quatuor cardines Mundi versùs altas, lateque paten-
tes habens; quæ, ut commode aperiri, rursusque claudi
potuerunt, sic quoque universæ æque accommodatæ e-
rant Quadrantibus. Nam cuiq; fenestræ columna lignea
mobilis adstabat, ut vides ex adjectâ Delineatione, cuiQua-
drans appendebatur; cujusque beneficio non tantùm In-
strumentum procliviter circumagi, sed etiam, ut paullò
post dicetur clariùs, ad normam perpendiculi, seu lineam
verticalem exactè, & quidem nullo labore dirigi poterat.
Ipse Quadrans à centro ad circumferentiam quatuor cubi-
torum, sive sex pedum est, transbris & contignationibus
abundè firmatus, ut omni motui probè resistere, minimè
verò à suâ perfectione deflectere, vel vitium aliquod facile
contrahere possit: totusque ferè ad rationem Quadran-
tis volubilis Tychonici, aliorum penè præcipui, cùm me-
liorem rationem Quadrantes construendi eo tempore non-
dum cognitam habuerim, fabrefactus est.

Appenditur autem hicce Quadrans columnæ lignæ te-
reti, sex vel septem digit. crassitie; quæ rursus alteri cui-
dam robustiori columnæ ab uncis & retinaculis fenestræ
prævalidè affixæ insistit; superiori verò parte adminiculo
ferri cujusdam teretis in foramine quoque ferreo superioris
partis fenestræ volvitur. Quò autem pars superior co-
lumnæ unà cum Quadrante leviter circumagi possit, trun-
co inferiori fenestræ affixo forato orbis ligneus suâ axi in-
seritur, eiisque imponitur, qualem in Iconismo adumbravi-
mus; in planicie verò hujus orbis peculiare Instrumentum
ferreum cochleolis affixum est, cuius pars intermedia ro-
bustior, mediante longiori aliquâ cochleâ, horsum prorsum
movetur. Rursus huic ferro intermedio mobili foramen
quadratum insertum est, cum in finem, ut columna longior
& superior axi suâ itidem quadratâ ferreâ inferiori impo-
ni possit, & ita quidē, ut cochlea illa directrix à parte aver-

Prior An-
Etoris Specu-
la qualis fne-
rit Constru-
tionis.

Magnitudo
Quadrantis.

Quadrans
hic planè si-
milis fuit Ty-
chonis volu-
bili.

Quomodo
suspenderet
ac regatur.

Quâ ratio-
ne unâ solâ
cochleâ totum
Instrumentum
ad omnē Cæ-
li

li plagam & perpendiculū regatur.
sà ad angulum normalem respectu plani Quadrantis constitutatur. Hâc enim ratione quaquaversùm Quadrantem circumagas, perpetuò dicta cochlea cum Quadrante constituunt angulos rectos ; atque sic, solius hujus cochleæ beneficio, in quocunque situ ac quâvis altitudine Instrumentum acclinet, vel inclinet ratione lineæ verticalis, ut ut vel maximè velit, protinus potes nullo negotio ad unguem rectificare ac dirigere, ne perpendiculum gradus & minuta commonstrans vel nimium à limbo Quadrantis distet, vel nimium ei adhæreat. Id quod omnino res in hisce Instrumentis exigit : nisi enim perpendiculum debitè & exquisitè limbum, divisionesq; tangat ostendatque, jugiter profectò à veritate, imò nonnunquam in Gradibus aberrabis.

In directione perpendiculi magnum cōficitur momentum.
Proinde suasor sum, ut omnis Collineator probè curam hujus rei gerat, ne decipiatur ; id quod autem optimè poterit evitare beneficio illius cochleæ directricis, quâ tota columna, cui Quadrans affixus est, exquisitissimè ad perpendiculum in quocunque situ constituitur : quemadmodum nemō non pleniùs intelliget, qui Delineationem præcedentis Quadrantis, nec non rem ipsam aliquantò altius perpendet.

Ut ut hac inventio vix alius videatur momenti, inter maximas tamen maximi Organis, eam reponit.
Ego in èa sum opinione, ut ut hæc inventio alicui videatur leviuscula, maximi tamen eam esse momenti in hisce & similibus Organis, cujuscunque etiam illa sint amplitudinis atque ponderis, dirigendis, ac ad libellam commodissime constituendis. Multò, crede, commodior & aptior hicce modus est, quam Tychonicus, ut ut hujus generis Quadrantem tereti ferro instar columnæ appensum habuit. Quippe ferream suam columnam maximâ vi, malleisq; ponderosissimis adhibendis loco dimoveri opus habuit ; quod nonnisi maximo Observatoris incommodo, temporisque dispendio nonnunquam fieri potuit : imò sæpius, licet omnem navas operam, nihilominus ob motum istum maximè violentum Quadrantem cuneis quasi impellendo nunc in hanc, nunc illam partem, Instrumentum ad debitam præcisionem nequaquam istâ ratione deduces ; sed modò in excessu, modò in defectu peccabis : sicuti quilibet experientiâ affatim addiscet. At verò hâc nostrâ coch-

Hæc nostra ratio dirigen- di Quadrantes longè sanè commodior Tychoni usi- tata.
leâ

leà directrice tota columnæ, cum ipso Quadrante, adeò leniter in quamcunq; partem deducitur ac dirigitur, & quidem perpetuò ad planum verticalis, ut ne minimum id sentias, vel totum Instrumentum vacillet; quod autem cuneis, malleisque frustrè omnino tentatur, ut ut sis providus, rerumque harum gnarus.

Appenso igitur Quadrante tereti cuidam ferro oblongo (quod instar sustentaculi est) columnæ affixo, canali suo ad centrum gravitatis hujus Quadrantis sito, eodemque illi sustentaculo cochleà benè adstricto, poteris commodè sedendo quasvis Observationes & Altitudines rimari, beneficio videlicet cujusdam perpendiculi ex centro Instrumenti ad superius pinnacidium, ut vides, appensi. Quò autem è exactius id fieri possit, brachium ferreum, unâ cum Quadrante, motu parallelo mobile columnæ affixi; ita, ut eodem semper positu, in eademque Distantiâ respectu Instrumenti perpetuò conservetur: extremitati autem illius brachii Observatorem versùs trochlea orichalcica addita est, cuius beneficio, atque fili per eam ducti, ac parti Quadrantis adversæ unciolis inditis alligati, ipsum Instrumentum ad quamvis elevationem quam levissimè & lenissimè unâ manu, imò solo digito, prout facile intelligis, commovetur ac dirigitur. Deinde, ut Quadrans hicce in quovis situ atque altitudine etiam nunquam non immotus subsistat, pondus quoddam filo, quod Observator manu dicit, appenditur, quod æquipondio totius Instrumenti debitè respondet & plenè satisfacit: ut in quâcunque altitudine Quadrans accuratè sistatur, ac situ suo haud facile exeat. In certis tamen quibusdam sublimioribus sitibus, si Quadrans huic uni ponderi nondum obtemperet, aliud pondus è regione alteri cruri affigitur; id quod, dum Quadrantem Horizontem versùs concitat, æquilibrium è melius omni in parte, & quavis altitudine præcisè conservat: ut minimè sponte suâ ob æquiponderantium loco egredi possit. Atque sic minimâ potentia etiam Organæ, quantumvis magnæ molis, elevare ac deprimere optimè vales, & quidem commodissimè vel stando, si Altitu-

Quâ via
Quadrans
ad quasvis
altitudines
ope peculiaris
brachii mo-
bilis diriga-
tur.

Quomodo
Quadrans in
omni situ fir-
missimè &
utrō, benefi-
cio æquipon-
dii, consistat.

Nonnunquā
minimis ma-
xima pera-
guntur.

Etiamsi planum sit, hunc modum dirigendi esse satis commodum, attamen longè convenientiorē. Auctor postea inventit.

do non superet 45 gradus, vel sedendo in reliquis elevationibus, beneficio, ut jam suprà tetigimus, scabellorum & sellarum nostrarum, quæ modò produci, modò ad placitum contrahi posunt. Adeò, ut videoas modum hunc haud usque adeò contemnendum esse Quadrantes circumducendi, elevandi, perpendiculum examinandi & exquisitè constituendi; nihilominùs tamen successu temporis adhuc longè aptiorem & convenientiorem rationem, hæc omnia, ut suo loco monstrabitur, obtinendi excogitavi.

Cujus generis sunt pinnacida hujus Instrumenti.

Pinnacia verò, sive Dioptræ eâdem prorsus ratione sunt constructa, quâ in plerisque Instrumentis nostris Majoribus fabricare ea consuevimus: sicuti in subsequentibus describetur pleniùs. Pinnacidium oculo proprius quatuor fissuras, sive rimulas ad astra rimanda possidet, quæ nunc dilatari, nunc coarctari possunt peculiari rotularum artificio, prout lumen atque magnitudo cujusvis Sideris exposcit. At alterum Pinnacidium ad centrum huic oppositum quadrilaterum tantùm est, nullas planè rimulas habens: ut beneficio ejus extremitatum Stellas observandas notare nonnequeas. Rimulæ illæ prioris Pinnacidi, quæ Horizonti sunt parallelæ, ad Altitudines; illæ vero verticales simul ad Azimutha determinanda, lineamque Meridianam indagandam, ejusque Altitudines explorandas adhibentur: de quibus autem itidem pleniùs infrà dicendum erit.

Solares Observations quâ viâ per agantur.

Quòd si verò de die Solis Altitudines desideras, loco rimularum parvulo foramine in centro prioris Dioptoræ facto utimur; per quod Sol radios suos ad centrū alterius inferioris Pinnacidi spargit. Ex quo insuper centro circellus descriptus est, in interiori nimirùm pinnacidi superficie; & quidem tantæ amplitudinis, quantæ discus Solis pro Dioptrarum distantiâ sibi circellum requirit; sed debet nec major, nec minor esse disco Solis determinando: quòd non nisi Solis faciem totam, & nihil amplius comprehendat. Conducit autem, ut in hisce Observationibus Solaribus tubus quadratus papyraceus, lentium alioqui vacuus, amplior aliquantò circa Dioptram inferiorem, quam in præcedente Figurâ delineavimus, adhibetur, ac in-

Canali omnino opus.

ter

ter utrumque Pinnacidium vel unciolis suspendatur, vel filis quibusdam alligetur: ne non lumen Solis, ejusque radii (prout in camerâ obscuratâ accidere solet) eò vegetius, nitidiusque per foramen minutulum prioris pinnacidi ad circellum inferioris deducantur; atque ita eò præcisius Altitudines, Azimuthaque determinentur: secùs profecto, absq; scilicet Tubo hoc nudo frustrà rem tentabis, nec quicquam perfecti & accurati, crede, ut ut omnem moveas lapidem, perficies: quemadmodùm Experientia, rerum Magistra quemlibet edocebit.

Divisiones quod spectat, pariter linearum transversalium, ac quinque circulorum beneficio in hocce Quadrante expressimus; è ratione, ut quilibet integer Gradus priùs in tres partes, hoc est 20 Minuta; deinde verò pars quælibet tertia rursùs in quatuor partes sit divisa; ita, ut non solùm distinctè singula Minuta, sed & eorundem partem quartam, imò sextam, si rem oculo haud fugitivo contemplaris, atque tenuissimum filum seu perpendiculum adhibeas, cognoscere haud ægrè valeas.

Cùm itaque hicce Quadrans ad modum Tychoni usitatum diligentissimè constructus, ac in partibus à me ipso subtilissimè sit distributus, tum pinnaciis accuratioribus dotatus, nec non cochleæ illius directoriæ ope omni motio- ni & directioni ad amissim pareat; frequentissimè initio Observationum mearum hoc Instrumento usus sum; cum primis ad Altitudines Solis, Fixarumque Meridianas, earumque Declinationes impetrandas. Quippe principiò etiam officio suo probè satisfaciebat, aliquot annorum spatio; progressu tamen temporis idem mihi, quod Tychoni, accidit, prout usque affatim sum expertus, quòd universa nimirùm Instrumenta Astronomica lignea, quâcunque etiam ratione ex solidiori ligno sint constructa, quibuscunq; transstris, contignationibus, atque ferreis tenaculis partes inter se sint coadunatae, imò licet totum Instrumentum sive oleo, sive coloribus probè sit sublinitum, vel etiam undique laminis orichalcicis artificiosè incrustatum, atque munitum, nihilominus cum tempore variari atque corrumpi, pro ligno-

Ratio divisionum.

*Initiò An-
ctor hic Qua-
drante sapius
usus est.*

*Progressu
temporis In-
strumenta li-
gnea à pristi-
nâ perfec-
tione deficiunt.*

lignorum videlicet naturā, quæ mutationi & corruptioni
 aèreæ valdè sunt obnoxia : sicuti Tycho Lib. II. pag. 256
 rectè pariter animadvertisit. Aut enim Pinnacidia ex ista
 immutatione debito loco ex parte emoventur, aut totum
 etiam Instrumentum nonnunquam incurvatur, & à recti-
 tudine, sive superficie suâ planissimâ recedit, ut divisiones
 amplius, licet omnium fuerint initio correctiores, Obser-
 vationibus satisfacere haud possint. Nam incurvato arcu,
 vel Instrumento, omnes Distantiæ reverà aliter, quām
Contracta
Instrumento-
rum vitia nō
adèò leviter
corriguntur.
 sunt, apparent ; qui error non solùm ad aliquot Secundā,
 sed etiam sæpius ad Minuta integra excurrat. Quod vitium
 profectò haud adèò facile in istis Organis corrigitur, imò
 ægrè etiam à quoipam, licet rebus suis maximè prospiciat,
 animadvertisit : unde non rarò aliquot anni excurrunt,
 plurimæque Observationes Instrumento eo vitiato pera-
 guntur, priusquam deprehendi, & probè restituï potest ;
Si Instrumē-
ta ex inspe-
rato vitio
contrahunt,
valdè id da-
mnosum est
observatio-
nibus.
 quantum autem perturbationis & confusionis id Posteri-
 tati, Tabularumque Conditoribus in posterum ingerat,
 quando nec Observationes sibi invicem omni tempore
 exquisitè respondent, neque Distantiæ Siderum perpetuò
 sunt omnino eadem, prout etiam Praclaris quibusdam
 Observatoribus istis ligneis Quadrantibus & Sextantibus
 sæpius obtigit, Rerum Astronomicarum Periti haud diffi-
 lè intelligunt.

Cùm itaq; probè hæc deprehenderim, protinus operam
 dedi, ut Quadrantem ab istis vitiis ex diuturnitate contra-
 Etis penitus liberarem, atq; ad priorem perfectionē reduce-
 rem ; quanquam haud leviuscula res est, distortum atq; cor-
 ruptum Instrumentum absolutè rursùs restituere. Ubi au-
Etiamsi In-
strumenta li-
gneae semel re-
stituamus, nū
nquam tam
enem de eorū
constantia se-
cūrīsumus.
 tem in mentem mihi veniebat, & quidem meritò, nullum
 nimirùm ullum Observatorem, ut ut principio possideret
 Instrumenta absolutissima, vel unquam progressu tempo-
 ris securum omnino esse posse, licet ea vel aliquoties corre-
 xerit & examinaverit, ut illa non amplius, multorum scili-
 cet annorum spatio, vitia contrahant, vel ullo modo im-
 mutentur, vel quò illæsa prorsùs & invariata ad Successo-
 res, & Posteritatem transferantur. Nihil enim certius est,
 lignum

lignum à suâ corruptibili naturâ neutquam recedere, in-
primis, cùm Instrumenta frequentius sub dio adhibeantur,
ac sæpius nivibus, pluviis, nebulis, rori, pruinæ, æstui, ge-
luque exponantur: unde fit, ut eò promptius alteratio-
nem obnoxia, ac facilè aliquid vitii contrahant, licet multi-
pliciter sint bituminata, oleosis linteolis undique superin-
ducta, partesque eorum invicem firmiter agglutinatæ.

Habet igitur omnis sedulus Observator, cur semper si-
bi metuat, si quando ligneis videlicet utitur Organis; ne
immensum suscipiat peragatque laborem, cuius deinde
maxime ipsum pœniteat. Hincque tandem mecum con-
stitui, videns multò tutius atque melius fore, si Quadran-
tes, Sextantes & Octantes ex solido metallo, remoto omni
ligno, construerem: quippe eà videlicet ratione nunquam
certè Organa à priori perfectione desciscerent, si semel at-
que initio omnibus modis absoluta fabrefacta, & rigidissi-
mè variâ viâ, uti decet, explorata, ac longo usu esent ap-
probata; sed perpetuò utique constantissimè omnimodam
integritatem conservarent, & nullam ab aëre contraherent
noxam; modò illis debitè prospiciatur, ne cadant, vel im-
provide lœdantur, vel violenter contundantur. Atque sic
haud metuendum esset, existimabam, Observationes vel
vacillantes, vel diversas (ut nunc quidem in quibusdam et-
iam Præclarissimorum Virorum Observationibus experi-
mur) sed necessariò, si modò pari semper diligentia exci-
perentur, omnimodè fore æquales, & sibi ad unguem con-
venientes. Id quod in hoc negotio maximè quoque ex-
petitur, ut Observationes sint constantes & sibi similes,
illæ nimirùm, quæ semper coincidere debent; alias inex-
tricabiles molestias tam Tibi, quam Posteritati jugiter
creabis.

Quâ occasione in mentem quoque venit, talia Instru-
menta ænea, ut summè pretiosa, sic pariter artis laborisque
fore ejusmodi componere; eà quidem ratione, ne pondus
illorum gravitasque usum & commotionem impediret.
Quandoquidem universa Organa Astronomica ex summa
necessitate sint omnimodè volubilia, & tractabilia, si quic-
quam

*Cur Tycho
Instrumenta
lignea elegē-
rū.*

*Tycho longè
procliviū ex
solido metallo
cōdidis et In-
strumenta,
quām alius
quisquā pri-
vatus.*

*Auctōr o-
mnem adhi-
buit operam,
quō Instrumē-
ta idonea e-
nea impetrā-
ret.*

*Non sine ma-
gno sudore
sufficiētē In-
strumentorū
apparātū sibi
comparavit
Auctōr.*

*Plurima ipse
Auctōr pri-
mū adinve-
nire opus ha-
buit.*

quam solidi præstandum est. Quibus de caussis etiam ipse Tycho commotus fuit, quod eo tempore majorē illum Quadrantem, Sextantem & Octantem non ex puro solidoque metallo, sed maximā parte ex ligno construxerit: cūm ad regendum, ut sibi imaginabatur, nimis forent ponderosa ac molesta; atque ratio hæc, talia commode regendi, nondum fuerit tum temporis explorata atque detecta; alioquin profectò ejusmodi fabricanda haud dedisset. Non est enim, quod cogites, sumptus nimios in ea erogandos illum à proposito detraxisse? neutiquam sanè: quippe ipse non solum perdives extitit, sed & Regiam crumenam ad Instrumenta condenda nunquam deficientem habuit. Hincque multò faciliùs ejusmodi sumptuosissima acquisivisset, quām nonnemo privatus, qui ex suo solo marsupio sumptus omnes hauriendos habet.

Nihilo tamen minùs ab isto proposito haud me deterri, vel dimoveri passus sum; sed quemadmodū ab ipsā Juventute ingentem ardorem, Studia hæc promovendi, in animo meo deprehendi, sic omnibus viribus annixus sum, ut non tantū Organa ænea trabibus ferreis atque ligamentis undique ita concinnata & coadunata adinvenirem, quæ nulli motui, directionibus videlicet & inclinationibus resisterent, ac nullo prorsùs modo incurvari, vel minimum vitium aliquod contrahi possent, & quod magis, nō ve pondere suo Observatoribus oneri esent, naufragare crearent, ut ut quodvis centenas aliquot libras pendeat. Id quod profectò adeò facile factu haud erat, ut quidem nonnemo fortè sibi, hæc qualia qualia nostra Organa conspicens imaginabitur; sed sudorem mihi sanè excussum, imò noctes plurimas insomnes transegī, priusquam omnia requisita & adminicula excogitaverim, ad usumque commodum atque exoptatum finem ea omnia & singula perduxerim. Non enim has inventiones aliunde deprompsi (quod præfici scinī dixerim) aut alicui alii clanculūm, ut olim Tychoni à Wittichio accidit, abstuli; neutiquam profectò, imò ne quidem unquam, ut verum fatear, ejus generis Instrumentum mihi vel in itinere meo, vel ubicunque etiam

iam extiterim, obviam venit, tantæ videlicet amplitudinis, saltem aliquod ligneum, ut taceam ex solido fabrefactum metallo, de quo vel designationem aliquam deprompsissem, vel quod mihi ansam, ad nonnulla nova invenienda vel leviuscula, suppeditassem. Veruntamen, De i beneficio, quo semper fretus, successu temporis ea tandem acquisivi feliciter, quæ nunquam non in Altissimi Honorem, Reique Astronomicæ commodum animitus exoptavi. De quibus autem omnibus, quâ ratione nimirùm sint construēta, ac quâ felicitate regantur, suo loco plenissimè agetur; dummodò priùs reliqua Instrumenta, parte lignea, parte laminis orichalcicis imbuta Tuis oculis, Benigne Lector, subjecerimus.

*Quæ autem
fuerint, suo
loco percepies.*

C A P U T VI.

De Sextante magno ligneo.

DUm igitur in eo modò versamur, ut ordine priùs Instrumenta nostra lignea, ad modum Tychonicum fabrefacta describamus; operæ pretium esse duco, quò hunc Sextantem, quem olim sæpiùs ad Siderum Distantias capessendas adhibuimus, antequam solidiora ænea mihi comparaverim, delineatum & descriptum demus. Constructus autem est planè, ut præcedens Quadrans, ad rationem Sextantis Tychonici melioris, ejusdemque quantitatis, quatuor scilicet cubitorum sive sex pedum, imò paullò amplior: adhæc, ex sicciori & solidiori quercino ligno, transtris & contignationibus optimè constrictus, tum arcu orichalcico, uti Tychonicus, artificiose munitus, Regulâ robustâ, Pinnaciisque orichalcicis dotatus: cùm eo tempore persuaderi haud poteram, posse me unquam meliorum Sextantem, quam ad rationem illius Tychonici, quem ipse Nobilissimus Tycho præcipuis & gravioribus suis Observationibus perpetuò, ad vitæ suæ usque exitum, adhibuit, etiam pro omnium optimo semper habuit, aliquem adornare & construere. De quo Instrumento modò dictus Eximus Tycho ipsem in Mechanicâ suâ, in Descriptione

*Sextans hic
quovque ad si-
mili: udinem
Tychonici Sex-
tantus praefac-
tioris est fa-
brefactus.*

*Nunquam
Auctor sibi
persuaserat,
posse vel un-
quam melio-
ra Organa,
quam ad mo-
dum Tychonis,
adornari.*

Tycho hujus generis Sextantis præculit omnibus reliquis Organis. ptione hujus Sextantis testatur: *Eum tantâ certitudine, & præcisione Siderum præbere intercedines, tamque citò & facile, ut nihil in eo desiderari queat.* Sic ut certissimum sit nemine refragante, illud ipsum Instrumentum omnium aliorum suorum

Pretiosiora quidē possedit, sed non absolutiora. instrumentorum præcipuum, & absolutius (ut ut alia longè splendidiora & pretiosiora quoad apparentiam possederit) fuisse, quorum Ipsi tum dabatur cōpia, & quæ tum cognita erant. Hincque jure illis Observationibus hocce

Observationibus Tycho-nicis hoc Instrumento peractis plūs quam aliis tribuendum. Sextante à Tychone ipso peractis longè majorem tribu fidem, quàm reliquis omnibus, Instrumentis cæteris, cu-juscunque illa etiam fuerint generis, Sociorum & Studio-forum Suorum ope administratis: quemadmodum Historia Cœlestis Observationum Tychonicarum abundè affatim comprobat.

Quare Tycho Sextantes nō ex ere derit fabri-candos. Quare autem Tycho hunc Sextantem non ex puro metallo condiderit, ipsem in Mechanicā Suā refert. Si enim (inquit) omnes partes laminis metallicis (quantò plūs, si totus fuisse æreus, ut modò nostra sunt Instrumenta universa) obtege-rentur, nimio pondere intractabile redderetur Instrumentum. Quin & suā gravedine sibi ipsi in debito plano retinendo noceret. Cùm igitur initio in eâdem essem opinione, vel potius juxta Tychonis sextentiam mihi imaginatus essem, utique hunc Sextantem ad rationem Tychonicam curiosissimè, quàm unquam fieri potuit, fabricandum curavi; ipsem verò divisiones diligentissimè in illum transtuli, eà quidem ratione, sicut in Quadrante superiori, ut par eset singulis Minutis, & quindenis, imò denis Secundis commonstrandis: deinde etiam Dioptris probis debito suo loco accuratissimè collatis ei prospexi, eatenusque approbavi; ut in observando debitum suum mihi præstiterit officium. Quanquam hicce Sextans non in universis Intercapedinibus Fixarum eandem ipsam Siderum remotionem, quam Tycho nota-verat, commonstraverit: unde autem hæc discrepantiola, an ex meâ, an verò Tychonicâ, aut Suorum Adjutorum incuria promanarit: suo loco percipiendum erit.

Auctor lan-dat hujus Sex-tantis cōstru-ctionem. Experientiâ Auctor didi-cit, nō eo suc-cessu. Principiò autem illicò ex ipsâ praxi abundè deprehen-di, quod Observationes non tantâ citatione, facilitate, & præci-




Fig. E.

præcisione, ut quidem mihi anteà imaginatus eram, hocce
Sextante peragerentur. Et licet longè levior, tanquam ex
ligno, per se extiterit, ac si ex solido ære constitisset; nihi-
lominus plurimum negotii nobis facessivit, eo ad debitum
planum deducendo, Regulâque ejus ad omnimodam præ-
cisionem, ut res flagitat, adaptandâ. Nam globus iste mo-
re Tychonico adornatus, cui Sextans erat impositus, nun-
quam & nusquam sponte suâ subsistebat, nec potens erat,
illum in quocunque plano firmiter detinere, nisi duobus
longioribus baculis, ut apud Tychonem videre est, soli-
citè fulciretur, quos Observatorum alter manu dirige-
bat, ad obtinendam Instrumenti debitam inclinationem.
Id quod sane Observatoribus admodum erat molestum
& laboriosum, tantæ magnitudinis Instrumentum, quod,
licet ex ligno maximâ parte, tamen pondere suo haud care-
bat, manibus assidue attollere, deprimere, firmiterque sub
libero aëre, præsertim flante vento absque omni tituba-
tione & vacillatione immotum prorsùs sustinere, simulque
rimando operam dare.

Proinde aliud illicò Fulcimentum ei supposui, ejusdem
ferè generis, ut in Sextante minori orichalcico vides, nisi
quod aliquantò majus, fortius & procerius fuerit. Proti-
nus etiam loco globi illius Tychonici aliud retinaculum,
duplici, & quidem transverso sive decussato cardine præ-
ditum, sed ex ligno, ne gravitate usum præpediret, con-
struxi: quale in apposita Figurâ adumbravimus. Verum,
ne hoc quidem desiderio meo satisfecit. Nam, etsi aptius,
quam Globus ille Tychonicus mihi videretur, neutiquam
tam en Sextans, hujus volubilis tenaculi adminiculo, in quo-
cunque plano, situque præcisè conservari poterat, nisi ad-
movisses binos illos baculos ad hocce tenaculum susten-
tandum, & suo loco retinendum. Ideoque nondum hoc in-
vento contentus, alium Globum ex solido metallo confla-
tum, duodecim ferè digit. quà diametrum adornavi cum
suo calice, quo inferendus erat globus, atque annulo quoq;
æreo diversis cochleis constringendum confeci; sicuti jam
suprà partim dictum est, partim etiam infrâ, capite IX, iii

*cesu, ut fibi
imaginatus e-
rat, hoc Sex-
tantæ peragi
posse Obser-
vationes.*

*Varia obsta-
cula inter ob-
servandū ini-
tiò se inge-
rebant.*

*Alia quadā
adjutoria,
Auctor pro
facilitandis
observationi-
bus substitue-
bat.*

*Auctor no-
vum globum
volubilē ad-
ornat, pro
commodâ di-
rectione Sex-
tantis.*

Descriptione Sextantis ænei pleniùs monendum erit. Qui globus, ut ut cortice & annulo suo sit arctissimè constrictus, nihilo tamen minùs mirum in modum leniter & æquabiliter circumvolvit ; sic, ut Sextans, hujus globi volubilis ope, ad quemcunque situm dirigi, ac etiam in quo cunque plano absque omnibus sustentaculis & retinaculis, solo suo labore cochleisque conservari possit. In quibusdam tamen sitibus atque Planis, maximè ad Horizontem inclinatis, alio externo auxilio planè destitutum Sextantem ita strictè, ut loco ne minimum emoveretur, adeò validè sustinere haud potuimus. Nam etsi globū hunc annulo suo ad calicem cochleis arctius adstrinxisses, haud potuisses Sextantem vel latum unguem loco dimovere, ne dicam quaquaversum dirigere. Id quod valde mihi toediosum videbatur, quod globus atque Sextans ad nutum mihi obtemperare omnino respueret ; atque sic in nullius potestate esset, sive hoc globo, sive illo Tychonico Observations omnino justè & accuratè ab omni parte peragere. Quanquam huic incommodo ex parte, ponderibus quibusdam, ad æquilibrium conservandum tandem subveni : de quibus autem hâc vice nolumus esse prolixiores ; sed differamus, usque dum ad majora illa Organa ærea deveniamus.

Pinnacia
Sextantis & *Quadrantis,*
in quibus dif- ferant.

Pinnacia hujus Sextantis planè sunt similes illis, quæ in Quadrante præcedenti conspiciuntur, bina nimirùm illa; alterum, quod cruri Instrumenti affixum est, alterum verò, quod Regulæ mobili insistit. Hoc tamen discriminis inter hujus Sextantis & illius Quadrantis Dioptras intercedit, quod in hoc Instrumento Pinnacia tantùm binas rimulas perpendiculo parallelas, in illo verò quatuor rimulas habeant, ut loco suo monuimus. Rimulæ autem illæ omnium Instrumentorum majorum possunt lenissimè dilatari, rursùs etiam coarctari, singulari quodam adminiculo, dentatis scilicet quibusdam tympanis ad centrum Pinnacidii intrinsecùs latentibus ; quæ plenè suo loco describentur omnia. In centro verò Sextantis, ubi crura concurrunt, Regulaque vertitur, loco illius Pinnacidii in star

star lamellæ quadratæ, quod Quadrantibus affigi solet, cylindrum constitui, qui latitudine suâ duos ferè pollices, simul etiam distantiam utriusque rimulæ in oppositis illis Pinnacidiis, longitudine verò tres ferè pollices, simul etiam altitudinem reliquorum Pinnacidiorum exactissimè æquat.

Adeò, ut tam in hoc, quàm in reliquis Sextantibus omnibus tria Pinnacia requirantur: cùm à duobus Observatoribus necessariò Observationes peragi oportent; ut ut unus solus Quadrante rem omnem expeditat. Alter Observatorum, necesse est, ut adstet Pinnacidio alteri cruri affixo; alter verò Observator præcipuus, qui directorium gerit, Regulæ assidet, ut eam pro re exigente gubernet.

Quæ autem eo in negotio Observationis probè animad-vertenda sunt, haud ita facile, ut quisquam harum rerum inexpertus forsitan sibi persuadet, comprehenduntur, nec adeò brevibus proferuntur; imò, credas velim, quòd hocce negotium, Astra rimandi, vix ex ullà aliquà descriptione addiscet; nisi crebrà exercitatione, atque longo usu cognitionem istam Tibi acquiras, familiaremque reddas: de quo autem infrà Tyronum gratiâ aliquantò ampliter dissere-tur: Exercitatores nullis admonitionibus indigent. Quan-quā existimem, nonnullos inveniri sibi persuadentes, hocce negotium se melius, penitusque intelligere, quàm ut unquam à quopiam alio ipsis detegi possit; nihilominus au-sim affirmare, si Scioli isti amplissimis Organis æneis Observations subtiliores peragendas haberent, sine dubio ni-miùm quantum à scopo aberrarent, nec adeò promptè & accuratè, ut sibi imaginantur, rem haurirent. Quorum nonnulli & mihi adfuerunt, qui initio rem æque præcisè, pari-que temporis interstitio, quàm aliis exercitatissimus quisquam capere intrepidè jactabant; sed quàm anxiè postmo-dùm Observations suscipientes negotium hocce tracta-verint, quàm mirum in modum se se maceraverint, quantoque temporis dispendio, priusquam vel solidi quicquam statuere ausi sunt, ii, qui præsentes tum erant, testabuntur: imò, dum eadem Observatio reiteranda erat, nunquam ferè eandem

*In Sextanti-
bus tribus di-
opris, & duo-
bus Observa-
toribus opus
est.*

*Observatio-
nis negotium
non ex libris:
sed crebrà ex
ercitatione ad
descendū est.*

*Nonnullis
leviuncularē
est, Astra ri-
mari.*

*Sed opere ipso
contrarium
experimur.*

eandem repererunt Distantiam. Sic ut certo certius sit, ad operas hasce longâ experientiâ & exercitatione opus esse: si nimirùm velis singula ad amusim & promptissimè, tum brevissimo temporis spatio, diversisque vicibus eandem Distantiam semper sibi æqualem dirimere.

Cum Tycho-
nici Sextantes
facile vacil-
lent, Auctor
iis medelâ ad
hibuit,

De cætero autem, cum hicce Sextans sub dio plerumque Astris admoveatur, alteri Observatori, fixo Pinnaculo assidenti, difficile admodum est, Instrumentum adeò firmè solutis brachiis, nudisque manibus detinere, ut non oppidò vacillet, vel tremat; in primis, quando alter Observator Regulam alias limbo strictè adhærentem horsum prorsum commovet; nihilominus, si quicquam accurati obtinere satagas, maximè necesse est, ut Sextans quasi omnino immotus & affixus subsistat: secùs rem omnem perdes, frustraque erit, vel quicquam exquisiti tentare. Quod cum verò Tychonicis Sextantibus hoc nullo modo fieri possit, medelam huic rei attuli; construendo videlicet certum quoddam Fulcimentum, vel Sustentaculum, quod produci & contrahi potest, prout situs atque occasio poscit, ad sustinendum Observatorum brachia. Atque sic è melius Sextans regitur, dirigitur, firmiusque loco detinetur, ne vel minimum nutet, resque omnis longè exquisitiùs expediatur: quemadmodum ipsa experientia abunde testabitur.

Vfus Sex-
tantis.

Sextante &
ampliores &
minores di-
stria 60 Gr.
certo modo ca-
pi posunt.

Usum præterea quod spectat hujus Sextantis, plerunq; is ad majores Distantias determinandas adhibetur; quæ tamen non excedunt 60 Gradus, nec 10 Gradibus sunt minores: alias commode capi hoc Instrumento dictâ ratione adornato haud posunt: quia totus ejus limbus non nisi 60 Grad. complectitur. Veruntamen, potest certo modo, Dioptris scilicet aliter dispositis, construi, ut haud incommodè Intercapedines ad 150 Grad. excurrentes, pariter et iam omnium minimas aliquot tantummodo minutorum commonstret. Pro minoribus Distantiis aliis adhuc cylinder ad *e*, centrum versus Instrumenti constituitur; in limbo verò Sextantis divisionibus distincto ad *f*, Dioptra insuper duobus rimulis affigitur cochleis; sic ut utrumque

que Pinnacidium ad lineam per centrum ad trigesimum Gradum transientem, vel Sextantem in duas æquales partes dirimentem duæt parallello incedat. Per hæc igitur Pinnacia, si alter Observatorum Sidus rimatur, alter verò Regulæ adstat, atque illo cylindro ad centrum utitur, possunt quarumvis minorum Distantiarum mensuræ iniri.

Rursùs, si lubet majorem 60 Gradibus Distantiam metiri, aliud Pinnacidium rimulis constructum ad *c*; cylinder verò ad *b* in medio scilicet cruris, respectu divisionum atque centri Sextantis, constituitur. Atque sic altero Observatore per *c* & *b*; altero verò per *b* & *a* collineantibus, angulus 90 Grad. determinatur. Deinde, quantò plùs Regula suoque Pinnacido *c* versùs commovetur, tanto plùs angulo illi normali 90 sc. Grad. decedit, vel angulus iste fit minor: prout Longomontanus Lib. II. cap. VII Astronomiæ Danicæ pleniùs explicat.

Quando verò Pinnacidium *c* rimulis inverso ordine in *b*, cylinder verò in *c* transportatur; atque sic altero Collineatore per *b* & *c*; altero autem per Pinnacidum, Regulæ Sidera rimantibus, tum quantò magis Regula à *b* ad *c* movetur, tanto plùs angulus *a* *b* *c* dilatatur. Hincque constituta Regulà non in *c*, binas Stellas sub angulo 150 Grad. deprehendimus; existente verò angulo *b* *a* *c* 60 Gradibus minore: rursùs Regulà non in *c*, sed ad 35 Grad. constitutâ, angulus totidem Gradibus tantùm major est 90 Grad. nimùm tot Grad. quot Regula à *b* est remota. Imò, si cylindros in *b* & *c* transferas, poteris, si id necessitas flagitet, etiam angulum aliquem ad 180 Grad. determinare: de quibus itidem dictus Longomontanus eodem loco fusiùs disserit.

Verùm enimverò, ut ut hæc omnia solidò fundamento Geometrico gaudeant, atque Distantiæ istæ utiq; istâ ratione dirimi possint; attamen haud suaserim, ut quis sæpiùs Dioptras loco emoveat, atque aliò transferat. Facile enim sic noxam contrahunt, ut postmodùm res non nihil aliter, quam debeat, si non in ipsis Minutis, saltem in Secundis (id quod tamen omnibus modis evitari debet) prorsùs com-

*Quomodo
majores 60
Grad. Inter-
capdines ex-
pediantur Sex-
tante.*

*Ratio distan-
tiarū 150 &
180 Grad. e-
odem Instru-
mēto dirime-
re.*

*Dissuadet
Aut̄or h̄ac
ratione Ob-
servationes
suscipere.*

monstretur. Ideoque ægrè admodùm, nisi summà necessitate adductus, Pinnacidia mea semel accuratisimè In-

*Pinnacidia, Instrumentis
semel rite applicata
posita non
quæ dimovet.*

strumentis applicata & affixa, rigidèque examinata recludo, nendum aliò transfero. Nam, licet omnem adhibeas

diligentiam, ut denuò exquisitissimè reducantur & consti-tuantur; vix tamen fieri unquam potest, ut non inde di-screpantiola aliqua exsurgat: cùm res in minimis versetur, atque nemo unquam nimis esse possit hâc in parte cu-riosus.

*Cur Sextan-tibus maiores
& minores di-stantias adeò
accuratè di-metiri neque-amus.*

Adhæc alia subest ratio, cur majores illæ Distantiæ 150 & 180 Grad. haud ita correctè, quàm quæ 60 Grad. subsunt, observari possunt, licet omnes oculorum nervos in id in-tendas: quòd nimirùm Pinnacidia in Sextante multò pro-piùs ad invicem constituenda sunt, quàm alias, quando an-gulus intra 60 Grad. dirimitur. Quantò autem Distantia inter utrumque Pinnacidium minor est, tantò, crede, Ob-servationes minùs fidem jure merentur. Èa de caussâ et-iā contractiora Instrumenta haud æquivalent ampliori-bus; quòd videlicet Dioptræ tanto spatio in illis minori-bus ab invicem removeri, ut in illis majoribus, haud que-ant: sicuti harum rerum expertus ultrò mihi adstipulabi-tur.

Diversa prorsus In-strumenta re-quirū: ur pro-majoribus & minoribus In-tercapedini-bus.

Magis itaque consultum est, si aliquando, quod tamen rarò continget (quia tanti anguli 60 Grad. excedentes, si minores possideas, ægrè calculo hoc nostro ævo suppo-nuntur) hujusmodi vastissimis Intercapedinibus opus fortè habes, ut potiùs loco Sextantis Semicirculum, quam Tycho posedit, iis Distantiis applies. Verùm, hi Semicir-culi rursùs maximo oneri sunt Observatoribus; proinde

Majoribus distantiis 60 Grad. utique carere possumus.

& hos rejici: quippe nil unquam in Cœlo occurrit, quod ope Sextantis 60 Grad. commonstrantis feliciter, summà-qué certitudine nequeam expedire, nec non per calculum enucleare. Ex eo accidit, quòd ne semel quidem Quadrantem ad Distantias transtulerim; licet Tycho multoties ta-les amplissimas Distantias, ad 90 Grad. excurrentes, illis Quadrantibus fuerit dimensus.

Sextate qui-den minores distantiæ pos-sunt,

Atverò longè secùs res se habet in dirimendis Sextan-te aliquo Distantiis minoribus: cylindro scilicet in e, & altero

altero Pinnacidio in *f* translatis: eà ratione haud adeò ^{sunt, sed me-}
malè, si Octantem pro istis arctioribus Distantiis nō ad ^{lius Octanæ}
manum habeas, res succedit: quemadmodùm & ipse non-
nunquam, raro tamen, tentavi. Quandoquidem satiùs es-
se puto, ut peculiare Instrumentum ad hasce minutiores
Distantias destineamus, quod Distantiis tam 45 Grad. quām
unius Minuti, imò Secundi inservit. Hincque adductus,
ut initio statim Observationum mearum etiam ejusmodi
Octantem, capite proximo describendum, dederim fabri-
candum.

Adminiculo itaque hujus nostri Sextantis, cùm optimè
& affabré ad modum Tychonicum fuerit constructus, ex-
quisitè in Graduum particulis distinctus, Dioptrisque accu-
ratissimis curiosè armatus, pluries etiam, annis aliquot
continuis, principio ad Distantias tam Fixarum, quām
Planetarum eo usus sum. Verūm, quia verēbar maximè,
atq; animo meo assiduè inhærebāt, posse quoque progres-
su temporis idem id Sextanti meo evenire, quod olim Qua-
dranti ligneo, capite præcedente descripto: quod nimi-
rūm, me infcio, vitiolum ex aëre, vel naturā ligni forsitan
contraheret, magno meo deinceps damno temporisque
dispendio. Quocircà, quoniam varias tempestates Instru-
menta experiri oportent, eò magis omnem movi lapidem,
quò possem omnis generis Organa Astronomica ex puro
puto & solido metallo tandem mihi comparare: ut ani-
mum meum ab istâ curâ & assiduâ solicitudine liberarem,
atque simul lignea universa, ut ut plurimi mihi constite-
rint, ab Observationibus, Cœloque prorsùs removerem: <sup>Quare omni-
bus modis ad
obtinenda æ-
nea Instrumē-
ta adspiravit.</sup>
prout etiam paullò post ad effectum feliciter, Divino ad-
jutante Numine, est deductum. Antequam autem illa
contemplemur ac delineemus, volumus priùs aliud quod-
dam itidem ligneum amplissimum sub tuum ponere ad-
spectum: quò simul videas, quale id extiterit, & quomodo
pariter pro suâ ratione officio suo apprimè satisfecer-
it, atque alter quisquam Observator, qui ænea nec habet,
nec talia construendi ei datur facultas, similia ad Astra
dirigere possit. Præstat enim, magisque Astronomiæ Cul-

Decet Astro-
nomū, potius
lignea, quam
nulla habere
Instrumentas.

tori honorificum est, quibusdam ligneis, laminis orichal-
cicis passim incrustatis, quam nullo planè gaudere, & so-
lummodo sub tugurio circulos calculosque ponere.

C A P U T VII.

De Octante Magno Ligno.

*Ad simili-
tudinē Arcus
Bipartiti Ty-
chonici Au-
ctor Octante
hunc exstru-
xit.*

*Magnitudo
Octantis.*

*Octante o-
nonium mini-
mas distātias
possumus di-
metiri.*

*Octatis stru-
ctura, & qua-
les habeat di-
operae.*

Celeberrimus Tycho Brahe inter reliqua sua Organa Astronomica peculiare etiam Instrumentum (cui nomen fuit Arcus Bipartitus) possedit, unicè ad minores Side- rum Distantias capiendas destinatum, quod radio suo 4 cu- bitos, sive sex pedes æquabat; sed maximâ parte ligneum extitit, nisi quod limbus, divisiones ostendens, Pinnacida- que, transtra & tenacula ex metallo constiterint. Ad hujus ferè similitudinem etiam aliquod Instrumentum, pro mino- ribus Intercapedinibus Stellarum capessendis, fabricari cu- ravi, quod octavam tantùm circuli partem limbo suo æ- quaret (unde nomen illi Octans inditum est) sed duobus pedibus adhuc majus Arcu illo Tychonico Bipartito, ra- dio videlicet 6 cubitos sive 8 pedes adæquans. Ratione verò materiæ itidem potissimum ligneum est, arcum, Pin- nacida, sustentaculum, sive globum, quo innitur, si excipi- as; ex solido tamen & siccissimo ligno, tum firmissimis contignationibus constructum fuit, ut depravari, nedum confringi haud adeò facile posset.

Hocce Octante nullas quidem Distantias 45 Grad. am- pliores; sed econtrà omnes quascunque minimas, licet ali- quot tantùm sint Minutorum seu Secundorum, utique di- rimere Tibi est integrum. Ratio est, quod hocce Instru- mentum duobus cylindris vel centris, non unico solo, ut Sextans, gaudeat. Insuper, hi bini cylindri ab invicem duo- decim ferè digit. distant; sub angulo tamen normali, re- spectu lineæ per medietatem Instrumenti transientis, tum ab hac æquali distantiâ, repræsentantes quasi duo diversa centra. Hincque ex his duobus punctis duo etiam diver- si arcus, alter ex dexteriori centro dextrorsum, alter ex si- nisteriori sinistrorsum, respectu lineæ illius intermediæ, de- scripti




Fig. F.

scripti sunt; sic, ut hocce Instrumentum duos peculiares referat arcus, æquales tamen omnino, octo scilicet ped. quæ radium magnitudine. Arcus autem non ab istâ intermedia linea, sive Instrumenti medietate prorsus initium ducent; sed primùm in distantia ab istâ linea 6 digit: quoniam bina illa centra, quibus cylindri insistunt, duodecim omnino digit. ab invicem distant: unde necessariò oportet, ut arcuum initia tanto scilicet spatio, quanto cylindri à se invicem, vel ab illâ linea intermedia, removeantur.

Quando nunc igitur utrumque Pinnacidium rimulis adornatum ad initium divisionum subsistit, uterque Observator ad unam eandemque collineat Stellam, atque sic nullam deprehendit distantiam; hâc tamen lege, si totum Instrumentum accuratissimè constructum, ac exquisitissimè in requisitis partibus sit distinctū: sin aliter commonestret, certissimum est indicium, vitio aliquo haud levi illud laborare. Quòd autem uterque cylinder atque Dioptra tanto intervallo ab invicem distet, ex eo factum est, ne bini illi Observatores, qui pariter ad Octantem semper, ut ad Sextantem, requiruntur, capita collidant, vel sibi prorsus inter observandum obstaculo sint, quando minima aliqua Stellarum Distantia est dirimenda. Nam tum Pinnacidiorum alterutrum ad ipsum divisionum initium, quod ab Instrumenti medietate 6, ut diximus, dig. abest, cochleis valide adstringitur; cuius beneficio, atque ejusdem lateris cylindri alter Observatorum Pinnacidium, ejusque oppositum cylindrum ad alteram Stellam dederit, usque dum Stellam desideratam accuratissimè tetigerit, etiam ad utrumque latus cylindri æqualiter per utramque Pinnaci dii rimulam eam exquisitissimè deprehenderit: atque sic quævis Distantia ex numeris utriusque Dioptræ interjectis recteque numeratis ex voto obtinetur. Sin verò Distantia investiganda major est 20 Grad. Observator affixo Pinnacio assidens necessum habet, ut illud statim initio à primo divisionum termino ulterius moveat, limbi Octantis extremitatem versus; prout Distantia major vel minor id exposcit. Postmodùm, utriusque Stellæ Distan-

*Divisiones
duo numero-
rum habent
initia.*

*Usus hujus
Instrumenti.*

*Quare Cy-
lindri tanto
spatio ab in-
vicem remo-
veantur.*

tiā ab utroque Observatore probè diremtā, summa Graduum utriusque arcūs, ut diximus, exhibet genuinam Intercapedinem. Vel si mavis, dirige Pinnacidium ad certum aliquem gradum in alterutro arcu; deinde, adde solummodo certam hanc Distantiam alterius lateris arcui invento, & habebis eam ipsam, quam quæris, Intercapedinem.

Hujus generis Octantes nullis planè Regulis, ut quidem Sextantes, indigent; nec iis, ut ut quām maximè velis, aptè adaptari posunt, absque notabili quodam Observatorum incommodo; meo tamen judicio, rei haud parùm conduceret, si Regulas hi Octantes præ se ferrent, dummodo forma hujus Instrumenti id permitteret. Quippe Regulæ eò potissimum inserviunt, ut Pinnacidium, Regulæ alioquin affixum, eò accuratiùs & promptiùs ad ductum anguli recti, respectu lineæ visoriæ atque limbi Instrumenti, perpetuò decussatim arcui insistat, ac nunquam ab illo tramite vel quicquam deflectat. Quoniam autem in amplioribus hujus generis Organis Regulæ, si iis applicari deberent, nimis quām ponderosæ & molestæ forent, tum circa medietatem Instrumenti multiplici fulcimento opus haberent, nisi depravari, & à rectitudine suâ facilè deficere debeant, præstat, ut Octantes Regulis prorsùs careant. Res enim pari certitudine peragi potest novis illis modò inventis nudis Dioptris per semobilibus; quæ, ut quorūm quorūm lenissimo ductu commoveri, sic etiam quovis loco absque ullâ titubatione subsistere, nec eo, nisi summâ vi, emoveri posunt.

*Octantes
dioptrias pos-
sunt mobiles.*

*Pinnaci-
diorum fabrica.*

De reliquo, ipsa Pinnacia propemodùm eadē ratio-
ne, ut illa in Sextante præcedenti, sunt adornata; quò scilicet pro lubitu simul dilatationem & compressionem rí-
mularum admittant; nisi quòd oblongis laminis orichal-
cīcis insideant, quæ loco Regulæ Divisiones distinguunt:
sicuti capite XV pleniùs percipiendum erit. Basis autem horum Pinnacidiōrum ad curvitatē limbi diligentissimè incurvata est, ac plumulis chalybeis benè prospecta: ne non possit in arcu, seu limbo Instrumenti lenissimè qui-
dem, arctè tamen simul horsum prorsum moveri, eidemq;
statim

statim etiam satis tenaciter adhærere. Quò verò metuendum non sit, Observationibus peractis Pinnacidia hæc volubilia posse vitium aliquod contrahere, à limbo abstrahuntur & conduntur, ut illæsa & integra seorsim conserventur. Etenim horum Astronomicorum Pinnacidiorum in primis summa ratio, ad instar pupillæ, semper habenda est, si exquisitoribus Observationibus studies: uno siquidem iētu adeò lādi posunt, ut postmodùm nullius ferè sint valoris atque usūs, vel saltem non nisi magnâ cum difficultate reparabilia.

Demum, Pedestale, quo innititur hic Octans, priori haud est absimile; quod, ut transportationem admittit, sic etiam haud multo labore, quando lubet, dissolvitur, rursùs etiam certis quibusdam cochleis coadunatur. Præterea, pari quoq; propemodùm retinaculo duplii cardine decussato ligneo, quale sub Iconismo præced. E delineavimus, antehac usus sum; animadvertisens verò, etiam illud in hoc Instrumento, satis aliàs ponderoso, suum non præstare officium, similem quoque globum æneum, quem Schemate N Cap. XI delineatum dabimus, & cujus jam suprà facta est mentio, Octanti adhibui; qui, quoniam cochleis firmissimis annulo suo ad corticem adstrictus est, potest Instrumentum haud malè sustinere, exceptis quibusdam casibus, quos jam teggimus, ut coactus fuerim, iis inconvenientiis alià ratione subvenire.

Denique dum operam das Observationibus hocce Octante, licitum tibi quoque est, unà cum Adjutore tuo, ut illo sustentaculo, ad sustinenda brachia, capite superiori descripto; nec non illis scabellis ac sellis ductilibus, hinc inde exhibitis: quò non nequeas in omni situ & inclinatione Instrumenti eò commodius sedendo omnia ritè peragere. Dici enim vix potest, quām tœdiosum ac molestum sit stando, vel supino & incurvato corpore, in situ quodam adverso Observationes expedire: id quod etiam ipse Tycho, cum iis, qui ipsi fuerunt à ministeriis Astronomicis, nec non omnes Rerum Coelestium Indagatores abundè hactenus sunt experti.

Dioptræ soli: is simè ueridetemus.

Octanti quoque globus volubilis adhibitus est.

Sedendo Observaciones administrare, Observatoriis commodissimum accidit.

Ad

*Divisiones sextam cu-
jusvis minuti; pariem com-
monstram.* Ad extremum, divisiones, cùm Octans hic duobus pe-


dibus Tychonico sit amplior, aliquantò subtiliores, quàm Sextans præcedens, per lineas itidem transversales admittit ; sic, ut non solùm quartam cujusvis gradùs, sed & sextam partem rectè & distinctè in eo cognoscere liceat ; quâ verò ratione, infrà peculiari Capite commonstrarbitur.

C A P U T VIII.

De Quadrantibus Orichalcicis Minoribus.

Præstantiora Organa de- scribere ag- greditur An- ditor. HActenus nonnisi Organa nostra Astronomica ad rationem penè Tychonicam constructa, & hucusque usitata, quæ vel ærea, sed non adeò ampla, vel maximâ parte lignea extiterunt, adjectis quibusdam novis inventiunculis & adminiculis, quibus principio Observationum mearum aliquot etiam annis usus sum, adumbrare & describere voluimus ; nunc verò reliqua longè digniora & præstantiora ordine contemblemur. Nam, cùm longâ experientiâ probè tandem didicerim, multò securius esse, ex *Instrumenta,* solidi prorsùs metallo obtainere Instrumenta, tum quò mara, eò aprio- jora & ampliora, eò esse accuratiora & absolutiora ; adhæc, prioribus ad modum Tychonicum constructis plura deesse, quibus ditari meritò deberent (quod tamen pacce illius Magni & Incomparabilis Viri, de totâ Astronomiâ optimè meriti, dictum esto) & quòd iisdem de causis omnino necessum sit, ut parte corrigerentur & meliorentur, tam quâ eorum materiam, structuram, commotionem facilitandam, divisiones, quàm alia diversa subsidia & adminicula ; quòd sic aptiùs, exquisitiùs, promptiùs, minori q; labore, ac temporis dispendio possent Astris exponi, Observacionesq; peragi. Idcircò omnem curam atq; operam pro tenui Ingenii mei, facultatumq; mearum modulo, à DEO concesso, reliqua Sublimioribus Ingeniis, atque ampliori fortunâ Viris, sive Posteritati nostræ relinquens, adhibui ; quòd minora, tum lignea universa ab Astris planè removerem, atque in ejus locum ex puro solidoq; metallo Organa mihi compararem : & quidem ejusmodi, quæ in-

signi



A. Stev. delin. Fig. G.

J. Saal Sculpsit.

signi amplitudine esfent conspicua, simul commoditate regendi, simul aliquantò accuratioribus adhuc divisionibus, ad paullò subtiliores Observations obtinendas, gauderent.

Non quidem eò allaboravi, quò omnino diversa quà formam, figuram ve excogitarem, quæ nullam planè similitudinem cum Quadrantibus, Sextantibus & Octantibus haberent? neutquam sanè. Nam ultrò largior, me necdum mente comprehendere (quid autem futuris seculis Deus fortè reservaverit, modò relinquo) cur species atque forma dictorum Instrumentorum prorsùs rejici, vel aboliri penitus debeant, novaque diversi planè generis substitui, vel etiam quà ratione id equidem adeò facili viâ adhuc tentandum sit, ut ut non nemo Montium Turriumq; cuspides Instrumentorum loco supponi posse putat, vel potius somniat. Atque ita omnino Tychoni adstipulor, nos necdum hoc nostro ævo meliora & perfectiora quoad formam possidere, vel detegere posse ad Sidera rimanda, quàm Quadrantes, Sextantes & Octantes, tum quòd hujus generis Instrumenta reliquis omnibus, cujuscunque sint figuræ & speciei, sive sint Radii, Astrolabia, Armillæ tam Zodiacales, quàm Äquatoreæ, Torqueta, Instrumenta Parallactica (prout in Proëmio, & Capite primo disseruimus prolixius) longè sint præferenda. Ideoque unicè eò tantummodo omniq; studio contendì, quò Quadrantes videlicet, Sextantes & Octantes paullò absolutiores, & scrutandis Sideribus convenientiores, quantum fieri posset, redderem. Quousque autem Deus, Siderum Conditor Gratiâ Suâ nobis hâc in parte annuerit, & quibusnam huic vel illi Instrumento subvenerim, tum quà in parte illis medela fuerit allata, breviter & succinctè nunc circa quodvis Instrumentum delineandum, ut occasio tulerit, referam, dilucidequé, ac graphicè ostendam. An verò locum aliquem inter alia Astronomica inventa mereantur? non est meum multis significare; sed Astronomiæ Peritis rem hanc penitiùs intelligentibus libère dijudicandum relinquo; addito hoc petito, ne graventur has quales quales inventiunculas æquo

Tychonica
Instrumenta
quoad formā
utique reti-
nenda.

Sed quanam
præ cœteris.

Auctor tan-
tummodo al-
laboravi, ut
Instrumenta
convenientio-
ra pro Astris
rimandis red-
derentur.

An id pre-
stiterit Au-
ctor, penes aa-
lios esto judia-
cium.

animo eousque suscipere, donec vel ipsi, vel alii sublimiora & accuratiora inventa, Divæ Nostræ Uraniæ bono, excogitent, atque ad usum convenienter transferant.

*Structura
horum Qua-
drantum.* Primò ; unum aut alterum minimorum Quadrantum *Astrophilis exhibeamus ; quorum primus unius & dimidiī pedis ferè, alter duorum ped. radio continet : quanquam etiam tertium possideam, unius tantūm pedis, qui æque accurate rem, quam debet, Altitudines nempe Siderum pro corrigendo tempore expedit.* Structuram quod attinet, omnimodè hi tres Quadrantes sunt orichalcici, atque artificiosis & ornatisimis affabré elaboratis contignationibus constructi, partim, ornatùs caussâ, partim ut eò esent firmiores, planumque Instrumenti in debitâ perfectione perpetuò conservaretur. Videntur autem, ut patet ex præcedenti *Curbi Qua-
drantes 110 Grad. conti-
neant.* Designatione, quòd majores sint 90 Gradibus, prout etiam re ipsâ limbus Quadrantem circuli superat. Verùm, quicquid sit, nullam tamen Altitudinem 90 Grad. excedentem dirimere hisce poteris ; ut ut divisiones à primo Gradu, vel potiùs ab ipso numerorum initio, sic etiam ubi 90 Grad. desinunt, ad utrumque limbi cuspidem versùs divisio Graduum sit continuata. Nam, quia hujus generis Quadrantes Pensiles nullas Regulas, nec perpendicula filaria, appensis ponderibus, modo vulgari possideant ; sed perpendiculo quodam amplio orichalcico gaudeant, cuius exterior pars, vel limbus ejus divisionibus suis Gradus, & ipsa Minuta in omnium minimo Quadrante, in reliquis verò Minutorum particulas 15 vel 10, nimirùm Secunda comonstret, utique opus est, ut limbus horum Instrumentorum plures, quàm 90 Grad. exhibeat : sicut experiétiā ad disces ; secùs haud posses circa priores & posteriores Gradus, minimè Minutorum particulas cognoscere.

*Minimi bi-
Quadrantes,
singula tamen
minuta in lim-
bo common-
strant.* Adhæc, licet limbis minoris Quadrantis, unius scilicet pedis, tantummodò integros Gradus & Semigradus referat ; nihilominus singula Minuta prima distinctè ostendit. Quæ convenientissima ratio primùm haud ita pridem est excogitata ; cuius autem reverà sit inventio ; absque omnibus scilicet lineis transversalibus, adminiculo solo largiori

largiori æneo quodam perpendiculo in particulis ad extremitatem distincto, non ausim certò affirmare. Benedictus Hedræus in opusculo quidem suo de novâ & accuratâ Astrolabii Geometrici structurâ 1643 edito, monstrat methodum, quomodo Astrolabia & Quadrantes sine lineis transversis in Minuta & Secunda dividi debeant; sed ex isto suo opusculo non animadvertis, etiam ipsum hujus rei primum esse Detectorem, nec inventionem hanc sibi arrogare. Ex eo colligo, quemadmodùm magnus ille Quadrans, quem pag. 52 exhibet, & de cuius structurâ satis fusè disserit, haud quaquam ex suo cerebro prognatus est, sed totum Instrumentum, cum omnibus appertinentiis, turriculâ vel cryptâ, ut ex Mechanicâ Tychonis manifestum est, dicto Tychoni omnino debetur, licet illum Quadrantem sub suo solo quasi nomine ibidem proferat, Tychonis primi Inventoris planè suppresso, eujus meminisse tamen jure debebat: utique merito dubitatio mentem meam subit: an & illa nova distinguendi, & discernendi ratio Minuta & Secunda sua sola sit inventio, vel alterius cujusdam? fortè, ut arbitror, Petrus Nonius prima hujus inventionis jecit fundamenta.

Quiscunque tamen hujus rei primus fuerit Repertor, sublimes profectò cogitationes exercuit, hoc ipso ad congruentem effectum deducendo, & inter præstantissima inventa meritissimò refertur, quòd etiam minora Instrumenta, remotis omnibus transversalibus lineis, in singula Minuta, eorumque particulas minimas subdividi liceat. Negari quoque haud potest, prout Hedræus demonstrat, lineas transversales Minuta & Secunda indicantes nullà planè gaudere demonstratione Geometricâ; præsertim verò in minoribus Instrumentis, quæ plurimis circulis opus habent, quorum radius aliquot tantùm digitorum est, errorrem satis esse evidentem. Verùm, è contrario etiam ex ipsâ praxi verissimum est, quòd in majoribus Instrumentis 6, 8, 10 ped. in quibus paucissimi arcè describuntur circuli, licet distinctiones per lineas transversales factæ sint, perinde ferè sit, utrum lineas transversales, an verò nudas li-

An Hedræus primus sit detectore divisorum absq; transversalibus.

Nova hac ratio subdividendorum grandium, est instrumentum præclarissimum.

In majoribus Instrumentis nulla sane discrepancy, an divisiones transversalibus, an plane nudis lineis sit perfecta.

neas rectas Instrumenta teneant? Etenim in ejusmodi amplissimis lineis circularibus, radio 6, 7, vel 8 ped. ductis, & quidem intra spatum unius digiti, poteritne curvitas aliqua deprehendi? nonne particula illius segmenti circulatis cum linea recta omnino coincidet? estne factu possibile, ut oculis differentiola illa (ut ut aliqua datur) ullà ratione deprehendi queat?

*Theoria &
Praxis non in
omnibus sem-
per conveni-
unt.*

Sunt igitur splendidissimæ tantum speculationes, mentisque ideæ, quæcunque de diversitatibus linearum transversalium, in majoribus scilicet Instrumentis (ut mentem meam rectè capias, in majoribus inquam) proferuntur, concessâ etiam illâ demonstratione. Quippe in ipsâ praxi de certitudine Observationum nihil prorsùs derogant: quemadmodum in nostris amplioribus Organis abunde id demonstrari potest; in quibus divisiones Minutorum & Secundorum simul per lineas transversales, simul novâ illâ ratione, per nudas videlicet lineas rectas conspiciuntur. Ex iis, inquam, dilucidè cuique patebit (dummodo ritè & accuratè peracta sunt omnia, atque minima probè notantur) quòd uterque modus divisionum semper ad unguem conveniat; nisi alicubi fortè vitiolum in divisionibus lateat: sicut ipsemet experiri omnia haud difficulter poteris. Interea tamen indubitatum manet, lineas transversales, licet vel correetè commonstrent, quòd in minoribus Instrumentis nullo modo singula Minuta commonstrare, nec ad eam subtilitatem adigi possint; ut ut è diverso illâ recenti inventione per lineolas rectas rem perficias optimè. Atq; sic securius atq; aptius sit non solùm in minoribus, sed simul etiam in majoribus Instrumentis hoc novo modo limbos distinguere. Quapropter etiam mihi visum est, universis meis amplioribus Organis utramque divisionem simul inscribere, imò tertiam rationem nostram pri-

*Utramque
divisionis ra-
tionē Auctor
in suis Instru-
mentis, super
additā aliā no-
vā pro singu-
lis secundis à
se primis in-
ventis, majo-
ris certitudi-
nis gratiā ad-
hibitis.*

mùm à me inventam, ope cochlear directoriæ, quæ etiam Secunda pandit, superaddere; prout suo loco amplius exponetur: quò distinctiones eò præcisiùs impetrarem, & ubinam aliquid lateret erroris protinus deprehenderem; idque omnibus modis evitarem.

Quadran-

Quadrantes verò hi contractiores ita à me sunt ador-nati, ut limbos eorum tantùm in integros & semigradus distinxerim, quæ, ut ut hæc distinctio nonnemini admo-dùm rudis videatur, sufficit tamen affatim commonstrandis singulis Minutis primis ; dummodò perpendiculi ex cen-tro appensi extremitas, lumen stringens, in certas parti-culas sit subdivisa. Imò, quod magis, de quo nonnemo sa-nè mirabitur, non solùm hæc rudior limbi subdivisio suffi-ciens exhibendis singulis Minutis primis ; sed etiam pro-denis, quinis, quin-etiam singulis secundis in majoribus Organis: si videlicet nostrum Machinamentum directori-um adhibeas. Quo artificio autem tales subtilissimas sub-distinctiones tam in majoribus Instrumentis, quàm etiam ejusmodi minoribus unius pedis commonstret, deinceps, inprimis Cap. XV, quando ex proposito de Divisionibus agetur, cùm hoc loco fieri haud potuerit, explicabimus, & graphicè delineabimus. Sed, ut ad perpendiculum rede-amus, oportet, ut inferior illius pars curiosissimè & lenissimè sit limata & laevigata, ut lumen totum æquabilissimè quidē tangat, sed nullibi nimis adhæreat ; tum quovis loco liberrimè pendeat, atque divisiones tam Quadrantis, quàm perpendiculi Observator rite discernere valeat. Dividitur autem istud perpendiculum hâc ratione : si videlicet spa-tium 31 Semigraduum in limbo perpendiculi accuratissimè denotes ; idq; primùm in tres æquales partes, rursùs quam-libet trientem in decem dividat ; atque ita obtinebis spati-ola paullò admodùm ampliora, quàm spatiola unius Semi-gradus. Quia intercapedo 31 partium in 30 transmutata necessariò fiunt modicè ampliores. Attamen, si divisio-nes perpendiculi ad lumen Quadrantis accedant circa ex-tremitates perpendiculi, discrepantiola illa divisionum ab invicem vix ac ne vix cognoscitur ; circa medietatem verò perpendiculi satis evidenter : prout quilibet clariùs experiri poterit ipsemet, quàm ego hoc loco multis expo-nere. In medio limbo perpendiculi & divisionum parvu-lis index, & quidem inter 15 & 16 spatiolum constituitur, pro discernendis integris, & semigradibus ; quos accurate-

De divisionibus & con-structione per pendiculorum.

*Mira ratio
in Universis
Organis, tam
majorib⁹, quā
minoribus sin-gula minuta
& secunda di-
stincte discer-
nendi.*

*De indice
perpendiculi,
& quomodo
minuta distin-
guenda & nu-
meranda.*

dictus index indicat, quando totum spatiū perpendiculi in 30 partibus divisum, in ipso limbo Quadrantis, spatiū 31 partium exquisitē subtendit; cà tamen expressā lege, si totum Instrumentum absolutē ab omni parte sit construētum; quando verò iste index pauxillūm promotior exsistit integro aliquo, vel Semigradu, certissimum est indicium, Observationi Minuta quædam adhærere, aut integro, aut Semigradui annumeranda, si index huic vel illi vicinior est. Cognoscitur autem Minutorum numerus ex eo, quando lineola aliqua divisionum in perpendiculo cum unâ aliquâ in limbo Quadrantis prorsùs in unam eandemque coincidit rectam. Nunquā enim, nisi unica lineola in perpendiculo cum alterâ in Quadrante, si exquisitē peracta sunt omnia, omnino concurrit. In isto igitur utriusque lineolæ concursu, ubi una eademq; videlicet constituitur linea, est terminus ipsorum Minutorum vel integro Gradui, vel Semigradui adhærentium. Numerantur autem Minuta à dextrâ sinistram versùs, in his scilicet Quadrantibus, si nimirùm in arcu primus Gradus à lèvâ incipit: quemadmodùm multò dilucidiùs ex ipso Instrumento & ipsâ praxi, quàm ex qualicunque hâc descriptione, intelligere est.

*Perpendicula
horum Quadrantum ha-
bent suum a-
quipondium.* Atque ita perpendiculo hujus Quadrantis constructo, eoque exquisitissimè adæquato, ne alterutrum latus istius perpendiculi præpondeat, neque aliter index commonstret, quàm ratio examinis rigidissimè institutæ exposcat (quæ Peritis haud potest non esse comperta) atque distinctiones præcisè admodum Quadranti sint inscriptæ, ut nullum omnino admittant vitium, utique potest hic Quadrans singula Minuta prima distinctè dirimere: quanquam hoc minori Quadrante ad nullas alias Observationes, quàm ad Altitudines Solis, Fixarumque, pro tempore tantum corrigendo, utor: ad quod negotium, cùm satisfaciat abundè operi, nullo sanè majori opus habemus. Quod si verò hujus generis Quadrans duorum pedum construatur, qualem ad dextram in superiori Figurâ G depictum vides, posset is convenientissimè dena Secunda optimè commonstrare, atque

atque sic pariter ad sublimiores Observationes, utpote ad Meridianas Solis, Fixarumque Altitudines, si quis amplioribus frui haud liceret, adhiberi.

Olim Quadrantes plerunq; tam minores, quæ mensæ vel fenestræ insistebant, quam majores omnes, quæ Fulcimento aliquo suspendebantur (uti ex priori nostro Quadrante, pag. 99 apparet) cochleis quibusdā directoriis, ratione perpendiculi & Horizontis, perpetuò dirigi & restitui solebant. Verùm, hic modus Quadrantes commovendi, dirigendi, elevandi & deprimendi valde mihi visus est operosus, & minus Observationibus aptus, in primis, quando pavimentum erat inæquale, & hinc inde eminentiis & concavitatibus scatebat, magno labore Quadrantes ad planum circuli verticalis reducebantur. Quibus commotus, ut initio ad hos minores Quadrantes singularem quandam inventionem, à nemine hactenus adhuc perspectam, adhuerim. Quæ quidem fortè nonnemini primâ fronte vide ri potest vilioris pretii ; attamen, meo iudicio, ni fallor, non adeò leviuscula est ; maximè, cùm postmodùm ad multò sublimiora inveniendi ansam materiamque præbuerit, quæ haud minus felicissimè successerunt ; quin- etiam ex eo fundamento adhuc fortè altiora detectum iri spero. Projectò, si hoc invento modo carerem, non video, quomodo possem sive minimos, sive maximos Quadrantes adeò exactè dirigere : quemadmodum, mēa quidem opinione, omnes Mechanicarum rerum Peritiores, cùm illud rectè perspexerint, ac usui applicaverint, mihi ultrò adstipulabantur.

Antiquioribus, uti etiam Tychoni, nec non Recentioribus hucusque consuetudo fuit, nudis tantum manibus Quadrantes commovere, hosque vel suo postmodùm arbitrio liberè consistere permittebant, vel, si quietè requiescerre recusabant, cochleà aliquā canali inditā columellæ ferræ, cui appensi erant, adstringebantur. Accidebat autem sic facile, ut si lenissimo ductui obtemperarent, procliviter admodùm (dum scilicet cochleà stringitur) altitudo quodammodo à debitâ & acquisitâ directione deflecteret;

*Fulcra pro
bis Quadrantib⁹ olim haud
erat sauis com
moda.*

*Novā hanc
rationē Qua
drantes com
movendi Au
ctor summo
perè Observa
toribus com
mendat.*

*Facile fuit
aberrare ve
teri illo modo
Quadrantes
dirigendi.*

rursùs

rursùs, si Quadrantes ductu strictiori incederent, difficulter admodum commoverentur; imò, etiam si nonnunquam in semel constitutâ Altitudine sponte subsisterent, uno tamen iectu facile à recto situ depulsi sunt: sic, ut quivis, etiam longè exercitatisimus Siderum Scrutator illâ vetustiori ratione, simpliciter Quadrantes ad Astra dirigendi, nimium quantum non raro perfacile aberrare potuerit.

*Huic rei Au-
ctor medelam
attulit.*

Idcirkò coactus quasi fui, his inconvenientiis & aberrandi periculis, quæ nunquam ferè vel ab ullo aliquo evitari possunt, prævenire atque succurrere. Quò singuli Quadrantes semper quasi immobiles affixi consisterent, ac nullo pacto loco emoverentur, tum nihilominus ad quodvis objectum ex voto nutuque essent volubiles, etiam ad quodvis planum, ratione perpendiculari, accuratisimè & quam citissimè dederentur. Quæ omnia ope unius solius cochleæ, Deo sit Gloria, præstiti feliciter; eâ quidem ratione: superiorum partem Fulcimenti lignei, cui aliàs Quadrans appenditur, ex duabus composui partibus, sic ut anterior pars, cui columella ferrea pro sustentando Quadrante infixa semper est, in axe quodam liberrimè ac lenissimè commoveri horsum prorsum posset, atque beneficio illius superioris cochleæ, parti immobili Fulcimenti insertæ, altera pars mobilis modò sic aperiri, modò constringi posset leviusculè: sicut ex ipsâ Delineatione satis clarè patet omnibus. Alterâ cochleâ majori, per matricē ab interiori parte spiratim striatam transeunte, ipse Quadrans simul mobili parti hujus Fulcimenti adstringitur, ut haud facilè situ suo exeat. Atque ita imposito sic hoc Fulcimento inferiori parti Pedestalis suo quasi epistomio, Quadranteque illi parti benè affixo, nullo labore quam lenissimè ac facilimè, ut ut vel maximè Quadrans inclinet, vel reclinet, perpendicularum exactissimè (quod negotium magni certè est momenti; & nisi id exquisitissimè obtineas, frustrâ est Altitudinibus inhiare) ad planum verticale datur.

*Singulare
Instrumentu-
lum, sive di-
recto-*

Cæterùm, Quadrante sic rectissimè ad ductum Perpendiculi & libellam rectificato & constituto; necesse insuper est, ut Pinnacia Quadrantis ad elevationem datæ Stellæ diri-

dirigantur; id quod autem nudis digitis (ut plerunque hæc tenus factum est) adeò debitè & exquisitè fieri haud potest, ut quidem res illa subtilissima id efflagitat. Exinde aliud quoddam peculiare Instrumentum, minimum quidem, sed convenientissimum adinveni, cuius ope non solum ad amusim Quadrans ad quamvis Altitudinem deducitur, manente semper quasi immobili & loco affixo, ut nequaquam eo ullâ ratione exire, vel eo emoveri haud facile possit, licet ex improviso brachiis, vel manibus impelleatur, aut re aliquâ aliâ tunderetur; sed etiam omnium optimè peculiari ac novo artificio, distinctiones Minutorum, nec non Secundorum, si volueris, cognoscuntur. Quâ verò ratione illud ipsum adminiculum, vel potius directorium Quadrantis (ut mihi sic liceat illud appellare) sit construtum, clarius ex ipsâ Designatione præcedentis Iconismi G, præsertim Figurâ apponendâ S, Cap. XIV. quam ex nudâ enarratione alicui percipere est. Brevibus tamen ut dicam: constat ex unâ solâ cochleâ trium vel quatuor pollicum longitudine, nondum octavam pollicis partem crassitie suâ adæquante; incedit per duo parva tenaculorum foramina, similiter spiratim striata; quæ tenacula, sive brachiola canaliculæ quadratæ cùdám sunt infixæ; in extremitate verò cochlea alia diversa rursùs canalicula, à tribus partibus patens, ita appensa est, ut omni circumvolutioni obtemperet. Hâc nunc posteriori canaliculâ volumili dicta cochlea longior Quadranti; alterâ verò superiori canaliculâ parti superiori mobili supra dicti Fulcimenti binis cochleis suis adstringitur. Quò autem id aptissimè fieri nonnequeat, annexi ad mobilem partem superiorem modò dicti Fulcimenti arcum quandam chalybeum, haud adeò crassum, sed tamen latitudine sufficienti præditum: ut ex Schemate appareat; non quidem formâ sectionem circuli, sed certam quandam sectionem conicam, re sic exigente, æmulantem; quæ describi hîc pariter posset, sed temporis parcendi gratiâ lubens eâ supersedeo: siquidem gnarus Rei Mechanices, & Geometriæ exercitatus facile eandem ipse inveniet, imò praxis ipsa illum docebit, quale-

rectorium
Quadrantis
ad invenit Ar-
ctor, pro obti-
nendis quibus
vis Altitudi-
nibus.

Descriptio
illius singula-
ris Machinu-
la, pro direc-
tione Qua-
drantium cir-
ca capiendas
Altitudines.

nam segmentum arcus iste præ se ferre debeat. Quod si autem à debitâ figurâ aberraveris, neutquam crede cochlea hæc nostra desiderio Tuo satisfaciet, nec satisfacere ullo modo poterit. Deinde, alium benè longum arcum orichalcicū, crassitie tamen & latitudine minorem priore, limbo Quadrantis, & quidem lateri germano, in quo divisiones sunt descriptæ, oppositi ita applicui, ut minimum ab ipso limbo ad quadrantem ferè, vel paullò plus unius pollicis distet; incipiens à Gradu trigesimo, & desinens circa octuagesimum quintum propemodùm Gradum.

*Vsus hujus
Instrumenti.
Nunquam
denudatis ma-
nib⁹ nunc Al-
titudines ca-
pere cogimur.*

Instrumentulum itaque ipsum alterā canaliculā applicatur, & adaptatur chalybeo illi arcui formā conicā, qui mobili parti superioris Fulcimenti adhæret; dein Quadrans primū liberā manu ad stellam observandam circiter deducitur; dehinc, mediante alterā illā canaliculā, ad extremitatem cochleæ directoriæ principalis, alteri arcui orichalcico, limbo Quadrantis annexo, aliā minori quādam cochleā adstringitur: atque tum non minus prior illa canalicula superior, cui cochlea illa directoria adhæret, arcui chalybeo, ad ductum Quadrantis, vel ut data elevatio poscit, simul firmiter affigitur ope illius minoris cochleæ, huic canaliculæ eum in finem adaptatæ. Quibus expeditis, omnia jam in procinctu stant ad Altitudinem exquisitissimè obtainendam; nimirūm: apprehende dextrā manu cochleam directoriam, admoto simul oculo Pinnaciis, & juxta ejus commotionem in hanc vel illam partem ad nutum Quadrans vel elevatur, vel deprimitur, & quidem adeò leniter, ut vix comprehendi possit. Quā ratione etiam poteris tempore hyberno, dato licet intensissimo frigore, manibus chirothecis obtectis rem æque accuratè, quā nudis detegere; quod nunquam non Observatoribus gratissimum profectò accidet. Obtentā igitur hāc cochleā directoriā Altitudine desideratā, tam in limbo ex Perpendiculo, quā in peculiari orbiculo cochleæ annexo, ex suo indice singula Minuta, imò dena & quina Secunda (de quibus, ut modò diximus, deinceps) simul etiam eodem conamine totum Quadrantem adeò arctè fulcro ipso alligasti,

*Directorio
hocce Qua-
drates levissimè dirigun-
tur, & arctis
simè, ne loco
dimoveantur,
adstringun-
tur.*

alligasti, ut nullo pacto vel minimum loco vel situ emoveri valeat; dummodò Pedestale haud vacillet, vel pavimentum nutet. Et ut etiam hâc curâ me eximerem, plerunque hos Quadrantes ad sepimentum Speculæ meæ, quod ex robustissimis trabibus tenaculis plurimis ferreis adeò constructum est, ut nullâ vi commoveri possit, peculiari ratione, duobus scilicet cuneis, ut patet ex Delineatione, figo. Et cùm sæpius Sidera modò in hâc, modò illâ Cæli Plagâ observanda obveniant, ab omni parte sepimenti, quo Specula mea cincta est, certa loca pro his Quadrantibus applicandis adornavi, tum uncis ac retinaculis probè simili modo prospexi, ut possint in quâvis sepimenti parte, & plagiæ quamcunque versùs exponi, cuneisque adstringi; ac rursùs etiam ab eâ parte adimi, alioque transferri. Multò, crede, commodiùs id accidit, quâm si semper Fulcro imponi, vel id aliò sæpius transportari, totiesque recludi debeat; nec, ut ut possit, adeò tamen securè & firmè unquam ei inhaeret, quâm si trabibus sepimenti, columnis ligneis robustis, ac uncis ferreis constrictis super impositis affigantur. Poteris tamen, si res ita flagitat, hosce Quadrantes etiam Fulcro cuidam imponere, dummodò cures, ne vacillet, neque à minimâ commotione fluctuet.

Quâ ratione autem hæc omnia perficienda & exercenda sunt, promptius ferè ex Delineatione ipsâ pag. 137 apposita, quâm ex descriptione addisces: eo fine etiam Quadrantem alterum ab unâ, alterum ab alterâ facie conspiciendum præbui. Quò non solùm Regulam illam æneam divisionibus distinctam, sed & arcus illos, quibus Instrumentum, cochleam illam directoriam gerens, affixum est, nec non Fulcimentum ex duabus partibus compositum, Quadrantem tenens & dirigens, suâ peculiari superiori cochleâ videre possis; & ut res planior Tibi sit, frustatim quoque partes omnes in pavimento Speculæ, quâ potui clariori ratione, sparsim deposui: non dubitans, si cui Astrophilo curæ hæc res erit, quin consideratis probè omnibus nunc facilius rem omnem comprehendat, eamque æmuletur, quâm

*Quadrantes
absque pecu-
liari fulcro
commode ad
Observatio-
nes exponi
possunt.*

*Ex ipso Sche-
mate res or-
mnis fit evi-
denter.*

ego initio destitutus tali informatione, atque omni adumbratione, illud ipsum excogitaverim.

Fulcimentū portatile ad usum horum Quadratum. De reliquo, commode etiam hoc Quadrante uti possumus, in primis cum peregrè absimus, sub tectis, in hypocaustis, eo mensæ vel fenestræ imponendo, Fulcimentum dummodò peculiare eò destinatum paratum habeas, quale in eadem Figurâ depictum vides; quod autem cochleis necessariò directoriis sit præditum, quarum ope planum verticale illicò restitui possit, si videlicet Instrumentū à Perpendiculo non nihil exorbitet. Verùm, hoc modo Quadrans procliviter debito suo situ exit, & à determinatâ Altitudine deflectit: quandoquidem Quadrans nullâ ratione Fulcimento est adstrictus, tum ipsum Fulcrum non adeò strictè mensæ inhæret, ut facilè intelligitur: nihilo tamen minus, quando quis aliud Instrumentum accuratius ad manus non habet, hocce oportet esse contentus. Non est autem, quod sibi persuadeat quisquam, æque præcisè Observations omnes hoc parvulo Fulcimento expediri posse, quam alio quodam, in primis illo nostro recens invento? neutquam sanè; ut ipse experieris.

Quadranti- bus bisce pos- sumus etiam distantes Stel- larum diri- mere; parti- bus scilicet nonnullis im- mutatis. Prostremò, hos quoque Quadrantes, quando ratio id exigit, licet adornare, ut pariter ad capessendas Stellarum Distantias haud usque malè adhiberi possint; præsertim in itineribus, quando non datur facultas alio quodam majori & excellentiori frui Sextante. Si nimirùm adimas ei suprà dictum Perpendiculum orichalcicum, superioremq; Dioptram; ejusque loco cylindrum cum Regulâ quâdam, ad commonstranda singula Minuta, adhærente quâdam lamellâ divisionibus donatâ, substituas; atque tum Fulcimento & tenaculo decussatis axibus volubili, vel Globo cuidam versatili, cuius jam saepius facta est mentio, imponas: quem Sextantem, necessitate efflagitante, quando alius non suppetit amplior, poteris usurpare.

Pinnacidia in hisce Qua- drantibus ni- hil differunt à prioribus. Ultimò, Pinnacidia horum Quadrantum non discrepant ab illis, quæ mihi assiduè sunt in usu, nec in eo, Sol dum observatur. Nam per Dioptram superiorem foramen minutulum inditum est, & in inferiori circellus, dia- tro

tro foraminis respondens, itidem descriptus; tum inter utrumque Pinnacidium pariter tubulus papyraceus Quadranti annexus est, ad lumen Solis eò nitidiùs, prout jam suprà meminimus, excipiendum. Et tantùm de his Quadrantibus minoribus, deoque illorum adminiculis eos commovendi & dirigendi dictum esto; aggrediamur nunc explicare Organa nostra majora, qui aliquantò majoris sunt ponderis atque valoris.

C A P U T . IX.

De Quadrante Magno Azimuthali.

Quadrantes Azimuthales aliorum omnium Quadrantum & Semicirculorum, ad Altitudines Meridianas tam Solis, Planetarum, quam Fixarum obtainendas, esse meliores ac commodiores, jam suprà intellexisti. Verùm, quam maximi etiam sit artificii & laboris, amplissimum ejusmodi Instrumentum ex solido metallo ab omni parte perfectum, quaquaversum ex nutu volubile construere, cuius Regula promptissimè ac lenissimè attollitur, demittitur, hærens simul in quocunque situ firmissimè, & quidem remotà omni cochleâ adstrictoriâ, vel plumulâ chalybeâ; adhæc, cuius circulus Horizontalis unâ cum Quadrante ei superimposito quam velocissimè ad amussim, tam ad planum Horizontis & Circuli verticalis, quam ad lineam Meridianam, si res poscit, dirigi possit; vix adeò facile, crede, vel à nobis, vel à quopiam alio detegitur: ii, qui harum rerum sunt periti, atque unum aut alterum hujus generis Quadrantem fabricandū dederunt, ultrò agnoscent, opus esse tum artificiosum, tum operosum; at cæteri, qui Uraniam vix à limine salutarunt, neutquam hæc sibi unquam persuadebunt, multò minùs capient.

Proinde, statim ab initio Observationum mearum, anno propè 1640, cùm serìo Divinâ ope constitueram, penitiora quædam circa Motum Solis, aliorumque Siderum, præcipue circa reformationem Catalogi Fixarum, atque Globorum scrutari, omni curâ annixus sum, ut probum

Magnū sa-
nè artificium
est, Amplissi-
mum Qua-
drantem A-
zimuthalē ab
omni parte ab
solutissimum
condere.

Auctor ab
initio operam
dedit, ut sibi
tale Instru-
mentum, tan-
quam summè
necessarium
compararet.

quendam & absolutum Quadrantem Azimuthalem mihi compararem, qui omnimodè exquisitoris esset fabricæ, rem omnem exactissimè ostenderet, mihique prorsùs satisfaceret, simul ab omni parte ex puro constaret metallo.

At verò ejusmodi primùm construendum dare, optimè perspiciebam, rem fore longioris temporis; adde, quòd sub eodem ipso tempore talis Ingeniosus Artifex, qualem negotium exigebat, qui tale vastissimum, artificiosum, ac merè Orichalcicum Organum vel tentare audebat, nusquam hīc Gedani reperiebatur.

*Institutu
Crügeri Ge-
danensis Qua-
drantem A-
zimuthalem ex
struore curāt.*


Quamobrē non ignorans, quòd ejus generis Quadrantē Azimuthalem, qualem desiderabam, jam ab annis benè multis, anno penè 1618, ex singulari affectu & propensione erga Studia Astronomica, atque instinctu Cl. Pet. Crügeri, Professoris quondam Mathematum Gymnasii nostri Gedanensis, Præceptoris olim mei omni laude dignissimi, Patriæ Liberalitas magnis certè sumptibus maximâ parte jam fabrefieri curasset, & quidem à Peritissimo & Ingeniosissimo quodam Mechanico, cuius nomē memoriâ excidit;

*Sed Artifex
obiit, antequā
illum penitus
perfecerit, at-
que ita in ob-
scuro permā-
sit.*

verū, cùm dictus Artifex præmaturà morte præventus (post quam multos annos hoc labore consumpsisset) hunc Quadrantem minimè omninò absolverit, nec Regulam, Pinna-cidia, aliaque plurima summè necessaria, ob rerum variarum defectum, confecerit, nunquam hoc Instrumentum ad usum fuit translatum; sed tanquam imperfectum ad angulum quendam Ædificii cujusdam Publici Nostræ Civitatis (quia nemo id amplius solicitabat ac promovebat, mortuo nimirūm Crügero) rejectum est, ubi otiosè, ornatus tantùm cauſsâ, in Armamentario inter Martis Organa, ubi hocce insigne Instrumentum, Palladi Sacrum minimè reponi vel quiescere, imò vilesccere debebat, per plurimos annos substitit.

*Auctoritā-
de Quadrans
iste Azimu-
thalis felici-
ter in manus
incidit.*

Idcircò, anno ferè 1644 commotus sum, ne præclarissimum hocce Organum, optimâ intentione à Nobilissimo Senatu nostro prognatum, & altioribus destinatum, longius in obscuro delitesceret, ut quantocyùs Soli, totique ætheri exponeretur, tum eò duderetur, ut Divæ Nostræ Astronomiæ posset aliquando alicujus esse utilita-



utilitatis, simul Dulcissimæ meæ Patriæ suo tempore in nonnullum vergere honorem, vel saltem aliquam apud Posteros memoriam. Atque ita planè constituebam, ab Amplissimo nostro Magistratu, cùm Quadrans dictus Azimuthalis, tanquam semi perfectus, nemini usui esset, nec illius desiderio vel ullus flagraret; vel quisquam hisce rebus Uranicis tum deditus esset, eum decenter expetere, ut is mihi Gratiosè ad Contemplationes Cœlestes concederetur; quò posset tandem eò redigi, & ad Cœleste negotium laudabiliter exponi; ad quod à Laudatissimis nostris Antecessoribus prorsùs fundatus, sanctitusque erat. Quod desiderium meum, quamprimum Nobilissimis Patribus nostris Conscriptis exposui, protinùs etiam ex singulari erga me, meaque Studia Siderea affectu & amore ab Ipsiis obtinui.

Translato itaque ad ædes meas dicto Organo, omnia & singula, tam Regulam, Pinnacia, quām plurima tenacula, Fulcimenta, cum sufficiente contignatione, variis cochleis directoriis, plumis adstrictoriis, variisque rebus aliis summè necessariis, quæ déficiebant, haud modico sumptu construenda dedi; cum primis verò solicitus eram, ut locum idoneum & ad Observationes, & Instrumenta, ubi hunc Quadrantem reponerem, commodissimum eligerem, & in ædibus meis adornarem. Proinde in ædium posticarum summitate Turrim satis amplam, & quidem octangularē unicè ad aptè locandum hunc Quadrantem Azimuthalem sollicitissimè extrui curavi; quā ratione verò illa fuerit adornata, & huic Instrumento accommodata, infrà exponemus.

Tycho Brahe pariter animadvertisens, Quadrantibus Azimuthalibus ad Observationes Cœlestes plurimis gravissimisque de causis opus esse, enixa operâ contendit, ut sibi quoq; ejus generis conficeret Instrumenta, non minùs ex solido metallo: prout ex primis pagellis Mechanicæ ejus superq; liquet. Prior tamen Quadrans non nisi duorum ped. quā radium, & circulus Azimuthalis tantùm trium ped. extitit; subsequens Quadrans omnium præcipuus ibidem

Auctor istū
omnime
perfecit, &
ad usum iras
tulit.

Curavit e-
jus gratiā pe-
culiare Tur-
rim satis cō-
spicuum ex-
edificare.

Tycho quo-
que diversos
sibi Quadra-
tes Azimu-
thales ex ere
comparave-
rat.

Sed non fue-
runt adeò am-
pli, ut quidem
debebant.

bidem duos cum dimidio, & circulus Azimutahlis duos solummodo ped. æquavit; sic ut parvula fuerint Instrumenta, Cælesti negotio vix parùm idonea. Quippe nec justam habuerunt magnitudinem ad commonstrandis Minutorum & Secundorum particulas, nec eorum structura ipsa, ut liberè dicam, quà Regulas, rationem commovendi ac dirigendi fuit bene commoda: quò Observationes ali-
Non potue-
runt igitur in-
de ad subli-
miores Obser-
vationes ex-
poni.
quantò subtiliores & graviores expediri potuerint: quemadmodum ipse etiam Tycho in horum Instrumentorum descriptione ultrò fatetur: inquit enim: *Sciendum, quòd hi-
sce duobus Quadrantibus, ubi exactissima Observatio in aliquotâ Minuti
parte requiritur, non nimium esse fidendum: quales sunt illæ, quæ Sola-
ris curriculi restitutioni inserviunt, ubi res circa minima versatur, atque
sextæ, vel ad minimum tertiae partis unius. Minuti præcisionem requirit;
quam tam parva Instrumenta, quæ unum vel sesquialterum cubitum comple-
tuntur, præstare nequeunt.*

Quales pre-
terea habue-
runt Tycho Qua-
drantes Azi-
muthales.
Attamen, nondum cognoscere mihi licuit, Tychonem ejus generis Quadrantes Azimuthales, circulis Azimuthalibus incubantes, limbosque ab oculo averfos cum Regulis, Pinnacidiisque instructis habentes (ut hi minores extiterunt, qui, mea opinione, etiam aliorum Quadrantum, si probè fuerint constructi, sunt præstantiores) & quidem longè ampliores, tum ex puro ære possedisse. Majores quidem Ipsi in promptu fuerunt, maximâ parte lignei & pensiles; minimè verò super circulos Horizontales volubiles, sed solummodo fulcro cuidam appensi, atque Azimutha in circulo quodam, muro imposito, indice quodam indicantes; ex quorum numero etiam Quadratum illud ferreum extitit, quod Tycho in suâ Mechanicâ sub literâ B, pag. 12 dedit delineatum. Verùm, hujusmodi Quadrantes non sunt, meo quidem judicio, æquiparandi illis Azimuthalibus superioribus, ob causas varias alio loco fortè indicandas.

Magnitudo
nostræ Qua-
drantis Azi-
muthalis.
Ideoque & talem Quadrantem, circulo Azimuthali insidentem, inter reliquos elegi; qui magnitudine quatuor cubitorū, seu potiùs quinq; ped.; circulus verò Azimuthalis quatuor ped. constat. At tota ejus structura, cum omnibus rebus

rebus appertinentibus, ut adeò facile vix à me describi, sic etiam ægrè omnimodè, quoad omnes & singulas partes, delineari potest; nihilominus in eorum gratiam, qui aliquantò penitus res Cœlestes curant, nonnulla quædam, quæ posunt, describemus, & graphicè delineabimus. Meretur enim hocce præstantissimum Instrumentum, ne omnino in obscuro pereat: quippe (si dicere mihi liceat, ut res reverà est) nec Tycho, nec quisquam alias hucusque, quantum legerim ac sciam, hujus generis omnino, tantèque magnitudinis, ex solido puroque orichalco Instrumentum possedit; adde, quod tantà volubilitate commoveri & dirigi, tantèque constantiâ possit; tum, quod triginta ferè annorum spatio nullum prorsùs vitiolum contraxerit, quod Observations semper sibi similes, ut primis, sic ultimis annis, casdem & exactissimas exhibuerit; quemadmodùm ipsæ nostræ Observations Altitudinum Meridianarum Solarium & Fixarum, Aequinoctiorum & Solstitiorum, nec non Declinationum Stellarum abundè ostendent.

Sed ad rem ipsam ut deveniamus, Pedestale hujus Instrumenti æquat suà altitudine sex pedes, sive proceritatem viri cujusdam; existitque cum omnibus ornamentis, tenaculis & contignationibus suis ex mero puroq; orichalco, exceptis unico intermedio Fulero ligneo, atque tribus illis Fulcimentis ferreis, quibus totum Instrumentum robatur ac firmatur. Tres illi alati Dracones adeò affabré elaborati, & Griphonum pedibus insistentes eum in finem sunt appositi, ut circulum Azimuthalem eò firmius sustentent, ex solido quoque constant metallo; non minùs Fulcrum illa tria erecta, quæ loco sunt anteridum, pariter dictum circulum sustinentia; sic ut singula quævis ex puro ære sint constructa & consolidata. Cæterùm tripodi illi, cui Fulcrum ipsum Instrumenti insistit, tres cochleæ orichalcicæ striatæ cum suis matricibus insertæ sunt, uti ex Figurâ dictâ liquet, quò possis quodammodo totum Pedestale cùm suo circulo Azimuthali ad planum Horizontis, si quando ex parte deviat, ad amusim reducere. Circulus vero ipse

U

Azimu-

Obra stan-
tiam suam
meretur hic
Quadrās ple-
nē describi.

Simile In-
strumentum,
quantū An-
cotori innatu-
it, haec tenuis
nondū est cō-
struibile.

Encomium
hujus Qua-
drantis.

Structura Pe-
destalis ele-
gantissima
dum, & con-
cinnè elabo-
rata.

Descriptio circuli Azimuthalis, e- jusque rerum appertenentium. Azimuthalis firmissimè omnino Pedestali affixus est, sic ut hoc simul cum ipso circulo Azimuthali moveri necessum sit, & vice versa. Latitudo ejus tanta est in superficie, quanta distributio Graduum & Minutorum per lineas transversales sibi requirit; crassities quoque ejus quartam & amplius partem unius pollicis æquat, quo è sit robustior & constantior ad sustinendum totum Quadrantem super impositum, pondus suum habentem. Sub hoc vero circulo Azimuthali adjecta est aliqua Scotia, alium quendam circulum aliquantò extuberantem, & paullò largiorem priori in fundo ferens, in quo orbiculi quidā circumferuntur, ad Quadrantem spectantes, quorum ope Quadrans super impositus è levius leniusque regitur & circumducitur: de quibus autem posteà, quando de hujus Instrumenti altera parte, vel adverso latere reliquo fusiùs dicetur. Nam modò Quadrantem hunc à præcipuo latere, cui Regula adhæret, & ubi divisiones conspicuntur, contemplamur.

De cætero, circulus ille Azimuthalis diversissima brachia, seu tenacula orichalcica gerit ex peculiari orbiculo suo, centrum ipsum quasi ambiente, prodeuntia; quibus ipse arcus Azimuthalis constringitur ac obfirmatur, ne à perfectione sui circuli excidat, sed potius è aptius atque firmius Pedestali inhærere possit. Adhæc, multiplicibus transistris, sustentaculis & anteridibus, Fulcro debite affixis, ita instructus est, ut planum Horizontis omnino requisi-
Vix possum singula adeò accuratè describi, ut quis que primâ fronte priuâ ea omnia capiat. tum exquisitissimè semper retineat. Quæ omnia vero cum adeò dilucidè describi haud possint, suasor sum, ut rem aliquantò altius animo volvas, si quæ cura hæc cognoscendi serio Te tangat. In parte superiori Pedestalis, & quidem sub orbiculo, seu coronâ circuli Azimuthalis duo alii di- versi orbes satis ampli constituti sunt, per quos octo cochleæ striatæ transeunt; quorum adminiculo, manubrii aliquujus volubilis dictus circulus totus Azimuthalis, vel potius ejus intermedia pars, seu corona sensim elevari, ac rursus deprimi, vel laxari, rursusque contrahi potest: si nimirum Quadrans ipse, supra circulum Azimuthalem insistens, nimium

nimiū vel arctè, vel solutè incedit: hoc est, si videlicet Quadrans non lenissimo ductu, & quidem ubique æquabilissimè circumducitur, vel circulum subiectum non æquabiliter ab omni parte stringit. Nam hocce in primis in hujus generis Quadrantibus unicè requiritur, quò liceat quo-viscunquè loco in circulo Azimuthali distinctiones dilucidè cognoscere, tum per totum circulum Quadrantem uno quasi digito levissimè, & nihilominùs eidem circulo arctè inhærendo & insidendo, absque omni tamen renixu, circumagere. Quàm arduum autem id sit, & quanti laboris, tale vastum Instrumentum æneum adornare, eòque deducere, vix omnes adeò facilè intelligunt, nisi ii, qui res has manibus versant, tractantque: in primis, si Quadrans ab anteriori & posteriori parte cruris Horizontalis, uti omnino res flagitat, tot prorsùs Gradus, Minutaq; commonstrari in circulo Azimuthali debeat; nec solùm in ipsâ linea Meridianâ, sed & in quovis puncto circuli Azimuthalis, quaquà eum tangit. Id quod autem nunquam sanè fieri poterit, nisi columella, sive axiculus ad medium partem radii inferioris affixus, exquisitissimè centro circuli Azimuthalis insistat, ut ne hilum exorbitet; adhæc Quadrantis planum omnino sit justum & absolutum, quò minimè à linea rectâ deflectat, vel se se incurvet: quod pariter procliviùs dictu, quàm factu est: sicuti infrà ampliter commonstrabitur.

Hæc nunc breviter, ut licuit, dicta sunt de Instrumenti hujus Fulcro, atque circulo ejus Azimuthali, residua, tam ex ipso Iconismo, quàm seriâ Contemplatione Astrophilus, simile Organum construere studens, sine dubio potietur: atque tum demum cognoscet, plurima diversaque ad istud ritè componendum unicè requiri, quæ necdum vel leviter tetigimus, vel Tibi in mentem forte unquam adhuc venerint. Cæterùm, occasione illius Pedestalis admonendum adhuc censeo; quòd, cùm ipsum tantæ sit mobilis, ut loco ægrè admòdum moveri, vel aliò transportari, præsertim per januas, scalas vel cochleas possit; optimè tamen & artificiose ab Artifice prospectum sit, ut fulcrum

Quid in Quadrantibus Azimuthalibus aeneis in primis desideratur.

Maximi laboris ac artificii est, tale instrumentum ab omni parte perficere.

Plurima in hoc Quadrante necdum quidem sunt.

Fulcrum potest artificiose in partes disjungi.

Istud in diversissimas partes commodissimè, re sic exigen-
te, dissolvi, ac rursùs etiam, adminiculo cochlearum spira-
tim striatarum, conjungi valeat, adeò quidem subtilissimè,
ut dices, partes omnes & singulas orichalcicas conju-
ctim unà vice esse fusas, atque sic dissolubiles. Postremò,

*Semel rite
eiusmodi In-
strumento cō-
fertus, hand
us esse, tale amplissimum ac pretiosissimum Instrumen-
tum est.
id loco dimo-
vere.*

pariter hoc loco meminisce operæ pretium esse duco, sati-
sfactum, handus esse, tale amplissimum ac pretiosissimum Instrumen-
tum, si quando jam loco aliquo commodo constitutum, at-
que probè examinatum approbatumque est, ne id loco suo
sæpiùs, vel facile dimoveas, nedum in frusta relaxes, vel re-
stringas. Quandoquidem vix unquam fieri potest, ut non
in quibusdam saltem, tot clavibus cochleatis adstringendis,
ex parte alteretur: quod si accideret, Observatoribus
profectò id maximam crearet molestiam, priusquam haud
levi temporum dispendio id restaurari omnimodè liceret.

*Quadrans
hic sanctè ab
Auctore buc
usque conser-
vatus.*

Ideoque & ego hunc Quadrantem ne semel quidem ab eo
tempore, anno scilicet penè 1645, quo illum ad Speculam
meam transtuleram, loco dimovi, multò minùs disjunxi;
sed hucusq; constanter ibidem sanctè quasi, & integrè con-
servavi, nec ulli alicui, me absente, vel conspiciendum, ne-
dum tractandum adhuc patet aditus; ne videlicet sive Re-
gula, sive Pinnacidia, quæ instar pupillarum solicitissimè
conservo ac solito, tundi vel aliquâ ratione lædi queant.

Consistit insuper accuratisimè ad lineam Meridianam,

*Quadrans
exquisitisimè
super lineam
Meridianā
cōstitutus est.*

magnâ curâ ibidem adinventam tam ex Altitudine Solis,
ope hujus Quadrantis, quâm peculiari machinulâ (de quâ
suo loco pleniùs) nec non per Stellas circumpolares, ex quoc
earum Altitudinibus Meridianis maximâ & minimâ explo-
ravi.

Quod si temporis diuturnioris spatio de hac linea
ex parte deflectat, haud multò labore iterum ad eandem li-
neam Meridianam, beneficio longissimæ cujusdam Regu-
læ, sive Normæ ferreæ 13 circ. ped. de quâ pariter deinceps
fusiùs, quando structuram Turris, vel Speculæ nostræ at-
tingemus.

*Descriptio
ipius Qua-
drantis super
Circulum A-
zimut-*

Ipse quoque Quadrans totus orichalcicus est, ut initio
diximus, parsque ejus interior opere reticulato, trabeculis
evergancis affabré elaboratis, variisque ornamentis, ut eò
ad

ad commovendum esset levior & aptior, est constructa. Si enim ex solidâ atque integrâ laminâ crassâ constaret, nec regi ob nimium pondus, nec commoveri facile posset. Magnitudo autem ejus est quâ radiū quinq; & amplius ped. ^{Magnitudo} circulus verò Azimuthalis quatuor tantum ped. uti jam tetigimus; sic ut extremitates Quadrantis ab utrâq; parte circum Azimuthalem ad pedem excedant. Et cùm oculum versùs, vel Observatorem Regula adhuc magis promineat, ratione majoris certitudinis, ut deinceps dicetur, tum Statua aliqua ex solido ære fusa, Astronomiam repræsentans in vertice Quadrantis stylobatâ insitum, pars posterior Quadrantis, Observatori obversa, necessariò fit ponderosior, quâm anterior circa limbum. Hincque omnino oportuit hâc parte radium, sive crus inferius Quadrantis producere, imponendo simul in basin æream ponderosissimam stylobatas, super quas aliæ duæ Statuæ, pariter ex metallo solidæ, positæ sunt; quò æquilibrium Quadrantis exquisitè rursus restitueretur ac conservaretur. Adeò, ut non solùm hæ Statuæ ornatûs cauſâ, sed præcipuè ex necessitate fuerint ibidem adjectæ. Superior Imago in vertice Quadrantis existens Astronomia est, & quidem alis donata: nempe, quod semper contemplatione suâ petat altiora; alterâ manu Sphæram tenens Armillarem, alterâ Radium Astronomicum: quibus significatur, Contemplationes Cœlestes beneficio Instrumentorum Astronomicorum peragendas esse, & quidem adjuvantibus Arithmeticâ & Geometriâ, alias in casum laboratur. Proindè etiam in inferiori & anteriori parte Quadrantis illarum Icones appositæ sunt: Arithmeticâ videlicet, in unâ manu tabulam ferens, alterâ stylum, numeros pingens. Geometria verò dextrâ manu circinum, & sinistrâ triangulum sive Sextantem gestans: hoc est; Astronomia non sine calculo trigonometrico & Observationibus excusat. Omnes tres Figuræ, sicuti totum Instrumentum, affabré, nitidissimè ex ære, ut diximus, elaboratae sunt:

Præterea, inter reliquias hujus Quadrantis contiguationes, Quadratum etiam conspicitur, quod suis divisionibus

tum divisum complectitur. nibus subtilissimis gaudet; cuius ope pariter, ut per limbum Quadrantis, quævis Altitudines deprehenduntur; sic ut non tantum Regula Gradus & Minuta in arcu, sed simul in hoc Quadrato juxta sinum totum, ut Geometriæ Studiosis non potest non esse compertum, exactè determinet.

Auctoris iudicium de Quadratis, que loco Quadrantum a quibusdam usurpatur. Quanquam ego, sive parva sive magna Quadrata existant, parvi admodum ea ad Observationes faciam; dum modò limbus Quadrantis ritè & exquisitè in suis particulis sit distributus. Nam nunquam profectò Quadrata ad præcisionem Quadrantum accedunt. Quippe dum Quadrantibus sunt inscripta, semper illis sunt minora; atque idcirco etiam eorum divisiones necesse ut sint multò arctiores, & per consequens etiam difficilius in Quadrato describuntur & distinguuntur, tum eam ob causam non adeò sunt certæ ad Observationes, quām distinctiones Quadrantum. Adhæc, divisiones in illis Quadratis non omni loco sunt æquales, nec unquam esse posunt: cùm ex Quadrante, circuli scilicet segmento originem ducant, atq; ex his divisionibus dividi debeant. Verissimum itaque est, archety-

Quadrans jure Quadrato, Quadranti inscripto, prefertur. pum semper esse longè meliorem exemplari aliquo, & quidem longè minori ex eo facto: Ergò etiam Quadrans meritò Quadrato antefertur. Adde, quod circa distributiones Graduum peculiaria compendia applicare possim:

ad singula nimirūm Secunda ex integris Minutis distinctè discernenda; quod sanè Quadratis adhiberi haud potest. Nihilominus tamen plurimi Viri Eximii, utpote Tycho, GasSENDUS, aliique ejusmodi Quadrata rebus Cœlestibus admoverunt: ratio hæc est, quod multò proclivius, tum minori sumptu construantur, quām ipsi Quadrantes, & quidem Azimuthales.

De limbo Quadrantis. Arcus autem, vel limbus ipse nostri Quadrantis sufficiemtē & latitudinem & crassitatem præse fert; ab altera parte, quæ divisionibus opposita, totus arcus secundūm longitudinem transversario bene crasso, & lato unius circ. digiti, & quidem latitudine suâ sub angulo normali ad planum limbi cochleis adeò firmiter multifariè suffultus est, ne vel minimum à suâ rectitudine, vel perfectione ullâ ratione

tione deficere possit. Divisiones præterea beneficio linearum transversalium pariter arcui sunt insculptæ, ut non solum integra Minuta, sed etiam satis præcisè cujusvis sextam partem, sive dena Secunda cognoscere valeam: quâ distributione haetenus, in hoc nimirùm Instrumento contentus fui; ut ut mihi haud grave foret, etiam quina in eo distinguere Secunda: si videlicet peculiarem exploratorem aliquem pro Secundis, ut in subsequentibus Organis à me factum est, Regulæ adjicerem; cum primis, si Machinamentum nostrum directorium adhiberem: de quo suo loco percipiendum erit.

Regula ipsa, sicut in cæteris omnibus Instrumentis nostris, ex puro orichalco consolidata est, atque torquatâ vel cochleatâ trabeculâ æneâ ab anteriori parte munita. Nam, quia ex laminato metallo haud adeò crasso constat, facile se infleteret nec suam retineret rectitudinem, nisi ita esset suffulta. Hincque etiam eò latior est, in primis circa centrum Quadrantis, ubi clavo capitato adstringitur. Dicta autem Regula excedit radium Quadrantis ad quartam ferè ejus partem, ut modò dicebam; sic ut longitudo tota penè ad octo pedes, & ad duos à centro Quadrantis excurrat. Estque insuper hæc Regulæ pars prominens insignis latitudinis & crassitie; non tantum eum in finem, ne facile levando & deprimendo incurvetur; sed in primis, ut toti Regulæ à centro ad circumpheriam Quadrantis æquipedium superaddat; atque sic ipsa Regula eò levius ac promptius, omni vi remotâ, commoveri & attolli non nequeat.

Tychonis Regulæ ad eandē ferè rationem fuerunt constructæ, atq; necessariò pars prominens tantâ crassitie opus habuit: quippe extremitate illâ ponderosiori elevabantur, & dirigebantur ad quasvis Altitudines. Cùm autem sponte suâ subsistere acquisitâ Altitudine recusabant, ad alteram extremitatem Regulæ circa limbum plumulam tenacem, instar sufflaminis, addiderat; quo Regula vel sic sponte omni parte quiescere posset; vel, si nondum plumula illa sufficeret, à socio quodam certâ cochleari districtoriâ adstringerentur,

gerentur, ut loco hærerent, eoque minimè discederent.

Modus iste Tychonicus dirigendi Regulas, cur Autem etori non placuerit. Quæ ratio autem tractandi & commovendi, tum sistendi Regulas statim initio, ob varias causas, mihi nec apta, nec satis certa, imò valdè nociva ipsis Instrumentis videbatur.

Nocivum quidem exinde ipsis Organis: quod, cùm Regula satis sit tenuis, ne gravitate suâ directionem impediret, facile corrumperetur, si perpetuò manu extremitati (quæ supra circulum Azimuthalem proëminet) adjectâ attolli & deprimi debeat. Regula enim septem vel octo ped. longa sine aliquâ vi haud adeò leviter elevatur & commovetur,

Regula in omni Altitudine non habet in aequilibrio. ut ut centrum gravitatis habeat exactissimum. Quippe Regula talis in Quadrantibus continuò elevando, vel deprimendo, æquipondium evariat. Alia enim est ratio ejus

circa primos Gradus, alia circa intermedios, alia sanè circa octuagesimum & nonagesimum; sicuti Mechanici optimè norunt; sic, ut non nisi in uno quodam certo puncto Quadrantis æquilibrium alicujus Regulæ detur; in cæteris verò partibus neutquam. Hincque per se ultrò consistere nequit, nisi offendice vel sufflamine addito. Rursùs, si sufflamine aliquantò arctius Regula limbo adstringitur, profectò vix eam ex voto commovebis; è contrario, si illud rursùs laxes, nequaquam Regula ullibi firmiter subsistit; sed protinus loco vero exit; quin, etiamsi Regula cochleâ quâdam striatâ arctè astringatur, fieri tamen haud potest, ut non adstringendo ipsa inventa Altitudo paullulùm ex-

Modus Tychonicus Regulas dirigendi est valde incertus. inde exorbitet. Idcircò modus iste Tychonicus, Regulas dirigendi & sistendi, valdè admodum lubricus est, imò nullo planè modo, nisi casu quodam, à quopiam ad unguem

Observationes peragi, Regulæque exactissimè constitui possunt, ut saltem non ex parte aliquâ totum Instrumentum commoveant; ne dicam, quantum temporis intervallum ad accuratas Observationes obtinendas requireretur, priusquam vel unicam præcisam Altitudinem, in primis si simul Azimuth observari debeat, obtineas. Quæ unâ & simul uno quasi ictu oculi, ut oportet, rectè determinare artis sanè est, & nisi sis probè in his rebus exercitatus, frustrà allaborabis. Adhæc opus etiam est, ut ad manum ha-

beas

beas Instrumentum, quod Tibi ad nutum obtemperat, non solum, ut unicâ manu Regulam quam levissimè & promptissimè dirigere possis; sed etiam, ut totum Quadrantem supra circulum Azimuthalem uno digito leviusculè horum vorsum commovere queas; secùs oleum & operam perdes, ac nihil quicquam certi & perfecti obtinebis.

Quamobrem, optimè perspiciens incommodates Regulæ Tychonicæ, tum Altitudines eà ratione nullo pacto obtineri unquam posse, toto animo eò contendi, quomodo possem Regulam Quadrantis ad nutum commovere, dirigere, attollere, ac demittere, & quidem exactissimè in momento, nullâ manu Regulæ adhibitâ. Id quod etiam felicissimè, annuente Divino Numine, mihi tandem successit, duabus diversis modis noviter à me repertis in omnibus & singulis Quadrantibus, tum Azimuthalibus, cujuscunque etiam sint amplitudinis ac ponderis. Atque primò hâc ratione: quoniam arcus Quadrantis à tergo alium arcum orichalcicum satis latum in medio transversè affixum, ita ut hi bini arcus angulum rectum constituant, majoris roboris & firmitudinis caussâ habet, sicuti ex Delinicatione subsequenti apparet; ideo super hunc transversum arcum in averso latere funiculum alterum Regulæ ad plumulam tenacem, & cochleolam adstrictoriam annexum duxi Quadrantis partem superiorem versùs, sive Statuam Astronomiæ, ejusq; pedes, per trochleam parvulam ibidem affixam; dehinc, funiculum istum demisi Observatorem versùs ad ductum parallelum erecti cruris Quadrantis, appenso aliquo pondere instar perpendiculi. Alterum verò funiculum, Regulæ pariter eodem loco annexum per aliam trochleam, alteri cruri Quadrantis, circulo Azimuthali insidenti, ad pedes scilicet Iconum Geometriæ & Arithmeticae affixam, ductu ejusdem cruris circulo Azimuthalis parallelo, per aliquot orbiculos ita duxi, ut ad centrum Quadrantis inter clavum capitatum & circulum Azimuthalem Horizontem versùs dependeat, simul adjecto aliquo pondere, & quidem tanto, quanto alterum funiculum ad æquilibrium, vel ratio ad Regulam omni loco retineatur.

*la semper ver
satur in equi-
librio.* nendam & sistendam opus habet. Seias autem velim, pondus istud posteriori funiculo appensum, quod Regulā ad Horizontem dicit, longè minus esse, quam alterum, cuius funiculus per superiorem partem Quadrantis incedit, atque Regulam elevat: suntque hæc duo pondera respectu Regulæ ita accommodata, ut, dum suo arbitrio relinquentur, Regulam in quavis Quadrantis parte, sive inferiore, sive mediâ, sive etiam superiori constanter, securè & immotè conservare & retinere valeas.

*Quomodo
altitudines si-
mul cum A-
zimuthis ob-
serventur.* Dispositis itaque, ac rectè ordinatis his binis funiculis cum utroq; pondere Regulæ appenso, poteris facilimo negotio Altitudines exactissimè rimari, apprehendēdo nimis rūm sinistrâ manu alterum, alterum rursùs dextrâ, Regula ad nutum & ad amussim regitur, attollitur & deprimitur, ac quidem adeò leniter & promptè, ut nihil suprà. Quòd si verò simul Azimuthum desideras, apprehende alterâ manu superiorem funiculum, & deduc Regulam ad debitam Altitudinem; alterâ verò Quadrantem, ad limbum nempe circuli Azimuthalis dirigendo eousque eundem, donec obtineas verum Azimuthum, quod quærendum habebas; ut alteram rationem hâc vice præteream, beneficio videlicet illius longioris cochleæ, binis illis globulis volubilibus munitæ, Azimuthum obtainendi, ut suo loco percipietur. Necesse autem est, ut sis in rebus istis exercitatisimus; quòd possis simul ferè per quatuor Pinnacidiū rimulas oculo vicinioris, & ad quatuor latera alterius remotioris Dioptræ Stellam exquisitissimè, & æquabiliter ab omni parte dirimere. Quanquam Solis Altitudo longè faciliùs obtainetur, licet Azimuthum simul sit determinandum: de quibus autem deinceps, explicato priùs latere genuino Quadrantis, Regulam, Divisiones & Pinnacia exhibente, nec non descriptis aliis quibuscunq; rebus, eidem appertinentibus.

*Eximium
inventū, per
funiculos Re-
gulam com-
movere.* Vix Tibi persuadebis unquam, Benevole Lector, quale egregium in Observationis negotio hoc sit inventum, ut ut nonnemini vix alicujus ponderis, & simplicissimum, tum admodum rude videatur. Nihilominus tamen Te scire velim, quale qualecunq; id etiam sit, neminem adhæc usque

usque tempora, quantum sciam, illam inventionem adhuc obtinuisse, multò minus Observationibus applicasse. Quandoquidem veteri illo modo, adminiculo scilicet sufflaminis vel cochleæ adstrictoriæ, hucusque assidue usi sunt non sine maximâ Observatoris molestiâ, temporis dispendio, tum rei ipsius incertitudine. Hâc verò nostrâ ratione, per binos scilicet funiculos adstringendo, vel laxando Regulam quaquaversum deducentes, non opus est, ut vel semel ipsam Regulam manu attingas, vel potentiam aliquâ adhibeas ad commovendam Regulam, vel cochleâ aliquâ ipsam adstringas; imò hæret protinus quoque immota quasi ubique absque omni sufflamine; prout jâm suprà diximus: sic ut ex voto obtainuerim, quod initio anxiè quæsiveram. Progressu tamen temporis adhuc aliam rationem adinveni (& ut ea nonnemini fortè videbitur) aliquantò commodiorem & præstantiorem, beneficio videlicet alicujus cochleæ perpetuæ: quæ nimirùm dum alterum funiculum suprà descriptum sensim attrahit, alterum rursùs remittit; ope scilicet duarum succularum, & quarundam rotularum crenatarum, atque unius axiculæ striatæ: eâ ratione, inquam, Regula ad unguem dirigitur, prout deinceps fusiùs dicetur in obversi lateris Quadrantis explicatione.

Tertium, quod vides in præcedente Figurâ à tergo Quadrantis ad ejus crus erectum, à parte superiori appensum perpendicularum brevius, medium locum inter reliqua duo quasi tenens, servit omnino totius Quadrantis, ejusque plani verticalis directionibus; quò possis Quadrantem quasi ad libellam ratione circuli verticalis, tum totum circulum Azimuthalem ad ductum prorsùs Horizonti parallelum exactissimè examinare, atq; dirigere; antequam Astra rimari incipias: hoc enim neglecto littus arabis. Ad reducendum autem Quadrantem plerunque tribus utor adminiculis: primò, modò dicto perpendicularo; secundo, cochleis illis tribus striatis, tripodi Pedestalis insertis; & tertio, singulari & mirâ aliquâ cochleolâ, parti obversæ Quadrantis affixâ, quæ meritò princeps vocatur: cuius adminiculo tantâ facilitate, tantâque promptitudine & ce-

Regula dirigiri potest, et iam si ei nullam adjicias manum.

Alia ratio ferè adhuc commodiior, peccochlea per penum.

Quibus adminiculis o- pus, ad debiti- tè constituendū Quadrantem Azimu- thalem.

Cochlea Prin- ceps.

leritate planum Quadrantis verticale exactissimè rectifico, ut nihil exquisitiùs unquam posit; sed mox de his pleniùs. Atque hæc sunt, quæ breviter de priori latere Quadrantis admonere habui mus.

*Latus Qua-
drantis Posti-
cum.*

Nunc reliquum latus priori adversum hujus Quadrantis, nec non Turrim ipsam, cui insidet, Astrophilis in peculiari Delineatione exhibeamus, eaque omnia etiam, quoad fieri poterit, describemus. Primò, Fulcrum quod attinet, hujus latus alterum nihil quicquam differt ab illo priori, estque eadem illius ab omni parte facies; nisi quod in hac Icone adumbrare voluerim, quod in tripode Pedestalis tres illæ cochleæ directoriæ in capsulis quibusdam, ad prohibendum pulverem, tum ne pedibus offendantur, neque inde Quadrans suo situ vero emoveatur, occludantur. Deinde, de Quadrante ipso admonendum habeo, quod is columellam, sive axiculum orichalcicum, cui aliàs insistit, & super quem quasi vertitur, satis longum & robustum, tum in centro circuli Azimuthalis canaliculam instar chiloniæ habeat, in cuius fundo admodum lavigata & politissima Jaspis immisfa est, cui axiculus, imò totus Quadrans insistit, & super quem circumvolvit: eo fine, ut Instrumentum eò aptius ac levius esset ad circumducendum & dirigendum.

*Axiculus
Instrumenti
super jaspide
volvitur.*

Cùm autem Quadrans hicce satis sit amplus, ut illi axiculus nudus & solutus, absque ullà aliquà anteride vel retinaculo, minimè incumbere valeat, nedum quaquaversum sic liberè in circulo illo Azimuthali absque omni titubatione, & à plano verticali deviatione circumagi possit. Ideoque ab hoc averso latere certum quoddam sustentaculum, vel retinaculum Quadranti adhibitum est, ad sustentandum, & suo situ arctè illum conservandum: hæc videlicet ratione. Primò inferiori cruri Quadrantis, piano circuli Azimuthalis incubanti, trabecula aliqua solida & robusta ex orichalco ad angulum normalem, transiens usque limbum circuli Azimuthalis, robustis cochleis affixa est; ad quod diversissima transtra simul ad crus Quadrantis inferius, ut vides, firmissimè sunt adaptata, atque ita inter se invicem

*Nisi tran-
stis & reti-
naculis Qua-
drans eset
consolidatus,
facile à per-
fectione suâ
discederet.*




Fig. I.

A Stock Detin J

J Seal Soule.

invicem concorporata, ut commotâ trabe intermediâ simul totus Quadrans commoveri necessum sit; imò, licet unâ extremitate Quadrantem circumducas, vel minimè se incurvare, vel à rectitudine suâ defletere possit; id quod nullâ ratione accideret, si retinacula illa varie inter se combinata omnino deesent. Nam omne metallum, ut ut solidissimum est, tamen si in longitudinem excurrit, præfertim si non adeò crassum est, facile latera versùs flebitur.

Præterea, ne Quadrans etiam circa extremitatem manu regi oporteat, manubrium quoddam ligneum trabeculæ medio cruris inferioris Quadrantis affixi, sive ad extremitatem præcipui transtri, ad limbum sc. circuli Azimuthalis, appendi; quò liceat Observatori, etiam dum Astra rimator, beneficio hujus manubrii alterâ manu Quadrantem pro lubitu hinc inde quàm levissimè commovere, ut ne quidem digito Quadrantem attingere opus sit: atque sic Quadrans multò promptius ac facilius movetur, ac regitur. Cùm potentia Quadrantem commovendi longè major sit hâc ratione circa medium, quàm circa extremitates Quadrantis: nimirùm ob illas contignationes & diversissima transtra, quæ ad limbum usque circuli Azimuthalis à crure inferiori Instrumenti excurrunt, atque longiorem quasi vectem, quem referunt. Adde, quòd transtra illa inferiori Quadrantis crux affixa utramque extremitatem ad commotionem simul urgeant & propellendo, & trahendo: prout ex Figuratione clarius cognoscetis. Accedit, quòd sub illâ intermediâ trabeculâ sustentaculi circulo Azimuthali incubantis orbiculi illi, quorum facta est mentio, initio hujus capititis pag. 154 in scotiâ super circulum quendam protuberantem affixi sint, & quidem ad incurvatum aliquod retinaculum ex orichalco factum; qui orbiculi haud parùm contribuunt, quòd Quadrans super circulum Qzimuthalem è levius & promptius commoveri, & circumduci possit. Nam, dum Quadrantem commoves, orbiculi bini isti sub limbo Circuli Azimuthalis instar rotularum volubilissimè circumaguntur; adhæc prohibent, ne

*De manu-
brio Quadrā-
tis directorio,
quo Quadrās
ad nūn cir-
cumducuntur.*

*Ope quorun-
dam orbicu-
lorum Qua-
drans prom-
ptius circum-
volvitur.*

totum sustentaculum Quadrantis, circulo Azimuthali in-
cumbens; vel minimum circulum dictum Azimuthalem
stringere posse, vel ei nimium incubando pondere suo
Observatori, inter commovendum, molestiam creare,
vel ipsum circulum Azimuthalem nimis stricte & arcte
inhærendo consumere, divisionesque sic ipsas abradere,
aut rasuris & fissuris deformare.

*Constru-
tio
Sustentaculi
Quadrantis
principi.*

Deinde, super trabem illam intermediate robustiorem
contignationis, basi Quadrantis cochleis annexæ, cui trabi
manubrium dictum alligatum est, teres columella orichal-
cica sufficienti crassitie ad perpendiculum & limbum us-
que Quadrantis erecta est. Huic columellæ circa partem
eius superiorem, mediante quodam tubulo perforato unius
digiti ferè longo, adaptata sunt tria ex uno quasi radice
prodeuntia brachia, sive peculiaria incurvata retinacula, ad
superius transversarium Quadrantis firmis cochleis affixa.
Eum in finem, ut hæcce columna cum suis brachiis instar
sit sustentaculi, ne Quadrans, qui alioquin liberè circulo A-
zimuthali insistit, à plano verticali suo vel quicquam decli-
net, nec circumducendo de circulo Azimuthali omnino
decidat. Quippe dicta teres illa columella, quæ est in-
star cardinis vel axeos, illum sustinere sola haud potest,
non obstantibus illis retinaculis & anteridibus ad basin
Quadrantis adjectis. Quò autem totum hocce sustenta-
culum erectum tantò sit firmius, & robustius ad sustinen-
dum & conservandum totum Quadrantem, ejusque pla-
num, adhuc aliam anteridem, sive teretem columellam ali-
quantò & graciliorem & breviorem alteri columellæ lon-
giori erectæ ad perpendiculum, sub certâ quadam inclina-
tione, applicui; cujus extremitas inferior trabeculæ inter-
mediae inferioris contignationis, plano circuli Azimuthalis
insedentis, & quidem ad ipsam extremitatem dictæ trabe-
culæ indita est; altera verò cuspis hujus brevioris columel-
læ sustentariæ ad longiorem illam erectam columellam in-
clinatè procedit, habetque eà parte quoque pariter canali-
culam breviusculâ, quâ hanc erectam ambit, ut possit libe-
rè moveri sursum deorsum, ac omni motioni & inclinatio-

ni cedere. Cæterūm ipse Quadrans, quod notes velim, eā ratione ex composito initio statim super circulum Azimuthalem impositus est, ut perpetuò sponte suā han̄c partem aversam, & Quadrantis manubrium appensum versùs haud parūm acclinet, & nullo modo per se solus omnino erēctè, vel ad libellam assurgat; sed necesse, si ad perpendicularum erigi debeat, eō impellatur atque dirigatur; quod possit tantò promptius, & facilius, exactiusq[ue] ad libellam reduci, atque in vero situ constanter conservari. Id quod autem unicā solā parvulā cochleā impetravi feliciter; cuius ope Quadrantem, ut ut quā planum verticale acclinet, vel declinet, ex amissi atque oxyssimè, quando opus, restituere possum: & quidem hoc modo. In medio ferè columellæ teretis longioris, sive præcipui erēcti fulcri, ad contactum alterius brevioris & tenuioris anteridis, sive columellæ; ubi nimirūm illa à peripheriâ circuli Azimuthalis sub inclinatione alteram erētam longiorem tangit, vel statim supra brevioris columellæ canaliculam, cuius jam suprà facta est mentio, aliam rursùs canaliculam nudam, duabus diversis tantummodo cochleolis striatis armatam, longiori columellæ adaptavi; quæ pariter, ut inferior, cum suā anteride leviter attolli & deprimi potest. Hanc, inquam, canaliculam superiorem (quam melioris intellectus gratiâ in pavimento tessellato ad aliquantò distinctius delineatam vides) ibidem transversâ minori cochleâ b ad columellam firmiter adstrinxi, ut loco eo emoveri haud possit; alteram verò cochleam erētam aliquantò longiorem c, per foramen striatum incedentem, cuius cuspis planè ad verticem inclinatæ anteridis, sive ad canaliculam ejus, quæ columnam longiorem ambit, ut ab eā recedere nequeat, pertingit, dum adstringo vel claudio, dextrorsum scilicet Quadrans hujus cochleæ circumductione circulum verticalem versùs impellitur (quippe suo arbitrio Quadrans non nihil ad Horizontem acclinat & renititur quasi illi motui); si metam hāc agitatione excedas, atque Quadrantem nimium urgeas, ut etiam circulum verticalem supere ret, id quod ex appenso funependulo statim elucet, necesse est,

Quadrans
à naturâ &
spōte suâ ac-
ctinat.

Quo patto
Quadrans
exquisitiè eri-
gatur ad per-
pendiculum.

Nimirūm
ope alicujus
cochlea, jure
Princeps di-
cta.

est, ut rursus cochleam modò dictam c, hanc sc. longiorem recludas, vel tantoperè laxes, usque dum perpendicularum exactissimè ipsum verticale punctum, quod ibidem exquisitissimè, prævio examine rigidiori, de quo forte aliàs clariùs, descriptum & notatum est, attingat. Perpendicularum autem hocce est illud ipsum, quod sub pedibus Astronomiæ appensum est, & ductu parallelo ad crus Quadrantis erectum descendit usque centrum Instrumenti, ad clavum capitatum Regulam adstringentem; quo loco norma illa apposita est, quæ signum instar rimulæ exhibet, ad quod funependulum decidi & examinari debet. Nam, quando perpendicularum omnino rimulam normæ attingit, vel in eam planè leniter incidit, minimè verò nimis strictè ad eam impingit (id quod diligentissimè notandum est, si aliquid accurati peragi debet, ne vel in defectu, vel excessu pecces) tum certissimum indicium est, Quadrantem omnino secundum planum verticale & perpendicularum exquisitissimè directum & constitutum esse. Imò adhuc justius id animadvertes, si totum Quadrantem super circulum Azimuthalem circumducas, atque omni loco & situ non solùm super lineam Meridianam illum ad perpendicularum, ejusque normam, rimulamque examines; sed etiam in quavis circuli Azimuthalis parte, an funependulum examinans æq; præcisè ad normam & rimulam decidat, atque appellat. Quod si fiat ubique æqualiter, planè indubitatum est, Quadrantem non solùm in linea Meridianâ, sed in quovis Azimutho esse accuratissimè erectum & locatum, tam secundum circuli verticalis ductum, quam juxta perpendicularum, quod à vertice ad Horizontem tendit; hoc est, circulum Azimuthalem omnino Horizonti esse parallelum. Quæ omnia hac facilimâ ratione quantocyùs deprehendes, præsertim si initio statim circulus Azimuthalis, & Pedestale eius exactissimè ad libellam, vel ductum Horizontis æquabilissimè tribus inferioribus suis cochleis directoriis, tripo-di insertis sint directa; secùs profectò, omnes Cæli plagas versus funependulum Quadrantis neutiquam æqualiter ad normam, sive exploratorem exquisitissimè incident.

Idcirkò

*Alia ratio
examinandi
Quadrantis
Planum.*

*Necesse est,
ut prius cir-
culum Azi-
muthalem re-
tè constituas.*

Idcirkò summoperè opus est, circa has Observationses esse sollicitum, ut priùs circulum Azimuthalem; dein etiam ipsum perpendiculum, beneficio, ut suprà diximus, illius longioris cochleæ directoriæ principis c, præcipuæ columellæ sustentaculi affixæ justè constituas. Experieris tamen, quoniam adeò planè & plenè singula, quæ meritò observari debent, hic exprimi à nobis nequeunt, omnimodè artis esse, atque alicujus difficultatis, priusquam notitiam aliquam Tibi acquisiveris, Quadrantem ita accurate ad normam reducere. De cætero, nisi hâc dictâ ratione Quadrantem ab omni parte rectifices, molestissimum Observatori sanè accidit, in alio diverso quodam Azimuthali Gradi Quadrantem aliter atque aliter, quà planum & perpendicularum, emendare.

De hoc nostro Quadrante Azimuthali non est, quòd hâc in parte sím sollicitus: siquidem semel perpendiculari instaurato, circulo ac Quadrante Azimuthali, in linea scilicet Meridianâ Austrum versùs exposito omnino securus sum; ipsum Quadrantem omnes Cæli plagas versùs, utpote Septentrionem, Ortum & Occasum haud minus exquisitè esse collocatum: imò, si semel tantummodo debitè, omnique curâ fuerit recorrectus, vix opus, aliquot Mensium spatio illum vel examinare, vel reducere, licet singulis diebus Cœlo sereno Altitudines Solis, Siderumque Meridianas observem; adeò firmiter Instrumentum hocce pavimento tesellato insidet, ac tantâ sollicitudine, ad instar fere pupillarum mearum, illud etiam tueor, sancteque conservo. Proindè quoque nemini soli ad hunc Quadrantem patet aditus, nisi ipse intersim, ne lædatur, commoveatur, aut pinnacia, Regulaque ejus aliquâ ratione ex improviso vitiolum aliquod contrahant. Hincque Quadrans hicce idem semper permanet, qui initio Observationum mearum, cùm Altitudines Solis Meridianas inceperim, extitit: quemadmodùm ipsæ Observationses nostræ clariùs suo tempore loquentur.

Atque hæc sunt, quæ de tribus illis perpendicularis, duabus videlicet Regulæ directoriis, & tertio exploratore di-

Habet ali-
quam difficul-
tatem, Qua-
drantem Az-
imuthalem ex
attè adorna-
re.

Quadrans
hicce Azimu-
thalis satisfa-
cit plenè suo
officio.

Nemini, nisi
præsente Au-
ctore, ad hunc
Quadratrem
patet aditus.

*Singularis
Machinula
pro directione
Regularum.*

cere habuimus; nunc curioso Rerum Cœlestium Indagatori aliud inventum, noviter primùm à me repertum detegamus: quod quidem minusculum est Instrumentum, si ejus fabricam; si verò ejus usum spectes, permagnum. Nam hāc machinulā, ope unius solius cochlearē perpetuæ *h*, poteris Regulam ad unguem dirigere, directamq; simul tutò immotamq; quoad volueris, conservare. Typum ejusdem inventionis, quoad fieri licuit, in pavimento præcedentis Figuræ I exhibui, sed longè adhuc distinctiūs sub majori specie, melioris intellectūs gratiā, in subsequenti Figurā S Cap. XIV, Numero octavo, quām est adumbrata ad ipsum Quadrantem: ubi simul commonstraturus sum, cùm hoc loco id fieri haud potuerit, quā ratione hujus Machinulæ beneficio quām accuratissimè etiam ipsæ divisiones Quadrantis tam Minutorum, quām singulorum Secundorum, si velis, notari & distingui possint. Instrumentum autem ipsum longitudine suā non excedit 3½ pollices, & latitudine suā duos: constat ex tribus solummodo lamellis orichalcicis, uno pollice latis inter se conjunctis. Intermedia longior reliqua duo breviora transversa ad angulum normalem decussatim combinat; per quas extremas lamellas breviores ab utroque latere lamellæ longioris intermediæ succula subtilis teres (vel vectis) *m* & *l*, vix $\frac{1}{2}$ unius dig. crassa transit, sex ferè poll. longitud. Utrique succulæ ad frontem alterius brevioris laminæ axiculus denticulatus *n* & *o* inditus est; uterque beneficio cujusdam intermediæ rotulæ dentatæ *p*, paullò majoris ipsiis axiculis, atque cochlearē perpetuæ *h*, se invicem dentibus mordentium pari passu simul æquabilissimè circumagit. Per utramque succulam peculiare foramentum *r* & *q* perterebratum, atque cuilibet harum succularum à fronte prioris lamellæ brevioris ad axiculos striatos manubrium *i* affixum est, quibus manubriis succulæ dictæ, manente immotâ cochlearē perenni *h*, atque rotulâ intermediâ denticulatâ *p*, cum suis binis axiculis striatis *n* & *o*, nihilominus possunt horsum versus circumduci, motu quamvis strictissimo & arctissimo; quem verò in finem, mox mox percipies.

Quando

Quando igitur hocce Machinamento uti volumus, applicatur illud ipsum inferiori Quadrantis cruri, quod circulo Azimuthali insitit, propè nimirùm centrum atque clavum capitatum, Regulam adstringentem, duabus illis fibulis chalybeis & Instrumentulo affixis; atque ope durum illarum minimarum cochlearum, his fibulis supernè à vertice inditarum; & quidem inter circulum Azimuthale, atque centrum ipsum, ut dixi, Quadrantis, Observatorem versùs, sicuti ex Delineatione vides. Quò ipse Observator, Regulam Quadrantis dum dirigere satagat, alterà manu vel alterutrū manubrium succularum i, vel ipsam cochleam perennem h apprehendere commode possit. Primò autem, ratio flagitat, si hocce Instrumentulum Observationibus adhiberi debet, ut duo illi funiculi, Regulæ annexi ad illam commovendam, attollendam & deprimendam, quibus ponduscula alligata sunt, de quibus suprà pag: 161 fusè diximus, priùs per foramina succularum r & q, eo fine indita trajiciantur; alter nimirùm funiculus per alteram succularum, posteà rursùs ponduscula annexantur. Atque tum duabus diversis rationibus est Tibi potestas regendi, & ad nutum commovendi Regulam. Primò nudis illis funiculis, ut suo loco jam percepisti; deinde etiam, adminiculo cochleæ perennis h, huic Instrumento affixa, & quidem hoc modo. Initio, deduc Regulam illis solidis funiculis ad Altitudinem illam Sideris, quam rimari desideras, sed crassiori tantùm Minervâ; hoc peracto, alterà manu, apprenso manubrio alterius succulæ i, exempli gratiâ sinistræ, funiculum ejus trajectum glomera, vel circumvolve aliquoties in dictam succulam sinistram versùs, & quidem eousque, quò senties, funiculum istum stri-
Etè Regulam constringere, vel arripere. Deinceps, apprenso dextrâ manu alterius succulæ manubrio i, circumvolve alterum funiculum super istam succulam, & quidem dextram versùs, motu scilicet contrario pariter eousque, donec deprehendas, etiam hunc funiculum Regulam arctè constringere; atque tum Regula quasi immota subsistit, & loco, nisi magnâ vi adhibitâ, vel ruptis funiculis, nullo mo-

*Usus egre-
gios hujus
Machinulae.*

*Hoc Ma-
chinamento
duabus diver-
sis rationibus
Regula com-
moventur.*

*Ope cochleæ
perennis.*

do emoveri potest. Postmodum, adornatis sic omnibus, apprehende, quâvis manu velis, cochleam perpetuam *h* circa ejus manubrium, & verte lentissimè illam, quorsum velis, deprehendes subitò Regulam vel elevari, vel deprimi, juxta quam videlicet partem cochleam agites. Etenim, etiamsi ambæ succulæ, circa quas funiculi sunt aliquoties circumvoluti, circumagantur, nihilominus & sursùm & deorsùm Regula deducitur. Nam, cùm succulæ motu contrario initio gyratæ sint, fieri aliter haud potest, quâm quod altera succula funiculū tantò laxet, quantò altera succula alterum funiculum adstringat. Quippe eadem sunt crassitie dictæ succulæ, eodemque motu feruntur, tum æquali videlicet axiculo striato, nec non unâ intermediâ rotulâ dentatâ circummoventur. Atque sic Regula exactissimè & lenissimè, vix ut sentias, ad Astra dirigitur, nunc elevando, nunc deprimendo, dum huc vel illuc cochleam perennem torques. Quæ ratio, si fortè Tibi magis, quâm illa prior, per duos nudos funiculos attrahendo & laxando, arrideat, poteris hac uti; præprimis, cùm hocce Machinamentum ita quoque posfit adornari, quod simul regendo Regulam beneficio cochleæ illius perpetuæ *h*, etiam Quadrantis divisiones tam Minutorum, quâm singulorum Secundorum perquâm exquisitissimè, in peculiari orbiculo annexo, distinguere valeas: quanquam priori ratione abundè etiam potes esse contentus; siquidem officio suo affatim satisfacit, etiam suo loco satis firmiter semper hæret: præterquam, quod subdivisiones in limbo tantummodo possis dijudicare.

Nova insu-
per ratio, pro
dirigenda Re-
gula tribus
sc. ponduscu-
lis.

De reliquo, si ista prior ratio Tibi nondum satis certa videtur, communicabo aliud adhuc adminiculum: quomodo duobus illis funiculis, atque pondusculis multò firmius Regula ad limbum Quadrantis planè ac per succulas, & cochleam illam perennem, ut ut minimè opus est, sicuti longâ experientiâ in hocce Quadrante satis superque exploravi, subsistere possit. Quo adminiculo adhuc longè strictius Regula quovis loco limbo semper inhæret, etiamsi sit perquâm volubilis, & lenissimè omni directioni pareat:

at: nimirūm, suspendatur ad quendam funiculum tertium trochleola quædam uncinata *e*, orbiculo volubili construēta; atque illius trochleolæ unco appendatur aliud quodam pondus *d*, & quidem tantum, quantum res ipsa poscit: dein, utraque extremitas hujus recentis funiculi (cujus longitudine determinari debet ex longitudine duorum priorum funicularum, sive perpendicularium) alligetur prioribus dictis funiculis, sive eorum ponderibus *f*, *g*: atque sic res omnino est confecta. Nam, etsi alterutrum pondus priorum funicularum attollas, vel deprimas, nihilominus tamen hocce pondus majus semper eandem ad pavimentum retinebit distantiam, ut ut hic tertius funiculus modò ab hoc, modò ab illo latere nunc brevior, nunc longior appareat. Simile ferè ex horologiis, perpendiculari & unico pondere appenso constructis, ex Figurâ videlicet D pag. 141 insertâ mentem nostram è clariùs & dilucidiùs intelliges atq; percipies. Hoc itaque tertio funiculo atque pondere (dum hocce videlicet attrahit utrumque reliquum pondus, sive potius reliquos duos funiculos æque fortiter) non potest non aliter, quam quod Regula per se firmissimè, etiam remotis omnino illis duobus prioribus pondusculis, hoc solo unico aliquantò ponderosiori pondere *d*, quocunque loco volueris, persistat; id quod benè notari meretur. Quomodo vero Quadranti hocce tertium pondus *d*, etiam reliquis illis binis remotis *f* & *g*, applicatum est, in Delineatione præcedenti quidem haud commonstravi: cùm quilibet, qui rem paullò altius expendit, facile id intelligat: reposui tamen tres illos funiculos cum suis ponderibus, unà cum suâ trochlea uncinata *e*, in tertio funiculo assidue mobili ad pavimentum Quadrantis, ut etiam Tyrones, quorum hujus experimenti interest, id omnino non nesciant; sed ex Figurâ D, ut modò dicebam, ubi tale pondus, cum trochlea horologio appensum est, clariùs intelligitur.

Tandem, ut ad Dioptras hujus Quadrantis perveniamus; similes ferè sunt illis prioribus, in præcedenti Quadrante ligneo constitutis. Prior nimirūm Dioptra ad lim-

Majus pondus semper in eadem Aliud dñe permanet.

bum non nisi est lamella quadrata, in cuius medio minutissimum foramen ad Solis radios excipiendo inditum est; posterius verò Pinnacidium, ad extremitatem Regulæ Observatorem versus appositum, quatuor rimulis, quæ laxari & comprimi posunt, singulari rotularum intus constitutarum beneficio constructum est. Et cùm Regula longior sit ipso radio Quadrantis ferè ad duos ped. ; hinc tantò remotius bina illa Pinnacia ab invicem distant; atverò quò remotiora sunt, tantò sunt certiora, & ad Observations aptiora: sic ut hicce Quadrans, tali longiori Regulæ præditus Quadranti ordinario, Pinnacidium alterum in centro ferenti, decem vel undecim cubit. sive septem ferè ped. æquivaleat. Structuram autem ipsam horum Pinnacidiorum infrà peculiari Schemate R, & Cap. XIV ob oculos ponemus & describemus.

*Sedēdo com-
modissimè Ob-
servationes
peraguntur.*

Dum autem Quadrans hicce ad Astra tempore scilicet nocturno dirigitur, gratissimum accidit, quòd Observatori in capiendis Altitudinibus vel commodissimè stando, vel sedendo (cùm circulus Azimuthalis supra pavimentum ad sex pedes elevetur) ope illius Sedilis versatilis sive trufatilis, quod nunc distrahi, nunc contrahi congruè & quām velocissimè unā manu potest, quale in præcedenti Schemate depictum vides, rem administrare liceat. Adeò, ut nulla unquam Altitudo alicui occurrat, quæ non summā Observatoris commoditate peragatur; nec unquam accidet, ut sub aliquo clinamine, vel acclivo, aut inclinato corpore maximè adverso, vel curvatis genibus, vel humo procumbendo Observationes molestissimè peragas; ut quidem hactenus sæpius usu venit omnibus.

*Ad Obser-
vationes So-
lares & hic
Quadrās Fi-
stulam nudā
visoriam sibi
exposcit.*

Si Altitudines Meridianas Solis, ejusque Azimutha rimari studeas, pariter, ut jam Cap. V circa Quadrantem ligneum diximus, opus est, ut Tubum quendam papyraceum inter utrumque Pinnacidium applies; cuius pars inferior ad Pinnacidium sit aliquantò amplior, vel camerata, tum à parte obversa omnino patens: quò Observatori liberè pateat dictum Pinnacidium, extremitati productæ Regulæ adjectum (quod in Tubo illo camerato quasi occlusum latet)

latet) atque in eo tanto distictius limbum Solis, sive ejus radios in circello ibidem descripto intueri, & deprehendere. Estque hicce modus Solem observandi multò tutior, exquisitorque, quam ille Tychoni usitatus; per umbram videlicet prioris cylindri in inferiori Pinnacido exceptam: ubi sane nunquam umbra adeò distictè determinatur, propter lumen Solis adventitium & circumfluum, quam radii ipsi lucidissimi Solares, per minutissimum foramen trahēti, in obscuro Pinnacido, camerato tubo circumdato nunquam non excipiuntur: de quo autem fortè alibi plenius dicendum erit. Inter observandum perpetuò etiam commodissimè stare poteris, si non in ipso pavimento, saltem in uno aut altero climactere, vel scabellorum gradu: qualia diversa mihi semper sunt in promptu. Interdum enim altioribus, interdum declivioribus, nunc binis, nunc tribus gradibus opus habemus.

Cæterū, si ipsa Solis Altitudo Meridiana capienda est, multò profectò citius ea ipsa peragitur, quam aliis quibusdam Quadrantibus Horizontalibus, vel Verticalibus ad fulcrum quoddam pendentibus. Quippe, cum Quadrans Azimuthalis accuratissimè lineæ Meridianæ insistat, nullo statim negotio patet, quando ad eam Sol vel Quadrans appellit; ut minimè necessum sit, quemadmodum cæteris Quadrantibus, tam ante, quam post Meridiem Altitudines rimari. Sed queras, quomodo nocturno tempore circa Altitudines Meridianas Siderum in obscurissimâ Speculâ, quando candelam toties accendere, vel lucernam admovere, ne oculi turbentur, vel lumine offendantur, detrectas, animadverti posse, an Stella videlicet jam immineat lineæ Meridianæ? an jam subsit? an verò eam jam sit prætergressa? Id quod sane perquam promptè & aptè etiam obscurissimâ nocte cognoscitur. Quandoquidem in circuli Azimuthalis ipsissimâ lineâ Diagonali, quæ omnino Austrum respicit, & ipsam lineam Meridianam refert, Observatorem & Septentrionem versus, ad centrum scilicet Quadrantis rimulam inserravi, quam etiam in tenebris digito deprehendere licet: sic ut nunquam sim nescius

*Ratio Tycho-
nica observa-
di Solem non
usque adeò
fuit tuta.*

*Ad Obser-
vationes di-
versa sedilia
& scabella
requiruntur.*

*Hoc Qua-
drante expe-
ditissimè Al-
titudines Me-
ridiana capi-
untur.*

*Cerium in-
dicium, Qua-
drantem sub
ipso Meridi-
ano subsiste-
re.*

nescius, quo usque Quadrans ab ipsâ linea Meridianâ quovis tempore distet, tum quando Sol, vel Astra omnino culminent, vel tempus instet, atque Altitudo Meridiana de promi debeat: adeò, ut jucundissimum sit, ejusmodi Instrumento etiam noctu haud multo temporis dispendio

Quomodo ad
limbū Qua-
dantis ascē-
datur. Astris operam dare. Peracto verò opere, quando Gradus & Minuta annotanda sunt, & ex scannis, vel scabellis ob nimiam altitudinem id non permittatur; tum quomodo examinari omni tempore possit Instrumentum; an adhuc ex amissi linea Meridianæ inhæreat? & quâ ratione, si forte ab eâ discesserit, restitui debeat? infrâ indicabitur; nunc priùs de Turri illâ, vel Speculâ, in quâ Quadrans hicce repositus est, quædam admonenda operæ pretium esse du ximus.

Quadrantis
bujus gratiā
peculiaris
Turris exadi-
ficata est. Turrim hanc, cuius dimidiā ferè partem ex priori Iconismo depictam vides, in quâ præstantissimum hocce Azimuthale Organon reservatur, ex composito, unicè hujus Instrumenti gratiâ, in vertice ædium posteriorum mearum, & quidem partim ex quercino ligno, variis contignationibus, robustissimis trabibus, tenaculis, capreolis atque transtris coadunatis, partim lateritio opere exædificari non sine aliquo sumptu, ut facile intelligis, curavi. Figura ejus est octanguli regularis; capacitas quâ lineas diagonales duodecim ped.; altitudo transtrarum, sive transversarum trabium, quæ loricam præsentant, ubi fenestræ incipiunt, sursumque tendunt, à pavimento tesellato ad sex pedes excurrit, & quidem omnino ad eandem altitudinem Pedestalis & circuli Azimuthalis; ita, ut oculo eidem circulo applicato per dictum circulum, & superiorem partem sepimenti Speculæ, hoc est, loricam undique circumcircâ Horizontem ipsum exquisitissimè conspicere possis: quod ut principiò statim omni solicitudine ita est construtum, sic quoque egregium suum habet usum, ut paullò post pleniùs intelliges.

Structura
tota bujus
Turris. Præter hæc tota Turris circumcircâ, vel ejus opus reticulatum ligneum, vel intercolumnia ex latere coctili à pavimento ad trabes usque transversas, vel potius loricam, ubi

ubi fenestræ patent, constat, ac omnia cōmentitio opere facta sunt, rimulis omnibus probè obthuratis. Pars altera superior nullū planè habet parietem, sed solummodo octo fulcra, vel potius trabes ad angulum octagoni elaboratas atque erectas octo vel novem circ. ped. altitudine, ad quas fenestræ vel valvæ cardinibus sunt affixæ, & obicibus clauduntur. Sunt autem dictæ fenestræ ligneæ; quò eò leviores sint ad repandendum & claudendum. Extremi-
Circumcir-
cà Specula
bac parentes
habet fene-
stræ.

Hisce octo erectis trabibus, sive columnnis ligneis robustæ, satisque latæ tigillæ, vel cantherii culminis innituntur; tegumen ipsum ad partem dimidiā à vertice æneis lamellis tectum est; reliqua pars amplior, octo scilicet illæ fenestræ superiores, valvis, peculiari ratione ex assumptionis levioribus compositis, ut pluviam nullo modo admittant, cooperiuntur & clauduntur. Possuntque quovis tempore rursùs aperiri, valvæque istæ resupinari adminiculo alicujus longioris vectis. Adeò, ut quando occasio poscit, tota Turris, omnesque scilicet illius januæ, tum superiores valvæ recludi absque magno labore queant; quò undique pateat prospectus tum Horizontem, tum Cœlum versùs: prout ex Delineatione I patet. Et etiamsi sic undique pateat Turris à parte superiori, neutiquam tamen pluvia in Speculam ad Quadrantem descendere potest, sicuti fortè Tibi persuades, sed oportet necessariò in ipsis tigillis ex parte cavatis, tanquam super canali ad latera erectarum columnarum (cùm undique circumcircà minoribus loricis, vel repagulis declinatoriis optimè parti superiori teguminis sit prospectum) in culmen majorum ædium decidere.

A quolibet retinaculo uncinato, quibus Turris suprà constringitur, annulus ferreus prout vides, dependet: rursùs ad quamlibet columnam erectam appensus est funiculus: hoc nimirùm fine: quando Altitudo observanda nimium

*Quomodo
procerior sca-
la ab omni la-
tere Quadrā-
ri applicetur.*

assurgit, ut vel ex pavimento, vel ex scabellis, quibusdam saltem gradibus compositis Gradus & Minuta in limbo conspici nequeant, quò tum possis scalas altiores admoveare sine omni fulcimento, vel Quadrantis incommodo & impedimento. Scala autem ita applicari debet, ne Instrumentum ullibi vel leviter attingat; sed scala sola absque sustentaculis per se consistere nequit; & scalæ duplicitæ, vel gerenti sustentacula non datur locus. Turris namque ita est constructa, ut nonnisi Quadrantem solum capiat; imò si duodecim ped. amplior esset, multò sanè foret incommodior Observatoribus. Quippe datâ ampliori Turri neutiquam ex scamnis circumcircâ affixis, Gradus & Distinctiones tam in Quadrante, quam circulo Azimuthali dignoscerentur, nec Instrumentum ipsum ita percommode in gyrum obambulare nobis concederetur. Horum autem scamnorum tot sunt, nimirum octo, quot latera Turris exhibet; elevantur à pavimento tesellato duabus pedibus, suntque ita constructa, ut repandi & erigi, vel rursùs deponi & demitti possunt beneficio cardinum quadruplicem, & fulrorum mobilium; quò area Speculæ tantò spatiösior evaderet. Insistens verò his scamnis non solum Instrumentum circumire, Gradus quoilibet circuli Azimuthalis dignoscere; sed quoque ex fenestrâs totum Horizontem, Cœlumque contemplari potes. Quandoquidem è pavimento per loricam non datur ullus prospectus: quippe parietes Turris, sive sepimentum ejus ultra viri proceritatem à pavimento in altum assurgit, & Pedestali Quadrantis omnino æquatur.

*Ope trium
funiculorum
scala appendi-
tur, ut inio-
ad summi-
tē Quadran-
tis pervenire
possit.*

Quando igitur nec ex scamnis, nec quocunque alio scabello Gradus distinguere licet, tunc, inquam, scala à dextro latere Quadrantis, à quo Regula incedit, admoveatur; & quidem hâc ratione: primò scala fune duplice quodam, utrique cruri ejus alligato, ad summitatem unco seu repagulo annulo ferreo, retinaculis illis ferreis trabium erectarum annexo infibulatur, & quidem eam plagam versus, quæ cum plano Quadrantis verticali omnino coincidit: exempli gratiâ. Quadrante constituto in ipsâ linea Meridianâ,

*Cur Turris
hec non fue-
rit amplior
exstructa.*

dianâ, necesse est, ut scalâ alligetur ad fenestrâm Orientalem; deinde duobus funiculis oppositis, altero nempe à columnâ Aquilonari, altero à columnâ Euronotum respiciente dependentibus, utrumque scalæ crus constringitur, eatenus, ut haud possit loco moveri, vel minimùm vacillare; atque tum simul haud potest scalâ Quadrantem ne leviter quidem attingere, sed per se, trium dictorum funium ope, consistit, prout ex Figurâ quodammodo patet. Et licet Quadrans aliam Cœli plagam respiciat quamcunque; nihilo tamen minùs æque aptè scalâ pari ratione (cum quælibet columna suum funiculum, & quælibet fenestra annulum suum habeat, ad repagulum scalæ adaptandum) Quadranti admovetur. Id quod sanè Observatoribus commodissimum accedit, diu videlicet noctuque, licet Turris undiquaque pateat, ad verticem usque Quadrantis adeò securè in tantâ à Terrâ altitudine ascendere, ut non sit, quod periculum extimescas, vel discrimen metuas; id quod profectò alioqui metuendum esset in tantâ altitudine, si scalâ liberè consisteret.

Turris hæc insuper adeò fundata est, ut octo suis lateribus octo omnino exactè plaga præcipuas Mundi respiciat; prius videlicet Austrum, obversum Septentrionem; tertium Subsolanum, oppositum Favonium; quintum Euroaustrum, obversum Corum; septimum Africum, oppositum Supernam. Sub fenestrâ Occidentaliori, vel potius Corum versùs janua condita est, in loco nimirùm commodi. Januæ verò, seu valvæ fenestrarum in præcedenti Figurâ, ne Instrumentum obumbrarent, delineari haud potuerunt; attamen facile quis imaginari sibi poterit, quo modo ex suis cardinibus, trabibus erectis affixis pendeant. Quando omnes sunt apertæ, Tibi in centro Speculæ constituto nulla omnino apparebit. Nam quælibet sub columnâ suâ ad ductum radii octanguli latet; ubi retinaculis uncis affiguntur, ut sint omnino ab omni procellâ tutæ. In hisce majoribus fenestrîs, seu januis circumcircâ aliæ minoræ quadratæ fenestellæ, quæ eximi & adaptari, vel recludi rursus possunt, conditæ sunt: eam quidem ob causam,

*Turris suis
lateribus o-
mnes Cœli
plaga respi-
cit.*

*Majoribus
& minoribus
hec Turris
gaudet fene-
stris.*

ut initio alterutra aperiri, ac undique Observator prospicere vel Cœlum intueri possit, quasnam scilicet Stellas observare velit, & quænam fenestræ sunt aperiendæ: ne

*Non omnes
fenestra simul
aperienda ob-
veniunt.*

quædam majorum frustrâ aperiantur, quæ labore aliquo indigent. Quod si Altitudines tantum Meridianas dirimere satagas, sola fenestra Australis aperiatur, & quidem major illa inferior, si Altitudo non excedat 45 Grad.; sin major Altitudo detur, tantummodo valva superior teguminis repandatur, atque tum, licet Quadrans centrum obtineat Speculæ, nihilominus sexagesimum, imò septuagesimum Gradum Cœli obtinebis; at plures Turris hæc eo in situ Quadrantis haud permittit. Quod si verò ex centro Quadrantem emovere velis, atque proprius fenestram eum deducere, licebit Tibi etiam octuagesimum Gradum utique deprehendere. Quod tamen ægrè admodum admitto: si quidem, cum Quadrans lineæ Meridianæ tantà diligentia, tantaque solicitudine impositus sit, præstat ibidem perpetuò eum asservare, & loco, nisi summa flagitet necessitas, haud emovere. Multum enim temporis consumitur, crede, priusquam Quadrantem talem ab omni parte ad libellam, & normam constituas.

*Quæ ratio-
ne circulus A
zimuthalis
ad lineam
Meridianam
precise revo-
etur.*

Quanquam singulare quoddam adminiculum in hâc Turri semper mihi præstò sit, ad Quadrantem, vel potius ejus circulum Azimuthalem restaurandum, vel ad lineam Meridianam, si quando ab èa partim exorbitet, reducendum. Nimirum: constituto statim initio hocce Instrumento quæ exquisitissimè ad ipsam lineam Meridianam tum debitâ curâ adinventam, Regulam ex chalybe, eum in finem solùm confectam, quatuordecim circ. ped. longam circulo Azimuthali, ductu omnino parallelo, respectu lineæ Meridianæ atque circuli Diagonalis imposui; ita ut simul utrâq; cuspide fenestræ Australis & Septentrionalis loricæ incubuerit; locis tum ibidem diligenter notatis canaliculas, sive capsulas ferreas supernè apertas ejusdem latitudinis cum Regulâ illâ chalybeâ super loricam utriusque fenestræ firmiter clavibus affixi: quo dicta illa Regula, quotiescumque visum alicui esset, canaliculis vel capsulis super-

superne immitti posset, atque sic pariter simul super utramque loricam, & circulum Azimuthalem (cum lorica circumcircà à pavimento planè altitudini Pedestalis, sive circulo Azimuthali, ut pag. 176 diximus, respondeat) imponi; ut itaque haud multo labore Tibi liceat Quadrantem, quoties quoties placuerit, examinare, & declinantem, si opus, accuratè restituere & redintegrare.

Sed redeamus ad fenestras illas minores, quæ eo etiam fine sunt conditæ, quò globum quendam ab omni parte versatilem cum tubo, canali ejus indito. (ut in camerâ obfcuratâ consuevimus) cuilibet fenestræ ad observandas Maculas, nec non Eclipses Solares infigere possis. Nam Turris hæc ita est constructa, quando ab omni parte clausa, januaque occlusa est, ut ne minimum lucis adventitiæ admittat; ad instar obscurissimæ alicujus cameræ, in quâ species rerum objectarum excipi, nec non Maculæ, Eclipsesq; observari solent: quemadmodùm etiam anno 1645 Eclipsin Solis in eâdem Turri tunc ex voto annotare, ac delineare nobis obtigit.

Hæc Turris, licet non amplior sit duodecim ped. nihilominus, antequam alteram meam Speculam capaciorem subdialem in anterioribus & altioribus ædibus meis exædificavi, etiam unà cum hoc Quadrante Azimuthali in eâ Sextantem illum orichalcicum trium pedum Sideribus adhibui. Quippe cuilibet loricæ fenestræ, sive transtro Fulcrum aliquod, pro sustentando illo Sextante cum suo globo versatili, firmiter retinaculo quodam affigi potest; sic ut ab omni Cœli plagâ Distantias percommode obtainuerim: prout etiam multoties, anno videlicet 1652, annum usque 1656 mihi feliciter obvenit; cum primis micante Cometâ eodem anno 1652: uti clare patebit ex Lib. II. Machinæ hujus Cœlestis. Non minus Telescopia, quorum longitudo duodecim ped. non excessit, in hæc Turri ad Cœlestia promptè dabatur dirigere; ita ut adhuc sit ad Observatio-nes quasvis aptissima.

Quem in finem fenestre minores conditæ sint.

Hac Turris & Sextani mediocri per-commoda est.

Atque hæc sunt, quæ de hoc præstantissimo Quadrante Azimuthali, ejusque Turri sive Speculâ dicere, & admo-

Hunc Quadrantem Azimuthalem au-

*Auctor inter
sua præcipua
reponit Or-
gana.*

nere operæ pretium esse duxi. Quem sanè inter reliqua mea præcipua, & maximè necessaria Instrumenta Astronomica meritò repono; qui non solum olim ante 30 ferè annos exquisitissimæ fuit operæ, sed adhucdum æque accurate ad unguem, ut antea, officio suo fungitur; & ut facere id etiam possit, sanctè à me conservatur. Quanquam, ut verùm fatear, fuit quoque unius & alterius anni labor haud exiguus, priusquam illum Quadrantem ad eam perfectionem redegerim, & ad lineam Meridianam constituerim, ut ea ipsa nunc, quæ olim, exactissimè commonestret. Quod equidem haud adeò facile factu, quam dictu est; omnia & singula, tum Divisiones, Regulam, Dioptras, & quæ his appertinent, examinare, approbare: quemadmodùm experti Astrosophi ultrò agnoscent.

*Quenā hoc
Quadrante
Auctor per-
eget.*

Hocce Quadrante Azimuthali initio Observationum mearum Elevationem Poli Gedanensis, nec non ab eo tempore Declinationes, Altitudinesque Meridianas Fixarum in hunc usque diem, quotiescunque tantum Cœlum faverit, summâ diligentia sum dimensus. Imò, sicuti ab anno 1652 Altitudines Solis Meridianas singulis serenis diebus rimatus sum; sic quoque & nunc indefesso studio, quando occupationes meæ gravissimæ tantummodo permittunt, prosequor; nec ullum aliquod Æquinoctium, Solstictium, & hujus generis alia notatu digna elabi lubens patior, dummodo occasio, Cœlumque non prohibent; sic, ut earum Observationum in hunc usq; diem ingens numerus apud me asservetur. Quæ, veluti mihi persuasum est, ad Motum Solis restituendum egregiam operam suo tempore abundè conferent: prout etiam re ipsâ jam superque in condendis & restituendis Tabulis nostris Solaribus sum expertus. Faxit Deus, Cœli Siderumque Director, ut, sicuti in hoc Motu Solis, sic & reliquorum Planetarum Meatu in Divini Nominis Sui Gloriam, Posteritatis commodum, Reique Astronomiæ incrementum nobis, pro amicorum, nostroque voto, propositum succedat!

*Adrestiu-
endum Siderū
cursum mini-
mum nonnul-
la conferent
nostræ Obser-
vationes.*

CAPUT X.

*De Quadrante Magno Horizontali
Æneo Volubili.*

Cùm igitur ad majora Organa nostra pervenerimus, ordo tangit, ut in gratiam Astroosphorum nunc Quadrantem nostrum Magnum Horizontalem, peculiari munitione Regulâ, descriptum ac graphicè delineatum demus: quemadmodùm is etiam sanè meretur. Hujus generis enim vix puto adhuc à quopiam esse conditum, si totam fabricam, amplissimumq; apparatus ejus probè spectes. Ple- runque absque omni Regulâ, solo tantùm perpendiculo, fabricantur: cùm tales Quadrantes & longè faciliùs, minorique sumptu sint constructu, ac adeò exquisitâ circum-spectione in ipsâ directione haud opus habeant. Verùm, quò sunt simpliciores, eò profectò etiam sunt minùs accu-rati, & nunquam, in primis sub dio, flante vel leviusculo vento, Observationes èà perfectione in ipsis Secundis, ut quidem hocce nostro Quadrante Horizontali, expedi-untur.

Exhibeamus autem hunc nostrum Quadrantem initio à fronte, & quidem èà ratione, ut in Speculâ suâ, ejus gratiâ exædificatâ asservatur. Quò ab hoc latere primùm omnia & singula comprehendendi possint: quomodo nempe in dictâ Speculâ, seu Tabernulâ supra columnam, in centro Observatorii constitutam regatur & dirigatur. Vera itaque ejus magnitudo, quâ radium, ad quatuor & ampliùs cubitos, sive ad sextum & dimidium pedem excurrit; ita ut ex parte adhuc priorem Tychonicum nostrum ligneum excedat. Omnes & singuli tam Quadrantes, quâm Quadrati, quibus Tycho usus est, ad hujus amplitudinem haud pervenerunt, exceptis duobus; ligneo videlicet illo Auspurgensi, qui, ob nimiam suam ponderositatem atq; stru-cturam, Observationibus minùs convenientem vix ad Sidera, ut mea fert opinio, adhiberi licuit; quam ob causam Tycho quoque, quantum sciam, haud quicquam no-tatu

*An tale o-
mni ò Orga-
nū bastans
jam si extre-
ctum, dubia-
tur.*

*Quadrantes
Regulâ dona-
ti sunt pra-
stanniores.*

*Facies Qua-
drantis ani-
ca.*

*Magnitudo
hujus Qua-
drantis.*

*De Qua-
drantibus Ty-
chonicis.*

tatu dignum hocce Quadrante Auspurgensi deprehendit; deinde Quadrante illo Murali, si hocce Instrumentum Quadrantem appellare debeamus: quippe non nisi solus extitit arcus muro affixus, utroque crure destituto, atque remotis omnibus retinaculis & contignationibus, quibus merito componi, atque constringi debuisset. Hisce enim omnibus denudatis, vix parum admodum ulli ejusmodi Organo tribuendum est. Appellat autem Arcum hunc Tycho Quadrantem Maximum Muralem; qui tamen quinque tantum fuit cubitorum; at noster hicce Quadrans Horizontalis est ferè $4\frac{1}{2}$ cubit., vix semicubito minor. Adhæc non ex nudo arcu constat; sed ut à fronte multiplicibus variè inter se tenaculis, sustentaculis & contignationibus robustissimis orichalcicis, solidè inter se combinatis est compositus, sic ab altera parte adversa trabibus quoque transversis plurimis ei optimè est prospectum: quo eò firmior & aptior esset, in quamcunque plagam ad dirigen-
An maximus Tychonis Quadrans multiò fuerit hoc nostro major?
Combinatio Quadrantis. dum, debitumque planum retinendum. Nisi enim tale vastissimum, ac solidissimum Instrumentū ea ratione esset constructum, nequaquam profecto rectitudinem, perfecti-
onemque suam omni tempore conservaret: prout suo lo-
co dicetur pleniùs.

Plurima ad iutoria in usum hujus Quadrantis invenienda fuerunt. Ad commodiorem verò hujus Quadrantis usum tot ac tot adminicula recens excogitata, atque huic Organo applicata fuere, ut nesciam à quibus primùm inchoare debebam; imò etiamsi vel maximè velim, nullo tamen modo omnia & singula adeò perspicue vel delineare, vel describere potero, ut universi, præprimis qui similia haud ipsi met oculis usurparunt, quævis rectè ac planè intelligent; quin- etiam, credas velim, nonnullos, ut ut aliis sint attentiores, atque hujus rei benè gnos, aliquoties sanè hocce Instrumentum visuros, antequam dimidiam tantum partem debitè animadvertant, ac plenissimè comprehendant. *Ob multitudinem rerum vix omnia & singula adeò accuratè describi possunt* Quippe, ut verum fatear, nec ipse ego, licet singula ex meo solo cerebro prodierint, ac confecta fuerint, possem adeò distinctè Tibi eum sub adspectum ponere, nisi mihi hocce Organum sub oculos assidue versaretur. Nihilo tamen minus




Fig. K.

A. Steck del.

J. Saal Sculps.

minùs dabo operam, ut quantum fieri poterit dilucidè omnia proponam; reliqua verò Exercitatis Cœli Metatoribus ulteriùs rimanda, & perquirenda committam.

Denominatur autem hicce Quadrans Horizontalis ex eo, quod crus ejus superius ad ductum Horizonti parallellum omnino sit constitutum; altero verò crure sub linea verticali, sive funependulo existente; ad quod posterius etiam perpendiculum satis ponderosum, ex centro Instrumenti est appensum, cuius beneficio genuinus Quadrantis positus quovis tempore examinari licet. Id quod etiam maximè in omnibus Observationibus unicè requiritur; si accuratas Observationes peragere studeas: at quomodo id omnino fieri debeat, ac etiam commodè possit, infrà suo loco, in primis quando alteram adversam Instrumenti faciem, in quâ omnes illæ cochleæ eum in finem adornatæ sunt, ac latent, contemplabimur, commonstrare proposuimus.

De reliquo hicce Quadrans, perpetuò in suo hæret Tabernaculo, robustiori cuidam columnæ in centro firmiter consistenti impositus; de quo loco absque prægnanti aliquâ causâ haud movetur, nec adeò facile eò dimoveri, vel aliò ob summam ejus ponderositatem transportari datur. Nam, ni fallor, pondo est hicce Quadrans octingentarum librarum; nihilo tamen seciùs in suo loco constitutus, adeò leviusculus est, ut uno etiam solo digito quam facilimè commoveatur, vel mitiori aliquo vento quaquaversum agitur. Ipsa Specula, in quâ asservatur, sufficienti altitudine & amplitudine est donata, ut commodissimè ad quavis Observationes Instrumentum hocce exponi, ac rursùs etiam in eâ prorsùs tegi, & ab omni inclemenciâ aëris tutò conservari queat. Adhæc tribus constat lateribus, levioribus scilicet asserculis, ut & à parte superiori coopertis. Quando ad Altitudines Quadrans est expositus, tertią diametri parte extra Speculam versatur; sic ut superior Dioptra, cum toto crure verticali semper sub dio consistat: quam ratione Observator semper sub tecto Speculæ

Cur Quadrans HORIZONTALIS dicatur.

*Quadrates
præprimis ex
attissimè ad
planum verticale dirigendi sunt.*

*Quadrans
habet peculiare Tabernaculum.*

*Quanti sit
ponderis.*

*Directioni
ad nutum pa-
ret.*

*Specula est
commodissi-
ma.*

remanet, stando vel sedendo Observanda à primo ad nonagesimum Gradum peragens.

Specula stru- Estque dicta Specula Observatoria ita adornata, ut dupli contignatione gaudeat; unà videlicet altiori, in quâ Tabernacula, ac etiam ipse Observator, in præcedenti Iconismo nunc consistit, datâ videlicet convenienti altitudine; alterâ paullò decliviori, cui columna injecta est, & in quâ sedile versatile, scabellumque consistunt: eum quidem in finem, ut majores Altitudines ex illo pavimento, sive tessellato, aut stando, aut sedendo determinari possint. Nam si Altitudines sint majores, quàm ut Observator corpore erecto deprehendere eas valeat, scabella debita superiori contignationi superimponuntur; quò etiam omnium minimam Altitudinem dirimere queas; imò si nondum satis Tibi commodum videatur, poteris imponendis duobus asperculis inferioribus Speculæ trabibus, tertiam contignationem promptè adornare, ex quâ postmodùm, & commodissimè sedendo, quasvis Altitudines capere licet. Id quod Observatori nunquam non valdè opportunum, atq; gratum esse puto; pro re natâ nimirùm aptissimè vel stare, vel sedere, beneficio sellarum illarum ductilium. Potuisset quidem in superiori atque in uno eodemque tessellato Quadrans imponi, nec non Observations omnes peragi; sed studiò Specula nostra excavata est: ne nobis altitudine suâ prospectum superioris, & præcipuæ nostræ Speculæ impeditret.

Specula vo- Cùm verò hicce Quadrans non perpetuò ad Altitudi-
lubilis est, & nes Meridianas, sed pariter ad quasvis Cœli plagas expli-
promptè cir- catur, volui dictam Speculam, è ratione adornare, ut pro-
cumducitur. cliviter & promptè circumcircà ad circulum quasi posset
duarum ansarum ferrearum à tergo ejus affixarum benefi-
cio, ac quatuor crassiorum rotarum laminis ferreis arma-
tarum circumduci. Axes autem harum rotarum, ad infe-
Specula su- riores Speculæ trabes ita sunt affixi (id quod benè notes ve-
pra rotas gy- lim) ut cum radiis, ex centro Speculæ prodeuntibus, omni-
ratur. ñò coincidant; secùs profectò nec rotæ circumvolveren-
tur, nec ipsa Specula posset ad quasvis Cœli plagas circum-
gyrari

gyrari. Et ut ut corpus ipsum hujus Tabernulæ, ex crassioribus quercinis trabibus, tum asseribus abiegnis satis robustis sit constructa, hincque suo pondere haud careat; nihilo minus unius solius ministri operâ, corpore licet haud adeò usque valentis ad nutum circumagit.

Ne autem dicta Specula, ex crebrâ illâ reciprocâ agitacione loco suo emoveatur, atque sic vel impedimento Quadranti existat, vel ullâ aliâ ratione ei noceat, duos ferreos vectes teretes, ad rotas antecedentes affixos, pariter ad annulum quendam, circa columnam in centro Speculæ consistentem mobilem, cuneis itidem ferreis firmiter adstrinxi; quorum vectium, atque hujus annuli, circa columnam laminâ ferrea eâ parte munitam, tanquam in centro mobilis ope, Specula hæc nostra horsum prorsum circumduci, & nonnisi ad circulum in orbem agi potest, remanente eadem semper in suis semel constitutis limitibus: ratio est, quod axes, uti dicebam, planè suo ductu, ad centrum vergant, atque aliter per transversum scilicet illam commovere, ut ut vel maximè annitaris, haud sinant.

Sub ipso tecto transversarium ferreum, ab uno latere Speculæ, sive hujus Pergulæ, ad alterum affixū est, ad quod velamen beneficio annulorum appensum est; quò Instrumentum, quando intra Speculam dederit, vel revolvitur, peractis Observationibus velamine explicato & extenso, ab omni tempestate conservari, totaque Tabernula, undique claudi sic possit. Imò, quò Instrumentum eò sit liberius ab omni aëris inclemtiâ, aliâ tegete ab alio transversario dependenti, Quadrans superinduitur, nec non limbis in suis particulis distributus, unâ cum Pinnaciis oblongo linteo eum in finem confecto circumcircâ obtegitur ac constringitur: ne ex pulvere labem vel noxam aliquam Divisiones, & nitidissimè ille expolitus limbis super quem Regula illa amplissima arctissimè ei inhærens incedit, contrahat, nec Dioptræ vel minimùm lædantur.

Fulcris anterioribus Tabernulæ, plurimi annuli, ab utroque latere affixi sunt, nonnulli etiam à parte interiori Speculæ, qui tamen in Schemate depingi haud potuerunt;

*Quomodo
Specula sem-
per fixum re-
spiciat cen-
trum, orbeq;
suo nunquam
egreditur.*

*Quadrans
quâ ratione
ab omni aëris
injuriâ con-
servetur.*

*De annulis
anterioribus
Specula.*

quorum beneficio quatuor trochlearum, ipse Quadrans ad ductum Azimuthi, quounque loco etiam existas, vel Instrumento assideas lenissime admodum commoveri conceditur: at verò quâ omnino ratione, hoc loco, adeò brevibus ex ipsâ Delineatione describere, ne nimiam linearum, & rerum confusionem excitarem, commonstrare haud valeo: is, cuius aliquantò hæc penitus scire intererit, poterit ingenio suo, ea quæ tetigimus ulterius explorare: prout etiam mihi incubuit, cum illa omnia initio construxi.

*Singulare
beneficium o-
pe aliquid
cochlea Qua-
drantis jux-
ta ductum A-
zimuthi dñe-
gere.*

Quanquam posteà longè commodius adminiculum adinvenim; beneficio videlicet longioris cochleæ chalybeæ per foramina spiratim striata duorum globulorum ex oriente ductu A. chalco peculiari ratione versatilium transeuntis, atque ad sustentaculum, vel brachium quoddam ligneum circa columnam, supra quam Quadrans insit, mobile, tum etiam ad arcum, vel trabem transversam limbi Quadrantis adstrictæ. Quâ ratione, vix dici potest, quâm promptissime, simul lenissime, ad nutum & ad unguem, ad quodvis Azimuthum, vel ad ipsam lineam Meridianam Quadrans dirigatur: sinistrâ nimirùm manu cochleam torquendo, dextrâ verò, pariter ope alterius cujusdam cochleæ Regulæ affixa, Altitudines investigando: quemadmodum ex priore Delineatione K partim perspicere est. Adeò ut Quadrantem ipsum ne digito quidem apprehendere, sed solummodo dictis binis cochleis eum dirigere ad quemlibet verticalem, & quamcunque altitudinem opus habeas: prout deinceps, quando ad latus Instrumenti obversum pervenit, pleniùs explicabitur.

*Lumen omni-
ab observa-
tionibus a-
verendum.*

Cæterùm, vix aliud quicquam singulare superest de hac Speculâ admonendum, nisi quod in fundo ad tergum scilicet hujus Tabernulæ laterna sit affixa, quæ commodè claudi, ac rursùs aperiri potest, quò noctu in tenebris accensâ candelâ Divisiones Instrumenti distinguere, Observataque annotare liceat: quod ut aptè possit, mensulam in angulo Speculæ adornavimus, ut nihil non esset in promptu quod ad hocce negotium pertinere videretur. Atque ita notatis omnibus janua laternæ rursùs occluditur, ne lumen cande-

læ officiat Observatorum oculis. Nam, quò obscuriùs, eò perfectiùs cognoscuntur Sidera; atque obscurioribus noctibus exquisitiùs vel minima Cœli phænomena in oculos incurront. Dein, inferior & profundior illa pars Speculæ, sive crypta rotunda, in cuius basi, & ipsa columna, sive Quadrantis Pedestale affixum est, & sellam versatilem cum scabello nunc vides, plerunque operculo quodam semi-circulari ex asseribus confecto tegitur; ita tamen, ut in orbem agi, commotâ Speculâ ad ductum Quadrantis haud difficulter possit: nec unquam tegmen istud omnino removetur, nisi Altitudines 80 vel 90 Gradum dimetendæ occurrant.

Sed, ut ad Instrumentum ipsum, ejusque latus præcipuum, quod à fronte apparet redeamus, admonendum adhuc operæ pretium esse duco, quòd in Altitudinem Meridianarum Observationibus, sive diurno tempore Solari-
 um, sive nocturno reliquorum Siderum, haud opus sit anxiò esse animo de ipsâ linea Meridianâ, quando vel Quadrans eam appellat, vel transeat, nec ullius alterius operâ indigemus quâ admonemur, quando Sideris Culminatio instet, ne momentum transgressionis per Meridianum pereat, atque occasio quæ præcisè admodum observanda dilabatur; neque ante & post lineam Meridianam Altitudines continuò notandas habes, ut de Altitudine sublimiori certior fias; sed quovis tempore potes esse securus de ipso genuino Quadrantis situ, in ipsâ linea Meridianâ; licet vel minimum eâ de re sis solitus, planè ac si studio ipsum Instrumentum in circulo Azimuthali linea Meridianæ exquisitè applicuisses; & quidem adminiculo alicujus plumulae chalybeæ, ad retinaculum quoddam Quadrantis, circa partem superiorem Pedestalis ad a, certâ cochleâ adstrictæ: sicuti partim ex superiori Iconismo elucet.

Eà parte autem Pedestalis lamella orichalcica duabus fissuris, sive crenis confecta, itidem cochleis annexa est, & quidem eo loco columnæ, ubi Quadrantis planum, in ipsâ linea Meridianâ (id quod summâ diligentia eâ ratione quâ decet primùm investigandum erat) omnino accurate consi-
 stit.

*De Specula
cryptâ.*

*Quomodo
constet Qua-
drantem sub
lineâ Meri-
dianâ exister-
re.*

*Quo artifi-
cio id constru-
ctum sit.*

stit. Id quod facile & actutum etiam obtinetur, cum lamella horsum prorsum quantumvis commoveri possit, donec rem acu attingas. Constitutâ itaque hâc lamellâ crenatâ, vel anteridibus munitâ, plumulâque illâ dictâ chalybeâ eidem lamellæ probè applicatâ, ut leniter in crenas lamellæ incidat, vel ad anterides appellat, easque attingat, ac pulset; tunc profectò in vado ac tuto es.

*Quadrans
sub linea Meridianâ subsp
stens sonum
edit.*

Nam, quando Quadrans lineæ Meridianæ imminet, tunc plumula in citiorem crenam incidit, sonumque acutum edit, tempusque instat, ut Regulam ad desideratam Altitudinem deducas, Teque Observationi studiosè accingas: nam mox mox, aliquali tantummodo morâ interpositâ, plumula dicta in alteram exteriorem incidit crenam, rursùs sonum edens, Teque admonens, & certiorem reddens, Quadrantem nunc sub ipso Meridiano consistere tempusque instare, ut veram Altitudinem Meridianam quam justissimè determines. Atque sic haud opus est Observatori multum terere temporis Culminationibus invigilandis; sed quam promptissimè expediri possunt omnia, ac omni tempore cognosci quounque hæc vel illa ab ipso Meridiano absit Stella: id quod nemini non Scrutatori Siderum, haud potest esse ingratum. Quam quidem qualem qualem inventiunculam volui in præcedente Figurâ suo loco ad a meliori modo adumbrare; sed ob rem multiplicem delineandam, reique hujus exilitatem, haud potui adeò dilucidè, ut certè volui, illud ipsum Tibi ob oculos ponere: quacircà lamellam istam, nec non plumulam pulsatricem in fundo cryptæ, vel Speculæ, ad fulcrum Instrumenti separatim deponere placuit, quò haud difficulter intelligas, quâ ratione confecta, & adornata sint omnia.

*Divisio hu-
jus Quadran-
tis singula
Minuta, &
quina Secun-
da common-
brat.*

Dehinc, indicandum quoque est, quod ipsæ Divisiones, non solum Gradus & singula Minuta; sed & quina Secunda distinctè, & exquisitissimè monstrant; idque non tantum adminiculo linearum transversalium, ut plerunque in reliquis omnibus Instrumentis usu venit, sed quoque beneficio segmenti cuiusdam circuli, in certis suis particulis divisi, Regulæ applicati, & cochleis affixi, etiam accuratisimè

simè quina Secunda in limbo Quadrantis discernuntur. Etenim cùm quilibet Gradus in duodecim partes sit distributus, hoc est in quina Minuta prima, atque sic singula, mediantibus quinque peculiaribus circulis sint indicata, volui 61 partes duodecimas, unius scilicet Gradū in peculiarem arcum Regulæ adstrictum transferre; hunc arcum $\frac{61}{12}$ scilicet partes unius gradū, sive $\frac{1}{12}$ Grad., rursùs in 60 æquales dividi particulas, eumque Regulæ eatenus applicui, ut quando ipsa Regula per se, in unā quāvis parte duodecimā cujusvis Gradus justè existat, dictus arcus in suas 60 partes divisus omnino 61 partes in limbo Quadrantis, & nihil amplius comprehendat. Hoc si non accuratissimè observetur, atque arcus iste, sive explorator Secundorum Regulæ statim initio correctissimè affigatur, nunquam, crede, Instrumentum rectè, nec Minuta, multò minus singula Secunda commonstrabit; è diverso, si probè animadversa sint omnia, distinctionesque universæ ritè factæ, mirum in modum Minuta, & Secunda exquisitè commonstrantur, longè sanè melius & distinctius, quàm per lineas solùm nudas transversales. Hæ quandoquidem nunquam id ipsum tantà subtilitate, quàm arcus iste explorator in partes impares distributus, præstabunt. Nam in hoc segmento circuli, intervallum unius integri Minuti ferè adæquat intervallum unius integri Gradū, in ipso Quadrantis limbo, atque quinque Secunda, in dicto arcu pari ferè sunt amplitudine, quàm quinque integra Minuta, in præcipuo Instrumenti limbo. Hincque si omnia & singula correctissimè sint divisa, & confecta in hoc amplissimo Quadrante, non tantùm quina Secunda, sed & quævis bi- na vel terna Secunda planissimè deprehendes. Cùm autem hæc Graduum distributio singularem poposcat diligentiam, volui ipsem̄ manu meā, summā curā eandem perficere; quanto autem labore, solicitudine, temporis- que dispendio confecta fuerint omnia, non meum, sed eorum, qui oculis hocce Organum usurparunt, est recensere. Molestissimum profectò fuit, ejusmodi vastissimum, & ponderosissimum, quod nec ego solus, nec aliis quisquam

regere

*Quā ratio-
ne Secunda
commonstre-
tur, per arcū
exploratore.*

*Ope segme-
ti cuiusdem
circuli sub di-
visi, præcisè
cognoscere Se-
cunda.*

*Auctor ipse
Quadrāiem
in suas par-
tes distribuit.*

*Tale amplis-
simum subdi-
videre Instru-
mentum ma-
ximi est labo-
ris.*

regere poterat , semper operâ quorundam robustissimorum virorum inter dividendum, ad obtinendam lucis commoditatem commovere, imò nonnunquam huc vel illuc transportare , nec non aliter, atque aliter disponere. Magna sanè differentia intercedit inter tale vastissimum, atque unius aut alterius pedis Instrumentum ; hoc ad lubitum regi, circumduci & collocari nullo negotio potest ; at illud haud adeò leviusculo labore, maximâque molestiâ : ut taceam, qualem apparatum Divisionis negotium, in his majoribus Instrumentis efflagitet, quales amplissimas Regulas chalybeas, circinos diversissimiique generis ; variaq; compendia eo tempore illum in finem excogitata, atque haud vulgari sumptu constructa. Ex quibus quodammodo colliges, Benevole Lector, tum quam operosum fuerit, tale condere Instrumentum, tum quibus sumptibus fuerit comparatum.

Res fuit multa opera, ac magnorum sumptuum bunc Quadrantem construere.

Egregius Artifex & Automapæus duobus Sociis adjutus ferè per triennium huic Quadranti, nec non sequentibus Sextanti & Octanti operam navavit, priusquam illa omnino perficerit : quanquam præcipuus Artifex fato cessit, antequam ultimam manum illis adhibuerit.

Insignis modus singula Secunda distingendi.

De binis Regulae dioptris.

Atque hæc nunc sunt, quæ brevibus etiam de Divisione & Regulâ ejus dicere voluimus ; nisi quòd adhuc restet suo loco describendum & delineandum, Cap. videlicet XV, ubi de Divisionibus ex composito agendum erit : quâ ratione etiam singula Secunda in peculiari orbiculo ex ejus indice, ope cochleæ directoriæ denotentur, & quidem adhuc longè accuratiùs, quam in ipso Instrumentorum limbo, licet etiam arcum illum exploratorem Regulæ affixum adhibeas. Sequuntur nunc Dioptræ, quarum binæ, Regulæ alias satis crassæ ac latæ, & quidem ad angulum normalē affixæ sunt : ad centrum nimirūm Quadrantis lamella quadrata (ut in superiori ligneo Quadrante) in cuius centro minusculum foramen perterebratum est, pro Observationibus videlicet Solaribus ; ad limbum verò, oculum versus Observatoris, Pinnacidium est appositum, quatuor crenulis seu fissuris, quæ pro re natâ magis magisque aperiri, rursusque claudi queunt : quâ verò ratione hæc inquam Pinna-

cidia

cidia sint confecta, peculiari capite, ubi de constructione Dioptrarum, & aliis quibusdam rebus, ad illas, aliaque Instrumenta pertinentibus separatim agetur, plenius describemus.

Nocte igitur ad Observationes Stellarum Quadrans hicce adornatur, ut in præcedente Figurâ K exhibitus est; die verò ad Solem, tubus seu canalis papyraceus amplificatus, & dilatatus circa inferius Pinnacidium applicatur (ut suprà partim jam diximus) ac ad Regulam, inter utramque Dioptram adstringitur, vel uncinulis ex annellis Regulae affixis appenditur; ita tamen, ut inferius Pinnacidiū planè spatiösiori canalis parte circumdetur, atque obscuretur: quò Solis radii per foramen superioris Dioptrae in circello inferioris eò distinctiùs clariùsve discernantur, omneque lumen adventitium omnino prohibeatur. Regula autem hæc non modò manibus sursum vel deorsum dederit, ut Tychoni aliisque hactenus moris fuit, nec binis funiculis, ejusque ponderibus, prout in Quadrante superiori Azimuthali commonestravimus; sed in hoc Quadrante singulare subsidium excogitavi, nusquam profectò hucusque usitatum, nec à quopiam adhuc detectum, vel descriptum: atque ideò, fateor ultrò, sudorem mihi esse elicitem, antequam rationem illam, Regulam rectè commovendi, ac commodè ex voto meo ad praxin deduxerim. Obstrigilatori fortè cuidam, percepto atque perlustrato hocce admoniculo, populare quidem & planissimum videbitur, nec grave ipsi erit istud consequi, ac simile effingere; ut quoniam Æmulatori Columbi; sed illum decuisset antequam hæc nostra vidisset ac clarè percepisset, hoc ipsum vel simile quicquam producere, & ad usum transferre; labori sine dubio pepercissem, eoque nomine Ipsi gratias habuissem.

Ipsa autem inventio in eo consistit, quod Regula qua-
quaversum attolli, ac deprimi, ad quemvis Gradum circi-
ter quam promptissimè possit; deinde beneficio unius so-
lius cochleæ Regulam limbo firmiter adstringere, & ni-
hilominus exquisitissimè, pro quavis Altitudine horsum

*Fistula via
foria pro Ob-
servacionibus
Solaribus Re-
gule anne-
ctenda est.*

*Singulari-
tatione Regula
hujus Qua-
drantis regis
tur.*

*Momus plo-
runque aliena
carpis;
persuaderique
sibi longè se-
posse præsta-
tiora.*

*Quid præstet
hoc novum di-
rectiōnis in-
veniū in pera-
gēdis obser-
vationibus.*

prorsum eam deducere, atque dirigere valeas; & quidem adeò leniter, velociter, & ad unguem, ut nihil unquam exactius possit. Unde accedit, ut Observationes hoc pacto,

Hoc artificio Regulas dirigendi multo accuratius nunc Observations administratur. longè sanè accuratius (absit invidia dicto) quam olim nudis manibus, etiam ab omnium exercitatisimo expediri nonnequeant. Nam Regulæ talium vastissimorum Quadrantum, cum oporteat, ut sint gravissimæ, ac robustissimæ, hæque rursùs necessariò adeò arctè limbo adstringendæ, ne loco suo vel quicquam exeant, sequitur ex necessitate, ut vix eapropter loco commoveri, licet utramque ei admoveas manum, difficulter admodum queant. In tali

Liberâ manu nemo Regula exactissimè dirigere valet. igitur vastissimo Quadrante, si Regula adeò strictè limbo adhæreat, prodeat quisquam sibi confidens se posse Regulam ad exactissimam Altitudinem, ubi nec Secunda negligi debent, liberâ manu deducere, ibidemque eam in eadem Altitudine tutò conservare; præsertim hyberno tempore, intensiori gelu, quando frigidissimum metallum, ex quo Regula constat, vix leviter attingere, multò minus tanto tempore hinc inde nudis digitis Regulam commovendo tractare permittitur. Eo inquam tempore, imò nec alio quovis, nemo profectò par est, talem ponderosissimam Regulam arctèque Quadranti adstrictam (ut omnino debet) ex voto attrectare & dirigere. At verò hacce nostrâ cochleâ directoriâ, volupe & oblectamento est Regulam convertere, & ad locum suum deducere, licet sit longè ponderosissima, Instrumentumque ipsum multò nostro amplius. Adhæc quod magis est, dum hâc nostrâ ratione Regulam huc illuc tractas, nunquam tamen ipse Quadrans motum Regulæ vel minimū persentiscit, sed semper immotus prorsùs remanet, nec perpendiculū ipsum vel quicquam loco suo emovetur: quippe cochlea in se ipsa tortuosa agitari, & quiete Instrumenti inturbatâ; & quod maximum, quovis loco tam firmissimè subsistit.

Maxima vis cochlea nostra directoria. Adminiculum cochleæ Regula per totū limbum liberimè potest agitari, & poteris quovis tempore manu chirothecâ indutâ, pro lumen Observationes peragere, manente perpetuò Regulâ prorsùs immobili. Quando verò Regula liberâ manu attollenda & deprimenda est, nimiùm quantum profectò Quadrans, ejusque perpendicularum è vero suo verticali situ emove-

emovetur, tantoperè ut isthoc pacto vix multo labore, haud exiguo temporis intervallo, vel unica Observatio recte & exquisitè expediri ulli detur: nimirùm quòd funependulum nunquam in suo debito loco justè retineri possit, ut ut omnium firmissimè ab omni parte Quadrans sit firmatus & constrictus: quemadmodùm quemlibet, qui hæc vel capere, vel sibi imaginari nondum valet, ipsa Experientia docebit.

Largior quidem ultrò, uti etiam indubitatum est, in ejus generis maximis Instrumentis, tales ponderosissimas Regulas possidentibus, perpendiculum aliter vibrare existente Regulâ in superiore parte limbi, circa primos Quadrantis Gradus, quàm circa limbi medietatem prope Gradium 45, rursùs etiam diversimodè, quando Regula ad 70 & 80 Grad. residet, in limbi scilicet fundo. Quadrans enim, huc vel illuc Regulâ commotâ, aliud atque aliud sibi acquirit centrum gravitatis: quà de re curiosus Rei Sidereæ Observator maximè sit sollicitus etiam atque etiam sua-deo; quò videlicet semper funependulum forte commotum corrigat, atque debitè reducat. Id quod autem in hoc nostro Quadrante tam facilimo negotio, & tam exquisitè, adminiculo certarum quarundam cochlearum è gratiâ alteri lateri, parti scilicet obversæ affixarum, nec non peculiariis alicujus ponderis ad transversariam trabem ferratam appensi, ut nihil supra perficitur: de quibus autem plenius deinceps. In summâ penitus confido neminem non, cùm recte & plenè hanc nostram rationem perceperit, atque cochleâ hâc nostrâ ipse usus fuerit, sponte concessum, ac confessurum, hanc inventionem non esse usque adeò trivialem, nec aliarum postremam: per quam nimirùm Organa nostra Astronomica hucusq; haud modicum, meo quidem judicio, creverunt, atque perfectiora redditâ sunt. Sine omni dubio fatebuntur omnes, ut olim Eximus Bullialdus cùm hîc Gedani commorabatur, aliiq; Præclarissimi Viri, qui nostris Observationibus sæpiùs interfuerunt, quòd quibusvis observatis, hâc novâ nostrâ ratione, plûs quàm hactenus (absit tamen vana gloriola) vetu-

In Quadratis
ribus majoribus
Regula non omni loco
co limbi eundem semper
conservant centrum gravitatis.

Certis quibusda cochleis funependulum facilius restituuntur.

Et hâc ratione Instrumenta reddita sunt absoluitora.

stiori modo acquisitis, sit tribuendum, quin-etiam quod longè facilius, atque expeditius peragantur. Ego, Divino auxilio adjutus, nec non operâ Exercitati cujusdam Cooperatoris, hac methodo, multò celerius duas, imò plures Observationes, tam Quadrante, Sextante, quam Octante (absit jactantia) me acquisitum confido, quam alius quisquam antiquâ ratione vel unicum solam: quemadmodum unusquisque harum rerum benè exercitatus pari Socio stipatus, haud pauciores sine dubio perficiet.

Hac nostrâ inventione Sol in circello pinnacidi semper quasi immotus subsistit.

Quâ ratione quoque, beneficio harum cochlearum posteris Solem in circello inferioris Pinnacidi, non solum per aliquot temporis Minuta, sed etiam per integrum Horam ita firmiter conservare, ut ne latum unguem eo exeat. Quid quæso, fortè inquies, potesne Solem adstringere, statne immotus, caretne omni motu? minimè prorsus; sed ut recte intelligas, Sol sive Terra, ex nostrâ sententiâ, ut ut motu fertur diurno, nihilominus illud ipsum, quod modò dicebam, ad effectum producere est in manu meâ; verum non solum illâ cochleâ Regulâ affixâ, quam dextrâ manu verso, sed simul alterâ illâ paullò longiori, cuius jam suprà memini, quæ simul Quadranti, simul brachio cuidam arcuato ligneo (sive sustentaculo) circa superiorem partem columnæ mobili adstringitur, atque Quadrantem juxta ductum Azimuthi, ut illa Regulam, in circulo verticali, regit ac convertit. Commotis igitur his binis cochleis directoriis, utrâque manu, Soleque scilicet existente in ipso Pinnacidi circello, Solem & secundum Longitudinem, & Azimuthi ductum concomitari simul adeò præcisè datur potestas, ut Soli nihil quicquam ex dicto circello egredi concedatur.

Remoto omnino Solis motu, longè exquisitus Observationes instituuntur.

Nonne igitur hac ratione, quæso, accuratas datur administrare Observationes? cum Solem in Pinnacido immotum quasi cernamus, & velocissimus Solis vel Terræ motus nos minimè urgeat, nec obstet, quò eum tantâ promptitudine assequi, juxta utrumque scilicet diversissimum motum valeamus; præsertim, cum ex dicendis perceptis simul harum cochlearum ope, Divisiones quoque Minutorum exquisitius adhuc quam hactenus, & quidem in ipsis Secundis

Secundis distinguere posse. Anne ipse jam mihi adstipularis ? vetustiori modo, his binis cochleis directoriis denegatis, nequaquam posse, etiam ab omnium Exercitatoribus Cœli Inspectoribus, adeò accurate Sidera investigari, & per consequens etiam adeò certas (quod salvâ existimatione omnium dictum esse volo) minimè dari. Haud ergo perperam suprà asseruimus, me sperare in Astronomiâ cum tempore adhuc solidiora & altiora detectum iri; præprioris si Tu, mi Astrolophe, cum cæteris Strenuis Siderum Sectatoribus his nostris quædam adjicies. Inventis enim facile aliiquid addere. Nec omnino absurdum est, tractu longioris ævi, posse longè adhuc præclariora reperiri, quæ nobis neutquam modò in mentem veniunt, tum quasi impossibilia videntur. Interea dum præstantioribus admiculis nondum fruamur, his interim nostris acquiescamus.

Nunc aliiquid etiam dicendum erit de procerissimo illo canali vitreo, ad utramque oram capitellum habente, qui in Delineationibus K & L in superiori crure Quadrantis, ductu Horizontis parallelo conspicitur. Hic inquam canalis vitreus, plurimis uncinulis orichalcicis, multo Studio elaboratis (uti ex subsequente Figurâ L perspicies) cùm aperiri, claudiique, simul etiam prolongari, ac abbreviari cochleæ ductu possint, adstrictus est. Huic fistulæ tantum hydragyri infusum est, ut utrumque capitellum minimum ad dimidiā partem sit repletum. In superiori parte capitellarum parva foramina perterebrata sunt, quo aër liberum exitum, tum ingressum habeat. Estque hæc fistula eo fine Quadranti imposita, & quidem ad dūctum Horizontis, ut modò dicebam, juxta rigidissimum examen, parallelum quām accuratissimè, quo Tibi liceat, si quando nondum acquiescere velis nudo pérpendiculo, erecto Quadrantis cruri appenso, secundūm hanc fistulam argento vivo repletam, omni tempore Quadrantem ferè adhuc exquisitiūs, quām ex pérpendiculo, rectificare; quin-etiam, si probè sint animadversa omnia, & pérpendiculum, & hydragyrum omnino coincidant necesse est; hāc videlicet ratione:

Astronomia
utique majora
cum die ca
piet incremen
ta.

Fistula hy
dragyro reple
ta, quem in u
sum serviat.

Quomodo ex
dūcta fistula
cognoscas ge
nninum Qua
drantis posi
tum.

tione: in capitellis fistulæ vitreæ, colore quodam benè notabili, sive rubro, atro, cæruleo sive viridi, perinde est, linea vel terminus notetur, quo usque in utroque capitello argentum vivum ascendat; quando nimirum Quadrans omnium exquisitissimè, & ad amissim est constitutus, planumque ejus verticale pariter quam justissimè emendatum.

Ope hydragyrum ferè ex-actius, quam ex perpendiculo Quadrā restificatur. Nam, cum hydragyrum sit fluidissimum, pariter ponderosissimum, ad quemvis vel minimum motum est promptissimum; fieri igitur aliter haud potest, quam quod in quadrantis inclinatione, licet vix à quopiam deprehensibili, in hoc vel illo capitello, hydragyrum altius ascendat, metamque excedat, & quidem tanto, quanto in capitello altero à verò abest termino, vel infra eum existat; adde, quoniam fistula longitudine sex ferè est pedum, vel minima differentia ex motu situque hydragyri animadvertisit; multò sanè distinctius, quam ex solo perpendiculo, quod libero aëri semper exponitur, præsertim flante vento vehementiori. Ita ut hinc facile pateat, in quantum Instrumentum restitui debeat; quò rursùs ad pristinam redigatur rectitudinem.

Eximium hocce Organum tanto labore, sumptu-que prognatum, meretur conservari di-uisimè. Atque hæc ferè sunt, quæ de hoc priori Quadrantis hujus latere admonendum habuimus, nisi quod supersit, ut Inscriptionem illam, quam in bonam Auctoris, qui Instrumentum hocce adornare & exstruere curavit, tum in Artificis, qui singulari artificio illud elaboravit, memoriam, in frontispicio Quadrantis apposui, ac meâ manu insculpsi, hoc loco adjiciam; ut post decessum nostrum, si fortè hocce præstantissimum Instrumentum in manus alicujus Eximii Siderum Scrutatoris, vel Magni cujusdam Rerum Cœlestium Mœcenatis incidat, unde, & quò, tum in quem finem prognatum fuerit, non planè ignoretur. Meretur enim hocce Organum, quod tantâ curâ, tantâ diligentia, tantisque impensis adornatum, exstructum, & adusque sanctè conservatum est, & quocum tot ac tot Observationes peractæ sunt, ut porrò Rei Astronomicæ bono, in plurimos annos integrum & illæsum, si non à meis hæredibus, saltem à quopiam alio servetur, ejusque dignitas, ac decus sustineatur.

stineatur. Haud leviuscula, profectò, res est, non solùm tale amplissimum Instrumentum æneum exstruere, sed etiam posse de eo asseverare, esse ab omni parte correctum & exquisitum. Ideoqué maximè dolendum foret, si huic eximio Instrumento, aliisque nostris hujus generis post mortem meam non diutiùs solicitissimè prospiceretur, atque eandem adversam fortunam, quam Nobilissimi Ty-
Deplorandum, si quicquam adversum praeclaris Instrumentis obtingit.
chonis Instrumenta, experiri deberent; ex quibus vix ullum aliquod, quod sciam, amplius est residuum, vel duntaxat in suo pristino vigore & robore. Sed hæc est Rerum humanarum vicissitudo; alius maximâ curâ, industriâ, immensoque labore, atque sumptu haud exiguo nonnulla perficit, ac curiosè custodit; alius verò absque omni labore, ex socordiâ mentisque torpore ea indignè negligit, ac corrupti sinit: ut ista, quæ antea mille constiterunt, postmodùm vix alicujus levioris sint pretii. Verùm, ut ut sit, ac quamvis fortunam adversantem etiam hæc nostra Organa, successu temporis, post fatum nostrum experiantur, in hanc tamen spem erigor, Instrumenta mea haud otiosa & feriata Rerum Astronomicarum in Cimeliarchio fuisse spectacula, vel miracula, sed abundè jam affatim officio functa esse, meque multorum annorum spatio (de quo animitus DEUM O. M. veneror) tot ac tot millia Observatorium, præsertim illas, quas ab initio annuente Divinâ Gratiâ ardenter exoptaveram, iis jam feliciter peregisse ac obtinuisse; atque sic, Deo sit Gloria, Supellectilem hanc nostram Astronomicam haud fuisse vanam & inanem, nec sumptus in illam impensos fuisse, ac esse omnino irritos: cætera Deo & Posteritati committo, atque commendo. Inscriptio autem ipsa hujus Quadrantis hæc est:

*Ex propensiō affēctu excolendi & promovendi
Studium Astronomicum*

*Inscriptio
Quadrantis.*

HUNC QUADRANTEM,

Artificio planè novo fabricandum curavit

JOHANNES HEVELIUS,

Consul Vet. Civitat.

GEDANI

Anno Christi 1659,

per

Wolfgang Günter.

Perspe-

*Latus poste-
rius Quadrā-
tis elucida-
tur.*

Perspecto igitur, atque explicato latere priori à fronte, operæ pretium etiam esse duco, ut universis Artium sublimium Cultoribus pariter latus alterum illi obversum, & peculiari Schemate curiosè delineatum commonstrem, & debitè descriptum, quoad licebit, sub oculos ponam. Primò, Benigne Lector, plurima & diversissima cernuntur, quæ maximè suam habent necessitatem, atque merentur, ut aliquantò accuratiùs explicentur & enodentur; quanquam res plurimæ, ne aliæ aliis essent impedimento, atque nimiam excitarent confusionem, tum quod spatiū defuit, omis-sæ fuerunt; quæ tamen meritò haud debuissent: cùm egre-

*In apposita
Icone, Qua-
drans quasi
extra Taber-
nulam exhibi-
etur.*


gium usum Quadranti tribuant. Quò autem eò clariùs atque enucleatiùs sub adspectum ponerem singula, volui ex composito in hâc Figurâ L, quasi extra Speculam (in quâ alioqui perpetuò asservatur, & extra quam nunquam Cœlo est adhibitus) etiam sub Dio Quadrantem modò ostendere, & non nisi istum super suo fulcro consistentem, cum solâ basi tabernulæ, ejusque cryptâ, in cuius centro Pedestale est

*De Pedesta-
li, atque pe-
culiari Sustē-
runculo Qua-
drantis.*

infixum hoc loco exhibere. In quo nunc Pedestali Quadrans insidet, vel potiùs, in quo columella illa teres longitudo Sustentaculi sive Retinaculi istius robustissimi ferrei, à quo totus Quadrans est appensus, & sine quo Instrumentum ad Sidera convertere factu planè esset impossibile, injœcta est. Verùm ut Instrumentum hocce vastissimum, & ponderosissimum eò minùs nutet, vel se se commoveat, columna hæc (h. e. Pedestale) ultra medietatem, ut vides, perforata ac excavata est; atque sic columella Sustentaculi ad fundum usque immisfa, & quidem in canaliculam chalybeam quandam, in cuius fundo crassiuscula lamella chalybea, parte convexa politissima est inserta, ut possit eò procliviùs leviusque columella hæc Retinaculi pariter circa extremitatem apprimè expolita & terfa, vel potiùs totus Quadrans cum toto suo apparatu, in tubulo dicto chalybeo super istam lamellam convexam commoveri ac circumagi.

*Ut ut hocce
Instrumentū
sit ponderofis-
simum, admo-
dum tamē est
volubile.*

Et quamvis hocce Instrumentum aliquot centum libras sit, æquet; cùm sit ex solido prorsùs metallo (excepto unico illo brachio, seu retinaculo ligneo, ad quod longior illa cochlea



A. Stech Delin.

Fig. L.

J. Saal Sculps.

cochlea directoria adstringitur) attamen uno digito leniter & faciliter commovetur, imò leviusculæ auræ quantocyùs cedit.

Ut autem ordine & perspicuè hanc descriptionem exordiamur; primùm in genere quædam de posteriori Quadrantis facie recenseamus. Nimirùm omnia & singula quemadmodùm in priori facie ex puro constant orichalco, sic in hâc quævis ex chalybe & ferro sunt fabrefacta; imò et si vel maximè ex orichalco ea fieri voluisse, nullo tamen pacto, quia orichalcum nimis molle, id consultum fuisse, tum nunquam istud robur Quadrans hic acquisivisset, ut adeò constanter, ubiunque etiam eum arripias, planum suum debitum hucusque retinuisse. Quò verò Quadrantem eò fortiorem & solidiorem redderem, partesque ejus inter se invicem eò firmius constringerem, singularem omnino rationem (quà postea universa nostra Organa constructa fuere) Instrumenta exstruendi excogitavi, ut tanto pondere, tantâque crassitie, nec ex puro metallo fusis solidisque trabibus quadratis ea condere minimè necessum habeamus. Quæ quò crassiores sunt, eò magis se pondere suo incurvant, minùsque Instrumenta corroborant: prout clariùs id demonstrare possem, si non vererer, Te longis ambagibus detinere id fore molestum.

Ratio autem hæc nostra combinandi & corroborandi Instrumenta hæc est: Universas illas laminas orichalcicas planas, ex quibus tum útrumque crus, tum ipse arcus, omnesque contignationes ab alterâ parte obversâ transversis plurimis trabibus figurâ parallelepipedâ, cuius hædræ amplius duobus digitis circiter latæ, tenuiores verò quartâ tantùm parte unius dñiti ferè crassæ existunt, ad angulum normalem respectu partium dictarum orichalcicarum dispositis, ac plurimis ligamentis ac cochleis adstrictis ita consolidavi & confirmavi, constringendo nimirùm lamellas dictas illas orichalcicas cum his trabibus chalybeis benè latis crassisque inter se invicem, atque sic totum Instrumentum, ut ne latum quidem unguem huc vel illuc se incurvare, vel hâc vel illâ parte à rectitudine suâ &

*Totum In-
strumentū ex
solido constat
metallo.*

*Singularis
modus Instru-
mēta exstru-
endi, combi-
nandi, & con-
solidandi.*

*In quibus
arificium co-
sistat.*

*Totum Instrumentum
commodè potest disolvī &
rursus coadūnari.*

perfectione discedere queat; eatenus tamen, ut, quando occasio id posceret, rursus partes omnes, cochleæque restringi & resolvi haud ægrè possent, atque sic Instrumentum illud, si opus foret, aliò transportari. Quam quidem rationem fabricandi, & consolidandi quævis Instrumenta, allaboravi certè quàm dilucidè unicuique Mathematum Cultori sub adspectum ponere; sed cùm in adeò arctissimâ paginâ minimè illa ita distinetè delineari potuerint, oportet omnino eum, cuius rei hujus interest, ut eò clariùs mente rem volvat, donec omnia assequatur, adquæ praxin ea ducat; haud difficulter tamen rerum Mechanicarum peritus dicta intelliget, re ipsâ etiam cognoscet, negotium hocce ex voto succedere.

*Quæna corpora oblonga
se magis in curvēnt.*

Sed, priusquam pergamus, haud alienum erit cognoscere, prout Mechanicis abundè innotuit; universa scilicet oblonga & extensa corpora solida, sive sint lignea, sive ex quocunq; metallo constata, sive figurâ cylindricâ, quadratâ, hexagonâ, sive octogonâ constent, perinde est: ista inquam corpora, exempli gratiâ, trabes quadratæ, quando respectu crassitie i insigni longitudine gaudent, tunc profectò se se magis incurvant, ut ut videantur satis robustæ, quàm corpus aliquod parallelepipedum, inæqualibus scilicet hædris, præsertim duabus benè latis respectu reliqurum constans; utpote asferes, licet uno aut altero digito tantùm crassæ; sed ut rectè intelligas, hædris suis latioribus scilicet arrectis. Pari modo vectis, vel pertica ferrea quadrata æqualium laterum faciliùs se se inflectit, quàm pertica ferrea æque longa, quæ inæqualibus hædris, duabus scilicet altioribus constat; licet reliquæ duæ satis sint tenues: ut ipsa experientia testatur. Hincque certissimum est, quòd duæ perticæ formâ parallelepipedâ duobus latioribus, si ad angulum normalem, uno nempe latere tenuiori arresto ad hædram perticæ latiorem seu explanatam, sive altiorem conjungantur, & firmiter inter se invicem clavis capitatis, sive cochleis affigantur & adstringantur, multò certè magis omni incurvationi resistant, rectitudinemque suam semel inditam conservent, quàm perticæ solidæ quadratæ,

*Corpora ex-
planata certo
modo se mi-
nus inflectunt,
quam quadra-
ta oblonga.*

dratæ, ut ut sint multò illis binis inter se invicem adstrictis ponderosiores. Nam, cùm binæ perticæ ferreæ parallelepipedæ æquales longitudine, unius digitii quartâ parte latæ sive crassæ, & duobus digitis altæ, exempli gratiâ, octo tantum librarum sint pondo; pertica, vel trabecula, ex simili metallo quadrata, æqualia scilicet latera habens duorum itidem digitorum, è diverso non octo, sed sexaginta quatuor libras adæquabit; hoc est, octies hæc illâ erit gravior, & nihilo minùs faciliùs erit hæc gravior regularis incurvatu, si utrâque cuspidè tantum quiescere debeat, quàm illæ binæ, inter se invicem transversè ad angulum rectum, respectu latiorum suorum laterum, conjunctæ & constrictæ. Quippe alterum corpus oblongum adeò explanatum, alterum eà ratione, ut diximus, ad angulum normalem inter se combinatum & conjugatum, ægrè admodum cedit incurvationi, licet utrumvis separatim ab explanato latere quàm facilimè obliquari, vel leviusculâ potentia possit. At verò, cùm transverso situ illæ trabeculæ parallelepipedæ cohaerent, altera alteri resistit suâ altitudine, quò minùs vel ullo pacto huc vel illuc obliquari, vel à rectitudine detorqueri possint, nisi adhibitâ aliquâ vi immensâ. Proinde persuasissimum Tibi habeas, quòd Instrumenta universa ænea (sicut etiam res aliæ diversæ) hâc nostrâ ratione longè faciliùs, minorique sumptu, nec non multò minori pondere sint paratu, tum quòd sint immane quantum validiora per se, & firmiora contra omnem potentiam, quàm si crura, arcus, retinacula, sustentacula contignationesq; omnes ex solido metallo, ab omni latere æque crasso composita & exstructa fuerint.

Atque hæc, quæcunq; dicta fuére, non sunt nudæ mentis ideæ, sed in ipsâ praxi locum habent, prout etiam haud secus esse ipse abundè satis sum expertus. Quapropter etiam ex composito universa mea Instrumenta eo modo fabrefieri curavi. Quæ, si ex quadratis trabibus æneis fusis combinata & conflata essent, profectò octies forent graviora, quàm modò sunt. Hincque Quadrans hicce nostro artificio constructus, qui modò, si rectè memini, cum omni suo

*Non omne
corpus gravis-
us incurva-
tu est diffici-
lius.*

*Explanata
corpora ceriâ
ratione inter
se invicem co-
juncta incur-
vationi ma-
xime resis-
tunt.*

*Hâc nostrâ
costruendi ra-
tione Instru-
menta longè
sunt robustio-
ra, & nibilo-
minis levio-
ra.*

*Si Auctoris
Organa ex
quadratis tra-
bus suisent
construta,
multò gravi-
ora.*

*ora extitis-
sent, sed ad di-
rigendū neu-
riquā idonea.*

apparatu 800 libr. æquat; at alterā ratione aliquot millium
librarum pondo existeret. Quæso, quantos sumptus tale
Instrumentum sibi deposceret? foretne etiam, ob nimiam
istam ponderositatem, ad Observationes aptum, vel ullā
ratione à Viro etiam aliquo robustiori tractabile? in pri-
mis, quid in Sextantibus & Octantibus accideret (si tantā
crassitie constaret metallum) qui suo soli centro insistunt,
ac quorum omne pondus in centrum unicè devolvitur?
*Instrumenta
Auctoris ra-
tione minori-
bus impensis
conficiuntur.* Vides igitur, nostro invento majora Organa & leviora
minoribus impensis extrui posse; adhæc, quò leviora, eò
fanè sunt Observationibus convenientiora, præstantque
cæteris: id quod commonstrandum erat.

*Quadrantis
centrum gra-
vitas sit pro-
bè explorata.* Ideoque ratio illa me impulit, ut chalybeas trabes ex-
planatas duorum poll. altas, & unā quartā ferè parte unius.
digiti latus hinc inde Quadranti huic supposuerim, atque
ad laminas orichalcicas ejus plurimis cochleis capitatis
firmissimè erecto situ, ut perspicis, adstrinxerim; non so-
lùm arcui, sed reliquis omnibus partibus transversariis,
numero videlicet septem; circa verò centrum gravitatis,
quod summâ diligentia investigatum est, in quo omne
robur consistit, insuper adhuc alia quædam retinacula, &
transversa ligamenta chalybea apposui: ut eò tutius in suo
robore Instrumentum conservaretur. Quæ tamen omnia &
singula in Delineatione L, ut quidem desiderabam, adum-
brari haud potuerunt; nihilo seciùs, puto, ea omnia Te pro-
bè intellecturum; præsertim ex adjecto specimine ejusdem
fabricæ, trabium scilicet erecto situ ad partes Instrumen-
ti explanatas affixarum, in Figurâ L ad partem inferio-
rem columnæ exhibito, ut pluribus haud opus sit ea dilu-
cidare.

*Limbis trās-
versarium,
quens in finem
sit affixum.* Trabs illa chalybea obliqua; quæ limbum sive arcum
Quadrantis fulcit, cum primis affibrè est elaborata, æquali
undique altitudine ac latitudine donata & limata, tum ad
ductum circuli competentem diligentissimè incurvata. Non eò solùm servit, ut limbum sufficienter corroboret,
sed ut quoque possit in hujus explanatæ, & ad angulum
rectum erectæ trabis quâvis parte canaliculâ, quæ cochleæ
dire-

directoriæ sub Regulâ affixæ adhæret, adstringi: quò non nequeas, hujus cochleæ beneficio, Regulam huc illuc exquisitissimè commovere, simul etiam, peculiari à nobis itidem primùm inventâ ratione, singula Minuta & Secunda in aliquo annexo orbiculo ferè adhuc distinctiùs, quàm in ipso limbo sive ex lineis transversalibus, sive ex affixo illo arcu exploratore cognoscere: sicuti deinceps Cap. XV fusiùs explicabitur. Quod si hocce limbi transversarium non undique esset unius ejusdemque crassitie, atque circulum non exactissimè suâ obliquatione æquaret, fieri profectò haud posset, ut canalicula illa dicta æque leniter ubivis applicaretur & affigeretur, si nimirùm vel minimam inæqualitatem referret; quemadmodùm nemo non in ipsâ praxi experietur: quanti nimirùm sit laboris, tale Instrumentum amplissimum hâc ratione adornare; quamvis in minoribus longè minoris sit operæ. Nam, dum ejusmodi vastissimi arcus fabricantur, fieri sanè aliter haud potest, etiamsi omnem initiò adhibeas industriam, quàm quòd sæpiùs, dum tot ac tot clavis capitatis & cochleis striatis affiguntur limbo, inæqualitates hinc inde pariant; quæ emendari autem minimè possunt, nisi toties ac toties, quoties id contingit, innumeratas illas cochleas recludas, trabem subiectam adimas, atque omnem asperitatem læves, omnesque incurvations reducas: id quod pariter in cæteris transversariis chalybeis, Quadranti affixis & affigendis Tibi haud raro obviam venit, ut vel decies ea rursùs adimere, tempusque terere multiplicibus illis cochleis relaxandis, & vicissim constringendis cogaris; licet transtra illa initiò ad normam chalybeam quàm accuratissimè sint deducta, & limâ rectificata. Exinde plus ferè temporis hujus generis Instrumentis majoribus corrigendis, & ad debitum planum deducendis consumitur, quàm iis conficiendis & elaborandis; sicut experientia abundè me edocuit. Verùm è contrario hoc singulari beneficio gaudes; quando ejusmodi ex solido metallo affabré elaborasti Instrumentum, illudque omnibus modis absolutum & perfectū reddidisti, quòd sit opus longioris ævi, & constantissimum;

*Maximâ
quidem mole-
stia Instru-
menta Auto-
ris ratione cō-
struuntur.*

*Sed rursùs
maximo Ob-
servatorum
commodo.*

ita ut securus omnino esse queas, nullo tempore illud posse vitium vel labem contrahere, nisi graviori potentia, summaque vi laedatur. Id quod in ligneis profecto nunquam praestabis, licet in iis adornandis nulli labori parcas; at tamen successu temporis alterantur & corrumptuntur.

Nunc ad columellam chalybeam, de qua Quadrans hic te pendet, deveniamus; quæ ubi & quomodo affixa sit, & quâ ratione columella hæc dirigi debeat, ut Quadrans perpetuo planum Horizontale & Verticale exactè conservet, atque in omni Cœli plagâ correctissimè subsistat, hoc ipsum, fateor, multum mihi facescivit negotii, nec fuit adeò levioris indaginis. Etenim, cùm hicce Quadrans nec parte superiori, nec inferiori usquam insistat, vel inhæreat, neque circulo Azimuthali, nec muro, neque robustiori trabi, ut quidem Tychonicus, supra Speculam vel Turriculam expansæ incubet & quiescat; sed solummodo in se ipse consistat, sequè solus sustentet, nec non dirigat ac commoveat, artis sanè fuit (prout ex ipsâ Delineatione patet) hoc ipsum ad effectum commodè deducere. Aggressus autem id sum eadem ferè ratione, quâ priorem Quadrantem Ori-

chalcicum minorem Cap. II dirigere suscepseram. Primò, magnum, robustum, satisque longum ferrum quinque scilicet ped. longit. fabricari jussi, dimidiâ parte ad tres ferè pollices latum, atque ad unum ferè crassum, partem videlicet versus superiorem; pars verò reliqua inferior teres omnino facta est, cuius diameter ad duos, imò 2*½* dig. penè accedit. Hac parte ferrum istud, vel potius Quadrantis Sustentaculum vel Retinaculum Fulcro ligneo excavato, per foramen ferreum adæquatum, quod vertici columnæ cochleis affixum est, quo Sustentaculum eò lenius & firmius circumvolvi possit, ad nodum usque ferreum, ubi pars teres desinit, immisum est. Secundò, in ipsâ perforatâ columnâ ad fundum matrix chalybea, sive canalicula constituta est (in quâ, ut suprà diximus, crassiuscula lamella parte convexa ac probè expolita inserta est) in hanc, inquam, matricem seu tabulam cuspis teres dicti Retinaculi itidem bene laevigata immittitur; quo totum Instrumentum eò promptius, levius,

Quâ ratione Quadrans columella sit affixus, & quo modo quaqua versum dirigitur.

Singulare & commodissimum Sustentaculum, ad sustinendum & dirigendum Quadrantem, ab Auctore constructum est.

levius, tum absque omni planè renixu circumduci, ac qua-quaversum dirigi nonnequeat. Ferrum autem hocce, sive Sustentaculum summè necessarium est, ut planissimè ad perpendiculum erigatur, atque sic in ipsâ columnâ consti-tuatur. Haud fieri tamen potest, ut vel totum Pedestale adeò præcisè sit erectum, vel ipsum Pavimentum Speculæ, cui insitit, ad libellam extensum, vel etiam columella Retinaculi initio statim adeò justè Fulcro sit inserta, ut ab omni parte perpendiculo omnimodè respondeat. Idcirkò quatuor cochleas chalybeas, per foramina striata sibi invicem oppositas Fulcro inserui, & quidem eo loco, ut ipsam matricem sive canaliculam, cui cuspis Retinaculi, seu potius ejus columellæ indita est, omnino decussatim quasi contingent: eo præsertim fine, si sustentaculum illud ferre-um, à quo totus Quadrans dependet, haud parùm à perpen-diculo deflecteret, atque se huc vel illuc inclinaret, bene-ficio dictarum cochlearum protinus maximâ parte corrigi, ac restitui posset. Nam alterutrà aliquantulùm laxatâ, rur-sùs hujus oppositâ totidem constrictâ, necessariò columel-la Sustentaculi reclusam cochleam versùs impellitur; sic ut totus Quadrans acclinet in contrarium, cochleam versùs, quam modò adstrinxeram. Adeò, ut hâc ratione, ceu haud obscurè deprehendis, & Retinaculum, & totum Instru-mentum dirigi & rectificari nonnequeat ad unguem. Quò verò facilior ad matricem, & columellæ partem inferiorem Tibi detur accessus (quippe res nonnunquam poscit, ut vel oleo cuspis columellæ oblineatur, vel cochleæ rectificen-tur) fenestellam eo loco Fulcri adornavi, quæ facilimo ne-gotio claudi, rursusque potest aperiri.

Ulterius; ad partem superiorem hujus explanati ferri, ad nodum scilicet ejus, ubi pars teres desinit, cardinem constitui, ut ibidem aliud simile ferrum tantæ crassitie, latitudinis & longitudinis applicari eatenus, quò suprà ver-ticillum mobile quodammodo aperiri, rursusque claudi nonnequeat, respectu videlicet prioris explanati ferri, par-tis Sustentaculi, cum suâ columellâ Fulcro inserti: haud dissimili modo, quo Retinaculum illud ligneum Cap. II

Qua-

Sustentacu-lum necesse est, ut ad li-bellam præ-cisè sit ere-tum.

Quando vero inclinet quomodo re-stui debeat.

Fabrica Su-stentaculi.

Quadrantis illius orichalcici constructum est. Huic insuper cruri mobilis robustus axiculus ferreus affixus est, de quo suspenditur Quadrans; & quidem ad partem mobilis cruris inferiorem, prope ipsum cardinem: quippe eo loco & dictum crus Retinaculi mobile, & axiculus maximam exercet potentiam, nec non ipse Quadrans ibidem omnium facilimè & promptissimè commovetur. Hæc bina crura nunc, si ductu parallelo penitus erecta sunt, se se invicem interioribus suis faciebus haud tangunt, sed ab invicem ad tres quatuorve pollices ob cardinem illum, supra quem crus mobile movetur, sunt remota. Quò autem hocce crus mobile eò minùs nutare, vel vacillare queat, quando vel parte aperitur, vel clauditur, projectura in acumen desinens huic cruri ad verticem affixa, in strigâ quâdam partis ad angulum rectum incurvatæ immobilis cruris ita est attata, ut in dictâ strigâ crus illud mobile leniter quidem commoveri, neutiquam autem ad latera divagare, vel vacillari possit.

*Construc^{tio}
Sustentaculi
dilucidius pa-
tei ex Sche-
mare S. Cap.
XIV. inser-
to.*

Deinde aliud ferrum instar brachii quadrarium quatuor ped. ferè longum, ad verticem mobilis cruris decisatim firmiter affixum & coadunatum est: sicut ex Figurâ L, præsertim illâ sub sequente S liquet, in quâ Retinaculum hocce aliquantò majori formâ, melioris intellectûs gratiâ, est adumbratum; ad cardinem verò, partem scilicet inferiorem hujus cruris mobilis, alia duo quasi robustissima brachia seu Fulcimenta, ex uno solido ferro fabrefacta robustissimis cochleis muscariis prævalide sunt adstricta; quem autem in finem hocce inferius, & illud superius Fulcimentum cruri mobili Sustentaculi fuerint applicata, mox dicetur ampliter.

*Beneficio
cochlea Re-
gia Quadrâs
ad planū ver
ticale exa-
ctissimè diri-
giuntur.*

Porrò, per foramen spiratum striatum immobilis cruris indita est cochlea quædam robusta satis longa, manubrio adornata, quæ rursùs mobili cruri usque est adstricta, ut libere tamen in foramine suo bene lævigato eam circumducere possimus: è caussâ, ut hujus cochlearum Regiam, ob insignem & regium ejus usum, appellemus) ope quando adstringitur, crus mobile unâ cum Quadrante possit aperiri, vel à parte immobili ulterius ad partem

tem oppositam promoveri & deduci; atque sic Quadrans, ejusque planum hâc ratione cochleâ illâ adstrictâ non nihil se se inclinare Horizontem versùs, nec non ipsum perpendicularum à linea verticali discedere necessum omnino habeat. Quòd si verò lubet perpendicularum reducere Quadrantem versùs, ut limbum arctius tangat, aut percutiat, vel, quod eodem recidit, planum Quadrantis magis magisque erigere, non nisi dictam illam cochleam Regiam vertere, vel recludere opus habes, manu scilicet dextrâ sinistram versùs; atque sic nullo labore, beneficio unius solius cochleæ, ab omni Cæli plagâ Quadrantis planum exactissimè, ut nihil quidem possit unquam exquisitiùs, restituitur, & ad dictum videlicet funependuli respectu plani verticalis corrigitur.

Veruntamen, quoniam totus Quadrans cum rebus omnibus annexis maximum habet pondus, atque ex uno solo axiculo, mobili cruri Retinaculi indito dependet, sic ut ab omni parte, tam superiori, quam inferiori planè sit solutus; hincque fieri penitus haud potest, ut Quadrans hicce, licet omnimodè illum ad libellam direxeris, in suo positu exactissimo aliquandiu perseveret, sed necessariò dictu citius à plano, situque suo vero jugiter discedat. Idcircò, ut huic incommodo prævenirem, quatuor illa brachia sive Fulcimenta excogitavi, crurique mobili Sustentaculi affixi; ne non Quadrans dicto Sustentaculo firmiter adstringi, ac per se ita corroborari & confirmari posset, quo semel Quadrante ad amussim restituto & correcto, constanter postmodum situm suum planissimè penitus conservaret, in quamcunque etiam partem verteretur: quin-etiam, quamvis non nihil à genuino exactissimo situ Quadrans exorbitaret, simul etiam juxta perpendicularum, vel fistulam hydrogyro repletam, de qua jam suprà dictum est, & punctum verticale, situm scilicet Horizonti parallelum (de quo ferè adhuc majora, quam à plano Instrumenti dependent) & quidem quatuor singularium cochlearum, ad quamcunque plagam is etiam sit expositus, eum exactissimè emendandi, ac recorrigendi esset potestas: hâc videlicet ratione.

*Majoris
firmitudinis
gratiâ alia
adhuc fulci-
menta Susten-
taculo adjeci.*

Quomodo ad fidum Horizontis paral leum Quadrans accuratè deducatur.

Initio, duos vectes quadrangulos ferreos trabi transversæ chalybeæ cruris Quadrantis superioris, ut ex Iconis perspicis, affixi; & quidem tantæ longitudinis, ut inferiora brachia Sustentaculi non solùm attingant, sed ea etiam parte transeant; cuspides verò horum vectium, sicuti liquet, sunt instar cochlearum spiratim striatae, ac quatuor matricibus, seu verticillis itidem striatis munitæ; quò sic Tibi liceat inferioribus vel superioribus, hanc vel illam matrice sive pericochleam, adstringendo vel relaxando Quadrantem secundum planum scilicet Horizontis, vel perpendicularum ritè restituere. Sed notes hic velim, si alterutram inferiorum matricium adstringas, alteram superiorum rursus totidem ut relaxes omnino necessum habes. Ita, ut binorum horum vectium, atque quatuor verticillorum ope sit unicuique integra potestas, Quadrantem secundum perpendicularum, seu lineam verticalem, sive dum Horizontis, respectu cruris superioris, rectificandi atque exquisitissimè restituendi. Atqui eo pacto, omnibus quatuor his verticillis probè ad invicem constrictis clausisque, sicuti Peritiores harum rerum ultrò agnoscent, Quadrans hicce ne minimum loco suo emoveri poterit, nedium sponte suâ à rectitudine discedere.

Ope verticillorum stritorum, aliisque insuper annexis rebus Quadratis mirè faciliter dirigitur, & integrè conservatur.

Verum, Instrumentum ab omni parte validius aptiusq; adhuc esse putavi, si præter hos vectes striatos, ejusq; quatuor verticilla amplius duas cochleas adornarem, easque superioribus brachiis sive Fulcimentis Retinaculi Quadrantis applicarem, simul etiam transversis trabibus chalybeis Instrumenti peculiari ferro eo loco, quo commodè possent, affigerem, ut magis magisque Quadrantem sustentent ac corroborent, prioribusque cochleis subvenient; sicque pariter harum adminiculo totum Instrumentum eò perfectius & exactius non solùm rectificaretur, sed etiam quam validissimè & diutissimè conservaretur: prout usus postmodùm, rem utique ex voto succedere, abundè edocuit. Mirum igitur est dictu, quam procliviter, leniter, promptè & integrè hocce vastissimum ac ponderosissimum Instrumentum commoveri, regi, restitui, & quam constan-

constanter integritas ejus sustentari licet; beneficio scilicet quatuor horum verticillorum striatorum, nec non reliquorum duorum superiorum, brachiis, eorumque cochleis applicatorum, juxta perpendiculum nimirum, lineamque verticalem: id quod præcipuum penè est, quod circa ejusmodi Instrumenta, Regulas habentia, nulli verò circulo Azimuthali insistentia, atque ejus generis Observationes maximè attendi debeat. Dein quoque quām facilimum sit, ope illius majoris cochlea Regiae, crus mobile totius Sustentaculi dirigentis, secundūm planum nempe verticale, ejusque funependulum dirigere: quanquam unum idemq; perpendiculum, si recte cruri Quadrantis verticali riteque sit appensum, ut nonagesimum Gradum completum præcisè ac leviter, uti decet, tangat, utrique negotio sufficit.^{SUP}

Quòd si verò perpendiculum parùm admodum tantummodo in hanc vel illam exorbitet partem, ut universa verticilla striata recludi haud mereatur, aliud adhuc admiculum adinveni: nimirum oblongum ferrum explanatum, sive transversarium denticulatum per medietatem Quadrantis à crure erecto ad limbum usque, alteri cruri Horizontali parallelum, velut ex Figurâ præced. L liquet, affixi: quò possem insigne pondus aliquot librarum ad illud transversarium denticulatum unco suo suspendere, & quidem eo loco, quo ratio id exposceret. Scias enim, quantum quantum etiam huic Organo contignationibus, transversis trabibus, retinaculis, sustentaculis, cochleis, matricibusque striatis sit prospectum, quòd nihilo tamen minùs, mutato gravitatis centro, aliquantulùm loco suo debito funependulum emoveatur, ut sic Quadrans vel huc vel illuc paullulùm, respectu lineæ verticalis, se se inclinet. Centrum autem gravitatis totius Quadrantis variatur, Regula ex solido alioqui metallo satis lato ac crasso, tum pinnaciis robustissimis exstructâ, atque haud vulgare pondus habente aliò atque aliò translatâ. Nam alia planè centri gravitatis est ratio, quando Regula circa quintum, decimum, vel decimum quintum (uti in præced. Figurâ) constituta est, quām dum circa quinquagesimum, vel sexagesi-

*Quando Qua-
drans pauxil
lum tam à
vero decli-
net, quomo-
do perlevi mo-
mento resti-
tuatur.*

*Regula com-
moia proi-
nus Quadrâ-
tis centrum
gravitatis va-
riatur.*

mum limbi gradum hæret, atque alia rursus omnino ratio est, quando Regula ad octogesimum, vel nonagesimum, ad partem scilicet inferiorem Quadrantis, ad crus erectum est deducta. In hoc posteriori quippe Regulæ situ, cum majus pondus ad erectum crus accedat, necesse prorsus est, ut perpendicularum, ei cruri appensum à linea suâ extrorsum descendat. Regulâ verò, è contrario circa secundum, vel tertium Gradum constitutâ, oportet penitus, ut tunc ipsum perpendicularum introrsum à dictâ linea verticali deflectat. Adeò ut extra controversiam sit, sicuti Mechanicarum Rerum Periti optimè norunt, Quadrantem quemcunque ejusmodi gravissimâ, ut necessariò requiritur, Regulâ donatum, ratione diversissimi hujus positûs, atque adjecti ponderis, aliquantulum genuino suo situ, licet beneficio cochlearum omnium examussim initio Instrumentum sit directum & correctum, emoveri. Huic autem inconvenienti procli-

*Huic exor-
bitante pon-
dere subveni-
tur, ut sem-
per equipon-
dium Qua-
dras conser-
vet.*

viter occurritur omni tempore, quo cunque loco etiam Regula hæreat; si nimis pondus istud uncinatum Regulæ opponas, ac in adversam ejus partem ad trabem denticulatam suspendeas: hoc est, Regulâ commorante circa partem Quadrantis superiorem, primos videlicet Gradus, ut ex praecedenti Iconismo L patet, pondus istud versus crus erectum appenditur, & quidem huc vel illuc commovendo, donec perpendicularum ad lineam verticalem exquisitè reductum fuerit, atque centrum gravitatis Instrumenti sit restitutum. E contrario, Regulâ circa crus erectum ad posteriores Gradus positâ, utpote in amplioribus illis altitudinibus, ubi Quadrans suâ sponte, vel potius adjecto quasi majori pondere vi cogitur, ut perpendicularum extrorsum deviet, pondus illud uncinatum ex opposito, limbum videlicet versus Quadrantis commovetur, & quidem quo usque æquipondio sufficiat, atque funependulum & hydragyrum superiori fistulæ Quadranti impositæ inclusum id omnino exposcant.

*Quare coh-
leis Quadrās
non ad fune-
pendulum re-
vocetur?*

Quæras autem, an non satis sit, Quadrantem hunc coherens eis destinatis ad libellam deducere? utique, mi Lector, præstat, fateor, initio statim, quando observare incipis; sed ex

ex parte tantum paullulùm Regulâ promotâ, faciliùs longè est unicuique, pondere isto perpendiculum reducere, quâm tot ac tot relaxandis, ac rursùs constringendis cochleis Quadrantem recorrigere. Modò enim in excessu, modò in defectu hâc ratione, nisi sis hoc in negotio exercitatissimus, hallucinaris. Quando verò Quadrans haud parùm exorbitat, tum equidem suasor ipse sum, ut priùs cochleis atque verticillis illis spiratim striatis situm rectifices, & si quid deinde adhuc restet pauxillùm, vel vitii accedat levioris, id nimirùm isto pondere eliminates. Integrum igitur Tibi erit, in quocunq; Regulæ situ, etiamsi sis hocce in pulvere adhuc minùs exercitatus, exactissimè Instrumentum recorrigere; imò et si perpendiculo assideas, poterit & famulus quisque rudissimus ad directionem tuam id perficere, nunc huc nimirùm, nunc illuc pondere isto transferendo & collocando, usque dum exactissimè perpendiculum lineæ verticali respondeat. Id quod, sicuti planum quoque verticale exquisitissimè ut semper in quibuscunq; Observationibus observetur, maximè est necessarium; secùs profectò jugiter nonnunquam à vero deerrabis: prout sine dubio sèpiùs nonnemini obtigit. Quod utiq; satis superque ex eo liquet, quòd plurimæ Observationes, quæ omnino deberent, non planè inter se conveniant, vel sibi respondeant.

Adhæc manubrium quoddam oblongum teres, circa extremitatem robustissimo ferro armatum, ad immobile crus Sustentaculi Quadrantis duobus obthuramentis explanatis, vel cuneis probè affixi. Eo fine, ut minimè opus habeas, ipsum Quadrantem, vel ejus limbum manu apprehendere, vel istum quodcunque Azimuthum versùs commovere; sed solo hocce manubrio totum Quadrantem admodum leviusculè quaquaversùm dirigere: quanquam hicce Quadrans tot transbris ferreis, trabibus compactilibus, retinaculis, repagulis, atque cochleis ita est confirmatus & combinatus, ut vel minimum incurvationi, vel potentia alicui mediocri cedat; attamen, præstat isto manubrio Quadrantem commovere & circumducere. Accedit, quòd & hujus manubrii beneficio novâ quâdam peculiari ratione,

*In quibus-
vis Observa-
tionibus opor-
ter examina-
re Quadran-
tis positum.*

*Manubrio di-
rectorio Qua-
drantem di-
rigere juxta
motum azi-
muthi.*

*Quomodo
ope trochlea-
rum atq; fu-
nicu-*

*niculorū pa-
riter Qua-
drans commo-
veri posuit.*

certis scilicet quibusdam trochleis utriusque & Speculæ Observatoriæ lateri, & huic manubrio affixis, nec non binis funiculis sericis, per modò dictas trochleas ductis Instrumentum hocce juxta quodcumque Azimuth quām lenissimè, ut nihil suprà, liceat regere atque dirigere; ita ut neque manubrium, neque ipsum Quadrantem manu attingere opus habeas, ubi cumque etiam Observator, sive mediocriter, sive summè elevatae aut depressæ Regulæ assideat: quemadmodum istud adminiculum cum hisce duobus funiculis, atque appensis pondusculis lubens quidem adumbrare in utrāque hujus Quadrantis Delineatione volui; sed ob

*Hoc ipsum
adèò distinctè
adumbrari
band potuit.*

res plurimas & multiplices, huic Instrumento adhærentes, id ipsum adeò clarè & distinctè Uraniæ Cultoribus oculis ponere haud mihi licuit. Poterunt igitur, quibus aliquantò harum rerum altior cura est, res has ulterius animo volvere: nullus dubito, quin omnia nunc faciliùs, quām initio ego, cui ne quidem per somnium illa ipsa in mentem primùm venerunt, comprehendant, etiam ad usum transfrant. È gratiâ Pedestali Quadrantis trochleas quasdam appensis vides, quarum ope funiculi ductarii ita duci commodè possunt, ut omni tempore etiam ad ipsum Fulcrum pendeant, ibidemque tractentur; sed Perito sat.

*Omnium
optima ratio
Quadrantes
secundum A.
zimutha com-
movendi &
dirigendi.*

Est itaq; hic modus Quadrantem secundum Azimutha dirigendi non adeò usque inconveniens; sed, ut suprà jam tetigimus, adhuc aliam planè diversam rationem posteà ex cogitavi, quomodo Quadrans, juxta Azimutha scilicet, longè exquisitiùs, unius solius cochlearè longioris beneficio, regi possit; & ita quidem, ut Instrumentum perpetuò firmissimè suo hæreat loco, ac eo nunquam dimoveatur, etiamsi vel maximè annitaris, vel ad illud impingas, aut illud impellas. Quò autem eò commodius usui conveniat, atque ad praxin deducatur, operaè pretium habui, in antecessum brachium quoddam, sive peculiare Sustentaculum ligneum construere, ut in Delineatione L omnium optimè perspicis: quod etiam melioris intellectus gratiâ in peculia ri Figurâ S designare volui, in quâ alia nonnulla adminicula pro Instrumentis sub ampliori formâ videntur. Hocce

verò

verò brachium, cùm ab alterà extremitate duobus constet circuli segmentis, inter duas securiculas, sive subscudes ligneas applicatur, ac duabus cochleis firmatur, ita tamen, ut leviter relaxatà alterutrà cochleà absque omni renixu possit circumduci; & ut eò lenius procederet, Fulcrum ex eo loco lamellis subtilissimis probè lævigatis circumdedi, nec non brachii duas partes circulares interiores corio texi; atque sic promptissimè in quamcunq[ue] partem & levissimè brachium hocce circa Fulcrum commovetur, & eo loco, quo illud requiescere velis, non nisi cochleis adstringere opus habes.

Deinde cochleam 16 vel 18 poll. longam fieri feci, quæ inserta est duobus globulis orichalcicis duorum pollicum ad amussim tornatis ac lævigatis; ita nimirùm, ut transeat per foramen alterius globuli spiratim striatum, alterius verò nudum, alterà parte verticillo firmatum, ut in hoc dicto foramine nudo & lævigato, nec non illo striato promptissimè verti possit. Ipsí globuli orichalcici inter lamellas perforatas, quorum foramina paullò sunt minora circulo globulorum maximo, quatuor cochleis minoribus adstringuntur; quo quidem modo, licet firmius & arctius lamellis adhærent, nihilominus quaquaversum sunt volubiles, manentque versatiles unà cum inditâ illâ longiori cochleâ, velut ex Schemate præced. L manifestum est; penè ad eandem rationē globi illius volubilis, supra quem Sextantes aliás ad Astra exponuntur & commoventur; cuius Capite VI partim jam meminimus, & de quo pleniùs Capite proximo dicendū erit. Præterea utriq[ue] majoris lamellæ canalicula chalybea, uno latere aperta affixa est, imò illi lamellæ, ansæ illius cochleæ proximæ binas canaliculas ejusmodi apposui: quò altera extremitas cochleæ globulo suo inter binas illas lamellas adstricto, brachio ligneo illi circa Pedestale Quadrantis mobili minori cochleâ eò destinatâ affigi; alter verò globulus lamellis suis limbo Quadrantis, vel potius transversè suppositæ trabi arcuatæ chalybeæ annexi non nequeat. Quòd autem posteriorem modò dictum globulum duabus, imò tribus quidem decusfatim appositis canaliculis

Brachium
lignum præ
affigendâ coch
leâ directrice.

Peculiaris
cochlea duo
bus globulis
volubilibus
armatis.

Construcⁿ
globulorum.

Cochlea hac
versatilis &
Quadranti,
&

& Sextanti
percommoda
est.

liculis armare voluimus, ex eo factum est, quò commodè etiam cochlea dicta cum suis globulis Sextanti magno nostro Orichalcico, Capite subsequenti describendo, nec non Quadranti Azimuthali, Cap. IX exhibito, adhiberi queat. Nam altera canalis non nisi huic Quadranti, altera rursùs Sextanti, tertia verò dicto Quadranti Azimuthali tamtummodò convenit; ut suo loco dicetur ampliter.

*Uſus hujus
cochlea globo-
lis armata.*

*Cochlea al-
terà extremitate ad bra-
chium, alterà ad Quadran-
tem adstrin-
gitur.*

*Annexâ
cochlea direc-
toriâ & bra-
chium simul
cum Quadra-
te circumdu-
citur.*

Observatio igitur quando instituenda, Quadrans primum ruditer juxta Azimuth dirigitur, sic ut stellam determinandam habeas in propinquuo; dein Regula quoque soluta manu liberâ ad stellam propè verum deducitur, ibidemque canali suâ adstringitur: quo facto, si planum tunc Verticale & Horizontale funependulo adhuc præcisè omnino respondet, ut nihil omnino recorrigendum habeas (sin minus, opus est ut Quadrantem priùs rectifices) brachium illud ligneum laxatis ejusdem cochleis circa Fulcrum Instrumenti mobile Quadrantem versùs ad spatiū palmarium, vel unius spithamæ ferè deduco; atque ad illud globulum extimâ suâ lamellâ, vel potius canaliculâ cochleâ quâdam affigo, & quidem ad eam brachii partem, ut commoditas & ratio Observatoris ex observandâ altitudine requirit: quippe brachium vel Sustentaculum hocce ita est adornatum, ut cochlea illa cum suis globulis nunc altiori, nunc decliviori loco affigi possit. Deinde alter globulus citerior manubrio, sive canaliculâ Quadranti cochleâ suâ annexatur, & quidem à parte ejus posteriori ad trahem scilicet illam chalybeam, ad limbum Quadrantis affixam, ut suprà dictum est, eo videlicet loco priori globulo planè opposito, ita ut cochlea hæc directoria (ut sic eam mihi appellare liceat) decussatim, respectu Quadrantis, ejusq; limbi Quadranti adhæreat, ad ductum scilicet Horizonti parallelum, prout ex Delineatione superiori L elucet. Hoc pacto nunc Quadrans brachio illi ligneo volubili, & vicissim brachium hocce Quadranti adeò inter se sunt connexa, ut commoto altero, alterum quoq; moveri maximè necessum sit; atque sic ope hujus brachii Quadrans eò, quò velis, promptissimè ac levissimè, ad stellam nimirùm dirimendam

dam deducitur. Adornatis itaque, ac sic dispositis primùm hisce omnibus, atque ipsa Observatio serio & accuratè si nunc aggredienda est, oportet ut primitus brachium illud (unà cum affixo Quadrante) ad Fulcrum cochleis suis (quarum jam suprà facta est mentio) firmetur; quò nec brachium, nec Quadrans ullo modo vel quicquam loco suo commoveri possit: quippe cochlea illa longior directoria, globulis, lamellis & canaliculis armata omni motioni & vallationi penitus resistit, ac si Quadrans Pedestali quasi omnimodè, atque studiò esset affixus.

Nihilo tamen minùs admodùm est volubilis, & promptissimè ad nutum omni directioni paret, in quamcunque etiam plagam illum deducere satagas. Nam arreptâ sinistrâ manu cochlear directoriæ ansâ, atque alterâ, dextrâ scilicet manu cochlear illâ, quæ Régulæ subjacet (de quâ postea pleniùs) atque ita versis his binis cochleis poteris exactissimè, suprà quām dici potest, vel Tu Tibi unquam imaginari vales, sinistrâ manu Azimuth stellæ vel Solis, dextrâ verò manu ipsam Altitudinem dirimere. Quandoquidem cochlear illæ binæ ad unguem Quadrantem, ejusque Regulam regunt & dirigunt, prout eas vertis, huc vel illuc torques, sic Regula nunc elevatur, nunc deprimitur, ac ipse etiam Quadrans horsum vorsum lenissimè & levissimè deducitur, ut ut Instrumentum totum, uti percepisti, maximi sit ponderis. Proindè omni asseveratione affirmare mihi licet, sicuti suo loco jam significavimus, me posse hâc novâ à me repertâ inventione (nullus enim unquam, uti optimè novi, simile inventum hactenus prodidit, nedum ad Astra adhibuit) Solem videlicet die, in Pinnacidi inferioris circello immotum quasi, stellas verò nocte, tanquam omni prorsùs motu diurno exemptas exquisitissimè multo tempore, quoad volueris, in Pinnacidiis constantissimè perseverantes, & minimè illis exeuntes conservare, atque detinere.

Pariter hâc cochlear directoriæ, cochleis armatâ licebit Tibi non minùs (sicuti paginâ præcedente jam partim tetigimus) Quadrantem Azimuthalem, Cap. IX exhibutum, ad

*Quomodo
ipsa Observa
tio instituen-
da.*

*Cochlea ad-
modū est vo-
lubilis, qua-
quaversum il
lā etiam tora
queas.*

*Quâ via Al-
titudo, & A-
zimuth simul
obtineatur.*

*Hoc novo
invento pos-
sum omnem
Cæli motum
emulari, ac si
Corpora Cæ-
lestia immo-
ta prorsus
subsisterent.*

*Cochleâ hâc
directoriâ ei-
iam Quadrâ
tem Azimu-
thalē commo-
disimè posse
mus dirigere.*

ductum Horizonti parallelum ad unguem dirigere. Nam, cùm globulo volubili manubrio proximo etiam tertia canalicula, Sextantis canaliculæ opposita sit adjecta, non nisi exteriorem globulum, beneficio ejus canaliculæ ad crus Quadrantis Horizontale, quod circulo Azimuthali incubat, Observatorem versùs infra Regulam ad clavum capitatum (ubi Machinamentum illud directorium pro dirigen- dis funiculis affigi solet) cochleâ suâ adstrictoriâ annexere opus habes; deinde alterum globulum dictâ competenti canaliculâ ad arcum Azimuthalem itidem adstringere, qui- bus peractis, arrepto sinistrâ scilicet manu cochleæ hujus directoriæ manubrio, alterâ verò dextrâ apprehensis funiculis, poteris pari ratione isto Quadrante Azimuthali, pro ut hoc Horizontali, unâ & simul Azimutha, & Altitudines exactissimè & promptissimè dirimere: id quod hoc loco meminisce operæ pretium esse duxi; cùm Capite IX hu- jus cochleæ directoriæ nulla adhuc facta fuerit mentio.

*Et omnium
exoptatisima
ratio Obser-
vationes ad-
ministrandi.*

Quantum autem nunc nova hæc Quadrantem dirigen- di ratio Observationibus Cœlestibus, præsertim subtiliori- bus tribuat, æquis Rerum Astronomicarum Cultoribus diju- dicandum relinquo: cujus præsertim beneficio non solùm velocissimè & promptissimè, nullo quasi negotio, sed pa- riter penitus exquisitissimè Observationes depromere va- les, licet nec Regulam, nec ipsum Instrumentum ullâ ma- nu attrectare opus habeas; quod aliàs per se adeò obfirma- tum, & undique constrictum est, ut commoveri nullo ullo modo, flante etiam vento quam validissimo, possit. Quo- niam universa in se & per se moventur, ut Instrumentum ipsum reverà nullum, vel minimum motum, nec leviuscula aliquam torsionem persentifcat: sicuti quidem in reli- quis Quadrantibus, in quibus Regula nudis manibus, vel potentia haud leviusculâ modò sursum, modò deorsum di- rigi, attolli, vel deprimi debet. Quare nullus sanè dubito, quin genuini, & præ aliis curiosiores Cœli Metatores, quos senior aliqua, Astronomicam Scientiam promovendi, exor- nandi, cura tangit, aliquando mihi insignes gratias fint actu- ri, tam pro illâ Regiâ cochleâ, ad planum verticale Quadrans-

*Pro tribus
Observatio-
num admini-
culis, sine du-
bio, Siderum
cultores Au-
ctori gratias
agent.*

tis reducendum, quām illis binis, alterā scilicet directoriā, globulis armatā ad Siderum Azimutha determinanda, nec non alterā ad dirigendam Regulam pro quāvis Altitudine rite capessendā; simul etiam tandem sint agnituri, esse rem præclarissimam (absit invidia dicto) ac summè necessariam, hāc ratione Observationes ineundi; quā denegatā, nunquam profectò vel ullæ Observationes alicujus momenti debitè à quopiam peragentur, quicquid etiam hocce in negotio sibi quisquam vetustiori modo attribuat. Adhæc penitus sum persuasus, nonnemini has cochleas sublimiores adhuc cogitationes suppeditaturas, ad res plurimas, diversissimasque procliviter, promptè & exquisitè regendas & dirigendas; prout etiam mihi ad præclaras inventiones diversas ansam hactenus dederunt: utpote, quomodo Microscopia ad unguem ad quodvis objectum dirigi queant, multò sanè commodiùs, quām hactenus beneficio majoris & amplioris cochlea illius, ad lentem objectivam adornatae: deinde, quā ratione non minùs harum cochlearum ope in quovis Instrumento ipsa Minuta, imò singula Secunda, & quidem ferè accuratiùs, quām ullā aliā ratione in ipso limbo divisionum cognoscere, & subtilissimè distinguere possimus: de quibus autem inventis fortè alibi dabitur locus disserendi, eaq; pleniùs describendi.

Postremò, operæ esset pretium, ut aliquantò clariùs cochleam illam, Regulæ annexam & suppositam exponerem; sed adeò accuratè adumbrari in Schemate, atque ita hic describi haud potuit, tam ob res inumeras ad Quadrantē spectantes, quām ob arctum paginæ spatium; quicquid tamen circa hunc Quadrantem fieri nequivit, id occasione Sextantis subsequentis peragamus, tum etiam peculiari Schemate S, cum aliis quibusdam rebus minoribus sub oculos suo loco ponemus. Non obstantibus tamen illis, tribus me expediam: sub Regulâ duas anterides chalybeas, duos poll. ferè longas constitui, easq; firmissimè ibidē consolidavi; habentq; foramina circa extremitatem spiratim striata, per quæ trajecta est cochlea, quæ rursùs ad extremitatem canaliculam quadratam, uno latere apertam, peculiari

Vetustiori
methodo vix
unquam ali-
quid accurati
peragunt.

*Ha cochlea
viam sternet
ad res altio-
ris indaginis.*

*De cochlea
Regula an-
nexa.*

*Quomodo
Regula sit
cochleā direc-
toriā munis-
ta.*

minori cochleolâ munitam gerit, & quidem volubilem, ut super cochleam majorem lenisimè, absq;ue tamen omni titubatione, possit circumvolvi ; estq;ue dicta canalicula tantæ amplitudinis, distatq;ue tanto spatio à limbo, sive subjectâ transversâ trabe chalybeâ, quanto binæ dictæ anterides ab eâ ipsâ trabe : quò cochlea longior beneficio canaliculæ, trabi subjectæ aptè quocunq;ue loco, ope illius minoris cochleæ, queat adstringi. Sed necesse est, ut tota transversâ trabs, limbo subjecta ad ductum circuli æquabilissimè limata, lævigata, atq;ue ejusdem sit crassitiei, nec non dicta canalicula perquàm ei accommodata, ut non tantùm uno solo limbi loco, sed quovis ad trabem applicari, eiq; adaptari ; ac relaxatâ illâ minori cochleâ rursùs aliò transferri quàm promptissimè possit. Nam, nisi dicta canalicula ad trabem omnimodè sit attemperata, ut ubivis lenisimè adstringi, ac vicissim recludi queat, frustrâ est, quicquid hâc in re suscipis, atq; inventum hocce plûs Tibi oneri, quàm auxilio cedit ; sicut ipse praxi ipsâ experieris.

Opus est ut omnia concinnae sint adoratae.

Verùm, artis ita construere atq;ue laboris est, velut jam suprà commemoravimus, hæc omnia tantâ diligentia perficere ; attamen fieri utique potest, dummodò sudorem non verearis. Nullum sanè est dubium, quin Tu æque rem pro voto obtineas, ac ego in hoc ipso Quadrante, in quo omnia & singula adeò exquisitè sunt confecta & elaborata, ut fortè etiam Tu, si videre cum obtingeret, acquiesceres.

Quâ viâ Al. titudines obtinenda.

Deniq; quando nunc ipsæ Siderum Altitudines expediendæ sunt, Regula cum suâ subjectâ cochleâ directoriâ primùm liberâ manu elevatur, vel pro re natâ deprimitur, atq; sic deducitur ad investigandâ desideratam Altitudinem ; dein sinistrâ manu apprehensâ cochleæ minoris canaliculâ ad trabem, sive arcum chalybeum limbi applicatur, ibidemq; simul cochleâ illâ minori, canaliculæ inditâ constringitur. His peractis Regula jam nullo modo ejus loco amplius emoveri, vel hinc inde obliquare vel minimùm potest, planè ac si Quadranti affusa, vel clavis cochleatis esset adstricta. Quod si verò nihilominùs eam commovere, atq;ue ad Astrum dirigere Tibi lubeat, nonnisi ansam cochleæ illius

appre-

apprehendere necessum habes, eamque, quo velis, convertere: atque ita mirum quantum exactissime, simul lenissime & velocissime Regulam deduces ad quamvis desideratam Sideris Altitudinem, absque omni impetu, commotione & impulsu obtainendam. Accedit, quod determinata sic ipsa Altitudine simul hanc dictam cochleam directoriæ, ex ejus scilicet annexo orbiculo, hujusque indicibus, rotularum crenatarum singulari artificio ad cochleæ dum mobilibus non solum singula Minuta, & quina Secunda, sed etiam singula convenientissime & exquisitissime possumus dignoscere. Quod cum autem hanc vice sufficienter nec describi, nec in superioribus Iconismis clarè satis adumbrari potuit, volui insigne, & planè novum hocce inventum suo loco Cap. XIV & XV, ubi de Dioptris, & in primis de Divisionibus ex composito agetur, reservare. Id quod adjumentum in aliquo, crede, apud me est pretio; quid Tibi, aliisque de eo videatur, cum omnia probè exploraveritis, liberum esto judicium. Intererat tamen non nescias velim, me non vereri, unam aut alteram omnino exquisitam, ac sibi invicem probè respondentem Observationem omni tempore ex ipso Cælo hoc novo invento, beneficio illarum cochlearum, depromere, quam alius quisquam, absit gloria, vetustiori modo liberâ manu Regulam commovendo vel unicam solam.

Ultimò, quales plumulas chalybeas Regula Quadrantis, atque subjecta cochlea directoria obtineat, meum quidem esset itidem breviter explicare; sed hoc loco, cum simul adumbrari haud possit, haud perficere datur; differendum igitur, donec ex composito de Pinnaciis, eorumque partibus, uti diximus, agemus. Atque ita restat nunc nihil amplius, quam ut paucis referam, quomodo Observator hoc Quadrante in omni Altitudine summâ semper commoditate Observationes peragere queat. Si Regula nimis rumpitur, parùm elevanda est, utpote in minoribus Siderum sublimitatibus, asperes inferioribus Speculæ trabibus, quibus rotæ sunt affixa transversè, impono; atque sic constituitur quasi elevatior contignatio, ex qua vel sedendo in sellâ illâ

Ad cochleam directoriam orbiculus affixus est, pro commonstrandis ex indicibus minutis primis, & singulis secundis.

Ratio ista observandi videatur Auctori alicuius momenti.

De plumulis Regula affixis.

Observationes absque omni molestia semper inueniuntur.

versatili, vel stando, & si aliter non licet, etiam ex scabellis Observationes administrabis. Si verò Altitudo aliqua declivior est dirimēda, pavimento illi insisto, vel in eo assideo, in quo rotæ viam ducunt; vel si Altitudo ad Zenith ferè vergit, in criptam me recipio, & pariter stando vel sedendo, ut occasio fert, omnia perago; ita ut nullam ullam Observationem in positu aliquo corporis adverso, vel vi adhibitā, in situ quodam Stellarum, sive Regulæ inepto cogar peragere.

*Interioris
Astronomia
deditos puro
tandem agni-
turos Aucto-
ris hæc in par-
te operam.*

Atque tandem hæc sunt, quæ de hocce haud adeò usque vulgari Quadrante nostro æneo proferre volui. Evidem fateor, plurimorum illorum, qui divam Uraniam levi brachio, & dicis causâ tantùm tractant, parùm admodùm interesse, quòd hæc paullò fusiùs pertractaverim; nihilominus tamen spero, nonnullos, licet paucissimos (cùm Contemplationes nostræ leviores, imò ferè nullas conferant ope) prodituros, qui acceptâ candelâ, fixisque oculis hæc nostra quâliacunque intuebuntur, animoque volvent. Eorum igitur gratiâ lubens, præsertim Rei Astronomicæ bono, etiam hunc laborem suscipere haud noluimus.

C A P U T XI.

De Sextante Magno Orichalcico.

*Instrumentum hocce a-
liorum haud
est postremū.

Magnitudo
eius.

Plurimas Ob-
servationes
hocce Organo
Auctor per-
egit.*

HUnc Sextantem nunquam non inter præcipua Organa nostra reposui, non solùm, quòd pariter ex solido constet metallo, à facie & à tergo chalybeis trabibus transversariis, subscudibus, anteridibus & transbris sit constructus, ac probè undique compactus; sed quòd etiam haud vulgarem præ se ferat magnitudinem, quatuor videlicet cubitorum, sive sex pedum, imò aliquantò majorem, quoad radium; adhæc, quòd singulari ratione planè sit confectus, ac mirâ omnino facilitate & promptitudine regatur. Hinc quæ ad plurimas sublimiores, ac subtiliores tam Planatarum, quam Fixarum Distantias dimetiendas illum adhibui; ita ut penitus mereatur, inter reliqua nostra Instrumenta aliquantò accuratiùs, pleniùsque illum adumbrari, ac




Fig. M.

A. Stech Delin.

J. Seal Sculp.

ac describi; maximè verò ratione ejus Speculæ sive Tabernulæ, in quâ asservatur, ac sub cuius tegmine etiam omnes Observationes assiduè peraguntur. Quippe multum mihi sanè faces sivit negotii, nec parùm ingenium meum torrit, priusquam omnia & singula, quæ ad Speculam hanc mobilem, tum ad commodam Instrumenti hujus rationem dirigendi spectare omnino videbantur, adinvenerim, atq; ad effectum aptè produxerim. Erit itaque haud frustraneus labor, meo quidem judicio, mi Astrophile, paullò plūs debito Te Descriptione hâc detinere. Nam prorsùs mihi persuadeo, quemadmodùm etiam plurimi, qui diversa, & haud leviuscula hujus generis inventa vel oculis usurparunt, vel postmodùm quoq; ipsi manibus suis tractabunt, ultrò suo tempore fatebuntur; hanc videlicet rationem Sextantes levandi, commovendi, regendi, & ad Sidera dirigen- di inter maximè præcipuas ac illustres inventiones, quæ unquam hactenus in Astronomiâ Mechanicâ, in dirimen- dis scilicet Stellarum Distantiis (absit tamen vana gloriola) à quopiam sunt detectæ, & memoriæ proditæ, esse utique reponendam.

Exhibebimus autem Sextantem hunc primitùs à facie præcipuâ & anteriori, cui lateri ipsa Regula & Pinnacia affixa sunt, à quo etiam ipsæ Observationes à Directoribus peraguntur, quorum semper duo in Speculâ circa directio- nem Instrumenti requiruntur, cùm unicus solus nihil unquam hujus generis Sextante perficere valeat. Quoniam verò jam à plurimis annis mihi, in administrandis Obser- vationibus, sæpiùs opera alicujus probè exercitati Mathe- seos Studiosi, qui mihi circa Sextantem esset ab auxilio, defuit, Conjugem meam charissimam induxi, & ad riman- da Sidera illexi, quò mihi quoque, cùm semper præstò esset, hâc in pârte circa Sextantis directionem opem ferret. Id quod oneris ut lubentissimo animo protinus in se recepit, sic crebrâ exercitatione, atque continuo usu Eam, Divino annuente Numine, brevi tempore eò deduxi, ut possit quas- cunquæ Siderum Intercapedines, ut ut maximè arduas (li- cet etiam adhuc alii Coadjutores mihi sint à latere) quoties- cunquæ

Priusquam
Aucto-
rnia commo-
de adorna-
vit, mulum
perdidit ope-
ra.

Hec ratio
Sextantes di-
rigendi est sa-
ne alicujus
momenti.

Auctor co-
jugem adiu-
tricē ad Ob-
servationes
adhibuit.

Quo in exer-
citu se etiam
nunc ita ge-
xit, ut nemini
etiam si do-
ctori haud
facile cedat.

cunque lubet, cum omnimodè plenà satisfactione exactissimè, imò ferè promptius, quàm quis reliquorum omnium, ut ut sit eruditior, mecum dirimere. Quippe ad Observations Mulieres æque ut Viri sunt idoneæ : quandoquidem negotium istud non à summâ eruditione, & acri inge-
 nio, sed ab indefessâ exercitatione, lynceoqué oculo depen-
 det ; præsertim verò à Principalis Observatoris debitâ &
 circumspetâ directione, qui Regulæ, ceu gubernaculo as-
 fidet, ac omne sustinet onus. At enim verò Directorem in
Observatio-
nes dirigere
res est alicuij
momenti.
 dirimendis Stellarum remotionibus agere, planè est res,
 crede, aliquantò majoris momenti, quàm quisquam vel In-
 strumentorum tractandorum omnino rudit, vel qui rarò,
 aut nunquam Sidera sub dio sectatur, & Ephemeridum pa-
 gellis, sive aliorum opusculis pervolutandis tantummodò
 acquiescit, sibi ullo modo persuadebit.

Instrumen-
ti pars ante-
rior.

Hoc verò positu hujus Sextantis non nisi anteriorem Speculæ partem deprehendis, atque ex trabe transversâ superiori quatuor ex suis uncis dependentes trochleas, per quas funes ductarii ducti sunt ; ad quorum funium alterutram extremitatem unci satis robusti, qui plumulâ chalybeâ pressâ aperiuntur, ac rursùs relaxatâ clauduntur, annexi sunt ; rursùs ad extremitates funium oppositas bina ponde-
 ra tantæ gravitatis, quantâ Instrumentum ipsum sibi expo-
 scit, utpote in hocce sexaginta ferè librarum, appenduntur.
 Prætereà ad anteriora Speculæ Statamina, sive erectas tra-
 bes, tegmen sustentantes plurimi annuli orichalcici, ordine
Quibus in-
serviant an-
nuli à statu-
minibus de-
pendentes.
 ascendentis, ut patet, affixi sunt, ut possis ab utroque latere
 trochleam suâ fibulâ cessili, nec non similes ab utrâq; Sex-
 tantis extremitate, nempe à transversariâ trabe chalybeâ,
 ex quâ itidem diversi annuli dependent, annexere. Per quas
 nunc pariter funiculi subtiliores duplicatò trajecti sunt, ap-
 pensis ad extremitatem funicularum unius, aut alterius li-
 bræ pondusculis, ad eò magis ac firmius in omni plagâ, &
 obviâ inclinatione ipsum Sextantem (prout ex Delinea-
 tione patet) sustinendum & stabiendum.

Hactenus
vix lignea In-
strumenta fi-
ne

Olim Tychonis tempore hucusque vix Sextantes
 ligneos mediocris magnitudinis absque multo labore &
 sudore

sudore in quovis etiam commodissimo situ regere & dirigere sustinuerunt; vix quibusdam bacillis ac vectibus eos suffulcire, atque adeò firmiter, ut ab omni prorsùs titubatione esent immunes, conservare valuerunt. Hac verò nostrâ novâ ratione omnium amplissima etiam, & ponderosissima Organa, in quocunque etiam maximè adverso situ, vel plano incommodo, potes & leviusculè & promptissimè commovere, protinus etiam ibidem immotè prorsùs detinere, ut ne minimum titubent vel vacillent; & quidem nullo negotio, aliquorum digitorum concussione, maximâque velocitate, ut ut planum ad lineam verticalem usq; ascendat, nihilominus parent Tibi Sextantes cujusvis ponderis ad nutum, ac sponte & validè, quasi clavis trahalibus affixi loco suo subsistunt. Quò autem id eò aptius fieri possit, diversos annulos æneos benè crassos inferiori Sextantis transversario chalybeo annexi: ne non liceat tam crassiores funes, si Observatori forsitan esent impedimento, vel planum Instrumenti verticale, vel centrum ejus gravitatis id exigeret, majoris commoditatis, ac firmitudinis gratiâ aliò affigere, quam subtiliores funiculos cum suis trochleis modò intra, modò extra Speculam, nunc ad elevatores, nunc ad depressiores annulos suspendere; quò Sextans eò magis iis incumberet, ac per consequens etiam firmius multò consisteret. Qualis, quantaque autem hæc commoditas sit; sed quali etiam curâ, quantoque labore ea à nobis sit comparata, non nisi Artium Mechanicarum Periti facile agnoscent; uno tamen ore omnes fatebuntur, quando Instrumenta ad hunc modum sunt adornata, atque disposita, quod sit tale præclarum, ac præstantissimum pro Astris rimandis admirandum, quale unquam hoc in genere, absit jactantia dicto, dari vel inveniri possit: profectò, nisi hocce singulare inventum feliciter adeptus fuisset, frustrà omnino esset, talia vastissima Instrumenta ænea, vel saltem perdurum, molestum, ac valde laboriosum, ad Astra exponere, atque dirigere.

Ulterius, ipse Sextans Pedestali instar columnæ, extra Speculam firmissimè consistenti est impositus. Parti hu-

no magnolabore regi potuerunt; nunc verò etiam pôderosissima nullo ferè negotio.

Diversis funibz, per trochreas auctis Sextantis reguntur.

Præclarissimum adjutorium hæc ratione dirigere Sextanum.

*Sextatis Pe-
destale.* jus Fulcri superiori, ad medietatem ferè exterebratæ columella globi illius versatilis, Sextantem gestantis immissa est; de quo Globo volubili partim jam suprà dictum, partim etiam infrà mox mox dicendum erit pleniùs. Deinde, ubi à posteriori Sextantis latere canalicula, in quâ columella sive axiculus Instrumenti versatur, ibidem centrum est gravitatis; quod ut accuratè sit quæsitum, ac probè determinatum, plurimùm profectò interest. Nam hâc in parte si quodammodo aberraveris, ægrè admodùm Sextantem, licet applicatis ponderibus, aliisque adminiculis omnibus, vel ad debitum deduces planum, vel suo loco spontè unquam subsistet, sed modò in hanc, modò in illam deflectet partem. Plerunque tamen, probè etiam notato centro, in Distantiis Stellarum declivioribus duorum vel trium Graduum, præsertim utroque Sidere ab Horizonte æqualiter omnino remoto; in eo, inquam, situ cuspis Sextantis, ubi Cylinder sive Pinnacidium anterius subsistit, procliviter admodum Horizontem versus vergit, ac se conservare nequit: ratio est, quod majora pôdera suis funibus in isto situ planè Horizonti parallelo Instrumentum ex centro gravitatis emoveant. Quò autem rursùs huic incommodo subveniatur, atque æquipondium Sextanti debitè restituatur, præsertim, ne Observatores nimio oneri & labori (quippe hicce Sextans, ut facile intelligis, aliquot centum librarum est pondus) succumbant, appendi suâ uncinulâ funiculum perbreuem, ad ejus extremitatem annulum gerentem, ad anteriores transversam Sextantis trabem, & quidem eō loco (dicitur gravitatis Instrumenti subveniendum est.) versos enim annulos ibidem affixos vides) ubi ratio æquilibrii juxta datam Instrumenti inclinationem id efflagitat; ibidem, dico, aliud adhuc pondus decem vel viginti librarum, tantæ scilicet gravitatis, quantâ omnino opus est, annexitur. Per quod non solùm æquilibritas Sextanti restituitur, sed etiam efficitur, ut sic in quibusvis sitibus Horizontalibus, vel Inclinationibus maximè adversis admodum quietè, tum validè Instrumentum subsistere possit, & quidem sponte suâ, ut ne digito illi subvenire, nedum Tibicinibus, vel substructione aliquâ opus habeas.

Exposi-

Exposito itaq; ad certam desideratam Siderum Distan-
tiam, ejusq; plani Inclinationem hoc modo Sextante (quæ
autem quomodò semper quàm accuratissimè obtineatur,
ne aëtum agas, haud adeò facile ex ore alicujus, quàm ex
ipsâ praxi & exercitatione addisces) alteri Observatori Se-
cundario, Dioptræ alteri cruri affixæ, utpote in illâ Icone
Mad dextram (quanquam & hæc Dioptora ad sinistram ap-
poni potest, si Regulam, Divisionesque initio statim ita di-
sponeres) adstanti vel asidenti incumbit, ut priùs Sextan-
tem ad Stellam, beneficio utriusque Pinnacidii, deducat ac
dirigat, vel liberis nudisque manibus (aut quod satiùs, lon-
gèque aptius est, ope illius longioris cochleæ directoriæ,
duobus globulis volubilibus armatae, ac à nobis primùm in-
ventæ, quam sub fine m præcedentis Capitis descripsimus)
collimationem debitè instituat, ac exquisitissimè, prout et-
iam hâc ratione utique conceditur, perficiat. Quo facto,
idem hicce Observator, apprehenso manu brachio, sive Su-
stentaculo illo ligneo, duabus cardinibus tereti ligno (quod
rursùs anteriori dextro Speculæ Fulcro est affixum) annexo,
illud ipsum brachium in convenienti loco nunc altiori,
nunc decliviori (quippe elevari, ac rursùs demitti potest
pro lubitu) cochleis suis juxta directionem situmque In-
strumenti adstringit, prout ex utroque Schemate M & N
elucet; sed ipsam structuram omnium optimè suo loco,
sub peculiari Delineatione, perspicies. Non solùm dicto
Observatori, qui Primario est ab auxiliis, maximè servit, ut
suo dextro brachio, imò toto ferè corpore illi Fulcimento
diductili possit inniti, in eoque quiescere (id quod singula-
re, crede, est adminiculum, & præclarissima commoditas,
Instrumenta in eodem semper puncto firmissimè retinen-
di); sed etiam, ut orbi anterioris partis Fulcimenti longior
illa cochlea directoria extremitate & canaliculâ suâ, & qui-
dem eâ parte, ubi Observatori commodum est, atque dire-
ctio Instrumenti requirit, dicta cochlea ad ductum limbi
penè parallelum adstringi queat. Hoc quoque peracto,
altera canalicula alterius globuli versatilis ad trabem cha-
lybeam, arcui Divisionis subjacentem itidem cochleâ suâ

*Modus ipse
observandi*

*De Fulci-
meno didu-
ctili, pro
cochleâ volu-
bili adstrin-
genda.*

*Duarū coch-
learū ope ac-
curatissimè
omnino Ob-
ser-
vera*

*servationes
peraguntur.*

affigitur, sicuti tam ex præcedenti Figurâ M, quâm subsequente N dilucidè patet. Atque tum Observator, sinistrâ manu apprehenso cochlear directoriæ manubrio, etiam alterâ manu prorsùs remotâ, potest Sextantem ad nutum quâm promptissimè & exquisitissimè, absque omni titubatione (nam Speculæ omnino est affixus) dirigere, & quod magis est, tam lenissimè, ut ne ullum motum alter Primarius Observator, Regulam gubernans sentiat, nisi quod deprehendat, Instrumentum stellam versùs se se commovere, donec illam accuratè utrâque Pinnacidi rimulâ, quo loco tum subsistit, attingat. Quæ omnia quâm convenientissimè, exactissimè, simul ac celerrimè à benè exercitato Siderum Scrutatore possunt expediri, vix facile credideris, nisi ipse negotium hocce aggrediaris; atque tum, sine omni dubio, fateberis, hanc esse aliarum inventionum haud postremam, cuius videlicet beneficio Instrumentum ad Speculam, sive Tabernulam, in quâ subsistit, firmissimè, quin immotum adstringi datur, ut loco ne minimum egredi, sed unâ tantum cum ipsâ Speculâ, quæ pariter supra quatuor rotas cum omnibus suis appertinentibus rebus mobilis est, dimoveri & circumagi possit, conservato plano suo, nisi cochleam dictam directoriam vel laxes, vel planè Sextanti adimas, semper integro: quemadmodum deinceps pleniùs percipies.

*Structura
sellarum di-
ductilium.*

In hujus generis Observationibus, quovis modo etiam Organum ratione plani sit inclinatum, datur utrique Observatori facultas commodè standi, vel ope sellarum nostrarum diductilium pro lubitu sedendi. Quæ Sellæ, beneficio transversi subjecti fulcimenti sive offendicis, ad erectum Fulcrum suum, supra basin decussatam plurimis quadratis foraminibus incisum, valde procliviter unâ manu attolluntur, deprimuntur, ut nunc altius, nunc decliviùs Sextanti, quoad Siderum observandorum ratio postulat, assidere queas; & simul etiam in omni elevationi situ tam securè, ut casum vereri minimè habeas. Nam, dum huic Sellæ insides, corporis pondere magis magisque obfirmatur, & adstringitur Fulcro, ut inferior offendix nequaquam

ex

ex foramine, nisi priùs surgas, offendicemque laxes, exilire possit. Hincque ejusmodi Sedilia ut sunt utilissima, sic & maximè necessaria ; quæ nisi mihi comparassem, vix video, quomodo tot ac tot Observationes expedire potuissem : quippe, etiam concesso hocce adminiculo, attamen Observationibus Cœlestibus diu noctuque assiduè invigilare, haud vulgaris, crede, est labor. Inter reliquas hujus generis Sellas, etiam nonnullas longissimo Fulcro adornavi, ut possim, unâ Sextantis cuspide depresso, ad alteram bene elevatam commodè assidere, submisso pedibus duorum vel trium graduum scamno : quemadmodum ex Delineatione præcedenti M, in primis verò N dignoscere est.

Ad Præcipuum autem & Primarium Observatorem ut deveniamus, qui plerunque Regulæ assidet, & productioribus Sellis frequentissimè opus habet, in eum omne onus tam Regulam dirigendi, quām ad debitum planum Sextantem deducendi redundat ; atque ita necesse est, ut sit in hoc pulvere admodum exercitatus, ut quasvis hallucinationes, præprimis etiam ab altero secundario Observatore nonnunquam commissas protinus deprehendere, corrigere, omnibusque inconvenientiis occurtere possit ; ne facile ab altero, ei ab auxiliis decipiatur ; sed è contrario subito non ignoret, quando is benè vel male rem tentat, sive ad stellam collineat. Nisi enim Gubernator Instrumentorum Præcipius tantæ sit experienciæ & exercitationis, ut alterius Socii operam ex suo solo Pinnacido, cui assidet, ritè dignoscere, & dijudicare valeat, ut ut Rerum Astronomicarum probè alioqui sit peritus, ac sibi etiā satis tribuat, in casum profectò laborabit, quicquid etiam in subtilioribus Distantiis capiendis unquam tantaverit, & saepius jugiter à vero discedet. Unde autem, & quā ratione Cooperatoris tui exorbitantias è vestigio deprehendere possis, non adeò promptum est detegere, nec intelligere ; is, qui rebus hisce incumbere proponit, atq; aliquid solidi & exquisiti ex Cœlo impetrare annititur, habebit, cur se se dedità operâ exerceat, usq; dum successu temporis metam quoque attingat. Nam initio statim, dum incipit, nullâ sane ratione rem eò dedu-

*Sellis didu-
ctilibus sum-
moperè opus
habemus.*

*Nisi prima-
rius Observa-
tor benè sit
exercitatus,
frustrè Obser-
variones su-
scipiuntur.*

*Observatio-
nibus praesse
non cuilibet
est ingenitum.*

cet, ut omnes & singulæ Observationes sibi omnino respondent, vel debitam perfectionem omni tempore exhibeant, ut ut justæ magnitudinis Organa, exquisitissimæ possideat.

Mos fuit Tychonicis, Keplero, Gasfendo, aliisq; quando ad Observationes accesserunt, ut Instrumenta sua ad normam alicujus Distantiæ Siderum, à Tychone olim observatae explorarent ac examinarent; num videlicet eandem ipsam, an diversam præberent intercedinem? quod si diversam, ut plerunque illis obviam venit, tum integrum differentiam tot omnino Minutorum, quot inter recens observatam illorum Distantiam, & Tychonicam intercedebat, vel auferebant ab universis recentioribus, si Tychonica Stellarum remotione minor erat; vel vice versa addebant dif-

*Quo modo
olim Instru-
menta exa-
minaverunt.*

ferentiam, si Tychonica major existebat. Id quod autē valde mihi videtur inconveniens, & neutquam arridet, quod nimirūm hāc ratione primū Instrumenta examinari debent; ac si de utriusque Observatoris operā ac diligentia hoc pacto omnino securi nos esse possemus: quasi verò & Observatores ipsi, præprimis, si parùm tantum admodum in hāc Palæstrā desudarunt, ac visu minimè polleant, nonnunquam à vero non exorbitent. Profectò & Exercitatis simus quisq; aliquando, vel rimando, vel numerando, vel alio quodam casu improviso superveniente aberrat; ita ut plus discriminis veritatis quandoque in Directoribus, quam in ipsis Instrumentis lateat. Concesso, Organum tuum peccare in excessu; at quomodo, quæso, tu omnimodè de Socii tui operatione certus esse potes? imò, etiam si Tibi abundè confides, putasne Socium Tuum nonnunquam haud posse modò in excessu, modò defectu labi per errorem? (prout proclive admodum fuit isto antiquiori observandi modo) poterisne igitur in singulis Observationibus ad normam prioris Distantiæ, à Vobis inventæ pari modo à reliquis Instrumentis differentiam addere, vel subtrahere? nonne hāc lusoriæ ratione sèpiùs turbarentur, ac maximè confundentur Observationes? Profectò, isto experimento, vel examine caudâ tenes anguillam. Ego, ut ingenuè di-

*Hallucinan-
tur nonnun-
quam etiam
ipsi Observa-
tores.*

*Vetus ille
modus Instru-
menta exa-
minandi admo-
dum est lu-
bricus.*

cam,

cam, ejusmodi Observationes, ad res abstrusiores & subtiliores indagandas, non vitiosâ nuce emerem, ut ut alias forte secùs sentiat. Quandoquidem in eâ planè sum sententiâ, quòd Instrumenta quæcunque ita omnino exactissimè ab omni parte debeant esse exstructa, explorata & approbata, ut perpetuò de illorum certitudine ac constantiâ securus esse possim.

Examina autem fieri planè debent per differentias Ascensionales Fixarum quarundam circa Eclipticam & Äquatorem existentium, ex earum ritè observatis Distantiis probè per integrum Cœli circulum supputatas: quòd si istum in omnibus suis partibus, earumque particulis, nempe in 360 Grad. prorsùs absolutum dictæ differentiæ Ascensionales commonstrant, Instrumentum istud omnibus suis numeris & partibus, ut in eo desiderari nihil amplius possit planè est expletum; sicuti suo loco jam ampliter diximus. Si quis verò rigidiori tali examine sua Instrumenta nondum exploraverit, viresque eorum cognoverit, suasor sum, ut priùs hoc opus peragat, antequam ad ipsas Observations accedere audeat; sin minùs, missam planè faciat rem adeò teneram & sublimem. Non solùm enim se ipsum, sed & alios eximiè decipiet, atq; in maximos, cum magno Astronomiæ damno, inducit errores. Quòd si verò nunc Organa dictâ exquisitissimâ ratione ad amussim tentari licet, haud operæ est pretium, adeò vacillanti, & quidem ut plurimùm operâ Sodaliū in exercitatorum, Cælum raro admodùm aspicientium ea examinare, quæ per se necessariò debent omni tempore esse correctissima. Atque ita magis consentaneum est, ex omnimodè absolutis Instrumentis Observatorum dexteritatem, atque diligentiam explorare. Evidem, licet mihi etiam triginta, imò quadraginta annorum spatio aliqualem cognitionem in Observationis negotio comparaverim, nunquam tamen mihi adeò confido, ac si non possim quandoque, etiam cum eo, qui mihi est ab auxiliis aberrare. Hincq; solenne est mihi, ut Observationes, Distantiasq; sèpiùs repetam; si videam, eas aliquantulùm discrepare, non actutùm ad Instrumenta, sed

*Priùs rigi-
disimè omni-
nò examinâ-
da sunt In-
strumenta;
priùsquā Ob-
servationes
suscipiantur.*

*Necessere est,
ut talia sen-
per habeamus.
Instrumenta,
in quibus ni-
bil planè de-
ficit.*

*Nemo sibi
nimùm con-
fidat, etiam
exercitassifi-
mns.*

sed potius ad Observatores ipsos, præprimis ad Socium culpam refero. Homines enim nos sumus, & ad aberrandum non raro valde proclives. Instrumēta verò quod attinet, *Ex Observationibus di-versis in pro-clivi est in-telligere, quid Instrumentis tribuendum.* *jora nostra ænea, persuasis-simum Tibi habeas, tantâ curâ ac diligentia esse constructa & adornata, ut liceat, sed exerci-tatis Observatoribus, easdem Observationes omni tempo-re, etiam post decursum multorum annorum, magnitudine prorsus æquales dimetiri.*

Præcipui Ob-servatoris of-ficium. Verùm, ut diximus, plurimùm interest, ut habeas Instrumenta absolutissima, atque Primarius Observationum Director ad rem hanc benè etiam à naturâ sit informatus, atque tum sanè ex votis succendent omnia; ut minimè, insignes quasdam facile posse obvenire hallucinationes, verendum habeas. Præcipui autem Observatoris officium est, ut Regulæ assideat, eamque gubernet; deinde eam ruditer ad Stellam suam, directo scilicet ab altero Coadjutore Sextante prius quam accuratissimè ad alteram Stellam, nudis manibus deducat; atque tum primùm cochleam illam directoriam (cujus jam sæpius mentio facta est) sub Regulâ latentem canaliculâ suâ, extremitati ejus annexâ ad incurvatum transversam trabem, limbo subjacentem destinatâ *Cochleâ di-rectoriâ quo-modò Regula ad unguem di-rigatur.* cochleolâ adstringit, quo facto, Regula quam promptissimè omni directioni paret, atq; ita adeò leniter, & exquisite horum prorsum dirigitur, quorsum scilicet cochleam directoriam torqueas, vertasque; & quidem unâ solâ manu, alterâ planè remotâ, absque omni renixu, nullâ prorsus vi adhibitâ, ut quasvis Distantias pressius & exquisitius, quam liberâ manu (sit venia verbo) hactenus usquam dirimere in tuâ sit potestate.

Qualis sit Sextantis di-stributio. Divisio hujus Sextantis eadem prorsus ratione est inita, quam in Quadrante præcedente Horizontali; quilibet Gradus in duodenas partes, atq; beneficio aliquot circulorum, ac linearum transversalium, in singula Minuta distributus est. Deinde verò ope cujusdam circuli Segmenti in suis particulis pariter, ut in Quadrante, divisi quina Secunda quam accuratissimè commonstrantis; nec non beneficio peculiaris orbiculi, ad cochleam directoriam Regulæ annexi;

nexi; ex quo videlicet orbiculo, ejusque indicibus pariter Minuta prima, pariter singula Minuta secunda exactissimè cognoscuntur, sicuti partim jam diximus, partim etiam suo loco clariùs dicetur. Pinnacidia quoque eo penitus modo, quo in Quadrante superiori exstructa sunt; nisi quòd utrumque Pinnacidium ad limbum duabus solummodo rimulis gaudeat, quæ pariter tamen, uti in superioribus, nunc dilatari, nunc comprimi possunt: quali autem intrinseco artificio, peculiari Delineatione commonstrabitur ac describetur. Ab utroque latere Pinnacidii Regulæ affixi, statua ex ære fusa, lauream tenens loco Caryatidis sive Anteridis, altera formam Arithmeticæ, altera Geometriæ gerens, quævis suis armis, tabulâ nempe numeris repletâ, atque triangulo, apposita est; non tām ornatūs caussâ, quām ut ipsa Dioptra, quæ semper sanctè & integrè, instar pupillæ oculi, conservari debet, ab omni extrinsecâ lāsione ac concussione esset prorsùs immunis. Adhæc, quibus plumulis chalybeis Regula hujus Sextantis sit munita, ut assiduè omni limbi loco pressiùs, simul lenissimè adhæreat, cùm non adeò in expedito sit commonstratu, Mechanicis ulteriùs per vestigandum relinquo. Prætereà, ad dextram alterius fixi Pinnacidii, ne pariter facile lādatur, ab extimâ parte ejus Atlantem, itidem affabré ex puro metallo fusum, Cœlum humeris gerentem constitui; non minùs ab alterâ oppositâ Sextantis extremitate (quia nonnunquam & ibidem, ad dirimendas ampliores sexaginta Graduum Distantias, Dioptra aliqua transfertur) Herculem clavo, æque totum ex ære nitidè factum affixi, ut instar essent Telamonum, utrumque exterius Pinnacidium defendantium; non sine peculiari aliquâ, ex mente meâ, significatione: nimirùm, nihil quicquam in Rebus Astronomicis absque Arithmeticâ & Geometriâ suscipi, nedum peragi unquam posse. Hæ enim, ut cuivis Siderum Cultori opem ferant, suisque manibus tandem Coronam Astronomicam imponant, omnino necessitas poscit. Atlas quoque & Hercules, cupiditate, labore ac constantiâ maximè Astronomo ad res Coelestes scrutandas opus esse, notant & designant. Adde, cùm Atlas &

Rimula Pin
nacidorū pa
riter dilata
ri, rursusq[ue]
comprimi pos
sunt.

Pinnaciis
quem in finē
Statuae sint
apposita.

De plumulis
chalybeis Re
gula adstrin
gentibus.

Quid statua
significent.

*Auctor versiculis quibus
dam additis
simum suum
animum erga
Studio Side
rale expone-
re voluit.*

Hercules, secundūm Veteres, Scientiæ Sidereæ haud parūm operam dederint, eamque jugiter excoluerint, volui in perpetuam memoriam Iconibus Eorum Sextantem hunc nostrum condecorare, atq; hisce versiculis, ad limbum æri incisis, meum qualem qualem affectum erga Rem omnem Astronomicam simul breviter exponere, nec non Sextantem ipsum, ejusque structuram Cœlestium Studiorum Cultoribus optimis modis commendare, pariter etiam Inscriptionem adjicere; quò post fata nostra non nesciant, cuius curâ atq; operâ, tum quo tempore Insigne hocce Organum (quod diutissimè conservari meretur) conditum atq; fuerit constructum.

*Herculis hic virtus, humeri poscuntur Atlantis,
Cœlica si penitus visere tecta velis.*

*Non hic pervigiles noctes, æstumve, geluve,
Curis cum variis, sit tollerare grave.*

*Blanda sed Vranie, quæ splendet sola laborem
Æternæ laudis præmia grata levant.*

*Ætherios varios subeunt quos fornice motus
Sydera, quosve solent cuncta tenere fitus,
Promptius expandit solus quam cætera SEXTANS
Organa, quæ solers fingere cura potest.
Ne molem metuas nimiam, pondusq; molestum,
Artis subsidio quod levat una manus.*

*Inscriptio
Sextantis.*

HUNC SEXTANTEM

Rei Astronomicæ bono, ex solido metallo,

*Novâ & singulare planè ratione fabricandum
curavit,*

JOHANNES HEVELIUS,

*Conf. ac p. t. Jud. V. C.
GEDANI*

Anno æræ Christianæ 1658.

*per
Wolfgangum Günterum, Automaturg.*

**Sed ut ad Pinnacidia hujus nostri Sextantis redeamus:
tertium**

tertium, instar Cylindri, in centro ejus, ita ut Regulam simul constringat, affixum est; quantæ autem sit altitudinis ac latitudinis, occasione superiorum Sextantum jam dictum est. Atque ita & hæc ferè de anteriore Instrumenti facie dixisse sufficient; tum quomodò noctu ad Sidera id dirigi debeat: quanquam hoc loco adhuc supperaddere haud alienum erit, quomodò Lunâ splendente, ac majori lumine imbutâ Observationes peragendæ sint, ut reliquos Planetas, Fixas, nec non Cometas, non obstante Lunæ splendore, accuratisimè obtineas. Olim quidem hucusq;
 neque ipse Tycho, neque alias quisquam, quantum sciam, diversum observandi modum Lunâ silente, quàm eâ Horizontem illuminante ad Astra adhibuit. Crebris tamen Observationibus edoctus sum, lumen Lunæ, præsertim Cy-
 lindro ab uno latere magis, quàm ab altero illuminato,
 non solùm Tyronem, mediocriter tantùm huic negotio as-
 suetum, sed nonnunquam etiam Exercitatisimum posse
 ducere in errorem; atque inde majoris artis esse illumina-
 to undique Cœlo, quàm nocte illuni Stellas rimari.

*Quomodo
Sextans Lu-
nâ splendente
ad Sidera ex-
poni debeat.*

*Splendor Lu-
næ facile Ob-
servatores se-
ducit.*

Quamobrem duas diversas capsulas ex crassiori chartâ conglutinatâ effinxi; alteram, quando duarum Fixarum aliquam Distantiam Lunâ haud procul existente; alteram verò, quando Lunam ipsam cum quâdam Fixâ dirimen-
 dâ habemus. Prior unius & dimidiæ ferè pedis longitudine est, latitudine verò duplâ ratione æquat Cylindrum Sextantis; supra & infra, nec non ab utroq; latere arctiori, tecta est, sic ut tantùm à duobus sibi invicem oppositis lateribus longioribus sit aperta. In velamento majorum laterum inferiori planè in medio foramen tantæ amplitudinis excisum est, ut capsula hæc Cylindro Quadrantis scilicet Dioptræ imponi possit. Quando igitur nunc binæ stellulæ absque luminis Lunaris impedimento observari debent, dictam capsulam impone Cylindro, atque alterutrum latus ejus coopertum Lunam versùs dirige, ita ut totus Cylinder à Lunæ lumine prorsùs sit immunis, pariter etiam liberrimus per utrumque latus apertum Observatoribus ad binas simul stellas observandas pateat prospectus. Id quod etiam

*Quâ viâ o-
pe capsularū
lumē Lunæ à
Cylindro pro-
hibeatnr.*

commode succedit, licet intercapedo sit sexaginta Graduum, ut in quibusvis Stellarum, Lunæque sitibus lumen Lunæ omnino à Pinnacidio removeas, ac æque tum Observations accurate peragas, ac si Luna siferet, vel nusquam adesset: cuius generis capsulam in peculiari quâdam Delinicatione R sub Numero 14 infrà adumbratam videbis.

*Construclio
minoris Ca-
psula pro Di-
stantiis Lune
& Fixarum.*

Altera capsula, quæ ad Distantias Lunæ & Stellarum condita est, formâ quidem eadem, sed multò minor ac depresso est, vix dimidiā altitudinem Cylindri, longitudo verò octo digit. & latitudine sex digit. æquat. In utroque tam inferiori, quâm superiori tegumento hujus capsulae foramen ad amplitudinem Cylindri etiam est excisum, ut ei ingeri quoque possit, quando nimirùm Luna & Stella simul dirimendæ sunt. Is Observator, cui Luna obviam venit, nullo tegumento vel velamine opus habet; alter verò, qui stellam rimatur, dimidiā partem Cylindri vel Pinnacidiū hâc capsulâ obtegit, ita ut Socius alteram Cylindri partem vel superiorem, vel inferiorem, perinde est, liberam nudamque retineat; ille verò, qui tegumento utitur, convertit clausum capsulae latus Lunam versùs, ut ejus lumen ab illâ dimidiâ parte Cylindri prorsùs prohibeat, libero manente per aperta illa capsulae latera ad stellam discernendam prospectu: atque tum Luna Tibi haud est obstaculo, manetque Cylinder ab omni parte obscurus, ut stellam utrinque æque distinctè, haud secùs, quâm tempore Interlunii, discernere valeas. Quale autem id, in hocce Siderali negotio, ut ut planissimum, adminiculum sit, Imitatores nostri ultrò sine dubio agnoscent.

*Lunam ex-
quisitè obser-
vare, maxi-
mum penè est
artificium.*

At verò, quâ ratione Luna omni tempore admodum præcisè sit rimanda & determinanda, haud adeò promptum cuique est ex aliquâ nudâ Descriptione intelligere, sed usu & exercitatione acquirendum est. Nam etsi Luna reliquis Stellis longè videatur major, etiam admodum sit luminescens, ut quisquam multò eam distinctius, quâm quasvis Stellas sextæ magnitudinis discernere valeat; nihil tamen minus scire Te oportet, quod Lunam exquisitè omnino dimetiri præcipuum & maximum ferè sit inter reliquas Observations

ones pene omnes , tam propter ejus lumen adventitium nimium, quām motum proprium celerimum, præsertim verò, cùm non ex Lunæ centro, sed ab alterutro limbi eluminati latere Distantiæ sint determinandæ ; hincque difficulter admodùm metam attingere in manu semper habes .

Supereft, ut quædam nunc etiam de diurnis Siderum Observationibus, utpote de Distantiis Solis & Veneris exquisitè capiendis dicamus ; quod negotium ut est maximi momenti , sic summâ quoque attentione & circumspectione, tum peculiaribus adminiculis aggrediendum est. Evidem Tycho, ut mihi videtur, haud usque adeò eâ de re fuit solicitus : quippe non nisi umbram Solis , ex cylindro prioris scilicet Pinnacidii ortam, in plano posterioris Dioptræ, prout licuit, exceptit ; sed, ut pace tanti Viri dicam, mihi semper sum persuasus, me haud posse, quamvis omnibus viribus id tentaverim, eâ ratione tam præcisè dictas Distantias, sicuti res illa subtilissima alioquin omnino poscit, dimetiri. Proinde, ut aliquantò pressius rem susciperem, peculiares inventiunculas ad manus sumpsi , & quidem diversas, prout se Sol aut Venus huic vel illi Observatori obtulerit. Is, cui Venus rimanda obvenit, haud potest aliter , quām per nudas Pinnacidii rimulas mediante Cylindro rem expedire, simili planè ratione, quā noctu in cæteris Stellis fieri debet, Sole licet sub ipso Meridiano existente ; quemadmodùm haud raro à nobis etiam factum est : verūm, hæ Observationes diurnæ lynceos sanè oculos sibi flagitant, Venerem nempe interdiu serenissimo aëre, Sole splendente, per utriusque Pinnacidii rimulas nudis oculis accuratissimè discernere . Adhæc, quantâ verò oculorum laxione & offensione id contingat, & quām grave id accidat Observatoribus, Venerem in viciniâ Solis primùm detegere & scrutari, poterit quilibet ipse explorare ; non dubito, quin postmodùm mihi astipuletur, opus esse maximè arduum, tum artificium haud vulgare, ejusmodi Observationes debitè administrare. Noctu Exercitationibus res quasi ludicra est Astris invigilare ; at verò diu Distantias Solis & Veneris exquisitè

*Diurnæ Ob-
servationes
Solis & Ve-
neris quomo-
do sint expe-
dienda.*

*Quo pacto
Tycho istas
aggressus fu-
erat.*

*Valde dif-
ficile est, dñs
Venerem ob-
servare.*

prorsùs, inquam, deprehendere, etiam Exercitatissimos quosvis immane quantum torquet.

Sed ad rem ipsam: posito, Venus Socio, fixo Pinnacidio assidenti se se primùm offerat, tunc illam per nudas tantùm Pinnacidi rimulas, ut modò diximus, investigat: quanquam aptissimum erit, operique maximè conveniens, si superiorem capsulam minorem funditus Cylindro impo-
nat, eamque eatenus obvertat, quatenus Solare lumen à Cylindro penitus prohibeat; id quod istis Observationibus insigniter, crede, accidit commodum. Verùm, inquies, quomodo quæso Tu, Regulæ assidens poteris Solem con-
spicere, nedum observare? Nonnescias autem velim, oculos meos multò mihi esse pretiosiores, quàm ut Solis splen-
didissimum jubar acrioribus & intentis oculis intuear;
tum mihi minimè esse impedimento, Collaboratorem meum, pro avertendis Solis radiis, capsulâ Cylindrum pror-
sùs obtegisse. Nam mihi, Regulæ adstanti planè diversâ
viâ, si aliquid solidi & accurati deprehendi debeat, rem ten-
tare incumbit; hâc videlicet ratione: Lamellam ori-
chalcicam parvulam altitudine duorum pollicum, & latitu-

*De lamellis quibusdā Pin-
nacidiis impo-
nendis.*

dine tantâ, quantâ est Cylindri diameter, suprà annulum ad perpendiculum erectam fieri feci, adjectis duobus pedibus seu fulcris, Cylindri altitudinem æquantibus, ex crassiori filo æneo constructis. Hanc lamellam, in cuius centro mi-
nutissimum foramen, pro excipiendo Solis disco, est per-
terebratum, Cylindri parti superiori impono, eamque visui
meo ad ductum Regulæ oberto, donec planum lamellæ
planè quâ Regulam decusfatim constituatur. Deinde, fir-
mato ad Regulam cochleis quibusdam utroque illius an-

*Lamella cy-
lindro impo-
sita unâ cum
Regulâ mo-
vetur.*

nuli sive lamellæ pede, poterit hæc lamella, unâ cum ipsâ Regulâ, perquâm commodè in Cylindro ad nutum moveri,
& quaquaversum dirigi, manente semper, respectu inferi-
oris Pinnacidi Regulæ affixi, cui tunc assideo, facie lamel-
læ planè obversâ. Sed hæc nondum sufficiunt: quippe,
cùm foramen lamellæ, Cylindro impositæ longè nunc sit
altius constitutum, quàm centrum circelli, in inferiori Pin-
nacido descripti; utique Solis radii, foramen illud lamellæ

per-

pertransentes haud quam ad ductum Sextantis parallelum, sed, quoad planum Distantiæ, Solem inter & Venerem prorsùs obliquè in dictum circellum incident; atq; ita planum Sextantis, quâ intercedinem observandam, planè vitiosum, & malè erit inclinatum; tum per consequens etiam Observationes, si eo modo peragantur, erunt omnino erroneæ, & nullius sanè pretii. Proinde aliam lamel- Viriq; Pin-
nacido lamel-
la imponitur. lam ejusdem prorsùs magnitudinis confeci, eamq; è diver- so alteri Pinnacido, oculo Observatoris proximo ad libel- lam congruenter imposui, ac ibidem binis cochleolis pro- bè adstrinxì; ita ut commotâ Regulâ tam hæc, quâm altera, huic opposita supra cylindrum, faciebus videlicet ad se in- vicem semper directis, procedant. Et quia in inferiori la- mellâ, Pinnacido ad oculum impositâ æque accuratisimè in medio centrum circelli descripti ad Distantiam Pinna- cidorum, pro excipiendo Solis disco, constitui, planum Sextantis ad inclinationem Distantiæ Solis & Veneris haud quicquam obliquari potest; sed necessariò oportet, directo scilicet altero Pinnacido ritè ad Venerem, lamel- lis verò ad Solem expositis, ita ut Solis discus circellum to- tum omnino expleat, semper ut sit accuratissimum. Quò autem circellum, ejusq; centrum eò distinctius cognoscas, faciem inferioris lamellæ, Soli expositam chartâ albissimâ superindui, atque in eâ centrum, circellumque, ad Solis radios multò clariores & vividiores in eâ exhibendos, a- tramento descripsi.

Sed & hæc nondum totum omnino sustinent negoti- Canalis qua
dratq Regula
adhibēdus. um; idcirco, ut rem adimplerem, canalem quadratum ex crassâ chartâ, leviuscum tamen in Regulam tantâ longi- tudine, ut extremitatibus utramque lamellam attingeret, constitui: quò sic lumen Solis circumfluum eò aptius pro- hiberi, Solis verò discus, per foramen prioris lamellæ in posterioris lamellæ circellum incidens eò dilucidiūs ac li- quidiūs possit deprehendi & notari. Cui rei plurimū confert, quòd capsulâ quâdam papyraceâ satis amplâ, ab uno latere tantum apertâ totum inferius Regulæ Pinnacidium cum suâ lamellâ circumdederim, ut locus ibidem planè es- set

set obscurus, instar alicujus Cameræ obscuratæ, prout in Quadrantibus facere consuevimus, ac etiam Capite V in Descriptione Quadrantis Horizontalis lignei exposuimus, ibidemq; pariter ejusmodi Tegumentum adumbravimus: quanquam paullò diverso Tegmento, & canali in Sextantibus utor, pro ratione Instrumenti, & Observatoris commoditate: cuius generis Tubum infrà in peculiari Iconismo R, ad Num. 13 delineavimus. Applicatis, atque ador-
Auctoris ratione Observatio-
tiones diurnæ lusu, que alio-
quin maximâ molestia, ex-
pediuntur. natis sic probè his omnibus, mirum dictu, crede, nobis ejusmodi Observationes peragere leviùs & promptius est, quàm olim Tychonicis, ejusque Sectatoribus; hâc ratione, profectò, labor est gratisimus, & quasi lusu expeditur: dummodò Coadjutor, qui Venerem rimatur, utrumque suum Pinnacidium exquisitè dirigat; id quod utique dexterimè poterit, si longiorem illam cochleam directoriam, globulis volubilibus armatam Sextanti adhibeat, atque sic hujus beneficio Stellam assiduè prosequatur, ac concomitetur; ad exemplum Regulæ Directoris, qui nihil agit ardentiùs, quàm ut tunc Solis discum in suo circello supra Pinnacidium in lamellâ descripto exquisitissimè excipiat, eumque firmissimè, quoad opus est, in dicto circello detineat: id quod ope illius cochleæ, sub Regulâ affixæ in numerato habet expedire, quasi Sol in Cœlo omnino immotus stare videatur, ac nullus planè motus diurnus in naturâ detur. Anne igitur hic modus Solem observandi tempore diurno, quàm ille antehac plerisq; omnibus consuetus, per umbram scilicet Cylindri, in opposito Pinnacio nudè exceptam longè sit tutior? penes Te, aliosque Siderum Scrutatores, quando periculum ejusdem rei feceritis, esto judicium. Ego penitus mihi persuadeo, hanc rationem, Solem à Venere dirimendi, omnium hucusque esse tutissimam; num quisquam aliis meliorem adhuc cogitationibus suis consequi, & architectari valuerit (prout utique fieri poterit: dies namque diem docet) in medio relinqu. Et tantùm etiam dictum nunc sit de Observationibus diurnis.

Cæterùm, cùm adhuc in Contemplatione dextri, sive præcipui lateris Instrumenti versemur, videmus duas cate-
Auctor si-
bi persuader,
hunc modum
tutiorum esse
Tychonico. nas

nas ferreas, à transversâ anteriori Speculæ trabe dependentes; à quibus Sextans, peractis Observationibus, nunquam non robustissimis suis uncis à tergo, sinistro scilicet latere, cruribus Instrumenti affixis suspenditur. Nunquam enim Sextantem hunc, quem semper in oculis gero, in globo versatili, cui est impositus, quando Observationibus non amplius exponitur, quiescere sino; ne forte lædatur, concutiatur, vel accuratisima ejus planities diuturnitate temporis ex suo ipso pondere, alioqui satis notabili noxam aliquam sibi acquirat. Multum quidem est laboris, multumque temporis, imponendo in Fulcrum Instrumento, cæterisque rebus omnibus adornandis, accingendis elabitur; rursus etiam non minus est operæ, Instrumentum à sede suâ removere, ad requiem deducere, velamentis obtegere, occludere, & ab omni aëris injuriâ penitus defendere; verum, quicquid sit, debet tamen, amore in Res Sidereas inflammatum, etiam si vel aliquoties unâ nocte ambiguo sive inconstanti aëre labor hic sit reciprocandus, hujus negotii minime esse pertœsum: quemadmodùm in hisce nostris oris Borealioribus sæpius contingit, ubi mutationibus aëris repentinis frequentissimè sumus obnoxii. Attamen solatio est, quod omnia & singula tali ratione sint disposita & adornata, ut possim solus, ope tantum unius Socii, Instrumentum hocce Pedestali, globoque suo haud adeò magno negotio imponere, rursusque eò removere; beneficio videlicet illorum ponderum, aliorumq; adminiculorum, quæ singula tam accuratè describi haud possunt; in primis verò ratione sitûs Fulcri, catenarum, globique volubilis, ut ad Instrumenti elevationem, directionem, ac remotionem leviori potentia opus habeas, ut ut duo, vel tres robustissimi homines Sextantem hunc cum omni suâ necessariâ supellectili ægrè admodùm, ob summam ejus ponderositatem, alio transferant.

Expeditis itaque Observationibus omnibus, suspenso scilicet de catenis Instrumento, velamine obtecto, limbo insuper peculiari tegumento, ut ab omni pulvere adventitio planè sit immunis, obvoluto (secùs profectò limbus ille n-

*Sextans non
perpetuè in
fulcro suo qui
escit, vel re-
manet.*

*Duo soli
observatores
Sextantē ful-
cro imponunt*

*Quomodo In-
strumentum
peractis Ob-
servationibus
tegatur, ac in
speculâ con-
datur.*

tidissimè expolitus & divisus, nec non ipsa Regula facilè rasuras, maculasq; contraherent) tum, inquam, peristroma, quod à tribus funiculis ab anteriori & superiori Speculæ transversario dependet, quibus aliàs elevatum & attractum est, solvitur ; statim etiam dum decidit, reliquis illis diversis funiculis utrinque ita dispositis constringitur, ut dictu ferè citius tota Specula sit obtecta, & penitus occlusa, ut non, nisi per januam, ab alterutro Tabernulæ latere conditam, intrò pateat aditus.

Hinc transeamus nunc, delineato ac explicato Sextantis latere anteriori, ad latus posterius huic oppositum ; id quod pariter sub peculiari Icone N, summâ industriâ, quoad fieri potuit, Tibi Benevolo Lectori sub adspectum ponere lubens volui : quò Tu eò dilucidiùs singulas Instrumenti partes perlustrare posses, mihi verò eò clariùs universa proponendi detur facultas, nec non ea, quæ suprà modò tetigimus, liquidiùs ab omnibus perciperentur. Adspicitur autem Instrumentum, ac si essemus extra ostium, ut est in suâ Tabernulâ constitutum, ac ab Observatoribus ad Sidera directum ; alter Coadjutor decliviori loco ad Fixum Pinnacidium, dextro brachio Fulcimento volubili innixus, Sextanti in scabello assidet ; alter præcipuus Observator paullò sublimiori loco, in sellâ illâ productiori versatili, scabellam sub pedibus tenens, considet, sicuti directio hæc obliqua & valdè inclinata transversa Instrumenti nunc exposcit, ad omnia & singula eò melius contemplanda. Ipsam Speculam cum toto apparatu à parte interiori hæc facie etiam satis distinctè perspicis ; quali nempe sit formâ, magnitudine quâ altitudinem, latitudinem, atque profunditatem prædicta. Constat quidem ex leviusculis asserculis abiegnis, quasi agresti manu sit condita ; verùm enim verò hæcce Tabernula multum multumque mihi facescivit negotii, priusquam in mente meâ illam concepi, ac juxta debitam symmetriam delineavi. Nam nisi illam quâ omnes partes, latitudinem scilicet, altitudinem ac profunditatem rectè construxeris, profectò imposterūm in casum laborabis, quicquid etiam tentaveris vel funibus, ponderibus,

*Posterior
Instrumenti
facies.*

*Quomodo
Observatores
Sextanti as-
sideant.*

*Stru-
ctura
Specula.*




Fig. N.

A Stech Delin.

J. Saal Sculpsit.

bus, sustentaculis atque cochleis directoriis. Quippe non solum hæc Specula fatis sit robusta ad sustinendum Instrumentū, sed ut apta quoq; sit ad firmiter subsistendum, haud minùs ad circumgyrandum necesse est: adhæc adeò fortis sit, ne cuilibet impulsui facile cedat; e contrario etiam haud sit nimis gravis, ut unius hominis mediocri potentia regi, ac circumduci pro libitu valeat; secùs profectò hæc Specula citius erit Tibi impedimento, quàm adjumento.

Quamnam autem revera mensuram Specula hæc nostra habeat, haud operæ pretium esse duco multis recensere. Quoniam quodvis Instrumentum, quà magnitudinem, peculiarem sibi exposcit constructionem. Committo igitur istud negotium Ei, cui hæc ratione Sextantem dirigere propositum est: videbit utique, etiam si omnia & singula adeò accuratè delineata ob oculos habeat, rem hanc ex ideo protinus, ut forte sibi imaginatus est, haud quaquam succedere. Sed ut pergamus; Specula hæc pariter, ut superior Quadrantis (quanquam quoad dimensionem planè sit diversa, tam latior, quàm altior) supra quatuor rotas, ferreis laminis crassioribus extrinsecus munita fertur; matrices verò rotarum, in quibus ferrei axes volvuntur, ex solido ære fusæ sunt. Axes autem modò dicti èdem planè ratione, ut in superiori Speculâ Quadrantis diximus, inferiori trabi affixi sunt, ut omnino centrum Speculæ, sive Pedestalis respiciant; aliter profectò, sicuti dictum est, haud posset Tabernula ab uno homine, alterutro ferreo manubrio à parte Tabernulæ posteriori commode affixo, adeò leviter in orbem agi. Ne autem tota Specula centro suo exeat, vel loco suo genuino detrudetur, duas ferreas phalangas unâ extremitate ad cuspidem inferioris trabis clavis affixi, alterâ verò extremitate ad annulum quendam mobilem circa Fulcrum Instrumenti ibidem lamellis munitum cuneis ferreis validè adstrinxí: Simul annulum istum tegumento quodam coriaceo texi, quò liber esset (cùm Pedestale hujus Instrumenti non intra Speculam, prout in Superiori Quadrantis Speculâ vidimus, sed extra eam sub diò constitutum est; veluti ex apposito Iconismo

*qua ratiō
na Specula ex
adificari de-
bet.*

*Tabernula
Sextantis vol-
vitur quoque
super rotas.*

*In Speculâ
Sextantis E-
clipses Sola-
res Telescopio
commodius,
quàm in aliâ
quâdam Ca-
merâ obscu-
rata obser-
vantur.*

singula clarè patent. Prætereà janua hujus Tabernulæ à latere, ut aditus introcundi obducto velamine pateret, condita est. Occlusâ itaque ab omni parte, atque undique obstructâ hæc Speculâ, intus tum satis appetit obscura, instar alicujus cameræ obscuratæ, ut commode in eâ tam Maculæ Solares, quàm Eclipses nullo non tempore possint observari: quemadmodum etiam à multo tempore Eclipses omnes nunc ibidem animadverto. Spatium enim interiorius non solum satis amplum est, sed etiam valdè opportunum accedit, quòd dicta hæc Specula mobilis sit, ac quaqua versùm regi, & ad Solem semper directè exponi possit, ut sic continuò Solem ex radiis directis, minimè verò obliquis observare liceat: id quod sanè in aliis cubiculis, obscuratisque cameris, quamcunq; etiam plagam Cæli respiciant, neutquam conceditur; sed sæpiùs, ob Solis obliquiorcm situm, ejusq; motum continuum, loca fenestrasque immutare oportet. Hincq; adductus sum, ut fenestellam in superiori parte utriusque Speculæ lateris condiderim, quò pro lubitu, datâ occasione, globum illum versatilem cum suo Telescopio Machinæ illius Helioscopicæ, jam olim partim in Selenographiâ nostrâ pag. 40 & 98 delineatæ, partim adhuc clariùs infrâ Cap. XVIII describendæ ibidem, pro Maculis scilicet Solaribus, Eclipsibusque denotandis, inferere possim: ita ut Specula hæc nostra mobilis non tantùm pro Sextante, sed & aliis diversis Observationibus sit aptissima.

*Ex hoc po-
stico Instru-
menti latere
omnia & sin-
gula diluci-
dius patent.*

Intellexisti sine dubio, mi Astrophile, jam suprà, Sextantem hunc beneficio cochlearum atq; funium valdè præcliviter, & promptissimè regi, sustineri, ac firmiter detineri posse; quæ autem omnia nunc ex præcedenti Schemate N Tibi multò dilucidiùs patescunt: quâ ratione nempe Instrumentum ex uncis ferreis pendeat, funesque præcipui Sextantem gestantes, à quibus majora illa bina pondera dependent, quomodò per quatuor illas cochleas, ac supra earum orbiculos trajecti ac ducti sint, & quidem eam versus partem, ubi ne minimum Observatoribus sunt impedimento, sed potiùs, ubi in quibusvis Instrumenti directiōnibus

nibus maximo illis veniunt subsidio. Experieris, Benigne Lector, quām præstantissimum sit adjutorium pro expediendis Observationibus, hæc bina nimirūm pondera funibus eatenus appensa; sed hæc sola necdum sufficerent, nisi simul duos alios funiculos, per certas cochleolas ductos, appensis ab utroque latere binis pondusculis, adjecissem. Nam horum beneficio Sextans in debito suo plano, præsertim in adversis sitibus, imò in omni, sive valde inclinatis, sive directis directionibus constantissimè conservatur: exempli gratiâ: datâ Instrumenti inclinatione adeò obliquâ, depresso altero ejus crure versùs Fulcrum atque Horizontem, sub quali facie in præcedente Figurâ Sextantem delineavimus; eo in positu, profectò, majora illa pondera, licet duplo forent graviora, nequaquam loco suo firmiter eum sustinerent, nisi minora ponduscula iis subvenirent. In altero enim funiculo ad Fixum Pinnacidium, cui Socius assidet, annexo, & ex superioribus annulis suspenso adeò valenter requiescit, & ab eo sustinetur, ut minimè amplius Horizontem, Fulcrumque versùs inclinare, vel vergere possit; ab altero rursùs funiculo, appenso pondusculo ab alterà Sextantis extremitate cochleis suis alligato detinetur, ut æquipondio haud exire, vel suo situ labare, nec à majore illo pondere vinci possit. Atque sic in quibusvis directionibus & inclinationibus alter funiculus alteri succurrit, ut majora pondera nunquam prævaleant, sed semper Instrumentum in suo æquilibrio mirum dictu conservetur. Verùm necesse est, ut in quâvis diversâ inclinatione utique non nescias, quomodo funiculi isti tenuiores nunc altioribus, nunc declivioribus annulis, nunc interioribus, nunc exterioribus (quandoquidem plurimi tales annuli passim in Speculâ sunt affixi) ut omni tempore singuli funes convenientissimè officio suo satisfaciant, annexi debeant; præsertim, si Directorem agere satagas, omnino requiritur, ut eâ experientiâ sis imbutus, ut in quocunque casu, quando vel talis, vel alia objicitur remora, ut vel Instrumentum regi recusat, vel consistere nequit, actutum medellam illi rei afferre, vel Coadjutorem tuum quid faciendum,

*Sextans pō-
deribus arti-
ficiōe admō-
dūm regitur,
& dirigitur.*

*Quid funi-
culi in hac di-
rectione pra-
stent.*

*Observator
non ignoret,
quâ ratione
pondera, funi-
culique debi-
tē in omni in-
clinatione re-
gi debeant.*

*Sed hoc i-
psum non nisi
longo usū ob-
tinetur.* quid mutandum, & quomodo opus tentandum sit, ut omnina rursùs reducantur, sibi invicem respondeant, atq; ex voto quàm promptissimè succedant, debitè instruere possis. Sed, crede, faciliùs hæc sunt dictu, quàm factu, ut ipse aliquando ex ipsà praxi satis superque experieris.

*Alio atque
alio loco Sex-
tantis ponde-
ra annexun-
tur.* Deinde in superiori Delineatione non tantùm plurimos passim annulos, præsertim ex anteriori Speculæ sustentaculo dependentes vides, sed etiam diversissimos, transversario chalybeo ad lymbum Sextantis annexos, partim, ut diximus, pro appendendis funiculis subtilioribus, partim etiam pro affigendis crassioribus, ut nunc aliò atque aliò, re sic exigente, commode transferri possint. Quippe in alio atque alio Sextantis situ alium atque alium sibi exposcunt locum, modò ne Observationibus sint obstaculo, modò ut æquilibrium Organì restituatur, conservetur, sicut usus, atque exercitatio te abundè docebit.

*Sextans plu-
rimis trans-
versariis,
transtris &
retinaculis
probè est con-
solidatus.* Quo pacto insuper Instrumento huic transversariis chalybeis explanatis, altitudine suâ erectis undique sit prospectum, ac dicta transversaria plurimis cochleis ad Corpus ipsum orichalcicum affabré sint affixa, clariùs ab hocce latere posteriori præcedentis Iconismi abundè perspicis; sic ut negari haud possit, hunc Sextantem sufficienter, ad conservandam omni tempore suam rectitudinem & perfectiōnem, esse validum ac firmum; in primis in centro gravitatis robustioribus transtris & retinaculis, ubi canalicula apposita est, pro columellâ globi versatilis inferendâ, ut directionis potentiae affatim resistere valeat, est constructus & consolidatus.

*Construc-
tio
globi versati-
lis accuratè
describitur,
& delinea-
tur.* Quâ ratione verò ipse Globus orichalcicus versatilis, (quem jam satis fusè Cap. III pag. 107, & Capite VI pag. 125 descripsimus) sit constructus, & quibus partibus compitus, in superiori Delineatione N adhuc aliquantò clariùs sub adspectum ponere volui, ut si non ibidem ex solâ Descriptione, ex hâc utique accuratâ saltē adumbratione singularum partium structuram ejus plenè cognoscas. Primo totum Globum æneum cum suo sustentaculo ligneo delineavi; secundò sustentaculum cum solo calice ex solido metallo

metallo fuso, in quo inferendus est globus ipse orichalci-
cus; ad quem calicem patellam, quæ fundo calicis super
quasdam plumulas chalybeas applicatur, reposui, quò ipse
globus eò lèviùs, promptiusque torqueri, ac quaquaversum
æquabilisimè, lenissimè, & nihilominùs arctissimè regi
non nequeat; tertio, ibidem Globum ipsum cum suo ferro
tereti instar columnis, sive epistomii conspicis; quartò, an-
nulum cum suis cochleis, quibus globus ad calicem firmis-
simè constringitur; quanquam haud adeò admodùm arctè,
quando Sextante, ponderibus armato opus est: si verò glo-
bus versatilis solus Instrumentum sustentare debet, licet
admodùm firmissimè cochleis illis capitatis constringere-
tur, nihilominùs neutiquam sanè omnino par esset, ad tale
grande & ponderosissimum Organum, ex solido metallo
constructum sustinendum, ac sub quacunque inclinatione
exquisitè istud conservandum.

De reliquo, in illâ posteriori Figuratione N dilucidiùs
quoque sustentaculum illud incurvatum, sustentando bra-
chio alterius Observatoris adornatum patet; quomodo
nempe duobus cardinibus in medio fractis sit Speculæ affi-
xum, atque in tereti ligno elevetur ac deprimatur; item,
si cochlea illa longior directoria, binis illis globulis versa-
tilibus armata adhiberi debeat, quâ ratione ad Sustentacu-
lum, vel potiùs ejus orbem extremitati agglutinata pari-
ter ad Instrumentum, ut prompta sit ad operandum, affiga-
tur; nec non, quomodo Observator eam sinistrâ manu
regat ac commoveat. Non minùs quoque in propatulo
ibidem est, quâ ratione, & quo positu Primarius Observa-
tor se operi accingit, sinistrâ scilicet manu cochleæ direc-
toriae, sub Regulâ affixæ canaliculam trabi chalybeæ, lim-
bo subjectæ annexendo, dextrâ verò cochleam ipsam di-
rectoriæ vertendo & dirigendo; tum quomodo altiori
loco, re sic exigente, in sellâ versatili, pedibus commode in
scabello suppedaneo quiescentibus Sextanti assidere, nec
non gradatim ad discernendas dimensiones denique a-
scendere possit, ut nemo Observatorum, sicuti sèpiùs
tetigimus, nixis genibus hâc nostrâ methodo Astra ri-
mandi

*De Susten-
taculo, pro su-
stentaciis bra-
chiis, & a-
ptandâ coch-
leâ, globulis
munitâ.*

*Primarius
Observator
quomodo se
accingat ope-
ri.*

di, Observationes nunquam unquam peragendas opus habeat.

*De cochlea
binis globulis
volubilibus
munita.*

Ultimò melioris intellectus gratiâ in præcedenti delineatione N, cochleam illam longiorem, binis globulis volubilibus armatam, quò structura ejus eò clariùs unicuique pateat, adhuc semel depictam exhibere voluimus. Quæras autem, quid bini hi globuli operi conferant? an ne nuda cochlea eundem producere possit effectum? minimè profectò cochlea dicta denudata globulis eandem, quam meritò debet, præstaret operationem. Siquidem motus iste, cui tunc obnoxius est Sextans, ductum circuli æmularunt; atverò cochlea hæc directoria omninò est recta, & nonnisi in directum absque omni incurvatione procedit: hincque si cochlea dicta non per globulos, sed tantùm per lamellas nudè transiret, vel leviusculo motui illi circulari resisteret, nullo modo tunc Sextans amplius regi posset. Idcircò, ut huic inconvenienti prævenirem, atque cochlea directoria ad incurvatū Instrumenti motum se se perpetuò accommodaret, instruxi cochleam, vel potiùs ejus matrices, in quibus volvitur & circumagit, tam nudam, quam spiratim striatam, ut quoad res tum posceret, se se invertere, ac motum illum Sextantis circularem planè æmulari non nequeat. Ex eo fit, ut dicta cochlea directoria, globulis volubilibus sic armata non solùm huic motui circulari liberrimè & lenissimè, absque omni, vel leviori renixu, sed etiam cuicunque alteri, sive Instrumentum attollatur, sive deprimatur, secundùm inclinationis directionē sese accommodet; ita ut haud opus sit, Sextante paullò aliter inclinato vel directo, statim sustentaculum brachii vel immutare, vel cochleam ab ejus orbe laxare & adimere, aut aliò transferre.

*Quare coch-
lea dictis glo-
bulis sit dota-
ta.*

In angulo Speculæ mensulam, ut & laternam adornavi; mensulam quidem ad consignandas Observationes, laternam verò, ut candelâ accensâ res necessarias perlustrare, iisque perlustratis eam iterum, laxatâ nempe & decidente valvulâ quâdam ligneâ beneficio funiculi, ejusque suspensi pondusculi occludere possim. Etenim Observationes subtiliores

tiliores haud patiuntur lumen aliquod circumfluum, quia noctu in tenebris illud officit luminibus. Eo non attento, requirit omnino Rev. P. Ricciolus candelam ad illuminandum illunâ nocte Instrumenti anterius Pinnacidium, si saltem ex parte notari debeat. Verum, quare hæc Riccioli Pinnacia illuminandi methodus ad Observationes neutiquam conduceat, suo loco infrâ, ubi ex composito de Instrumentorum Dioptris agetur, commonstrabitur. Ego, verissimè, nunquam accuratiùs, quàm remoto omni lumine, profundâ nocte, aëre minùs illustrato Astra rimari valeo. Nam, quantò nox obscurior, tantò magis Observatio-nes mihi succedunt: quippe Dioptræ nostræ ita debent esse necessariò compositæ, ut etiam quâvis obscurissimâ nocte optimè conspici, ac denotari possint.

Catenæ illæ à superiori & anteriori transversario Speculæ (quarum jam mentio facta est) dependentes, de quibus Instrumentum aliàs est suspensum, necesse est, quando ad Observationes accedimus, ut eò, ubi nemini sunt impedimento, funiculo quodam deducantur; rursùs, quando Sextans adimitur Fulcro, ac feriari debet, laxantur catenæ. Seposito igitur Instrumento, eximendum quoque est Pedestali Fulcimentum unâ cum Globo illo versatili, eoque ab omni aëris inclemtiâ benè asservato, cavitas Fulcri operculo quodam capitato tegitur, ne pluvia, vel humiditas quædam intret, nec columen sustentaculi, cui Globus versatilis infixus est, circumducendo in suo motu impediatur. Clausâ Speculâ, eaque velamento obductâ Fulcrum Instrumenti extra dictam Speculam operculo sive epystilio suo tectum remanet. Adhæc, ne procella eam aliquando cum asservato Instrumento commoveat, contundat, vel planè etiam evertat, intus Tenaculo quodam robustiori, ad pedem Fulcri affixo validè fulcitur, atque à parte exteriori ad loricae Sepimenti, quo totum Observatorium alioqui cingitur, funibus adstringitur. Atque tantâ solicitudine opus est, si tale præstantissimum Organum, haud mediocri curâ, labore, sumptuque prognatum, in annos plurimos conser-

vari,

*In tenebris
Observatio-
nes accurati-
è peragu-
tur.*

*Expeditis
Observatio-
nibus Sextans
Fulcro adi-
mitur, Specu-
laq; claudi-
tur.*

vari, tum ad Successores, ut egregie meretur, illæsum prorsus, & integrum transferri debeat.

Ope hujus Sextantis plerasque ferè Fixarum, Planeta-

*Auctor huic
Instrumento
plurimum tri-
buit; hincq;
eo Sidera fre-
quentissimè
est scrutatus.*

rumque Intercapedines, quarum haud pauca millia jam possideo, dimensus sum, exceptis illis minoribus Distantiis, quæ proximo Octante nostro maximo acquisitæ sunt.

Attento cumprimis, quod istud Instrumentum non solùm ab Artifice affabré ac solidissimè sit constructum, à me ipso accuratissimè in suis subtilissimis partibus distributum; sed etiam Regulâ, Pinnacidiisq; exquisitissimis munitum, nec non sufficienti apparatu, eoque pertinentibus sit ditatum: in summâ, quod sit, quoad fieri à nobis potuit, correctissimum. Id equidem tale omnino esse, non est, quod mihi

*Auctor hunc
Sextantē, pri-
usq; ad A-
stra adhibuit,
rigidissimè
ab omni par-
te examina-
vsi.*

gratis credas, nec ex meâ nudâ opinione hæc refero; sed antequam Sextantē hunc ad usum transtuli, rigidissimo prius examini maximâ curâ subjeci, viresque ejus, an nimirūm etiam omnes impleret numeros, ut fas est, exploravi. Ne

tum primùm, quando Instrumentum ad Sidera jam seriò exponendum esset, ex Distantiis quibusdam ab aliis olim observatis, ut Tychonicis, aliisq; hactenus frequentissimè usu venit, illud explorare, atque examinare opus foret. At,

*Quâ viâ id
suscepit.*

inquieres, quâ quæso viâ, ut neminem, rem illam recte, ritè que esse suscepit ac peractam, lateat, id ipsum tentasti? Scias igitur, me penè integrum investigando & perquirendo singula, priusquam securus omnino de omnibus factus fuerim, consumpsisse annum. Quandoquidem initio de

Instrumentorum meorum totâ fabricâ admodum dubius, anxiusque extiti: quoniam hæc mea Organa nonnullas

*Initio Sex-
tan̄es nostri
cum Tychoni-
cis in quibus-
dam non con-
veniebant.*

præcipuas Fixarum quarundam Distantias, quoties quoties etiam illas cum quibuscumq; etiam Sociis deprehendebam ac repetebam, non nihil aliter in quibusdam particulis mihi exhibebant, quam olim Summo Tychoni ex suis Organis obtigerat. Quæ me valde ancipitem reddebant, ut planè,

quò me verterem, & quodnam iter caperem, nescirem.

*Quibus Au-
tor valde cō-
turbaru; ac
proinde scrupu-
lo-*

Nam etsi examinatis probè omnibus, Pinnacidiis, Divisionibus, Regulâ, Fabricâ totâ, nihil penitus vitii inveni-rem; nihilo tamen minùs Tychonicis Distantiis multò plus,

plus, quam meis ipsis tribuebam; an verò benè, an male tum fecerim, ex dicendis mox mox patebit. Attamen non obstantibus iis omnibus animos sumpsi, ac penitus constitui, licet Nobilissimus Tycho Instrumenta sua indubitato examine quibusdam Distantiis (ut videre est Lib. I Progymn. de novâ stellâ 1572; de quibus forte pleniùs Lib. II Machinæ Cœlestis, vel, Deo dante, in Prodromo nostro Astronomiæ, ubi de ipsis Observationibus nobis sermo erit) ab omni suspicione vindicasset, hæc nostra Organa, in primis hunc Sextantem per aliquod solidius & exquisitius examen, num quicquam in eo lateret erroris, funditus inquirere, atque sic omnino certus redderer, an prorsus correctus, an verò vitiosus esset? & utrum vestigiis Tychonicis nec ne mihi foret insistendum? id quod etiam longâ serie, nulli parcens labori, protinus suscepi, ac tandem feli citer quoque absolvı.

Verum, ut unum duntaxat, atque alterum exemplum, in quibus videlicet Distantiis hocce nostrum Instrumentum à Tychonico satis evidenter dissentiebat, depromam, à Lucidâ Arietis modò incipiam, ejusque Distantiâ à Palilio, quæ à Tychone olim observata est, ut in Epistolis ad Principem Hassiæ pag. 50 videre est, $35^{\circ} 32' 0''$: quamquam posteà, editâ ejus Historiâ Cœlesti, deprehendi, non omni tempore eandem ipsam Intercapedinem ejusdem planè magnitudinis in secundis aliquot Tychonem invenisse ac determinasse: nunc illam $35^{\circ} 32' 10''$, ut pag. 200 Progymn. nunc $35^{\circ} 32' 20''$, $35^{\circ} 32' 15''$, ut pag. 58 Epist. nonnunquam $35^{\circ} 33' 0''$, imò $35^{\circ} 33' 15''$ designavit; quinetiam, si ea ipsa Distantia rursus ex illarum Stellarum longitudine & latitudine debitè supputatur, fit illa ipsa Distantia inter Lucidam Arietis & Palilicium $35^{\circ} 31' 40''$. Id quod utique magis magisque me confundebat. Existimabam enim, Exercitatissimos Observatores absolutissimis ab omni parte Instrumentis instructos in tantum vacillare, atque in unâ eademque Distantiâ totidem deviare haud posse, nec debere. In primis, cum ego ipse aliquot continuis annis nostro Sextante eandem Distantiam iterum

Distantia
Fixarum Ty
chonica in
quantum à
nostris diser-
dant.

Instrumentis
perfectiori-
bus exercitatos
Siderū Meta
tores oportet,
ut iteratis vi
cibus semper
idem obser-
vent.

iterumque multoties certe, & cum diversis haud usq; adeò
inexercitatis, ac benè Peritis Adjutoribus ex Cælo deprom-
pserim $35^{\circ} 32' 45''$. At inquies, amabo, quid hæc paucu-
Minima nō
nunquā Ma-
xima subtili-
oribus rebus
ingerunt.
la Minuta, Secunda sibi volunt; conferentne, an adiment
alicujus notæ quædam Observationibus? maximè, inquā, mi
Amice, verūm nolo hoc loco multa hâc de re nunc funde-
re verba; sed suo loco, quo materia hæc spectat, ad Prodromum
fortè nostrum Astronomiæ, necessariò dicenda re-
servanda erunt. In præsens tribus dixisse sufficiat, hanc
discrepantiolam mihi omnino plus plusque ansam dedisse,
rem aliquantò altius, pressiusque indagare.

Satis evidēs
discrepantio-
la inter Di-
stantias Ty-
chonicas no-
strasque.
Præter hæc, Distantiam Palilicij à Polluce Geminorum,
quam Tycho in Epistolis suis tradiderat $45^{\circ} 5' 0''$, in Ob-
servationibus verò suis diversimodè, utpote, $45^{\circ} 7' 20''$,
 $45^{\circ} 7' 0''$, $45^{\circ} 4' 15''$, $45^{\circ} 3' 40''$ & quæ ex longitudine &
latitudine Tychonicâ prodit $45^{\circ} 5' 30''$, ego Instrumento
meo multoties summâ diligentia $45^{\circ} 3' 45''$ dimensus sum.
Quæ sanè discrepantia satis est evidens. Atverò, quis quæ-
so nostrum metam attigerit rimando? vereor in præsentia-
rum effari, nec modo mearum est partium, sed sublimiorum
Rerum Cœlestium Peritissimis Scrutatoribus ex suis
ipsis Observationibus, atque hac nostrâ rigidissimâ Inqui-
sitione, quam unicuique ipsi studiosissimè tentare licebit,
hanc controversiam relinquo dirimendam.

Per differen-
tias Ascensio-
nales Auctor
rem omnem
scrupulosè,
ut decet, per-
vestigavit.
Ideoque statim initio Observationum mearum nulla
ulla mihi potior fuit cura, quâm ut sequentes numero octo
Intercapedines Fixarum, utpote Lucidæ Arietis & Palilicij;
Palilicij & Pollucis; Pollucis & Reguli; Reguli & Spicæ;
Spicæ & in manu Serpentarii; in manu Serpentarii & Aquilæ;
Aquilæ rursùs à Marcab; & denique Marcab à Lu-
cidâ Arietis, postquam illas sæpius sæpiusque iteratò sem-
per planè easdem nostro Sextante invenerim, ut ut à Ty-
chonicis Distantiis haud pauxillum discederent, rigidiori
subjicerem calculo, atque differentias earum Ascensionales
inquirerem. Quibus deinde conjunctim additis, clarè de-
prehendi, has differentias Ascensionales omnes integrum
omnino circulum, nimirum 360 Grad. producere, & qui-
dem

dem valdè præcisè, de quo tum ipse multùm multùmque mirabar, ut nec in uno, aut altero secundo, sive in excessu, si-
ve defectu peccarent. Id quod mihi tunc instar infallibilis
experimenti, atq[ue] demonstrationis omni exceptione ma-
joris erat; Instrumentum videlicet meum non tantùm ab
omni parte esse absolutissimum, sed Observationes quo-
que singulas exquisitissimè à nobis esse administratas; at-
que ita omnino vixtus, imò, fidem omnem his nostris Obser-
vatis adhibere, iisdem acquiescere, & reliquorum quorum-
cunque Observationes minimè loco normæ amplecti, sed
in suo relinquere pretio, sum coactus. Quæ deinceps fide-
liter ac strenuè nos fecisse, ne cum profecto me pœnitet.
Nullus prorsùs dubito, quin omnes & singuli, hæc nostra
probè ritèque examinaturi, & in Cœlo, & in calculo rem
planè eandem invenerint. Quid verò causæ sit, quòd Ty-
chonicæ Distantiæ, & quidem illæ ipsæ, licet à nostris di-
scrpent, per differentias Ascensionales pariter integrum
ferè circulum, si paucissima Secunda excipias, produixerint,
haud pluribus enarrare modò possum, nendum planè, ut qui-
dem res adeò sublimis, à quâ Rerum Astronomicarum ma-
xima dependent momenta, meritò sibi exposcit, common-
strare; spero tamen, si Deus O. M. vitam, sanitatemque
concesserit, in Prodromo Astronomiæ nostro, uti modò
dicebam, me abundè officio nostro satisfacturum. Hac vi-
ce, ut finiam, sufficiat, Sextantem hunc meum esse ritè con-
structum, probè divisum, & accurate examinatum, ut uti-
que securè ipsi fidere possimus: quemadmodùm ipsæ Ob-
servationes nostræ Lib. II, III, & IV. hujus Machinæ Cœ-
lestis ampliter re ipsâ loquentur, ac demonstrabunt.

*Re benè ex-
ploratâ, Au-
tor omnem
auctoritatem
respuit: an
rectè? Cœlū
ipsum evin-
cet.*

*Vnde Tycho
& Autor e-
undem inte-
grum circulū
ex diversis Ob-
servatis dedu-
xerint, in
Prodromo
Astronomiæ
commonstra-
bitur.*

C A P U T XII.

De Octante Maximo Orichalcico.

*Octans hic
inter meliora
Organa refe-
rendus.*

Quemadmodùm hic Octans aliorum omnium Instru-
mentorum meorum haud postremum est; sic quoque
inter ea meritò, quæ in sinu, manibusque unquam habui, il-
lum repono. Ad quem in primis construendum nulli la-
bori,

bore, sumptuique pepercit; maximè verò omnem adhibuit diligentiam in Divisiones & Dioptras, singulari planè, ac novo artificio confectas: cuius generis nusquam hactenus,

*Gaudet pla-
nè novis Di-
optris.*

ni fallor, adhuc fuerunt in usu, nec scio, an adhuc dum similia Pinnacidia ad hæc nostra effinxerit quisquam. Ipse

*Ex solido
constat me-
tallo.*

Octans, ut superior Sextans, ex solido constat metallo; anterius utpote latus præcipuum ex puro orichalco, posterius verò secundarium contignationibus, transversariis, transversisque solidis, ac chalybeis inter se firmissimè connexis est constructum: prout ejus structura ex hâc appositâ Delinicatione haud obscurè patet. Præprimis limbo robustissimum transversarium ex ferro explanatum, itidem ut in superioribus Organis, ad altitudinē explanati lateris erectum

*Transverfa
riis robustis-
simis est con-
structus.*

subjeci, cochleisque capitatis probè adstrinxi, nec non Tenaculo illi intermedio procerissimo, ac benè largo orichalco, ad quod limbis cum suis cruribus alioquin est affixus, adhuc multò robustiorem trabem ferream pro Fulcimento subdidi: ne Instrumentum hocce Nobile ob suam amplitudinem & gravitatem, in centro suo gravitatis quietescens, à suâ perfectione vel commovendo, dirigendo, vel Globo Versatili imponendo & reponendo discederet, frequentissimoque usū incurvationem aliquam contraheret, & Pinnacidia cylindracea, quâ Octantis planitiem, distorquerentur.


Etenim Instrumentum hocce quoad radium sex cubitos, sive novem ferè pedes æquat, atque limbus ejus tantæ est amplitudinis, ut capax sit quadraginta quinque integrorum Graduum, prout nomen Octantis omnino tot etiam exposcit.

*Magnitudo
Octantis.*

Estque eo fine tantâ amplitudine donatus, quò mihi eò distinctius & exquisitius perficere distinctiones Graduum ac Minutorum, nec non postmodùm eò accuratiùs Intercapedines Siderum dimetiri licet. Haud tamen hoc Octante Distantiæ quadraginta Grad. superantes, licet arcus ejus in 45 imò 46 Grad. sit distributus, determinari possunt:

*Omnium mi-
num, sed non
maxima O-
ctante dirimi
possunt Di-
stantia.*

ex quâ ratione autem id pendeat, quando de Pinnaciis infrà agetur, dicendum erit. Reliqua verò universa Stellarum intervalla, etiam omnium minima, licet tantum



A Steel Deline.

Fig. O.

J. Sast Sculps.

tantum sint aliquot Minutorum, imò Secundorum, utique ad unguem dirimi possunt; veluti quoque hocce Organo amplissimo Intercapedines Plejaduni omnes ex voto dimensus sum; an id ipsum adhuc à quopiam tentatum, vel peractum sit, valde sanè dubito. Proinde etiam hicce Octans potissimum ad strictiores Distantias à me sanctus est; non quidem ea de re, ut forte Tibi imaginaris, quod sit nimis vastus, gravis, & ad dirigendum minus tractabilis? neutrum quam profectò: imò, licet suo pondere, cùm ex puro puto constet metallo, robur duorum valentissimorum hominum, si aliò nudè transportari debeat, ferè excedat; nihilo tamen seciùs multò leviùs, promptiusque hunc Octantem, quā Sextantem præcedentem, ut ut duobus pedibus minorem possum dirigere, elevare, deprimere, ab uno latere ad alterum transponere, & quidem unā solā manu, asservando semper suam inclinationem & directionem quā validissimè, etiam in ipsissimo situ verticali, ac si Distantiam aliquam duarum Stellarum, sub uno eodemque verticali existentium dirimere velles: prout à nobis frequentissimè factum est, ac intentis oculis plurimi Eruditi id ipsum sunt contemplati.

Quòd autem adeò procliviter, prompteque; omni directioni pareat, pariter Speculæ mobili, Capite præcedenti satis fusè descriptæ (in quā alias Sextans aservatur) nec non funibus, ponderibus, cochleisque directoriis, omniisque reliquo apparatu omnino adscribendum est. Proinde, si hoc Octante uti volumus, Sextantem ex dictâ Speculâ removendo, vel ad partem Tabernulae posticam, quo loco nulli est obstaculo, deduco & suspendo, velut etiam commodè fieri potest; atque tum primū Octantem in Speculam infero, ejusque canaliculam, à tergo affixam columellæ sive axiculò Globi versatilis illius Fulcro impositi apto, ut supra jam clarè diximus. Dein bini isti funes crassiores cum ponderibus suis ad trabem transversariam chalybeam, ibi ubi commodum Tibi videtur, cùm plurimos annulos ibidem invenias, ope fibularum suarum ces silium annectuntur, non minus ab utroque latere funiculi minores cum suis pondiculis;

*Etiamsi sit
ponderosissi-
mus, tamen
leviusculè re-
gi potest.*

*Quòd adeò
volubilis sit,
ac in quavis
directione fir-
missimè sem-
per bereat,
Specula, ejus
que appara-
tui adscriben-
dum est.*

*Ex unā eā-
demque Spe-
culâ Sextan-
te & Octante
observatur.*

sculis, sicut ex Schemate liquet: quibus adornatis expeditum est, Octantem pro lubitu summâ cum voluptate regere & dirigere.

*Observato-
res s̄e per sub-
tetto verfan-
tur.*

Inter observandum assiduè sub Speculæ tecto residence, atque omnes ventos, cum Specula ductilis sit, prorsùs evitare, nisi prægnantes Observationes id temporis diversum exposcant, Tibi erit integrum. Adhæc utrique Observatori, quod percommode certè accidit, vel convenienter Instrumento adstante, vel assidere conceditur; tum omni tempore Coadjutori sustentaculum pro sustinendo brachio præstò est: quò possit eò firmius & exquisitiùs debito loco Octantem detinere, quando nimirùm cochleâ illâ longiori directoriâ, globulis munitâ vel minimè uti Tibi placet, vel eam fortè haud habes ad manum.

*In quo hic
Octans cate-
ra Instrumen-
ta excellat.*

Cæterùm, singulari quâdam hic Octans præ cæteris omnibus nostris Instrumentis gaudet commoditate: nimirùm, quòd Socius, qui Director est ab auxiliis, atque in præced. Figurâ O ad dextrâ adstat, triplici modo pro astris rimandis illum adhiberi possit. Initio autem scire Te velim, hujus Octantis utrumque Pinnacidium esse quaqua-versum ex nutu mobile, ut possit pro Distantiâ datâ cessim quâm lenissimè, simul arctissimè commoveri, & omni loco limbi, ubi ubi volueris, adstringi, ut situ suo nullâ ratione depelli queat. Exempli gratiâ, Intercapido Stellarum observanda sit 20, 30, vel amplius Graduum; eo in casu Pinnacidium Socii ad extremitatem ferè limbi, ad decimum quintum, decimum octavum, vel vigesimum, ut in dictâ Adumbratione vides, deducitur, atque ibidem destinatâ cochleâ limbo, vel potius ejus trabi chalybeæ, applicatâ canaliculâ, affigitur; quibus peractis, ipse Director Principalis quoque suum Pinnacidium liberâ manu priùs juxta Stellarum remotionem, non longè à vero, promovet, atq; tum pariter limbo illud pari ratione, ut in Sextante monstratum est, annegetit. Deinde Socium, ut serio nunc attentis oculis ad Stellam collineet, quò lucis ejus medietas ab utroq; Cylindri latere accuratisimè conspicatur, jubet, prout suo loco jam tetigimus, etiam infrà pleniùs dicetur.

*De directio-
ne Diopira-
rum.*

Socius

Socius autem, qui Præcipuo Observatori est à manibus, triplici modo, ut modò dicebam, Instrumentum hocce ad Astra dirigere potest. Primò nimirùm liberâ manu ad Stellam deducendo, atque ibidem illud firmiter eousq; retinendo, donec Præcipiuus Observator Stellam sibi objectam cochleâ directoriâ, sub Pinnacidio affixâ rectissimè asse, quutus fuerit. Quo obtento, numerat Director priùs in suâ limbi parte Gradus, eorumque particulas, eiique Distan-
Triplici ratione Coadjutor Octante hoc Observatio- nes instituere potest.
 tiæ inventæ, utpote 18 Grad. supperaddit 20 illos integros alterius lateris Gradus, quo loco Socii Pinnacidium princi-
 piò statim constitutum erat, fitque ita integra genuina Di-
 stantia 38 videlicet Graduum. Nam, cùm Octans bina di-
 versâ centra, duo etiam Cylindra exhibentia possideat; sic pariter Octans hic duos diversos, ex peculiari centro descri-
 ptos habet arcus. Hincque in medio limbi nullæ dantur distinctiones, sed primùm initia capiunt in tanto intersti-
 tio à lineâ diagonali, quæ Octantem in duas æquales partes dirimit, quanto intervallo ab è ipsâ distat alteruter Cylinder. Quam verò ob causam, partim jam Cap. VII pag.
 133 exposuimus: nimirùm, ne in dirimendis arctiori-
 bus Distantiis, aliquot tantùm Minutorum, Observatores
Nonnunquam in utroq; Octantis arcu distinctiones numerande.
 (cùm ejusmodi Instrumenta semper binos omnino sibi re-
 quirant) adversa capita invicem collidunt, atque sibi sint impedimento, quando utrumque Pinnacidium ad numero-
 rum, sive Divisionum initium haud procul à dictâ lineâ diagonali constitutum est, atque alterum ab altero parùm admodùm, & quidem haud amplius, quàm inter se invicem bini isti Cylindri in fronte Octantis existunt, remo-
 vetur.

Alter Pinnacidium dirigendi modus, quem Socius usurpare poterit, est illo priori multò accuratior & commodi-
Cur Octans in medio nullas habeat distinctiones.
 or. Si nempe quis alterum Pinnacidium, pariter ut Præci-
 puus Observator, ad desideratâ Stellam cochleâ suâ directoriâ, qualis utrique Pinnacidio subest, deducat, ac exquisitè convertat; atque tum Instrumentum omni conatu firmis-
 simè detinere, quoad Director negotium absolverit, haud opus est, sed in liberrimo Instrumenti quovis situ, non nisi
Utrumque pinnacidium in hoc Octante est mobile.

unicā manu dextrā cochleam cesim torquendo, ad amus-
sim res expeditur. Nam, quia utrumque Pinnacidium si-
mili artificio est constructum, ope scilicet alicujus coch-
leæ directoriæ, utique potest pariter Socius suum Pinnaci-
dium priùs liberâ manu ad locum ferè convenientem de-
ducere, ibidemque, canaliculâ adstrictâ, cochleæ directo-
riæ directione Distantiam exactissimè, ut ille alter, dirime-
re. Hoc tamen discriminis intercedit, quòd Primarius
Observator non solum in suo semi-arcu Gradus & Mi-
nuta, sed etiam in altero, cui Socius adstat, numeranda,
atque in unam eandemque summam, si veram videlicet
Intercapedinem utriusque Stellæ cognoscere desideret,
conjicenda habeat.

*Quinā mo-
dus sit omni-
um apior
pro Octante
dirigendo.*

Tertius modus utriusque Observatori fermè multò ad-
huc commodior est. Deducto nempe primū Pinnacido
Socii dextri lateris Octantis ad certum aliquem integrum
Gradum; e.g. ad 15 Grad. atq; ita ipso Octante pro inclina-
tione Distantiæ directo, nec non Speculâ eousque promotâ,
donec Stellam conspicias, sustentaculum brachii protinus
ad limbum fermè attollitur, ibidemque suis cochleis ad lig-
num illud teres adstringitur; deinde ad orbem, Sustenta-
culi extremitati affixum longior illa cochlea directoria,
globulis volubilibus munita, cujus jam sæpius memini-
mus, etiam suo loco plenè descripsimus, alterâ suâ canalicu-
lâ annexitur, simul etiam alterâ rursus ad limbum, seu po-
tiùs ad trabem chalybeam, dicto limbo subjectam, pariter
ut in superiori Sextante commonstravimus. Quibus sic
ordinatis, poterit Coadjutor hic ope hujus cochleæ direc-
toriæ vel torquendo, vel laxando Stellam quàm accura-
tissimè dimetiri; prout Præcipuus Observator suâ quoque
cochleâ directoriâ rem perficit. Atque tum non nisi ab
uno latere, scilicet Directoris, Gradus & Subdivisiones nu-
merare, eamque istius lateris Intercapedinem 15 Grad. ad-
jicere opus habes; sicque totam desideratam Distantiam
obtinebis.

*De divi-
sione hujus O-
ctantis.*

Distinctiones hujus Instrumenti ferè ad eandem ratio-
nem, ut in præcedenti Sextante, factæ sunt: nimirùm, qui-
libet

libet Gradus in duodenas partes, hoc est, in quina Minuta est divisus, atq; hæc rursùs in quina, imò bina Secunda, sed peculiari planè novo artificio, quod nulli reliquorū Instrumentorum adhuc est adhibitum. Non quidem beneficio aliquius circuli segmenti, in suis particulis distributi, quali Regula superioris Sextantis & Quadrantis est munita; sed planè aliâ ratione res feliciter est expedita. Nam, si simplici circuli segmento id fieri debuisset, vix arcu aliquo novem digitorum longitudine (quippe spatium unius Gradus in hoc Octante æquat ferè duos digitos) quina, vel bina Secunda obtinuisse; at verò tantæ longitudinis arcum Pinnacidiis annexere, haud conveniens operi, nec consultum videbatur: facile enim corrumperentur, vel ex aliquâ leviusculâ petitione, vel percussione depravarentur; alia incommoda planè ut taceam: prout suo loco, quando ex præparato de Pinnacidiorum structurâ agendum erit, fusiùs ac pleniùs dicemus. Nam hoc loco nullo modo fieri potuit: quippe in præcedenti Delineatione, ut vides, Dioptras adeò amplas, ut hanc nostram, primùm à nobis inventam rationem satis distinctè ob oculos ponere, ac dilucidare prorsùs quiverim, adumbrare haud licuit.

De reliquo verò, modò dicta Pinnacia penè ejusdem, cum Pinnaciis aliorum nostrorum Instrumentorum, sunt structuræ, quorum rimulæ ab utroque latere, ope alicujus interioris rotulæ dentatæ, nunc dilatantur, nunc comprimuntur. Hoc tantum discriminis est, quod hujus Octantis Dioptræ non solùm in uno, sed in quatuor diversis locis Minuta unâ & simul commonstant, atque Distantiam quamlibet prorsùs semper eandem, nec in minimis vel maiorem, vel minorem exhibeant; id quod utique fieri etiam potest, dum modò divisiones ubique, tam in limbo, quam Pinnaciis, sint accuratissimæ: secùs, profectò, nunquam ad istam perfectionem Instrumentum deduces. Hinc si videas, Pinnacia hæc dimensionem alicujus Distantiæ non æqualiter omnino accuratè in quatuor diversis limbi partibus, nec non pariter etiam in quintâ (quandoquidem distinctiones Dioptrarum intermediæ & Minuta, & bina Se-

Planè aliâ
ratione hic O-
ctans secunda
commonstrat.

Pinnacia
Octantis di-
versis in locis
simul gradus,
minuta, & se-
cunda com-
monstrant.

Unde inno-
tescat, divisi-
ones rectè &
exactè factas
esse.

cunda offerunt) limbi parte commonstrare, certissimum, in quibusdam divisionibus esse hallucinatum, est indicium; præprimis si animadvertas, divisiones illas omnes, cum illis in orbiculo cochlear directoriæ Regulæ affixo annotatis, tam in Minutis primis, quam ipsi singulis Secundis non omnino convenire. Nam in hoc Octante, quod notandum, in sex diversis locis, Distantiæ quantitatem exquisitissimè distinguere, Tibi integrum est. Quod equidem, ut præstantissimum, æque tutissimum Organa dividendi est artificium; sic meretur, ut deinceps plenisimè describatur. Sed ut pergamus: ab utroque Pinnacidiorum latere Statua, ex ære fusâ apposita est, potissimum, ne facile lœdantur, vel contundantur. Ejusmodi enim Dioptræ, quando omnibus numeris sunt absolutæ, sanè sunt pretiosissimæ, atque

Principios Astronomia Antiquies in his pinnaci- is constitui.

ideò etiam probè sancteque conservari merentur. Volui autem Imagines Præcipuorum in Astronomiâ Principum, qui unquam extitère, eo loco collocare, utpote Hipparchi, Ptolomæi, Copernici & Tychonis, non solùm in perpetuâ Eorum memoriam, sed etiam quanti illi sint in meis oculis; & quidem, quo usque licuit, facies figuræque eorum ad vivum exprimere dedi, & quemlibet peculiari Instrumento, & Hypothesi instruxi, quo maximè usus est, & quam eo tempore fovebat. Exempli gratia, Incomparabilis Hipparchus unâ manu Radium Astronomicum, alterâ Sphæram Stellarum Fixarum tenet; Laudatissimus Ptolomæus unâ manu Astrolabium, alterâ verò Sphæram Armillarem, Terram in centro exhibentem ostendit: in altero Pinnacido Ingeniosissimum Copernicum, cum suo Instrumento Parallacticō, nec non Sphærâ Armillari, Solem in centro Mundi, Terram verò in orbe magno exhibente vides; & deniq; Nobilissimum Tychonem Sextante suo, & Sphærâ Armillari, Terram in centro Mundi, Solem verò in centro Systematis Planetarii offerentem.

Monumen- tum in Hip- parchi & Pto- lomei hono- rem.

In horum Summorum Virorum eximium honorem atque glorioissimam Famam perpetuam, tum gratæ recordationis causâ, quale quale hocce monumentum in isto nostro haud vulgari Instrumento (cùm amplius, splendidius, &

Ad pinna- cidorum la- tera Statua sunt apposita.

Principios Astronomia Antiquies in his pinnaci- is constitui.

Quinā isti fuerint.

& accuratius ex solido metallo, èa ipsâ ratione, adhucdum alibi esse constructum, vix crediderim) ponere, nec non versiculis quibusdam, in medio limbo inter divisiones insculptis condecorare lubentes, meritoque voluimus: nimirum his subsequentibus, ab illo latere, ubi Hipparchus & Ptolomæus conspicuntur.

MACHINÆ COELESTIS LIB. I.

*Agmina, quæ Celsis mirè dispersa videntur
Campis, Stellarum numero distincta, situque
Hipparchi primùm solertia tradidit orbi.*

*Hinc vaga constrinxit Ptolomæus legibus Astra,
Ut quamvis ne visu quidem, quos singula semper
Quam varie subeant, liceat cognoscere cursus.*

Ab altero latere limbi, ubi Copernicus & Tycho Pinna-
cidio adstant, hi versiculi leguntur.

Monumen-
tum Coperni-
ci & Tycho-
ni.

*Pondera sed terrena movet Copernicus ingens,
Et breviora simul Stellas per compita ducit.*

*Dædalis clarus structuris splendida Cœli
Culmina conscendit fausto conamine Tycho.*

*Sedula sic quævis habuit, quod quæreret ætas,
Et Studiis quam multa novis quærenda supersunt.*

Hoc nunc honore, atque veneratione Incomparabiles hos Cœli Antistites, ratione quamvis leviusculâ, maximo tamen affectu, mentisque motu prosequi non nolui; id quod autem mihi vix male à quopiam interpretatum iri spero. Æquissimum enim est, ut Eorum, qui maximâ laude, omnium Eruditorum suffragio, fastigium operi imposuerunt, nunquam sanè obliviscamur, sed optimâ memoriâ omni datâ occasione recordemur. Quò verò etiam post fata nostra, si hicce noster præstantissimus Octans in plurimos annos, ut bene meretur, integer fortè conservabitur, Successores quoque nostri non nesciant, in cuius Gloriam, quo fine tempore, atque Auctore conditus sit, hanc Inscriptionem loco Instrumenti congruenti cælo æri incidere placuit.

Fas est opti-
mâ memoria
Eos prosequi,
qui aliquid
præclaris pra-
suerunt.

Kk 3

In

*Inscriptio
Octantis.*

In honorem

SUPREMI ARCHITECTI,

ad augendas

Res Astronomicas,

Nocturnis Stellarum Contemplationibus,

Quod felix, & faustum sit!

OCTANTEM HUNC ÆNEUM

destinavit

JOHANNES HEVELIUS,

Conf. V. C.

G E D A N I,

Anno 1659.

Wolfgang Günter, Autom. f.

*Anterior fa-
cies Octantis
tota orichal-
cica est.*

*Posterior ve-
rò chalybea,
& omnimodè
deaurata.*

Præter hæc ferè nihil quicquam de hâc anticâ hujus Instrumenti facie supereft, nisi quòd tota combinatio, cum suis florulentis flexubus affabré elaboratis, ex puro & niti-dissimè expolito orichalco sit constructa, atque exornata: hincque vultûs ejus imago eò splendidior, ac magnificenter appetet. A latere Instrumenti postico omnes quidem trabes, tam transversæ, quàm illa crassior in directum ad Cylindros usque procedens, sunt quidem ferreæ, sed probè tamen, ut reliqua Instrumenta nostra universa, deauratæ; ne quicquam æruginis facilè contraherent, neve maculentur: quippe Instrumenta sæpiùs pluviis, rori, pruinæ, grandini, nivibusque obnoxia sunt. Quà verò ratione transversaria, transtra, atque tenacula hujus lateris adversi combinata sint, ac cochleis capitatis adstricta; ut sufficientem firmitudinem Octanti præbeant, partim ex Icone præcedenti O, partim etiam mente tuâ ingeniosâ assequi potes. Nam omnia, & singula adeò perspicuè delineare & describere, haud est in potestate nostrâ.

Unci isti robustiores, qui tenaculo directiori interme-dio sunt affixi, eò serviunt, ut peractis Observationibus In-strumentum ex catenis suspendi possit, atque Specula ipsa undique occludi. Antequam autem ipsa Tabernula clau-datur, necesse est omnino, ut ipsum Instrumentum pecu-liari tegumento contegatur, limbus etiam, cum utroque

Pinna-

Pinnacidio, ejusque ancipiti Secundorum exploratore, quemadmodum in superiori Sextante & Quadrante dictum est: quò ab omni aëris injuriā cum adeò subtilissimis Dioptris, atque divisionibus planè conservetur. Id quod quidem nonnemini poterit videri nimis operosum, singularis videlicet vicibus omnia recludere, resolvere, detegere, producere, Instrumentum Fulcro aptare, omnemque adornare apparatus: verū, ut suprà jam tetigimus, qui huic Studio impensè est deditus, istam molestiam haud aliquus habet pensi; sed ardore conandi, ac cupiditate Rerum sublimium indagandarum vincit laborem omnem. Labor enim utique est, crede, singularis nempe serenis noctibus Astris operam navare; ut Ei, qui aliquid solidi in Astronomiā scrutari annititur, incumbit: non solum res multæ operæ est, tot insomnes ducere noctes, quiete ordinariā & assuetà haud frui posse liberè, sed in continuo fere totius corporis motu totas consumere noctes. Profectò, nisi quis à naturā sic sit formatus, ut solius erga Sicientiam Sideralem amoris ductu, in Dei Gloriam excolendam, Posteritatisque bonum gravissimum hunc laborem suscipiat, cumque constanti animo persequatur; nunquam sanè hujus rei asperitatem noctu diuque, tam benigno, quam adverso aëre, nunc ferventiori æstu, nunc intensiori gelu, præsertim in hisce oris Borealioribus frigidissimis, cum sanitate, facultatumq; maximo dispedio, etiamsi aere haud leviori, aut mercede conduceretur, quisquam subiret.

Postremò, de iis, quæ ad hujus Octantis directionem adhuc spectare videntur, cùm in superiori Sextantis Descriptione jam plenè dictum sit, nolo hic rursùs ea repetere fusius; nisi quòd addere voluerim, me aliam diversam adhuc rationem, tales Octantes atq; Sextantes regendi, sive ejusdem, sive minoris sint magnitudinis, non ita pridem ex cogitasse: cuius beneficio æque leviter, promptè, ac summè convenienter possint ad Astra exponi, regi, ac dirigi, etiam absque omni Speculâ mobili, nec cum apparatu adeò sumptuoso, & quidem sub dio, in angustiori licet quopiam loco, Speculam alioqui mobilem planè respuente. At, quomo-

*Multo quidē
laboris est In
strumenta eri
gere; sed non
minus rursùs
totum appa
ratum adime
re, & suo loco
conseruare.*

*Singularis no
ctibus Astris
invigilare, est
res magna o
pere.*

*Possunt etiā
absque Specu
lā Sextantes
& Octantes
commode re
gi.*

do hoc ipsum suscipi debeat negotium, ac etiam succedat, proximo Capite affatim commonstrabitur, nec non graphicè sub aspectum omnium expōnetur.

CAPUT XIII.

De Sextante Portatili.

*Speculam
adornare A-
stronomicam
non omnibus
datur.*

QUatuor hæc posteriora Organa Astronomica, utpote Quadrans Azimuthalis, Horizontalis, Sextans cum Octante, universa & singula peculiarē Turrim, sive Tabernulam, aut Speculam aliquam mobilem, & simul etiam arream aliquam amplissimam, seu Observatorium benè amplum necessariò sibi exposcunt, si commodè nimirùm ad usum transferri, Sideribusque exponi cum fructu aliquo debeant. Verùm, ut ut hic apparatus Observationibus quibuscunq; sit accommodatissimus, atq; maximè ad res Astronomicas valeat; nihilominùs non quibusvis Astronomiæ Cultoribus æque convenit. Primò namque non cuivis tantæ amplitudinis Observatorium, in quo commodè sub libero adspectu tantam Speculam mobilem, cum tali supellectili locare, eamque in orbem ducere potest, concessum est; plurimi etiam sumptibus destituuntur, qui necessariò in rem adeò amplissimam, tantumq; pretiosissimum apparatus, prout ex superioribus ordine percepisti, erogandi sunt, ut, licet quàm maximè etiam velint, sibi talia comparare prorsùs nequeant; imò reliqui ferè omnes, etiamsi locus commodus, adminicula, viresque illis haud desint, nolunt tamen omnino tantas ex proprio marsupio ad paranda illa omnia facere impensas: cupiunt citius Scientiam illam sublimem penitus deserere, ut ut illa pereat omnimodè. Quippe hoc nostro ævo longè plus curæ est auri, quàm omnium Scierum, atque Artium.

*Ut Regium
est Studium
Scientia A-
stronomica,
sic Regios etiā
sibi exposci
sumptus.*

Et, ut verum fatear, requirit utique hocce nostrum Cœleste Studium immensum etiam sumptum, qui magis Regibus, Principibusque, quàm privato alicui homini convenit. Ego equidem, quanta pro mea tenuitate in totum illum amplissimum apparatus, inque Instrumenta ipsa partim

jam




Fig. P.

A. Steck Delin.

J. Saal Sculps.

jam exhibita, partim adhuc exhibenda, ex mero meo pecu-
lio ut construerentur, subinde novis inventionibus dita-
rentur, exornarentur, ac conservarentur, à tot jam annis
contulerim impendia, præsertim in Ædificia, Observatoria,
Speculas, variasque sumptuosissimas Machinas, tam Astro-
nomicas, Opticas, quām diversi planè generis Mechanicas,
haud adeò facile exprimere queo; unus quisque tamen, li-
cet superficialem tantum harum Rerum habeat cognitio-
nem, satis superque conjicit, non tantum centena, sed mil-
lia omnia & singula hæcce, quæ in solo hoc Opusculo pro-
ducta fuere, nobis constitisse, ut taceam reliqua innumera,
quæ silentio planè præterire volui.

Proinde aliam planè rationem adinveni, absque omni
Speculâ mobili quoconque loco, sive sub dio, sive sub te-
cto, sive in aliquo cubiculo, dummodò lumina atque fori-
culæ satis pateant, tam Sextantes, quām Octantes, sive sint
duorum, trium, quatuor, vel quinque ped. imò & aliquan-
to majores, nisi nimio constent pondere, regendi, ac qua-
quaversum dirigendi, & quidem æq; commodè, leviter, le-
niter, accuratè ac celeriter, quām unquam ope alicujus Spe-
culæ mobilis fieri potest. Adhæc, tale est artificium, quod
levioribus impensis construitur, quodque facile aliò trans-
fertur: cùm, quando opus, & in remotissima loca trans-
portari debeat, expeditè in partes resolvatur, rursùs etiam
perlevi momento conjungatur: id quod autem Specula
nostra versatilis, superiùs descripta neutiquam permittit.
Quandoquidem oportet necessariò, ejusmodi Tabernulæ ut
semper eodem semel constituto loco persistant; & non ni-
si magno negotio disolvuntur. Unum tamen hoc nostrū
novum inventum patitur incommodum, quando nempe
sub dio expositum est, quòd omnino necesse sit, Instrumen-
ta ab isto Fulcimento tripedestali & versatili, mox mox de-
scribendo, peractis Observationibus semper removere, aliò
transferre, ac suo loco sub tecto quodam conservare; tum
toties etiam, quoties vicissim ad Observationes redeun-
dum est, ea ipsa cum toto sustentaculo bipedestali, ejusque
omni supellestili rursùs foras producere, Fulcro imponere,

*Haud modi-
cas Auctor in
rem Astrono-
micam fecit
impensis.*

*Alia nova
ratio Sextan-
tes, Octantes-
que sub dio,
omni Speculâ
remora, diri-
gendo.*

*Commodius
tamen est in
Speculâ, quā
sub dio In-
strumenta A
stris admove-
re.*

omniaque primum adornare. Id quod autem in istis amplissimis ac ponderosissimis Instrumentis, cuius generis sunt nostra superiora, utpote noster Sextans atque Octans æneus, haud sine magnâ molestiâ ac labore fieret: qui non nisi diversorum hominum ope aliò transferuntur. Adde, assurgente aliquâ tempestate aëris adversâ, vel vento quodam ex improviso impetuoso, quod sustentaculum illud bipedestale volubile, cum suo superaddito Instrumento, nullo modo fermè tegi & obvolvi posit; imò, priusquam adimitur, & singula salvantur, humiditate, pluviis nimis, nivibusque depravantur, quin-etiam Observatores ipsi tum non habent, quò se recipient, & tempestatem avertant; nec adeò promptè accensam candelam, aëre agitando percito, Instrumentis sub dio constitutis admovere potes, quàm sub Speculâ quâdam mobili tectâ. Sic ut ne-

*Hoc novum
inventum a-
prius est mino-
ribus, quàm
majoribus Or-
ganis.*

gari haud possit, novam hanc nostram inventionem pro regendis, ac dirigendis Instrumentis commodissimam, ap-

tissimam ac utilissimam quidem esse, sed solummodo iis, quæ magnitudine, quà radium, quinque pedes haud excedunt; at verò vastissima illa ex puro metallo constructa Organa, sex videlicet, octo vel novem pedum, præstat, ut in peculiari suâ Speculâ versatili ad Sidera exponantur, ibideinde cum toto apparatu perpetuò conserventur. Se-

*Maxima
Organa præ-
stat semper
certo loco cō-
servare.*

cùs profectò, ejusmodi maximi ponderis ac pretii Instrumenta collisione aliquâ improvidâ, vel casu quodam insperato procliviter lacerentur, vitiumque contraherent. Ex-

inde, quò minus & rariùs ejus generis Organa loco suo emoventur, ac aliò transportantur, eò magis ac tutius integritas illorum sustinetur. Nam, largior, sint etiam ex crassissimo metallo firmissimè undique compacta; saltem, si non corpus ipsum, eorum tamen Regula, Cylinder, Dioptræque facile jacturam patiuntur, ut suo debito loco non nihil detrudantur, ac inflectantur. Atque tum res ipsa mul-

*Proclivius
est novum con-
dere Instru-
mētum, quàm
corrupū re-
corrigeret, &
restaurare.*

tum multumque Tibi sanè facesseret negotii, priusquam omnia & singula inquireres, ac justissimè rectificares. Ego sanè, credas mihi, novum omnino Instrumentum longè potius exstruere, dividere, Pinnaciisq; armare volo, quàm aliud

aliud quoddam parte aliquâ læsum, vel contusum accuratè redintegrare, omnibus vitiis eximere, nec non denuò illi rigidiori examini subjicere. Frustrà enim plerumque in eo laboratur, & raro admodùm tale semel corruptum Instrumentum pristinæ perfectioni restituitur. Atque idcirco omnem adhibeo curam, ne Instrumenta nostra quo cunque modo labem, vel vitium aliquod contrahant; & ut id eò minus etiam obveniat, nemini alteri, quâm mihi ipsi ad Instrumenta, Speculasque patet aditus, nec me absente aliis quibuscunque ea videnda, minus Astris exponenda permetto.

Sed ad inventionem ipsam ut deveniamus, eamque describamus, volui in antecesum universis curiosis Rerum Astronomicarum Cultoribus ejusdem inventi accuratam designationem ob oculos ponere; quâ ratione nimirùm Machinam illam Portatilem primùm mente conceperim, ac deinceps etiam feliciter Cœlo admoverim. Constructa autem dicta Machina est pro Sextante, quâ radium, quatuor pedum, à præcipuo & antico latere, instar illius superioris, ex puro orichalco confecto, atque limbo, cruribusque inter se invicē ornatisimis ligamentis in obliquum ductis, floribusq; ex eodem metallo affabré elaboratis constricto; & quidem adhuc elegantiori modo, quâm ille major superior. A postico verò latere è planè ratione, ut dictus, diversissimis transversariis, transtris, & Fulcimentis chalybeis deauratis hic noster Sextans suffultus est, atque adornatus, ut incurvationi neutiquam cedat. Regula insuper, Pinnacida, Divisionesque ad eandem etiam rationem pro suâ magnitudine, ut in reliquis nostris Organis majoribus, condita sunt; nisi quòd non singula quina, nedum bina, sed saltrem dena Secunda in arcu scilicet divisionum commonarent: sicuti etiam aliter fieri nequivit: cùm ipse Sextans altero illo superiori duobus pedibus sit quoad radium minor. Nihilo tamen minus in orbiculo, cochlearè directoriæ annexo itidem, ut præcedentia Organa majora, tam quina Secunda, imò singula pariter distinctè exhibit.

*Machina haec
est pro Sex-
tante quatuor
pedum.*

*Fabrica Sex-
tantis.*

*Peculiaris ra-
tione Secundæ
refert.*

Cæterum, ex ipsâ ferè solâ Delineatione, quam Tibi, amice Lector, modò sub adspectum posui, Rerum Astronomicarum Peritus haud obscurè cognoscit, quomodo Machina hæc, sive Sustentaculum Sextantis versatile construi, regiq; debeat; imò etiam absque omni ulteriori Dilucidatione & Descriptione: Sapienti enim sat. Nihilo tamen

Carptori vi-
dentur omnia
levia. minùs Initiatorum his Scientiis gratiâ, qui fortè hoc adminiculo uti velint, rem aliquantò clariùs proponam, ut ut Nasutulo cuidam, omnia peracta plerumq; carpenti, sugillanti, ac longè meliora semper vendicanti videatur res leviuscula, & vix alicujus momenti. Sed largior, sit res adeò facilis, & factu proclivis; cur Tu autem rationem illam trivialem me haud citiùs ad usum transtulisti, aut si eandem jam

Hocce Su-
stentaculo ver-
satili eq; ac
in Speculâ di-
riguntur qua-
vis Instrume-
ta mediocria. ex Te ipso habuisti exploratam, non aliis detexisti? Verissimum enim est, ut ipse etiam ultrò fateberis, licet Machinula hæc haud sit adeò usq; magnæ constructionis, nihilominus tamen omnia & singula Instrumenta hoc pacto levissimè & promptissimè, & quidem unâ manu, absque ullâ molestiâ, commoveri posse, permanente statim in omni inclinatione, imò sub ipsâ verticali directione Instrumento quasi immobili; nec non rursùs in momento, planè ad instar illius majoris Sextantis & Octantis in Speculâ versatili, quemadmodum suprà commonstravimus, aliò atque aliò commovetur & dirigitur. Ratio est, quòd Sustentaculum hocce versatile omnibus illis rebus atque adminiculis, quibus opus habet, pariter ut Specula alioqui mobilis, omnino abundet, excepto Fulcimento illo ad sustentanda brachia, atque cochleam illam directoriam, globulis armatam constringendam: quanquam & hocce Fulcimentum huic Sustentaculo versatili aptissimè etiam, non solum ab uno, sed ab utroque latere applicari potest, ita ut utriusque Observatoris commoditatibus convenientissimè inservire queat.

Descriptio
Sustentaculi
versatilis. Hanc Machinulam tam tripedestali, suo loco descripto, quàm nudo Fulcro tereti, ad Sepimentum Observatorii affixo, prout ex subsequenti Delineatione patet, impone-re potes. Sub priori Adumbratione in tali pedestali Sextantem

tantem, in quali minor ille Sextans orichalcicus, pag. 102, & alter ille major ligneus, pag. 124 repræsentati fuere, exhibut vides; dummodò talis sit combinationis, tantæque firmitudinis, ut omni loco validè consistat, minimè verò vacillet. Deinde Fulcro huic Globum quendam versatile ex orichalco imposui, planè ejus generis, cuius Sextanti illi minori, pag. 102 applicaveram, ac etiam in subsequenti Delineatione Quod perspicuè delineavi; nihilque interest, etiamsi haud sit conspicuæ magnitudinis. Quandoquidem Globus iste minimè Instrumentum in omni inclinatione sustinet, sed solummodò illud in centro quasi suo conservat; exinde etiam, ut cochleis adeò firmiter adstringatur, haud opus est, sed liberiori motu, dummodò non fluctuet, rem omnem quam lenissimè & promptissimè peragit: siquidem pondera sustentant, reguntque Sextantem. Priusquam autem dictus Globus versatilis cum suo columne Fulcro imponatur, necesse est, ut priùs hic Globus cum Sustentaculo illo versatili ligneo conjungatur; immitten-do scilicet Globum, prout etiam commodè fieri potest, per trabem transversam inferiorem perforatam: Sustentaculi enim foramen tantæ planè est magnitudinis, quantæ Fulcimentum globi versatilis, cui adhæret, omnino sibi exposcit. Et ut Sustentaculum ipsum absque Globo, & rursùs Globus absque Sustentaculo circummoveri ac regi haud possit, transjecto ferreo clavo trabali firmiter ad se invicem adstringuntur.

Ipsa structura Sustentaculi satis superque, ut puto, ex præcedenti Schemate patet; & si quædam fortè adhuc restant, ex subseguente affatim intelliges, cum primis ex illo nudo Sustentaculo, melioris intellectus gratia pavimento imposito. Ex quibus conspicuum est, ex tribus quidem solummodò trabeculis ligneis, uno scilicet transversario, & duobus statuminibus, ad angulum normalem coniunctis & compactis constare, sed sufficientibus capreolis, tenaculis & anteridibus ferreis, ne se se vel incurvare, vel cedere ullo modo possit (quippe Machinula hæc totum Sextantem unà cum ponderibus suis sola sustinet) probè corro-

Sustentacu-
lum versatile
& globo vo-
lubili opus ha-
bet.

Delineatio-
nes structuræ
hujus Machi-
nae clarissimæ ad
buc exhibent.

*Sustentacu-
lum versatile
omnem habet
apparatum,
quo aliqui
Specula est
instructa.*

boratum esse & communium. Itemque satis clarum est, quomodo transversæ illæ trabeculæ suffultis tibicibus, sive subscudibus ad partem superiorem erectarum trabium inflexam sint affixa; tum quomodo ad quatuor cuspides superiorum transversarum trabecularum prominentium, ratione statuminum, quatuor etiam trochleæ annexæ sint; nec non aliæ quatuor, ad trabeculas incurvatas statuminibus & subscudibus impositas, per quas, ut vides, funes illi crassiores, à quibus pondera illa dependent, trajecti, & qui alterà extremitate uncis cessilibus ad Sextantem alligati sunt: quemadmodùm ex Figuratione P luculenter patet.

Utriue statuminum lateri plurimos annulos affixi; eo fine, quò pariter, prout in Speculâ mobili, appendendis funiculis cum suis ponderibus inservirent, atque nunc ad superiores, nunc inferiores videlicet annulos dicti funiculi, sicuti ratio plani, vel inclinationis & directionis Sextantis tunc posceret, alligari possint. Imposito sic Instrumento unâ cum suo Sustentaculo Pedestali, funiculi omnes cum suis ponderibus appenduntur. Advertas autem velim, in tali quatuor ped. Sextante adeò ponderosis ponderibus, ut in superioribus Instrumentis majoribus, haud opus esse. Quandoquidem poteris statim ab initio Sextantem, quando nimirùm construitur, respectu centri gravitatis, ita disponere, ut illi quatuor, quinque, vel summùm sex librarum ponduscula sufficient; quibus æque ac illis majoribus Sextantem hunc quam levissimè, promptissimè commovere ac regere potes, nec non protinus etiam in suo centro gravitatis quocunque loco, & sub quacunque inclinatione quam firmissimè motum ejus sedare, ac ita, quasi sufflaminibus & anteridibus undique esset cohibitus, illum comprimere; idque unâ manu, imò duobus digitis tam facilimè & exquisitissimè, ut vix mihi, nisi ipse istius rei feceris periculum, credideris. Nam, dum Globum versatilem, vel transversarium Sustentaculi commoves, totum protinus Instrumentum, cum toto suo apparatu, suo globo ac ponderibus, retinente suâ inclinatione & elevatione con-

*Levisculis
pondusculis o-
pe hujus Su-
stentaculi re-
gi posunt In-
strumenta.*

stantis-




Fig. Q.

A Stech Delin.

J. Paul Sculpsor

stantissimè, & quidem adeò lenissimè & levißimè procedit, ut nihil sanè excogitari possit aptius. Hincque ratio hæc dirigendi longè sanè præstantior, commodiorque est, quàm illa, sit venia verbo, vetustior Tychonica: ubi perpetuò summis viribus Instrumenta attollenda, deprimentia, ope diversorum hominum ea suffulcienda, magnâque potentiâ, ne loco suo exeant, ad omnem deviationem evitandam, assiduè detinenda habes; imò, etiamsi nihil tunc omnino, quod huc spectare videbatur, intermisserint; nihilominus tamen vix unquam debitum planum penitus exactè, sicuti quidem debebat, eo modo vel instaurare, nedum constanter conservare valebant: ut nullus non, sine dubio, qui Instrumenta Tychonica ipse manibus suis tractavit, nec non ad Sidera direxit, ultrò fatebitur.

Atque ita Sextante ad hanc nostram novam rationem rectè disposito, licebit Tibi quasvis capere Distantias: dummodò non nimis sint exiles, duorum, trium, vel quinque Graduum, tum etiam sexaginta Grad. non superent. Nam nullus Sextantum dictis intercapelinibus capax est; nisi diversa Pinnacidia tam pro majoribus, quàm minoribus, veluti suo loco jam in Descriptione majorum Sextantum delibavimus, in auxilium adhibeantur. Pariter hicce noster Sextans requirit, licet novo artificio regatur, ut bini Observatores negotium suscipiant: quippe simili modo alter fixo Pinnacido, alter Regulæ dirigendæ adstat. Et ut non minùs in hocce Sextante, quàm in illis amplioribus, Minuta, eorumque particulæ probè discernantur, ac universa exquisitissimè determinentur, Regulæ tam cochleæ directoriâ, quàm arcu, instar exploratoris, nec non orbiculo, cum suis indicibus dictæ cochleæ affixo, pro Minutis, Secundis discernendis prospectum est.

Quò autem eò liquidius percipias omnia, placuit, Cor-
date Lector, etiam hunc Sextantem denuò à posteriori fa-
cie, sub hâc Icone Q Tibi graphicè delineatum dare. Ubi
simul videbis, quâ ratione crassiores funiculi per trochleas
illas reliquas, trabeculis transversè affixis, ad statumina du-
cti & trajecti sunt; & quòd hoc modo æque feliciter res
succedat,

*Hic modus
dirigendi Or-
gana longè
aptior est illo
vetustiori.*

*Sextans hic
in omnibus pe-
nè cōvenit no-
stro Majori
Sextantia.*

*Posterior fa-
cies hujus Sex-
tantis, ejusq;
Subtentaculi.*

succedat, quām illo priori, imo ferē adhuc melius, tutiusq;,
 præsertim quō graviora sunt Organa. Etenim eo loco,
Diversis
trochleis rem
candem expe-
dire. quo nunc trochleaæ suspensaæ sunt partis illius Sustentaculi
 superioris longè major est potentia (cūm proprius ad sta-
 tuma accedunt, ubi vis sustinendi crescit) quām ibi, ubi
 trochleaæ primā vice appensaæ erant: prout ex potentia ve-
 ctis cuilibet Rerum Mechanicarum perito facile est percipi-
 pere. Poteris itaque iis trochleis, quæ Observationibus &
 Directionibus magis convenient, tibi inservire.

Sextans Ful-
cro imponi-
tur, nonnun-
quam etiam
ad sepimentū
adstringuntur. Ex quā posteriori Designatione manifestum quoque
 evadit, quomodo hic Sextans, vel Octans, perinde est, nu-
 do Fulcro, ad Observatorii Sepimentum tenaculo semi-
 circulari, cuneisque affixo imponi, atque ad Sidera exponi
 potest; hoc tamen intercedit discriminis, quod tum non
 nisi ad unam certam Cæli plagam, cum aliquali tantum si-
 tūs commutatione, Instrumentum dirigere vales; quando
 verò in Pedestali undique libero, quod circumire datur,
 reponitur, tum licebit Tibi quaquaversum absque omni
 impedimento Sextantem dirigere, & eo ex voto uti; nec
 opus tum habes, Sextantem cum toto Sustentaculo aliò
 transferre.

Sustentacu-
lum hocce no-
strum nonnisi
Specula un-
dique aperta
est ac porta-
tilis. Negari itaque haud potest, licet hocce Sustentaculum
 haud sit operosæ constructionis, imò valde planum, quod
 nihilo seciùs omnibus requisitis & adminiculis gaudeat, u-
 nico excepto, de quo mox pleniùs, quām ipsa Specula ver-
 satilis: exinde etiam cuncta æque bene in ipsa operatione
 expedit; sed hâc conditione, in iis Instrumentis dirigendis
 haud adeò amplissimis, tantum trium, vel quatuor pedum,
 quæ facilia sunt portatu & translatu. Id quod autem deest
 huic Sustentaculo, Fulcimentum brachii est, quod Speculae
 alterius lateris statumini alias affixum vidisti; cuius bene-
 ficio alter Observatorum brachia sua suffulcire, vel, ad In-
 strumentum eò firmius sustinendum, toto corpore inniti
 potest. Verùm & huic incommoditati facilimo negotio,

Quomodo
Fulcimentū,
pro susten-
taculo brachiis,
huic Sustenta-
culo affigi pos-
sit. uti modò dicebamus, subvenitur, si nimirùm adhibeas il-
 lud Fulcimentum, quod pro cujusvis commoditate produ-
 citur & contrahitur, ad sustinenda Observatorum brachia;

de

de quo Cap. VI. pag. 128 egimus : imò longè adhuc convenientius, construendo nempe simili Fulcimento pro brachiis sustentandis, quodque pariter, ut illud in Speculâ, nunc elevari, nunc demitti potest ; quin-etiam, si opus eset, pro utroque Observatore ad utrumque Pedestalis latu[m] id adornari datur, si videlicet id ipsum ex tereti, vel aliquujus alterius figuræ ligno, à pavimento ad Globum usque versatilem absque pedibus constet, hâc nimirùm ratione: efficias duo peculiaria Statumina rotunda, quâ diametrum $1\frac{1}{2}$ vel 2 ferè pollicum, ad instar illius in Speculâ existentis; hæc, inquam, affige Pedestali illi, vel Fulcro, cui Instrumentum insitit, ita tamen, ut interstitium aliquod inter ipsum Fulcrum, & hæc rotunda Statumina remaneat ; deinde similia Fulcimenta, sive brachia tantæ magnitudinis, quantæ Fulcimentum directorium Instrumenti generale sibi efflagitat, exstruere cura, eâdem planè ratione, ut in Delinationibus M, N & O vidisti, imò prout adhuc clarius ex Figurâ apponendâ S perspicies, duobus scilicet cardinibus in medio fractis, suisque cochleis adstrictoriis, quò hæcce Fulcimenta, pariter sicut illud, intra Speculam elevari & deprimi facilimè nonnequeant. Quibus adornatis, utriusque Observatori pro lubitu in quocunque Sextantis elevatione, situ, directione, ut ut valde transversâ & maximè adversâ, hisce Fulcimentis pro sustentandis brachiis aptissimè uti licebit : quemadmodum illius Inventionis Ideam sub aliquâ Designatione in ipso pavimento Figuræ præcedentis Q exprimere volui ; imò ipsi Instrumento in eâdem Figurâ dicta brachia protinus adjicere potuissem, nisi oblitus fuisse, vel ipsa lamina ænea jam sculpta fuisse. Accedit, quòd non solùm hæcce Fulcimenta versatilia ad sustentanda brachia, sed etiam ad cochleam illam directoriam, globulis illis armatam adstringendam valde conducant ; ut minimè opus habeamus, hunc etiam Sextantem, tali Sustentaculo præditum, nudis manibus dirigere, & firmiter conservare ; sed tantum illâ cochleâ directoriâ Sextantem gubernare, prout abundè sèpius suo loco exposuimus. Poteris etiam denique in quocunque Instrumenti

*Structura
Fulcimenti.*

*Mentem
Auctoris di-
lucidius intel-
liges ex adi-
cienda deline-
atione.*

*Sextantibus
illis, qui sus-
tentaculo illo re-
guntur, appli-
cari commo-
dè etiam pot-
est cochlea il-
la globulis ar-
mata.*

menti situ ei assidere, dummodò semper in promptu habeas illa, quæ eò pertinent, utpote sellas versatiles, scabellæ, subsellia diversorum graduum; quæ itidem plenè jam à nobis sunt descripta. Et tantùm quoque de hâc novâ Instrumentorum dirigendorum ratione dixisse sufficiat; conferamus nos ad ipsa Pinnacidia, quæ pleniùs peculiari Capite describere proposuimus.

C A P U T X I V.

*De Instrumentorum Pinnaciis, sive
Dioptris.*

Pinnacidia diversi generis sunt in usu. **D**Iversa omnino Instrumentorum Pinnacidia Mathematicis hucusque in usu fuerunt. Alia enim ad Sidera, Resque Cœlestes longè à nobis dissitas, alia rursus ad Terrestria, resque proximiores, ad Instrumenta nimirùm Geometrica, utpote Quadrantes minores, Semicirculos, Circulos, Astrolabia, atque hujus generis usurparunt; sed cum his rebus Geometricis modò nihil habemus commercii, relinquamus ea omnia ipsis Geometris & Geographis, vel aliis, quos harum rerum cura tangit: nos hâc vice solùm Organa ad rimanda Sidera, Resque nostras Astronomicas prosequamur ac perscrutemur; quānam videlicet ratione Pinnacidia, sive hæ Dioptræ, si quicquam accurati ex ipso Cœlo depromere animus nobis est, construi debeant.

Et Dioptra successu temporis absolu- tores reddi- te sunt. Verùm, quemadmodùm universæ omnes Scientiæ, Artesque succendentibus Seculis crevére, ac magis magisque exultæ fuére; ita non minùs Instrumentorum apparatus, cum ipsis Pinnaciis; in primis, cùm Veterum Dioptras nondum ad omnimodam accessisse perfectionem animadverterint. Hipparchus, quē Ptolomæus sequutus, Dioptras (sicuti Keplerus meminit in suis Paralipom. in Vitell. prop. 28 pag. 216) introduxit, ut angustissimo foramine ad oculum applicato certior esset collineatio; sed hodie, pergit, pro Dioptrâ rimam subtilissimam efficiunt, erectis duobus Pinnaciis penè se se contingentibus. At ne huic quidem Rimæ, præsertim in brevioribus Distantiis, fit dendum

dendum authores putarunt. *Quin- etiam in Dioptris ad Stellas respicientibus illud incommodi notatum à Tychone , quod si foramina sunt tenuia, Stellas occultent ; si laxa, non servent imperatam scrupulorum subtilitatem.* Propterea alii remotioris Dioptræ loco collocant minutissimum globulum, ansulis in medio perforatæ tabellæ firmatum, collimantque ad Stellas non inspiciendo, sed tegendo. Alii in fenestellâ tabellæ laxiore binas chordas decussatim tegunt, ut sectio setarum sit vice Dioptræ aut globuli. Cæterum evanescunt seu globuli seu cruces in tenebris, & candelæ admota visus impeditur.

Proinde Tycho, Eximus & Peritissimus harum Rerum Practicus, necdum Dioptras illas pro exquisitioribus Observationibus planè sufficere deprehendens, alias prorsùs diversas, quibus postmodùm Illust. Princeps Wilhelmus Hassiæ magno cum fructu etiam usus est, excogitavit : constituendo nimirùm in centro Sextantis, loco nempe Instrumenti ab oculo remotiori, Cylindrum, simul prope oculum Pinnacidum quoddam non tantùm unâ rimulâ, si ve fissurâ, sed duabus sibi invicem parallelis, quarum interstitium crassitatem sive diametrum Cylindri omnino æquabat. In Quadrantibus verò loco Cylindri solummodo lamellam ferè quadratam, cuius altitudo dicti Pinnacidii altitudini, & latitudo pariter interstitio ejus inter utramque rimulam prorsùs æqualis est, hoc est, ut lamella Pinnacido undequaque quâ magnitudinem congruat, adhibuerunt, perterebrato in istius lamellæ centro minutissimo foramine, ad Altitudines Solares determinandas ; Pinnacidum verò inferius ad oculum præmemoratus Tycho quatuor fissuris adornavit, quale partim jam suprà descripsimus, partim mox clariùs adhuc delineatum ac dilucidatum dabimus..

At verò Præclarissimus Ricciolus in suâ Astronomiâ Reformata Lib. IV. Cap. 15 inquit : *Nos verò diversas Dioptrarum species adhibendo experti sumus omnium expeditissimam, & certissimam illam, qua oculus per foramen exiguum, & coriandri semine minus, collimat in acum ex Instrumenti centro orthogonaliter erectam, & adeò gracilem, ut computata Distantia inter eam, & oculum non tegat Stellas, nisi forte quartæ, aut quintæ magnitudinis, reliquas autem optice bisecet.* Oportet

Tycho cor-
rectiora pinc-
nacia Sex-
tantibus ad-
hibuit.

Qualia Qua-
drantibus ap-
plicaverit:

Ricciolus pu-
tat. Dioptras
suas longè es-
se commodior-
res.

tet tamen, ut oculus non admoveatur immediatè foramini, sed uno altero ve
digo in transversum, remotus videat evidenter se per ipsum foraminis
centrum collimare in Acum, & centrum Stellæ, quod fit cum oculus videt
Acum prædictam velut diametrum secare opticè foramē bifariam, & simul
Ricciolus candelam ad movit suis Pinnaciis. secare Stellæ discum. Præterea noctibus illunibus, aut extra crepusculum,
aut Lunâ procul sitâ, illuminanda est prædicta Acus non flamma in aperto
relicta, ne aut in oculum Observatoris radiet, aut auræ agitatione, tremu-
loque splendore visionem interturbet; sed lucernæ flamma includenda est
opacæ laternæ versùs oculum, & temui brætea chrystallina, aut talchina
versùs Acum præmunienda, & prope Acum infernè ad Distantiam circiter
unius palmi, aut sphæramæ admovenda. Si sic fiat, statim constabit, quan-
ta cum evidētia collimetur in centrum Stellæ. Id nos pluribus experimento
ipso, & comparatione cum Dioptris Tychonicis facta persuasimus. Etsi
autem necessarium non est, tamen illud quoque adminiculum adhibemus ocu-
lo sistendo in situ, & Distantia à foramine opportuna, ut oculum pyxidi he=
misphæricæ, seu scaphiolo in fundo perforato inseramus, quod scaphiolum
debet conferruminari cum lamina foraminis, ita ut ejus foramen foramini
laminæ, seu tabellæ undequaque æqualiter congruat. Tandem linea fiduciæ
in ea parte, qua debet designare in perispherio Instrumenti punctum optatum
pro Minutis, ac Secundis, debet esse rectissima, & incurrere in centrum
foraminis, ac medium, seu axem acus erectæ ex centro Instrumenti, quæ
rectitudo exploratur tensione fili serici subtilissimi: hæc ille.

Auctor planè à Ricciolo ratione dipterarum dis- fentit. Verūm enim verò, ut pace illius Clarissimi Viri dicam,
planè aliter sentio, nec non Rerum Cœlestium Observatio-
nibus à triginta, imò quadraginta ferè annorum spatio assi-
diè habitis abundè satis sum expertus, istas Dioptrarum
species non esse ex eo numero, quibus omnino fidendum,
quasque perpetuò integras, illæfasq; conservari, nec amplioribus illis Instrumentis, sex, octo, decemve pedum adhiberi
commodè posse; sed multò potius Observations per-
turbare, multumque negotii illunibus noctibus, aëre pro-
celloso, tempestateque adversà nobis facescere.

Plurimum conductit habere pinnaci dia firmisima. Primò namque illi, præsertim, qui familiarem aliquam
consuetudinem habent cum Rebus Sidereis, non ignorant,
quantum intersit Observationibus, ut Pinnacia tantæ fir-
mitudinis & roboris habeamus, quæ si semel accuratissimè
Instrumentis sint imposita & affixa, quò perpetuò invaria-
ta

ta remaneant ; minimè verò impulsu leviori, aut allisione aliquâ, licet notabili, vel ullo modo lædantur, incurventur, multò minùs vero suo semel constituto loco emoveantur, detrudantur. At verò, ait Doctissimus Ricciolus : acus orthogonaliter ex centro Instrumenti erecta adeò esse gracilis debet, ut neque Stellam tertiarę magnitudinis possit occultare. At ego profectò, etiamsi in centro Instrumentorum Cylindros in diametro duorum pollicum, quatuor columellarum beneficio, collocem, nec non diversis cochleis firmiter adstringam ; nihilominùs tamen omni tempore, ne lædantur, vel improvidè tractentur, valde sum anxius. Quid igitur, quæso, isti acui graciliori, ex centro orthogonaliter erectæ accideret, estne possibile, ut perpetuò illæsa & incorrupta nocte quâvis obscurisimâ, in ipsis tenebris interdum, dum Instrumentum Fulcro imponimus, eoquæ amovemus, conservetur ? Imò, etiamsi aliquando esset quâm correctissima, posset tamen nobis insciis, facilimè huc illuc à rectitudine se deflectere ; atque tum Instrumentum non tantum in Secundis, sed in integris Minutis nonnunquam à vero exorbitaret. Adeò, ut in talibus acubus adhibendis, ut ut quisquam sit omnium perspicacissimus, peritisimus & providissimus, attamen nunquam sit omnino securus, Instrumenta, ejusmodi caducis & frivolis Pinnaciis instructa, rem eandem semper unâ quâm alterâ vice penitus exactè fore commonistratura. Id quod autem in nostris maximis Organis maximè evitandum est : atque ita, meâ quidem opinione, Pinnacia nunquam sane nimis possunt esse valida ac robusta, dummodo ad Observationes haud sint inepta. Adhæc, illa ægrè admodum, nisi me summa urgeat necessitas, ab Instrumentis aufero. Hincque, cur mihi meritò gratuler, habeo, quòd Pinnacia universa, in præcipuis nostris metallicis Instrumentis constituta, à 15, 20, imò 30 annis ne semel quidem adimere, renovare, vel redintegrare hucusque debuerim ; sed suo pristino loco, quo semel collocata fuere, adhuc adeò firmiter hærent, quâm si primitus recens confecta, ibidemque sint apposita. E contrario, si ejusmodi acubus subtilioribus

Acus gracilis facile loco suo emovetur.

Dioptra non possunt esse nimis robustæ.

Pinnacia Auctoris nū quam adhuc restauranda fuerunt.

utendum foret, o quantum molestiae redintegrantis, ac corrigendis Pinnacidiis nobis creberrimè exhiberetur!

Ultra hæc, dictum illud Ricciolianum Pinnacidium,
Ricciolianis
pinnacidiis
stella minima
vix unquam
accurate ob-
servatur. instar acūs erectæ, circa Observationes, Stellasque quartæ, quintæ, & sextæ magnitudinis, cùm illas omnino semper abscondat, qualem præstaret securitatem; possemne illas in Secundis determinare, multò minus easdem Distantias perpetuò æquales in ipsis scrupulis Secundis dirimere: concesso etiam, dicta acus distinctissimè conspiceretur, de quo tamen valde dubito, acum nimirùm in quibusvis directionibus, etiamsi lucernam vel candelam adhibeas, videri posse. Quandoquidem candelam nunquam sanè tam appositiè acui admovebis, ut semper medietas acūs respectu oculi nostri illuminetur, sed nunc hoc, nunc illud latus ejus magis magisque lumine suo illustrabitur. Unde, si non ambo, saltem alteruter Observator, quò minus Stellam bifariam secare, sive dirimere ullo modo possit, deciperetur: ut taceam, quanto labore, quantoque temporis dispendio id fieret, priusquam lucernam vel candelam, ad acum rectè discernendam, debito loco disponas, annexas, rursusque removeas; mox hujus, mox illius Observatoris oculos lumen illud perstringeret, plusque Observatis noceret, quam illis prodesset. Præter quod, rem prorsùs impossibilem esse duco, lucernam ad distantiam circiter unius palmæ, vel spithamæ prope ipsum Pinnacidium adeò firmari posse, ut absque omni impedimento ibidem consistat; si non huic Observatori in majoribus Intercapedinibus, certè illi in minoribus obstabit: concesso etiam, candelam utique posse in direktione aliquâ Sextantis commodâ, haud multum inclinatâ, probè collocari & firmari; sed, quæso, quomodo in illis Instrumenti situbus, ubi ambæ Stellæ ferrè sub eodem incident Verticali, candela vel lucerna consistet? nonne canaliculâ dicta candela decidet, ac se se extinguet? quantum temporis emunctionibus, aliam atque aliam candalam substituendo, vel eam cessim agendo, aliisque his rebus frivolis consumeretur.

Imò impos-
sibile in qui-
buscunq; In-
strumentorū
situbus vide-
int.

Absit

Absit vana gloriola, licet adjutus Divino Numine o-
mnes & singulas Fixas, globo hactenus inscriptas non se-
mel, sed plurimas quinquagies, centies, imò pluries unà cum
quingentis, imò ferè sexcentis planè novis hactenus prorsùs
incognitis à viginti, triginta & amplius annis dimensus fue-
rim, unde nonnemini videri posset, me in isto Observati-
onis negotio aliqualem faltem mihi comparasse cognitio-
nem; neutquam tamen tanto sum ausu, ut, me Stellas quin-
tæ vel sextæ magnit. Lunâ splendente, in crepusculo, vel
etiam aliquo lumine eminùs emicante, ne dicam cominùs,
ad spithamæ distantiam exposito, admodùm accuratè di-
metiri posse confidam; cùm vix ac ne vix illas tunc nudis
oculis rectè discernam. Quantà insuper oculorum mole-
stiâ, visùsque conturbatione accidit, quando accensâ can-
delâ distinctiones in limbo numerantur, annotantur; pro-
fectò, oculi tum tenebris asfueti adeò offuscantur, obscu-
rantur & offunduntur, ut aliquandiu quiescendum, & ab
Observationibus, priusquam vel minores Stellas per Pinna-
cidia debitè rursùs distinguas, planè abstinentum sit. Nam,
docente Opticâ, omnis pupilla nimio lumine magis magis-
que contrahitur, obscuritate verò plus plusque vicissim di-
latatur; hincque loco obscuriori, pupillâ oculi magis dila-
tatâ, clariùs, distinctiusque conspicimus Stellas, quàm loco
illuminationi, oculoque strictiori; hâc tamen expressâ le-
ge, ut tales etiam Dioptras, quæ tenebricoso loco optimè
posfunt animadverti, habeamus.

Cùm itaque multis experimentis, longoqué usu certior
factus fuerim, Pinnaciis illis Ricciolianis neutquam es-
se fidendum, atq; ita per consequens in sublimioribus Ob-
servationibus ea minimè adhibenda. Idcircò Tychonis
Dioptras, sive Pinnacia duabus vel quatuor fissuris sive
rimulis, unà cum Cylindro, in centro Sextantis vel Octan-
tis exposito; in Quadrantibus verò loco Cylindri lamel-
lam, uti diximus, præ aliis omnibus elegimus. Quando-
quidem necdum adinvenire potui planè diversas præstan-
tiores & accuratiores: quanquam illa ratio observandi in

quibus-

Auctor, ut aliqualem sibi comparaverit experientiam, tamē non cōfidit sibi, posse præsentie lumine minutissimas fixas exquisitissime observari.

In tenebris pupilla dilatatur.

*Tychonis pinnacida Au-
ctor lôgè præfert Riccioli-
anis.*

quibusdam (prout etiam jam partim fecimus) utique reddi potest exquisitior & perfectior.

Ricciolus pu-tat, Tychonis Diopras in tenebris esse molestas ; sed fallitur.

Inexercitatis plerunque o-mnia difficilia videntur.

Pinnacidiis Tychonicis Auctor longè plures Obser-vationes se peracturum confirmat, quam alius quisquam Ric-ciolianis.

Quot Obser-vationes Au-tor unâ no- ët peregerit.

Ricciolus quidem prætendit, Pinnacidia Tychonica valdè esse in tenebris molesta & fastidiosa : quòd nimirùm illorum beneficio Stellæ adeò accuratè discerni nequeant, atque modò hæc, modò illa sine discrimine arripiatur ; adit, dum Sextantem ad debitum planum deducis, eumque simul ad Stellam dirigis, atque alternis vicibus nunc per hanc, nunc illam rimulam eam rimaris, multum temporis elabi, præsertim ob continuum illum motum diurnum, Observatoris attentionem assiduâ illâ oculorum commutatione valdè turbari. Verùm, id equidem inexercitato aliqui Observatori, qui Instrumenta regere & dirigere nescit, accidere posse, scias, maximè Instrumento quodam directionibus omnibus reluctante & aversante; sed probè exercitatis Observatoribus id evenire posse, nequaquam concedo. Profectò, dici vix potest, quali promptitudine, quantâque velocitate, hi, inquam, harum rerum gnari, etiamsi multò maximis Instrumentis, dummodò volubilibus & obtemperantibus Observationes peragant ; vix Instrumento manibus apprehenso, protinus etiam debitum planum detectum, Distantiamque fermè determinatam habes ; ita ut volupe sit, ejusmodi interes se Observationibus. Confido, me Pinnacidiorum meorum ope citius duas vel plures Distantias exquisitissimè acquisitum, quàm quisquam aliis, quod tamen salvo honore omnium dictum esto, acu scilicet subtiliori, atque minutissimo foramine vel unicam solam. Quandoque unâ nocte, Divino adjutus auxilio, novem horarum intervallo ultra septuaginta Fixarum, Planetarumque Intercapedines sum dimensus. At verò, inquires, parùm admodum interes se quàm multa, sed quàm accurata fuére : ego quidem nolo ipse rerum mearum esse arbiter, sed Observationes nostræ Lib. II Machinæ Cœlestis, utpote anno 1661, die 2 Febr. & 26 Octobr. habitæ, cæteras ut præteream, ipsæ loquentur ; tum quid præstant, unicuique explorare, judiciumque de iis postmodùm expōnere licebit. Sic ut penitus sim persuasus, me hisce nostris

Pinna-

Pinnacidiis, multò citiùs, commodiùs, atque enucleatiùs, tam ratione plani, quām Distantiarum rem omnem administraturum, in minimis etiam Stellulis sextæ vel septimæ magnit. ut ut arctissimè conjunctis, utpote in Plejadibus (prout illarum Distantias à se invicem omnes jam feliciter etiam sum dimensus) id quod nonnemini methodo Riccilianà laboriosum fortè accideret, præsertim, si candela, totam simul Speculam illuminans Pinnacidiis admoveri oporteat. Quæras autem, quā ratione Stellulæ illæ minimæ per utramque Dioptræ rimulam, tum etiam ab utrâque Cylindri parte omnino bipartitò deprehendantur? Utique id optimè fieri potest, sed Cœlo sereno, illuni nocte, & ab eo, qui visu pollet, atque hâc in palæstrâ probè est exercitus; secùs, profectò, opera malè locabitur, nec unquam, ut ut magno conatu, studioq[ue] id agatur, quicquam accurati perficietur.

Tychonica autem Pinnacidia qualis fuerint structuræ, satis superque ex ejus Mechanicâ, præsertim supplemento, ubi postremò de Divisione, Dioptrisq[ue] egit auctor, elucet. Exhibuit quidem in Pinnacidiis Quadrantum, oculum versus Observatoris, quatuor fissuras, sive rimulas, quarum tres beneficio fibularum, seu ligamentorum nunc dilatari, nunc coarctari instar januarum potuerunt; sed ratio illa opere cardinum non usque adeò conveniens mihi visa est, præprimis, quòd in tenebris isthoc pacto rimulæ, vel valvulae omnes vix unquam æqualiter panduntur, rursusque contrahuntur. Quamobrem alio artificio rem aggressus sum, striato nempe axiculo, vel rotulâ dentatâ, cuius beneficio non tantum duæ, sed tres, quatuorve fissuræ in tantâ amplitudine, quā volueris, aperiri, rursusque arctissimè claudi possunt; & quidem semper conjunctim & uniformiter, remoto omni lumine, etiam in ipsis obscurissimis tenebris.

Genuina verò hujus Pinnacidii facies, tam antica, quām postica, qualis reverè sit, in subseqüente Iconismo R, sub Num. 1 & 2 delineavimus. A priori latere ad Num. 1 orbiculum vides, quem rursus circulus, in suis particulis

Ad Observations administrandas exercitatione opus est.

Tychonica pinnacidia qualis fuerint constructionis.

Auctor novâ ratione rimulas pinnacidii laxat atque constringit.

Nn distri-

Orbiculò quodam exterio-

ri

*ri circumage.
do res perfici-
tur.* distributus ambit; eo fine, ut ope axiculi vel potius ejus orbiculi, indicem exhibentis, binas vel omnes tres illas valvulas magis magisque, prout ratio Stellarum, earumque luminis tum poscit, pandere vel recludere possis; simul in illo limbo distributo, quo usque valvulae sive rimulae sint apertae, vel hoc vel illo tempore aperienda, cognoscere; ita ut protinus ex divisionibus, atque orbiculi indice constet, an nunc arctiores, an vero aliquando arctiores extiterint?

*Rimulae pin-
nacidorum non
semper retine-
re possunt e-
andem ampli-
tudinem.* Aliter enim illuni nocte, loco obscuriori, aliter vicissim appropinquante aurorâ, Lunâ splendente, adultâ, totoque orbe corruscante, vel etiam tempore diurno sunt dilatanda. Quam autem diversitatem, oportet, ut non nesciat exercitatus quisque Observator. Multum namque interest, recte omnia in isto negotio nosse dirigere.

*Interior co-
structio no-
strorum pin-
nacidorum.* At, quomodo re ipsâ hæc nostra Pinnacidia à parte interiori sint constructa, clarè quoque ex Designatione sub Num. 2. perspicis; beneficio nimis alicujus axiculi striati, atque tenaculorum (quæ valvulis sunt affixa) dentatorum, se invicem mordentium, non solùm duas rimulas, sed simul quatuor dilatari, ac rursus constringi posse, orbiculo scilicet exteriori convertendo. Tychoni quidem non nisi tres rimulae aperiri & claudi potuerunt; verum & quartum similiter aptè conficitur: si videlicet inferiorem Pinnacidii fissuram primùm benè amplam reddas, deinde lamellâ lœvigata, suo etiam tenaculo striato gaudente, itidem istam latam rimulam à parte interiori ita obtegas, ut simul omnes quatuor valvulae ope illorum tenaculorum, atque axiculi striati cessim regi possint; quemadmodum facile intelligis, licet tale Pinnaculum quatuor rimulis, quod dilatatur & comprimitur, hic non apposuerim. Ad sextantes & octantes quidem haud aliis Dioptris opus est, quam quæ binis valvulis ductilibus gaudent; ad Quadrantes vero omnino talibus, quæ scilicet quatuor valvulis praeditæ sunt, necessum habemus, quò Azimuthum cum Altitudine simul dimetiri nobis liceat.

*Pinnacida
Quadratum
quatuor fis-
sus; Sextan-
tum vero tan-
tum binis co-
struenda sunt.* Alterum Pinnaculum, quod in centro Quadrantis alias constituitur, non nisi lamella benè crassa est, ut ad Num. 3 conspi-




Fig. R.

conspicitur, tantâ quà altitudinem, quà latitudinem magnitudine, quantâ est inferius Pinnacidium; habens tamen ad partem inferiorem, ubi Instrumento insitit, rimulam sive fenestellam satis amplam, atque ab uno latere inferiori ovatam, Pinnacidi inferioris rimulæ planè respondentem: quò possis, ut diximus, Azimutha illicò simul determinare. Quòd si verò tempore diurno Altitudines Solares dirimere satagas; oportet, ut dictam rimulam hujus lamellæ, sive superioris Dioptræ capsulâ, ad Num. 4 eò destinatâ obtegas: ne Sol radiis suis per hanc rimam, atque tubum papraceum trajectis inferius nimirùm Pinnacidium illuminet; sed solummodò per foramen, quod in medio lamellæ perterebratum est, in circellum lumen suum trajiciat.

Ulteriùs, in Sextantibus & Octantibus loco hujus lamellæ, sive superioris Dioptræ Cylindrus substituitur, planè etiam tantæ magnitudinis, quantæ est, ut jam sæpiùs inculcavimus, inferius Pinnacidium suis rimulis construètum; nisi quòd in Octantibus bini Cylindri constituantur, qui binis etiam Pinnaciis, uti jam suprà intellexisti, respondeant. Cùm verò in Octantibus, inferiora Pinnacia ut versatilia sint, requiratur, habeant necessariò suas certas bases, quibus insistant, ita adornatas, ut in limbo horsum prorsum commodè ac lenissimè, ad instar Regulæ Sextantum, moveri vel duci possint. Ejus generis nunc Pinnacidium ductile, ad Num. 6 delineatum dedimus, in Octante nimirùm nostro ligneo usitatum. Et quò basis ejus, duabus crenis facta, licet sit per se exquisitè limbo accommodata, eò minùs nutet vel vacillet, peculiares diversas plumulas chalybeas crenis inferui; quarum ope firmissimè, simul ac lenissimè in quâvis limbi parte incedit, vel commovetur.

At verò Octantem nostrum æneum illum maximum, novem ferè ped. Cap. XII delineatum & descriptum, planè singularibus, ac novis adhuc Pinnaciis instruximus; quælia profectò hactenus nemo unquam, sine dubio, nisi hic apud me, conspexerit. Non solum multò sunt commodiiora, sed longè firmioris sunt incessūs, quando horsum

centro Qua-
dratis consti-
tuendum.

Fenestella an-
terioris Qua-
dratis pinna-
cidii in Ob-
servacionibus
Solaribus la-
mellæ obteg-
da est.

In Sextan-
tibus loco dio-
ptræ Cylin-
drus consti-
tutur.

Pinnacia
Octantum in-
feriora sunt
versatilia.

Maxima O-
ctantis pinna-
cidia singula-
ri novâ ratio-
ne Auctor eō-
struxit.

profsum in superficie limbi aguntur. Constituuntur enim in laminâ quâdam quadrilaterâ longiori orichalcicâ satis robustâ, sed exsecatâ vel marginatâ, plurimisque plumulis chalybeis ita adornatâ, ut non tantum dicta Pinnacia firmiter, & simul leniter commoveri nonnequeant, sed etiam peculiari cochleâ directoriâ (qualis alioqui Regulæ Sextantum subest) ad unguem regi ac dirigi possint; adhæc, ut

*Pinnacia
Octantis bina
quævis secun-
da common-
strane.*

Gradus & Minuta accuratè commonstrant, sic etiam quina, imò bina quævis Secunda, & quidem non uno limbi loco, ad medietatem scilicet Pinnacidi, prout aliàs in Regulis Sextantum & Quadrantum asfolet; sed in quinque diversis laminæ marginatæ Pinnacido suffultæ partibus: de quo fortè nonnemo, priusquam id ipsemet conspiciat, periculumque faciat, mirabitur. Videbitur quidem tibi tale

Pinnacidium Fulcimento scilicet explanato margineo constructum levioris esse compositionis; verùm enim verò credas, quòd mihi maximè operosum fuerit, mentemque meam benè exercuerit, priusquam id convenientissimè & exquisitissimè, ut ipsa res poscebat, elaboraverim, atque ad praxin deduxerim: ita ut ab omni parte non solum mihi, sed & aliis, quibus id aliquando videre obtigit, perplacuerit. Proinde, cùm feliciter etiam hâc in parte, Deo sit Gloria, mihi negotium successerit, nullus quoque dubito, quin omnibus & singulis harum Rerum curiosioribus hocce scilicet Pinnacidium versatile, suâ basi marginatâ, imposterum plenè satisfaciat. Sed credas pariter velim, licet hæcce Pinnacia abundè perspicuè tibi ob oculos posuerim; nihi lominis nonnemini, haud usque adeo rudiori Artifici, sive

*Nec alius
quisquam ea
adeò facile i-
mitabitur.*

Automatario, ante quam omnia & singula rectè & congruerter, tam quâ constructionem, divisiones, plumulas chalybeas, offendices sive suffamina, quâm cochleam directoriam perfecerit, satis negotii facescent: citius profectò unam aut alteram hujus generis Dioptram depravabit, quâm unicam reddet absolutam. Id quod mihi, sine dubio, quoque obtigis, nisi ipse limam, normam, cælumque manibus arripiussem, ac præcipua perfecissem, in primis loco suo, quod maximi est momenti, Pinnacia constituissem.

Pluri-

Plurimum itaque, à teneris Rebus Mechanicis esse assuetum, manumq; suam Organis Astronomicis admoveare nosse, conductit. Haud suasor sum, ut quisquam totam omnino Instrumentorum structuram, præsertim Pinnacidiorum, Divisionum, aliarumque rerum subtiliorum solis Artificibus, ut ut alioquin in suâ arte benè peritis, concredat. Hincque Automaturgis ferè nunquam Pinnacia mea, nisi minimum & oculi & manus meæ præstò essent, confienda, & perficienda concessi. Nam hâc in parte ingenium meum hoc defectu laborare fateor, quòd non facilè quibusvis Instrumentis, Pinnaciis, Divisionibus & Observationibus fidem adhibeam, quæ, si non ipsem perfecerim, saltem probè examinaverim, ac perquisiverim. Hocce enim in negotio perfacile quis decipitur: prout penitus sum persuasus, plurimi Eximiis Viris hâc in Scientiâ Siderali haud raro obtigisse, quòd egregiè fuerint elusi; qui videlicet nonnunquam Artificibus, Sociis, aliisque, mercedi solummodo inhiantibus sunt confisi. Quare iterum iterumque seriò Rerum Cœlestium Observatores adhortor, ne, meo quali quali exemplo, protinus re inexploratâ Artificum Instrumentis nitantur, licet omnibus numeris absolutissima ea deprædicent.

Verùm, ut ad Pinnacia versatilia, recens à nobis inventa, quibus in Octante nostro maximo ænco utimur, revertamur. Ista quidem cum illis prioribus, quæ ad Octantem ligneum spectant, ejusdem sunt structuræ, tum ejusdem magnitudinis, & figuræ, cum duabus scilicet rimulis, & interiori axiculo striato, nec non dentatis valvularum tenaculis fabrefacta; sed in hoc tantummodo distant, quòd hoc nostrum novum in lamellâ quadrilaterâ multò longiori, & quidem exsecatâ & marginatâ; illud verò in lamellâ ferè quadratâ minori integrâ, limbum planè obtegente consistat: prout tribus diversis Schematibus, in præced. Figurâ R exhibuimus; quò ab omni parte, tam anteriori, posteriori, quam inferiori, quâ limbo incedit, eò clariùs conspiciatur: sed cùm pagina non concesserit, ut sub ampliori Designatione ea sub cuiusvis adspectum ponerem, vix omnia &

Satiū est,
res subtiliores
Observatore
ipsum perfici-
cere.

In hisce rea-
bus haud fa-
cilè alicui fi-
des adhiben-
da est.

Facile cre-
dentes facile
decipiuntur,

Quid diffe-
rentia inter-
cedat inter
pinnacia O-
ctantis lignei
& Orichaclit-

singula minutissima ut & distinctè comprehendi potuerint; idcirco, si quæ fortè adhuc desideras, non dubito, quin acriori investigatione ea plenè obtineas. Ad Num. 7,

Facies pinnacidi anti-ca.

dictum Pinnacidium à facie anticâ, quæ Observatorem versùs vergit, vides: quomodo nimirūm in suo explano fulcimento cochleis sit affixum, tum quo loco longior illa cochlea directoria hæreat, quâ totum Pinnacidium

Magnitudo Pinnacidi-orum.

commovetur ac regitur. Fulcimentum autem illud, cui insistunt, Hipparchus & Ptolomæus ex laminâ orichalcicâ, longitudine septem vel octo digit. & latitudine trium, imò latiori, si totum spatium spectes, est confectum; pars verò interior exsecata & marginata fermè quatuor vel quinque poll. longa est, & lata uno; eâ gratiâ, ut Divisiones Graduum & Minutorum in limbo factæ transpiciantur, atque hæcum ipsis Distributionibus in lamellæ vel fulcimenti margine perspicuè conferantur; quemadmodum Capite proximo, ubi de Divisionibus in specie acturi sumus, clariùs omnia percipies. Siquidem ex his minoribus Delineationibus adeò accurate omnia tradere haud valui;

Quare Pin-nacida sint exsecata & marginata.

inhæreamus itaque nunc solummodo ejus fabricæ, sufficiatq; hâc vice, te non nescire, quòd exsecata ac marginata fulcimenti pars, sive fenestella ejus eo fine sit facta, ut utriusque lateris margini 61 duodenæ unius Gradus partes in 60 æquales insculptæ sint: quò harum beneficio etiam ipsissima Secunda determinari optimè possent. Integri verò

Diversis in locis Divisionum numeri in Pinnacidi-is uniformiter semper co-incident.

Gradus, & Minuta singula in laminâ illâ inferiori non solum ad a ab uno latere, ut Regulæ Quadrantum & Sextantum solent, sed simul à quatuor lamellæ partibus communistrantur, nempe, ut ad a, sic quoque ad b, c, & d, simul tum exquisitissimè & æquabilissimè, ut in quâvis Minuti parte semper omnino ad unguem convenient; hâc tamen expressâ lege, si Pinnacidium hocce nostrum (nec non totam Instrumentum) rectè constructum, probè in particulis distributum, atque scrupulosè suo fulcimento, sive lamellæ sit impositum; atque tum profectò accuratisimè ab omni parte, quinque scilicet diversis in locis, numeri coincidunt; pariter hoc ipsum instar rigidissimi alicujus examini

nis atque normæ est, quod totum Instrumentum, unà cum Pinnaciis, exactissimè & elaboratisimè est constructum. Nam si vel una tantum Divisionum particula in limbo Instrumenti, vel margine Fulcimenti leviusculè nutet, protinus vitium ex diversâ aliquâ designatione Minutorum & Secundorum, tum quâ parte lateat, luculentissimè proditur: adeò, ut vix unquam alicui harum rerum Perito in distinguendis Scrupulis Primis & Secundis, circa Distantias determinandas facilè aberrare detur; sed è diverso benè securi, tali Instrumento adhibito, de Observationibus esse possumus. Deinde, longè commodissimum etiam est, quod simul, ope illius sæpiùs dictæ cochleæ directoriæ, totum Pinnacidium ad amussum regere & dirigere nobis sic liceat. Hæc cochlea, ut ex Delineatione 7 & 8 vides, transit per duo tenacula, sive crura chalybea sub lamellâ firmiter affixâ, quorum foramina, ut facile intelligis, sunt striata; ad extremitatem verò cochleæ aliud incurvatum tenaculum volubile est annexum, à quo rursùs canalicula peculiari cochleolâ adstrictoriâ dependet: quæ canalicula, unà cum suo tenaculo, circummoveri quidem potest, sed tantâ firmitudine, ut nusquam ne leviter quidem vacillet. Canalicula eum in finem est appensa, sicuti suo loco jam aliquoties tetigi, ut ad transversarium chalybeum, limbo subjectum, ubi ubi volueris, affigi, atq; sic cochleâ directoriâ simul Instrumento validè adstringi possit; quò ea, quando opus, lenissimè commoveri queat: quemadmodum fieri à nobis solet; etiam abundè jam Cap. X & XI in Descriptione Quadrantis & Sextantis deteximus.

Sub Fulcimento, sive sub laminâ, ubi tenacula illa duo, cochleam directoram tenentia conspicuntur, præsertim intra securiculas orichalcicas, quarum sub quolibet Pinnacidio minimum quinque inveniuntur, plurimas, diversissimasque plumulas chalybeas applicavimus: eâ caussâ, ut eò lenius, firmiusque totum Pinnacidium omni parte limbi, & quidem æqualiter procederet atque adstringeretur; quibus sanè remotis, neutiquam id perficies. At verò quomodo confectæ, quales, & quâ ratione affixæ sint, cùm ferè omnes

Pinnacidia
Octantis coch
leâ directoriâ
reguntur.

Pinnaciis
quâ ratione
cochlea sit ad
hibita.

Quo artifi
cio Pinnaci
dia in limbo
minimè nu
tent.

Omnia adeò inflexas, in Schemate 9 ad e & f si excipias, haud ita dilutuerint, ut nul lâ ampliori in dagatione opus sit.

mnes intùs in ipsis securiculis lateant, duas illas majores inflexas, in Schemate 9 ad e & f si excipias, haud ita dilutuerint, ut nul lâ ampliori in dagatione opus sit.

particulares plurimæ designationes benè amplæ, cum fusori aliquâ descriptione, fuissent exhibendæ; sed id nobis nimis prolixum, operosumque visum est: Perito Mechanico abundè, ut puto, satis erit. Si ego pro tenuiori meo modulo, cui nihil quicquam è de re anteà innotuit, nedum unquam vidi, ex solo meo cerebro hæc omnia effinxerim; quidni alias quidam, feliciori ingenio præditus, hæc dum parte perspexerit ac intellexerit, eruet, exterebrabit atque expediet. Sic ut hæc vice, tribus scilicet iis diversis Schematismis Num. 7 8 & 9 hujus Pinnacidii sub cujusvis adspectum expositis nihil amplius addendum habeam,

*Pinnacia
hac Octantis
mirè artificio
sè sunt elabo-
rata.*

quàm quòd ambo hæcce Pinnacia, quà totam structuram, nimium quantum artificiosè & exquisitè sint elaborata, imò absolutiùs, quàm quis fortè sibi unquam persuadeat: non solùm, ut suprà dicebamus, singula quina, & bina secunda in quinque diversis locis summè æqualiter unà & simul indicant; sed ab omni parte omnino justè & validè, ut ne minimù vel vacillent, vel nutent, limbo inhærent, & nihilo seciùs lenissimè, levissimè, ac velocissimè unicà illà dictà cochleà directorià ad lubitum, quocunque volueris, æquabilissimè commoventur ac deducuntur; quin-etiam canalicula ad transversarium omni limbì loco cochleæ annexatur. Quantà autem industrià, & quali artificio opus sit, priusquam totum Instrumenti arcum, cum suâ subjectâ trabe transversâ incurvatâ, ad tantam perfectionem & æqualitatem, tum etiam ipsum Pinnacidium cum quibusvis partibus eò deducas; vix citiùs,

*Conducit A-
stronomiæ esse
rerū Mecha-
nicarum pe-
ritum.*

quàm cùm rem ipsam tentaveris, intelliges. Evidem, nisi ipse Observator, ac Observationum Director non nihil de Arte Automatariâ calleat, limamque tractare noscat, sed soli Artifici, Astronomiæ planè ignaro tota res sit committenda, immane quantum Tibi, cum maximo temporis dispendio, priusquam sanè omnia & singula cù ratione

ab

ab ipso obtineas, erit molestum. De reliquo, Statuæ illæ Præcipuorum Astronomorum, Hipparchi videlicet, Ptolomæi, Copernici & Tychonis non tam ornatūs caussâ, ut superiori Capite diximus, sed Pinnacidia ne facilè læderentur, ibidem sunt constitutæ. Nam assiduè magna me cura tangit, ut Pinnacidia nostra universa perpetuò integra, cuius rei maximi interest, conserventur. Atque hæc nunc sunt, quæ de Octantis nostri Dioptris recensere volui-
mus ; de Divisionibus ipsis verò Instrumenti, quām Pin-
nacidorum, proximo Capite, quò Lectorem ablego, agere
proposuimus.

Supereft, ut iis Rerum Cœlestium Scrutatoribus, præ cæteris altiora indagantibus, præsertim Motuum Solari-
um Restauratoribus aliquantò adhuc clariùs explicem, &
quidem graphicè ab oculos ponam, quomodo Pinnacidia
tam Sextantis, quām Octantis (de quibus jam suprà Cap. XI
de Sextante, pag. 238 nonnulla diximus) adornanda sint &
munienda, quando nimirùm Distantiæ Veneris à Sole di-
urnæ sunt dimetiendæ. Primò ibidem diximus, in diri-
mendis videlicet Sextante Veneris & Solis Distantiis alte-
ri Observatorum, Fixo Pinnacido assidenti, atque Vene-
rem rimanti capsulâ quâdam (quam mox mox delineatam
quoque dabimus) opus esse, quò Cylindrum in centro In-
strumenti constitutum obtegere, atque radios Solares ab
ipso prorsùs avertere posse; imò conduceret sine dubio
(licet id ipsem non fuisse expertus) ut canalis papy-
raceus quadratus ab ipso Cylindro, vel capsulâ illâ super
crure Instrumenti ad inferius Pinnacidum usq; procederet,
qui simul ut Cylindrum, sic caput Observatoris obumbra-
ret. Hac enim ratione radii Solares oculis dicti Observa-
toris haud offunderent caliginem, ac Venus multò faciliùs,
promptiusque in clarissimo æthere, ut quilibet ipse & me-
tacente intelligit, detegeretur ac observaretur.

Alteri verò Observatori, Regulæ assidenti, Solemque
investiganti (uti eadem paginâ diximus) incumbit, ut la-
mellam annulatam, in centro suo minutissimum foramen
pro transeundis radiis Solaribus gerentem, ipsi Cylindro

Oo impo-

Pinnacidia.
Statuæ fulci-
untur.

Quomodo
pinnacidia in
Observationi
bus Solaribus
sint munien-
da.

Cylindro la-
mella impo-
nenda.

imponat; cui lamellæ verò, seu potius ejus subiecto annulo duo crura, sive sustentacula, alterum fermè rectum, alterum parte inflexum (ne Observatorum impeditat visum) affixa sunt: quò dicta lamella annulata Sextantis Regulæ cochleis suis adstringi, atque sic unà & simul cum Regulâ in Cylindro, vel potius supra & circa eum commoveri possit; qualem lamellam annulatam sub Num. 10 præcedentis Iconismi R adumbravimus. Pariter, supra inferius Pinnacidium ejusdem magnitudinis lamella, ut vides ad Num. 11 imponatur, & cochleolis affigatur, in cuius facie, Soli expositâ, circellus ductus est, in quem radii Solares, per foramen superioris lamellæ, atque Tubum papyraceum quadratum usq; trajecti, beneficio illius largioris tubi quadrati, instar cameræ obscuratæ excipiuntur.

Quâ ratione Auctor Observations Solares per agat.

Quòd si verò alteri Socio Solem observare obtingit, tunc non nisi laminam illam annulatam ad Num. 12, absq; cruribus Cylindro imponit, eiique cochleis adstringit, simul lamellam illam nudam ad Num. 11, quò utrumque Pinnacidium ad eandem deducatur altitudinem, inferiori aptat Pinnacido. Sicque interjecto Pinnaciis canali illo quadrato papyraceo (ad Num. 13 cum suis Fulcimentis ligneis, ut æqualiter Sextanti omni parte incubat, depicto) Observationes ex voto expediuntur: quali ratione & ego, nunquam non eas peragere solitus sum; quamvis Tycho longè minori labore, per umbram scilicet Cylindri, sicuti suo loco jam delibavimus, negotium illud expediverit. Enimverò, cujus methodus Venerem à Sole observandi sit exquisitior, tutiorque, Tuo, aliorumque expono iudicio.

De peculia- ri ac novo In- vento, pro com- monstrandis subtilioribus distincionibus.

Supereft, priusquam ulteriùs progrediamur, ut occasione nostrorum Pinnacidiorum, hoc Capite descriptorum, leviter etiam attingamus, nec non ex parte, quo usque pagella superior R permittit, adumbremus novum scilicet & peculiare illud nostrum Inventum, sive artificium, quod Instrumentorum Regulis & Pinnaciis, beneficio cochleæ directoriæ g & h annexitur. Nam, cùm illud ad Num. 7 & 8 simul cum Pinnaciis volubilibus, exsecatis & marginatis,

ne

ne reliqua universa confunderentur, ob oculos poni haud potuerit; è re esse putavi, si Machinulam illam totam cum cochleâ directoriâ eo planè modo, quo Regulis Instrumentorum, sive sub Dioptris nostri Octantis majoris est affixa, sub speciali quâdam Delineatione ad Num. 21 & Num. 22 sed sub minori tantum facie, spatio videlicet deficiente, unicuique perspicue exhibeamus, quanquam ampliori hâc vice etiam haud opus est; dictum enim Machinamentum pleniùs & abundè (sicuti meretur) proximo Capite diversis Iconibus dilucidabitur ac describetur. Idcircò hoc loco non nisi generatim negotium istud proponam, quò Bēnevolus Lector, ac harum Rerum curiosior Astrophilus primum ex parte tantum, quâ ratione videlicet dicta Machinula sit concinnata, cochleæque directoriæ annexa, comprehendat, ac mente concipiat, cum primis ad rem totam, deinceps pleniùs proponendam, eò penitiùs promptiusque intelligendam & penetrandam.

Primò, ad Num. 21 Machinamentum istud à parte anticâ deposui, ubi totus Orbiculus cum suis Indicibus, ac si Regulæ Sextantis, aut Quadrantis, vel Pinnacidio Octantis ad Num. 7 jam applicatus esset, à fronte patet. Orbiculus *i*, in cuius limbo & Minuta, & singula Secunda distinctissimè continentur, unâ cum canaliculâ uno latere apertâ, sive securiculâ k beneficio incurvati cujusdam fulcimenti / & lamellæ combinantis (quæ in hoc Schemate autem in oculos non incurrit) cochleæ directoriæ *g* est affixus. Quò dicti Orbiculi Indices, ope cujusdam rotulæ coronatæ *m*, ad cuspidem *g* dictæ cochleæ directoriæ adaptatæ, nec non quorundam axiculorum striatorum, tum unius rotulæ indicis, ac alterius subditivæ ad ductum & commotionem cochleæ directoriæ regi & commoveri, atque ex eo motu velocissimo (cùm Indices motu ferantur rapidissimo) tam singula Minuta, quam Secunda, imò eorum particulæ exactissimè denotari nonnequeant, & quidem in singulis Instrumentis multò distinctiùs & accuratiùs, quam in ipsis Organorum limbis, licet amplioribus, exploratore insuper gaudentibus, nec non ab omni parte Divisiones absolutis-

Id quod sub sequenti Capite debitè & accurate de- tegetur.

Directoria- um Minuto- rū & Secun- dorū à fronte ostenduntur.

Ex quibus paribus sit compositum.

Hujus direc- torii benefi- cio longè ex- actius singu- la cognoscun- tur Secunda, quam in ipsis Instrumen- rum limbis; ex usciatis il- lis distinctio- nibus.

simas exhibentibus : de quibus autem subsequenti Capite XV, ubi de Divisionibus ex composito agendum erit , pluribus dicetur , ac graphicè demonstrabitur.

Hoc loco gerat, nisi tammodò Machinamentum illud divisionis proponatur; infra vero speciatim abunde explanatur.

Hac vice contentus eris, mi Lector, Te rudiori saltem modo intelligere , quale nempe artificium & adjutorium ad cochleam nostrā directoriam, ex cuius motu unicè dependet, affixerimus , & quā ratione præter propter illius partes cohærent, tunc etiam, quomodo ope securiculæ & Instrumentis annexatur. At verò, quā viâ Divisiones orbiculi à nobis sint initæ, quomodo diversi isti Indices Distinctiones illas dirimant, quā velocitate, ac diverso motu ferantur, nec non particulæ illæ minutissimæ sub spatiis amplioribus perfectissimè cognoscantur, proximo Capiti , uti diximus, quo res universa speciatim , & quām dilucidissimè explanabitur, reservatur.

Interior Machinula hujus facies.

Cochlea directrix suâ rotula coronata rotū regit artificium.

Ex motu cochlea omnis commovit. Regula & diversas divisiones num dependet.

Secundò, ad Num. 22 Tibi Machinulam à parte posteriori sive potius interiori, ac si Pinnacidio Octantis ad Num. 8 superioris Figuræ R ad extremitatem cochleæ directoriæ h̄ esset affixa, exhibeo ; sub quā quidem facie Orbiculus index, cùm à nobis sit planè aversus, à fronte haud conspicitur ; è contrario tamen totum interius rotularum & axiculorum artificium, quo usque nempe hāc vice sub hāc minori specie fieri à nobis potuit, cuilibet est in propatulo ; præsertim verò, quā ratione rotula coronata m ad cuspidem cochleæ directoriæ h̄ sit adaptata , quomodo dentibus suis majorem axiculum striatum n, succulam , & præcipuum Indicem dirigentem mordeat, pariter quo pacto alter axiculus striatus minor o, ope rotulæ subditivæ q, atque aliquis fistulæ, alteram rotulam indicem p regat ac commoveat, tum quomodo partes universæ inter se concinnè cohærent, ac ad canaliculam seu securiculam & affigantur. Adhæc haud obscurè perspicere est, quomodo tota Machinula, canaliculâ videlicet ad limbum Instrumenti debitè annexâ, sit in procinctu, tam ad Instrumenti illius Regulam, sive Dioptram, quām diversos illos Indices in Orbiculo, Divisiones exhibente commovendos & dirigendos ; & quod ad quemvis cochleæ directoriæ vel levissimum motum,

motum, vel minimam torsionem ex nutu etiam Orbiculi Indices procedere necesse sit, & quidem eam partem, quam versus cochleam torqueas, nunc in antecedentia, nunc in consequentia, modo progrediendo, modo retrogrediendo: ita ut in Orbiculo multò citius, promptius, tum distinctius in quibusvis minutissimis Graduum particulis motum Regulæ & Pinnacidi præsentias atq; dignoscas, quām unquam in limbo alicujus Instrumenti à quopiam ullo pacto fieri possit.

Qualis autem præstantissima & commodissima quævis Instrumenta dirigendi, & in quibusvis Distinctiones discernendi hæc sit inventio, non meum est, ne vanus rerum mearum videar jactator, multis celebrare. Quandoquidem abundè affatim in posterum innotescet; præprimis cùm ipse Tu similem Machinulam, cochleamque directoriam Instrumentis adhibueris, periculumque re ipsâ feceris, sine dubio testaberis, hocce adjutorium, ut ut nonnemini levioris videatur fortè constructionis, majoris tamen pretii, & pro quibusvis Organis longè commodius & exactius esse, quām unquam primâ fronte ipse sperasfes.

Atq; ita hæc de Dioptris, sive Pinnaciis, quibus hucusq; usi sumus, & adhucdum in nostris Quadrantibus, Sextantibus atq; Octantibus utimur, dixisse sufficient. Verum plurimi Rerum harum Cultores demirabuntur, cur nova illa Pinnacia Telescopica, haud ita pridem detecta non usurpem, quæ Viri quidam Præstantissimi ad Observationes jam adhibent, etiam à nonnullis pro omnium melioribus, & accuratiorebus Dioptris habentur; adeò, ut non nemo in eam devenerit sententiam, has scilicet Dioptras Telescopicas decies, vicies, tricies & quadragies Pinnaciis vulgaribus esse exactiores; tum Instrumentulum aliquod unius spithamæ radio instructum multò exactius elaborari posse, quām optimum quodq; vulgares Dioptras habens, licet sexaginta pedum radio elaboratum. Quæ e- quidem, si ita promptè ad effectum deducerentur, atq; adeò procliviter in ipso opere succederent, quām ut promittuntur & asseverantur, sanè magni momenti esset negotium,

Hocce In-
veniuntur pra-
clarissimū es-
se adjutori-
um pro diri-
gēdis Instru-
mentis, & di-
stinctionibus
denotādis, si-
ne dubio Sub-
limiores Side-
rum Metaro-
res agnoscē-
nt omnes.

*Cur Anctor
novas illas
Dioptras Te-
lescopicas ad
Instrumenta
nondum ad-
hibeat.*

*Nonnullie-
xistimant, In-
strumenta et-
iam omnium
minima, Dio-
pris Telesco-
picis adorna-
ta, quadragi-
es Majoribus
cum Pinnaci-
diis tantum
consuetis esse
certiora.*

*Plurima nō
semper effe-
ctū explent,
quem primā
fronte promit
tunt.*

ac nullo ære redimendum. Sed plurima in theoriâ videntur certissima, quæ in ipsâ praxi satis longè nonnunquam à vero recedunt.

Priusquam autem pergamus, rem ipsam aliquantò clarius, eorum in primis gratiâ, quibus hæc res nondum plenè innotuit, exponamus; quâ viâ videlicet artificium hocce novum, & quidem ex mente Clarissimi cuiusdam Viri sit suscipiendum. Nimirùm, loco Pinnacidiorum vulgarium Telescopium, duabus lentibus convexis adornatum tam Quadrantibus, quam Sextantibus adaptandum est. Sit autem Telescopium (inquit) hunc in finem instructum; primò, bonæ admodùm notæ tubo ligneo quadriformi, nec non tubulo tractili in illo sui extremo, quod oculum spectat, in quo lens ocularis (convexa) & rete, punctum directionis sunt defigenda. Tubus hic tractilis est firmandus, quando lentes in debitâ suâ distantiâ fuerint dispositæ, adminiculo parvæ cochleæ, lateri Tubi majoris adaptatae. Rete, sive punctum directionis sit vel punctum aciculæ peracutæ, vel etiam duo perexiles pili, vel glomi bombycini duo fila tenuissima, se invicem ad rectos angulos juxta lentis medium decussantia, id quod sufficienter incurret in oculum, si Sol, Luna, vel quodvis objectum diurnum, vel quidam ex Planetis lucidioribus spectentur. Sin autem Stellas Fixas minores, aliave Objecta obscuriora tempore nocturno contemplari velis, opus equidem tunc fuerit exigua lampadâ vel candelulâ (prout quondam Keplero & Ricciolo videbatur) Tubi lateri affixâ, quæ foraminulo, per Tubi latus terebrato dicta fila, ad rectos angulos se de- cussantia, ita illuminare poterit, ut visibilia reddantur; sic tamen ab oculo arceri debet, ne eum ulla tenus offendat: atque hâc ratione nunc construenda sunt Pinnacia Telescopica.

*Nocturno
tempore his
Dioptris Te-
lescopicas can-
dela est admo-
venda.*

*Auctor in
magnō sem-
per pretio Te-
lescopia ha-
buit, & adhuc
habet.*

Ego, Tubos Opticos Astronomiæ nostræ jugiter variâ viâ opem ferre posse, etiam re ipsâ tulisse, ultrò quidem largior; adhæc, si ulli unquam Tubospicilla in aliquo habuerunt ac nunc habent pretio, tum in iis comparandis, construendisque impendia fecerunt, nec non iis quædam in Observ-

Observationis negotio contribuerunt, posse me quoque
(absit arrogantia) inter eorum minimum postremos jure
numerari. Fateor non minus, res nonnullas ope Telesco-
piorum posse produci, quæ aliis Instrumentis Astronomi-
cis etiam maximis sanè haud possunt; utpote, circa Di-
stantias Stellarum arctiores dirimendas, quæ ad aliquot Mi-
nuta vel Secunda tantum excurrunt, circa magnitudines
Diametrorum Luminarium & Planetarum, circa Eclipses,
Maculasque Solares ac Lunares, nec non Distantias Jovia-
lia, atque alia hujus generis phænomena, præprimis, si
Tubo Optico circa intersectionem radiorum inter utram-
que lentem Machinamentum illud, duobus illis filis con-
structum, inseratur, quod tam Galli, quam Angli in Ephemeridibus suis, illi Anno 1667 die 16 Maji, hi verò 11 Nov.
satis plenè descripsérunt, tum etiam graphicè delinearunt.

At verò, quòd omnibus Instrumentis, Quadrantibus scili-
cet, Sextantibus & Octantibus consueta Pinnacidia Tycho-
nica, ex parte etiam à nobis meliorata, sint prorsùs adimen-
da, & in ejus locum Telescopia eà modò dicta ratione sub-
stituenda, nec consultum, nec satis tutum mihi adhuc esse
videtur.

Pinnacidia nostra utique ab Artifice quodam benè Perito exquisitè admodum Instrumentis imponi, etiam, si quando semel rite & debitè iis imposita sunt, atque probè explo-
rata, adeò firmari, ac cochleis adstringi possunt, ut nullo modo facilè loco cedant, vel leviori aliquo impulsu eo e-
moveantur. Verùm enim verò, Tubos Opticos, licet sint
quadriformes, haud adeò procliviter, tam justè ac firmiter
Instrumentis impones; imò concessò, posse tandem per-
actis plurimis examinibus, summo labore, temporisque di-
spendio aliquod Telescopium Instrumento correctè ada-
ptari; perfacilè tamen, ac levi momento rursùs loco suo de-
bito vel ipse Tubus, vel acus erecta, sive fila illa decussan-
tia, & quidem Te infcio emoveri potest. Atque tum sanè
non tantum in Secundis, sed ad plurima integra Minuta,
& quidem in singulis Observationibus aberrabis.

In quibus Ob-
servationibus
Tubospicilla
plurimum
valent.

Consueta Pin-
nacia haud
prorsùs rejic-
ienda.

Pinnacidia
Telescopica
longè procli-
vius possunt
alterari, loco
quæ suo dimo-
veri, quam
nostra.

*Sextantibus
& Octantibus
Dioptrarum Telescopicas ad-
hibere, res est
sanè admo-
dum lubrica.*

In Quadrantibus inter reliqua Organa possent quidem omnium facilius Telescopia firmari; sed in Sextantibus, in primis Octantibus, nullis Regulis gaudentibus, quomodo ibidem adaptari, distinctionesq; indicari exactissimè debeant, & quidem adeò constanter, ut semper securi esse possumus, ea tandem non depravari, sed in pristinâ perfectione conservari, præsertim, si singulis noctibus Observations suscipienda & continuandæ sunt, profectò non video. Ego nullo modo mihi imaginari possum, Tubos illos adeò exactè ac firmè, ut quidem Pinnacidia nostra, Instrumentis posse imponi, nec situm debitum tam perseveranter tueri. Adde quàm facile acus adeò gracilis (prout jam suprà pag. 277 innuimus) vel fila ejusmodi subtilissima lædi, absumi, ac tandem lacerari dantur; atque tum, singula vicissim restaurare, quantum negotii haberet, & denuò tanto labore & molestiâ Instrumentum examinare, priusquam illud ad pristinam reduceres integritatem.

*Varii casus
posunt ma-
ximam Tele-
scopicis Di-
optris diver-
satatem indu-
cere.*

Adhæc quàm procliviter vitra illa franguntur, dum toutes ac toties, præsertim intenso frigore, quando à quovis halitu nebulam vel cuticulam obducunt, ut ne quidem transpicere possis, eximenda sunt & abstergenda. Accedit, si quando Observator non æque directè & præcisè semper, ut sæpiùs, crede, contingeret, per centra lentium collineat, facile diversitas aliqua adspectus Observationibus posset induci, quæ suo tempore Cœli Scrutatores jugiter seducet. Cæterùm, cùm acus vel fila adeò prope lentem ocularem ad Observatoris oculum vix in remotione aliquot digitorum subsistunt, dubito, an Dioptra hæc oculo tam propinqua, multò accuratiùs Stellas quasvis minimas, quàm Pinnacidia nostra, ad sex novemve ped. ab invicem remota, possit detegere. Nam etiamsi objectum distinctius videas, in eo tamen, quòd Dioptra tua oculo propriùs adhæret, plūs à vero deflectere poteris, quàm nos circa nostra Pinnacidia, quæ tanto spatio ab invicem removentur: ut taceam, quòd intersectio filorum minimas Stellas Tibi tegat, nobis verò ab utrâq; Cylindri parte etiam omnium minimarum Stellarum Cœlo sereno detur adspectus, id quod multò

multò, ut opinor, tutius est. Ita ut plurimæ difficultates offerantur, ex quibus ferè persuadeor, quòd in illis seriis Observationibus, quæ ad restaurandam Astronomiam suscipiendæ sunt, utpote in corrigendis Fixis, Motibusque Planatarum, pariter in Observationibus Solaribus, haud adeò tu-
tò illis Dioptris Telescopicis sit insistendum.

Videntur quidem primâ fronte istæ Dioptræ reliquis omnibus tantò accuratiore, quantò Telescopia res minimas distinctiùs, quàm nudi oculi discernunt; sed plurima interveniunt, quæ effectum istum, quem promittunt, impe- diunt, in primis illunis noctibus, quando acus vel fila ita accurate notari haud posunt, circa Stellas præsertim minimas, quas Tubus quatuor vel sex pedum, multò minus Tubus unius spithamæ vix aliter, quàm crinitas, radiisque adventitiis exhibeat, pariter ut alioquin nobis nudis oculis adspicientibus apparent. Quòd si dixeris, candelam vel lampadam (ut olim Keplero & Ricciolo visum est) Tubo circa acum vel fila admovendam esse; ad illud, cur equidem in ipsâ praxi haud succedat, jam pag. 278 hujus Capitis plenè respondi: adjicias, Stellarum capillitum superimposito minusculo foramine (ut pag. 36 Selenographiæ docui- mus) lenti objectivæ, vel eâ ipsâ lente fumigatâ, ut vult Clar. Hugenius, detrahendum esse; id profectò haud succedet: siquidem nec multo labore Stellas ipsas sic deteges, nec probè tubulo Tuo distingues.

Sed quid attinet, plura hâc de re facere verba, ipsum Observationis negotium, ipsaq; experientia, an ita in omnibus Observationibus quibuscunq; Instrumentis, Pinnaci- diis illis instructis, eas suscipiant (prout nonnulli sibi qui- dem imaginantur) ipsam attigerint metam, abundè affatim evinciet. Ego, cùm hucusq; nihil quicquam adhuc ex seriis, & alicujus momenti Observationibus viderim, quid ni- mirū illis Dioptris Telescopicis circa Æquinoctia, Solstitia, Altitudines Meridianas, aliquot annis continuatas, fuerit observatum, nec quales Distantias in Fixarum & Planetarum restituzione obtinuerint, haud possum adhuc concedere, Di- optras illas Telescopicas nostris quadragies esse accuratio-

Pp res,

*Plurima dif-
ficultates cir-
ca usum Pin-
nacidorū Te-
lescopiorum
se se objici-
unt.*

*Tubis Stellas
Fixas pari-
ter crinitas
exhibent.*

*Experientia
docebit, an di-
cta Dioptra
in quibusvis
Observatio-
nibus præva-
leant.*

*Auctori ex
nullis adhuc
sublimioribus
Observatio-
nibus conje-
re licuit, Dio-
ptras Telesco-
picas*

*picas nostris
esse quadra-
gies exactio-
res.*

res, ac per consequens, Observationes illas, iis habitas, tantò etiam esse præcisiōres. Quid nostris Pinnaciis hactenus sit observatum, partim jam in Cometis, aliisque tam Luminarium, quām Planetarum Observationibus est in propatulo, partim brevi ex Parte Posteriori Machinæ nostræ Cœlestis elucebit; num illæ verò Observationes, Dioptris Telescopicis administratae, nostris quadragies sint exactiores, profectò (ut pace dicam) valdè admodum dubito. Ego, absit jaçtantia, confido, me Distantias etiam minimarum Stellularum non solum ad singula Minuta, sed cum Socio benè exercitato ad dena, imò quina plerumque Secunda determinare, ac toties, quoties lubet, reiterare posse: ergò illorum Dioptris Telescopicis, cùm tantò sint accuratiōres, necesse omnino est, ut nunquam non illas ipsas Distantias non tantùm in Secundis, sed minimum in ipsis scrupulis Tertiis dimetiantur, & pariter toties, quoties velint, easque rursùs repeatant, licet Instrumentulo, juxta quosdam, unius spithamæ magnitudine. An verò hoc præstari possit, aliis in hocce pulvere exercitatissimis explorandum, dijudicandumque relinquo. Nuper habuimus

*An Cometa
nuperus Tele-
scopicas Dio-
ptris longè ac
curatius fit
observatus,
nondū resci-
vit Auctor.*

Cometam Mense Martio anni 1672 satis obscurum ac tenuem, qui quomodo, & quā diligentia de die in diem per nostra Pinnacia fuerit rimatus, omnibus existit pervium; at mihi nondum videre obtigit, num ipsi per Dioptrias Telescopicas quadragies, ex eorum opinione, exquisitus, distinctiusque, ut meritò debuisent, eum Cometam videre & dimetiri potuerint.

*Quomodo ac-
curatè explo-
rari posse,
quenam Di-
optra sint pre-
stantiores.*

Optarem, ut veritatis gratiā, quò possimus hāc in re aliquid tandem certi statuere, Strenuus quidam, & Exercitatissestissimus Cœli Metator Sextante quodam, Pinnaciis Telescopicis instructo, Distantias quasdam Fixarum Stellarum, circa Eclipticam & Äquatorem existentium, dirimere, nobisq; communicare haud gravaretur, & quidem illas ipsas, quas olim Tycho observavit: utpote Distantiam Lucidæ Arietis à Palilio, rursùs Palilicij à Polluce, Pollucis à Regulo, Reguli à Spicâ Virginis, Spicæ à superiori in manu sinistrâ Serpentarii, hujus denuò à Lucidâ Aquilæ, Aquilæ à Marcab,

Marcab, & denique Marcab à Lucidâ Arietis ; profectò, si simul meas, easq; ipsas Distantias exhiberemus nostris Pinnaciis detectas, promptum cuilibet dijudicare foret, an illæ Observations, & in quantum nostras excellerent ; tum quibusnam Pinnaciis imposterūm magis fidendum, & quænam hocce in negotio essent præferenda. Quod cùm autem hucusque nondum mihi explorare obtigerit, nec quicquam ad manus meas pervenerit, ex quo illud certò concludere potuerim, vitio mihi haud est vertendum, ut mea Pinnacia, quæ triginta annorum spatio satis superq;, tot ac tot Observationibus examinavi, diutiùs conservem, de quibus omnimodè certus sum, ea cum tempore haud variari, sed à principio hucusq; idem præstare, etiam ad dena & quina plerumque Secunda rem eandem similiter detegere; sic ut mihi integrum sit, Divinâ ope eas ipsas Distantias ante decem, imò quindecim annos observatas æqualiter planè rursùs, etiam quibusvis nostris majoribus Instrumentis dimetiri ; quibus equidem affatim sum contentus, Deo Gratias agens, quòd nobis, ut hæc eosque deducere feliciter potuerimus, clementissimè annuerit. Si quisquam idem negotium ad ipsa Tertia redigere valeat, non solum Astrosophis Universis gratissimum erit, sed tota Astronomia jugiter promovebitur, quod ut fiat, faxit Deus Optimus Maximus !

Interea, Cordate Lector, non est, quòd Tibi persuadeas, me Tubos Opticos, hasque Dioptras Telescopicas prorsùs rejicere, neutram sanè ! sed in èa planè, ut suprà jam diximus, sum sententiâ, eas quidem posse in plurimis Observationibus, suo loco jam expositis, haud levia præstare; at verò in quibusvis Observationibus minimè, præprimis nocturno tempore, illunis noctibus, circa quasvis minimas Stellulas, quando candela admovenda est (sicuti suo loco exposuimus) neque in Solaribus Altitudinum & Distantiarum Observationibus, ut experientia docebit ; multò minùs mihi unquam imaginari possum, adeò minutulum Instrumentum unius spithamæ magnitudine, ut ut sit quām subtilissimè quâcunque ratione in Minutis, Secundisque divisum,

Auctori
haud male in
terpreādum
est, quòd huc-
usque nondū
Tychoñica
Pinnacia
planè rejecit,

Auctor cō-
tentus rem ad
quina usque
secunda se re-
digisse.

Auctor Dio-
ptras Teleco-
picas in suo
pretio, quo pos-
sunt, relin-
quit.

Sed nullo
modo cōcedit,
Instrumentū
lum unius spi-
thamæ posse
majoribus no-
stris præferri.

posse vel unquam, nisi felici aliquo casu, accuratores Observationes Cœlestes quasvis expedire, quàm universa Organa 6, 8 & 9 ped. magnitudine nostris Pinnacidiis instru-
*Auctor spe-
rat, Dioptrias
Telescopicas
posse cum iē-
pore conveni-
entiores red-
di.*


cta. Nullus tamen dubito, etiam hæc Pinnacia Telesco-
 pica perfectiora & Observationibus convenientiora suc-
 cessu temporis reddi posse; præsertim si res succederet, ut
 Pinnacia nostra consueta suo loco firmiter permanerent,
 superaddito certâ quâdam ratione Telescopio aliquo apto,
 atque tum, sicuti mihi videtur, Observationes longè tutius
 peragerentur, quàm si omnibus Pinnacidiis remotis, solis
 Telescopiis modò illâ dictâ ratione superiori rem totam
 committeremus.

*De capsulis
ad prohiben-
dū Luna lu-
men à Dio-
ptris.*

Denique datâ hâc occasione, atque spatio prioris Iconi-
 smi R id concedente, binas simul illas capsulas pro Lunâ
 observandâ, quarum Cap. XI in Descriptione Sextantis
 mentio facta est, hîc Tibi sub adspectum ponemus. Ad
 Num. 14 itaque ampliorem illam capsulam pro observan-
 dâ duarum Stellarum Distantiâ foramine suo Cylindro, ne
 Luna Cylindrum illuminet, aptandam habes; estq[ue] tan-
 tæ magnitudinis, ut utriq[ue] Observatori, licet Distantia di-
 rimenda sit sexaginta Graduum, liberrimus ad utrumq[ue]
 Cylindri latus, pateat prospectus. Minor verò capsula, ad
 Num. 15 delineata, longè illâ priori, ut vides, est declivior:
 quandoquidem nonnisi Cylindri dimidiam, sive superio-
 rem, sive inferiorem partem obumbrandam habet, ac uni-
 tantummodò Observatori, Stellam dimetienti, inservit; al-
 ter enim dimidium Cylindrum ut habeat liberum, nudum-
 que, omnino necesse est: quemadmodùm suprà pag. 236
 fusiùs commonstravimus.

*Cochlea di-
rectoria per-
com.*

Ultimò, exhibitis ac explicatis rebus quibusdam ad
 Organa Astronomica summè necessariis; operæ pretium
 quoq[ue] esse duco, nonnulla hoc loco insuper alia, quæ Ico-
 nismis, atque Capitibus quibusdam superioribus adeò ac-
 curatè & dilucidè delineari, ac describi haud potuerunt, ali-
 quantò pleniùs & clariùs, uti promisimus, exponere, subq[ue]
 adspectum in adjunctâ Figurâ S producere, nec non in pri-
 mis commonstrarare, quomodo cochlea nostra directoria non
 solum



folūm Rebus Astronomicis, sed & aliis diversis, ut pote Microscopiis, Speculis istoriis, reliqua ut taceam, plurimūm inserviat.

Primò Capite X Sustentaculi, sive Retinaculi cujusdam Fulcro ligneo excavato per foramen ferreum adæquatum immisi, magni nimirūm Quadrantis Horizontalis volubilis, mentionem quidem fecimus, ibidemque etiam satis fusè illud exposuimus, nec non graphicè delineavimus ; verum, cùm ob multitudinem rerum, partiumque illius Quadrantis adeò diversissimarum, in istis angustis pagellis adeò distinctè adumbrari nequiverit ; in apposito nunc Iconismo Spullò ampliùs & dilucidius illud ipsum modò dictum Sustentaculum ad Num. 1 depingere volui, sine quo sanè Quadrans iste amplissimus neutiquam subsisteret. Ex quâ delineatione nunc elucet, quòd crus mobile sit *a*, axiculus *b*, ex quo Instrumentum pendet, *c* verò crus immobile, *d* brachium quadrarum, *e* cochlea regia, cujus beneficio Quadrans iste secundūm planum verticale mirum in modum præcisè dirigitur, *f* columella illa ferrea robusta, quæ Fulcro immittitur per foramen *g* ; reliqua dicto Capite X pag. 206 affatim fusè descripta invenies, usumque hujus Sustentaculi, quò Te ablego, plenissimè ibidem intelliges.

Secundò, eodem Capite X pag. 214 sermo quoq; nobis fuit de Brachio ligneo, sive Sustentaculo altero illo versatili, quod, ad annexandam illam cochleam longiorem, binis globulis volubilibus armatam, circa superiorem Fulcri Quadrantis partem est mobile ; id quod pariter sub hac Icone S ad Num. 2 clariùs adumbratum dare volui-mus : quò pateat, quâ ratione ex duabus semi-rotundis partibus sit compositum, & quomodo binis cochleis, earumque pericochleis ad Pedestale adstringatur. Adhæc melioris quoque intellectūs gratiâ denuò sub ampliori specie dictam illam cochleam, globulis munitam, ad Num. 3 delineare placuit, ne non omnes ejus partes eò accuratiùs unusquisque cognoscat ; cætera suo loco exhibentur.

Sub Num. 4 alterum illud Brachium, sive Sustentaculum ligneum, pro Sextantibus & Octantibus, habes, de

commode etiam aliis rebus adhibe-tur.

Sustentacu-lum Magni Quadrantis dilucidius exhibitum.

De bracio ligneo ejusdē Quadrantis.

Sustenta-culum magni Sextantis.

quo Cap. XI pag. 227 egimus. Ad quod non solum cochlea illa saepius dicta, globulis cessilibus armata, adstringitur, sed quo etiam Observatoris brachia aptissime sustentantur.

*Regula cum
suâ cochleâ
directoriâ.* Ad Numerum 5 verò, Regulam alicujus Quadrantis vel Sextantis cum suâ cochleâ directoriâ deposui, & quidem eatenus, ut eandem à latere postico, à quo alias cochlea illa amplissimè patet, intueri possis. Quam quidem satis plenè pariter Capite X pag. 194 & 232, nec non alibi descripsimus; nihilo tamen seciùs, ut eò melius Astrophili rem adeò utilem & necessariam, imò aliarum mearum qualium qualium Inventionum haud postremam percipient; quâ videlicet ratione ex suis anteridibus, aliisque partibus constet, cùm in Figurâ K, L, M & N tam distinctè fieri haud potuerit, peculiarem illius designationem hic annextere opus esse duxi; in primis ad eam Cap. subsequentem, ubi de Divisionibus agendum erit, eò dilucidiùs declarandam. Meretur enim, ut in pretio aliquo illa habeatur: nam, nisi me opinio fallit, penitus confido, adhuc longè majora, hujus nempe generis cochleâ, quæ nunc planè nos latent, progressu temporis iri detectum.

*Cochlea di-
rectoria ad di-
rectionē Mi-
croscopiorum
perutilis est.* Atque vera me sine dubio vaticinari, ecce, quid ego ipse non ita pridem ope ejusmodi cochleæ directoriæ circa Microscopia perfecerim, ut nunc multò promptius & accuratiùs, quam hactenus, ad quodvis objectū dirigi non nequeant. Instrumentum quidem hocce minimè ad res pertinet Astronomicas, de quibus hac vice solum agere proposuimus, atque ideo haud est, quod de isto, tanquam alieno, vel quicquam simus solliciti; attamen, cùm fortuitò in illud inciderim, brevibus, quomodo cochlea ista nostra directoria & Microscopiis universis, quin- etiam Speculis Ustoriis, nec non aliis rebus plurimis, quæ promptè, præcisè & velociter commoveri & dirigi debent, maximo Scientiarum, Artiumque bono possit applicari commonstrandum duco.

*Microsco-
pix quomodo
hactenus fue-
runt adorna-
ta.* Omnia autem meliora Microscopia, quæ vel in Anglia (cujus generis etiam nonnulla præstantissima possidente) vel alibi unquam hucusque fuerunt constructa, circa inferio-

inferiorem extremitatem ad capsulam *m* Num. 5, cui lens minor magisque gibbosa indita est, cochleam quandam & duorum pollicum ferè crassam referunt, cuius adjumento, ejusque matricis spiratim striatæ / dictum Instrumentum hactenus directum est. Nam, quemadmodum manifestum est, Microscopium, ut ut sit absolutissimum, oportet tamen, ut exquisitissimè secundum quodvis objectum, prout manus vel minus, subtilius vel crassius, constituatur, atque ad debitam Distantiam deducatur; secùs profectò actum ages, nilque solidi perficies. Matrici autem huic canalicula *d*, cum plumulâ chalybeâ sive offendice, suâque cochleâ adstrictoriâ *b* affixa est, ut ope hujus canaliculæ *d* columellæ ferreæ erectæ, in Fulcro *e* consistenti, adaptari possit, atque sic totum Microscopium cum suâ crassiori cochleâ & in columellâ illâ *e*, quo usque velis, elevare ac demittere, lentesque ita ad cujusvis objecti requisitam Distantiam disponere valeas. Etenim, uti modò dicebamus, prout hæc vel illa lens ex majori, vel minori sphæræ segmento elaborata est, ita Distantia lentium ab objecto major vel minor esse debet. Dispositis itaque ruditer sic lentibus, atq; Microscopio pariter eo loco cochleâ ordinariâ *b* adstricto, necesse est, ut reliquum, quod ad verum situm, vel accuratam directionem deest, cochleam illam ampliorem & huc vel illuc torquendo, obtineas.

Verùm protinus vidi, hoc pacto Microscopium dictâ illâ ampliori cochleâ ad tam exactam directionem, ut quidem hocce subtilissimum negotium meritò deberet, haud posse deduci. Nam si illa cochlea & volubilis est, plerunque in suâ matrice / vacillat ac nutat, & per consequens objecta distorquet; rursùs si firmior est, ac in suis strigis arctè incedit, nullo modo manibus illam circumducere valles: quod si verò vim aliquam adhibes, totum Microscopium loco suo vero, ut nunquam objectum sub lentibus præcisè retineas, emovetur, quamcunq; etiam adhibeas operam. Modò enim sic in excessu, modò in defectu peccas; ut ferè nunquam eâ ratione debitam directionem exquisitissimam, nisi magno labore, impetrare possis: sicuti

*Microscopio
pia cujuscun-
que etiam finit
generis pro ra-
tione objecto-
rum dirigi de-
bet.*

*Consuetâ ra-
tione Micro-
scopia hand
possumt adeò
procliviter &
perfectè diri-
gi.*

uti nemo non harum rerum gnarus mihi utique adstipulabitur.

*Cochleam di-
rectoriā Mi-
croscopia ex-
actissimè di-
riguntur.*

Quamobrem in auxilium cochleam nostram directoriā vocavi, cuius ope haud sum veritus, si debitè applicatur, licet sit cochleola admodūm tenuis & levioris pretii, Microscopium ad nutum & unguem, ut res posceret, dirigere, non ad lineam unam aut alteram, sed ad 2, 3 imò 4 integros pollices, & quidem adeò procliviter ac leniter, uno aut altero digito, semper inhærendo linea Directionis, ut nemo, quamvis rudior, aberrare unquam facile possit. Ad hocce autem obtainendum ferè similem cochleam, qualem Regulis Instrumentorū affixi, pariter per foramina duarum anteridum transientem, alterius striatum *a*, alterius verò anteridis lævigatum, Microscopio adhibui: ad priorem anteridem *a*, canaliculam *b* cochleolâ suâ adstrictoriâ annexi; posteriorem verò anteridem *c*, in quâ cochlea Directoria *p* in foramine tantummodo lævigato hæret, uti dixi, ad ordinariam canaliculam *d* affigi curavi. Longitudo cochleæ ipsius primariæ *p* quatuor ferè pollicum; crassities verò *e* vel $\frac{1}{6}$ dig. propemodūm existit.

*Quomodo
cochlea dicta
Microscopio
annectatur,
eademque re-
gatur.*

His itaque compositis & connexis, necessum est, ut priùs Microscopium ipsum totum in matricem *q* inseratur; dein utraque canalicula *d* & *b* columellæ *e* adaptetur, ac eò usque dimittatur, dum inferior lens *m*, ratione distantiæ, ab objecto *o* remotionem suam propemodūm obtinet; atque tum confessim canalicula *b* (quod benè notes) suâ cochleolâ adstrictoriâ *g* ad columellam *e* firmiter adstringatur, laxatâ alterâ canaliculâ *d*, seu potiùs illius cochleolâ adstrictoriâ *h*, quæ alioquin hæc tenus, si cochleâ illâ crassiori *k* Microscopium regi debuit, omnino adstringi oportuit. Quibus peractis rem omnem confectam habes, nec ullâ ratione dictâ illâ cochleâ majori *k* amplius opus est; sic ut eâ planè hâc novâ dirigendi ratione carere possimus: quippe Microscopium ad Retinaculum *l* non nisi, ut moveri planè nequeat, feruminari debet. Atque ita Microscopio subjectâ re aliquâ *o*, si introspiciendo animadvertis, dictum Microscopium in competenti directio-

ne

ne nondum absolute consistere, protinus dextrâ manu manubrium *f* cochleæ *p* apprehende, ac dictam cochleam verte, donec veram Microscopii ab objecto *o* distantiam teneas, quam mirè faciliter, promptè, tum præcisè, quām unquam fieri poterit, hoc modo leniter obtinebis, manente perpetuò in eâdem semper lineâ directionis Microscopio, nec unquam ab ipso objecto recedente.

Quā verò ratione singulæ partes Microscopio annexantur, ex præcedente Fig. S, ad Num. 6 & 7 satis clarè liquet, ex integro nimirūm illo Microscopio, ibidem adumbrato. Vides igitur, Microscopiis etiam hancce nostram cochleam directoriā haud parùm conferre; atque haud absurdum esse, aliis quoque rebus successu temporis eam applicari commodè posse; præsertim ad Specula Ustoria, & Machinam Helioscopicam pro observandis Maculis, atq; Eclipsibus Solaribus; quā verò ratione ad Specula, hoc loco, temporis redimendi gratiâ, prætereo; ad Machinam verò Helioscopicam, Cap. XVIII affatim dicetur. Sufficiat ergò hâc vice, illa tantummodò leviter delibasse, atq; Rerum Cœlestium Cultoribus, ut hanc nostram cochleam Directoriam sibi optimis modis commendatam habeant, ardorem injecisse, quò eam, ad his nostris longè adhuc majora, ac præstantiora obtainenda, magis magisque excolant.

Denique gratum Tibi quoque fore confido, mi Astrophile, si aliquantò adhuc clariùs hoc loco singularem illam Machinulam Directoriam Quadrantum nostrorum minorum, Cap. VIII pag. 145 satis clarè alias descriptam, adumbrém. Nam, cùm Inventum sit haud vulgare, atque ibidem, tum in Figurâ G adeò dilucidè delineari haud potuerit, volui nunc illud in præcedenti Iconismo S Num. 8 uti promisiimus, paullò distinctius, quā omnes partes, sub tuum ponere adspectum. Quam hujus Machinulæ Delinationem, si cum illâ satis fusâ explicatione Cap. VIII pag. 145, nec non eâ, Cap. subsequentे annexendâ contuleris, nullus dubito, quin mentem meam, totamque struturam, tum quomodo in peculiari annexo orbiculo per

Qq

diversas

Cochlea di-
rectoria ad-
huc alios plu-
rimos habet
egregios usus.

Directoria-
um Quadrâ-
tis Azimua-
thalis.

diversas rotulas dentatas, pariter in Quadrantibus nostris minoribus tam singula Prima, quam dena Secunda distin-ctissimè denotare valeat, affatim comprehendendas; sic ut plura hâc de re facere verba haud sit opus.

C A P U T XV.

De Instrumentorum Divisionibus.

Distinctionū cum primi in Astronomicis Instrumentis, summa habent da est ratio. **I**cet Organa Astronomica cum Regulis, Pinnacidiis, **L**omniq[ue] apparatu singulari artificio affabré ac perbel-lè sint constructa, tum quam exquisitissimè elaborata, pro-fectò, nisi simul etiam in suis partibus quam correctissimè sint distincta, corpora quasi sunt absque pectore, & res pla-nè sine usu, quæ ad Sidera adhiberi nullo modo possunt. Hincq[ue] omnino certissimum, Divisionis negotium ferè omnium, quod in Astronomicis Instrumentis condendis observari ac curari maximè debet, esse præcipuum, si quic-quam accurati & solidi cum laude in Siderum dimensio-nibus suscipere ac perficere satagas. Tota quidem Instru-mentorum Fabrica experto alicui Artifici committi uti-que potest; verùm Graduum, Minutorum & Secundorum Divisiones suasor sum, ut ipse Siderum Scrutator, qui Organa ad Cœlestia adhibere constituit, perficiat; cā ta-men expressà lege, si Rerum harum Mechanicarum optimè sit gnarus, sibiique, se ea omnia peragere debitè posse, con-fidat; secùs, crede, sicuti jam pleniùs Cap. II pag. 97 dedu-ximus, operam egregiè ludet, ac deperdet.

Auctor ipse manus suâ Organa distin-xit. **Q**quamobrem, quò omnia & universa Organa nostra etiam manu meâ in suas partes ritè distribuere potuerim, enixà operâ allaboravi; atque ita nemini prorsùs rem hanc adeò momentaneam, in quâ tota volvitur rei cardo, con-credi, ne ullo aliquo modo clâm & occultè deciperer, ac in errorem inducerer, ex quo postmodùm me adeò prom-ptè extricare haud valerem. Quâ ratione autem Instrumen-ta nostra minora, utpote ille Quadrans & Sextans, Cap. II & III exhibiti, per lineas transversales non tantùm in sin-gula Minuta, sed etiam cujusvis Minuti partem ferè quar-tam

Minora In-strumenta per lineas trans-versales so-lummodo in-tegra Minu-ta,

tam sint distincti, partim jam suo loco diximus, partim, cùm res sit Rerum Cœlestium Cultoribus probè cognita, nolo illi diutiùs immorari, nec in Schemate subsequenti T illam ipsam speciatim designare: quandoquidem ex Divisionibus majorum nostrorum Quadrantum & Sextantū, quas hic apponere placuit, luculenter intelligere est; qualem nempe viam ac proportionem, tam quā Gradus, quam Minuta elegerim, in omnibus etiam reliquis Instrumentis, sive illis minoribus æneis, sive illis majoribus ligneis, ad rationem Tychonicam constructis, observaverim.

At verò in illis amplioribus, ex solido aere confectis, utpote cum primis in Quadrante Horizontali volubili, Cap. X, Sextante magno Orichalcico, Cap. XI, & Octante illo maximo, Cap. XII exhibitis, planè diversis Divisionibus, sicuti passim jam tetigimus, usus sum; nimirūm, non solum per lineas transversales, sed simul etiam per rectas, quò non tantū singula Scrupula prima, eorumque partes quartas distinguere, sed etiam omnino præcisè quina Secunda dignoscere in limbo quiverim, negotium expedivi. Quā ratione verò id ipsum suscepsum sit, pariter jam suo loco commonstratum est, tum quoque, quod iste modus, in ipso scilicet limbo distinctiones notandi, omnium sit tutissimus, quisunque etiam illum omnium primò detexerit. Proinde iis, Cap. VIII pag. 276 prolati, hanc vice sufficiat, restatque nunc nihil amplius, quam quod in proximo Schemate, quā nimur ratione arcus iste, Regulæ affixus, tam in Quadrante nostro Horizontali volubili, quam Sextante confectus, nec non in particulis distributus fuerit, demus delineatum.

Primò, quilibet Gradus in limbo horum Instrumentorum in tres æquales partes, ut ex schemate 1. mox sequentis Delineationis T elucet, est distinctus, hoc est, in 20 Minuta; rursus pars quilibet Tertia in quatuor partes æquales; sic ut quilibet Gradus in duodecim particulas, atque lineas rectas parallelas tam à parte limbi inferiori, quam superiori sit divisus. Deinde inter has lineolas rectas, sive particulas duodecimas ferè quadratas Graduum, quina Minuta

*ta, eorumque
quartam par-
te dirimunt.*

*Organa An-
ctoris Majo-
ra quina et-
iam Secunda
distinctè ostē-
dunt.*

*Quā verò
viā, jam suo
loco common-
stratum est.*

*Arcus In-
strumentorum
quam ratione
sit distributus*

exhibentes, pro latitudine & ratione limbi quinque circuli æquidistantes ducti, atque lineis, sicuti vides, transversalibus subdivisi sunt. Quibus accurate ab omni parte expeditis, haud ægrè tam singula Minuta, quam horum particulas ad quartam, imò sextam penè partem satis præcisè discernere conceditur, beneficio videlicet Regulæ ad a, Divisiones commonstrantis, vel intersecantis.

*Quomodo
Auctor per
certum quod-
dam circuli
segmentū Re-
gula affixū,
etiam quina
Secunda abi-
nuerit.*

Verùm hâc solâ subdivisionum ratione nondum acquievi, sed certum quoddam circuli segmentum, quale ad b b b vides, ex lamine orichalcicâ fabrefieri curavi, illudque ad Regulam firmiter cochleis affixi; eum quidem in finem, ut suo modo itidem in certas particulas, ad discernenda non solùm singula Minuta, sed etiam quina Secunda, distingui posset. Id

*Ratio distri-
buendi explo-
ratorum.*

quod hâc methodo promptè & accuratè obtinui: nimirùm, spatiū partium $\frac{61}{12}$ unius Gradûs, sive quod eodem recidit, spatiū quinque integrorum Graduum, atque unius particulæ duodecimæ unius Gradûs ad oram segmenti modò dæti transtuli, illudque postmodùm primò in quinque æquales partes, dein quamlibet partem rursùs in duodecim, hoc est, totam intercapedinem $\frac{61}{12}$ arcûs divisionum in hoc segmento in 60 æquales particulas distinxì, prout ex priori & superiori Schemate elucet: hincque quælibet pars quinta integrum Minutum primum, intermediæ verò particulæ duodecimæ quina Secunda commonstrant.

*Quâ viâ
subdivisiones Secundo-
rum in limbo
cognoscuntur.*

Cognoscuntur autem hæ Divisiones ratione hujus Segmenti b b b, sive exploratoris in ipso Instrumentorum arcu; si nimirùm primum ex determinatione Regulæ ad a tam singulos Gradus, quam Minuta denotes; deinde pariter inter quas lineas transversales, primamne, an verò inter secundam, tertiam, quartam, an quintam illa ipsa Regula subsistat: Exempli gratiâ, si linea Regulæ visoria inter primum & secundum circulum incidat, vel terminet, certissimum est, adhærentia scrupula Secunda inter primum & secundum Minutum primum in segmento arcus, vel exploratoris descripta hærere, ibidemque quærenda esse, hoc est, nullibi, nisi in isto spatio lineola aliqua exploratoris cum alterâ aliquâ limbi convenire posse, quam ibidem, in istâ di-

*Si ratio sub-
divisionum re-
tinetur*

ctâ

Argum quæ fugerent alias, sic cernere nullæ
Ars opera Luscos ingeniosa docet.

Re molen.
Artis










Fig. T.

Etiam intercedine, inter primum & secundum Minutum, tum ubi istæ binæ concurrunt, ipsa Secunda esse denotanda. Cùm autem Regula in Schemate nostro modò designet 45° & 36 integra Minuta, atque binæ lineolæ non nisi ad numerum 20 concurrent, hinc angulus fit necessariò 45° $36'$ & $20''$. Nullibi enim, nisi hoc loco, ad numerum 20 inter primum & secundum Minutum exploratoris ulla aliqua lineola cum alterâ in limbo coincidit, nec nisi in uno aliquo loco coincidere potest, ut ex Delineatione est perspicuum, si videlicet universæ Distinctiones tam in ipso arcu, quam exploratore exquisitissimè sint distributæ; quemadmodū jam sæpius, in primis in Quadr. & Sext. monuimus, & Eruditiores optimè norunt. Adeò, ut hoc pacto non tantum singula integra Scrupula prima, sed & quina Scrupula secunda, tam in nostris Quadrantibus, quam Sextantibus Orichalcicis majoribus, Cap. X & XI exhibitis, exquisitissimè denotari, & distinctè animadverti possint. At verò in Octante nostro, cùm magnitudine suâ Organa modò dicta adhuc excedat, etiam dimidiā partem ex ipsis qui-nis Secundis, hoc est, duo & dimidium Scrupulum Secundum accurate & distinctè, prout mox pleniùs percipiendum erit, determinare promptum est. In subtiliores autem sub-distributiones hâc videlicet viâ ope exploratoris in arcu hu-jus Octantis distinguere haud valui; num verò alias quisquam dictâ scilicet eâ ratione negotium hocce ulterius pro-moverit, ut etiam singula Secunda præcisè, ac distinctè ad-modum (nam prope verum id utique posse, haud ignoro) cognoscatur, in quâvis limbi Instrumentorum parte nondum mihi sanè intelligere licuit; nec ab ullo aliquo id omnino præstitum, & ad effectum adhuc esse deductum, mihi per-suaderi possum.

Nihilo secius, ut ut hæ nostræ subdivisiones, meo quali quali judicio, abundè Observationibus satisfaciant, dum eas ad quina, imò bina Secunda dirimere liceat, atq; inde iis acquiescere utiq; possimus; attamen desiderio, rem paullò ulterius deducendi sum captus, eumq; in finem aliud novū planè adjutorium excogitavi, quod reverà artificium, nisi

me

Q q 3

*Et è est initia
non nisi unica
recta in explo-
ratore cum al-
terâ quâdam
in limbo In-
strumenti o-
mninò conver-
nire potest.*

*In nostris
Quadrantibus
& Sextanti-
bus majori-
bus quina Se-
cunda distin-
ctè admodum
discernuntur.*

*Octans ma-
jor ad bina Se-
cunda propè
accedit.*

*An quisquā
Instrumenta
hujus generis
ad subtiliores
distinctiones
deduxerit,
haud compre-
tū habet Au-
tor.*

*Auctor sine
gulare quod-
dā artificium
excogitavit,
ut quevis Or-
gana etiam
singula Secun-
da ad 15 ter-
ria usque di-
fin-*

me fallit opinio, haud est vulgare : quippe illius beneficio,
stinetè com-
monstrare va-
leant. quamvis in quibuscunque Instrumentis, sive sint tantum
 modò duorum, trium, quatuor vel sex pedum, rudiori tan-
 tùm Minervà illorum arcus, utpote in quina saltem Minuta
 integra, imò licet in semigradus tantùm sint distributi, no-
 bis tamen pariter singula Minuta prima, pariter singula Se-
 cunda, & quidem perquām distinctè dirimere, omnino èst
 integrum, quin- etiam particulas Minutorum Secundorum,
 in majoribus scilicet sex & octo pedum Instrumentis, in-
 terjecto, si opus foret, inter quamvis Minutorum Secundo-
 rum particulam spatiolo satis notabili, ita ut absque omni
 oculorum molestiâ, ac nullo ferè negotio rem adeò subti-
Dicità ratio
ne etiâ Instru-
mentulù uni-
us pedis qui-
na secunda o-
stendit. liter expedire valeas. Adhæc, dato etiam Instrumentulo
 aliquo per exiguo, unius scilicet pedis quâ radium, illud
 ipsum similiter ad quina Secunda deducere haud grave est ;
 de quibus non nemo forte mirabitur. Probè autem sci-
 endum, quòd istæ subtiliores subdivisiones non in ipsis In-
 strumentorum arcubus, more alioqui consueto, sed alio lo-
 co convenienti, sub arcubus plerunq; ubi tamen nemini
 est impedimento, notentur & dinumerentur. De quibus
 verò mox mox pleniùs agendum, tum majoris dilucidatio-
 nis gratiâ, graphicè simul sub diversis Schematismis Urani-
 carum Rerum Cultoribus hoc ipsum scilicet quale quale
 nostrum recèns Inventum sub adspectum erit ponendum :
 quandoquidem nondum hucusque occasio tulit, nec com-
 modè adhuc in superiorum Instrumentorum Descriptione,
 ob multifarias res alias explicandas, delineandasque, fieri
 potuit ; sed in antecessum de distinctionibus Majoris no-
 stri Octantis ordinariis agere, officio meo satisfaciens, o-
 peræ pretium esse duco. .

De distin-
ctionibus O-
ctantis majo-
ris ordinariis Egimus quidem jam pag. 259 de iis omnibus, verùm,
 cùm ulteriori ac planiori elucidatione adhuc, ad quævis re-
 stè intelligenda, opus esse sim persuasus, tum quia res planè
 est nova, atque eâdem hâc ratione à nemine unquam huc-
 usque, quantum sciam, tentata, haud nobis molestum fuit,
 in præcedenti Figurâ T specimen aliquod adumbrare, ac
 simul, quoque licuit, describere. Intellexisti autem ci-
 tato

tato loco, Benigne Lector, Octantes nullas possidere Regulas, sed bina solummodo Pinnacidia volubilia, quæ loco Regularum horsum prorsum commoventur. Cùm itaq; nulla in istis Organis adsit Regula, idcirco & nullum exploratorem pro Minutis primis & Secundis, ut quidem in Quadrantibus nostris & Sextantibus, annectere illis potuimus: cumprimis, quoniam arcus iste, ob nimiam radii Octantis hujus amplitudinem, si ad eandem superiorem rationem construi debuisset, nimis quam largus extitisset, ac exinde à Pinnacidiis, ut perpetuo illæsus cum suis Dioptris, sicuti suo loco jam partim delibavimus, conservaretur, sustineri haud potuisset.

Quam ob rem illas ipsas distinctiones, quæ alioquin in Quadratum & Sextantum exploratoribus solitus sum consignare, in basin Pinnacidiorum Octantis, lamellam scilicet illam, in qua Dioptræ collocatae & constitutæ sunt, transtuli. Quomodo verò hæ ipsæ Dioptræ fuerint constructæ, ex præcedenti Cap. XIV pag. 284 & sequentibus, ut pleniori descriptione haud opus hic habeamus, abunde patet; nisi quod adhuc semel Tibi ad memoriam revocem, bases sive lamellas Dioptrarum, quibus insistunt, secundum arcus ductum execatas & marginatas esse, & quidem eousque, quoad spatiū istud excisum pro commonstrandis Secundis sufficiat, ac etiam omnes ibidem linearum transversalium distinctiones commodè, cum suis quadratorum particulis, lineisque rectis ab utrâque limbi parte in oculos incurvant. Fundamentum quidem harum subdivisionum planè idem est cum illarum, in Quadrante & Sextante exhibitarum distinctionibus: nimirum, quod pariter in Octante $\frac{1}{2}$ unius Gradus, hoc est, quinque integrī Gradus, cum unā parte duodecimā, sint in sexaginta æquales particulæ divisi; hoc tantum discrimine, quod distinctiones hæ non continuò in unā eademque linea cohærent, sed quod dimidia harum sexagesimarum subdivisionum pars superiori laminarū execatarum, Dioptris substratarum, margini, atque rursus altera pars (30 scilicet particulæ) inferiori margini sit insculpta: unde arcus iste explorat-

*In Octanti-
bus nulla da-
tur Regula.*

*In Octante
explorator Se-
cundorum in
bases Dioptra-
rum transla-
tus est.*

*Distinctiones
hujus Octan-
tis eodem pla-
nè fundamen-
to nituntur,
quo Quadran-
tes & Sextan-
tes alioqui no-
stri gaudent.*

*Sed alio pla-
nè ordine sunt
adscriptæ.*

plorator ad dimidiam partem abbreviari potuit, pari tamen, imò ferè commodiori effectu cum illo longiori in Quadrantibus & Sextantibus exploratore.

*Melioris in
tellectus gra-
tiā ratio bac-
in Fig. T a-
liquantò di-
lucidius pro-
positur.*

Quò autem, Cordate Lector, hocce inventum (quod pariter in aliquo pretio sine dubio conservabis) eò pleniùs & distinctiùs cognoscas, licet Cap. XIV in Figurâ R sub minori aliquâ specie jam Tibi exhibuerim, hâc tamen occasione in superiori Delineatione T subdistinctiones illas adhuc aliquantò distinctiùs, dilucidiusq; proponere volui, licet reverà in ipso nostro Octante illæ ipsæ paullò adhuc

*Limbus O-
ctantis quo-
modo sit di-
finitus.*

ampliores existant. Limbus autem Octantis pari ferè ratione est distinctus, sicuti in superiori Figurâ T ad Num. 2. delineatum est, & quidem similiter planè quoad subdistinctiones Graduum, circulorum atque linearum transversalium, quas in Quadrante & Sextante ad Num. 1 inivimus, nimirùm quemlibet Gradum in tres primùm partes æquales, rursùs quamlibet partem tertiam in quatuor particulas, hoc est, quemlibet Gradum in duodecimas distribui, sic ut unaquævis pars doducima quina referat Secunda, lineolis rectis ac parallelis quibusvis tam à superiori, quam inferiori parte denotatis; spatium verò intermedium, ut in cæteris Organis nostris, circulis quinque æquidistantibus denotatum, lineisque transversalibus, prout ad Num. 2

*Quâ viâ
quina, imò bi-
na Secunda
etiam cogno-
scantur.*

elucet, est divisum. Præterea verò, quò mihi etiam quina, imò bina Secunda distinctè discernere liceat, laminas Pinnacidiis substratas eo loco, quo Divisiones limbi tegunt, ad spatium quatuor ferè Gradum in arcu secundùm longitudinem exsecavi, juxta latitudinem verò ad tantam amplitudinem, ut omnes lineas transversales, cum lineolis illis reætis, quina Minuta indicantibus, optimè conspicere valeas.

*Pinnacidia
necessæ sint ab
omni parte af-
fabrè cōstru-
cta.*

Sed omnino necesse est, ut bases Pinnacidiorum, nempe laminæ illæ, quibus Dioptræ insident, atque excisæ sunt, ad amussim exquisitè sint elaboratae, quò ab omni parte limbo, Divisionibus distincto, æquabilissimè ac arctè inhærent, ita tamen, ut nullibi cundem vel leviter rodant, vel radant, verùm per totum arcum lenissimè & levissimè horsum vorsum commoveantur, tam liberâ manu, solutâ scilicet cochleâ

leâ Directoriâ, quâm hâc adstrictâ, torsione dictæ cochleæ, Pinnacidiis annexæ, prout jam abundè passim monuimus.

Dividuntur itaque Pinnacidiorum margines tantummodo secundùm longitudinem limbi Octantis, ut modò dicebamus, nimirùm $\frac{1}{2}$ unius Gradus in sexaginta partes æquales, quarum triginta in superiorem, reliqua verò triginta in inferiorem marginem referuntur. Sed plurimùm rei interest, ut, quâ parte tam superioris, quâm inferioris marginis sit incipiendum, vel prima lineola designanda, haud ignores; nisi enim hoc ipsum debitè & justè incipias ab omni parte, in casum laborabis, ac nihil quicquam perfecti obtinebis. Summâ igitur attentione & diligentia subtilissimum hocce negotium, in quo non possumus esse nimis curiosi, suscipiendum est; si videlicet omnes & singulæ subdistinctiones, prout etiam omnino debent, nec non possunt, attestante nostro Octante, inter se invicem in quâvis arcus parte exquisitissimè convenire, atque simul in sex diversis arcus partibus Gradus, Minuta & Secunda penitus æquabiliter dirimere debeant.

Tutissimum autem remedium esse videtur, ut initiò Pinnacidium dividendum lineâ suâ visoriâ, per Octantis centrum & incedente, ad lineam aliquam, integrum Gradum designantē, deducatur, sic ut Pinnacidium præcipuo suo margine &, Divisiones aliâs dirimente, dictam lineam inter binos quosdam Gradus accuratissimè, & quidem in medio linea determinet. Spatium verò in basi Pinnacidii inter & & b æquat omnino in limbo divisionum integrum Gradum, quanquam id necessitas haud urget, sed potest ad lumen modò esse latius, modò arctius; eatenus, quando dicta linea præcipua visoria & integrum Dioptæ Gradum denotat, tunc necessariò simul etiam linea b adhærentem proximum integrum designat Gradum; secùs, si altera visoria & aliquantò minùs, vel plûs in Minutis & Secundis commonstret, totidem pariter altera b præcisè indigit. Simili ferè modo reliquæ duæ linea visoriæ c & d è regione sunt adornatæ & elaboratæ, ut æque ab omni parte in

Pinnacidio-
rū margines
in certas par-
ticulas divi-
duntur.

Sed summa
attentione hoc
ce opus susci-
piendum est,
si accuratio-
ra perficien-
da sunt.

Modus trâ-
ferendi divi-
siones in Pin-
nacida.

Quantitas
anguli non so-
lum ab una,
sed

Rr ipsis

*sed à diversis
limbi parti-
bus simul com-
monstratur.*

ipsis Minutis & Secundis semper coincidant; adeò, ut hæ quatuor diversæ lineæ Pinnacidii visoriæ in diversis quatuor limbi partibus nunquam non quantitatem anguli, sive Distantiam desideratam eandem in ipsis minutissimis particulis designare & dirimere necessum sit: dummodò, ut diximus, quævis subdivisiones tam in limbo, quam eæ, quæ circa lineas visorias *a b c & d* requiruntur, exactissimè sint denotatae.

*Subdivisio-
nes Pinnaci-
diorum ubi-
nam initium
ducant.*

*Quo ordine
distinctiones
in margini-
bus Dioptra-
rum denoten-
tur.*

*Subdivisio-
nes ubinam in
margine su-
periori termi-
nent.*

*Quæ ratio-
ne margo su-
periori Dio-
ptrarum divi-
datur,*

Quando igitur nunc Pinnacidium suà basi Gradum aliquem integrum, sive lineolam aliquam, quina Minuta prima designantem, dirimit, exempli gratiâ, prout in Schema te 2. superioris Iconismi T, 11° 40' præcisè, ita ut omnes lineæ visoriæ Pinnacidii *a b c d* totidem prorsùs commonestrent Minuta prima, constituto scilicet Pinnacido, sive linea ejus præcipuâ visoriâ ad dextram, oportet, ut à sinistrâ, è regione videlicet, à *c* decimo tertio Gradu incipiendo distinctiones illas suprà dictas sexagesimas illarum triginta in superiori margine Pinnacidium versùs exsecatæ laminæ *b a* inscribas; eo tamen modo, duodecim scilicet particulis descriptis, duc lineam ibidem longiorem, sicut ad Num. 1 factum est, ad cognoscendum Minutum in ordine primum; deinceps rursùs duodecim particulas constitue, & similem longiorem lineolam designa, tanquam Minutum integrum in ordine secundum; dein his nunc 24 particulis adjunge adhuc sex particulas, in hoc nimirùm margine superiori, sicque ibidem duo integra Scrupula & dimidium, cum interjectis quibusvis quinis Secundis habebis. At verò ubi ultima lineola in margine Pinnacidii superiori terminat, erit planè in septimo quadrato, & quidem præcisè in ejus medio arcùs divisi Octantis, ab undecimo Gradu scilicet incipiendo, hoc est, in trigesimo secundo Minuto primo, & trigesimo Secundo; quibus denotatis, superiorem marginem laminæ excisæ, quæ loco exploratoris servit, rectè confectum & distinctum habes. Dehinc accede ad marginem inferiorem dividendum, ac similiter prope *c*, è regione Dioptræ *b a* incipe; sed neutiquam, ut initiò ad integrum Gradum decimum tertium ratione arcùs distributi, verùm aliquan-

aliquantò longius, sinistram versùs, ad semissem unius particulæ sexagesimæ, hoc est accuratè loquendo, ad decimum quartum Gradum, & $58\frac{1}{2}$ Minutum nempe in ipso illius particulæ quadratæ medio; sed, quod benè notes, designa rem hanc quām exactissimè, atque tum pariter particulas illas sexagesimas dextram versùs continuando transfer, sed constitutis sex prioribus, duc denuò lineam longiorem, ad distinguendum Minutum scilicet subsequens tertium; deinde descriptis vicissim duodecim, notetur lineâ longiori Minutum quartum, & sic deinceps, donec in hoc quoque inferiori margine triginta particulas sexagesimas, hoc est, $2\frac{1}{2}$ Minuta prima, cum interjectis suis quinis Scrupulis Secundis, denotaveris; ubi verò notandum habes, ultimam in hoc inferiori margine particulam, si omnia ritè & diligenter peregeris, in undecimo Gradu & trigesimo Minuto arcus exactissimè terminare; ita ut hæ sexaginta particulæ in superiori & inferiori Pinnacidi marginè, vel ejus substratæ laminæ necessariò in arcu Octantis $\frac{61}{12}$ particulas comprehendant. Adhæc non solum, si debitè peracta sunt singula, in uno aliquo, ubi rationem distinctionū harum principiò iniisti, arcus loco, sed ubique locorum, ubicunq; Pin nacidium constituas, vel quocunque illuc deducas; adeò ut quando lineæ illæ quatuor visoriæ integra Minuta conjunctim designant, oportet, ut etiam intermediæ Divisiones laminæ exsecatæ integra totidem Minuta denotent; quòd si verò lineæ visoriæ *a b c d* inter lineas circulares, atque transversales consistant, hoc est, eo in loco, ubi quoque Secunda Scrupulis primis adhærent, exempli gratiâ, si linea visoria præcipua *a* constituta est in $9^{\circ} 21'$, & adhuc aliquantò promotiùs, secundam versùs à parte limbi superioris lineam circularem, hoc est, intersectio si incidit inter primum & secundum linearum transversalium circulum, tunc necesse omninò etiam est, ut intermediæ exploratoris subdivisiones totidem Minuta, tantumq; insuper spatiolum, id est, totidem quoq; Secunda ratione subdivisionum com monstrent, & quidem in specie ibidem reverà terminent, ubi lineola aliqua recta intermediarum divisionum Pinna-

Subdivisiones ubinam in
marginè inferiò definat.

Ex quibus
patent, debitè
& accuratè
peracta esse
omnia.

Quomodo
distinguishuntur
Minuta &
Secunda.

cidii cum unâ aliquâ itidem rectâ duodecimarum partium unius Gradus, quina Secunda dirimente in arcu Octantis subjacente, planè in unam eandemque rectam coincidunt, (sive id in superiori, sive inferiori margine subdistinctio-
Ubitempi-
nus mensura
desiderata di-
stantia.
num in exploratore contingat, perinde est) ibidem, inquam, genuinus mensuræ desideratæ Distantiæ est terminus: exempli gratiâ, sicut in superiori nostro Schemate ad Num. 2 octava pars duodecima completa in Scrupulo primo priori subsequens Minutum primum, in ordine alterum, cum quartâ parte duodecimâ, ab undecimo Gradu initiando, cum hocce vigesimo Minuto omnino in eandem rectam concurrunt; idcirco ipsa determinata Distantia comprehendit $9^{\circ} 21' 40''$, atque eandem ipsam Distantiam etiam ipsæ nudæ quatuor lineæ visoriæ $a b c d$, sed non adeò præcisè, nec distinctè, nimirùm $9^{\circ} 21' 8 \frac{2}{3}$; unius Minuti primi detegunt.

Notanda. Ubi insuper animadvertis velim, quod, quando ut in hocce superiori nostro Schemate, visoria principalis & inter primum & secundum incidit circulum, tunc non nisi Scrupula secunda inter primum & secundum Minutum Primum in exploratore quærenda habeas; rursus, si verò illa visoria inter secundum & tertium circulum in linea aliquâ transversali consistit, tunc Secunda inter secundum & tertium Scrupulum Primum sunt investiganda, & sic ulterius: id quod, Benebole Lector, clariùs & promptiùs ex ipsâ praxi, quam ex ullâ aliquâ descriptione addiscet. Adhæc iterum iterumque, dum his immoramur, ad memoriam Tibi revoco, quod nobile hocce Inventum præclarissimum sit adminiculum, usq; ad quina, imò bina Secunda (si lineolæ binæ, exploratoris scilicet & arcus Instrumenti, non planè coincidunt, sed medio loco consistunt) exquisitissimè, & admodum distinctè dirimenda & cognoscenda; èa tamen conditione, ut sæpiùs inculcavimus, si Instrumentum ipsum affabré & curiosè constructum, divisum, Pinnacidia itidem rectè & diligentissimè sint fabrefacta, & subdistincta; secùs profectò oleum & operam perdes, & nunquam æquabiliter ubiq; angulus in ipsis Scrupulis Secundis com-
Si rationem
divisionum
rectè inieris
mire exquisi-
tè Observa-
tiones expe-
dies.
monstra-

monstrabitur; quod si verò in quibusvis summam earum rerum habueris rationem, prout nobis, Deo favente, feliciter in hoc Octante obtigit, poteris etiam eundem sperare fructum, ut in omni arcus loco rem pari præcisione in ipsis minutissimis particulis determinare valeas, & quidem accuratiùs, quām unquam sperasses. Quibus hāc vice acquisces; sat enim harum rerum ex parte Perito dictum esse puto: si qui Scrupulus verò adhuc fortè alicui hæreat, is haud gravatim, prout & mihi initio incubuit, rem aliquanto altius perpendat, atque tum, sine dubio, pariter rem totam penitus hauriet & explorabit.

Ultimò nunc posteriorem illam rationem persequamur, quā nempe non solum ad cognitionem quinorum, sed etiam singulorum Secundorum, imò horum partium, ad Scrupula videlicet Tertia, si opus est, progredi licet, & quidem adeò accuratam, & omnimodè exquisitam, ut vix quicquam amplius eā in parte desiderare quisquam possit: de quo recens à nobis primū detecto artificio passim quidem jam leviter monuimus, sed pleniorē illius rei Descriptionem & Delineationem hucusque rejecimus. Cap. X pag. 195 de cochleis nostris directoriis, Regulis annexis, quibus commoventur & diriguntur, effari haud sum veritus; illarum videlicet inventionem aliarum omnium, quarum beneficio Scientia nostra Siderea haud parva obtinuit hactenus incrementa, neutquam esse postremam. Passim etiam alibi eum in sensum loquuti sumus, tam de modò dictis cochleis Directricibus, quām de longiori, globulis versatilibus armatā, atque Instrumentulo illo Quadrantis Azimuth. Directorio; præprimis Cap. X pag. 218: nimirūm, me non dubitare, quin Germani Siderum Cultores, quibus Coelum aliquantò penitus introspicere, major anxiorque cura est, mihi aliquando insignes pro universis istis cochleis, Organis Astronomicis felicissimo successu (Deo sit gloria) à me adhibitis, persolverint gratias, : non minus nos sperare diximus, præmemoratas cochleas temporis progressu, ut ut cuiquam Momo videantur levioris alicujus compaginis, Siderum Metatoribus ansam, occasionemque

*De novo artificio singula
Secunda imo
ferè Tertia co-
gnoscendi.*

*Beneficio
cochlearum
Directricum
Auctor ab ini-
nito fuit per-
suasus, posse
aliquando ad-
buc longè ma-
jora adinve-
nit,*

præbituras, ad majora, sublimioraque adhuc præstanta & adinvenienda: quemadmodum & mihi, ad nonnulla sanè alia, hucusque nondum detecta, successivè suppeditaverunt.

*Auctor spe
suā hand fru-
stratus est.*

Non est autem, quod existimes, mi Lector, frivolas, nudasque has esse cogitationes, atque mera cerebri mei figmenta; en ecce re ipsa, istud cochlearum Directoriarum negotium se se omnino ita habere, modò experieris; eumque in finem nunc paullò dilucidius, quoad licebit, Tibi illud exponam, quomodo ope harum cochlearum directricium, tam Regulis Quadrantum, Sextantum & Octantum affixarum, quam longioris illius, globulis munitæ, nec non Machinamenti illius Directorii Quadrantis Azimuthalis,

*Nam ope
cochlearū di-
rectriciū In-
strumentorū
subdistinc-
tiones ad singu-
la Secunda,
imò ad horū
partes discer-
nendas dedu-
xit.*

quibus Organa subtilissimè, levissimeque alioqui gubernantur, novâ pariter & singulari planè ratione, quæ cuipiam ne per somnium quidem adhuc in mentem venit, nem dum jam ab alio quodam Organis Astronomicis eatenus est adhibita, per hasce videlicet cochleas nostras directorias universas simul Scrupula Instrumentorum prima, simul singula Secunda, horumq; partes discernere liceat, & quidem sub limbo, in peculiari orbiculo, multò exactius & distinctius, quam in arcubus ipsis unquam fieri potest, quo rumeunq; etiam Instrumentorum, sive Majorum, sive Minorum, arcusque eorum, ut ut rudiori modo tantum in integratos, sive semigradus summum sint distincti; nihilo tamen minus distinctissimè patent Minutorum atque singularium Secundorum distinctiones: sed, ut modò diximus, ad miniculco cochlearum Directoriarum. Quibus peculiare

*Cochleis di-
stis peculiare
adjutorium,
singulari ro-
tularum arti-
ficio constru-
ctum, annexeti-
tar.*

adjutorium annexitur, quod tam universis Quadrantibus, Sextantibus & Octantibus, certo tamen suo modo inservit, quodque convenientissimo quoque Instrumentorum loco ita applicari potest, ut nec Observatori, nec ipsis Organis ullo impedimento esse possit, absque omni etiam molestiâ rursùs iis adimi promptum sit.

*Totum istud
inventum di-
lucidè propo-
nitur ac gra-
phicè in Fig.
T delineatur.*

Ad rem autem ipsam ut deveniamus, non tantum hoc loco totum negotium singulatim describere constitui, sed etiam in superiori Iconismo T graphicè & accuratè adumbrare, Cultoribusque Uraniæ dilucidè sub adspectum ponere.

nere. Quandoquidem absque omni Delineatione nec mihi rem plenè detegere, nec Tibi Benevolo Lectori, licet sis, crede, alioquin in Studio Astronomico abundè exercitatus, sufficienter eam percipere esset integrum. Initò verò haud opus esse duco, prolixius de ipsâ cochlearum Directricium, sub Regulis latentium, structurâ verba facere; quâ ratione videlicet in Quadrante, Cap. X, ex Sextante Cap. XI, ut ab his initium ducam, ope alicujus canaliculæ ad transversarium limbi Organorum sint affigendæ & dirigendæ: siquidem suo loco abundè satis de iis omnibus jam disserimus, quò Lectorem remitto, ut ea in antecesum sibi probè imaginetur, habeatque singula affatim explorata; secùs profectò, vix ab ullo aliquo intelligentur proferenda, atque omnis labor penè irritus erit. Ideoque subsequens negotium, ac si superiora, ut meritò etiam debent, Tibi ad unguem sint cognita, tractabimus.

Aliquoties in Descriptione superiorum Instrumentorum, Quadrantis scilicet illius majoris, Sextantis & Octantis jam monuimus, nos haud potuisse illorum subdivisiones ultra quina, & bina summùm extendere Secunda: quibus licet acquiescere utique possimus, cùm à nemine adhuc minutiora, quod sciam, fuerint peracta; nihil tamen seculis, elapsis quibusdam annis cupiditate exarsi, quò istas Instrumentorū subdistinctiones minimùm ad singula insuper Scrupula secunda redigerem. Persuadebis autem fortè, hoc ipsum non minùs beneficio alicujus exploratoris, ad arcum applicati, perfici potuisse; verùm in ejus generis Organis radio sex, octo, novemve pedum id neutiquam conceditur: ob arctiores nimirùm Distinctiones, quæ se se mutuò confundunt, ut nihil quicquam accurati, quoad singula Secunda, inquam, innotescat. Idcircò his relictis, rem planè aliâ viâ, & quidem beneficio cochleæ, uti tetigimus, Regulæ directricis aggressus sum. Nam quia dicta cochlea omnimodè Regulam suâ circumductione regit, & ad quemvis lenissimum ductum, mollissimumq; tactum nunc sic, nunc aliter subdistinctiones in Instrumentorum arcu discernit; utique etiam in illius cochleæ potestate est, per se, non atten-

Cùm Au-
tor singula
Secunda ope
exploratoris
alicujus in lim-
bo Instrumē-
torū diagnosce
re haud potu-
erit, aliâ viâ
planè rem ag-
gressus est.

Cochlea, qua
Regulam re-
git, distinc-
tiones quoque
commonstrat.

to Instrumentorum arcu, Divisiones subtiliores commonestrare. Hincque mihi imaginatus sum, si cochleis illis Directoriis peculiarem Orbiculum cum diversis suis Indicibus annexeterem, fieri aliter haud posse, quām ut ēa ratione, singulari tamen viā, non solum Scrupula prima, sed & singula Secunda, imò ad Tertia usque, si opus foret, distinctè & exquisitissimè denotarentur, & quidem multò dilucidius, subtiliusque, quām ope alicujus arcus exploratoris, Regulæ in ipso Instrumentorum limbo applicati. Quæ opinio sanè me etiam haud fefellit : siquidem Opus, ut mente primū conceperam, sic non minùs egregiè, & ex voto posteà successit.

Indices in orbiculo sunt ve-
locissimi, ut ter discum ob-
striatorum axiculorum feruntur, ut licet ipsa cochlea per se
volitent, pri-
usquam coch-
lea semel in
gyrus agitur. Indices etenim in dicto Orbiculo tantā concitatione, ope quarundam crenatarum rotularum, atque aliquantò procedat (id quod tamen directionis negotio valdè commodū est) atque unā revolutione ferè tria integra Minuta prima in Divisionum arcu conficiat ac denotet ; nihilominus tamen Indices Orbiculorum sunt velocissimi, ut unā cochleæ gyratione totum Orbiculum ter obvolitent, atque unā circumactione vix unicum peragant Scrupulum primum : exinde tota penè Orbiculi peripheria patet pro distinguendis Minutis Secundis, eorumque partibus, satis profectò per se evidentibus, atque inter se invicem remotis. Arreptā igitur cochleā, etiamsi haud ullā ratione Regulam promoveri animadvertis, protinus tamen velocissimè, & cogitatū citius Indices in Orbiculo procedunt, & ad quartam unius Scrupuli secundi partem, hoc est, quindecim Tertia Distinctiones dilucidissimè dirimunt.

Machinula autem ipsa in quibusvis Organis non omnino simili rotularum artificio est constructa, nec fieri potudis subtilioribus subdivisio- it; sed pro cuiusvis Instrumenti commoditate, ne vel Ob-
nib. non s̄p̄r servationibus obstaret, neque iisdem esset impedimen-
codem rotula-
rum artificio to, alià atque alià ratione concinnata, adornata ac coch-
cōstruitur, sed leæ Directrici ibidem, ubi nimirūm in omnium versatur
pro commodi- tate cuiusvis *Instrumenti* oculis, est annexa, & ad subjectum arcui transversarium ca-
alio atq; alio naliculâ cochleæ Directricis affigi absque omni molestiâ gaudet.
gandet. Machinula autem ipsa in quibusvis Organis non omnino simili rotularum artificio est constructa, nec fieri potudis subtilioribus subdivisio- it; sed pro cuiusvis Instrumenti commoditate, ne vel Ob-
nib. non s̄p̄r servationibus obstaret, neque iisdem esset impedimen-
codem rotula-
rum artificio to, alià atque alià ratione concinnata, adornata ac coch-
cōstruitur, sed leæ Directrici ibidem, ubi nimirūm in omnium versatur
pro commodi- tate cuiusvis *Instrumenti* oculis, est annexa, & ad subjectum arcui transversarium ca-
alio atq; alio naliculâ cochleæ Directricis affigi absque omni molestiâ gaudet.
gandet. Quapropter, Benevole Lector,
hocce

hocce Machinamentum directorium, pro commonstrandis cujusvis nostri Instrumenti Minutis Primis & Secundis, sub peculiari designatione in superiori Iconismo T. tam integrum, quām in partibus suis dissolutum Tibi sub oculos posuimus, illudque in progressu etiam succinctē & clare dilucidabimus; quō nemo non, cui aliqua harum rerum altior cura tangit, penitiū singula penetret, eoque faciliūs, promptiusque simile adjutorium Organis suis convenientissimum applicare, si velit, nonnequeat.

Primò autem Machinulam illam, quæ nostro Quadranti magno Horizontali Orichalcico Cap. X inservit, exhibamus; quali videlicet rotularum, succularum, cheloniarum, atque axiculorum artificio sit constructa, quomodo Instrumento annexatur, quā ratione Distinctiones in Orbiculo sint designatæ, quot & quibus Indicibus discernantur, & quām mirificus hujus adjutorii in quibusvis Observationibus pateat usus.

Primò in præcedenti Icone T, partem inferiorem versus ad Num. i Tibi, amice Lector, recens hocce Minutorum & Secundorum Directorium, quām ut valui, à parte interiori distinctissimè sub adspectum posui: ex quibus nimirūm partibus, rotulis, axiculis, cochleisque constet, atq; sit compositum; ita ut leviori admodum momento Orbiculi Indices regi ac circumagi possint. Præcipua autem cochlea directrix *a b*, de quā totum dependet negotium, sicuti ex dicto Schemate patet, per anterides chalybeas *b c*, laminæ cuidam crassiori *f* infixas, incedit; quod pedamentum deinceps cum dictâ cochleâ, suāque Machinulâ, Quadranti annexendâ, fortissimis cochleis constringentibus sub Regulâ affigitur. Præterea ad illam cochleam directriam *a b*, cùm antehac ea solùm ad directionem Regulæ adhibebatur, in quem etiam finem tum temporis unicè adorata erat, non nisi incurvatum brachium *l*, & huic rursùs canalicula quadrata, uno scilicet latere aperta, sive securicula *k* erant adaptata; quō canaliculâ dictâ ad limbum Quadr. adstrictâ, commotione cochleæ directoriæ simul

*Directorium
Minutorum &
Secundorum
pro Quadrante
Horizontali.*

*Directorium
Divisionum
pro Quadrante
Horizontali
detergitur,
& fusè descri-
bitur.*

*Cochlea di-
rectoria pri-
mum pro Di-
rectione Regu-
la solùm con-
dita erat.*

ipsa Regula ex nutu & voto exactissimè, & promptissimè ad quamvis Altitudinem regi & dirigi posset.

*Peculiaris
Machinula
cochlea direc-
trici annexa
scilicet Minutis & Secundis, eorumque particulis, in pecu-
liari Orbiculo indice commonstrandis destinetur; idcirco
Prima & Se-
cunda discer-
nenda.*

*Tota Directio
rū Divisionū
Structura.*

*Rotula &
axiculi quo-
dentibus &
striis constent.*

Jam verò, cùm modò dicta cochlea directrix altiori simul negotio, pariter subtilioribus distinctionibus, singulis scilicet Minutis & Secundis, eorumque particulis, in peculiari Orbiculo indice commonstrandis destinetur; idcirco cochleæ directricis extremitatem *b* non tantum per foramen brachii incurvati trajeci, sed non minùs isti extremitati cochleæ rotulam coronatam *m*, ut videre est in dicto Schemate Num. 1, adaptavi, atque pericochleâ adstrictoriâ firmissimè conjunxi. Deinde certam quandam lamellam combinantem *e* ad brachium illud incurvatum *l*, & canaliculam diversis quibusdam cochleis adstrictoriis adstrinxī, dictamque lamellam ita incurvavi, ut ipse Quadrans, atque locus, ubi Orbiculus index *i* constitui debebat, eam ipsam incurvationem omnino requirebat: quemadmodum ad Num. 5 ipsa lamella combinans, unà cum annexâ canaliculâ *k*, sub peculiari designatione est perspicienda. Ad hanc porrò lamellam *e* Orbiculum indicem *i* pariter firmè cochleis affixi, nec non cheloniam *d*, quæ adeò, prout centrum Orbiculi indicis *i* id efflagitabat, obliquata est; quò succula, sive vectis *n* Indicis ad Num. 7 seorsim delineata, orthogonaliter per dictum Orbiculum transiret. Dictæ autem succulæ bini axiculi striati, alter major *n*, alter minor *o*, inditi sunt; major quidem eo fine, quò rota coronata *m* dentibus suis 45 axiculum majorem 15 striis arripere, atque ita succulam dictam, unà cum minori annexo axiculo striato *o*, commovere ac convertere nonnequeat. Rursus ad rostrum hujus succulæ, propè axiculum minorem *o*, rotulam indicem 60 dentibus, unà cum ipso Orbiculo indice *i*, ejusque duobus Indicibus, sive lingulis *u* *x* & *vv*, de quibus autem deinceps pleniùs, adaptavi.

*Quâ ratione
rotula corona
ta binos diver-
sus simul re-
gat Indices.*

Adeò ut rota hæc coronata *m*, ope majoris axiculi striati *n*, longiorem Lingulam & velociorem *u* *x* regat; pariter, beneficio minoris axiculi striati *o*, alteram illam rotulam subditivam *q*, crenis itidem 60 elaboratam. Rotula verò index *p*, licet succula sive fusaria *n* *o* non minùs per ipsum

ipsum centrum hujus rotulæ transeat; nihilominus tamen dicta succula neutquam illam rotulam indicem *p* simul commovet. Ratio hæc est, quod ad centrum istius rotulæ indicis *p* peculiaris fistula *s*, prout ad Num. 8 elucet, sit conferruminata; per quam fistulam sæpius dicta succula, neutquam movente, vel simul compellente rotulâ indice *p*, liberè incedit ac commovetur. Eum in finem, ut inferior Lingula segnior *vv*, huic fistulæ *s* adaptata, singulari suo motu ope rotulæ coronatæ *m* gaudeat. Nam commotio rotulæ indicis *p* à rotulâ subditivâ *q* unicè dependet, quæ eandem etiam magnitudinem, ac parem numerum dentium cum alterâ rotulâ *p* exhibet; sed peculiari centro & succulâ, cum alio diverso axiculo striato subditivo *y*, itidem sex crenis, sicut ad Num. 8 clarè elucet, fruitur. Et ut hæc brevior succula, cum suo axiculo striato subditivo *y*, commodè in peculiari suo centro ferri possit, peculiaris insuper lamella transversaria *r* loco cheloniæ ibidem, ut vides, annexa est, in cuius medio minutissimum foramen, pro axiculo nimirùm striato subditivo *y*, rotam subditivam gerente & dirigente, inditum est. Quò rotula hæc subditiva *q*, unà cum suo axiculo striato *y*, secundum axiculum minorrem indicem *o*; & rursùs rotula index *p* ope axiculi subditivi *y* simul suâ fistulâ *s*, quæ firmissimè in centro Orbiculi indicis *i* incedit, & cui Lingula illa inferior & tardior *vv* est adaptata, sic commoveri queat.

Atque ita habes totam hujus Machinamenti sive Directorii nostri, pro Minutis, singulisque Secundis commonstrandis, structuram. At verò, quâ ratione ipse Orbiculus index *i* in suis partibus sit distributus, mox mox detegetur ac exhibebitur. Non dubito, quin omnes Mechanices Arte vel leviter tantùm imbuti facilè nunc capiant ac intelligent, quo pacto hæc Machinula ad usum transferri, ac Instrumentis maximo Astronomiæ commodo applicari nonnequeat. Fulcimento enim, sive Pedamento *f*, (cui aliás binæ illæ anterides *b* & *c* inhærent) Regulæ Quadrantis diversis cochleis suis adstrictoriis affixo, atque Regulâ ad desideratam Altitudinem alicujus Stellæ propè verum

Quomodo ro-
tula index à
rotulâ subdi-
tivâ depen-
dat.

Usus hujus
Machinula
directoria.

nudâ manu directâ, nihil supereft amplius, quâm ut canaliculam *k*, ad cochleam directoriam *b* beneficio incurvati brachii *l* annexam (brachium enim ad rostrum dictæ cochleæ, unâ cum totâ Machinulâ, volubile est) ad transversarium arrectum, limbo Quadrantis subjacens, applices, suâ-

Hoc nostro invento non solùm Regula exquisitè dirigiatur, sed etiam subtilior res distinctiones exactissimè & ex voto Regulam, veluti jam sæpius monimus, regere & dirigere; sed quoque adminiculo rotularum, succularum, axiculorum & Lingularum artificii hujus quascunque subtilissimas subdivisiones in Minutis & Secundis, quin-etiam eorum quibusdam particulis distinctioniè dignoscere queas.

Unde distinctiones originem ducant. Sed scire primùm, priùsqâ pergamus, attinet, quodò Distinctiones describantur ac discernantur. Funda-

mentum autem totius hujus inventionis in solâ illâ dictâ cochleâ nostrâ directoriâ *a b*, ut passim jam tetigimus, consistit. Nam, prout illa horsum versus agitur, ac circum-

movetur, pari modo simul annexa rota coronata *m* impellitur, & per consequens, reliquæ rotulæ universæ cum binis

Rotule & Indices nō pari feruntur velocitate. illis Lingulis feruntur; verum non omnes æqualiter, ac pari cum cochleâ directoriâ *a b* velocitate, aut tarditate: quia, ut ut levissimo studio id fieri potuisse, haud tamen consultum fuisse. Quandoquidē isti minutissimas subdivisiones discernendi negotio, quod unicè modò intendo, multò magis prodest, si Lingulæ, divisiones designantes, haud parùm ipsâ cochleâ directoriâ *a b* sint velociores. Nam, quantò

Quantiò lingula sunt cochleâ directoriâ rapidiores, tātio distinctiones evadunt evidentes. Indices dictâ modò cochleâ sunt celeriores, tantò Distinctiones subtiliores sub spatiis amplioribus fiunt evidentes. In meâ autem potestate, atque arbitrio motus eorum,

& ratio velocitatis extitit. Hincque in nostro Quadrante, quemadmodum in omnibus reliquis ferè Instrumentis, ad singula Minuta Prima, Secunda, imò horum quartam partem commonstrandam abundè sufficere arbitratus sum, si

Ratio velocitatis Indicis ad cochleam directoriū. Directoriū hocce nostrum cù ratione construerem, ut præcipua & velocior Lingula uero totam Orbiculi peripheriam

riam pertransiret & absolveret, dum scilicet cochlea directrix semel tantum præcisè se se obverteret; hoc est, unâ cochleæ revolutione Index u treo orbitæ periodos perageret. Eo pacto dictus Index satis velociter pro distinguendis Secundorum particulis procederet, licet cochleæ motus satis lente, ut vix deprehendi posset, progrederetur.

Quò verò hoc ipsum producerem, atque ad effectum deducerem, rotam coronatam conspicuâ magnitudine, ac 45 dentibus fieri feci, eamque cochleæ directoriæ adaptavi; & quia axiculus striatus n crenis 15 tantummodo constat, necessariò succula n o ter obvolvitur, priusquam cochlea directoria a b, unâ cum rotâ coronatâ m, semel circumvertitur. Quandoquidem dictus axiculus tertiam tantum dentium partem respectu rotæ coronatæ possidet. Etenim, quanto rotula coronata plures dentes, atque axiculus striatus n pauciores striae exhibet, tanto Index u citius, rapidiusque commovetur, tum divisionum particulæ evadunt ampliores & evidentes. Exempli gratiâ: si rotula coronata ex 48 dentibus, atq; axiculus major n ex 12 tantum striis constaret, Index u Orbiculum i quater obvolutaret, siue quatuor absolveret revolutionum periodos, priusquam cochlea directoria a b semel circumduceretur; rursus, si dicta rotula m 60 dentes, atque axiculus crenatus tantummodo 6 crenas exhiberet, Lingula illa u x decies, quam ipsa cochlea directoria velocior existeret; hoc est, unâ dictæ cochleæ revolutione totum orbem decies absolveret. Quæ quanta hæc esset velocitas, facile datur intelligere: profectò, si hanc dentium & striarum proportionem inire nobis placeret, atque operi conduceret, nobis non solùm Secunda, sed etiam singula Tertia ex illo Orbiculo indice perspicè dignoscere esset integrum. Verùm nostrum Observationis negotium tantâ subtilitate haud indiget; sufficit, nos distinctè admodum, proportione illâ rotulæ scilicet coronatæ ad axiculum majorem n, ut 3 ad 1 attentâ, ad ipsa Scrupula Secunda devenire posse. Is, qui eosq; Observations universas accuratè expedit, officio suo sanè abundare.

*Rotula co-
ronata quo
dētibus, & a-
xiculus pri-
marius quo
strii constet.*

*Rotula coro-
nata quan: o
plures dentes;
rursus axicu-
lus quā o pau-
ciores striae
possidet, tanto
Index est ve-
locior.*

*Quā raios.
ne Lingule
concitatores
reddantur.*

*Haud gra-
ve nobis est,
hocce nostro
Directorio et
iam singula
Tertia deter-
minare.*

*Qui ad Se-
cunda Obser-
vationes dedu-
cit, utique se
Virum pre-
stata.*

dè fungitur, ut nihil quicquam amplius ab ipso exspectari debeat: quemadmodum mecum omnes penitiorum Rerum Cœlestium Indagatores ultrò fatebuntur.

*Auctor Indi-
ces velociores
habere hanc
voluit.*

Idcircò etiam ex composito Indices in Directoriis his nostris velociores, cùm operi pro singulis Secundis, uti modò dicebamus, in Orbiculo nostro i, commonstrandis, ut mox mox intelliges, affatim sufficient, cōstruere nolui. Orbiculum autem i ad Num. 2 tantà amplitudine studiò ibidē exhibere volui, quantà res ipsa in nostro Quadrantis Directorio existit; quò subdistinctiones Orbiculi sub æqualibus omninò interstitiis cuilibet ob oculos ponere valerem. Divisiones verò ipsas quod attinet, eas quidem varià viā distinguere potuisse: nimirùm primò, ut longior Index u singula Secunda, inferior tardior vv integra Minuta prima, tertius verò integros Gradus discerneret; ita ut quando superior Index semel Orbiculum absolveret, 60 Secunda referret, alter verò vv unum Minutum primum tantùm indicaret, & quando hic totum circulum, nempe 60 Minuta absolvisset, tertius Index primum Gradum in ordine commonstraret. Quæ dividendi ratio ut admodum plana est & perspicua; sic profectò nemini non, sine dubio, valdè Observationibus congrua videbitur: verùm ego, rem eò modo ut perficerem, haud consultum esse duxi. Nam hoc ipsum non solùm aliud planè rotularum & axiculorum artificium majoris laboris sibi exposceret; sed etiam Directoriū ad quævis Instrumenta eò deducere, ut omnibus numeris rem postmodùm exquisitissimè dirimeret, negotium, crede, esset multæ & immensæ operæ: addo, si initio circa motū inquisitionem (ut paullò post clariùs percipies) vel leviusculum committeres errorem, facile in quibusvis Observationibus à vero haud parùm discederes.

*Ratio divi-
dendi Orbicu-
lū in Gradus,
Minuta &
Secunda, Au-
tori hanc vi-
sa est conve-
niens operi.*

Auctoris me-
thodus distin-
guendi Orbi-
culum valdè
facilis & a-
pæst Obser-
vationibns.

Quamobrem singularem rationem, itidem planissimam & evidentissimam, sum commentus, quà tota circuli peripheria, tam pro superiori & velociori Indice u, quàm segniori vv nonnisi in 100 æquales particulas dividitur; quibus distinctionibus, licet valdè planis ac generalibus, totum tamen subdivisionis negotium multò exquisitiùs, multòque tutiùs

tutius absque omni aberrationis periculo expediri datur, quām si statim Orbiculum in Gradus, Minuta & Secunda distribuissem ; & quod maximum, si Directorium in centenis saltem particulis sic est distinctum, non tantum uni soli Instrumento, sed plurimis simul, licet diversæ sint magnitudinis (de quo sine dubio miraberis) æque accurate ac felicitate idem applicari potest ; at verò, si alterà illà ratione, per Gradus scilicet, Minuta & Secunda Divisiones ineas, ad quodvis Instrumentum peculiare construere Directorium opus habes. Sed melioris intellectus gratiâ ipsum Orbiculum indicem i eatenus, ut dixi, in centenis partibus distributum, pro duobus præcipuis Lingulis u & vv , Tibi ad Num. 3 in superiori Figurâ T exhibeo. Numeros dupliciter ipsis Divisionibus adscripti, tam dextram, quām sinistrâ versùs ; quò prorsum & retrorsum Distinctionum particularas dinumerare possem. Inter utriusque circuli superioris & intermedii numeros nulla alia intercedit differentia, nisi quòd loco 10 & 20 superioris circuli distributi, ad intermedium pro Lingulâ vv segniori 1000 & 2000, & sic consequenter, sint annotata ; proceduntque in illo ad 100, in hoc verò circulo intermedio ad 10000 ; sic ut quando longior Index u integrum revolutionem suarum 100 partium absolvit, inferior Index tantum unicam partem in suo circulo commonstret : ne non omni tempore, quot revolutiones, & quot particularas cochlea directoria, sive Indices Orbiculi absolvissent, accurate mihi constaret.

His nunc duobus divisis circulis tertiam Divisionem adjeci ; sed solummodo pro hoc nostro Quadrante : quandoquidem hæc distinguendi ratio (ut ut duorum superiorum circulorum sit universalis) tantummodo est specialis, pro uno certo Instrumento, ad primo intuitu, beneficio tertii Indicis brevioris x , superiori planè oppositi, ipsa Scrupula Secunda promptè discernenda ; sed de his Distinctionibus infrà paullò amplius percipiendum erit. Nunc primum commonstrare opus esse puto, quomodo ex his centesimalis particulis, atque illis binis longioribus Lingulis u & vv ipsa Minuta & Secunda quām accuratissimè cognoscere

Quomodo ita
dem Directorium diversis
Instrumentis
in servire posse
sit.

Divisiones
quā ratione
Orbiculu sint
adscriptæ, &
quibus numeris
notatae.

Quomodo ex
particulis ceteris Minutis
ta & Secunda eliciantur.

scere liceat, & quidem iterum iterumque as severans, multò præcisiùs, quàm in ipsis Instrumentorum arcubus, cuiuscunq; etiam sint magnitudinis, ac quibuscunq; subtilissimis particulis etiam gaudeant, licet etiam exploratorem accuratiorem summā attentione adhibeas.

Quo major res sunt Orbiculi, eò divisiones finitae evidenter res.

Initiò scire Te oportet, Orbiculum hunc nostrum in dicem nullam certam sibi exposcere quantitatē, sed Tibi pro lubitu amplitudinem ejus determinare licitum esse, dummodò ipsum Instrumentum, vel structura Directorii, aut locus, ubi exhibendus, ampliorem annexere non prohibeat. Quare satiùs est majori uti, si nihil impedimento est: sic enim distributiones, ut facile colligere est, ampliores evadunt. Mihi tamen ad hunc nostrum Quadrantem illam magnitudinem, in Schemate superiori ad Num. 2 exhibitam sufficere, tum satis commodam esse, videtur; siquidem centesimæ illæ particulæ in dicto Orbiculo satis amplæ & evidentes sunt, pariter ipsa Secunda: quippe duæ partes centesimæ unicum tantùm Secundum in hoc Quadrante designant. Ideoque hunc Orbiculum studiò ampliorem efficere nolui, ne Machinula fieret incommodior, neque Observatori ullibi crearet molestiam. Verùm, ut tandem eò deveniamus, quò commonstrem, quà ratione divisiones rectè & subtiliter distinguantur. Scias, me hanc videlicet viam esse ingressum; constructâ nempe omnimodè Machinulâ illâ, atque cochlea directoriæ debitè adaptatâ, nec non adminiculo lamellæ combinantis canaliculæ affixâ, tum ritè examinatis rotulis omnibus, axiculis, eorumque dentibus atque striis, num correctè etiam, leviter & leniter, nihilominus satis arctè dentes, ut & crenæ universæ absq; omni inani, seu superfluo interstitio, ut Automatarii locuntur, se invicem mordeant, ac absque omni titubatione & nutatione cessim incedat opus. Nam hocce artificium in primis efflagitat, ut cochlea directoria cum omnibus rotulis arctissimè quidem, sed nihilominus lenissimè minori potentia commoveatur, ut duobus digitis leviusculè à quovis regatur; secùs profectò frustraneus ac molestissimus erit labor, tum nihil quicquam eo invento accurati obtinebis;

Divisiones solido nituntur fundamento.

Artificium rotularum in hocce Machina namento necessitatem absq; omni nutatione exquisitissimum.

bis: interea tamen, non velim existimes, illud eâ ratione factu perdifficile, multò minùs impossibile esse; neutquam sanè, dummodò peritum Artificem, dextrè omnia elaborantem, ad manum habeas. Id equidem ex voto succedere, Machinulæ mæ universæ omnium meorum Instrumentorum satis superq; testantur, quæ adeò elaborate & exquisitè sunt constructæ, ut nihil quicquam in ullo aliquo desiderari possit; sed nimis à viâ digredimur, ad Divisiones rursùs revertamur.

Atque ita, uti diximus, adornatis sic omnibus, quò ad ipsum examen devenirem, Regulam priùs, unà cum affixo Directorio, nudà manu primùm ad certum quendam limbi Quadrantis Gradum deduxi; deinde canaliculam k more solito ad limbum cochleà suā adstrictoriā g affixi, atque tum demum ope cochleæ directoriæ a b ex amussi Regulam ad integrum istum Gradum constitui; sed perinde est, à quocunque limbi Gradu id tentes. Quibus peractis, cochleam directoriam convertere cœpi, & quidem primùm continuo motu in antecedentia, donec lineam integrum Gradum determinantem, præcisè admodùm attigissem, tunc cochleā directrice sedatā, ac subsistente in Orbiculo indice i, inquisivi, quoties Lingula velocior & longior u Orbem obvolutasset, & quot spatiola insuper in suo circulo confecisset; deprehendi autem, quòd in nostro videlicet Quadrante magno volubili Horizontali 68 periodos, sive revolutiones totum Orbem nempe circumvolutando absolvisset: quandoquidem segnior & inferior Index vv præcisè ad numerum 6800, superiori autem Indice u ad initium ejus circuli existente, hærebat; ita ut nullæ insuper particulæ centesimæ huic numero 6800 superaddi potuerint. Sed sciendum (id quod suprà indicare oblitus eram) quòd, quando integrum aliquem Quadrantis Gradum hocce nostro directorio dimetiri satagas, omnino necessum sit, ut primùm utrumq; Indicem u & vv (existente scilicet Regulâ jam præcisè ad integri alicujus Gradus lineam) rectè & correctè ad competentem suum locum deducas, hoc est, oportet, ut superiorem Indicem u ibidem, ubi 100, vel

*Quomodo ad
Divisiones in
tò peruenia-
tur.*

*Integer In-
strumeti Gra-
dus Lingulis
per partes cē-
tesimas pecu-
liaris orbua
mensurandus
est.*

*Regulâ unum
integrum Gra-
dum in nostro
Quadrante
cōficiente, In-
dex pricipu-
us monstrat,
quot revolutio-
nes in orbitâ
suâ peragat.*

*Dum obser-
vare incipis,
Lingula pri-
us debite sunt
restituendæ.*

prior particula centesima incipit, & alterum inferiorem *vv* planè sub unâ cādemque lineâ , ubi primus millesimarum partium numerus dicit initium, constituas : secūs profectò, neutiquam unquam Distinctiones in isto Orbiculo rectè determinabis. Verùm, non est, quòd unâ solâ investigatione,

Motus Re-
gula in nostro
directorio ri-
gidissimè ex-
plorandus est.

quantitatem unius videlicet Gradūs, in Orbiculo indice determinandi, acquiescas , sed necesse est, ut idem examen

sæpiùs, tam cochleam directoriam prorsum convertendo, quām horsum retorquendo reiteres, & non solùm in unâ certâ limbi parte, sed alium atque alium integrum Gradum, majoris certitudinis gratiâ, diligentissimè aliquoties explores ; an in quibusvis etiam Gradibus magnitudo motus directorii coincidat , vel Indices *"* & *vv* totidem æque revolutiones in utroque distinctionum circulo conficiant, atque ita in ipsis numeris semper convenient. Nam, si lim-

Ut quantitas
singularū Gra-
duum semper
oportet esse ea
dem, ita &
mōrus eorum
per 101ū Qua-
dranē debet
esse omnino
equalis.

bus Instrumenti penitus ab omni parte æqualiter ac ritè divisus est, utique etiam, ut quilibet Gradus pari omnino interstitio gaudeat, necesse est, ac per consequens inde etiam totidem partes centesimas in Orbiculo indice commonestret : si nimirùm artificium rotularum debitè sit constru-

ctum, atque Directorium istud (quod benè notandum) ab omni parte, in primis ad brachium incurvatum *l*, ut minimè se se incurvare, vel motui cochleariæ Directoriæ cedere possit, satis sit firmum. De hocce meo Quadrantis Directorio asseverare possum, quotiescunq; unquam unius Gradūs magnitudinem in dicto Quadrante Horiz. ope hujus Directorii exploratum, detectumque iverim, nunquam non superiorem Indicem *"*, 68 periodos integras, hoc est, 6800 partes centesimas absolvisse.

Ex mensurâ
& motu unius
Gradūs reli-
qua subdivisi
tiones subdi-
liores orum
suum trahunt.

Id quod nunc normæ ac fundamenti loco pro his Divisionibus subtilioribus, in hocce videlicet Quad. Horiz. assumendum est. Nam, si unicus Gradus, sive 60 Minuta Prima contineant 6800 partes centesimas, utique 45 Scrupula Prima 5100, & 30', 3400 part. centesim. & 15', 1700 part. centes. complectuntur, sive conficiunt. Idcircò, ne inter observandum multum temporis, singulis vicibus debitam quarumcunq; Observationum proportionem de-
termi-

determinando perderem, duas diversas Tabellas protinus construxi, Quadrantiique, quo statim in promptu essent, apposui; quarum beneficio nullo negotio, quot insuper Scrupula Prima, Secunda, imò Tertia, si velis, Gradibus illis à Regulâ determinatis addenda, vel nonnunquam sint adimenda cognoscitur. In Tabellâ priori A integra Scrupula Prima ad 60 usque, atque respondentes particulæ centesimæ continentur. Exempli gratiâ, inferiorem Indicem $\nu\nu$ ad numerum 4000, superiorem verò $\nu\nu$ ad numerum 80 consistere invenisces, hoc est, Indices $\nu\nu$ & $\nu\nu$ partes 4080 centes. in Orbiculo absolvisse; quæritur, quot Minuta Prima & Secunda his particulis centesimis respondeant vel æquivaleant. Quære igitur in areâ Tabellæ A, an numerus aliquis huic omnino respondeat; qui quoniam ibidem tantus planè reperitur, protinus ex margine Tabellæ patet, huic numero 36 Scrupula Prima competere addenda, vel subtrahenda Gradibus illis, à Regulâ denotatis, prout Indices Orbiculi dextram vel sinistram versùs fuere convoluti. Sed queras, quomodo procedendum, si integer iste numerus quærendus in areâ Tabellæ non inveniatur, ejusque aliquot insuper particulæ centesimæ adhæreant? id pariter haud multo negotio indagatur, si nimirum numerum proxime minorem, in areâ Tabellæ inventum, à dato numero (exempli gratiâ, sit ille 4130) subtrahas, atque differentiam hujus, & in Tabellâ reperti 4080 numeri, hoc est, 50 scilicet partic.centes. superabundantes in subsecente Tabellâ B, ejusq; margine rursus queras, illicò in areâ appositâ ipsa Scrupula Secunda & Tertia, his 50 scilicet partic.centes. respondentia, nimirum 36" 30" reperies; sic ut Minutis illis integris 36 insuper 36" 30" adhæsisce deprehendas. Quam divisionum subtilitatem nunquā profectò in ullo alicujus Quadrantis arcu, licet exploratore accuratori gaudeat, ac ipse etiam lynceus sis, deprehendes. Siquidem non nisi ad quinam Secunda eâ ratione pervenire datur. Interea tamē, si limbū Instrumenti correctè est distributus, atque Directorium justè adornatum & distinctum, oportet, ut omnes numeri ab omni parte minimum in quinis Secundis coincident; sed

*Ex certis Ta
bellis subd. vi
siones prom-
piè dignoscū-
tur.*

Quâ vid.

*Quomodo
ex Tabellis Se-
cunda & Ter-
tia investigā-
tur.*

*Absque di-
rectorio nun-
quam ad tales
subtilissimas
divisiones per-
venitur.*

ultrà, ut quidem in Orbiculo Directorii ad ipsa Secunda, imò Tertia fieri potest, progredi non datur.

Atque hæc adeò brevibus, quàm unquam potui, sum complexus: quâ nimirùm ratione Divisiones Orbiculo sint adscriptæ, & quomodo ejus ope Scrupula Prima, Secunda, & Tertia, imò Quarta, si velis, ex duabus appositis Ta-

*Quâ ratione
absq; Tabellis
singula Secun
ponam, conducit, ut aliquantò fusiùs Distinctiones brevio-
da ex ipso sta-
tim Orbiculo
indice obtine-
antur.*

bellis eliciantur. Priusquam autem hìc ipsas Tabellas ap- cedit, cognoscuntur. Fundamentum in eo consistit; quòd, cùm probè exploratum habeam, integrum Gradum, vel 60 Minuta 6800 part. centesim. exhibere, haud etiam me præterit, 113 $\frac{1}{2}$ part. centes. conficere unicum Minutū primum.

Quocircà in circulo interiori tot partes centes. in 60 partes penitus æquales distribui, atque sic spatiola illa interioris circuli, singula Secunda indicantia, prodierunt; sed integra revolutio Indicis x non nisi 53 Secunda comprehendit, cùm plures particulas, quàm centum, non contineant; adeò ut

*Una revo-
luto Indicis
quot Secunda
referat.*

longius hoc in circulo progredi non liceat. Hincque quando differentia anguli major est, præstat, ut Tabellas adeas, Altitudinesque determines. Ubi notandum habes, quòd numeri in tertio circulo non initium suum, ubi reliqui Indices, à parte scilicet superiori, sed in opposito planè puncto, à parte inferiori ducant: ratio est, quòd idem Index x sit etiam Index u, prout facilè intelligitur.

*Quonodo Ob-
servationes in
stituantur ope
nostræ Directo-
rii.*

Quando nunc Machinulâ illâ Directoriâ uti lubet (sic) uti jam leviter suprà tetigimus) operæ pretium est, ut in antecesum Regulam propinquissimè ad desideratâ Distan- tiam, vel Altitudinem liberâ manu deducas; dein canalicu lam limbo Instrumenti firmissimè adstringas, nec non utrumque Indicem u & vv ad sua initia præcisè constituas; qui Indices ita sunt adornati, ut horsum versus leviter ac leniter, haud commotis rotulis, & axiculis planè quiescen- tibus, eos ad debitum terminum dirigere possis. Attamen, non attinet (ut quidem in examinibus) Regulam omni tem- pore priùs ad integrum proximum Gradum deducere, sed sufficit,

sufficit, si eam ad lineam vicinorem, quina integra Minuta prima denotantem, constituas; sed perinde est, ad qualem cunque id fiat, sive antecedentem, sive proximè subsequenter, dummodo observes, an elicienda Minuta & Secunda subtrahi, vel addi integris Gradibus debeant. Exempli gratiâ: sit Altitudo capienda $43^{\circ} 22'$ circiter; ubi haud opus habes, Regulam ad 43 Gradum integrum, sed ad interstitium $43^{\circ} 20'$, cum sit proximius, collocare. Quo facto, atque Directorio cum suis Indicibus debitè adornato, cochleam Directoriam $a b$ converte, & si illa in consequentia progressitur, Minuta & Secunda, quæ proveniunt, Gradibus sunt adjicienda; sin cochlea in antecedentia retrogreditur, dicta Minuta & Secunda Gradibus sunt subtrahenda. Exempli gratiâ: Index inferior unicum tantum spatiolum in suâ orbitâ, hoc est, 100 part. centes. absolvisset, ac alter superior ad numerum 83 constitisset; hoc est, 183 part. centes. obvolutasset, quære hunc numerum in Tabellâ A, atque proximè minorem, nempe $113\frac{1}{2}$ unico Minuto integro competentem, ab isto 183 subtrahe, restabunt 70 , quæ partes centes. ex Tabellâ B exhibent $37'' 6''$, addenda scilicet illi $1'$ (cum cochlea prorsum progrès fuit;) sic ut proveniant $1' 37'' 6''$, rursus $43^{\circ} 20'$ adjicienda, atque sic tota Altitudo ex Directorio nostro $43^{\circ} 21' 37'' 6''$ erit. Quod si vero cochlea in contrarium contorsa fuisset, nempe in antecedentia, inventa Minuta, & adhærentia Scrupula Secunda & Tertia Altitudini illi $43^{\circ} 20'$ demenda sunt, ut vera tum Altitudo $43^{\circ} 18' 22'' 54'''$ evadat.

Ex quibus, curiose Astrophile, si non plenè, saltem ex parte intelliges, quâ ratione dicta nostra Machinula subdivisitionum directoria construatur, adornetur, dividatur & ad usum transferatur. Si nonnulla fortè adhuc restant, quæ ex hac descriptione nondum sufficienter intelligas, operam, sis, dabis, ut ingenio tuo reliqua obtineas; non dubitans, quin Tibi nunc multò facilius negotium hocce tot Schematibus detectum intelligere erit, quam quidem initio mihi illud mente primùm fingere & exstruere: cum nullum ullum eâ in parte habuerim Præcursum. Quam præ-

*Bene nota
dum, quā par
tem versus
cochleam Di-
rectricem tor-
queas.*

*Qui hocce ne-
gorium nondū
plenè foris ca-
pit, necessum
habet, ut alti-
ori indagine
id ipse explo-
ret.*

stantissimum autem & aptissimum pro universis Instrumentis Astronomicis detectum hocce adjutorium sit, & quam convenienter ac promptè iis applicari possit, si debite ab omni parte sit fabrefactum, ipsa Experientia Te abunde docebit.


TABELLA A Pro Quadrante Magno Horizontali volubili.

Minuta Prima.	Part. centes. in Orbiculo designata.										
1	113 ¹ ₂	11	1246 ² ₃	21	2380	31	3513 ¹ ₂	41	4646 ² ₃	51	5789
2	226 ² ₃	12	1360	22	2493 ¹ ₂	32	3626 ² ₃	42	4760	52	5893 ¹ ₂
3	340	13	1473 ¹ ₂	23	2606 ² ₃	33	3740	43	4873 ¹ ₂	53	6006 ² ₃
4	453 ¹ ₂	14	1586 ² ₃	24	2720	34	3853 ¹ ₂	44	4986 ² ₃	54	6120
5	566 ² ₃	15	1700	25	2833 ¹ ₂	35	3966 ² ₃	45	5100	55	6233 ¹ ₂
6	680	16	1813 ¹ ₂	26	2946 ² ₃	36	4080	46	5213 ¹ ₂	56	6346 ² ₃
7	793 ¹ ₂	17	1926 ² ₃	27	3060	37	4193 ¹ ₂	47	5326 ² ₃	57	6460
8	906 ² ₃	18	2040	28	3173 ¹ ₂	38	4306 ² ₃	48	5440	58	6573 ¹ ₂
9	1020	19	2153 ¹ ₂	29	3286 ² ₃	39	4420	49	5553 ¹ ₂	59	6686 ² ₃
10	1133 ¹ ₂	20	2266 ² ₃	30	3400	40	4533 ¹ ₂	50	5666 ² ₃	60	6800

TABELLA B

Partes centes. inOrbic.	Secunda & Tertia.	Partes centes. inOrbic	Secunda & Tertia.	Partes centes. inOrbic.	Secunda & Tertia.	Partes centes. inOrbic.	Secunda & Tertia.
1	0 32	31	16 26	61	32 20	91	48 14
2	1 4	32	16 58	62	32 52	92	48 46
3	1 36	33	17 30	63	33 23	93	49 18
4	2 8	34	18 1	64	33 55	94	49 49
5	2 39	35	18 33	65	34 27	95	50 21
6	3 11	36	19 5	66	34 59	96	50 53
7	3 42	37	19 37	67	35 31	97	51 25
8	4 14	38	20 9	68	36 3	98	51 57
9	4 46	39	20 40	69	36 34	99	52 29
10	5 18	40	21 12	70	37 6	100	53 0
11	5 50	41	21 42	71	37 38	101	53 32
12	6 22	42	22 14	72	38 10	102	54 4
13	6 54	43	22 46	73	38 41	103	54 36
14	7 26	44	23 17	74	39 13	104	55 8
15	7 57	45	23 49	75	39 45	105	55 40
16	8 29	46	24 22	76	40 17	106	56 12
17	9 1	47	24 54	77	40 49	107	56 44
18	9 32	48	25 26	78	41 20	108	57 16
19	10 4	49	25 58	79	41 52	109	57 48
20	10 36	50	26 30	80	42 24	110	58 20
21	11 8	51	27 2	81	42 56	111	58 52
22	11 40	52	27 34	82	43 28	112	59 20
23	12 11	53	28 6	83	44 0	113	59 40
24	12 43	54	28 37	84	44 31	113 ¹	60 0
25	13 15	55	29 9	85	45 3		
26	13 47	56	29 41	86	45 35		
27	14 19	57	30 13	87	46 7		
28	14 50	58	30 44	88	46 39		
29	15 22	59	31 16	89	47 10		
30	15 54	60	31 48	90	47 42		

Nunc



Nunc ulterius progrediamur, atque reliqua præcipuum nostrorū Instrumentorum Directoria contemblemur: Quandoquidem unumquodque Organum peculiare suum Directorium, quod sub Regulā cochleæ directrici firmiter affixum est, sibi vendicat, nec uno eodemque rotularum artificio construitur, neque Orbiculus index unā eademq; ratione Machinulæ annexitur. Aliter enim ad Quadrantes majores, Regulam habentes, aliter ad minores, pendulo gaudentes, aliter ad Sextantes & Octantes componitur; quemadmodum mox mox clarius erit percipiendum. In Figurā autem T* ad Num. i primūm Directorium Sextantis nostri majoris Orichalcici, Cap. XI descripti, exhibuimus; quod quidem priori Quadrantis in omnibus ferè partibus, tam quoad rotulas, quam axiculos striatos, eorumque numerum dentium haud est absimile; nisi quod Orbiculus index aliter ferè respectu limbi Sextantis, sub ipso Pinnacido ad ductum parallelum, Machinulæ orthogonaliter adhæreat: quo Orbiculus index undique statim Observatori, canaliculam licet à limbo restringas, ac unā cum Regulā hinc illinc commoveas, absq; omni tamen impedimento pateat. In superiori autem Quadrante Directorium planè sub limbo, sed fronte suā itidem Observatorem versus annexum est, ubi non minus confestim Indices in oculos apertè occurrunt.

Divisiones verò in hocce Sextantis Directorio parte differunt ab illo superiori Quadrantis. Sextans enim cùm paullò quà radium Quadrante minor sit; hinc Indiculus velocior paucioribus revolutionibus integrum Gradum, licet Discus index ejusdem cum priori sit magnitudinis, emittitur. Nam Organum quò minus, eò Index u pauciores pro uno Scrupulo Primo conficit partes centesimas. Ego debitâ factâ inquisitione comperi, Indicem velociorem tantummodo $61\frac{1}{2}$ revolutiones, hoc est, 6150 part. centes. percurrendo integrum Gradum, sive 60 Minuta conficere. Ergo $4612\frac{1}{2}$ part. centes. $45'$ exhibent; 3075 verò part. centes. $30'$; atque $537\frac{1}{2}$ part. centes. $15'$ Minuta Prima largiuntur. Adeò, ut Tabellæ planè aliâ diversâ ratione sint compo-

Hujus gen-
ris directoria
diversimodè
pro Instrumen-
torū commo-
diuare conser-
vuntur.

Directorium
nostris Sextan-
tis M. Orich.

Sextantis in
quibus diffe-
rat ab illo su-
periori Qua-
drantis.

Quot revo-
lutiones In-
dex præcipu-
us in Sextan-
te unius Gra-
dus spatio
peragat.

componendæ. Orbiculum indicem quidem ipsum à fronte in hoc Schemate, spatio scilicet deficiente, potissimum quod haud opus esset, minimè delineavi : sufficit, ut puto, si Lectori paucis tantummodo, in quibus Tabellæ ab invicem discedant, significem ; nimirum, quod in hocce Sextantis directorio (licet pariter, ut Quadrantis tantummodo

TABELLA A Pro Sextante Magno Orichalcico.

Minuta Prima.	Part. centes. in Orbiculo designatae.										
1	102 ¹ ₂	11	1127 ¹ ₂	21	2152 ¹ ₂	31	3177 ¹ ₂	41	4202 ¹ ₂	51	5272 ¹ ₂
2	205	12	1230	22	2255	32	3280	42	4305	52	5330
3	307 ¹ ₂	13	1332 ¹ ₂	23	2357 ¹ ₂	33	3382 ¹ ₂	43	4407 ¹ ₂	53	5432 ¹ ₂
4	410	14	1435	24	2460	34	3485	44	4510	54	5535
5	512 ¹ ₂	15	1537 ¹ ₂	25	2562 ¹ ₂	35	3587 ¹ ₂	45	4612 ¹ ₂	55	5637 ¹ ₂
6	615	16	1640	26	2665	36	3690	46	4715	56	5740
7	717 ¹ ₂	17	1742 ¹ ₂	27	2767 ¹ ₂	37	3792 ¹ ₂	47	4817 ¹ ₂	57	5842 ¹ ₂
8	820	18	1845	28	2870	38	3895	48	4920	58	5945
9	922 ¹ ₂	19	1947 ¹ ₂	29	2972 ¹ ₂	39	3997 ¹ ₂	49	5022 ¹ ₂	59	6047 ¹ ₂
10	1025	20	2050	30	3075	40	4100	50	5125	60	6150

TABELLA B

Partes centes. in Orb.	Secunda, Tertia & Quarta.	Partes centes. in Orbic.	Secunda, Tertia & Quarta.	Partes centes. in Orbic.	Secunda, Tertia & Quarta.	Partes centes. in Orbic.	Secunda, Tertia & Quarta.
I	0 35 7	27	15 48 9	53	31 1 11	79	46 14 13
2	1 10 14	28	16 23 16	54	31 36 18	80	46 49 20
3	1 45 21	29	16 58 23	55	32 11 25	81	47 24 27
4	2 20 28	30	17 33 30	56	32 46 32	82	47 59 34
5	2 55 35	31	18 8 37	57	33 21 39	83	48 34 41
6	3 30 42	32	18 43 44	58	33 56 46	84	49 9 48
7	4 5 49	33	19 18 51	59	34 31 53	85	49 44 55
8	4 40 56	34	19 53 58	60	35 7 0	86	50 20 2
9	5 16 3	35	20 29 5	61	35 42 7	87	50 55 9
10	5 51 10	36	21 4 12	62	36 17 14	88	51 30 16
11	6 26 17	37	21 39 19	63	36 52 21	89	52 5 23
12	7 1 24	38	22 14 26	64	37 27 28	90	52 40 30
13	7 36 31	39	22 49 33	65	38 2 35	91	53 15 37
14	8 11 38	40	23 24 40	66	38 37 42	92	53 50 44
15	8 46 45	41	23 59 47	67	39 12 49	93	54 25 51
16	9 21 52	42	24 34 54	68	39 47 56	94	55 0 58
17	9 56 59	43	25 10 1	69	40 23 3	95	55 36 5
18	10 32 6	44	25 45 8	70	40 58 10	96	56 11 12
19	11 7 13	45	26 20 15	71	41 33 17	97	56 46 19
20	11 42 20	46	26 55 22	72	42 8 24	98	57 21 26
21	12 17 27	47	27 30 29	73	42 43 31	99	57 56 33
22	12 52 34	48	28 5 36	74	43 18 38	100	58 31 40
23	13 27 41	49	28 40 43	75	43 53 45	101	59 7 0
24	14 2 48	50	29 15 50	76	44 28 52	102	59 42 10
25	14 37 55	51	29 50 57	77	45 3 59	102 ¹ ₂	60 0 0
26	15 13 2	52	30 26 4	78	45 39 6		

in partes centesimas Orbita sit distincta) integrum Minutum primum tantum $102\frac{1}{2}$ partic. centes. exhibeat, atque ita tota superioris Indicis revolutio tantum $58^{\prime} 31^{\prime\prime} 40^{\prime\prime\prime\prime}$ comprehendat. Quo nunc fundamento præcedentes Tabellæ A & B nituntur; differunt itaque in proportione solummodo, ratione nimis, ut diximus, quod Instrumentum hoc paullò sit quâ radium minus. Etenim, quamvis similis planè cochlea directoria applicetur; nihilominus tamen diversa Instrumentorum quantitas proportionem motûs nonnihil immutat. De reliquo, usus Tabeliarum à superioribus neutquam discrepat, ut ulteriori haud opus habeat dilucidatione.

Cæterùm, ut ad Directorium nostri maximi Octantis deveniamus, quod in præcedenti Figurâ T*, ad Num. 2 & 3 nitidè adumbratum conspicitur. Structura ejus pariter eodem ferè rotularum artificio, quo præcedentia, confecta est, nisi quod partes singulæ aliquantò majores & ampliores sint factæ (dato scilicet Instrumento etiam haud parùm majori) præcipue Orbiculus index i; quò sic mihi licet Distinctiones eò reddere evidenter: Orbiculus iste eadem hîc planè præsentatur sub Num. 3 amplitudine, prout reverà in Directorio nostro conditus est. Proportio autem dentium rotularum ac axiculorum ex parte est diversa; quandoquidem rota coronata m 60, & axiculus striatus major n 20, quò eò leniorem cochleæ directricis incessum obtinerem, dentibus gaudet; at verò minores axiculi, index scilicet & subditivus o & y, quoad strias respectu superiorum sunt omnino æquales, & non nisi 6 referunt; non minùs rotula index p, & subditiva q, pariter ut illæ, 60 exhibent dentes. Hincque motus Lingularum, ut in binis illis superioribus Quadrantis & Sextantis Directoriis æq; velox existit. Ita ut insuper ferè nihil hac vice admonendum habeam, cum pari modo adornetur, examinetur, & Instrumento annexatur, sub eadem penitus facie, ac illud Directorium Sextantis; quò totus Orbiculus index, sicuti ipse limbus, liberè undique pateat. Itaque nihil amplius superesse videtur, quam ut commonstrem, quâ ratione

Integro Minuto primo
quot partes
centes. in Orbiculo conve-
niant.

Quantitas
Instrumento-
rum motum
Lingularū in
directorio vel
concitat vel
retardat.

Directorium
Octantis no-
stri maximi
Orchaleici.

Ratio dentiis
& striarum
pro rotulis &
axiculis huj
directorii.

Ut in rotula
quadam plu-
res in hocce di-
rectorio refe-
rant dentes;
motus tamen
Lingularū ad
cochleam di-
rectoriam est
planè idem, ut
in suprà di-
ctio.

*Orbiculus
quà ratione in
suis particu-
lis sit distribu-
tus.*

tione Orbiculus index in suis particulis sit distributus, quot particulæ centesimæ unum integrum Gradum & Minutum primum exhibeant, tum quales Tabellæ, ad Minuta, Secunda & Tertia, si volueris, distinguenda, fuerint computatæ.

TABELLA A

Pro Octante Magno Oricalcico.

Minuta Prima.	Part. centes. in Orbicolo designata.										
1	126 ² ₃	11	1393 ¹ ₃	21	2660	31	3966 ² ₃	41	5193 ¹ ₃	51	6460
2	253 ¹ ₃	12	1520	22	2786 ² ₃	32	4053 ¹ ₃	42	5320	52	6586 ² ₃
3	380	13	1646 ² ₃	23	2913 ¹ ₃	33	4180	43	5446 ² ₃	53	6713 ¹ ₃
4	506 ² ₃	14	1773 ¹ ₃	24	3040	34	4306 ² ₃	44	5573 ¹ ₃	54	6840
5	633 ¹ ₃	15	1900	25	3166 ² ₃	35	4433 ¹ ₃	45	5700	55	6966 ² ₃
6	760	16	2026 ² ₃	26	3293 ¹ ₃	36	4560	46	5826 ² ₃	56	7093 ¹ ₃
7	886 ² ₃	17	2153 ¹ ₃	27	3420	37	4686 ² ₃	47	5953 ¹ ₃	57	7220
8	1013 ¹ ₃	18	2280	28	3546 ² ₃	38	4813 ¹ ₃	48	6080	58	7346 ² ₃
9	1140	19	2406 ² ₃	29	3673 ¹ ₃	39	4940	49	6206 ² ₃	59	7473 ¹ ₃
10	1266 ² ₃	20	2533 ¹ ₃	30	3800	40	5066 ² ₃	50	6333 ¹ ₃	60	7600

TABELLA B

Partes centes. in Orb	Secunda, Tertia & Quarta.			Partes centes. in Orbic.	Secunda, Tertia & Quarta.			Partes centes. in Orbic.	Secunda, Tertia & Quarta.			Partes centes. in Orbic.	Secunda, Tertia & Quarta.		
	"	III	III		"	III	III		"	III	III		"	III	III
1	0	28	25	33	15	37	45	65	30	47	5	97	45	56	25
2	0	56	50	34	16	6	10	66	31	15	30	98	46	24	50
3	1	25	15	35	16	34	35	67	31	43	55	99	46	53	15
4	1	53	40	36	17	3	0	68	32	12	20	100	47	21	40
5	2	22	5	37	17	31	25	69	32	40	45	101	47	50	5
6	2	50	30	38	17	59	50	70	33	9	10	102	48	18	30
7	3	18	55	39	18	28	15	71	33	37	35	103	48	46	55
8	3	47	20	40	18	56	40	72	34	6	0	104	49	15	20
9	4	15	45	41	19	25	5	73	34	34	25	105	49	43	45
10	4	44	10	42	19	53	30	74	35	2	50	106	50	12	10
11	5	12	35	43	20	21	55	75	35	31	15	107	50	40	35
12	5	41	0	44	20	50	20	76	35	59	40	108	51	9	0
13	6	9	25	45	21	18	45	77	36	28	5	109	51	37	25
14	6	37	50	46	21	47	10	78	36	56	30	110	52	5	50
15	7	6	15	47	22	15	35	79	37	24	55	111	52	34	15
16	7	34	40	48	22	44	0	80	37	53	20	112	53	2	40
17	8	3	5	49	23	12	25	81	38	21	45	113	53	31	5
18	8	31	30	50	23	40	50	82	38	50	10	114	53	59	30
19	8	59	55	51	24	9	15	83	39	18	35	115	54	27	55
20	9	28	20	52	24	37	40	84	39	47	0	116	54	56	20
21	9	56	45	53	25	6	5	85	40	15	25	117	55	24	45
22	10	25	10	54	25	34	30	86	40	43	50	118	55	53	10
23	10	53	35	55	26	2	55	87	41	12	15	119	56	21	35
24	11	22	0	56	26	31	20	88	41	40	40	120	56	50	0
25	11	50	25	57	26	59	45	89	42	9	5	121	57	18	35
26	12	18	50	58	27	28	10	90	42	37	30	122	57	47	0
27	12	47	15	59	27	56	35	91	43	5	55	123	58	15	25
28	13	15	40	60	28	25	0	92	43	34	20	124	58	43	50
29	13	44	5	61	28	53	25	93	44	2	45	125	59	12	15
30	14	12	30	62	29	21	50	94	44	31	10	126	59	41	10
31	14	40	55	63	29	50	15	95	44	59	35	126 ¹ ₂	60	0	0
32	15	9	20	64	30	18	40	96	45	28	0				

Dili-

Diligenti autem investigatione & rigidiori examine peracto inveni, non $61\frac{1}{2}$, neque 68 revolutiones superioris Indicis uero Gradum integrum, ut in iis superioribus Instrumentis, constituere, sed 76 revolutiones, hoc est, Indicem 7600 partes centesimas percurrente 60 Minuta integra confidere, atque ita $126\frac{2}{3}$ part. centes. exhibere unicum Scrupulum Primum; hinc sequitur 1900 part. centes. 15', 3800 part. centes. 30', & 5700 part. centes. 45' ostendere. Ex quibus superiores has Tabellas condidi & supputavi. Quomodo verò ipse Orbiculus index sit reverè divisus, & quanta referat interstitia quælibet Divisionum orbita, & quod procliviter etiam ex tertio Indice x, si voluissem, quarta pars unius Secundi dignosci potuisset, ex ipso exhibito Orbiculo i ad Num 3 deprehendis. Si Orbiculum adhuc ampliorem fecissem, prout commodè etiam fieri potuit, longè adhuc evidenter distinctiones extitissent; sed supervacaneum id planè esse duxi.

Sequitur Directorium Quadrantis nostri minoris Ori-chalcici, quoad radium unius pedis; quod alioqui satis clare jam Cap. VIII pag. 145 descriptum est, & cujus ope minores hujus generis Quadrantes, ut jam saepius indicavimus, mira facilitate accuratissimè & lenissimè reguntur ac diriguntur. Huic, inquam, Directorio, vel potius ejus cochleæ directrici nunc quoq; Machinulam nostram, pro commonstrandis distinctionum subtiliorum particulis, annexi; quo simul (licet iste Quadrans exiguae sit magnitudinis, atque exinde limbus ejus in semigradus tantummodo divisus) nihilominus dena Secunda distinctissimè denotari possint. De cochleâ illâ directoriâ, quomodo per anterides b & c incedat, hoc loco plura dicere non attinet; quippe jam alibi abunde de iis omnibus egimus, ut nihil amplius restet superaddere, quam quo pacto Machinula Minutorum & Secundorum ei sit affixa.

Ad Num. 4 superioris Iconismi T* hocce Directorium à fronte, quomodo nempe divisum, & quibus Indicibus distinctiones denotentur, conspicitur; quanquam diameter Orbiculi indicis in hac adumbratione longè exhibe-

*Quot revolu-
tiones præci-
pua Index in
hocce directo-
rio Octantis,
dñ Regula in-
tegrum Gra-
duum in suâ or-
bitâ absolvit,
peragat.*

*Directoria
um Minuto-
rum Quadrâ-
tis, perpendi-
culo Orichal-
cico constru-
eti.*

*Frontispici-
um hujus Di-
rectori.*

atur minor, quām per se in nostrā Machinulā alioquin existit; quandoquidem reverā haud minor est, quām reliorum præcedentium Directoriorum: atque exinde etiam distinctionum interstatiola longē reverā sunt ampliora & evidentiora; sed spatiū illius pagellæ T. eandem Orbiculi magnitudinem haud concessit. Ad Num. 5 idem Directorium à latere postico, quò totum rotularum artificium conspicere possis, Tibi sub adspectum posui. Pariter ut præcedentia ad cochleam directoriam, rotulam coronatam *m*, sed tantum 36 dentibus refert, cuius axiculus striatus major *n* ex 12 striis tantummodo constat; ratio tamen motū, sive Lingularum velocitas nihilominus æque velox est: cùm unā cochleæ directricis revolutione Index superior *u* ter orbem totum obvolitet. De reliquo rotula index *p*, & altera subditiva *q* pariter 60 dentibus, earumque axiculi 6 striis constant; sic ut vix ulla alia intercedat differentia, nisi quod Orbiculus index alio planè positu, beneficio lamellæ combinantis *e*, ad canaliculam *k* sit affixus: quò Orbiculus hicce planitiei limbi Quadrantis, ductu prorsùs parallelo, & quidem propinquissimè adhæreat, ac sic Orbiculus index unā cum ipso limbo Divisionum, & perpendiculo distributo apertè in oculos incurrat, atque divisiones utrobius pari evidentiā cuique Observatori pateant. Imò, si ita visum mihi fuisset, utique Orbiculum indicem *i* non ut reverā nunc est, quā diametrum $3\frac{1}{2}$ digit. sed multò ampliorem efficere licuisset: si quidem in minoribus his Quadrantibus nihil quicquam nobis est impedimento, quò non multò amplior fieri possit. Si 6 digitorum quadratum construeretur, distinctiones ad singula Secunda in minutissimo aliquo Instrumentulo distinctè discernenda deduxissem, cum tantā sanè perspicuitate, ut unumquodvis unius Secundi spatiolum ferè ad quartam unius pollicis partem diductum fuisset. Ad Num. 4. Orbiculum quidem illum debito minorem, ad rationem scilicet magnitudinis disci distribui; verūm, uti dicebamus, in meo Directorio longē spatiola sunt ampliora.

Quo

*Alio planè
modo Directo
riū hocce Qua
dranti affigi-
tur.*

*Directoria
horum mino-
ram Quadrā
tum possunt
etiam ad fin-
gula Secunda
deduci.*

Quo pacto autem cochlea illa directoria ad arcum quendam chalybeum, ex sectione conicâ constructum, tum ad Quadrantem, beneficio canaliculæ, applicetur & adapteatur, jam suo loco pag. 145 & 146 abundè monstravimus, quibus hâc vice sufficiat. Hoc solùm adjiciendum esse puto, ne non nescias, quòd perpendiculum priùs ad certum quendam, vel integrum, vel semigradum sit deducendum, priusquam utramque Lingulam in Orbiculo rectè ad initium Divisionum & numerorū deducas, atq; cochleam directoriam commovere & dirigere incipias. At norma Divisionum Orbiculi hæc est; explorato nimirùm summa diligentia & circumspectione, Lingulam velociorem intra spatum quinq; integrorum Graduum 41 revolutiones confecisse, atque id multoties iteratò, tam cochleam plurimis in limbi locis prorsum convertendo, quam retrorsum agendo, ita ut uni Gradui 820 particul. centes., duobus Gradibus 1640, tribus 2460, quatuor 3280, atq; quinque Gradibus 4100 part. centes. convenienter uni verò Scrupulo Primo 13 $\frac{1}{2}$ part. centes. competant. Ad quam rationem nunc subsequentes Tabellas construximus, quarum usus planè idem est cum superioribus; nimirùm, quòd earum adminiculo protinus ipsa Scrupula Prima ad dena usque Secunda facilimo negotio determinare valeas. Ex Orbitâ verò Divisionum interiori, atque breviori Indice uno etiam intuitu ipsa Minuta & Secunda absque omni Tabellâ patent, eâ tamen expressâ lege, si evariatio cochleæ directoriæ atque Lingularum non septem excedat integra Minuta prima. De quo autem miraberis, quòd Minutum aliquod Primum in dictâ Orbitâ interiori ferè ad spatum unius pollicis accedat. Distinctiones verò horum Minutorum & Secundorum non ibidè à parte superiori orbiculi, ubi Indices illi duo longiores & vv initium ducunt, sed à parte inferiori, planè in opposito. Nam Lingula x brevior cum longiori (uti diximus) omnino cohærent, & simul moventur; in hoc solùm differunt, quòd particulæ denorum Secundorum longè sint ampliores, quam reliquæ centesimæ particulæ in illis superioribus circulis: quippe 10 Secunda 2 $\frac{1}{4}$ part. centes. exhibent.

U u 3

Hoc

*Quid maxi
mè observan
dum.*

*Perpendiculi
motus quin-
que Graduum
in hoc Qua-
drante aqui-
valet 41 In-
dicis prima-
rii revolutio-
nibus.*

*Quot pa-
tes cent. Or-
bita uni inte-
gro competat
Minuto.*

*Hocce dire-
ctorio in par-
vulo illo qua-
drante ad de-
na usque Se-
cunda descente
dere possu-
mus: cum
spatium uni-
us Scrupuli
Primi ad in-
grum digiti
sese excedat.*

*Una eadem-
que Lingula
diversas com-
monstrat dia-
stinationes.*

Uſus hujus
Directorii.

Hocce parvulo Quadrante, atque Directorio ſi utaris, unā ferè Tabellulā, ſi Minutis acquiescere velis, rem expedi- re poteris. Directo enim perpendiculo primū ad certum aliquem limbi Gradum, atque differentiā haud majori uno Gradu existente (quousque unicuique profecto Quadran- tem rudiori etiam Minervā dirigere datur) utiq; ex Tabel- lā A illicò adhærentia Minuta patent. Quod ſi verò etiam Secunda deſideras, negotium modo ſequenti eſt expedi- dum. Esto, inveniſſes, Lingulam longiorem bis orbem ſu- um circumiſſe, & insuper 52 part. centes. denotatiſſe, hoc eſt, 252 part. centes. confeſiſſe; hunc numerum, ſive proxi- mè hujus minorem quare in appositā Tabellā A, atque in- venies 246 part. centes., exhibentes 18 integra Minuta Pri- ma; numerum autem hunc ſubtrahe à ſuperiori 252 obfer- vato, reſtabunt 6 part. centes. quarendæ in areā alterius Ta- bellæ B, cui respondent in margine 25", ſic ut Altitudo præter Gradus illos, à Regulā deſignatos, ad 18' 25" excre- ſcat.

TABELLA A
Pro Quadrante Minori.TABELLA
BTabella pro
Directorio
Quadrantis
minoris.

Minuta Prima.	Particula centes. in Orbiculo.	Minuta Prima.	Particula centes. in Orbiculo.	Minuta Prima.	Particula centes. in Orbiculo.	Minuta Prima.	Particula centesimæ in Orbic.	Minuta Secund.	Particula centes. in Orbiculo.
1	13 ² ₃	16	218 ² ₃	31	423 ² ₃	46	628 ² ₃	5	1 ¹ ₇
2	27 ¹ ₃	17	232 ¹ ₃	32	437 ¹ ₃	47	642 ¹ ₃	10	2 ¹ ₄
3	41	18	246	33	451	48	656	15	3 ¹ ₂
4	54 ² ₃	19	259 ² ₃	34	464 ² ₃	49	669 ² ₃	20	4 ¹ ₉
5	68 ¹ ₃	20	273 ¹ ₃	35	478 ¹ ₃	50	683 ¹ ₃	25	6 ferè
6	82	21	287	36	492	51	697	30	7 ferè
7	95 ² ₃	22	300 ² ₃	37	505 ² ₃	52	710 ² ₃	35	8 ¹ ₈
8	109 ¹ ₃	23	314 ¹ ₃	38	519 ¹ ₃	53	724 ¹ ₃	40	9 ¹ ₄
9	123	24	328	39	533	54	738	45	10 ¹ ₄
10	136 ² ₃	25	341 ² ₃	40	546 ² ₃	55	751 ² ₃	50	12 ferè
11	150 ¹ ₃	26	355 ¹ ₃	41	560 ¹ ₃	56	765 ¹ ₃	55	13 ferè
12	164	27	369	42	574	57	779	60	13 ¹ ₃
13	177 ² ₃	28	382 ² ₃	43	587 ² ₃	58	792 ² ₃		
14	191 ¹ ₃	29	396 ¹ ₃	44	601 ¹ ₃	59	806 ¹ ₃		
15	205	30	410	45	615	60	820		

In ſummâ, in quibusvis Instrumentis, ope hujus Directorii atque Tabellarum, una eademque eſt operatio, ſi ni- mirūm Orbiculi in partes centesimas ſint diſtributi; niſi quod Tabellæ ſecundūm Instrumentorum magnitudinem, atque cochlear Directoriarū ſtrias ampliores, aut arctiores & subtilio-

subtiliores planè inter se disconveniant. Hujus Directorii, de quo jam nobis sermo est, cochlea satis est gracilis, tum striis gaudet subtilioribus, hincq; faciliter admodum ac leniter, vix ut sentias, progreditur, haud aliter, ac si tantùm nudum Quadrantem dirigendum, minimè verò simul Minuta & Secunda commonstranda haberet. Reliquorum Instrumentorum majorum Directoria itidem levissimè quidem incedunt; nihilominùs tamen aliquantò pressiùs, ac si solùm Regulas, ut facile intelligis, commovendas haberent. Nam cochlea Directoria in ejusmodi amplioribus Instrumentis suam, sicuti vidisti, crassitatem, tum rotulæ atq; axiculi suum pondus habent; adhæc rotularum dentes striatissimè axiculos striatos, nullo supervacuo relicto intersticio, arripiunt, ac se se mutuò mordent: unde consequitur, cochleam Directoriam unà cum Directorio hocce haud adeò faciliter, ut quidem absque Directorio, incedere posse; attamen in quibusvis Organis tam prompta & expedita est, ut etiam perlevi momento duorum digitorum percussione horsum prorsum, ut nemini oneri esse possit, commoveatur & dirigatur.

Ad Num. 6 superioris Iconismi T. Mechanices Cultori denuò Machinulam illam pro directione Regulæ Quadrantis mei Azimuthalis sub adspectum ponere placuit, & quidem aliquantò adhuc accuratiùs & distinctiùs, quàm in Fig. I fieri tum concessum fuit. Meretur enim, meâ quidem opinione, ut constructio ejus penitiùs pateat, præfertim, cùm illi Instrumentulo adhuc Directorium distinctiùm superaddiderim, annexendo ad cochleam ejus perpetuum Orbiculum indicem; sic ut non tantùm Regulam dirigere, sed simul Divisiones subtiliores Minutorum scilicet & Secundorum longè accuratiùs, quàm in ipso Quadrantis limbo, indicare & discernere valeat. At verò, quo artificio per se absque Orbiculo indice sit fabrefactum; nimirum ex rotulâ quâdam majori intermediâ *p*, atq; duabus annexis axiculis striatis *o* & *n*, per cochleam perennem *b* dirigendis, aliisque partibus, non est hujus loci, ut multis repetam; quandoquidem Cap. IX, pag. 170 affatim jam monstram-

Hocce dire
ctorium lenis
simè admodum
regitur.

Et reliquo
Instrumento
rum directo
ria proclivi
ter omni dire
cioni parent.

Directorium
Quadrantis
nostri Azimu
thalis.

Structura
hujus Machi
nula.

monstratum est, quò Te ablego; ubi non solum tota stru-
ctura dilucidè descripta est, sed & ejus usus abundè cognoscitur. Imò adhuc clariùs patebunt omnia, si illam descrip-
tionem cum hâc Delineatione ad Num. 6 Fig. superioris
T. (cùm Directorium hocce iisdem literis consignatum
sit) contuleris.

Longè faciliori via inita est. Restare igitur nihil quicquam amplius videtur, nisi ut
adjiciam, quomodo ope cochlear Directoriae Divisiones
commonstrentur, atq; Orbiculus index ζ ad dictam coch-
leam affigatur. Fabrica autem hujus Directorii longè pro-
clivior fuit constructu, quàm cæterorum omnium; siqui-
dem nullà rotulâ coronatâ *m*, nec axiculo striato *n* indiget,
Ope cochlear perpetua Index fit rapidissimus. quorum beneficio Indices concitatores & rapidiores fieri
debuerunt. Nam Directorium hoc per se ferè jam nimiā
velocitate ratione istius cochlear perpetuæ *b* gaudet; quip-
pe quæ duodecies fermè convolvitur, arripiendo solummo-
dò unicum dentem intermediæ rotulæ *p*, priusquam succu-
læ *m* & *l* semel se se convertunt, & per consequens præci-
puus Index Orbiculi longior duodecies quoque, quàm suc-
cularum motum, fit velocior. Exinde concessum mihi
fuit, protinus Orbiculum indicem ad rostrum cochlear *b*,
(adaptando simul ibidem axiculo *s*) unà utramque Lin-
gulam annexere: adeò ut nihil prætereà adjicere habuimus,
quàm utramque rotulam, indicem videlicet *t*, & subditi-
vam, ut vides, *u*, pariter 60 dentibus præditam; quo paetō
codem motu, eadēmque velocitate Indices, ceu superiores,
etiam feruntur.

Ratio Indicis ad interstitia Graduum Quadrantis Azimuthalis. Orbiculi amplitudo ζ in hocce Directorio, conce-
dente spatio, potest etiam pro lubitu assumi; hincque ac-
cedente cochlear rapidissimo motu, utique interstitiola
Divisionum mirè in hujus Directorii Orbiculo dilatantur.
Qualem autem motum Lingulæ respectu Quadrantis atque
Graduum exhibeant, rigidiori examine, atque crebrâ inve-
stigatione exploratum est; nimirùm, quòd 22 revolutiones
Unicum Minimū quo partes referat in Orbiculo. Indicis velocioris integrum in Orbiculo expleant Gradum:
hincque 1650 part. centes. 45', 1100 verò 30', & 550 part.
centes. 15' conficiunt, pariter $36\frac{2}{3}$ part. centes. unicum refe-
runt

runt Minutum primum; una verò pars centes. i" 38"". Ex quibus non minùs Tabellas quidem construxi, sed eas hīc apponere supervacaneūm esse duxi: cùm nemini, nisi mihi ad Quadrantem nostrum Azimuthalem usui sunt.

Ultimò, priusquām ad alia transeamus, è re esse arbitror, ut de cochleā illā longiori, binis globulis volubilibus armatā, satis fusè jam Cap. X pag. 215 descriptā, ac etiam nitidè in Figurā superiori S delineatā, adhuc quædam adjiciam: hanc nimirūm cochleam non tantūm Sextanti, ut pag. 227 & pag. 248, nec non Quadranti Horizontali volubili, prout pag. 215 fusè satis ostendimus, non minùs Quadranti Azimuthali, sicuti Cap. IX pag. 162 leviter testigimus, commodè inservire posse, sed quoque unā operā Azimutha in Quadrantibus Azimuthalibus longè subtilius & distinctiùs, sub majoribus distinctionibus, quām aliās in ipso arcu Azimuthali detegere & dirimere; annexo videlicet quodam Directorio, suprà detecto artificio constructo. Adeò, ut abundè exploratum habeam, dictam illam cochleam ad diversa planè negotia, maximo Astronomiæ commodo, adhiberi posse; unde digna utique est, ut illam in præcedenti Figurā T*, ad Num. 7 adhuc semel, unā cum annexo suo Divisionum Directorio, nitidè delineemus.

De Structurā quidem ipsā non attinet plura fundere verba; quippe passim jam officium nostrum affatim eā in re præstitimus, nisi quòd ad memoriam Tibi adhuc revocem, lamellam posteriorem, globulo armatam, ad manubrium *a* tres canaliculas, sive securiculas, utpote *b i* & *b*, prout ad Num. 7 dictæ Figuræ T* conspicitur, affixas habere; *b* ad Quadrantem Horizontalem volubilem, *i* ad Sextantem, & *b* ad Quadrantem nostrū Azimuthalem pertinet. Quanquam Quadrantem Horizontalem, atque Sextantem non nisi regere (ut ut etiam, si velimus, ac necessarium foret, Distinctiones peculiari ratione ibidem etiam commonistrare posset) opus habet; unde nuda absq[ue] Orbiculo indice ibi adhiberi potest. Sed Quadrantem Azimuthalem non solūm quām accuratissimè & lenissimè hocce adjuto-

Cochlea illa
longior, globu-
lis munia, ad
diversa nego-
tia est apta-
sima.

Simul quoq[ue]
ad accurate-
ipsa Azimu-
tha in parti-
culis subtilis-
simis determi-
nanda.

De ejus Stru-
cturā jam suo
loco disseriu-
mus.

Quadrantē
Horizont. &
Sextantē di-
cta cochlea
tantummodo
regit; in Qua-
drante vero
Azim. simil-
eriam distin-
ctiones exhibe-
ret.

rio juxta Azimuthum dirigere, sed pariter ipsum Azimuth, non attento artu Azimuthali in ipsis Minutis & Secundis, quin-etiam eorum particulis distributo, discernere vales.

Quo pacto id fuerit productum. Ideoq; eum in finem dictæ cochleæ extremitati peculiarem vectem adjeci, ac paullò longius, ut ad Num. 7 vides, cochleam extendi, simul ei totam illam Machinulam Directoriam cum suis rotulis, axiculis & Indicibus affixi; quò sic pariter in Orbiculo suo indice Distinctiones pari facilitate & evidentiâ cognoscerentur: ne non solùm ipsum Azimuthum in suo circulo Azimuthali viâ consuetâ, verùm etiam ex Orbiculo nostro indice adhuc clariùs & correctiùs, sæpiùs jam dictâ ratione, distinguerentur. Id quod Quadrantibus Azimuthalibus valdè admodùm, ac ipsis Observatoriis accedit commodum. Quadrantes enim isti, licet sint

Insigne ad quadratorum pro Quadranti- bus Azimu- thalibus. 5 vel 6 quoad radium pedum, plerumque tamen circulos Azimuthales longè minores, æque ac noster superior, Cap. IX traditus, possident; ita ut præter integra Scrupula prima vix in partibus Secundorum distinctiones, ut ut sis lynceus, dirimere valeas. At verò, beneficio Directorii, cochleæ huic longiori armatae affixi, defectum istum abundè affatim resarcire possumus; cum ex Orbiculo indice etiam ipsissima Minuta Secunda, ut taceam, si velis, Tertia & Quarta exquisitissimè, & quidem levi momento, distinguere nonnequeamus.

Directorium pro diri- mendis Azi- muthibus non adeò faciliter construiur. Hocce autem Directorium difficilius longè, crede, quam superiora universa, fuit constructu; atque ideo etiam multò plus ingenium meum exercuit, priusquam omnia ad effectum debitè deduxerim. Nam in reliquis Directoriis

universis leviori negotio Orbiculum indicem protinus ad canaliculam ζ , ope lamellæ alicujus combinantis, affigere licuit; verùm ad hancce cochleam longiorem, globulis armatam, hac ratione nullo modo fieri potuit. Quandoquidem dicta cochlea non uni soli Instrumento, sed diversissimis inservit, nunc Quadranti Horizont. volubili, nunc

Difficultates, que se se- servat, nunc Quadranti Azimuthali: unde ne- cessariò duos globulos volubiles efflagitavit, quò omni directioni & inclinationi, ut suo loco innuimus, absque omni

omni renixu promptissimè pareret. Adhæc hocce in Directorio Orbiculum indicem satis longè à canaliculâ κ , & lamellâ g , globulo scilicet volubili removere fuit opus: ne non dictus Orbiculus unà cum globulis se se commovere, & qua quaversum inclinare posset. Proinde ad rostrū cochleæ directricis subtiliorem vectem chalybeum / affixi, cuius extremitati Orbiculum indicem adaptavi. Sed & hoc nondum operi suffecit; siquidem hoc pacto, conversâ cochleâ directoriâ, non tantum Indices, sed simul totus Orbiculus se se converteret: sic ut nihil certi ex Indicum conversione unquam deprehendi posset. Quamobrem summâ ex necessitate priùs allaborandum mihi fuit, ut in antecesum Orbiculum, sub quâcunque globulorum directione & inclinatione, ad canaliculam κ adstringerem, ante quam Indices in Orbiculo ad metam initii dirigerentur; secùs, crede, omnis conatus foret planè irritus.

Idcirco aliam omnino viam sum ingressus, annexendo videlicet canaliculæ κ duos diversos arcus, quò Orbiculus index omni globulorum & cochleæ directioni promptè cedere, ac se se accommodare, nec non in quovis positu ab Observatore prorsùs sisti, & respectu canaliculæ κ firmari posset, atq; sic Indices, ut protinus omni tempore ad divisiones dirimendas apti essent, debitè disponi. Primò itaq; segmentum quoddam circuli $m m$ (quem arcum declinantem appellare lubet) ex chalybe ad canaliculam κ cochleolis adstrictoriis affiximus; arcus autem istius magnitudinem non pro lubitu efficere fuit licitum, sed amplitudo illius à centro globuli volubilis g , sive à cuspede cochleæ, ubi vectis ille subtilior / annexus est, dependet: hoc est, descripsi istum arcum ex punto illo, centro scilicet globuli g , tanquam centro circuli, atque sic veram ejus obtinui magnitudinem & curvaturam, huic negotio convenientem. Secundò huic circuli segmento, sive arcui m securiculam, ab unâ arcus extremitate ad alteram admodum volubilem, indidi, ut quocunque loco, ubi velis, binis suis cochleolis adstrictoriis arcui posset anniecti. Tertiò, aliud insuper arcum n (quem inclinantem appellamus) dictæ

In hocce Directorio Orbiculus index necesse est, ut sit volubilis.

Quibus ad miniculis Orbiculus index redditus sit mobilis.

Uterq; arcus, Orbiculus deferens, quæ sectione conster.

securiculæ affixi, non quidem ex circulo, sed ex sectione conicâ descriptum, notatis nimirùm quibusvis punctis in isto arcu ad securiculam *f*, quando eum per hanc securiculam ab unâ extremitate ad alteram ducis. Id quod quidem non omnis illicò, ut puto, comprehendet, sed hâc vice, temporis redimendi gratiâ, clariùs rem detegere haud nobis licuit; Tuum igitur est, negotium eò altius perpendere.

*Ad motum
globulorū ces-
siliū Orbī-
culū procli-
viter dirigi-
tur.*

Porrò hunc arcum *n* in altero illo arcu *m* aliàs mobili, per peculiarem securiculam *f*, Orbiculō affixam, traxi. Quò Orbiculus index pariter ad hunc arcum *n* horsum vorsum, sicuti arcus *n* in arcu *m*, commoveri posset, prout cochlea directrix, globulis suis armata, ejusq; inclinatio id posceret. Atque istà ratione nunc Orbiculus index aptus est ad quasvis Directiones & Inclinationes subeundas; ita ut non opus habeat, dictum Orbiculum perpetuò ad situm respectu canaliculæ *k* parallelum consistere, eumque semper eundem conservare positum, sed cuilibet semper, Orbiculum quovis modo dirigere, est in proclivi. Nam, quia securicula arcùs inclinantis *n* in arcu declinantis *m* mobilis versatur, atque hic arcus rursùs pariter in securiculâ *f* Orbiculi, utique ipse Orbiculus omni directio- ni levissimè paret, ac quovis etiam loco, beneficio cochlearum adstrictoriarum, sicuti ex Schemate 7, superioris Figuræ T* elucet, adstringi potest.

Rotularum verò artificium hujus Directorii quod attinet, planè aliâ diversâ ratione, quàm in præcedentibus, constructum est. Etenim in hocce Directorio cochlea directrix rectâ ad centrum Orbiculi procedit, non ut in reliquis Quadrantum, Sextantum & Octantum Directoriis, ad du- etum scilicet respectu disci Orbiculi parallelum. Hincq; nec rotulam aliquam coronatam, nec Indices Orbiculi ad rostrum cochlearum directricis, ut quidem in Directorio ad Num. 6 nobis obtigit, adaptare protinus potui; sed priùs peculiarem vectem, sive succulam cochleâ directoriâ com- movendam & dirigendam condere fuit necessum. Quo fine nunc longè plures axiculos & chelonias Directorio, prius-

*Artificium
rotularū quâ
ratione sit ini-
tum.*

*Plures axi-
culos & che-
lonias depo-
scit.*

priusquam eò devenirem, ut velocior Index respectu cochleæ directricis ter orbem pertransiret, adhibere sum coactus. Quam structuram ex ipsius Orbiculi postico latere quidem conspicis, quomodo nempe hæc omnia sunt adornata & instructa ; sed ob multitudinem rerum, spatiique defectum haud mihi totum negotium adeò plenè & distinctè detegere licuit. Quocircà lubens in gratiam Astronomiæ Cultorum ad Num. 8 & 9 aliquantò dilucidiùs rem omnem ob oculos ponere volui.

Genuina autem Fabrica hæc est : fruitur quidem hocce Directorium similibus duabus rotulis, unâ scilicet indice *p*, ac alterâ subditivâ *q*, nec non axiculo, 6 crenis conflato ; sed in eo discrepat, quòd rotula index *p* peculiarem cheloniam *t*, prout rotula subditiva *q* cheloniam *r*, possideat. Dein, super lamellam *t* denuò alia chelonia *u* constituta est ; quò rostrum vectis cochleæ directricis, cui rotula dentata *o* 18 dentibus adaptata est, in istâ cheloniâ *u* commoveri concederetur, atque simul à parte interiori dictæ cheloniæ *u* per pericochleam adstringeretur. Cæterum, dicta rotula dentata *o* axiculum *x*, 6 itidem striis compositum, succulæ breviori adaptatum commovet, ad cuius extremitatem alteram paullò amplior axiculus 12 crenis est affixus : qui bini axiculi *x* & *z* autem in peculiari cheloniâ *s*, extra centrum scilicet Orbiculi feruntur. Verum, quò idem hicce axiculorum motus ad centrum Orbiculi indicis deferatur, alium denuò axiculum *y* ex totidem striis, nempe 12 constructum, ad Indicem velociorem dirigidum applicui : & quoniam præcipua rotula dentata *o* 18 dentes, atque axiculus *x* tantùm 6 strias possidet, nec non axiculus *x* reliquos axiculos utpote *z* & *y* regit ; sequitur necessariò, quòd Index velocior ter orbem etiam circumeat, priusquam cochlea directrix semel circumgyretur. Alter verò Index segnior, atque res residuae quomodo instruantur ac regantur, ex superiori fusâ satis Descriptione unicuique, quò Lectorem ablego, abundè patent.

Habes itaque totam hujus Directorii structuram, sed notes velim, necessem omnino esse, ut concinnè, affabré

Tota Fabri-
ca atq; sym-
metria hujus
artificii.

In Orbicu-
lo paruer In-
dex velocior
respectu coch-
lea directoria
Orbē ter ob-
volitat.

Nisi sint ex
quisitè cōcī-
nata

*nata omnia, arenam meti-
ris.* & quām diligentissimē sint elaborata omnia, universæ sci-
licet rotulæ atque axiculi absq[ue] omni abundanti intersti-
tiolo, ne vel minimūm dentes in ullā aliquā striā vel nutent,
vel vacillent, sed ab omni parte arcte ac stricte, lenissimē
tamen ac levissimē, absq[ue] omni renixu se se invicem mor-
deant, atque incedant, planè ad similitudinem hujus nostri
Directorii, quod adeò elaboratè est fabrefactum, ut omni di-
rectioni ex nutu obtemperet, atque sic nihil in eo desiderari

Orbiculus possit. De cætero, Orbiculus index pariter tres Lingulas,
hujus Directorii similes uti superiora Directoria, possidet, estque etiam simili ratio-
*Lingulas ac Divisiones re-
fert.* ne in particulas videlicet centesimas distributus; sed aliis
diversis planè Tabulis innititur, quando ad Quadrantem
nostrum Azimuthalem, Cap. IX descriptum, pro dirimen-
dis Azimuthis hocce Directorium adhiberi debet, quæ pa-
riter non solum singula Minuta prima, verùm etiam Secun-
da distincte referunt. Diameter insuper hujus Orbiculi ma-
gnitudinem aliàs illius pro Octante æquat; quò distinctio-
nes eò dilucidiores fierent. Mensuram autem motū hujus
*Motus Lin-
gularū respe-
ctu Graduum* Directorii, debito examine peracto, hanc inveni; nimi-
rūm 24 revolutiones Lingulæ velocioris, sive 2400 part.
in circulo Azimuthali centes. integrum Gradum, atque sic 1800 45', 1200 30', &
quārū sit, & 600 part. centes. 15' confidere; hinc consequens est, 40
*quot partes in
tegrum confi-
ciant Gradū.* part. centes. unicum præbere Minutum primum, sic ut di-
stincte singula Secunda optimè obtineantur. Quo nunc
fundamento Tabulæ nostræ pro dignoscendis Azimuthis
in Quadrante Azimuthali illo nostro nituntur: Tabellas
autem ipsas hic non apposui; quippe nulli ulli Instrumen-
to, nisi huic nostro Quadranti applicari posunt.

*Uſus hujus
Directorii,
& quomodo
Quadrati A-
zimuthali ap-
plicandum.* Uſus præterea hujus Directorii hic est; affige primū
canaliculam *k* ad crus inferius, circulo Azimuthali incu-
bans, ad clavum scilicet capitatum, Regulam constringen-
tem, inter centrum nimirūm Quadrantis & circulum Azi-
muthalem, veluti jam suo loco monuimus; deinde alte-
ram canaliculam *h* ope cochleolarum adstrictoriarum iti-
dem firmiter ad limbum Azimuthalem adstringe, quibus
peractis, Orbiculus juxta inclinationem globolorum diri-
gitur, Indicesque postremò debito suo loco constituuntur,
atque

atque tum omnia ad Observationes instituendas sunt parata, adeò ut non solum Azimutha ex ipso circuli Azimuthalis limbo in ipsis Minutis, eorumque partibus Quartis, sed etiam ex hocce Directorio in ipsis singulis Secundis cognoscere egregiè valeas; verum, ut iterum iterumq; inculcem, necesse est, ut universa structura, si ex voto, summâque jucunditate singula expedire satagas, ad amussim sit fabrefacta.

Postremò, quâ ratione cochlea hæc longior, binis illis globulis volubilibus armata, unâ cum ejus distinctionum Directoriis pariter Quadrantibus verticalibus, Sextantibus, aliisque Organis aptè applicari queat, jam passim satis abundè dixi; atque ideò nolo hîc esse prolixior, cùm huic materiæ jam debito diutiùs, quâm sperabam etiam, fuerim immoratus; sed solummodo mantissæ loco hæc adjicere placet, quod quilibet Siderum Scrutator re ipsâ affatim experietur, quâm utiles & summè necessariæ sint hæ cochleæ nostræ Directoriæ cum suis annexis Orbiculis ad Observationes Cœlestes sublimiores suscipiendas, & quòd his remotis nullus unquam hocce in Observationis negotio ad eam præcisionem devenire poscit, ut ut sit lynceus, omnemque adhibeat operam. Super hæc, quod notandum, quilibet Observator etiam rudior, dummodo Directorium hocce dirigere cognoscat, ac quo in Gradu, vel limbi loco Regula consistat, etiam in tenebris, obscurissimâ nocte, candelâ omni remotâ, quanta sit Altitudo observata cum Azimutho & Distantiâ propè verum dignoscere & comprehendere in potestate habet; quot scilicet Gradibus & Minuten ad 15 usque Secunda Observationes constent. Et quidem ex hoc fundamento, quòd singula Organa singula sua Directoria, peculiaribus Tabellis instructa, possideant; hincq; exploratum habemus, quot partes centesimæ unicū Minutum primum confiant: exempli gratiâ, in nostro Sextante majori Orichalcico 102 partes centesimæ. hoc est, una penè integra revolutio velocioris Indicis integrum Minutum primum emetitur; ergò semirevolutio 30'', & quarta pars ejus 15'' exhibet. Exinde, si initio Observatio-

*Potest hac
cochlea globu
lis munita di
versis Orga
nis inservire.*

*Experientia
docebit, quâm
mirificus sit
usus horū no
strorum Di
rectiorum.*

*Quomodo be
neficio horum
Directiorum
etiam in ipsis
obscurissimis
tenebris, quâ
ta sit Altitu
do seu Distan
tia, nunquam
non cognosca
tur.*

nis Regulam ad 40' 15" constituisti, attende, dum cochleam Directoriam sinistram vel dextram versus torques, applicando digitum ad velociorem Indicem, ad initium numerorum constitutum, quam partem versus dictus Index, & quousque procedat; si integrum revolutionem peragat in consequentia, certum est indicium, ad unicum integrum Minutum Regulam esse promotam, angulumque factum esse majorem; si duas, tres, vel quatuor circumvolutiones confecerit, totidem etiam Minutis angulus amplior factus est; rursus, si in contrarium, in antecedentia nempe Index processerit, tot quoque Minutis minor est Observatio, quot revolutiones peregerit Index: quod si tantummodo Index ad dimidiā circuli sui partem fuerit progressus, non nisi 30", & si quartam solummodo partem est emensus, 15" tantum addenda habes vel demenda. Ex quibus satis clare intelligis, neminem adeò esse hebetem, qui, licet in tenebris mā nocte candelā remotā, versetur, non illicò eà ratione, attractu scilicet deprehendat, an Index sinistram, an dextram versus procedat, an integrum circumvolutionem, an dimidiā, an verò quartam ejus partem conficiat; ut adeò certissimum sit, singulas Observationes, Directorio si hocce utaris, priusquam candelam admoveas, si velis, semper Te prædicere posse. Ad quæ nonnemo, cui hocce arcanum (quamquam scienti simplicissimum sanè accidat) nondum innotuisset, profecto obstupesceret; cùm tamen, uti modò dicebam, nil planius ferè & levius, tum factu proclivius esse possit. Verū, de hisce etiam sufficiat; nimis namque diu nostris Inventiunculis immorati sumus: ad alia accedamus, quæ non minùs ad Observationis negotium nonnulla, meo quidem iudicio, sunt collatura.

C A P U T XVI.

De Instrumentis quibusdam, pro inveniendâ Lineâ Meridianâ, & explorandâ Magnetis Declinatione.

IN superiori Iconismo R minuscula quidem, & levioris constructionis Instrumenta nonnulla, egregium tamen usum

usum in Rebus Astronomicis exhibentia simul adumbrare volui: quæ in primis ad lineam Meridianam exquisitissimè determinandam maximè inserviunt. Hanc nisi probè cognoscas, nec Quadrantem Azimuthalem rectè constitueret, neque ipsa Azimutha cum Altitudinibus Meridianis & Declinationibus, nisi magno labore, temporisq[ue] dispendio determinare, multò minùs Sciatericis Horizontalibus commodè uti potes; quibus tamen ad Observations, si reliqua Automata, sive irrequieto, sive perpendiculo gaudentia, accurate ad Solis motū corrigi ac restitui debent, minimè carere possumus.

De linea autem Meridianâ investigandâ, ut ut haud pauci Eruditissimi Viri, utpote Petrus Nonius, P. Clavius, Athan. Kircherus, alios ut taceam, jam abundè, ut puto, tradiderint, quæ hoc loco repeteret, aut de iis judicium ferre nolo; nihil tamen minùs, datâ hâc occasione diversas aliquas rationes ex nostris etiam hîc commonstremus, quas profectò longè aptiores & certiores ipsâ praxi invenimus, quâm illam Clavii in Commentario super Sphæram Joh. de Sacrobusco pag. 165 descriptam. Quâ methodo primò ex uno eodemq[ue] centro diversissimi ducantur circuli; deinde, per umbram styli, ex eodem centro orthogonaliter erecti, tam ante, quâm postmeridianam sæpiùs observatam eruatur ipsa linea Meridiana; si nimirùm puncta cujusvis circuli ritè biscentur, atq[ue] linea per istud punctum, centrumq[ue] ducatur. Item Kircherus Lib. III. Artis magnæ lucis & umbræ pag. 260, adhuc alios modos diversos secundùm Grünbergerum proponit; sed omnes hâc vice, temporis redimendi gratiâ, in suo pretio relinquuntur.

Nos verò subsequentia adminicula, pro denotandâ lin  Meridianâ, quando beneficio magnorum Quadratum Azimuthalium eam eruere non libuit, hactenus adhibuimus. Quæ universim pari quidem fundamento nituntur, plurimis videlicet ex uno centro ductis circulis, quam longè amplioribus; sed nulli stylo erecto, ut olim consueverunt, confidimus. Quandoquidem illum exquisitè ad normam erigere valde lubricum est; quòd istâ ni-

*Lineam Me-
ridianam re-
cte cognoscere
plurimum in-
terest.*

*De invenien-
dâ Lineâ Me-
ridianâ pluri-
mi scripse-
runt.*

*Quâ viâ
Auctor soli-
tus est descri-
bere Lineam
Meridianâ.*

mirum ratione vetustiori, Clavii scilicet, aliorumque non nisi breviori stylo commode uti possumus, si cuspis videlicet umbræ distinctè satis determinari debeat: quò brevior autem ille est, eò res evadit incertior. Idcircò loco illius styli aliud planè remedium, quod sanè validius est, quàm stylus duorum circiter pedum, adhibemus. Adhæc non umbra, quæ semper circa extremitates evanescit; sed ipsa Solis vivida lux est attendenda: idque triplici modo fieri potest.

*Priormodus
inveniendi li-
neam Meri-
dianam.*

Primò, ligno cuidam longitudine 6 7 vel 8, latitudine verò unius digitii quadrilatero, atque normato (ut ad Num. 17, in superiori Figurâ R vides) lamella quædam cum duabus, tribusve foraminibus minutissimis, quò Sol radios suos per dicta foramina in subjectos illos circulos tracicere possit, planè ad medietatem affigitur. Erigitur autem hæc norma, quatenus lineâ suâ intermediâ, à superioribus foraminibus ductâ, in centro circulorum possit subsistere; & quidem eatenus, quò Sol simul utrumq; normæ latus æqualiter illuminet, nullamque prorsùs umbram in hanc, vel illam partem projiciat. Quâ directâ lux Solis, per quodcumque foramen trajecta, in eodem circulo, quem attingit, acu probè notatur; imò, simul per tria foramina rem eandem, sed multò tutiùs, explorare licet: idque paulò post diversis vicibus, tam ante, quàm post meridiem in diversis aliis circulis iteratur, pro diversâ illius temporis altitudine Solari. Dein, cujusvis circuli bina puncta bifariam secantur, quæ sectiones si omnes in unam eandemque coincidunt lineam, rem omnino rectè determinasti, si minùs, negotium alterà die repetendum est, donec puncta universa melius convenient; sed hæc methodus harum trium, meâ opinione, tantum est posterior.

*Alter modus
Auctoris in-
veniendi line-
am Meridia-
nam.*

Alter modus in eo certior & aptior est, quòd ad normalam ferè priori similem alteri extremitati, eiisque basi alia lamella foramine indito, sicuti videre est ad Num. 18, affixa sit; eo fine, ut trajectâ per hoc foramen acu in centrum circulorum annexatur: ita tamen, ut liberrimè circumduci valeat. Atque tum expositâ hâc normalâ in Solis partem adver-

adversam, eaque directa, ut Sol pariter utrumque ejus latus æquabilissime illuminet, ac etiam filum istud, super medianam normulæ expansum, subjectam lineam umbram suam planè attingat, radius Solis, per minutissimum foramen tractus, in debito circulo, quem attingit, ut supradicta diligentissimè notatur, & quidem saepiusculè, variata normulæ diversis temporibus, ab horâ videlicet nonâ ad undecimam usque ferè, ubi altitudinis Solaris evariatio adhuc est evidens : circa Meridiem enim, ubi altitudo Solaris minus est notabilis, Observationes admodum sunt incertæ. Hocce Instrumentulum etiamsi adeò parvum sit, ut longitudine vix 6, atque altitudine vix unum superet digitum, nihilominus stylum unius integri pedis in altitudine Solis 60 Grad. adæquat. Ratio est, quod foramen longè à centro distet ; hincque multò distinctius, cum foramen circulis immineat, Solis radium etiam monstrat. Quippe stylus unius integri pedis, ob nimiam cuspidis, umbram denotantis, remotionem, nunquam sanè tam præcisè Solis altitudinem determinabit ; ut taceam, si stylus à rectâ linea parumper, ut ut vel minimum, quod facile fieri potest, deflectat.

Tertium Instrumentum reliqua ferè antecellit, dum-
modò ritè, justeque est constructum; secùs, jugiter à vero
deflectit. Nititur autem id ipsum ferè eodem fundamento,
nisi quòd pluribus adminiculis, veram ejus directionem
respectu Solis indicantibus, gaudeat, tum diversis foraminib-
bus, quæ pro Solis altitudine, atque Poli elevatione magis
magisque nunc elevantur, nunc pro diversis anni temporibus
deprimuntur; quanquam tutius est tempore Solstitii
æstivi, quando Declinatio Solis parùm admodùm variatur,
atque extra refractionem existit, has peragere Observatio-
nes. Instrumentum ipsum ex laminâ orichalcicâ, longi-
tudine 14 vel 15 digit. latitud. verò 1*½* digit. conflatum est.
In alterutrâ extremitate, uti ex Delineatione 19 Fig. præced.
R patet, normaliter est incurvatum; rursùs ad partem il-
lius machinulæ orthogonaliter erectam, ac exsecatam alia
lamella, & quidem duplex, cardine ad Elevationem Äqua-
toris obliquè affixa est; quòd Sol radios suos rectâ semper

trajicere possit, nimis per minutissimum foramen peculiaris lamellæ, quæ alteri lamellæ illi duplii incurvatae inservit. Pars enim hæc incurvata constructa est, ut aperiri, claudiique possit, quo nunc alia atque alia lamella, alio atque alio foramine prædicta, modò strictiori, modò largo-ri, nunc altiori, nunc decliviori, prout occasio, atque descripti circelli id exposcant, adhibeatur.

In alterâ Instrumenti extremitate foramen perterebratum est, & quidem in ipsâ medietate, seu lineâ intermediâ; eo fine, ut Instrumentum ipsum in tabellâ atque circulorum centro affigi acu non nequeat. Circuli subjecti autem necesse ut sint multò ampliores, quam in præcedentibus machinulis; quandoquidem hocce nostrum Instrumentum stylum quasi duorum ferè, vel trium pedum refert: unde efficitur, quod hocce multò accuratiùs lineam Meridianam, quam illis modò descriptis minoribus definire queamus. Et quod eò magis officio suo satisfaciat, ad arctiorem extremitatem, haud procul à foramine, Pinnacidium unâ rimulâ orthogonaliter constitui; quod non solum utrumq;
Quando So-
lis lux noran-
da. latus, quando ad Solem dirigitur, æqualiter à Sole illumineatur, sed simul etiam ipsa Solis lux in lineam illam, per medietatem longioris laminæ ductam, incidere possit, quam Sol omnino attingit, quando umbra Solis ad latera penitus evanescit. Ultra hæc, quod in hujus machinamenti directionibus adhuc securiores simus, duo fila serica subtilissima, sive setas equinas eâ ratione, ut vides, adjeci, ne non ex horum umbris, in subjectas suas lineas decidentibus, directionem eò accuratiùs cognoscas. Nam maximi interest, dum has Observationes suscipis, ut Instrumentum hocce exquisitissimè Soli expositum, planumque, in quo consistit, ac circuli descripti sunt, omnino exactè ad æquilibrium sit constitutum; secùs profectò nimium quantum à vero exorbitabis. Ritè autem directum est, quando, ut diximus, umbra Solis ab utroque Instrumenti latere evanescit, Solis lux per Pinnacidium in lineam diagonalem incidit, & fila umbram directè in subjectas lineas projiciunt: atque tum Solis lumen, per foramen in circulum quendam incidiens,

*Instrumentum
necesse sit
exquisitissimè
constitutum.*

dens, acu diligentissimè notandum est, & quidem toties, quoties volueris, tam ante, quàm postmeridiano tempore, prout jam suprà significavimus; sicque ritè peractis omnibus, habebis lineam Meridianam adeò exquisitè determinatam & descriptam, quoad fieri ejus generis Machinulis unquam potest.

Hàc nunc occasione, quà commonstrare volui, quibus machinulis hactenus solitus sum investigare Lineam Meridianam, tam pro Sciatericis, Instrumentis, quàm etiam eruendà Magnetis Declinatione, simul etiam indicare volui (id quod nonnemini fore gratum puto) quantam hoc tempore hìc Gedani habeamus Magnetis Declinationem. Etenim, prout ferè omnibus Eruditis jam innotuit, directio nempe Magnetis nullibi ferè, paucissima loca si excipias, constans est, sed in quovis totius globi Terreni loco aliter atq; aliter variatur, nunc hìc ortum, nunc ibi occasum versus à Septentrione acus Magnetica, quocunq; Magnete etiam illa sit roborata, sive affricta, deflectitur, ita ut raro admodùm strictissimè Septentrionem respiciat; imò, si nonnunquam id accidat, paullo tamen post, elapsis aliquot annis immutatur, atque sic ferè in perpetuo versatur motu, sed, uti videtur, oscillatorio, & quidē ut plurimum variabili: quemadmodùm Recentiores præ cæteris aliquantò curiosiores variis in locis, hocce præcipue currente seculo, jam quadam tenus præsenserunt. Verùm, cùm res illa nondum ubique plenè sit detecta, atque rei Nauticæ, id rectè scire, plurimum conducat, optandum foret, ut hocce negotium ubivis locorum majori quodam conamine, quàm hactenus, à Strenuis Rerum Naturalium Scrutatoribus susciperetur; non dubito, quin sic successu temporis res illa clariùs dètegeretur, si non penitus ipsa causa, unde nimirùm hæc deflexio & variatio Magnetis exoriatur, saltem motus, atque limites ejus per totum Terrarum Orbem magis magisq; innotescerent. Quò autem Rerum Naturalium Indagatores eò magis ad hoc agendum excitentur, lubens nostras quales quales Observationes etiam hìc in parte, quas intra 30 annos fermè habui, hìc apponere volui; ne non nesciat Posteritas, qua-

*Declinatio
Magnetis fe-
rè ubivis lo-
corum varia-
tur.*

*Declinatio
& variatio
Magnetis nō-
dum plenè per
totum Orbem
Terrarū dete-
cta.*

*Autoris Ob-
servationes
circa declina-
tionem Ma-
gnetis habita-
tas.*

lisnam fuerit acūs Magneticæ etiam hīc Gedani hoc nostro ævo variatio, & quousque nunc à Septentrione Occasum versùs discedat, tum eò procliviùs comprehendat, quando cursum suum rursùs vertet.

Scripsi autem eādem de re anno 1670, die 5 Julii Epistolam ad Celeberrimum Virum Henricum Oldenburgium, Illust. Regiæ Nostræ Societatis Secretarium Londinum ; in quā cùm omnia & singula satis plenè jam exposuerim, volui *Epistola Au-
toris ad Ol-
denburgium
Reg. Soc. Secr.* eam ipsam hīc annexere : Nuper (anno videlicet 1670) die 22 Julii st. n. circa Solstitium inquisivi rursùs Declinationem Magnetis, quam anno 1642 ante viginti octo annos pariter summā industriā hīc Dantisci observaveram, simul eo tempore etiam mecum, sed Regiomonti, Clariss. Albertus Linnemannus, Professor olim ibidem Mathefeos ; ambo invenimus, acum Magnetis eo tempore Occasum versùs ad 3 Grad. 5 Minut. à Septentrione deflectere. Nunc verò res se se longè aliter habet, quippe Declinatio, quam studiosissimè investigatum ivi, ad 7 Grad. 20 Minut. eandem plagam versùs nunc omnino vergit ; sic ut 28 annorum spatio ad 4 Grad. 15 Minut. aucta fuerit. Anno 1635 eam deprehendi tantummodò duorum Graduum, & anno 1628, si rectè memini, unius propemodùm Gradùs, nempe ad Occasum.

*Declinatio
Magnetis
qualis exti-
rit An. 1635
Dantisci.* Quam Declinationem tamen initio hujus seculi, vel exente priori ad Ortum, & quidem ad 8 Grad. 30 Minut. extitisse Clar. Petrus Crügerus, Præceptor olim meus plurimùm venerandus constanter asseverabat, imò etiam eā Declinatione, Ortum scilicet versùs, in describendis Sciaticis semper usus est, prout ex opusculo ejus, quod de Sciaticis conscripsit, luculenter videre est. Ex quibus colligere datur, Magnetem olim hīc Dantisci Ortum versùs ad 8 Grad. 30 Minut. declinasse (sed à quo, & quo anno id observatum sit, id mihi non adeò certò constat) nunc verò anno 1670

*Anno 1670
longè fuit im-
mutata.* Occidentem versùs ad 7 Grad. 20 Minut. excurrere. Deinde ex nostris recentioribus Observationibus haud obscure etiam liquet, Declinationem hanc Magnetis hīc Dantisci

*Singulis an-
nis quanta sit
Magnetis va-
riatio.* singulis ferè septenis annis, vel accuratiùs loquendo, annis scilicet 6 & 7 Mensibus ad integrum Gradum, atq; sic uno

anno

anno 9 Minut. 6 Secund. excrescere. Id quod satis super-
que Anglorum Observationes, Lymhousii prope Londi-
num primò à Clarisf. Burrusio anno 1580, deinde à Clar. Gontero anno 1622, & denique à Clar. Gillebrando anno 1634 habitæ confirmare videntur. Primus namq; Declina-
tionem 11 Grad. 16 Minut. ; secundus 5 Grad. 56 Minut. 30
Secund. ; tertius verò 4 Grad. 3 Min. 30 Sec. nimirùm ad
Ortum deprehendit. Ex prioribus duabus Observatio-
nibus annorum scilicet 1580, & 1622 provenit motus pro-
gressionis annuus 10' 37''; ex Observationibus verò anno-
rum 1622 & 1634 idem motus annuus saltem fit 9' 25''.
Unde motum hunc annum hoc tempore quasi decresce-
re mihi subolet ; præsertim, cùm ex meis Observationibus
annorum 1642 & 1670 habitis, hunc motum tantummodo
nunc esse 9' 6'' liquidum sit. De reliquo autem certissi-
mum est, variationem Declinationis Magnetis etiam in uno
eodemque dari loco, ut nemo amplius hâc de re dubitare
possit. Quousque autem hæc deflexio progredietur, &
quo loco, quâve in distantiâ à vero Meridiano ipsi Declina-
tionis lateant limites, Observationes sequentium annorum
docebunt : in primis, num hæc libratio & variatio omni
tempore, & ubivis locorum futura sit eadem, & sibi omni-
nò constans ? adhæc, utrùm fiet retrograda ? an verò &
quamdiu mansura sit stationaria ? quæ omnia, ut rectè suo
tempore per totum Terrarum Orbem detegantur, animitus
opto. Quid Vos verò hactenus in eâdem materiâ depre-
hendistis, quæso communices, præsertim, quanta hoc tem-
pore Londini sit Magnetis deviatio, & quorsum vergat ;
ego, si ex superioribus Observationibus tam Vestris, quâm
nostris divinare liceat, ausim dicere, hoc anno eandem
Declinationem, quæ anno 1634, 4 Grad. 3 Minut. 30 Sec.
extitit ad Orientem, nunc esse hoc anno ad Occidentem,
& quidem 2 Grad. propemodum. Num autem probè di-
vinem, vel quantum à vero aberrem, ex Vestris Observa-
tionibus, modò habitis, accuratè patebit.

*Observatio-
nes Anglorū.*

*Motus Dei-
clinationis ut
detur prope-
modum decre-
scere.*

*Progressus
temporis plu-
ra detegetur.*

*An Aucto-
r propè augu-
ratus sit, An-
gotorum Ob-
servationes
docebunt:*

JOHANNIS HEVELII
CAPUT XVII.
De Horologiis.

Universis Astronomiae Cultoribus abundè affatim est compertum, Rerum Cœlestium Observationes omnino exquisitissima, & ab omni parte absolutissima Horologia sive Automata, tam ad Eclipses, transitus, occultationesque Siderum accuratissimè quovis tempore definendas, quam etiam motum Planetarum rectè determinandum exposcere: quandoquidem non semper per Altitudines, Azimuthaque Solis atque Stellarum, nec non transitus per Meridianum tempora investigare datur; nec Instrumenta omni tempore præstò sunt, quibus debitè id eruere liceat. Id circò jam olim, utpote Ægyptii, aliquique, quò Dies Horasque certà quadam ratione probè definire ac distinguere possent, maximè allaborarunt. Idque primùm Hydrologiis, sive Horologiis aqueis, de quibus apud Cleomedem, Proclum, aliosque Juniores videre est, tentarunt; sed illo artificio neutiquam omnium horarum æqualitatem, temporumque commensum obtinuerunt, nec Cœli ductum præcisè assequuti sunt; licet in conficiendis & adornandis istis Horologiis nulli pepercérint labori: quemadmodum Nicol. Cabæus Lib. II Quæst. 13 egregiè nobis hâc in parte adstipulatur. Nec Clepsydræ, ex quacunq; arenâ etiam minutissimâ conflatæ fuére (prout inter alios Capella, Rivaltus, aliquique adstruunt) singula Minuta, horæque partes æqualiter omnino mensurant: sicuti pleniùs, si hujus loci esset, haud magno negotio possemus commonstrare.

Quare Sciaterica, quorum nonnulla simul in ipsis Minutis distinctè divisa possideo, licet omni artificio, & summâ subtilitate sint confecta, omnium tamen inæqualitatum haud sunt immunia; eò quòd tam subtiliter distinguiri in minutissimis particulis, ut & umbra Solaris adeò accurate notari nequeat; præprimis ob refractionem Solarrem, quæ in omni altitudine non semper una eademque est, cætera ut taceam. Quippe circa Horizontem in depressionibus sitibus ad semi-gradum ferè excurrit, in elevioribus
verò

Ad Observaciones plurim conseruantur horologia exquisita.

Veteres variis modis allaborarunt di- es horasq; ri- tè distinguere.

Quare Sciaterica non omnimodo satisfaciens Observationibus.

verò Solis Altitudinibus successivè paullatim decrescit, tandemque penitus evanescit; unde in Sciatericis ipsa umbra notabiliter nonnunquam diversimodè depravatur; ita ut dicta Sciaterica in Minutis primis, nedum Secundis, prout quidem Observationes Cœlestes id efflagitant, officium suum minimè præstent: quemadmodùm etiam Tycho omnino nobis hoc in negotio assentitur, ut legere est pag.

148 Lib. I Progymnasm. : *Et quamvis (inquit) tam Illustriss.* Tycho An-
Princeps, quàm ego, in hoc plurimum elaboraverimus, ut horologia quæ= etors adspicu-
dam correctissima, non saltem horas, sed & Scrupula prima & secunda latur.
constantí lege indicantia confieri curaremus; tamen multas ob causas adeò
præcisa, atque Cœlesti normæ omni tempore perpetuò & æquali ductu cor-
respondentia hæc esse nequeunt, atque in tam subtili negotio necessarium
est.

Reliqua verò Automata, quæ ex rotulis crenatis, irre-
quietis, elateribus, catenulis, cochleis & quatoreis sive pon-
deribus progresu temporis sunt constructa, quorum fabri-
ca, ut mirè est ingeniosa & artificiosa, sic maximoperè toti
Orbi utilis, & commodissima; hæc, inquam, sunt diversi
generis, atque de die in diem nimium quantum absolutio-
ra sunt redditæ; nihilo tamen minus æquabilissimum pe-
nitùs motum edere, eumq; conservare haud sustinent. Mo-
dò enim hâc vel illâ horâ, modò ab initio, modò in medio,
modò circa finem cursum suum retardant, vel contrà, illum
concitant. Nam pro variatione aëris, intensiori nimirùm
æstu vel frigore nunc sic, nunc aliter commoventur, tam
rotulæ circulatim currentes, quàm axiculi, libramenta (de
quibus fortè postea pleniùs) cujuscunq; etiam Præstantis-
simi Artificis & Automatarii operâ, & dexteritate Horo-
logia illa sint constructa, diversimodè agitantur; sic ut hæc
quoque Automata alterationem aliquam, motusq; diversi-
tatem facile admittant: quemadmodùm & ipse ego haud
minùs à plurimis annis circa Observationes nostras abun-
dè sum expertus, licet nunquam non id maximè evitare
fuerim conatus. Èa gratiâ non solum plurima, & quidem
diversæ constructionis, diversæque magnitudinis horolo-
gia, tam beneficio ponderis, quàm elateris mihi artificiosè
Nec automa-
ta, cuius-
cunq; generis
erum sunt, &
quabilissimi
motum omni
tempore con-
servare pos-
unt.

Id quod Au-
ctor pariter
satis superq;
est experim.

fieri curavi, quæ adhuc penes me sunt, sed omnem etiam operam, quam quis unquam, absit jactantia, potuit, adhibui, ut ea corrigerem, restaurarem, ac menda universa inæqualitatis tollerem; verum, ut omnimodè, omniꝝ tempore & loco mihi satisfacerent, eò redigere neutiquam illa potuimus.

De quâ inæqualitate horologiorum etiâ Tycho jam olim cõquestus est.

De quâ Horologiorum inæqualitate jam olim plurimi Præstantissimi Viri conquesti sunt, in primis Tycho Brahe, prout jam partim percepisti, partim ex citandis clariùs adhuc patebit. Inquit enim pag. 428. Lib. II Progymnasm.: *Quâ in parte (in determinando scilicet vero tempore) quam proclivis ad errandum fuerit via, non ignorant, qui horologiorum etiam eorum, quæ singula Scrupula subtiliter dispartiunt, confectionem & usum diuturnum sibi familiarem reddiderunt.* Licet enim omnia exactissima qualitatē horologiorū plurimum conservata, amissi affabré in iis elaborentur, nihilominus vel sola alteratio aëreæ qualitatis motum inæqualem suggerere, & latentem errorem insinuare potest; ita ut singulæ horæ sibi ipsis invicem exactè æquales non evadant, ut ut forte aliquando omnes 24 absolutæ, & simul sumtæ revolutioni Solis diurnæ satis aptè correspondeant, quamvis & hoc rarissimè per aliquot continuos dies ita præcisè concedatur, ut non unum vel alterum Scrupulum prius officio suo faciat. *Automata* non omnimo satis faciat. *Omnia* à justâ restitutione excidat: hæc ille, & quidem rectè. Omnia enim reverà ita nobis Observatoribus eveniunt, ut extra omnem sit controversiam, quod istis nudis Horologiis dentatis, sive vi ponderis, sive elateris moveantur, in ipsis Minutis, Minutorumque particulis minutissimis inniti minimè possimus.

Tycho variis modis horologia ad aquilatatem reducere tentavit; sed frustâ.

Tentavit quidem insuper Nobilissimus Tycho, pro summâ suâ in Rem Astronomicam propensione, magno conatu, nullis sumptibus parcens, quod beneficio Mercurii vivi, ter vel quater sublimati, ut & Saturni, à fôrdibus bene defæcati, atque in subtilissimum pulverem calcinando reducti, Horologia quædam, tempora æqualiter omnino, tum constantissimè mensurantia, construeret; sed omnis conatus penitus fuit frustaneus; ut ipse pag. 151 Lib. I Progymn. ultrò fatetur: *Verum enim verò (inquit) ut id, quod res est, dicam, non saltem vafer ille Mercurius, quemadmodum & in Cœlo Astronomos, & in Terrâ Chymistas eludit, conatus quoque nostros irritos reddidit: sed*

¶ gravis ille aliasque constans *Saturnus* à subdolis suis, clandestinisque moribus nihil remisit, & ut ut laboriosus, laborem tamen omnem tergi-versabatur.

Hinc luculenter fit manifestum, neque Tychonem, neque nos ejus Successores ullo modo talia Horologia, quæ omnimodam temporis æqualitatem ostenderent, atq; conservarent, nobis comparare adhuc quivisse. Ego quidem ab ipso mearum Observationum initio, ab anno scilicet 1630 & 1640 diversissima Rebus Cœlestibus adhibui Horologia, partim pensilia, quiescentia, & portatilia; atque hæc rursus diversæ compositionis, magnitudinis & figuræ, quam horas integras, tam etiam Minuta & Secunda singula commonstrantia; imò Clepsydras nonnunquam adhibui, singula Minuta satis præcisè indicantes, tum etiam venarum pulsus vocavi in auxilium. Sed, verum ut fatear, nullum unquam Horologium repérire potui, quo cunque artificio etiam illud fuerit conditum, licet etiam duplii irrequieto gauderet, quod omnes anomalias absolutissimè evitaret.

Proinde anno fermè 1640, percepto ex Ingeniosissimi Galilæi de Galilæis Dialogo de Systemate Mundi; Perpendiculi vibrationes, seu magnas, seu parvas eadem semper frequentiâ fieri, atque ita motum Perpendicularorum tam longissimorum, quam brevissimorum æqualem omnino esse, sive maximo, sive minimo agitentur motu; atque ita certissimè atque exquisitissimè reverà temporum intervalla posse determinari. Idcirco eo tempore frequentius etiam funependula Observationibus adhibui: sicuti ex Observationibus nostris tam Eclipsium, quam Occultationum, anno 1640 & 1650 habitis, videre est. Anno 1649 in anno tandem Eclipsi Lunari Perpendiculo usus sum tantâ longitudine, cujus oscillationes 43: adæquabant integrum Minutum primum. Alia etiam longiora & breviora interdū habui; quorū nonnulla 60 oscillationes unicum tantum Minutum conficiebant, atq; sic unica vibratio unum Minutū secundum constituebat. Hæc autem Perpendicula à Studio-
sis quibusdam diligentissimè, quamquam magnâ molestiâ

Frustrâbas
tenuis idem
conatis sunt a-
lii.

Aucto nul-
lum unquam
invenit horo-
logium quod
omnes inqua-
litates pror-
sus exueret.

Aucto tan-
dem funepen-
dulum Obser-
vationibus ad-
hibuit.

Quâ nimis
rum ratione.

ac solicitudine, & numerabantur & annotabantur. Initio autē cujuscunq; Observationis, nec non toto Observationis tempore sæpius observare solitus sum Altitudines Solis, & Sciaterica die nimirūm, nocte verò altitudines quarundam Stellarum, quò oscillationes ad Cœli ductum correctissimè adstringerentur ; atq; sic deinde peractis Observationibus universa tempora reliquorum Horologiorum exactissimè corrigerentur. Hoc modo multò tutiùs & accuratiùs vera elicui tempora, quām ex nudis quibuscunq; Horologiis & Automatis. Hincq; eo tempore in eam adductus sum sententiam (prout etiam res se se omninò ita habet) hanc rationem tempora determinandi, cùm pendula eodem semper ferantur motu, esse aliarum certiorem ; quemadmodum id publicè etiam in Epistolâ ad Clar. Eichstadium anno 1649 editâ contestari haud sum veritus. Has enim Perpendiculi oscillationes, si rectè applicentur & administrentur, in tempore commonstrando palmam omnibus Automatis præripere asseverabam.

Negotium erat molestum vibrationibus assidere, easque consignare. Vibrations autem horum Perpendiculorum assiduè, nullâ interjectâ morâ, in omnibus Observationibus & exquisitissimè numerare & consignare, erat res laboriosa & fastidiosa, totos scilicet dies, totasque noctes isto negotio consumere, & magnoperè attendere, ne ulla aliqua oscillatio hoc vel illo tempore negligeretur, vel in iis adscribendis error aliquis committeretur. Ideoq; statim initio anni

Auctor initio conatus est numerationis molestiam evitare. 1650 maximè, quò oscillationes absque numeratione illâ molestissimâ Observationibus applicaremus, solliciti fui- mus ; nimirūm ut se ipsas præcisè numerarent, atq; quo- vis tempore numerum distinctè ostenderent. Id quod au- tem mihi principiò valdè arduum videbatur ; prout etiam alicui alteri res hæc multi laboris & operæ videri potuis- set, id ipsum absque ullâ aliquâ præcognitione ad effectum producere ; nihilo tamen minus & hæc res, Divinâ adspira- rante Gratiâ, feliciter denique successit, hoc quidem modo : loco ipsius ponderis certum quoddam minusculum machi- namentum funiculo sive catenulæ appendi, quod pecu- liari arte erat constructum, nimirūm rotulis, certisque plu- mulis,

Quâ viâ id aggressus.

mulis, sive lamellis cæsilibus & resiliensibus, globuloque quodam cessim volubili, quorum beneficio, commoto videlicet Perpendiculo, vibrationes illicè ex Orbiculi exterioris Indice, eidem machinamento affixo, innotecebant. Ita, ut vibrationes posthac continuò numerare haud opus esset, cum sponte suâ pendulum suas quasque commotiones & oscillationes & numeraret, & omni tempore ostenderet; pariter ut Horologia ex suis Indicibus horas atque Minuta. Id quod profectò longè faciliùs quam singulas vibrationes computare & annotare, Observatoribus accidebat.

Verum, nec in his tum temporis acquievi, sed animo tum volvebam, quomodo efficerem, ut dictum Perpendiculum, quod jam suas oscillationes & numeraret & ostenderet, à potentia quâdam vel extrinsecâ, vel intrinsecâ ultrò, absque omni manuum vi atque commotione, posset commoyer: sic enim hocce funependulum multò accuratius & absolutius reddi posse sperabam. Quò autem opus istud eò procliviùs, ut putabam, succederet, loco funium, chordarum sive catenularum vectem subtilem chalybeum, haud usque adeò crassum sex circiter pedes longum adhibui, cui dictum istud machinamentum in inferiori extremitate annexi. Hujus vectis altera extremitas superior super cardinem erat volubilis; ita ut nonnisi in duas plagas Cœli obversas commoveri posset. At cætera pendula sæpiùs ad latera deviant, & nunquam fermè eundem semper tenent ductum. Hocce perpendiculum, ex illo vecte chalybeo, & machinamento illo constructum, peculiari artificio eò deducere cogitabam, quò etiam se se ipsum absq; ullis manibus, ut modo dicebam, posset commovere, atque in motu continuo detinere; sic ut non solum numerum oscillationum, sed & horas, Min. & Secunda singula ostenderet. At verò, cum hocce negotium jam ipso opere suscepissem, en ecce, Artifex & Automathurgus meus, alias in suâ arte peritissimus, fato fungitur. Hincque coactus, cum nonnulla majorum meorum Instrumentorum, utpote Quadrantem, Sextantem & Octantem nondum omnimo-

Auctor an-
nixus est, ut
funependulu
se ipsum com-
moveret.

Auctor, cum
in ipso opere
esset, Automa-
thurgus, cui
rem ista com-
miscerat, mo-
ritur.

dè perfecerat, Socium ejus, natione Suecum, hominem Rei Automatariæ benè gnarum in domum meam recipere; quò ejus operà tam dicta Instrumenta, quām istud Perpendiculum feliciter ad finem perducerentur. Isto itaq; cum Sueco dictum Perpendiculum resumpsi, quò tandem & se commoveret, & temporum momenta, uti diximus, sponte suā exactissimè commonstraret. Initiò quidem Automatarius ille ægrè admodùm induci poterat (penitus nempe persuasus, id factu vix esse possibile) ut opus istud susciperet; attamen, cùm id serio urserim, meisq; impensis tentaverim, tandem manus, felicissimo etiam successu, operi admovit, ut in Horologium, absq; tamen irrequieto, elatere, pyramide æquatoreā, chordā huic circumvolutā vel catenulā, solo videlicet pendulo, uno pondere, paucisq; tantū rotulis dentatis concesserit.

Primum horologium vibratorium, quod hic Gedani confectū est, Auctōr Regi Poloniae ob-tulit.

Hujus generis dictus Automatarius, dum per aliquot annos in ædibus meis atque continuo opere vivebat, bina denique Horologia pendula fabricavit; majus duobus tantummodo rotulis crenatis, alterum quatuor affixo pondere constructa sunt. Quorum minus Serenissimo Casimiro, Regi Poloniæ, eo tempore Dantisci commoranti, ædesque meas tum cohonestanti, cùm viderem Regiæ Majestati inventiunculam illam nonnihil arridere, humiliè ac debite obtuli. Postmodùm, actutum aliud ejusdem ferè generis, nisi quòd pendulum ex parte immutatum fuerit, construendum dedi; id quod adhucdum in illius rei memoriam probè apud me conservo.

Celeberrimus Hugenius cōstrūtio-nem horologio rum cum pen-dulis primus in lucem pro-tulit.

Eodem ferè tempore, dum ista duo Horologia cum pendulis sub manibus Artificis versabantur, necdum penitus erant absoluta, (rariùs enim Artifici à perficiendis præcipuis Organis Astronomicis illis majoribus, ad consummandum hocce opus vacabat) accidit, ut Celeberrimus & Ingeniosissimus Christianus Hugenius similia Horologia, pariter felicissimo ausu, anno 1657 adinvenerit, paullò quoque post, anno videlicet 1658 illud ipsum, maximo Rei Literariæ bono, delineatum evulgaverit, de quo ipsi maximo perè gratulor. Nam præstantissimum hocce Inventum insigne

insigne remedium omnibus nunc Automatis hactenus confessis præbet, atq; maximam inæqualitatum earum partem tollit, tam quæ in libramentis, quam axiculis, plumulis atque rotulis delituerunt.

Quamobrem hæc nunc recens inventa Horologia perpendiculari confecta, sive pondere, sive elatere constructa, reliquis omnibus longè præfero, sive catenulâ atque tympano, pyramide æquatoreâ, lamellis cessilibus, aut ponderibus, sive etiam duplii libramento, decussatim se se transverse, fuerint constructa; non attento, sive sint pensilia, vel quiescentia, vel illa minora portatilia, cujuscunque etiam illa fuerint fabricæ. Universa enim & singula Horologia, ut suprà tetigimus, constantem & æquabilissimum motum in temporum dimensione nullum planè exhibit; licet nonnemo, qui Horologiis redintegrantis parùm admodum operam dederit, aliter fortè sentiat: posse nimirùm, dummodo Automata exquisitissimè fuerint fabrefacta, ad omnimodam æqualitatē ea deduci. At fateri oportet, mihi nondum licuisse adeò esse beato, quamvis plurima possideam, inque iis haud parum operæ à plurimis annis locaverim, ut vel unicum Horologium ejusmodi obtinuerim, quod voto meo absolutissimè respondisset. Vix dici potest, quantum sanè temporis perdiderim illis minoribus Automatis portatilibus rectificandis, sed nihilominus omnis labor semper fuit irritus; siquidem nunquam illa ad eam rectitudinem deducere valui, ut ab omni parte vel latere, sive sic, sive aliter inclinent ac resideant, semper eundem Solis observant motum. Si ad Sciaterica illa corrigas dum pendent, rursùs exorbitant dum quiescunt inclinando, & quidem longè diverso modo, prout in hoc vel illo latere consistunt: nunc in hoc Horologii situ motus ad plurima Minuta intenditur; è diverso in alio aliquo situ transverso aliter atq; aliter retardatur. Imò, etiamsi ab uno eodemq; latere perpetuò dependeant, atque nunc sint correctissima, paullò tamen post, motum aut accelerant, aut inhibent, faces sunt que tantum negotii Curiosis, inquam, Cœli Metatoribus, ut continuò ferè correctioni, ad nauseam usque, operam dare oportet.

*Horologia
vibratoria re-
liquis omni-
bus præferen-
da.*

*Reliqua ho-
rologia batte-
nus usitata
nunquam ad
omnimodam
æqualitatē de-
duci possunt.*

*Id quod Au-
tor longè ex-
perientiā af-
fatim exper-
tus est.*

oporteat. Quænam autem harum inæqualitatum præcipuæ sint causæ, leviter quidem investigari ac indicari possent; sed cùm nimis longum foret, tum hujus non sit loci, eas nunc præterire cogor.

*Horologia
vibratoria, ut
ut reliquis lon-
gè sunt perfe-
ctiora; atta-
men omnimo-
dè non sunt
absoluta.*

At verò Horologia hæcce, pendulis confecta, nimium quantum sunt reliquis perfectiora; attamen planè & omnimodè haud sunt adhuc absoluta, nec motum diurnum omnino perfectissimè assequuntur, ut quidem Observatio-nes Cœlestes pleræq; id sibi exposcunt, non obstante quis aliter fortè hâc de re sentiat. Ego, quanquam diversissima ejusmodi possideo, quæ magnâ diligentia affabré sunt elaborata; continuo tamen usu hactenus sum compertus, et iam hæc pendula nondum constantissimè progresu temporis adæquare absolutissimum Siderum meatum. Pendula quidem vibrationes longè æquabiliores edunt, quàm irrequieta vel libramenta, cujuscunque etiam sint generis; nihilo tamen minus raro admodum contingit, ut in ipso Minuto, nedum Secundis, elapsò 24 horarum spatio, cum motu Cœlesti exquisitissimè incident. Hoc die enim sic, altero aliter in quibusdam particulis à vero motu, nunc in defectu, nunc excessu deficiunt. Id quod quidem haud pendulo, sed oleo, æstui, frigori, aériq; adscribo. Nam ille quo est levior & subtilior, densior & gravior, humidior & siccior, sic profectò & hæc Horologia variari in minutissimis quibusdam particulis oportet. Quippe, cùm aér in continua ferè versetur alteratione, fieri aliter profectò non potest, quàm ut etiam hæcce Automata, quantum etiam sit, varientur. Unde certo certius affirmare possum, diversa licet ejusmodi pendula artificiosè constructa possideam, eaque etiam singulis diebus, quoad fieri potest, integra ad motum Cœlestem conservem, nunquam tamen, cùm exactiori trutinâ rem examinaverim, per integros aliquot menses omnimodam æqualitatem sustinere valuerunt; sed hocce nunc cursum suum ex parte concitavit, nunc illud rursùs retardavit. Tantoperè, ut abundè mihi sit exploratum, Observationes sublimiorum Rerum Cœlestium in illis rebus abstrusioribus & subtilioribus, ut ut hæc Horologia

*Cur dicta ho-
rologia non
possint omni-
modè omnes
exuere ano-
malias.*

*Non posunt
penitus accu-
ratisimè lon-
gitudines loco-
rum*

gia, pendulo constructa, longè meliora sint reliquis omnibus, ut modò dicebam, haud adeò securè tamen illis peragi posse, ac si nunquam planè à recto tramite, Siderumque cursu, ut quidam forsitan autumant, deviare possent.

Videntur utique nonnulla in Theoriâ esse absoluta, quæ tamen in Praxi postmodùm longè secùs se habent. Spes quibusdam erat, pendulorum horum Horologiorum beneficio differentias Meridianorum, sive longitudines locorum exactè tandem detectum iri; sed opus hocce èà scilicet ratione, meo quali quali judicio, nunquam sanè ex voto succedet, præsertim in longissimis illis itineribus maritimis, quando semel vix intra aliquot menses Terram attingimus. Quomodo quæso Horologium istud oscillatorium in navigiis initio adeò accuratè ad Solem, vel Cœli motum componendum est; imò concesso, id primâ vice, priusquam navim ascendas, fieri posse, at quomodo, cùm motum omni tempore omnino constantissimè nullâ ratione, uti percepisti, præcipue in tantâ diversissimâ navigii commotione conservet, id redintegremus. Secundùm Magnetis ductum id factu est impossibile; deviationem quippe Magneticam ubivis locorum nondum satis habemus cognitam, multò minùs ejus variationem annuam. Si dixeris, id beneficio pyxidis nauticæ, sive alicujus Sciaterici, vel etiam Astrolabii, quale Nautis plerunque est in usu, vel per ortum & occasum Solis id fieri posse, longè longèque aberra. Siquidem & illa tentamina adeò sunt lubrica, ut in Minutis & Secundis illis ipsis nihil quicquam sit tribendum. Sciaterica illa longè sunt minora, quām ut possint tempora correctè admodùm commonstrarare; & posteriori illo Astrolabio, ut taceam reliquas rationes, ob Elevacionem Poli illius tum loci dubiam, quam in navi nullo modo adeò præcisè obtainere possumus (cùm eam ipsam in loco firmiori exquisitè determinare sanè artis sit) minimè quoque rem tantâ subtilitate, ut quidem debet, assequi possumus. Si putas, Observationes majoribus Organis & Quadrantibus esse administrandas; quomodo quæso illud ipsū in navi, quæ in perpetuo versatur motū, ad Sidera exponi,

*rum his pen-
dulis perve-
stigari.*

*Difficulta-
tes, ob quas ne-
gotium Longi-
itudinis ex ho-
rologiis vibra-
toriis succede-
re nequeat.*

*Horologia
oscillatoria
in Navigiis
rectificari ne-
queunt.*

dirigiique poterit; profecto, non solum in quibusdam Minutis, sed ad semi-gradum, si non integrum, ut ut omnem adhibeas diligentiam, à vero discedes, nec unquam ex calculo verum elicies tempus, etiamsi exquisitissimè Altitudinem etiam obtinuisse; cùm illius loci elevationem Poli non habeas correctam, nec in tantillo temporis intervallo investigare eam possis. Proinde, quoniam Horologium oscillatorium reverà per plurimos dies continuos, nedum aliquot Menses semper æquabilissimè omnino & constans tempora in ipsis Minutis, ne dicam Secundis indicare haud valeat, neque per Sciaterica, quæ suas etiam, ratione refractionum Solarium & lineæ Meridianæ lubricæ constitutionis, patiuntur diversitates, neque per acum Magnetica, multò minus per Instrumenta, cujuscunque etiam sint magnitudinis & constructionis, in navi redintegrari ullo modo, ut quidem hocce negotium sibi requirit, adeò exquisitissimè queat: quid igitur in Longitudinibus locorum obtinendis beneficio horum Horologiorum nobis promittendum.

Auctor non desperat, posse progressu temporis correctiora forte abduc inveniri horologia.

Attamen indubitatum est, & negari à nemine profecto debet, Horologia vibratoria omnium aliorum, quæ unquam hucusque constructa fuere, esse certiora & æquabiliora; num verò præstantiora adhuc progressu temporis adinveneriantur, non ausim quidem promittere, non tamen planè desvero. Etenim, etsi dicta pendula perpetuo & constans ductu motum Cœlestem æmulari nequeant, attamen possunt Horas, & per consequens etiam ipsa Minuta & Secunda æquabilius dimetiri. Nam reliqua Horologia nunc initio, nunc in medio itinere, nunc circa finem temporis aliter atque aliter commonstrant; id quod nunquam non quām reliqua automata & horologia.

Longè aquabilius pendula dimicuntur tempora, quām reliqua automata & horologia.

Possunt quoque circūs corrigi.

Observationes maximè involvit. Ultrà hæc, possunt utiq; etiam dicta Horologia oscillatoria multò procliviùs redintegrari, licet quandoque exorbitent, quām cætera, ratione vetustiori confecta. Quippe, si unicam solummodo Horam emendas, unā vice omnes 24 Horas simul æquabiliter rectificasti, id quod in cæteris fieri sanè haud potest. Namque illius Horologii oscillatorii redintegratio in solo perpendiculari

culo, ejusq; pondusculo, dum id velelevatur, vel deprimitur, consistit; at in reliquis modò in elatere, lamellis cæsilibus, modò in dentibus rotarum, axiculis striatis, modò in libramentis sive versatilibus, modò in pyramidibus æquatoreis, reliquas partes ut præteream, vitium latet; quod adeò facilè nec deprehendere, nec corrigere datur: imò, licet id etiam tandem longo elapso tempore animadvertis, vix tamen sæpiùs ab omnium præstantissimo Artifice tam præcisè, ut progressu temporis constanter semper suam servet rectitudinem, eundemque motùs tenorem, potest eliminari.

Quocirca omnibus Rerum Cœlestium Scrutatoribus, qui aliquid solidi & accurati ex Cœlo depromere satagent, suasor sum, ut nulli Horologio plùs, quàm huic oscillatorio tribuant. Hocque ipsum illi etiam præfero, quod duobus irquietis, decussatim se se transeuntibus, gaudet; quanquam & hoc commodè uti possumus; ego ejus generis quoddam possideo, quo nunquam non optimè sum contentus, quodque officio suo abundè satisfacit, nec non satis æquabilem ductum sustentat.

Cæterùm concessò, Horologia universa nonnihil tempora retardent vel accelerent; parùm tamen admodùm interest, dummodò æquabiliter progrediantur. Quandoquidem Instrumentis Astronomicis, & quidem majoribus præcipue innitimus: quæ si rectè & accuratè ab omni parte sunt constructa & divisa, nunquam sanè Exercitatis Observatoribus, in eruendo videlicet vero tempore, Horologiisque rectificandis fucum facient. Adhæc, Quadrantibus Horologia initìo restituuntur, ac inter Observationes, tum etiam iis expeditis, plurimæ Altitudines capiuntur; quò inito calculo protinus postea quorumvis Automatum exorbitationes, licet ad semihoram discesserint, luculententer pateant, ac etiam exquisitissimè redintegrari nonnequeant.

Postremò, quod attinet Automata & Horologia, quæ nobis pro Observationibus expediendis comparavimus, ea diligentia, crede, quâ debent, sunt elaborata: quando-

*Quart' Aut
tomata usitata
ta non adèd
procliviter
redintegrari
queant.*

*Horologia
vibratoria ad
Observatio-
nes sunt reli-
quias apiora:*

*Observato-
res parùm
sunt solliciti,
an habeant
horologia, que
motù omnem
præcisè conser-
vant, dum-
modò æquabili-
sime proce-
dant.*

*Auctor pari-
ter nonnulla
possidet Au-
tomata, qua-
locutus*

*locum aliquē
etiam inter
præstantiora
merentur.*

*Nullis horo
logiis Auctōr
omnino confi-
dit.*

quidem nihil unquam, quod præfiscini dixerim, intermittimus, quò omnium accuratissima obtinere liceat. Sunt autem nobis eorum præcipuorum decem, partim haud adeò magna, Minuta tamen, imò etiam singula Secunda, ut reliqua majora, commonstrantia. Majorum aliud duplii libramento, decussatim se se intersecante, ut modò dicebam, gaudet; reliqua aut pendulo atque pondere, aut elatere atque pyramide æquatoreâ sunt confecta. Nihilominus, ut ut ad amissim sint fabrefacta, & exquisitam, quoad fieri possit, ostendant temporum dimensionem; iis solis tamen nunquam in sublimioribus Observationibus fidem tribuo, sed ut protinus omnis error, si quem fortè committerent, deprehendi poscit, cum Altitudinibus, Siderumq; motibus, ut diximus, ea confero, tum ad eorum normam rigidissimè examinò, sicque tutus semper incedo. Reliqua verò Horologia, licet magnum eorum habeam diversi generis apparatus, utpote quoad Sciaterica illa minora Solaria, Lunaria, Polaria, Horizontalia, declinantia, verticalia, ex Declinationibus & Altitudinibus Solis composita, tam pensilia, quàm Horizonti incubantia, diversissimasq; Armillas; ad Observationes tamen illa neutiquam adhibeo. Siquidem non sunt apud me in tanto pretio, ut rebus seriis inferire queant; sed recreationis gratiâ, quando tempore adeò accurato in ipsis Minutis & Secundis haud opus habemus, possumus iis, ceu cimeliis lusoriis, nos oblectare. Atque hæc de istis Horologiis atque Automatis, quæ Observationibus nostris Astronomicis præ aliis maximè conveniunt, nobisque hucusque in usu fuerunt, pariter sufficient.

CAPUT XVIII.

De Peculiaris Machinulâ Helioscopicâ, pro Eclipsibus, Maculisq; Solaribus exquisite determinandis.

*Eclipses Ma-
culasq; Sola-
res longè ac-
curatius, quā
olim*

MAchinæ illius Helioscopicæ beneficio, jam olim à nobis detectæ, ac etiam pag. 98 Selenographiæ satis plenè descriptæ, Maculas, Eclipsesque Solares multò, quàm hactenus

ad instrumenta, quae ad solarem et lunarem motum possunt, ut aperte eam, atque
ad solarem et lunarem motum respondere. Cum
ad solarem motum respondere, sicut est in figura.




fig. V.

etiam nocturnis, diuinis, et annuis tabellis, in cuius solis ali-
fosses excipitur, atque charta, circulorum exceduntur, cum
generas, et strigiles.

Hoc instrumentum, ab aliis in aliquo modo, prope-
tum, et instrumentis, vel instrumentis Eclipticis, que Sol, et Luna, ex aliis
piendat.

haec tenus, præcisiùs observari ac delineari posse, ut ipsa experientia docuit, sic omnes puto spontè concessuros. Cùm autem totus Machinæ ejus Helioscopicæ apparatus, utpote olim, Machi nà nunc He- lioscopicâ ob- servanur. Globus ille in fenestellâ volubilis, sive versatilis cum scanno, Tabellâ, omnibusque iis, quæ his appertinent, satis dilucidè ibidem sint exposita, nolo hoc loco de iis plura facere verba, sed Lectorem eò remitto. Veruntamen, quoniam dicta illa Machina, in Selenographiâ nostrâ delineata, fundamentum quasi est hujus recentis adumbrandæ, operaæ pretium esse duco, ejusdem saltem typum hîc apponere; atque sic res ipsa non solùm multò levior erit mihi descriptu, sed universa recentis hujus Machinæ intellectu quoque Tibi erunt longè faciliora.

Habes itaq; priorem illam Machinam Helioscopicam, Benevole Lector, in adjuncto Iconismo accuratè delineatam; non dubito, quin Siderum Cultores haud magno negotio, quâ nimirùm ratione Maculæ, Eclipsesque Solares animadverti debeant, omnia intelligent: & si quæ fortè minùs pateant, ex Selenographiæ nostræ Prolegomenis ea percipere erit proclive. Adeò, ut hæc Delineatio jam affatim plurimas partes alioqui describendas ostendat, quibus etiamnum adhuc utimur: inter cætera verò idem adhuc Globus versatilis, Scamnum, quod duo statumina perpendiculariter erecta spiratim striata habet, cum duabus suis pericochleis, quarum beneficio asser iste, super quem tabella est imposta, atque attolli & deprimi pro quâvis Solis Altitudine potest, mihi sunt in usu; pariter Telescopium, canali inditum, atque ope alicujus vectis quadriformis tabellæ orthogonaliter adaptatum: quò Sol rectâ per radios scilicet rectos in Tabellam incidere, discumque suum in chartâ depingere possit. Ita ut hucusque hanc observandi methodum nondum correctiorem reddiderim, exceptâ unicâ solâ parte, nimirùm ratione tabellæ *b*, in quâ Solis discus excipitur, atque charta, circulum sive discum *vv u z* gerens, annexitur.

Hæc, inquam, Machina utique est modus, prout exploratum habemus, ad Maculas, Eclipsesque Solares exci-

Prior Ma- china quâ in- commoditate laboraverit.

piendas & determinandas exoptatissimus; nisi quod Sol ratione ejus motus velocissimi, præsertim diurni, ob quē non solum as fiduè ascendit vel descendit, sed etiam ab occasu ortum versùs commovetur (ut more Peripatetico loquar) ac in perpetuo versatur motu, ut nunquam in tabellā, vel potius circello ne quidem per temporis momentū quiete subsistat; adeoq; si aliquid accurati deprehēdi debeat, necessem omnino habeas, Tabellam in continuâ agitatione detinere, globumq; versatilem aliter atq; aliter dirigere, nunc magis magisque attollere aut demittere: quo in opere nisi aliquis exercitatissimus Tibi sit ab auxiliis & manibus, profectò arenam metiris, præsertim, si solus & Machinam perpetim commovendam, & phænomena simul designanda habeas.

*Auctor pri-
orem obser-
vandi mole-
stiam omni-
nō sustulit.*

*Solem affi-
duè in circel-
lo observato-
rio immobi-
lem conserva-
re, est res ali-
cujus momē-
ti.*

Incommódum itaq; hocce probè perspiciens, cumpromis anno 1661 in Eclipsi Solari, præsente Eximio Bullialdo, Hospite tunc longè exoptatissimo annixus sum, quā ratione difficultates istas convenienter prorsū tollerem, atq; rem eò deducerem, quò Sol in objectā tabellā, circelloque ejus descripto quasi immotus subsistere possit, vel quod eodem recidit, quomodo Sol in circello asfiduè immotus, ad Maculas, phasesque Deliquiorum exquisitissimè absque omni titubatione designandas, detineretur. Ad quod propositum exequendum Clariss. Bullialdus me eo tempore, ut quantocyūs, omnium Observatorum bono, id perficerem, haud parūm excitabat. Videbatur quidem nonnemini, ut ut alioqui Mathematicarum Rerum satis gnaro, non tantum res magnæ difficultatis, sed etiam ad ipsam praxin complemè deducenda penè impossibilis. At mihi verò non adèò absonta res visa est; quippe non ignorans, quod quemadmodū jam in Pinnacidiis Quadrantum Solem firmiter, ne circello unquam exiret, detinere in meā esset potestate, me quoque, Divino auxilio adjutum, id sine omni dubio feliciter assequuturum: sicuti etiam brevi pòst ex votu nostro successit negotium.

*In Tabellā
observatoriā
totum latet
arcuum.*

Totum autem artificium nonnisi in Tabellā illā, Globo versatili sive Telescopio affixā, latet. Prior namque Tabella illius Machinulæ Helioscopicæ, in Selenographiâ descriptæ,



Fig. W.

scriptæ, scamno solummodo innixa, secundum eandem semper Solis longitudinem commoveri datur, nisi asserem, in pericochleis insidentem, earum beneficio attollas vel deprimas. Id quod autem, simul commovendo Tabellam, adeò velociter, ut motum Solis prorsus assequaris, vix unquam conceditur. At verò Tabella hæc recens inventa, quâ nunc utor, licet scamnum in eâdem semper altitudine, eodemq; situ retineatur, nihilominùs regimine duarum cochlearum minimarum ad Solis motum omnimodè & exactissimè dirigitur, ut Sol perpetuò in circello subsistere, ac ne punctum quidem eo discedere appareat. Dicta autem Tabella orbicularis *g* ex diversis componitur partibus, quas, quoad fieri licebit, melioris intellectus gratiâ singulatim describemus; quæ verò adeò dilucidè haud poterunt, ex appositâ singularum partium, distinctè satis adumbratarum Delineatione elucescent, vel si mavis potius ingenio tuo, & manu operi adhibitâ facile comprehendes.

Primò opus omnino erat, ut Tabella *g*, in quâ charta *Diversi mo-*
cum suo circello observatorio affigi debet, quâm lenissimè, *tus in hâc*
simul velocissimè ad motum Solis Azimuthalem, juxta mo- *Machinâ re-*
tum scilicet rectum, horsum prorsum commoveretur. Se- *quiruntur.*
cundò, non minùs quoque summoperè necesse erat, ut
simul eadem Tabella cum suo circello, in eâdem descripto,
secundum motum circularem, nimirùm in Orbem, æquè
promptè ac citissimè circumagi posset. Ad quod aptè per-
ficiendum duo peculiares Orbiculi lignei diversæ magni-
tudinis, meo judicio, requiruntur, ita ut major *g* minori *c*
beneficio axiculi *m* conjungantur, si videlicet duplex iste
motus rectilineus & circularis unà & simul obtineri de-
beat.

Arripui itaque duos asserculos tiliaceos levissimos, or-
thogonaliter conglutinatos, longitudine 16 ferè pollicum,
prout ad *a* vides. Ad superiorem erecti asserculi partem
lamella, adjectâ cochleâ perpetuâ longiori *b*, transiente per
duas fibulas, aliis quibusdam minoribus cochleis est adstri-
cta. Dein, per Orbiculum minorem *c* columellam ferre-
am m trajeci, adaptato ei à parte posticâ Orbiculi *c* axicu-
lo

Structura
Machina re-
centioris He-
lioscopice.

lo striato *i*; atque sic columellam istam *m*, unà cum toto Orbiculo *c* per foramen *k* asserculi errecti *a* transversam, à tergo illius asserculi pericochleâ firmiter adstrinxii. Quibus partibus sic inter se conjunctis, atque cochleâ perenni *b* conversâ (cùm hujus dentes strias axiculi *i* perpetuo motu mordeant) omnino necesse est, ut totus hicce Orbiculus minor *c* se in orbem, ad convolutionem & gyrationem cochleæ perpetuæ, huc vel illuc pressæ, volvat. Dehinc, in latere Orbiculi minoris *c* antico peculiare Instrumentulum *d* affixi, & quidem prorsùs simile illi, quod Capite V pag. 115 ad Quadrantē Horizontalem, vel potius ejus columnam, cui Quadrans iste tum affigebatur, olim applicaveram; quò ad æquilibrium, vel libellam dirigi & rectificari posset. Quod autem cùm ibidem abundè sit descriptum, nolo eidem diutiùs immorari; constat alioquin ex unicâ solâ cochleâ *e*, partem intermedium robustiorem horsum prorsum commovente. In quâ parte intermedia *d*, cui annexa est dicta cochlea *e*, duo sustentacula *ff*, ad angulum normalem incurvata, sunt conferruminata; eo quidem fine, quò major tabella orbicularis *g* hisce binis sustentaculis *ff* imponi, cochleisque minusculis affigi validè queat. Atque tum, duobus illis Orbiculis *c* & *g* combinatis, integrum cuiq; erit, convolutione cochleæ *e* majorem Orbem horsum prorsum ad motum rectum ex voto commovere; directione verò alterius cochleæ perpetuæ *b* utrumque Orbiculum, tam *c*, quam *g* conjunctim in orbem circumducere, & quidem adeò leniter ac promptè, ut vix quicquam exquisitus ac velocius unquam possit.

*Ope dua-
rum cochlea-
rum Solem in
circello Obser-
vatorio im-
motum deti-
nere.*

Atque hæc tota structura est hujus recentis Machinæ Helioscopicæ, cuius ductu omnem Solis motum exactissimum *m*è, tam secundum longitudinem, quam altitudinem ascensori & concomitari nullo ferè negotio Tibi erit integrum; sic ut Sol hæc ratione omnino immotus in circello Observatorio, ut suprà dicebam, subsistere cogatur, & ne latum quidem unguem ex eo discedere, prout mox pleniùs docbitur. Necesse autem est, ut totam hanc Machinulam baculo, sive vecti quadrato *b* applies, immittendo scilicet vectem

vectem per foramen quadratum *a*, ita ut ad ductum canalis, sive Telescopii Globi volubilis inserti, ad angulum omnino normalem dicta Machina cuneis adstricta firmissime quiescat. Deinde, tota ista Machinula cum binis suis affixis Orbiculis, minori *c* & majori *g*, in quo charta cum suo descripto circello Observatorio claviculis est annexa, scamno Helioscopico, prout ex Figurâ W elucet, imponatur, atque rudiori tantum Minervâ ope pericochlearum huc illuc utrumque Orbiculum commovendo, quo radii Solares circellum *n* penè impleant, ad Solem dirigatur. Tum demum scalam à parte posticâ Socium ascendere jubeo; qui, arreptâ sinistrâ manu alterâ cochleâ *e*, tabellam majorem *g* unâ cum circulo Observatorio secundum motum directum dirigente; dextrâ verò alterâ cochleâ *b*, minorem Orbem *c* unâ cum majori *g* in gyrum commoven-te, poterit hanc vel illam cochleam huc vel illuc torquendo mirè faciliter omnem Solis motum ita exquisitissime & lenissime eximere, ut Sol ipse ne minimum quidem limites circuli Observatorii *n* exire, sed quasi in circello immotus sive affixus videatur. Is igitur, qui præcipuo Observati-onum Directori adstat, Totâ Observatione nihil quicquam amplius agit, quām ut assiduè ad discum Solis, circulumque Observatorium fixis oculis assiduè attendat, ne radii Solares nullâ ullâ parte limites egrediantur, sed perpetuò inclusi & circumsepti penitus permaneant: quemadmodum id etiam cuilibet proclive admodum factu est, nec non abunde ex superiori Figuratione intelligitur. Atque hâc ratione cuilibet Observatori erit expeditum, tam Maculas Solares, quām ipsas Eclipses promptissime, correctissime, absque omni directionis molestiâ ac motus Solaris impedimento summâ cum jucunditate, ludendo quasi, & quidem multò scrupulosius, quām hactenus unquam, designare, ac toties, quoties lubet, eandem Observationem resumere ac corrigere. Adumbratis autem sic omnibus, necesse quoque est, simul in limbo superioris circelli observatorii punctum verticale annotare, ad inclinationem Solis beneficio funependuli, ad unum ferratum ex fibulis mobilem

*Vsus hujus
receptoris Ma-
china Helio-
scopica.*

*Ad hanc
Observatio-
nes bini requi-
runtur Obser-
vatores.*

*Officium
Coadjutoris.*

*Summâ cum
voluptate tâ
Macule, quâ
Eclipses So-
lares hâc ra-
tione expedi-
untur.*

appensi, obtinendam; prout jam in Selenographiâ nostrâ suo loco plenè commonstravimus.

*Res flagitat,
ut Machina
Helioscopica
suffulciatur.* Ne verò tota illa Machinula Helioscopica cum omni suo apparatu ferreo se se supinet, vel vectem *b*, simulque ipsum Telescopium, Globo insertum, nimio suo pondere vel incurvet, vel distorqueat, res flagitat, ut Coadjutor, cochlearum scilicet moderator statim initio totam Machinulam à tergo phalangâ quâdam *o* suffulciat, immittendo scilicet alteram ejus extremitatem ad pavimentum inclinatè constituendo, sicque totum Instrumentum securè in vero suo situ, quoad volueris, conservabis. De cætero verò notes velim, cum Orbiculus *g* satis sit amplius (ut ut sufficiat, diametrum ejus integrum tantum pedem exæquare) quod in hâc recentiori Machinulâ Helioscopicâ duplii vecte *b* & *l* opus habeas, alterâ scilicet breviori *l*, & alterâ longiori *b*, sicuti distinctè admodum ex Icone patet, ut res fusiori declaratione haud indigeat. Et licet duplii hoc vecte Instrumentulum regatur, minimè tamen inde vel quicquam difficilior evadit directio, aut ipsa Observatio, quâm illo uno simplici vecte, sed æq; facile omnia peraguntur; commotis enim binis illis cochleis, tam Orbiculi, quâm Globus versatilis cum suo tubo cedunt, ac se se ad nutum commovent.

*Machina
hac ut planè
nova, & Ob-
servationibus
conveniens-
sima est, sic sa-
nè meretur a-
liquem locum
inier præcipu-
um Astrono-
micum appa-
ratum.* Hocce artificium quâm aptum & exquisitum sit, ad de notanda in primis Solis Deliquia, non meum est hîc prolixè celebrare, sed alii, istud aliquando ad Observationes adhibi- tur, sine dubio, abundè agnoscent. Certo certior sanè sum, hanc methodum nemini hucusque adhuc (sit venia verbo) fuisse cognitam, multò minùs usitatam: ideoque omnibus Astrosophis, quibus Observationes nunquam in tam sub- limi negotio nimis exquisitæ esse possunt, eam haud usq; adeò fore ingratam spero, præprimis, si quævis rectè perceperint, ac singula ad typum & descriptionem hanc nostram, vel etiam in Selenographiâ nostrâ jam traditam, exstrui curaverint. Abrumpo igitur, me accingens ad Telescopia, Tubosque Opticos; quippe qui, velut ex dicendis abundè patebit, egregium suum usum in Rebus Astronomicis detegendis & contemplandis præbeant.

CAPUT

CAPUT XIX.

*De quibusdam Telescopiis, eorumq;
Directionibus.*

INITIÒ, Telescopio scilicet primùm invento, permirum
Iminimè accidit, nonnullos, præsertim Philosophiæ Pe-
ripateticæ addictos, Tubis Opticis, Observationibusque,
eorum ope detectis, parùm admodùm tribuentes esse reper-
tos. Quippe & constructio & vires Tubospicillorum eo
tempore paucissimis tantùm cognitæ erant, ac vix egregiū
aliquod Telescopium, Cœlestibus Contemplationibus suf-
ficiens, in unius aut alterius incidebat manus. Nunc verò,
cùm ubique in magnâ occurrant frequentiâ, ac nulli non
Eruditorum optimè sit exploratum, quid in primis longio-
ra, & præ cæteris accuratiora circa facies Planetarum, phæ-
nomenaque Cœlestia præstent ac præstiterint; nihilo ta-
men seciùs etiam inter ipsos Eruditos unum aliquem ad-
huc inveniri Telescopiorum usurpationem in contemplati-
one Rerum Cœlestium deridentem, satis profectò demira-
ri nequeo. Maximè verò, quòd etiamnum nonnulli Astro-
rum Periti (utpote inter alios Elias de Leonibus, Celeber-
rimæ Mariæ Cunitiæ, Tabularum Propitiarum Conditricis
Maritus, alios ut modò præteream) in illâ hæreant opinio-
ne, quasi sæpiùs nobis fraudem faciant, imponant, fucum-
que vendant, iisque optimè Astronomiam carere posse,
quemadmodùm ex illius literis ad me anno 1650, die 24 Ja-
nuarii exaratis manifestum est. Nam, cùm in Selenogra-
phiâ Cap. 56, pag. 453 omnino asseveraverim: *Omnium pla-*
nè Eclipsum, à quocunque observatarum, sine subsidio Telescopii peractarum
fidem vacillare, nihilque certi ex iis hauriri posse, ut ut quam accura-
tissime videantur observatæ: respondit dictus De Leonibus his
verbis: Reginam Artium Astronomiam, sicut sine Tubospicio inven-
ta, tracta, culta, & exulta est, ita pro suâ perfectione jam Tubospicio mi-
nime indigere, utpote quod per se nullius, vel minimæ Stellulæ situm quoad
longitudinem & latitudinem ostendere, ne semidiametros Lunarium corri-
gere potest, curiosis solummodo quæstionibus Physicis, & Cosmographicis

Olim alia
quos exitisse
Telescopiorū
contemporæ,
non adeò mi-
rum est.

Et hoc no-
stro aeo non-
nulli Telesco-
pia floccifa-
ciunt.

Elias de Leo
nibus sinistra
de Telescopiis
opinio.

ansam præbens etc. Atq; hoc primum est (pergit) quæ Te amice admone nere habui. Alterum est ipsa Telescopii fallacia. Cùm enim formalis ratio hujus Instrumenti sit doctâ fraude illudere & imponere oculis, quid quæso aliud, quām visūs deceptionem ab eo exspectabimus.

*Francisc.
Levera ni-
mis acriter
Telescopia
pungit.*

In hunc fere sensum loquitur quoque Franciscus Levera in Prodromo suo Astronomiæ restitutæ, & quidem contemptim de Telescopiis Lib. I. Cap. 3 (cùm forte suis Hypothesibus prorsùs adversentur): *Ac proinde nec Venerem, nec Mercurium posse eclipsare, nec maculare Solem in aliquali ipsius particula.* Quicquid per Telescopia senserint hæc ætate recentiores. Item: *ut dictum est latè de halluciniis, quæ sunt, & introducuntur in Republicâ literariâ per Telescopia circa apparentias in Sole ac in Lunâ & reliquis Planetis, nempe circa Maculas & Faculas.*

Ad hæc utique abundè affatim, rem longè aliter se se habere, respondere possemus; eosque potius egregiè elusos ac hallucinatos esse, imò toti Mundo Literato se se deridentes penè præbere: dum posterior in primis adeò audacter

*Quasi verò
omnes mente
capti fuis-
sent, qui illas
omnes Obser-
vationes per-
egerunt.*

edicere haud est veritus, nec Venerem, nec Mercurium posse unquam eclipsare Solem; quin-etiam omnes quasi Observations, circa Maculas Solares, Lunares, aliorumq; Planetarum factas, non nisi meras esse illusiones & imposturas. Priori, Doctissimo videlicet Eliæ de Leonibus, eo jam tempore anno 1650, die 12 Febr. benè longis responsoriis literis satis superque obviam ivi; at alteri ad ista ridicula quicquam regerere planè supervacaneum esse duco. Etenim totus Orbis Literatus, & præsens, & futurus contrarium omnino sustinebit; imò licet unus aut alter hoc nostro ævo reperiatur, qui forte magis contradicendi studio, ex præconceptâ Aristotelicâ opinione, quām rei veritate, & scrupulosâ investigatione tales persuasiones in animo

*Maxima
pars Eruditorum Telesco-
pia in maxi-
mo semper ha-
bem pretio.*

gerat; rursus tamen sexcentos repertum iri puto, qui Telescopium illud adeò utile & admirandum Inventum nunquam satis verbis, laudibusq; nobiscum efferent, virtutesq; ejus, in detegendis illis sublimioribus hucusque planè absconditis rebus, extollent; prout illud ipsum Petrus Borellus

*Petri Borel-
li de Tubospic-
cillis senten-
tia.*

in suâ *Conspiciliorû Historiâ* pag. 47 prolixius prosequitur:

*Certe æternis honoribus digni sunt, qui rei tam Divinæ, & veritati pro-
pagandæ*

pagandæ utili invento primi incubuerunt, & porrò deinceps incumbēt. Item: Quantæ inde utilitatem generi humano provenient, non satis est dicere.

Evidem, quām jejunē admodūm, priusquam Telescopia detecta atq[ue] exculta fuēre, de plurimis rebus æthereis Veteres philosophati sunt? ut ne quidem viam Lacteam recte cognoverint. In cuius, quæsio, cognitionem venissent Faculæ, Luculæ, Maculæ Solares, Lunaresque? quis sibi unquam persuaderi passus fuisse, plures quām septem adesse Errones, quorum nonnulli præter Lunam suas quoque habent vicissitudines, luminisque patiuntur incrementa & decrimenta, in primis aliquem, utpote Saturnum, admirandâ, ratione annuli sui, quo nunquam non cingitur, & in quo liberrimè super axem circumvolvit, facie apparere. Quis unquam adeò præcisè Eclipses Luminarium, Occultationesque Siderum, Jovis, Saturniq[ue]; Comites, Maculasq[ue]; Jovis, Martisque, reliqua ut taceam, observasset ac detexisset. Ultra hæc, quām admiranda & abscondita, prout toti Orbi innotuit, in primis ab Illust. Societatibus nostris Regiis in Physicis, Medicinâ, Rebusque Naturalibus, plurimis videlicet animalculis, herbis, floribus, metallis nuper detecta & explorata sunt, quæ hactenus ne quidem per somnum nobis in mentem venissent, beneficio nimirūm illius præstantissimi Microscopii, ex Telescopio prognati; per quod magna illa DEI Opera magis magisque in Majorem Sui Nominis Gloriam deteguntur, præprimis fores ad abyssum Divinæ Sapientiæ plus plusque panduntur, quam per transennam quasi inspicere hactenus tantum nobis obtigit. Idcirco iterum iterumque largiendum, nisi Ægyptiis cæciores esse velimus, quod D[omi]n[u]s O[mnipotens] M[agni] immortales debemus gratias pro detecto illo Telescopio, cuius ope plurimæ Scientiæ indies crescunt, imò eò majora capient incrementa, quò amplius Tuborum Opticorum augeatur perfectio. Id quod utique progressu temporis, adspirante Di- vino Numine, fieri etiam posse magnas spes affulget. Quandoquidem ab ipso exordio, quo Tubospicilla primùm prodiuerunt, hucusque in annos ferè singulos nimium quantum

Telescopiis
plurima sanè
explorata fu-
erunt, qua o-
lim Veteribus
vix in menœ
veniebant.

Handpan-
ca ope Micro-
scopii etiam
detecta sunt.

Habemus
sanè, cur Deo
gratias aga-
mus pro exi-
mia illâ Tele-
scopiorum in-
ventione.

Auctōr sibi
persuader, Te-
lescopia posse
succesu tem-
poris reddi
perfectioras.

facta fuerunt absolutiora. Initio construebantur tantummodo longitudine aliquot digitorum, unius aut alterius pedis; dein ad 4 5 & 6 ped. ea elaborarunt: at elapsis aliquot annis, Telescopia ex diversissimis lentibus longitudine 12 20 30 40 50 & 60 ped. fuerunt composita. Primùm alterà convexà, alterà concavà lente constabant; postmodùm verò ex tribus, quatuor, imò quinque convexis ea adornarunt: at nunc inter cætera quoddam 140 pedum posse. Universa autem Telescopia, quò lentibus nitidioribus, perfectioribus, ex majori sphæræ segmento elaboratis, objectivis nimirùm constant, eò Objecta clariùs, accutis ratiùsque exhibent, ac magis amplificant. Verùm hisce non dum acquiescimus, sed omni ope allaboratur, quò possimus illa adhuc reddere perfectiora, & quidem eatenus contrahere, ut breviora eundem, quem longiora, effectum producant.

*Indies al-
laboratur,
quò Teleco-
pia posse
reddi absolu-
tiora.*


*Auctor haud
proposuit hâc
vice integrum
libellū de ex-
positione len-
tium compo-
nere.*

*Sed solum-
modo, quomo-
do ad Obser-
vationes ex-
poni & diri-
gi debeat.*

De quibus plurima dicenda & scribenda haberem, si instituti nostri ratio id permetteret, atque de universâ Telescopiorum structurâ, lentium politurâ, omnibusque eò spectantibus rebus Opus quoddam absolutum edere constituisse; at verò ista omnia ex composito hâc vice agere, non meum est propositum, atque ideò etiam his multùm immorari nolo, sed breviter tantum Telescopia nostra aut manu nostrâ expolita, aut aliorum Præstantissimorum Artificium operâ confecta delibare decrevimus; in primis verò, quâ ratione eorum tubi sint exstructi, quomodo à nobis ad Sidera exponantur, dirigantur, qualem apparatus pro cuiusvis Tubi longitudine, ad singula eò promptius exequenda, singulari & convenientissimo artificio adornaverim, ut quis etiam omnium longissimi ac ponderosissimi Tubi à quolibet, etiam harum rerum prorsus ignaro, quam promptissimè ac levissimè commoveri, attolli, demitti ac quaquaversum regi nonnequeant.

*Cœlestium
Rerum Me-
tatoribus ma-
xime etiam
exquisitis Te-
lescopiis opus-
eft.*

Cùm igitur indubitatum omnino sit Astronomis, præ aliis Uraniam penitus excolere, Cœlumque intropicere desiderantibus, non solum diversissimis Organis Astronomicis, utpote Quadrantibus, Sextantibus, Octantibus, ac hujus



hujus generis aliis (qualia, Benevolè Lector, ex hocce opusculo vidisti) sed omnino etiam, ad sublimiora & abstrusiora phænomena Aetherea contemplanda & detegenda, præstantissimis Telescopiis omnino opus esse; quæ quo fuerint excellentiora, eò majora & accuratiora obtinebis & perficies. Quamobrem omnibus quoque viribus ab ipso Observationum nostrarum initio hucusque, nullis sumptibus parcens, annixus sum, ut mihi quoque Tubos Opticos, quos possem, omnium exquisitissimos compararem, & qui argento non poterant, tandem manibus nostris atque sudore parabantur. Sic ut statim ab ipsâ adolescētiâ summâ curâ artem istam lentes expoliendi aggressus fuerim, eaque etiam, priusquam illam recte didicerim, plurimum temporis consumpserm. Construxi autem eo tempore plurima Telescopia, tam in usum nostrum, quam ut jubentibus & potentibus Mecænatibus, Fautoribus ac Amicis ea decenter offerrem, ac lubenti animo concederem.

Priora omnium, quæ adornavi, & quibus Observatio-
nes Macularum Lunarium peregi, longitudine sex & duo-
decim pedum tantummodo erant; deinceps successivè ali-
quantò longiora construxi, ut mox pleniùs percipiendum
erit. Sed ut ad rem ipsam deveniamus, hâc vice non nisi
commonstrare mecum constitui, quomodo Tubi illi in Specu-
culâ ad Astra exponantur; meq; non minus operam dedis-
se, Tubospicillis, quam reliquis illis Instrumentis notatu-
quædam digna, Rei Literariæ bono, suscipere ac perficere.
Idcirkò in gratiam Astrophilorum, remque ipsam ut eò di-
lucidiùs proponerem, primùm breviores Tubos 8, 12 & 20
pedum in adjuncto Iconismo exhibui; ex quo etiam abs-
que omni ulteriori descriptione harum Mechanicarum
Rerum licet mediocriter tantùm imbuti facile intelligent,
quomodo quisque Tubus pro longitudine suâ construen-
dus, adornandus, ac aptè est regendus. Attamen Tyrōnum
Opticarum Rerum planè rudiorum gratiâ paucis omnia &
singula attingam. Quò pariter elucescat, quâ viâ successi-
vè hâc etiam in parte progressus fuerim, quomodo supelle-
ctilem nostram, Tubosque ipsos paullatim melioraverim,
ac

*Aucto rma
ximopere et-
iam allabo-
ravit, ut o-
mni modo ex-
cellentes fibi
compararet
Tubos Opti-
cos.*

*Plurimas lē-
tes ipse ma-
nu suâ expo-
livit, constru-
xit.*

*Quibus Te-
lescopiis Ma-
culas Luna-
res Aucto rि-
matus est.*

*Ut reliquis
Organis A-
strophonicis,
sic quoq; Tu-
bis nunquam
non Observa-
tiones Aucto-
r peregit.*

*Quâ viâ Te-
lescopia re-
gantur.*

*Adminicu-
la Tubos quos
vis commo-
vendi & re-
gendi*

*gendi indies
perfectiera
reddita sunt.*

ac indies convenientiora, eò promptius, aptiusq; eos com-
movendi & regendi detexerim. Ne non Tu, aliiq; Rerum
Cœlestium Metatores progressu temporis pariter annita-
mini, omnemque ad ista omnia, à nobis h̄ic exhibita, adhuc
promptiora & absolutiora reddenda, moveatis lapidem:
quemadmodum nullus planè dubito, succendentibus annis
equidem inveniri quædam posse præstantiora.

*Quale ful-
crum Auctor
olim Tubis ad
movit.*

Primò peculiare Fulcrum anno jam 1647 in Selenogra-
phiâ nostrâ pag. 40 exhibui; nimirùm, quomodo benefi-
cio cuiusdam sustentaculi, quatuor suis pedibus in Fulcro
decussatim ordinato insistentis, nonnulli Tubi, duodecim
pedes non excedentes, commodissimè ad Astra exponi, ac
quaquaversum in omni altitudine dirigi nonnequeant:
prout etiam principiò felici successu ad Lunam, Joviales,
Planetas, Fixasque à me tentatum est. Simili penè modo
etiam absq; Pedestali Tubos illos direximus, imponendo
solummodo sustentaculum ligno cuidam tereti, quod lo-
co Fulcri ad Sepimentum, aut Loricam Speculæ tenacu-
lo quodam, cuneis ferreis adstricto, affigitur; sicuti ex Fi-
gurâ X ad a videre est. Quo Fulcimento pro directio-
nibus Tuborum adhucdum uti poteris, si aptiora Tibi haud
sunt ad manus.

*Tubi aliquā
tò longiores
quomodo ad
Sidera expo-
nantur.*

Secundò, si quando verò Tubus quindecim circiter
pedum, ut ad b patet, est exponendus, tum illum ligno cui-
dam explanato, ac partim ab uno latere pro ratione latitu-
dinis & rotunditatis illius Tubi excavato impono, ac lig-
amentis, ut in eo firmiter undiquaq; quiescere, ac se minimè
pandare possit, annexo. Deinceps statumen quadratum
ligneum, ab uno latere plurimis foraminibus quadratis in-
ditis, ad rationem videlicet sellarum nostrarum cessilium,
quarum sæpiùs meminimus, etiam pag. 228 Cap. XI descri-
psimus, huic statumini, ad Loricam nobis usitato modo
affixo, aptatur transversum Fulcimentum cessile cum suâ
offendice, ad instar illius sellæ versatilis, cujus typum in
præcedenti Iconismo melioris intellectūs gratiâ apposui-
mus; quod Fulcimentum, laxatâ offendice, nunc attolli-
tur, nunc demittitur, pro cujusvis phænomeni altitudine,
quo

quo loco confessim immobile sponte suâ consistit, & quidem adeò validè, ac si funiculis illud statumini adstrinxisses. Huic nunc transverso Fulcimento cessili imponitur Telescopium cum suo subiecto assere, unâ extremitate lentem objectivam gerente; alterâ verò necesse est Tubi extremitas ut in scamno cessili, duobus rotundis statumini-
bus sive columnis striatis, suisque pericochleis adornato, quod suo loco, cum primis superiori Capite, nec non in Selénogr. nostrâ Cap. V pag. 101 jam plenè descriptum, etiam in superiori Figurâ W delineatum dedimus, quiescat; quò dicta Tubi extremitas ad Observatoris oculum pro re natâ, beneficio utriusque pericochleæ paullatim elevari ac rursùs deprimi, atque sic ad unguem convenientissimè ad quodvis objectum dirigi possit, & hoc modo Observatores aut commodissimè stando, aut sedendo, ope sellarum nostrarum cessilium, Observationes quasvis peragere in manu habeant.

Corpus autem Tubi ipsum ex levioribus & subtilioribus plurimis tubulis ligneis tornatis constat, quorum posteriores partes, ad lentem ocularem extrahendo & immitten-
do, nunc pro quarumcunque lentium distantiâ prolongari, nunc abbreviari aptè possunt. Nonnunquam tamen etiam Tubi isti ex lamellis stanno superinductis conficiuntur, imò etiam ex chartâ crassiori, ut partes omnes eò promptius inferendo & eripiendo se se excipere, atque Tubi eò commodius coarctari & dilatari queant, tum portatu & translatu eò sint aptiores. Verùm hujus generis canales, si constant nempe ex talibus diversissimis tubulis cesilibus atque partibus, hâc rursùs incommoditate laborant, ut procliviter se inflectant ac distorqueant; unde radii visivi mirum in modum confunduntur, ut nihil quicquam accu-
rati, ut ut lentes alioqui sint omnium præstantissimæ, deprehendatur, ob refractiones radiorum, quæ ex lentium distorsione introducuntur. Huic malo tamen subvenitur, si ipsis Tubis papyraceis, vel ex lamellis, & quidem diversissimis partibus diductilibus confectis, explanatum quodam lignum, sive asserculum satis crassum pari longitudine

*Scamnum
cessili.*

*Construc-
tionis
nonnullorum
Tuborum.*

integri illius Telescopii substernas, illisque annexas, sicque omnem tuborum incurvationem & distorsionem optimè evitabis, ut etiam omnium subtiliores canales securè admodum tractare valeas ; hanc tamen conditione, si Telesopia 15 vel 18 pedes non superent : secùs profectò ratione asferis ponderosioris substrati minus fiunt tractabilia. Suasor ergo sum, ut alio modo dirigendi, nunc describendo utaris.

Alius modus Telescopia dirigendi.

Tertiò, in superiori Schemate ad d benè proceram phalangam, sive arbusculam itidem ad Loricam Speculæ eo loco, quo Observations tum exposcunt, erexi, ad cuius verticem affixam vides trochleam, atque per eam funiculum requisitæ crassitudinis & longitudinis traductum; quo ad Tubum annexo, commodissimè Tibi, quantæcunque etiam sit ponderis, dummodò non 18 vel 20 pedes excedat, eum attollere ac dirigere licet, sed exhibito certo quodam Sustentaculo, tripodi e inserto. Construitur autem hanc ratione: ad lignum teres perforatum tria Fulcra in cardine volubili, uti ad e conspicitur, ad eò firmius subsistendum, affigantur; deinde aliud lignum teres f aliquantò subtilius, trium vel quatuor pedum, armetur lamellæ chalybeæ dentatæ ab unâ extremitate ad alteram, atque sic forami nisi igni illius robustioris, quod suis tribus pedibus innititur, inferatur; foramen autem hocce à fronte, seu parte superiori lamellæ explanatâ pariter perforatâ, adjecto suffamine, munitum est, quò dictum sustentaculum, columellæ suâ longiori dentatâ trajectum, in quavis altitudine inhiberi, atque suffamine seu offendice, ad dentes lamellæ longioris ligni teretis incidente, absque omni titubatione firmiter sustineri possit. Sustentaculum hocce itaque tripedaneum ad quamvis Telescopiorum directionem extrahendo diducere, & intromittendo, prout ex Schemate e patet, contrahere poteris. Qui modus dirigendi, ut ut videatur levioris constructionis, non usque adeò tamen ineptus est; cum Tubi Optici alioquin etiam graviores omni sede promptissimè ac levissimè commoveantur (præprimis, si funiculum ad centrum gravitatis propè adstrinxeris) quin-etiam in di-

*Peculiaria suæ
sternacuum
tripedaneum
cesfile.*

cto sustentaculo, in isto scilicet decusfatim columellæ ferratæ affixo ligno, suâ projecturâ gaudente, firmiter quiescant, nec non horsum prorsum regantur, immoto licet toto tripode. Quæ res cùm sit pro instituendis Observationibus admodum utilis & conveniens, haud dubito, quin hæc Tuborum directio nemini non Opticarum Rerum Cultori arrideat; præprimis, quoniam nec graviori, nec sumptuoso apparatu opus habet, sed facilimo negotio à quolibet comparatur.

Quarto, quando verò prolixiores Tubi ad phænomena adhibendi sunt, 25 videlicet 30 & 35 ped. aliam singularem haud ita pridem à nobis excogitatam Machinam adhibemus; cujus ope quosvis etiam Tubos procerissimos, maximiisque oneris, multas licet manus poscentes, nullo ferè labore, unâ manu oppidò quàm levissimè & promptissimè attollere & dirigere in Tuâ habes potestate, imò procliviùs ac convenientiùs adhuc, quàm priores illos Tubos minores & longè leviores. Machinam autem illam, seu potius artificium illud (quod jure hoc nomine ob egregium ejus usum insignitur) pariter in præcedenti Designatione W, melioris intellectùs gratiâ, delineatum dedimus. Opus autem est, ut proceriorem & crassiorem paullò arborem ad Loricam Sepimenti, cùm Tubus hicce aliquantò etiam sit prolixior & gravior, constituas, cujus atque trochlearum quarundam adminiculo Tubus attollendus est. Ipse verò canalis ex quatuor integris asserculis æq; latis, altisve construitur, ut non nisi circa extremitatem ad oculū, ope alicuius tubuli diductilis, quemadmodum deinceps pleniùs, prolongari ac rursùs contrahi possit. Præterea ad hunc canalem ligneum funem laxiorem $n\ b\ o$ eâ ratione, ut vides, annexo, quò se inter elevandum ad b , ubi per trochleam dūctus, extendere queat; hoc pacto enim Tubus, in duobus videlicet locis ad n & o ita adstrictus, minus se incurvat, quàm si circa medium in uno solo puncto x fune simplici esset alligatus. Nam pars funiculi $n\ b$ & $b\ o$ sunt instar tenaculorum, ponderositati canalis subvenientium. Adhæc, ad trochleam b annexe aliam trochleam g , pariter ad

*Quosvis tunc
gisimos Tu-
bos dirigendi
ratio.*

*Constructio
Canalis.*

apicem arboris ζ , per quas aliis funis aliquantò crassior ductarius duplicatò trajicitur, ut totum Telescopium eò procliviùs, leviùsque attollatur; quippe funis ductarius quo per plures orbiculos transit, eò minori potentia, docente Statica, pondus dirigitur.

Cùm igitur canalis hicce totus ex integris asferculis formà quadratâ constructus sit, haud se se adeò facilè inflectere potest; præprimis, quoniam ex duobus diversis ab invicem benè remotis locis, ubi vis major, funiculus n b o annexus est. Hincque eodem canali semel ad libellam constructo, non est quod vereamur, successu temporis posse curvaturam aliquam contrahere, sed rectitudinem suam optimè nunquam non retinebit. Quia verò quodlibet Telescopium singulares suos ductus poscit, ideoque peculiarem tubulum m unius & dimidii penè pedis papyraceum, sive coriacum, annulo striato compositum, extremitati canalis r adstrinxì, quo scilicet tubulo plerunque duo convexa vitra asservantur (si nempe Telescopium ex tribus lentibus constat) major lens, & planior ad p , & minor gibbosior ad q residet. Ne autem fractis ex improviso annulis spiratim striatis ad p & l , quibus ad canalem r tubulus hicce m adstrictus est, facilè decidat, lentesque frangantur, quatuor ligamentis insuper coriaceis, ope totidem fibularum, dictum tubulum m ad canalem r alligavimus; quibus adjutoriis omnes casus fortuitos, tubulum, lentesque insertas frangendi abundè præcavimus.

Mensa Telescopica vera satilis.

Telescopio itaque eatenus adornato, ac in altum sublato, opus etiam est Fulcro quodam; sed loco illius scamni statuminibus duobus erectis spirarum tortilium sculpturâ confecti b , atque tripedis e , aliam planè Machinam, sive mensam Telescopicam versatilem adinvenimus; quæ quidem primâ fronte vix Tibi id promittere videbitur, quod re ipsâ egregiè, etiam in omnium maximis Tubis, licet centum & amplius pedes excedant, supra omnem spem Tuam præstat. Ideoque meretur, ut ea ipsa mensa Telescopica quoad singulas partes plenè ac distinctè describeretur; verum, cùm præcedens Iconismus ob plurimas ibidem

jam

jam delineatas res diversissimas id minimè permittat, differamus id laboris in proximam Tabellam Y, & subse- quens Caput XX, ubi eadem Machina, ejusq; totus appa- ratus dilucidiùs adumbrari, ac etiam consequenter pleniùs describi & declarari possunt. Nunc in genere tantùm quæ- dam, quantum permittitur, quò res eò clariùs pòstmodùm proponere liceat, delibabimus. Ex superiori itaque Icone manifestum est, super Tabulam vel Mensam, quatuor pedi- bus insistentem, sedeculam ex duobus erectis statuminibus super basin scilicet ligneam t̄ esse erectam. Quæ sedecula inter duas securiculas in peculiari basi ligneâ mobilis est ; utraque enim basis cochleâ quâdam, per centrum trajectâ, ac pericochleâ superinditâ priùs conjunguntur ; deinde aliâ quâdam cochleâ perpetuâ u promptissimè horsum pror- sum commoventur. Intra hanc sedeculam, inter illa nimi- rùm bina erecta statumina quadratus ille tubus ligneus, ex- empto priùs superiori tenaculo transverso, immittitur. Postea clauso rursùs illo tenaculo, atque appensâ ad illud parvulâ trochleâ, dupli orbiculo gaudente, nec non alterâ planè simili ad Tubum r, funiculoque quadriplicatò per quatuor illos orbiculos ducto, annexoque pondusculo s ad extremitatem funiculi in promptu est, etiam omnium ponderosissimum, maximumque Telescopium (cùm in cen- tro quasi gravitatis ad erectam arborem quiescat, ubi pon- dera vel minimâ potentia reguntur) quâm levissimè com- movere. Id quod autem catenus aggredimur : apprehe- so scilicet sinistrâ manu funiculo s, atque dextrâ cochleâ perpetuâ u conversâ. Nam illo funiculo Tubum ex nutu tollere & demittere, cochleâ verò perenni secundùm Ho- rizontis ductum huc illuc deducere possumus ; & quidem adeò promptè, leniter & velociter, ut motum ne quidem sentiamus, manente Tubo in quâvis directione & altitu- dine protinus immoto, absque omni vacillatione ac titu- batione. Atque sic quodvis minutissimum objectum in momento deprehendes, ac assiduè quoque, quoad volue- ris, conservabis : id quod sanè maximis Tubis confessim deprehendere res magni est momenti. Hoc ipsum autem

*Construatio
Machina ino-
do dicta.*

*Quâ ratio-
ne hujus Ma-
china benefi-
cio etiam o-
mnium ma-
ximi Tubi
quâm facili-
mè regantur.*

*Quo artifi-
cio quodvis
objectum uno
oculis statim
ictu procerisa-
simis Tubis
inveniamus.*

èò procliviùs obtinendum, singulari invento, quanquam rudiori & planiori utor. Nimirùm tria vel quatuor subtilia ligilla explanata æque crassa unius pollicis, ac æque longa octo vel decem poll. ad superficiem tegumenti illius Tubi quadrati æque lati, ut ad y x & vv vides, cochleis affixi, quò illa ad ductum Tubi ita disponere possis, ne ulli, quando Tubus adimitur & asservatur, sint impedimento;

Adminiculum hocce videatur quidem satis rude, sed operi admundum est conveniens.

in directionibus verò extrorsùm cuspides versùs orthognaliter convertere, ut minimum ad sex, septemve poll. universa ligilla promineant. Hincque, cùm à Tubi latere dicta ligilla cuspidibus æquidistent, Tubusque ipse æque etiam sit latus, non nisi ad cuspides ligillorum vv x y uno oculo Stellam versùs, quam observare intendis, collineare opus habes (ac si essent certa Instrumentorum Pinnacia ejus gratià affixa) Tubumque tam funiculo, quàm cochleà perenni eosque dirigere, donec omnes ligillorum cuspides cum Stellà in eàdem rectâ deprehendas lineâ; quo peracto Stellam ipsam in Tubo optimè habebis conspicuam, poteris que eam eosque, quoad volueris, in eo conservare, funiculi scilicet, cochleæque perpetuæ, ut suprà monuimus, ductu ac regimine.

Quà ratione lens objectiva Tubo inseratur.

Ad postremum admonendum etiam censeo, quà ratione lens objectiva in hunc Tubum quadrangularem inserenda sit. Quò autem id èò commodiùs fieri possit, tegumentum Tubi ita adornatum est, ut pars quædam circa extremitatem inter y & n aperiri possit, quà apertâ, cistella quadrata i, in quà lens convexa à adminiculo quadrangularis asserculi excavati reposita est, intromittitur, & quidem ad debitam lentium distantiam; quam nisi in antecesum benè cognitam habeas, necesse est, ut intercapelinem illam huc illuc cistellam commovendo diligentissimè inquiras; secùs profectò Telescopio illo nihil quicquam accurati administrabis. At vitra ocularia, uti monuimus, tubulo m inclusa sunt; tubulus verò hicce, priusquam canali aptatur, annulus benè largus ligneus l ad extremitatem exteriorem striis prominentibus tornatis foramini rotundo canalis ad r inserendus, ac quatuor ligneis claviculis, ne excat, vel titubet,

Vitra ocularia peculiari tubulo du etuli asseruntur.

bet, affigendus est; ut iste tubulus beneficio annuli sui, ad extremitatem p affixi, & à parte interiori (coronæ prominentis) spiratim striati, ad priorem annulum largiorem / canali aptatum convertendo adstringi, & postmodùm, uti jam suprà tetigimus, ligamentis illis quatuor coriaceis insuper annecti possit; ne impulsu aliquo facilè dejiciatur, lentesque adeò pretiosæ, velut in illis longioribus, ac maximis Tubis requiruntur, frangantur. Et tantum quoque de mediocribus istis Telescopiis, eorumque supellectili dixisse sufficiat; nunc maiores nostros Tubos Opticos 50 & 60 ped. contemblemur.

CAPUT XX.

De Tubi Optici sexaginta pedum Constru- ctione & Directione.

Quoniam ergò extra omnem sit controversiam, longiora Telescopia, si hanc cognitâ ratione optimè sint constructa, tum lentes eorum debitam & absolutam obtineant sectionem, nec non inter se probè combinatae, plūs circa Observationes posse, quam breviora. Ideoque nihil fere à plurimis annis habui potius, nullis planè sumptibus parcendis, ut non solùm nonnulla hujus generis excellenter manu nostrâ, sed quoque operâ aliorum præstantissimorum Artificum confecta mihi compararem: ut adeò diversissima, tam 30 40 50, imò 60 70 & 140 ped. longa Tubospicilla non leviori sanè labore ac pretio, tam duabus, tribus, quatuor, quam quinque lentibus convexis auspiciatò obtainuerim. Quæ quantæ sint virtutis, & quid in detegendis Cœli phænomenis efficiant, non est res hujus loci pluribus commemorare; cùm Observationes ipsæ abunde satis loquantur. Famâ quidem traditur, tantæ longitudinis Tubos Opticos 60 & 70 pedum passim inveniri; sed, quoque mihi innotuit, si summùm duos excipias, vix alii quidam, commodissimis regendi adjutoriis instructi, ad Astra cum fructu aliquo & successu hucusq; sunt adhibiti, nec etiamnum adhibentur: pleriq; eorum non nisi 17 20 30 & 36 sunt

*Auctorma
ximè operam
dedit, ut sibi
omnium præ-
stantissima
compararet
Telescopia.*

*Longissimi
Tubi Optici
60 & 70
ped. non ubi-
vis sunt ob-
viam.*

sunt pedum, sive 36 45 vel 54 palm. quibus Astrosophi Sidera contemplantur ac scrutantur.

Quales Tubos sive canales, qualemque apparatum ad directionem Auctoris construxerit.

Elaboratis itaque ac comparatis ejusmodi probæ notæ lentibus 50 60 70 ped. ut modò dicebam, operam quoq; dedi sedulam, quò mihi pariter convenientissimos Tubos, sive canales, tum aptissimam construerem Machinam; & quidem tales, quos commodè unius aut alterius auxilio

sine magno labore, molestiâque in superiori ædium mearum Observatorio exponere, regere & dirigere liceret.

Quod ut eò promptiùs succederet, benè crassam & proceram arborem, more solito, ad Loricam Sepimenti erexi, cuneisque suis ferreis adstrinxì.


Tubus verò ipse, prout Anglis, ni fallor, usu etiam venit, ex duabus partibus, atque gracilioribus asserculis abiegnis constat & componitur; in reliquo verò apparatu haud parum discedimus: cùm ipsâ praxi, rem aliquantò promptiùs & convenientiùs tractari posse, deprehenderim ac didicerim.

Structura ipsius Tubi 60 pedum.

Quælibet autem quadrati hujus canalis pars 30 ped. constat, ab a videlicet ad b, vel à b ad c; latitudo verò interior est novem ferrè pollicum, & quidem ab unâ extremitate ad aliam æqualis. Prætereà à parte interiori, in distantia scilicet trium, vel summùm quatuor ped., asserculi quadrati largo foramine lateribus ad angulum normalem valide agglutinati sunt; tam ad Tubum eò firmius corroborandum, quām lumen superfluum ab Observatoris oculo prohibendum.

Quomodo Tubi partes combinande sunt.

Cæterūm, hæ duæ Tubi partes necesse est ut debitè conjungantur, & quidem adeò exquisitè ad libellam, ne vel minimam patiantur curvaturam; secùs profectò Tibi per singula interiora foramina neutiquam rectâ transspicere licebit. Proinde robustissimam cistam ex crassiussculis asseribus itidem abiegnis, formâ quadratâ oblongam octo vel novem penè ped. fieri feci, ac circumcircâ prævalidis tenaculis ferreis, ne se se vel quicquam dilatare, nedū dehiscere, aut disrumpere queat, muniri curavi. In hanc cistam d appositæ Designationis Y, utriusque partis alterâ extremitate inseritur; sed necesse, ut canales omnimodè exquisitè cistæ sint aptati ac adæquati, ut nihil quicquam in ea



eâ vacillent ac titubent, sed ab omni parte, quo usque cistæ immissi sunt, strictè adhærent. Deinde canales isti, in cistam immissi, operculo *ff*, cui insitit statumen *l*, duobus anteridibus roboratum, ut situm suum erectum orthogonalem validè conservet, teguntur, simul quatuor ferreis robustissimis repagulis ad ipsam cistam *d*, adminiculo quatuor illorum tenaculorum (quibus cista, ut suprà dicebam, est munita) ac octo cuneorum itidem ferreorum, ut binæ illæ Tubi partes nequaquam disjungi, nec separari, nec se commovere ullo pacto possint, firmissimè constringuntur.

Ad extremitatem statuminis *l* orbiculus, circa axem volubilis, super quem rudens dicitur, insertus est, cuius altera extremitas ad *b* tenaculum ferreum annexitur; ad alteram verò extremitatem *i* cochlea benè robusta alligata est, quæ in pericochleam sive thecam *k*, ab interiori parte spiratim striatam, ad uncum appensam inseritur, & eò usque, donec rudens *b* *l* *i* valenter sit extensus, convolvitur; eo quidem fine, quò totus Tubus ad lineam omnino rectam deduci, ac in rectitudine firmiter conservari nonnequeat. Nam, nisi hunc rudentem eâ ratione Tubo huic 60 pedes longo applies, nullo profectò successu elevatur, regitur & dirigitur, sed è contrario facile evidentem contrahit curvaturam, ut nequaquam transpiciendi detur facultas, licet ex robustissimis asseribus canalis iste sit combinatus, si nimirùm solummodo circa medium *p* suspendi debeat; imò, ut facile intelligitur, prorsùs frangeretur.

Quò autem è vestigio non nescias, an Tubus in linea planè rectâ consistat (etiamsi non transpicias) atque in directione nec in excessu, nec defectu pecces; ideoque quatuor vicissim ligilla (ut in superiori illo Tubo 20 ped. factum est) ejusdem omnino longitudinis ad canalis tegumentū cochleis *m m m m* affixi: quorum cuspides nisi prorsùs in linea rectâ reperiantur, Tubum se se incurvare certum est indicium. Hincq; rudens beneficio cochleæ striatæ *i k* aut laxandus, aut constringendus; laxandus quidem, si duo ligilla extrema reliquis duobus intermediis altiora videantur; rursùs constringendus, si extrema duo humili-

Tubi extremitates ru-
dente cōstrin-
guntur.

Quomodo
cognoscas, Tu-
bum esse in
lineâ rectâ o-
mniō exten-
suum.

Esi incur-
vetur, quomo-
do rectifican-
dns.

ora existant; atque hoc pacto totum huncce Tubum, sive Machinam hanc gravissimam, ut ut ad 20 ped. longior es- set, ad libellam usque ad exemplū rectificare ac dirigere da- tur. Fundamentum hujus rei quilibet Mechanicus facile intellegit; nimirūm statumen *l*, cistæ firmiter insistens, multūm huic directioni tribuere. Nam, dum Tubus ad *h* & *k* attrahitur & elevatur, pars intermedia *b*, ut eò procli- viùs totus canalis ad rectitudinem redigatur, ope statuminis *l* deprimitur. Sed momentum in eo positum est, ut lon- gitudo statuminis *l* conveniat Tubo, & præprimis distan- tiæ *h k*, tum extremitates rudentis *h* & *i* debito loco ad canalem sint affixæ. Etenim nisi hæc omnia benè obser- ves, omnis labor erit frustraneus, & non nisi maximo labo- re, tœdioque totum Tubum gubernabis.

*De anginâ
canalis.*

*Tubus bic-
ce cum lance
comparatur.*

Porrò, conjunctis itaque his duabus Tubi partibus, nec non rudente *h l k* super statumen, ejusque orbiculum *l* de- bitè ducto, ac sufficienter extenso, mos mihi olim erat, pri- usquam canalem attollerem, ut priùs anginam *n*, ex duobus ligneis statuminibus ac robustissimo ferreo tenaculo in- curvato constructam, fortissimo axi ferreo, cistæ *d* subja- centi, applicarem; eà gratiâ, ut totum Telescopium, bene- ficio hujus anginæ sive trutinæ, ejusque annuli volubilis, fune posset attolli. Nam, ut rem rectè concipias, totus Tubus est quasi scapus, & *l* statumen erectum examen bi- lancis, sicque *n* angina est. Atque hæc ratione hunc pro- cerissimum Tubum instar bilancis (cùm in æquilibrio pari- ter ad axem *d* quiescat) promptum Tibi erit, quàm prom- ptissimè ac levissimè, dum elevatus est, regere ac diri- gere.

*Angina in
quibusdā ob-
sta Observa-
tionibus.*

Quæ elevandi & commovendi ratio haud quidem adeò est absonta; sed certâ tamē quâdam incommoditate, Obser- vationibus valdè inconveniente, laborat: nimirūm, cùm an- gina hæc *n* necessum habeat, ut sit decem ped. alta, ut exa- men bilancis *l*, quod minimūm novem ped. æquat, libere per illam se se agitare possit, hincque nullo tempore totum Telescopium non nisi ad annulum *n*, & superiorem anginæ partem attollere licet, donec scilicet trochlea superior, ex- tremitati

tremitati arboris appensa, cum annulo *n*, vel ejus appensa trochlea se se attingant; sic ut totus Tubus ad 12, imò 15 pedes minùs in altum deduci possit: atque sic è ratione phænomena vix ad 30 Grad. alta, licet arbor satis sit alta, observare possimus. Adhæc, quia ipsa angina ex crassiori robusto ligno, tum multo ferro munita constat, totam Machinam, quæ ex suâ ipsâ constructione maximum jam pondus habet, mirè insuper aggravat.

Quocircà omnibus modis, ut hanc anginam *n* à Tubis prorsùs removerē, annixus sum; quemadmodum etiam aptè à nobis, & quidem planiori & facilitiore viâ, præstitum est. Loco nempe anginæ hujus pōderosissimæ ac molestissimæ *n* frustum rudentis crassioris, ad utramq; extremitatem fibulas ferreas, ut ad *o* conspicere est, firmissimè alligatas habens, axi *d* applicui & affixi, nec non orbiculo, ne axe ullo modo decidat, benè prospexi; postmodùm huic breviori rudenti *o* trochleam uno orbiculo *p* adstrinxí similem, ut ad extremitatem arboris *q* annexi; ducto itaq; per utramque trochleam *p* & *q* fune ductario, poteris æque procliviter & convenientissimè Telescopium istud attollere, demittere, ac si anginâ *n* utaris, & quidem hâc commoditate singulari, quòd Tubum multò altius ad plurimos Gradus elevare possis, cùm funem eò usque, donec utraque trochlea *p* & *q* se se mutuò excipient, ducere valeas; id quod verò anginâ, quæ adeò ad decem, undecim pedes in altum exsurgit, haud conceditur: præterea solo hoc rudente breviori *o* ipse Tubus longè ad plures libras levior, tractabiliorq; evadit, quām si anginam adhibeas.

Cæterùm, arbor sive columna, cuius ope Telescopium elevari debet, necesse est, ut sit satis robusta, quò oneri sufficiat; longitudo ejus ad 60 70, imò 100 ped., si suo semper loco conservaretur, excurrere posset, in primis, si circa Speculæ centrum immota assiduè consisteret, spatiumque adeò esset amplum, ut Tubus circa arborem cum omni apparatu circumduci posset. Atverò, cùm Specula nostra in summitate ædium nostrarum ex ædificata supra centum pedes non excurrat, haud potuimus circa medium ejus arbo-

*Remotâ an
ginâ Tubus
longè altius
attollitur.*

*De arbore,
cuius benefi-
cio Tubus hic
elevatur.*

rem collocare, sed solummodo ad Loricam Sepimenti, ne reliquis Instrumentis Tubus hicce esset impedimento, tum prospectum præpediret. Ideoque ita omnia adornare co-

Arbor ad singulas Observaciones denuò origin da, & cum omni apparatu instruenda est. actus sum, ut quovis tempore, singulisque vicibus, quando Observationes Tubo isto instituendæ forent, commode suo loco arborem transferre, & ad Loricam Speculæ affigere possem; dein, expeditis Observationibus illam rursùs

adimere, atque cum funibus, trochleis, totoque apparatu suo loco debitè conservare. Id quod etiam percommo dum accidit. Nam si arbor illa perpetuò eodem loco permaneret, brevissimo tempore & funes & trochleæ ex tempestate aëris corrumperentur; quippe, quis quæso eò ascenderet, ac in singulis Observationibus superiorem trochleam cum fune ductario tanti ponderis relaxaret ac adimeret,

Telescopiis proceris simis Observatio- nes instituere est res alicuius laboris. rursumque in singulis Observationibus adstringeret. Lar giendum quidem, multum sanè laboris esse, tantæ magnitudinis Tubum ex cistâ suâ, quâ asservatur, toties produce re, utramque partem adminiculo tenaculorum & repagulorum conjungere, fune superintenso munire, arborem tantæ molis ad Loricam Observatorii erigere, suis funibus ductariis, trochleisq; instruere, succulam decussato manubrio volubili pro sustentandâ Machinâ adornare; deinde peractis Observationibus omnia rursùs relaxare, adimere, ac quodlibet suo loco deducere & asservare: nihilominus tamen, qui Rebus Cœlestibus student, vix hæc evitare valent, ut ut privato alicui, ob nimios sumptus erogandos, sit maximè molestum & damnosum.

Quâ ratione convenientissima Specula pro Tubis logis simis exstrui possit. Si aliquis Magnatum ac Principum sumptus hanc in rem suppeditaret, utique haud grave foret, singularem & convenientissimam Speculam adornare, licet Telescopium ad 150 pedes excurreret, quò arbor, cuius ope Telescopium aliàs erigitur, perpetuò suo loco subsistere, funes ductarii cum suis trochleis semper affixi ab eo dependere possent, & quidem immunes ab omni aëris intemperie; pariter Tubus ipse omni tempore omnimodè conjunctus & instrutus cum toto apparatu præstò esset, quin-etiam, quod præcipuum, in eo ipso loco, quo attolli, ac ad Sidera exponi debeat;

beat; ut minimè opus habeamus, multorum Virorum ope de loco ad alium deportare, nec eum disiungere, omnemque supellecilem restringere, suoque loco deponere; sed semper, quoties libeat, Telescopium protinus attollere, ac quorsum quorsum volueris dirigere, tum quidem absque magno labore & molestia. Verum, proximo Capite ex composito, Astrophilorum gratia, qui convenientiorem modum necdum excogitarunt, hanc de re acturi sumus. Indubitatum sanè est, singulare adminiculum fore, tum nemini non Astronomiae Cultorum gratissimum, maximamque molestiam posse ita evitari, si singulis vicibus Telescopium tanto labore, tamque operosè, tantoque temporis dispensio non esset prius instruendum; sèpiùs, crede, ad tales Observationes accederemus, si nempe omni tempore Telescopium omnimodè in statione expositum, & ut non nisi oculi, manusque ad Tubum admovendæ essent, in procinctu haberemus.

Sed ut revertamur ad columnam, sive arborem nostram, Tubum sustentantem, cuius proceritas tanta, quanta nobis huic Telescopio sexaginta ped. sufficere visa est, tum ut eam, trium vel quatuor virorum auxilio, ad Loricam Sepimenti erigere, affigere, restringere ac deponere possimus. Hæc, inquam, ad Loricam, ubi ubi volueris (cum ab omni Cœli plagâ locus ei negotio accommodatus est) incurvato tenaculo *r*, certisque repagulis validissimè adstringitur; deinceps chilonia, ex ligno exstructa, in quâ succula circumagit, ad arborem istam transversè, & ad Loricam, ut ad *s t* videtur, pariter affigitur. Quò autem hæc chelonia unà cum suâ succulâ decussato manubrio è firmius subsistat, subscudem, sive anteridem ferream renitendo subjici sive substruxi, atq; ad arborem suis cuneis ita obfirmavi, ne circumactione succulæ, funiumque ductariorum attractione (quanquam Tubus sexaginta, sive septuaginta ped. unius hominis robore elevetur) chilonia & succula *s t* vel se se incurvent, vel prorsus frangantur, sed leniter circumagi, atq; sic Tubus ipse ope funis ductarii molli articulo in altum deduci nonnequeat. Quando verò Telescopiū nunc debitam

Magnâ molestia libera-remur, si ejus modi Speculâ frui daretur.

Arbor ad Loricam Sepimenti adstringitur.

Tubus quo-modo eleva-tur ac fissa-tur.

altitudinem obtinuit, fune aliquo *vv* ad partem inferiorem arboris loco sufflaminis alligato, planè sistitur, annectendo nempe funem istum decussato manubrio succulæ; sicque tota Machina, ut ut sit ponderosissima, adeò firmiter omnino sufflaminatur, ut ne quidem minimum cedere, multò minùs decidere, vel jacturam facere aut accipere ullo modo possit. Id quod profectò necessariò etiam requiritur, ut planè tuti simus in ejusmodi Observationibus tantà Machinâ peragendis. Nam in rebus tanti momenti, & tam pretiosis lentibus conservandis (quæ valde carè aestimantur, & quas grandi pecuniâ mercamur) summoperè opus est, ut omnem jacturam probè præcaveamus, in primis, ne aliquis Observatorum vel Spectatorum ex improviso lædatur, imò planè interimatur. Tanta enim moles si de subito ex alto decideret, quicquid offenderet, frangeret,

Machina tractatoria. Quò autem eò pleniùs dictam cheloniam *s*, in quâ volvitur succula, quadrifido radio volubili *t* contemplari possis, ea omnia in superiori Tabellâ præcedentis Fig. Y sub ampliori aliquâ Designatione Tibi ob oculos ponere volui. Ex quâ facile patebit, quomodo chelonia *s* exstructa, quâ ratione succula *t*, sive jugum ligneum cum suis vestibus cheloniæ transversim, obnitente anteride, im-

Cochlea ad striatoria. ponatur. Præterea etiam cochleam illam *i*, cuius suprà meminimus, nec non ejus thecam *k*, à parte interiori spiratim striatam ibidem apponere placuit, quò ei, cui fortè aliquando interesset, dilucidè omnia proponerem. Et tantum nunc de Tubi hujus sexaginta, vel septuaginta pedum constructione, connexione, intensione & omni apparatu, quo attollitur ac demittitur, dixisse sufficiat. Nunc ad ejus

Modus Telescopia dirigendi. directionem descendamus, quâ nimirùm ratione quam promptissimè ac levissimè regatur, ac quaquaversum dirigatur: an uspiam alibi quisquam convenientiorem adhuc Machinam cum tempore sit excogitatus, tempus docebit; hucusque, ut omnis mecum fatebitur, nemini adhuc tale quicquam in mentem venit, nec illam operi admovit, ut primus planè sim (absit jactantia) qui Machinamentum hocce Telescopicum construxerim, atque ad usum transtulerim.

Prius-

Priusquam autem Tubus hicce fune ductario attrahatur ac elevetur, necessum habes, in extremitate præcedentis Tubi operculum istud inter c & h laxare & aperire; quò cistellam x , lentem objectivam y ferentem, debito loco secundùm requisitam lentium distantiam reponere possis. Nam, nisi vitrum objectivum rectè constitueris, profectò, si in primis duo ocularia simul adhibenda, parùm admodum efficies; quandoquidem distractione & immisione tubulorum ζ non usque adeò accurate lentis objectivæ intercapidinem obtinebis: sicuti nemo non hujus Artis peritus ultrò agnoscat. Postea, insertâ scilicet hâc cistulâ cum suâ lente, cāque, ne loco debito discedat, benè obfirmatâ, tubulum ζ duabus cicutis, sive duobus ductibus ex chartâ & corio superindito compositum adstringo canali cochleâ suâ intrinsecâ, ad annulum scilicet canali insertum, & ab exteriori parte spiratim striatum γ , cuius jam Capite superiori XIX, pag. 388 meminimus. Ne autem annulus hicce canali exeat, atque totus tubulus cum suis lentibus decidat, lentesque frangantur, quatuor ligneis clavis, per canalem trajectis, eum confirmavi, simulque quatuor ligamentis coriaceis ad fibulas adstrinxii: sed antequam tubulus iste ζ ad canalem adstringitur, inferendæ priùs sunt istæ binæ lentes oculares in istum tubulum; major & planior adminiculo annuli δ & α , minor verò & magis gibbosa ad β ope ejus tubuli.

Totam autem Tubi Optici Machinam, cum omni suo apparatu, remotâ mensâ versatili Telescopicâ regere & dirigere, res sanè est multi laboris & operæ; tale nempe va-
stissimum & ponderosissimum Instrumentum liberâ manu absque omni adjutorio continuò commovere, atque in eodem semper puncto conservare: Unde perplurimi ab ejusmodi Observationibus, ope longissimorum Tubo-
spicillorum sæpiùs suscipiendis, omnibus modis fuerunt deterriti. Nam, ut mihi quoque accidit, id quod maximo negotio nonnunquam inventum, uno oculi iectu rursùs perditum est. Quare nihil potius habui, quām ut huic inconvenienti medelam afferrem, mensamque Telescopicam
verfati-

Vitrum ob-
jectivum de-
bito loco ap-
ponatur.

Tubulus da-
bus cicutis.

Absq; Men-
sâ Telescopicâ
maximi Tubi
vix regñur.

versatilem adinvenirem, cuius adminiculo ex voto & ad nutum unicuique Observatorum licet peragere omnia: prout ipse, re probè exploratà, sine dubio fateberis.

*Constructio
Mensa Tele-
scopica.*

Mensam itaque hanc Telescopicam, quo totum artificium eò clariùs pateat, sub aliquantò ampliori figurâ in præcedenti Delineatione Y delineatam dare placuit. Inferius corpus ipsum quâ ratione & ex quibus partibus sit compactum, qualibus fulcris, transbris, retinaculis & transversariis coadunatum, ex Schemate abundè patet. Tabulae medio hujus Mensæ ferrum quoddam laminatum perticale dentatum & secundùm longitudinem ab unâ extremitate ad alteram immisi, cochleisque firmiter affixi. Ad utrumque Tabulae marginem duos canthérios εε, striâ confectos, ut vides, reposui, ac pariter cochleis annexi; quo assamentum satis crassum, ab utroque latere projecturâ instructum, in canthériorum striis horsum vorsum commo-
Totum ferè artificium in una solâ cochleâ perenni latet.

veri posset. Cùm autem assamentum illud η nudâ manu, in primis, si onus insigne quoddam sustinere debet, haud convenienter, nec adeò facile regatur; idcircò ad latus assamenti η posticū, quod tabulae incumbere debet, cochleam perennem satis crassam, longamque suo manubrio volubili confectam, ope duarū fibularum, quæ instar cheloni-
Virtus cochlea perennis.

arum essent, in quibus circumvolveretur, non decusfatim, sed transverso situ respectu axis striati affixi. Quæ cochlea perpetua cùm suas strias, ut patet, habeat, atque vectis ille ferreus in medio tabulae incedens suos dentes, oportet necessariò, assamento scilicet hocce η cum cochleâ suâ huic trabeculæ ferreæ denticulatae imposito, atq; canthériis suis εε adstricto, ut striæ cochleæ perennis θ dentibus illius axis ferrei striatis & morsicatum se se implicant, ac se se mutuò excipient, mordeantque, sic ut dictæ cochleæ circumvolutione & regimine assamentum illud η omnino secundum tabulae ductum, & quidem promptissimè ac lenissimè cessim procedere cogatur. Dein aliud assamentum μ, ejusdem ferè magnitudinis & figuræ, ad similitudinem η construxi, & quidem suis projecturis, quo assamento η aptè conjungi, eiq; inseri possit; in quo bina statumina λλ,
longi-

longitudine penè quatuor ped. erexi, & transversario γ connexi, tanto autem spatio inter se remota, ut canalis quadratus commodè inter hæc bina statumina intromitti possit. Quibus peractis, sedecula tota μ λ γ λ ad ligneam basin ν cochleā quādam, per centrum trajectā, primūm constringitur, ut aptè projecturis suis intra strias ν circummo-
Sedecula
Mensa Tele-
scopica.
veri, ac ita etiam immotâ mensâ Telescopicâ sedecula nihilominus conversione canalis se se accommodare queat; quando nimirūm Tubus obliquiori aliquo situ, respectu mensæ, directus est. Deinceps tota hæc sedecula cum utrāque ejus basi μ & ν mensæ imponitur, & intra illas securiculas ε ε eo modo aptatur, ut convenienter cochlea illa perpetua θ axi denticulato ξ, per medietatem tabulæ transi-
Uſus hujus
Machina Te-
leſcopica.
enti, optimè conveniat, ac muto morsu dentes axeos ejus corripere valeat. Postmodūm tenaculum transversum γ adimitur, Telescopium verò in sedeculam intra illa bina statumina λ λ immittitur, atque tum, clauso rursùs illo te-
naculo γ, trochleola dupli orbiculo ibidem appenditur, nec non alia similis trochleola ad π canalē unco suo ad annulos ibidem affixos, quorum plurimi inveniuntur, anne-
ctitur, & quidem eo loco, quo ratio ac commoditas id poscit. Rursùs per hasce binas trochleolas ducto quadrifica-
tò funiculo directario, eiique appenso pondusculo duarum scilicet vel trium summūm librarum, pro gravitate videlicet integræ Machinæ regendæ, totum artificium, quod ad commotionem & directionem Telescopii alicujus sexaginta vel septuaginta pedum omnimodè requiritur, confectum habes & adornatum.

His itaque omnibus è ratione dispositis, totam illam mensam Telescopicam, unà cum immiso & affixo ope binarum trochlearum Telescopio, ad partes phænomeno observando obversas transportare jubeo; id quod facili-
Quomodo
Telescopium
in Mensâ Te-
leſcopicâ re-
gatur ac diri-
gatur.
mo negotio etiam peragitur, cùm Tubus in centro gravita-
tis omnino circa ipsius medium & æquilibrium pendeat,
ubi alioquin omnium gravissima onera quàm levissimè commoventur. Proinde Tubus, rudiori Minervâ vel attrahendo, vel laxando fune ductario præcipuo, tum conver-

tendâ cochleâ gubernatrice θ , mensæ Telescopicæ adhærente, beneficio illorum quatuor ligillorum *mmmm*, ad tegumentum canalis affixorum (prout jam paginâ 390 & paginâ 393 diximus) dirigitur, quò objectum vel phænomenum, quod desideras, ipso Tubo excipere, atq[ue] ita istud

Nonnumquam rudiori aliquâ ratione res nonnulla eaque accurate, ac aliâ quâdam longè subtiliori, & anxie que sitâ expedientur.

per lentes optimè conspicere possis. Modus quidem iste per planissima talia ligilla Tubum dirigendi quamvis ad Stellam minimam valdè admodùm videatur rudis & garius, sed, crede, re ipsâ experieris, accuratiori artificio haud opus h[ic] esse. Quod si tamen subtilius aliquid desideras, loco ligillorum affige Tubo apta quædam Pinnacia, atq[ue] tum horum ope dirige Telescopium; sed dubito, licet sint subtiliora adminicula, an promptius & citius Stellam deprehendes; contrà verò certissimum est, longè facilius uno etiam leviori iactu Pinnacia illa subtiliora depravari posse.

Hac Machinâ Telescopiâ promptissime & convenientissimè omnes Observationes peraguntur.

Sed ad ipsam Observationem instituendam ut redeamus, nonnescias velim, quòd quasvis Observations in quocunque situ & elevatione commodissimè vel stando, vel sedendo ope nostrarum sellarum cessilium peragere (quemadmodum ex superiori Iconismo satis superq[ue]; liquet) tum Tubum ex voto promptissimè & lenissimè, absq[ue] omni labore & molestiâ, regere & dirigere possis; sinistrâ videlicet manu apprehenso funiculo, ejusq[ue] ponduscule, dextrâ verò cochleæ perpetuæ manubrio θ , funiculum nimirūm attrahendo vel relaxando; cochleam verò convertendo & retorquendo, manente semper Telescopio in quovis situ prorsùs immoto, absq[ue] omni ulteriori comotione & titubatione. H[ic]que ratione, etiamsi quævis stella, ac quodvis Cœleste phænomenum diverso gaudeat motu, nunc proprio, nunc diurno, modò secundùm longitudinem, modò altitudinem; nunc ortum, occasum, nunc Austrum & Septentrionem versus, nihilo tamen seciùs, ut ut motu feratur velocissimo, proclivissimè tamen quodvis objectum in centro Telescopii, vel potius lentium exactissimè, quoad volueris, funiculi scilicet illius & cochleæ perpetuæ directione, & continuâ agitatione conservare poteris.

Quomodo hoc nostro artificio omnis motus Corporum Cœlestium evitari possit.

poteris. Etenim, si phænomenum magis ac magis in altum vergere & ascendere deprehendis, Tubum paullulùm de-
mitte, funiculum parumper laxando; si descendit, attra-
he funiculum, protinus phænomenum ad priorem locum
rediges & deduces; & licet manum de funiculo planè tol-
las, nihilominus Tubus in eo positu firmissimè consistet;
cùm pondusculum planè totius Machinæ gravitati respon-
deat, atq; eandē assiduè in omni elevatione, ut ne minimum
quidem nutet, validè conservet. Rursùs, si phænomenum
ad ortum tendit, contorque vel constringe cochleam pe-
rennem dextrorum; si verò ad occasum excurrit, retor-
que illam sinistrorum: atq; ita exactissimè ad unguem
omnem motum phænomeno eximes, illudque perpetuò
immotum quasi in Tubo sustinebis & servabis: prout qui-
libet ex ipsâ praxi facilimè addiscet. Quæ Telescopium
dirigendi ratio quām jucunda sit, & Observationibus ipsis
quām convenientissima, alii, rem quando ipsi aggressi fue-
rint, fatebuntur. Nam licet à Tubo discedas, phænome-
numque eo elabatur, rediens tamen adminiculo ligillorum,
cuspidibus scilicet illorum universis in unâ cādem rectâ ad
objectum directis, illicò Telescopium restituere, stellam-
que vel minimam ad lentes deducere poteris; ut etiam o-
mnes harum Rerum rudiores, & Observationibus prorsùs
inassueti maximâ cum voluptate & jucunditate quodvis
phænomenum, ut ut sit velocissimum, confestim assequi,
Tuboque ad satietatem detinere queant. Ita ut Mensa
hæcce nostra Telescopica versatilis insigne pro quibusvis,
etiam omnium longissimis Telescopiis sit adjutorium; si-
ne quibus sanè, quomodo ejusmodi vastissimæ Machinæ
pro lubitu & necessitate convenientissimè, & adeò ex-
quisitissimè regi & dirigipossent, non video.

Tubus ad
quodvis obje-
ctum immo-
tus sepe sub-
sistit.

Auctorivis
detur, hanc di-
rigendi ratio-
nem non adeò
esse ineptam.

CAPUT XXI.

De Telescopio nostro maximo.

Cùm abundè nunc tandem exploratum sit, quantum plu-
rimis Observationibus Cœlestibus, Rei Literariæ bo-

Plurimi hanc
atate incum-
bunt,

bunt, ut indies
prastantiora
conficiant Te-
lescopia.

*Quare lon-
gissimi Tubi
adeò raro ha-
bitenus ad Si-
dera exhibiti
fuere.*

*Ad costru-
endam Ma-
chinam pro
Telescopiis
longissimis Ill.
Buratinus
Auctore pre-
primis exci-
tavit.*

*Talem con-
struere Ma-
chinā est pro-
fetto alicujus
laboris.*

no instituendis contribuant præ aliis exquisita & perfecta Telescopia. Hincq; nemo non Astrophilorum ac Opticorum nihil habet potius, quàm ut indies perfectiora, insuper & longiora conficiat, construatque. Longiora tamen sexaginta vel septuaginta ped., quod sciam, ut ut lentes pro longioribus Tubis hinc inde fortè expoliverint, feliciter, & cum aliquo successu ad Sidera hactenus vix ullibi exhibita fuerunt. È de re, quòd hucusque nondum convenientem Machinam, Tubumque pro inferendis lentibus adinvenire & componere potuerint, & quidem talem, qui omni commotioni & directioni expedite pareret, ac Observatoribus minimè esset mole suâ molestus. Imò plurimi Eruditorum, hoc ipsum adeò faciliori viâ detestum iri, penè desperarunt; nihilo tamen seciùs spem omnem minimè abjeci, sed amplissimam ejusmodi Machinam, Favente Deo, pro ferendis lentibus centum, imò centum quinquaginta pedum utique elaborari, atque ad usum commodum transferri posse, planè sum confisus. Ad quod opus suscipiendum in primis Illustr. Dn. Titus Livius Burattinus, ut Rerum Mechanicarum omnium, sic & harum Opticarum Peritissimus, & Exercitatissimus me maximè inflammavit: cùm non solùm lentes, manu suâ expolitas, pro Telescopio centum quadraginta ped. promptissimè promiserit, sed etiam brevi pòst liberali animo exhibuerit. Initiò tamen, rem istam plurimas habere difficultates, optimè me prævidisse fateor. Etenim, si negotium aggrederer superiori viâ, construendo videlicet canalem quadratum ex quatuor asseribus, atq; ex quatuor partibus conjungendis, quamlibet licet quadraginta ped. longam. Istæ quidem partes singulæ, largior, tam antè detecto, quàm alio adhuc diverso modo coadunari, atque beneficio quarundam cistarum ac funium ad rectitudinem deduci possent; si quis nimirùm haud vulgares sumptus, nec singularem potentiam ad Machinam componendam & regendam non vereretur. Verùm sedecim asseres quadraginta ped. longit. sufficientis crassitie & latitudinis, unà cum tribus adeò robustissimis cistis, quindecim minimum ped. longis, tanto ferro

ferro munitis, nec non tot funibus, trochleis superadditis, tantoque apparatu, quantæ, quæso, essent molis, quanti laboris & operæ, ea omnia conjungere, ad lineam rectam deducere, elevare, commovere, atque in suo semper situ & rectitudine conservare?

Idcirco prævidens hanc insignem molestiam, negotium hocce aliâ planè singulari ratione tentavi, nimirùm, ut ejusmodi Machinam pro lentibus centum quadraginta ped. ex octo tantùm, & quidem multò arctioribus & subtilaribus asseribus abiegnis construerem; quæ Machina ut esset sic levior, ita pariter ad construendum & dirigidum longè commodior ac facilior, præprimis cùm omnibus cistis intermediis prorsùs remotis, imò, quod maximum, absque omni ferro, ne unico quidem clavo ferreo unius obuli valoris (quod notandum) adhibito componeatur: & ut rem brevibus complectar, operam dedi, ut Machinam ex solis duobus asseribus gracilioribus, rotundum quasi Tubum præsentantem conficerem. Id quod principiò quibusdam, ut ut alioqui non omnino rudioribus, ferè absolum, imò ad instar paradoxi videbatur; canalem ex duabus solummodo planissimis asseribus exædificare & instruere. Quandoquidem extra controversiam penitus est, duos asseres explanatos nunquam è ratione, ut tubum clausum referant, lucemque ab omni parte excludant, ita combinari ac conjungi posse. Nihilominus feliciter, cum Deo, successit opus, ut desideratum finem obtinuerim, ac instar veri tubi eo commodè uti possum: quanquam, ut facile intelligis, hanc ipsam Machinam construere, tum regere ac dirigere, res sit alicujus difficultatis.

Machinam autem ipsam ex quatuor asseribus, quadraginta ped. longis, quò debitam longitudinem centum quinquaginta circ. ped. obtinerem, composui. Primò assagementum decem vel undecim poll. ferè latum, ac uno & quartâ ejus parte crassum, æquabiliter explanatū & extensem arrestis lateribus super aliud assamentum, tantummodo octo vel noven poll. latum, & vix tribus quartis unius digiti crassum ad medietatem penè explanati ejus lateris,

Ecc 3

tanquam

*Planè novâ
ratione Au-
ctor hanc co-
structionē ag-
gressus est.*

*Tubum com-
ponere ex du-
obus solum-
modo asseri-
bus, omni o-
mnino ferro
remoto, imò
ne unico cla-
vo ferreo ad-
hibito.*

*Construc-
tio
Machinæ pro
Telescopio
150 pedum.*

tanquam ad basin, orthogonaliter erexi & affxi: prout ex adjuncto Iconismo ad a B a videre est. Et ut eò firmius è ratione conjuncta hæc duo assamenta consisterent, plurimis anteridibus & tenaculis ligneis c secundum longitudinem impositis, ad tres vel quatuor pedes à se invicem remotis, uno scilicet latere in basin, asserem scilicet inferiorem b, altero verò latere anteridum c admovendo alteri assamento orthogonaliter arrecto, & quidem à latere illius asseris arrecti postico, ibidemque ligneis c clavis firmissimè constrictis & conglutinatis statuminavi & corroboravi; ne vel minimum hi bini asferes, tam subjacens, quam arrectus, alter ab altero commoveri, vel se se distorquere possent, sed perpetuò eo in situ conjunctim conservarentur.




Asferes peculiari ratione conjuncti & combinati minimè se sinnunt incurvare.

Nam, quemadmodum jam Cap. VIII occasione illius Quadrantis meminimus, assamentum illud a B a ad latitudinē super alterum explanatum b b erectum, nullo modo sinit inferius, basin videlicet subjectam b b, se se incurvare, licet assamentum alioqui satis sit arctum & gracilentum; è contrario hocce assamentum subjacens b b, cum suā planitie arrecto validè sit affixum, neutiquam permittit, ut superius a a arrectum ullo pacto se se obliquare queat. Ita ut hæc bina assamenta quadraginta ped. longa dicta ratione inter se firmissimè combinata & conjugata, semper strictissimè in recta omnino lineā se se conservare, & nullo modo infletere possint, imò citius, maximā vi addibitā, asferes illos ita compositos franges, quam obliquabis: quemadmodum facile intelligitur.

Perforati asferes quadrati quem in finem sint affixi.

Ab altero autem latere illius arrecti asferis a a, ut ad A & D manifestum est, è regione anteridum & tenaculorum c asserculos quadratos d, sed amplio foramine prædictos unius ferè pedis magnitudine insuper orthogonaliter erexi, & ad utrumque assumentum, tam subjectum b, quam arrectum a, ligneis clavis probè affxi, atque conglutinavi; eo non solùm fine, ut utrumque assumentum magis magisque constringant ac corroborent, sed in primis, reliqua ut modò taceam, quò lumen adventitium, ab exteriūs proveniens, omnino prohibeatur, ne in lentes incidat, oculosque

Obser-



Observatorum irradiet. Combinatis itaque ac compositis quatuor illis partibus *A B C D*, artis nunc est, eas invicem secundum longitudinem conjungere & constringere, ut ne minimum quidem ferri res opus habeat, & nihilominus debitam suam habeat firmitudinem, etiam illicò rursus ^{Quâ ratio-}
^{ne partes illæ}
^{diversissimæ}
^{hujus Machi}
^{na conjungā-}
^{tur & combi-}
^{nantur.}

haud multo labore, temporisque dispendio restringi & resolvi possit. Ad hoc ipsum autem præstandum commodius remedium nullum planè invenire potui, quâm ut peculiares anginas ligneas constringentes sive constrictorias conficerem, quibus alioqui Scriniarii utuntur, dum asseres conjungunt & conglutinant, quales in præcedenti Figurâ, & superiori Tabellâ ad sinistram ad *f* delineatas dedi; hoc tantum discrimine, quod Scriniariorum anginæ ab utrâque extremitate firmiter clausæ ac conglutinatæ sint, & quicquid in iis constringendum & arctandum est, intra aperturam, sive inter utrumque crus inferendum sit; hæ verò nostræ anginæ constrictoriæ, pro componendâ Machinâ hâc nostrâ, tantum ab unâ extremitate sint clausæ & conglutinatæ, ab alterâ verò extremitate peculiari ligillo quadrato, subscudibus sculpto (loco securiculæ) per strias anginæ utriusque lateris immisso occludantur, trajecto clavo ligneo, ne hocce ligillum exeat, sitque ad resistendum eò potentius, tum omni tempore illicò, quando opus, rursus eximi possit. In binas has anginas *f* duorum arrectorum asserum *D* & *C* extremitates conjunctim, sed exceptis primùm ligillis illis *e* ex anginis, à parte superiori in apertas anginas strictè immittuntur, cùm fissura anginæ omnino crassitiei utriusq; asseris arrecti respondeat; vel, quod præstat, binæ hæ anginæ *f* per foramina adæquata subjecti asseris *b*, baseos scilicet Machinæ, à parte inferiori sursum depanguntur: deinde dictæ anginæ ligillis illis quadratis *e*, ne ullo modo exilire vel rumpi queant, clauduntur, clavisque suis obfirmantur. Postea duos cuneos robustissimos ligneos, ad anginæ latitudinem planè formatos, sed sibi invicem obversos, in utramque anginam, inter securiculam *e* nimirùm & binos asseres conjunctos immitto & depango, eosque paviculâ eousque validissimè cogo,

cogo, donec amplius cedere recusant, atque utrumque assumentum *D* & *C* satis superque sit constrictum & coarctatum: prout ad *E*, in primis ex superiori tabellâ ad dextram apposita, videre est. Atq; ita duæ hujus Machinæ partes debite sunt conjunctæ, ut nullâ vi, nisi cuneos recludas ac relaxes, disjungi & separari queant. Pari nunc ratione reliquas etiam *A* & *B* similibus quatuor anginis, cuneisque ad invicem constringuntur, ut omnes quatuor partes *A B C D* ordine secundum lineam rectam beneficio trium parium anginarum cohærent.

*De peculia-
ri statumine,
super medie-
tatem erigen-
do.*

Probè autem notandum, quòd in Machinæ medio ad statumen aliquod *F*, super basin quandam decussatam *G* erectum, asseribus orthogonaliter arrectis imponendum & insternendum sit, anginisque amplectendum, ac simul cuneis illis angendum, quò ibidem Machinæ validè inhæreat, & nullo modo ab eâ discedat. Estque statumen dictum ad duodecim pedes altum, atque duobus anteridibus & retinaculis benè corroboratum: quemadmodum ex Delinatione superiori liquet. In statuminis vertice bini orbiculi super axe volubiles ad *i* & *k* inserti sunt; quo fine verò deinceps exponetur. Dispositis itaque his omnibus, ac partibus hujus Machinæ firmè inter se conjunctis, super imposito illo statumine decussatâ suâ basi; adhæc, totâ Machinâ ad arborem, quâ elevari debet, deductâ, ibidemque ad libellam super truncos, sive sedilia omnino in directum protensâ, curvaturisque omnibus Machinæ exemptis (quò per singula foramina *d* ab unâ extremitate ad alteram liberimè pateat prospectus) diversissimi rudentes, funesque, nec non trochleæ plurimæ diversi generis Machinæ applicantur & adstringuntur: quemadmodum ex superiori Schemate elucet, in primis ex hac apposita adhuc paullò dilucidiùs, ubi Machina jam sublata pendet.

*Necesse est,
ut trochlea de
bito loco Ma-
chinæ anne-
stantur.*

Verùm plurimum interest, quo loco trochleæ instringantur, ut æquipondium videlicet quâ longitudinem inventias, atque funes gestatarii, sive portatarii æquali potentia Machinam arripiant, æqualiterque ubiq; sustineant. Nam, si binæ illæ trochleæ intermediæ *b* & *c* ad columnam nimis vicinæ

vicinæ ratione statuminis f annexæ fuerint, Machina terram versus utrâque extremitate se se incurvabit, convexitatem scilicet circa medium sursum exhibendo; contrarium verò experieris, si trochleas illas binas *b* & *c* longius, quâm oportet, alligaveris, extremitates se se erigent, totaque Machina terram versus contrahet convexitatem. Adeò, ut artis planè sit, initio, quando Machina primùm adornatur, trochleas non solum *b* & *c*, sed & reliquas *a* & *d* ita disponere & applicare, ut pari potentia ubique funes gestatarii totam Machinam sustineant, atque in rectâ linea sustentent. Huic rei autem maximum momentum accrescat, si rectè noveris ac exploraveris, à quo arrectorum asserum latere, an antico, an verò postico trochleæ sint annexendæ, vel quænam ab uno, & quænam vicissim ab altero adstringendæ. Etenim, nisi hæc omnia probè explorata habeas, nullà ratione totam Machinam ad libellam, ut universi asserculi quadrati ac perforati *d* arrecti ad ductum Horizontis parallelum consistant, deduces, sed varias curvaturas ratione inclinationis deprehendes; quanquam parùm intersit, an Machina hæc paullulum se se convertat & inclinet, dummodò rectam omnino lineam quâ longitudinem perpetuò exhibeat. Præstat tamen, totam Machinam non tantum prorsùs in directum protensam, sed etiam ubique ad perpendiculum erectam habere. Isthoc pacto namque quævis objecta proclivius reperies, quâm si Machina transverso & acclinato aliquo situ pendeat. Suasor itaque sum, ut omnem adhibeas industriam, quò Machinam directam primùm tum quâ longitudinem, tum quâ inclinationem ritè & exactissimè constituas; id quod utique fieri etiam poterit, si solummodò laborem non verearis.

Quomodo verò, & ubinam trochleæ omnes secundum proportionem exhibitæ nostræ Machinæ sint alligatae, promptius ex Delineatione ipsâ, quâm prolixâ informatione addisces. Primò quatuor trochleas ad asseres erectos anneximus; nimirùm priorem ad *a* antecedentes anginas, alteram ad *b*, tertiam ad *c*, & quartâ ad *d*, per quarum orbiculos rudens fortissimus, aliâs gestatarius nobis dictus, tra-

Funes ge-
statarii.


Ordo & di-
spositio troch-
learium.

jectus est, eâ ratione, ut alteram rudentis extremitatem primùm per *d*, dein *c*, rursùs per orbiculum inferiorem duplicitis trochleæ *e*, hinc per trochleam *b* & *a*, & deniq; iterum per duplicitis illius trochleæ orbiculum, sed superiorem trajececerim, extremitatibus ad *f* constrictis. Rudentis autem

Longitudo rudentis gestatarii. longitude necesse sit omnino operi adæquata: quandoquidem, si nimis brevis est, nullo pacto satis validè sustentat Machinam; rursùs si debito longior est, ut ultra statumen *k* exporrigatur, ægrè admodum Tubus in suo arrecto situ conservatur: quippe statumen *F* facile infra trochleam duplicitam *e* transiret, ac se se converteret, maximo Machinæ dispendio; quòd si verò debitam hujus rudentis longitudinem observaveris, statumen *F* potest se se ad rudentem reclinare, vel quod idem, rudens, per duplicitem trochleam *e* duplicatò trajectus, statumen *F* sustentat, ne se se invertat, atque ab arbore discedat, sed situm suum eò melius conservet. Sublatâ itaque duplii hâc trochleâ *e* ope funis ductarii *y* *x* in altum, protinus rudens gestatarius *d c e b a e f* ubique in suis locis æquabiliter prorsùs Machinam apprehendit & sublevat: quippe dictus rudens liberrimè per omnes orbiculos incedit, & nullibi remoratur, imò pro diversâ elevatione promptissimè duplii trochleæ *e* cedit; sicuti Mechanicarum Rerum periti facile intelligunt. Quòd si verò duos diversos funes, alterum scilicet ad *b* & *c*, alterum rursùs ad *a* & *d* alligassem, eosque tantum per binos illos orbiculos *e* duxissem, fieri sanè haud potuisset, ut Machina adeò æquabiliter tolleretur, ac in linea rectâ confirmaretur. Mox enim hic, mox ille funis laxior, nunc strictior foret, quod illicò Machinæ obliquitatem procrearet.

Nisi rudente gestatario huic Machina subvenias, procliviter se se inflexit. Nam scias velim, Machinam hanc vastissimam, ob nimiam suam longitudinem, ut ut partium compactio & constructio sit penitus validissima, procliviter tamen admodum curvaturam inducere, atque à linea rectâ discedere; hinc nisi huic incommodo subvenias, Machinam nimirùm ope funium, per plures trochleas sibi invicem cedentium, æquabilissimè ab omni parte attollendo, profectò operam egregiè ludes, atque perdes.

Verum



Verùm enim verò, unicus hicce rudens, per sex illos orbiculos trajectus, licet ferè sit omnium primarius, neutram tamen adhuc solus huic rei sufficit; quò videlicet tota hæc Machina in debitâ suâ rectitudine conservetur. Etenim, licet circa Machinæ medietatem ad *a b c d* officium suum præstet, neutram tamen ipsas extremitates *g & i*, ut istæ se haud evidentissimè Horizontem versùs inflestant, constringere valet. Proinde quò & huic rei succurrerem, volui primùm statumen illud *F*, in basi suâ *G* erectum, Machinæ circa medium imponere, ibidemque dupli anginâ constringere, aliisque tenaculis renitentibus obfirmare, ne se se facilè perverteret; quâ verò ratione hæc omnia sint confecta & combinata, nec Schemate adeò dilucide commonstrare, nec verbis, ut chartæ parcerem, describere potui; oportet igitur, sis, ut ipse reliqua inquiras. Super istius nunc statuminis orbiculum & superiorem pariter, ut in præcedenti Tubo sexaginta ped. factum est, alium rudentem satis crassum (quem directarium appellare lubet) extremitatem Machinæ *g* versùs duxi, ibidemque, ubi nempe moles id requirit, extremitatem illius rudentis annexi, vel annexo unco ibidem appendi; alteram verò rudentis illius extremitatem *h* ad Ergatam (quæ vecte dentato trium circiter pedum longitudine, ac striato axiculo, alioque artificio intrinseco constructa est) ad *i*, circa Machinæ extremitatem alteram inferiorem adstrictam; validissimè alligavi; sed oportet, ut rudens iste directarius in antecesum, si recens est, optimè sit distentus, ne se se nimium deinceps dilatare & expandere possit. Quandoquidem hicce rudens *g y h* eam ob causam adjectus est, quò liceat utramq; Machinæ extremitatem superiorem & inferiorem regere, tantumque elevare, ut resurgent, quantum à rectitudine Machinæ deficiant: quemadmodum quoque factu admodum est proclive. Nam dum Ergatam, vel ejus vectem serratum *h i*, qui loco cochlear perpetuæ servit, manubrii beneficio circumagis (cujus faciem melioris intellectus gratiâ in superiori Iconismo *Z* delineatam dedi) rudens iste *g y h* adeò distenditur & attrahitur, ut necessariò inde utraq; Machinæ

Diversis finibus ad hanc Machinæ attollendam opus habemus.

Funnis directariis.

Ope aliquæ juss Ergata funis gestata riens adstricta gitur.

Quomodo Machina beneficio Ergate ad rectitudinem deducatur.

chinæ extremitas se se attollere & erigere cogatur: id quod isto Instrumento, seu Ergatâ perquām lenissimè, nullo ferè labore, unā manu peragitur, ut sic mirum in modum exactissimè Machinam totam ad rectitudinem, si quid ei de-est, reducere valeas, etiam sublatâ jam Machinâ, ac in al-tum proiectâ, omni tempore, quando volueris, ac correcti-one & reductione aliquâ opus habere videris; quia Erga-ta ad partem Tubi inferiorem residet, ubi nunquam non illam arripere, manubriumque ejus circumducere Tibi est promptum.

*Singulare
adminiculum
Machinam
hanc vastissi-
mam regedi.*

Eâ nunc ratione, atque hâc Ergatâ, unico hoc rudente. à g per k ad h ducto, integrum nobis est, totam hanc am-plissimam centum quadraginta, imò centum quinquaginta ped. longam, maximaçque molis Machinam quâ ejus extremitates abundè angere & constringere. Quòd si verò hæc Machina ad quinquaginta pedes adhuc productior esset, & ad ducentos pedes excurreret (qualem construere, adjuvan-te Divino Numine, me pariter posse utique confido) rudens directarius g k h solus haud sufficeret, sed multò longiori opus foret; quem itidem per quatuor trochleas, circa ex-tremitates Machinæ apponendas, prout circa intermedium rudentem primarium fecimus, nec non per alterum orbiculum inferiorem statuminis F ducerem, atque inter utramque rudentis extremitatem Ergatam vel cochleam illam perpetuam annexerem, quo adminiculo longè ad-huc melius longitudini & ponderositati Machinæ succurri posset: quin-etiam, si hæc nondum sustinendo oneri satis essent valida, intermedium rudentem gestarjum, per qua-tuor trochleas trajectum, per sex trochleas, atque tertium orbiculum statuminis F perductare posses; quibus omni-bus adjumenta haud levia huic vastissimæ Machinæ im-portarentur: in summâ, ut videoas, multiplici viâ talem molem me exstruere ac regere posse. Præsens autem hæc nostra centum quinquaginta ped. nec aliâ ratione, nec lon-gioribus funibus opus habet, siquidem iis, ut commonstra-tum est, optimè firmari potest & sustentari.

*Machina
200 ped. quo
modo regi pos-
set.*

Atque

Atque hæc breviter, quoad fieri potuit, de Machinæ hujus distensione & elevatione secundùm longitudinis suæ ductum dicta sunt. At, inquies, hisce nondum expedita sunt omnia, nec metam attingimus. Quippe cùm hæc constructio tantummodò ex binis asseribus explanatis sit composita, licet quælibet hujus Machinamenti pars quarta per se reverà nulli inflexioni lateralí facile cedat; nihilo tamen minùs, combinatis & conjunctis ope anginarum illis quatuor partibus, facilimè ob gracilitatem Machina se se notabili parte sine dubio incurvabit & obliquabit. Utiq; largior, longitudinem illam nimiam, atque summam corporis gracilitatem inducere aliquam incurvationem lateralem, quando nempe in altum attrahitur ac commovetur; in primis, si totam Machinam unâ extremitate regas. Id quod autem n̄ecessariò, fateor, si quicquam accurati Tubo isto peragere satagas, summoperè evitari debet. Sed quomodo, inquies, huic incommodo præveniendum? quām facilimè, inquam, & quidem leviori & planiori aliquo adjutorio. Nam, cùm maxima Machinæ infirmitas existat, ubi partium extremitates anginis illis, cuneisq; coadunatæ & constrictæ sunt, resticulam benè distentam ad *m* alligatam pariter ad *o* firmiter annexi; rursùs continuando à *p* ad *r*, atque ab *s* ad *u* usque, ita ut asseruntur conjunctio, & anginæ constringentes in medio resticulæ constituantur, quo loco ligillum sive tigillum dentatum, quatuor ferè ped. longum, sed subtilissimum abiegnum, vix uno & dimidio pollice latum, crassum verò uno poll. ad basin Machinæ, sive explanatum asserem applicui: prout ex præcedente Iconismo A A ad *n q t* liquidum est. Deinceps, constitutis his ligillis ligneis denticulatis instar sufflaminum ab utroque latere, tam antico, quām postico (pariter siquidem ibidem resticula dicto modo annexa est) tum, quā parte videlicet Machina se se obflectit, resticulam à parte oppositâ, donec sufficiat, attraho & intendo, eamque in crenam ligillorum convenientem, ne retroeat vel retrocedat, intensioni immitto (planè ac si arcum intendas) & quidem ab omni parte, ubi incurvatio se se offert, id faciendum,

usque dum deprehendas, Machinam ad lineam rectam o-

*Etiam abs-
que ligillis
Machinam
ad rectitudi-
nem reduce-
re.*

mnino esse reductam. Id quod facile cognoscitur, etiam absque illis ligillis visoriis, quæ loco Pinnacidiorum Tubis aliæ nostris, ut Cap. superiori p. 390 & 393 dictum est, inserunt, si duntaxat juxta ductum longitudinis Machinæ ad quadratorū asserculorum perforatorum cuspides collineas, protinus omnis curvatura se deteget. Quod si verò animadvertis, intenso funiculo, exempli gratiâ n, ab uno latere in excessu esse peccatum; confessim oppositam resticulam uu intende, & excessum recorrige, & sic consequenter in reliquis curvaturis idem facito; quòd sic possis per universa foramina ab initio scilicet ad finem usque Machinæ liberimè transpicere. Quo artificio non solùm Machinam ad omnimodam rectitudinem rediges, sed etiam eam ipsam quæ partes circa combinationes & juncturas ita corroborare, ut apprehensâ unâ extremitate, ubi lentes oculares sunt repositæ, nullo negotio alteram ab oculo aversam remotissimam ex voto commovere non nequeas, manente semper Machinâ planè incurvatâ & illæsâ; sed necesse est, ut tranquillâ aurâ hancce erigas, tractesque Machinam; ventus enim alioquin ob maximam proceritatem illam mirè vexat, jugiterque reciprocatur.

*Debito loco
& tempore
etiam mini-
ma plurimi-
valent.*

Vides igitur, amice Lector, quomodo nonnunquam re aliquâ leviusculâ, nullius ferè momenti, magno & arduo negotio suppetiæ ferantur, si nimirùm debitè & cum ratione suo tempore adhibeantur. Exemplum præstò est, quòd nimirùm gracili resticulâ ad ligillum adeò subtilissimum & fragile serratum uno digito intensâ, tantam immensam molem leviusculâ scilicet potentia regere & dirigere queamus, tantoperè, ut, resticulâ in unâ aut alterâ productiori crenâ insertâ, illicò totam Machinam notabiliter immutatam sentias. Totâ itaque Machinâ ad amussim rectificatâ, tum quoque, an etiam in elevatione & attractione ullâ aliquâ ratione à perfectione suâ discedat, vel se se distorqueat bene exploratâ, binas illas cistas, ex leviusculis & subtilissimis assumentis confectas, ut pote H & M, illam, cui tubulus diductilis duabus scilicet cicutis & instrictus est,

*Lentes pe-
culiaribus ci-
pis Machine
apponuntur.*

est, hanc verò *M*, cui lens objectiva inserta est, ad utramque Machinæ extremitatem tenaculis & subscudibus ligneis adstringo, ne vel ullo modo nutent, nedum decidant; sed oportet, ut omnino cognitum & exploratum in antecesum habeas, quo loco superior cista *M* cum suâ lente convexâ, respectu lentium distantiae, affigi debeat: quandoquidem Tubo elevato tum primum in distantiam inquirere, ac toties tantam Machinam demittere, rursusque attollere, nimis foret operæ. Præstat ergo, ut jacente Machinâ veram diductionem ad terrestria objecta explores, atque inquiras.

His insuper omnibus peractis & observatis, tota Machina ad elevandum, & phænomena exponendum stat in procinctu. Cùm verò Machina hæc ingens sit moles, tum in longum jugiter excurrat, spatiūque, ubi conjungi, instrui & attolli debet, requirat amplissimum; id circò hanc ipsam in Speculâ nostrâ ædium mearum haud tractare possum; in primis ob crassissimam & procerissimam arborem, singulis vicibus erigendam. Coactus igitur alium locum, atque receptaculum in prædiolo quodam suburbano, haud procul ab Urbe nostrâ, in egregiâ planicie, ubi undique liberrimus patet prospectus, elegi; præprimis, quia ibidem tam Machinam ipsam, quam totum ejus apparatus conservandi optima datur commoditas.

Hoc loco sub liberrimo Dio ingentem, crassissimam, procerissimamq; arborem, nonaginta penè pedes longam primum in terram altè insertam, ac super decussatam basin, ex trabibus robustissimis compactam, quatuor suis retinaculis renitentibus impositam erexi & constitui; ac ita quidem, ne ullo modo vi procellarum commoveri, vel loco cedere possit, sed immota semper consisteret. Per hanc arborem sursum versùs ordine foramina ad climaeteres inferendas sunt perterebrata, quò fabro alicui lignario, vel alteri cuidam hujus rei assueto ascendere, trochleamq; illam superiorem, binis orbiculis instructam, ad arboris cuspidem adstringere detur, atque postmodum funem ductarium illum longissimum, ac bene crassum per quatuor orbiculos

*Machinâ
hec amplissi-
ma non in æ-
dibus nostris;
sed ante urbē
in campo quo
dam parenti
ad Astra ex-
ponitur.*

*De arbore;
quâ Machinâ suspen-
ditur.*

culos binarum trochlearum x & y , quò facilimè ac promptissimè moles moveatur, eò commodius trajicere liceat. Nam quò per plures orbiculos funis ductarius transit, eò pondera minori potentia, quamquam paullò tardius, moventur ac attolluntur. His itaque instructis, necesse nunc est, ut trochlea y ad alteram illam duplicem trochleam e , per quam aliàs rudens gestatarius incedit, alligetur; sed hâc ratione id fieri oportet, ut statumen k suo fune directario g & h inter cochleas dictas y & e , arboremque remaneat: eam ob causam, ut statumen F à nullo latere declinet; atque sic tota Machina à suo situ arrestiori vel minimum deviet. Id quod eò magis quoq; prohibetur, si maxima pars trochlearum a b c d ad latus adversum respectu nostri, arborem versus, singulari tamen moderamine, alligetur; atque tum statumen superducto suo & extenso fune directario quadruplici rudenti gestatario, ne ullo modo unà cum Machinâ perverti possit, securè incumbit.

Ergata, quâ Machina arrestatur. Præterea, infrà ad pedem arboris succulam, sive jugum ligneum cylindricæ figuræ, quod duobus fulcris arrestariis transversim impositum, & suis vertitur cardinibus, decussatis vectibus adornatum locavi; cuius beneficio tota illa vastissima Machina, duorum solummodo virorum auxilio, eousque, quò phænomena exposcunt, promptè utique elevatur. Postmodum in altum deductâ, tubuloque illo minori, duabus cicutis constructo, atque duabus plerunque lentibus ocularibus armato, ad cistam H cochleâ suâ affixa, atque ligamentis probè, uti consuevimus, adstricto,

Hac Machina 150 ped. pari artificio, ut reliqua Telescopia aliquantò breviora commoveretur ac regitur. eam ipsam Mensam nostram Telescopicam versatilem, superiore Capite jam descriptam, Machinæ adhibeo, eamque inter bina illa Mensæ illius statamina pari modo, uti diximus Cap. XX, immitto, binasq; cochleas, funiculo ductario, suoque pondusculo, sive facomate armatas, debito loco appendo, non neglectis reliquis insuper adhibendis, promptum Tibi erit, etiam omnium maximum Tubum, utpote hunc centum quinquaginta ped. æque leniter, faciliter, ac velociter regere, ac ad quodvis objectum minimum non secùs, ac si Tubum viginti pedes longum, vel minorem haud sanè

majori sanè labore dirigere. Siquidem facoma illud, & cochlea illa perpetua eandem operationem in maximis, quam in minoribus præstant. Tota enim Machina in suo centro gravitatis sustentatur, nisi quòd inferior Machinæ pars alteram partem superiorem ex præparato præponderet; quòd facoma, sive appensum pondusculum quinque vel sex librarum (quod tamen in aliis atque aliis Tubis variatur) in omni altitudine Machinam lenissimè conservare valeat.

De Mensâ autem hâc nostrâ Telescopicâ, ejusque usu quoniam jam præcedenti Capite abundè affatim diximus, pluribus hîc supersedeo, sed Lectorē eò remitto. Cæterùm verò fortè adjicies: exhibuisti quidem Machinam duabus cistis, ad utramque extremitatem pro lentibus inferendis affixis; sed quomodo, quæso, tota illa Machina, ejusque partes intermediæ sunt cooperiendæ? præstabilitne dicta Machina suum officium, cùm tota undique sit aperta? nonne lumen ad lentes, oculosque Observatoris pertransiet? refertne Machina hæc Tubum sive canalem undiq; occlusum? Respondeo, Machinam quidem non esse reverà Tubum omnino coopertum; nihilo tamen minùs prorsùs ejus fungitur officio, planè ac si reapse undique esset tecta. Nam, cùm asserculi illi quadrati perforati non nisi tribus, vel quatuor circiter pedibus ab invicem tantummodò distent, omnne omnino lumen prohibent à lentibus, oculoque Observatoris; ita ut dum oculum ad *H*, prius scilicet foramen, ad moves, non nisi obscurissimum, nigerrimumque Tubum sive canalem, atque in extremitate unicum solùm rotundissimum foramen deprehendis: asperes quippe isti omnes perforati ab illo antico latere, Observatorē versùs, penitus sunt denigrati, ut nil nisi Tubum, atro colore obductum, conspicias. Si negotium id exegisset, verum rotundum Tubum ex hâc Machinâ confidere mihi fuisset in expedito, inferendo scilicet tubos levissimos papyraceos, tres pedes longos, ab uno foramine ad alterum, & ab unâ extremitate ad alteram; prout in hâc nostrâ Machinâ circa ejus initium, incipiendo à cistâ illâ quadratâ *H* usque ad quartum

Ggg

foramen,

*An Machina
na hac undi-
que aperta
etiam cooperi-
enda sit, quan-
do lentes ei in-
serenda sunt.*

*Machina
dicta, si ita vi-
deatur, potest
hanc difficul-
ter tegi ac ve-
lari.*

foramen, ut ad z z z videre est: utiq; sic verum Tubum undique coopertum haberet. Adhæc aliâ etiam viâ cundem effectum produxissem; si subtilissimo & levissimo nigro linteo, vel velamento serico totam Machinam contextissem ac velassem. Verùm his omnibus, ut ut facile fieri potest, haud opus tamen habemus; dummodò ab initio, incipiendo videlicet à cistâ H, tria vel quatuor intervalla ad decem circiter pedes, ne oculus Observatoris illicò ab initio divagetur, vel lumen extrinsecum ad oculum pertranseat, tubulis claudantur, cæteris, ut modò dicebam, optimè carere possumus, ut reapsè, si eadem tentaveris, experieris. Ultimò de foraminibus hoc admonendum adhuc habeo; quòd, cùm Machina sit maximæ proceritatis, studiò foramina facta sint inæqualia; nimirùm præcedentia paullò minora, subsequentia verò successivè aliquantò majora: quò transpiciendo æqualia omnino appareant; aliàs profectò, si fuissent prorsùs æqualia, illa maximè ab oculo dissita longè minora apparuissent. Ideoque priora nonnisi octo poll.; subsequentia verò novem, decem ad undecim usque poll. confeci. Quanquam parùm admodùm interfuisset, an æqualia planè extitissent, dummodò nihilominùs in rectâ lineâ Machina conservaretur, ut optimè transpicere potuissemus; attamen præstat, ut antecedentia sint aliquantò cæteris vicinioribus ampliora: eam quidem ob causam, ne protinus, dum Machina se se parumper incurvaret, prospectus impediretur. Accedit, si præcedentia sint ampliora, parùm referat, an Machina circa medietatem se se paullulùm inflecat.

*Operosum
profectò est.
Machinam
hanc instrue-
re, pariter
rursus re-
stringere &
disjungere.*

Postremò, quemadmodùm omnino laboriosum est, nec sine aliquo sumptu, temporisq; dispendio fieri potest, ob plurimorum virorum operam, quâ carere haud possumus, vastissimam hancce Machinam conjungere, constrin gere, instruere, attollere, commovere ac dirigere; sic quoque eandem demittere, restringere, disiungere, apparatus adimere, omnia suo loco deducere & conservare, labor est haud vulgaris: verùm in hocce negotio fieri aliter non potest, nec cuiquam Siderum Cultori hoc debet esse molestum

*Quare fora
mina Machi-
na affixa di-
versa sint ma-
gnitudinis?*

molestum & toediosum. Nam cùm arbor in patentí campo consistat, Machina cum trochleis, funibus, totâq; supellecili ibidem haud remanere potest, sed peropus est, ut omnia & singula relaxentur, removeantur, ac destinato loco ordine reponantur ; secùs profectò ea omnia, quæ haud leviusculis sumptibus, laboreque comparata & constructa fuére, facilè ab injuriosa temporis tempestate consumerentur , pessumque irent.

Quomodo autem hæc molestia evitari possit, jam Capi-
te superiori meminimus ; si nimirùm locus aliquis com-
modus, ac his Machinis & Observationibus aptus instrue-
retur. Verùm id ipsum ad effectum deducere, non est pri-
vati alicujus hominis , necessum est, ut sit Princeps aliquis,
magnum Rerum Cœlestium Mecœnas, qui sumptus libera-
llissimè suppeditaret, totumq; negotium promoveret ; utiq;
sic confido , Speculam atque Observatorium fundari at-
que adornari tune posse, quò nunquam non quo cunq; tem-
pore, quotiescumque libeat , ad paratisima plenè obarma-
ta Telescopia, sive sint viginti , quadraginta , sexaginta ,
centum, imò centum quinquaginta pedes longa, accedere
liceat : ut nihil quicquam amplius opus habeas (cùm funes
ductarii suo loco semper explicati pendeant) quàm illud,
quodcunq; velis , imò duo, tria amplissima simul attollere ,
& ad Astra exponere ; protinus vicissim , quando volue-
ris, quodcunque cum toto apparatu, nihil quicquam ei adi-
mendo vel immutando, debito suo loco reponere, ubi tutò
singula quiescere posunt, & minimè intemperiei aëris
obnoxia, nec alterum alteri, nec Observationibus ullo mo-
do sunt impedimento: cæteras commoditates ut modò
præteream , de quibus autem omnibus proximo Capite
XXII plenè acturi sumus, atque Designatione evidenti ,
rem ita succedere posse, commonstrabimus .

CAPUT XXII.

De Peculiarib[us] Observatorio, maximis Tele- scopiis convenientissimo.


Eiusmodi Speculam, pro omnis generis Telescopiis

Hujus ge-
neris Speculā
con-

*construere nō
nisi Principi
datur.* simam modò detegendâ ratione commodè exstrui, & ne-
cessario apparatu instrui posse, penitus persuadeor. Verùm,
prout jā suprà tetigimus, haud res est alicujus hominis priva-
ti, sed magni Principis, cui nec commoditas loci, nec opes,
multò minùs ardor, adeò sublime negotium Rei Sidereæ
bono promovendi, deesent. Nam, crede, operosum &
sumptuosum initio foret opus; attamen semel adornato,
maximas incommoditates in hocce Observationis nego-
tio evitare promptum esset; sic ut semper ad paratisima
accederemus, atque nunquam tanto temporis dispendio,
tantaque molestia procerissima ac ponderosisima illa Te-
lescopia prius componere, atque instruere opus haberemus.

*Quâ ratio-
ne Specula
hac sit exstru-
enda.* Exædificetur igitur ex mente nostrâ in loco quodam
undiue patentissimo ac liberrimo Turris quædam rotun-
da, haud tamen fastigiata, sed ab omni parte ab imo ad verti-
cem usq; æque crassa, sive ex trabibus compactilibus, sive
ex laterculis, coementitio nempe opere (sicuti cuique vide-
bitur) altitudine 100, vel 120 pedum, si nimirùm Telesco-
*Symmetria
hujus Specu-
lae.* piis 150 pedum quoque inservire debeat; secùs altitudo di-
ctæ Turris utique minor esse potest. Latitudo ejus sit ad
cujusvis placitum, pro commoditate negotiorum atque
requisitâ proportione; quanquam, si nulla alia habenda est
ratio, poterit esse quam arctissima. Quippe si sola Tele-
scopia respicienda sunt, sufficit, si diameter ejus ad 12, vel
summùm 15 ped. excurrat; non tantùm enim spatiū in-
teriorius pro iis omnibus, ex nostrâ sententiâ ibidem expedi-
endis, satis tum capax eset, sed quoque ad diversas conca-
merationes & contignationes exstruendas.

*Turris Ta-
bulato circu-
data.* Quò autem institutum meum eò pleniùs, clariusq; co-
gnoscas, lubenter illud in Delineatione appositâ B B Tibi
distinctè sub adspectum ponere volui; ex quâ nemini non,
Rebus vel leviter Mechanicis imbuto, totum negotium ab-
undè illicò intelligere promptum erit. Nimirùm exædi-
ficarem, ut modò dicebam, in campo, vel areâ quâdâ liber-
rimâ ejus generis Turrim, ut vides A, eamque circumcir-
câ in altum aliquantò assurgente Tabulato quadrangulari,
certis Fulcimentis ligneis incubante, instar alicujus Pro-
cessrii



cestrii sive Theatri spatioſiſſimi instruerem; cujus latera, ut
longitudinem Telescopiorum videlicet adæquent, mini- *Proſcenii magnitudo.*
mūm ſint 150 pedum; altitudo verò hujus Proſcenii eſto 15
vel 18 ſummuṁ pedes, quò ercta Telescopiorum ſtatum-
na intermedia, ſuper quæ rudens adſtrictarius aliàs ducitur,
ibidem conſiſtere poſſit. Columnis vel ſtatuminibus ro-
buſtiſiſmæ trabes eatenus imponendæ ſunt, quò crassioreſ
aſferes iis imponi, totumq; Proceſtrium contegi commo-
dè non nequeat. In hocce autem Tabulato propè ipsam
Turrim exſcindatur apertura quædam, ut pateat interſtitiu-
m, quò Telescopium, in pavimento inferiori quiescens,
& cum omni ſuo apparaṭu inſtructum, attrahendo liberè
pertransire, ac poſteā rurſùs tegumentis ligneis, ne plu-
via, vel quisquam Observatorum & Spectatorum in con-
camerationem iſtam, in tenebris obambulans, forte inci-
dat, operiri poſſit.

In ipsâ verò Turri tot conſignationes, quoſ volueris, *Turris di-
verſas habet
conſignatio-
nes.*
ac opus habes, Tibi adornare licet. Inferius conclave ſit
promptuarium ſupelleſtilis Telescopicae, reliqua ſuperiora
ad res diverſas, ut mox pleniū dicetur, poſſunt reſervari.
Oportet autem ita inprimis dicta Turris ſit conſtructa, ut
totum ejus tegmen ſuperius, unā cum quatuor illis trans-
verſis trabibus geſtatiariis, ad quas alioquin trochleaſ ſuſpen-
duntur, ſe ſe queat convertere. Nam quiq; Telescoپia, licet
ſemel ſint ad phænomena directa, haud uno eodemque ſitu,
loco, nec ſub unā cādemque elevatione detineri & con-
ſervari poſſunt, ſed opus eſt, ut continuo ſecundūm di-
verſum objeſti motum, ſitumq; obvertantur ac dirigantur;
hincque neceſſum eſt, ut tegmen etiam hujus Turris adeo
ſit concinnatum, ut quam facilimè quaquaversum dirigi,
atque haud multo labore unius aut alterius famuli auxilio
circumgyrari queat.

Ut autem eò clariū omnia perciplias, haud gravatus
ſum per diverſa Schemata rem omnem Tibi ob oculos po- *Iconiſmis
totum decla-
ratur nego-
tium.*
nere. Primò igitur ſcias, me vertici parietis hujus Turris,
ubi culmen initium dicit, orbem robustiſſimum ligneum,
parte excavatum peculiari ſcilicet ſtriā, ſive projecturā elab-

*De orbē dē-
tato mobili
vertici Tur-
ris imposito.*

boratum, ut ad Num. 1 videre est, imposuisse, ad quem prætereà orbē quatuor transtra orthogonaliter affixa sunt: partim ut orbis hicce ligneus eò esset firmior, partim ut commodè axiculus striatus ligneus *a*, beneficio alicujus asseris *b*, ad orbis peripheriam adaptari concederetur. Ad c c verò orbem eo fine excavavi, ut alias orbis ligneus, ab interiori parte dentatus, ejusdem magnitudinis, sicuti ad Num. 2 patet, intromitti, atque in eādem striā c c circumduci posset. Quò autem hicce orbis eò redderetur robustior (quippe non solùm transversas illas quatuor trabes gestatarias *ffff*, ad quas trochlea ac funes unà cum Telescopiis tantæ molis annexuntur, sed & totum culmen sustinet) quatuor insuper transstris *ee* decussatim affixis (quibus alioqui tigilla culminis innituntur) orbem istum *d* corroboravi; ne non totum tegmen procliviùs, unà cum trabibus gestariis, Telescopiis, totoque apparatu, & quidem unius aut alterius hominis auxilio in gyrum ageatur.

*Quâ ratione tectum Tur-
ris cum trabi-
bus gestari-
is regantur
& circumgy-
rentur.*

Hocce negotium verò ad eò promptiùs promovendum, axiculum striatum *a* ita adornavi, ut aptè dentes majoris rotæ *d* arripiat, atque sic horsum vorsum rotam ipsam circumducat. Axiculum autem striatum *a* haud opus est Er-gatâ quâdam, sive Machinâ attrectoriâ ex superiori aliquâ contignatione H vel G convertere, sed perinde est, quovis loco id fiat; hîc in apposita Figurâ B B iste axiculus *a* ex conclavi C, ubi eo fine succulam trabeculis transversim fulcris arrectariis adaptatis imposui, aptè regitur; cui porrò succulæ sive jugo, quod in suis vertitum cheloniis, alias axiculus striatus *b* inditus est, convertendus nempe à rotâ majori coronatâ g, per cuius centrum arbor procerissima F instar fusariæ unâ cuspipe, rostro scilicet suo, in cheloniâ k convolubilis trajecta est; altera verò illius arrectæ arboreis, per omnes contignationes ascendentis extremitas superiùs axiculum striatum *a* gerit; quò sic major illa rota superior *d*, unà cum trabibus illis portatariis *ff*, reliquisque illis quatuor *eee* transversariis, quibus canterii culminis insistunt, commoveri, ac in gyrum duci possit. Id quod nunc

nunc manubrio quodam *m*, sive vecte haud multo negotio à quolibet peragitur, ut levisimè ac ocyssimè Telescopia etiam vel maxima, ac ponderosissima omni occasione, & ad omnem Cœli plagam dirigere ac convertere nonnequeamus. Quòd si arborem breviorem huic negotio adhibere mavis, Ergatam ex conclavi *C* ad superiorem aliquam contignationem, sive concamerationem *G* vel *H* transferre conducit.

Ad Telescopia ipsa verò sustollenda, & in sublime attrahenda, peculiarem Machinam attractoriam, uti vides in contignatione *E*, vel ut clarius conspicitur ad Num. 4, ex quatuor peculiaribus succulis condidi; quò sic etiam quatuor Telescopia simul in altum arrigere liceat. Nam cùm à quatuor diversis trabibus trochleæ cum suis funibus dependent, necesse quoque est, ut tot Machinæ attractoriæ etiam ad quemlibet Tubum elevandum & dirigendum adsint; funis ductarius autem per trochleam *f*, & rursùs per *n* ductus est, ita ut omne negotium sub tecto in ipsâ Turri peragi possit, exceptis ipsis Observationibus, quæ ab Observatore ipso sub dio in patentissimo illo Theatro expediuntur. Atque hâc ratione nunc sub illo spatiostissimo Tabulato, ab omni parte clauso, quævis Telescopia omni apparatu instructa, omnemque etiam supellectilem conservare commodè datur; ac rursùs datâ occasione, quoties lubet, quodvis, cujuscunque etiam sit longitudinis, protinus demisso scilicet ex trabibus illis gestatariis *f* fune ductario, atque Telescopio debitè iis alligato, ex cryptâ vel crypto portico extrahere, atque ad Observationes pro lubitu haud multo labore explicare: adeò, ut non solùm unicum Telescopium, sed simul quatuor utique ad Astra dirigere possis, imò, si opus foret, plura, dummodò ad rotam *d* totidem trabes portatarias affigas & accommodes.

Quo pacto verò quodvis Telescopium funibus constringatur, attrahatur, tum ope Mensulæ directoriæ ex voto regatur, haud attinet hic pluribus recensere; siquidem jam suprà suo loco satis de iis omnibus fusè disseruimus, ut nihil amplius restet, nisi quòd admoneamus, quòd peractis

Obser-

*Telescopia
ad quodvis
Cœli pheno-
menum hâc
Machinâ di-
rigi possunt.*

*De Machi-
nâ quadrupli
ci attractoriâ*

*Observatio-
nibus expedi-
tis Telescopia
semper sub te-
cto latent.*

*Telescopia
quomodo as-
serventur.*

Observationibus nihil, nisi Telescopia per aperturam, sive ostium B & I in concamerationem demittere, funesque ex superiori contignatione adimere, deniq; operculis eò destinatis Tabulati aperturas contegere opus habeas, atque tum omnia & singula ita condidisti ac custodivisti, ut non solùm ab omni corruptione, aërisque injuriâ sint salva & sarta tecta conservata, sed etiam quovis tempore omnia paratissima rursùs habeas, quando ad Observationes iterum *Haud vul-*
gare adjutori-
um, ejusmodi
posidere Ob-
servatorium. est redeundum. Quâ equidem viâ omnem illam gravissimam molestiam evitare possumus, ut minimè necesse habeamus, tantas immensas Machinas primùm ex omnibus latebris conquirere, ex tot ac tot partibus componere ac cōbinare, tot funibus, trochleis ac Ergatis construere, constringere & adornare; nec non paullò pōst, expeditis Observationibus, unâ aut alterâ horâ elapsâ vicissim omnia & singula relaxare, disjungere, suoque loco, maximo Observatorum labore, temporisq; in primis dispendio, transportare. Quibus de causis sæpius, ob molestissima scilicet & sumptuosissima hæcce negotia, plurimæ egregiæ Observations ab Observatoribus deseruntur & negliguntur, quæ alioquin sanè, si ejusmodi commodissima daretur Specula, maximâ cum voluptate ac Astronomiæ commodo, neutiquam interirent, vel inobservatæ elaberentur.

Verùm enimverò, quis, fortè inquies, privatorum huic operi construendo par erit? Nam, ut mihi ipsi ultrò fatendum est, illa ipsa Turris non nisi à Principibus exstruitur; que commodam exstruere Speculam. attamen ut videas, etiam alicui privato homini mediocris fortunæ, ut mihi & Tibi, id non omnino esse impossibile, planiorem adhuc rationem hoc loco detegam, quam etiam longè levioribus sumptibus nobis comparare possumus, eadem ipsâ, ut diximus, commoditate ac utilitate, pari ferè modo, ac si talem splendidissimam ac sumptuosissimam Turrim, cum suo patenti Theatro vel Proscenio exædificases. Hoc nimirum modo; si ad pedem arboris Cap. XXI pag. 415 descriptæ, atque in areâ quâdam patenti erectæ, ubi Tibi commodum videbitur, concamerationem quandam, ex asseribus & statuminibus undique coniectam, exstruenses,

Peculiare
Seclusorum
pro asservan-
dis Telescopi-
is exstruen-
dum.

res tantæ scilicet longitudinis & latitudinis, ut Telescopiū aliquod 150 ped., si eo gaudeas, in eo conservari & contegi posset. Hocce autem conclave necessum est ut sit ab omni parte clausum, & à superiori parte, ut diximus, asseribus benè tectum & consertum, nisi quòd certas suas excisiones sive foriculas à superiori parte habeat, quò Telescopiis, quemadmodùm in superiori Theatro ad B & I conspicitur, liberrimus detur transitus. Quod conclave sufficeret, meā opinione, pro conservandis Telescopiis, omnique eorum apparatu necessario, ut vix quicquam hāc ratione desiderandum habeas, nisi quòd in quāvis Observatiōne funem ductarium cum suis trochleis ab arbore istā arrectā dissolvere, ac deportare opus sit: ut negari haud possit, nos plurimas difficultates & molestias hoc modo evitare posse.

Verūm Observatorium hocce longè adhuc aptius, commodiusque redditur, si ad arborem tantam fossam ducas, quò Cryptam subterraneam, sive Cryptoporticum, quæ longitudini, latitudini & profunditati ad condenda & aservanda Telescopia sufficeret, condere posses. Cujus autem Cryptæ subterraneæ latera aut ligno munire, aut laterculis cōmentare oportet; superior verò pars asseribus arctè ad pavimentum tegatur, ita tamen, ut foriculæ remaneant, per quas Telescopia extrahantur, ac rursùs immittantur. Quà viâ, quicquid hāc in parte desiderare, vel ab illâ superiori sumptuosâ Turri exspectare posses, ut puto, in promptu haberes. Integrum enim Tibi foret, totum apparatus in Cryptoportico illâ subterraneâ, longè minoribus sumptibus constructâ, condere; ut nihil omnino amplius supereset, quām foriculas aperire, funes ad arborem alligare, & tum ad paratissima & instructissima varii generis Tubospicia accedere. Intereā tamen, si hæc Observatoria modò à me detecta Tibi, Benigne Lector, fortè nondum arrideant, alia, sis, in commodum Divæ nostræ Uraniæ adinvenire, atque nobis quoque detegere poteris: facies rem, crede, Astrorum Metatoribus omnino longè gratissimam.

*Si ad pedem
arboris cry-
pto porticus
subterranea
condatur, ad
Observatio-
nes foret o-
mnium com-
modissimum.*

*Semper plūs
ultra allabo-
randum.*

CAPUT XXIII.

*De Lentibus Conicis elaborandis
& expoliendis.*

*Quid pre-
stare possint
lentes hyper-
bolica, jam o-
lim clare o-
stendit Car-
thesius.*

*Carthesiana
methodo len-
tium hyper-
bolicarū ex-
polatio mini-
mè successit.*

*Eruditi fe-
rè omnes de e-
laborandis lē-
tibus conicis
desperabant.*

Qualem effectum lentes Hyperbolicæ convenienter elaboratæ, atque omnimodè absolutæ dare possint, jam olim Celeberrimus Carthesius abundè affatim, nemilim clare ostendit *Carthesius*. ne Eruditorum refragante, demonstravit. Non minùs omnibus viribus conatus est, ut simul Machinam quandam, rationemque certam traderet, sicut ex Lib. X Dioptices manifestum est, cuius adminiculo lentes ejus generis expolire & confidere integrum esset. Hujus Auctoris ductu protinus plurimi Eruditæ, ac insignes Artifices omnem etiam moverunt lapidem, ut è ratione propositâ rem eandem impetrarent. Me quod attinet, ego nihil quoque, ut eas ipsas lentes Conicas dicto artificio Carthesiano perficerem, reliqui intentatum. Verùm enim verò negotium hoc nec mihi, nec aliis, ut ut nullis sumptibus, nulloque labore, prout in propatulo est, pepercimus, feliciter successit. Quamobrem Eruditorum ferè omnes elapsis quibusdam annis in eam devenerunt sententiam, negotium illud elaborandi lentes hyperbolicas Carthesianum demonstratione quidem firmissimâ inniti, sed in ipsâ praxi, ob duplicem, contrariumque motum peragendum, successu prorsùs carere: atque ita animum ferè omnem de lentibus illis expoliendis abjecerunt. Alii atque alii quidem supervenerunt, nunc hâc, nunc illâ ratione lentes illas Hyperbolicas ad exoptatum finem tentantes; verùm cùm plerique eorum, quantum nobis innotuit, è ipsâ viâ per segmenta Conica, duplicemque motum rem susceperint, negotium malè penitus cecidisse puto: quoniam nihil quicquam de eo memoriæ proditum, nec perceptum est, multo minùs Telescopia ejus generis lentibus sunt constructa.

*Quâ ratio-
ne Auctor ini-
tiò*

Principiò in eâdem ferè opinione quoque hærebam, dummodò segmentum quoddam hyperbolicum omnimo- dè

dè absolutum obtinerem, rem omnem prosperè, sine du-
bio, successuram. Idcirkò nihil potius agebam, quām ut
dicta segmenta Conica, sed alio planè certiori artificio, atq;
illo Carthesiano, adinvenirem; nempe ex laminis orichal-
cicis cujuscunque crassitiei segmentum quodvis Conicum
figuræ perfectissimæ exsecare ac elaborare. Quod opus
quidem mihi tandem ex animi sententiâ succesit; sed ni-
hil quicquam, ut paullò pòst dicetur, ad elaborationem
lentium Conicarum nobis contribuit. Nihilo tamen mi-
nùs, cùm ad Specula uestoria commodè adhiberi possint,
minimè, Rerum Opticarum Studiosis modum istum, seg-
menta quævis Conica exsecandi exponere, adversum erit:
quo non solùm Hyperbolicas sectiones ex ligno, ære, sive
ferro, sed etiam quasvis Parabolicas & Ellipticas ad amus-
sim elaborare ac perficere datur.

Primùm ex durissimo ligno Conum rectum, & qui-
dem rectangulum, cuius basis 30 digit. atque axis 15 dig.
extitit, confeci ac detornavi; verùm, cùm acuminato Co-
no haud opus haberem, eum decurtavi, sic ut diameter e-
jus minor tantùm 18 dig. remanserit. Decurtatus autem
hicce Conus neutiquam ex uno integro frusto ligni, sed ex
diversis partibus compositus est; quarum una ita erat a-
dornata, ut omnino Parabolam, altera Hyperbolam, inter-
media verò pars major Parabolam & Hyperbolam simul
referret: ut adeò ex tribus partibus lignum istud constaret,
ex quo Conus iste decurtatus construi debebat. Adhæc,
partes illæ ligneis clavis validè quidem conjungebantur,
sed ita tamen, ut rursùs, quando opus, aptè & illæsæ disjun-
gi possent. Dein, ligno hocce perfectissimè in Conum de-
curtatum detornato, rursùs duas illas partes exteriores co-
lumellis ligneis annexas disjunxi, omnimodè tunc ab unâ
parte sectionem Parabolicam, ab alterâ Hyperbolicam ex-
hibentes. Atque tum, secundum horum segmentorum
margines, primùm in lamellas orichalcicas, probè lamina-
tas, satis robustas illas ipsas sectiones descripti, ac etiam, sed
rudiori tantùm Minervâ, elaboravi; postmodùm lamellas
illas, beneficio columellarum dictarum, inter partes illas

*tio lenteis istas
elaborare ar-
bitratus est.*

*Quâ viâ qua-
vis segmenta
Conica ex la-
mellis annis
exsecâda sint
absque omni
aberrationis
periculo:*

*Omnis ge-
neris sectio-
nes illâ dictâ
ratione confi-
ciuntur.*

Coni decurtati ligneas immisi, ac valide vicissim conjunxi & compaginavi. Binis itaque his laminis insertis, Conum denuò ad tornum revocavi, atque maximam inæqualitatis, eminentiarum, asperitatisque partem limâ absumpsi & abrasi; deinceps æquabilissimè, summâque diligenteria Conum istum decurtatum, cum insertis illis laminis, pro sectione tam parabolicâ, quam hyperbolicâ ad normam conjunctim detornavi, ac debite lævigavi. Quo peracto, Conum istum disjunxi, binasq; illas lamellas interpositas ab illis columellis sive axiculis, ad quos erant depaetæ, astraxi; sicque habebam tam sectionem parabolicam, quam hyperbolicam exactissimè confectam atque limitatam. Atque ita vides, quam methodo Tibi nunc etiam longè diversissimas sectiones (prout Conum majorem vel minorem, obtusiorum, acutiorum assumas) simul etiam unâ vice diversissimas Ellipses elaborare absque omni aberrationis periculo promptum est.


Hanc rationem quasvis sectiones conicas conficerre, vix puto haec tenus fuisse cognitam

An verò hicce modus, lamellas quasvis æneas ad figuram quarumque Conicarum Sectionum redigendi, jam anteà fuerit cognitus, planè me latet. Siquidem nec quicquam eà de re vel legi, vel unquam inaudivi. Nisi me opinio fallit, longè perfectiores hâc ratione Sectiones Conicas effingi posse puto, quam illâ Carthesianâ. Quicquid tamen sit, & licet ad perfectionem ipsam propè satis accedant hæc segmenta, nostrâ ratione elaborata; attamen nihil quicquam, ut suprà jam tetigimus, nobis ad lentes Conicas exactè elaborandas contribuerunt, sed res omnis, quâcunque viâ etiam id tentaverim, planè frustrâ extitit.

Alio artificio Auditor agressus est elaborare lentes conicas.

Expertus igitur, videns eo modo nos in casum laborare, negotium hocce planè aliter, singularis nempe cuiusdam Machinamenti beneficio aggressus sum; quo feliciter nonnullas lentes Conicas, quas etiam nunc adhuc penes me asservo, jam à multis annis expolivi.. At verò, cùm progressu temporis plurimæ aliæ occupationes atque contemplationes Cœlestes supervenerint, nullas præterea elaboravi, nec in eo, ut artificium hocce amplius excolerem, desudavi; prout id quidem etiam fieri posse utique confido:

præser-



præsertim ab iis Rerum Opticarum Indagatoribus atque Artificibus, unicè illis rebus intentis. Sine dubio, si tantummodo illa nonnullis cordi erit, reddetur hæc inventio adhuc longè absolutior, quò non minus ejus generis vitra pro omnium longissimis Tubis obtineamus. Planius, quod ipse olim confeci, nonnisi Telescopio duorum penè pedum inservit; attamen, hocce reliqua vitra pro Tubis ejusdem longitudinis, ex sectione sphæricâ elaboratis, longè antecellere, experientiâ sum edoctus.

Ea ipsa autem expoliendi lentes Conicas ratio videtur mihi (nisi me mea fallit opinio) simplicissima ac planissima, nec adeò usque difficilis. Haud namque opus habemus quibusdam Sectionibus Conicis, neque patellis sive lancibus ejusdem figuræ, multò minus singulari torno, artificiosè, multoqué impendio instructo, in primis tympano, ad Conicam formam excavato; sed liberâ manu in quâcunque lance, ex Sectione Sphæricâ paratâ, quasvis lentes Conicas tum pro brevioribus, tum longioribus Telescopiis elaborantur: omnium autem optimè super laminâ vel tabulâ quâdam æneâ planissimâ, solo simplici unico motu continuo circulari. Id quod nonnemini primâ fronte ferè alienum, imò prorsùs absolum videbitur. Veruntamen, ut ex dicendis patebit, prosperè opus cedit; dummodo omnia & singula convenientissimè sint instructa, ac reipsa volubilia, tum leviori constructione composita.

Super Tabulam igitur, ad vitra paranda destinatam A, firmissimè pedibus suis insistentem, & undique probè obfirmatam, erige statumen ligneum quadratum B, eo modo, prout ex apposito Schemate C c perspicere est, & quidem perpendiculariter & strictissimè, ne ullo modo nutet, vel vacillet. Ad statumen verò hoc B aptatur fibulâ canaliculatâ C brachium D, ad extremitatem ligno tereti ac perforato F præditum. Per hocce foramen F trajicitur rursùs lignum teres G G, nempe fusaria, ita ut levissimè & lenissimè circumagi possit. Omnia autem & singula ex ligno sunt constructa; sed magis huic negotio conduceret, si fusaria hæc G G ex orichalco conflata, tum orificium illud F

*In quâvis
lance Spheri-
câ, vel super
quacunq; la-
minâ explana-
tâ planissimâ
conficere len-
tes conicas.*

*Construc-
tiō
Machinamē-
ti pro elabo-
randis lenti-
bus conicis.*

*Machinula
hacce oportet
ut sit volubi-
lisima.* lamellā, quò eò mitiùs & volubiliùs circumvolutioni cederet, incrustatum esset. Nam hāc in parte penè cardo rei volvitur. Cæterū, ad extremitatem inferiorem G capitellum, sive projectura relicta est, quadrato foramine per via; per quod rursùs transversarium quadratum H, ad extremitatem alteram ad I in cardine, cum alio quodam ligno quadrato K, fuso scilicet raptitario volubile immisum est. Fusus autem modò dictus K ligno perforato R à superiori parte immittitur; ab inferiori verò rursùs columella capitulo S, ad quod Capitellum sive Capulum L vitrum, alioquin expoliendum, præparato bitumine affigitur. Columellæ autem omnes in suis canaliculis necesse sint volubilissimæ, ut ad quamvis circumductionem & gyrationem sint admodùm sequaces, ac proclives. Quod autem ut eò melius, & ex voto succedat, consultum est, ut canales, tum columellæ laminis muniantur & incrustedur, ut ad motum eò sint volubiliores. Ad lignum verò K arcus N O P, transiens per transversarium H, annexus est; eo fine, ut tota pars inferior K R S L, sive fusus raptitarius divaricari, & ad certum angulum, sub quâvis inclinatione, constitui, ibidemque, vel ope alicujus cochleæ adstrictatoriæ ad O, vel clavo trajiciendo, vel aliâ ratione beneficio alicujus orbiculi, ejusque cochleæ perpetuæ Q exactissimè obfirmari possit.

*Quomodo
ipsa peraga-
tur operatio.* Quando itaque, ut modò diximus, confecta ac adornata sunt omnia, atque brachium D sic suo loco trajecto clavò debitè est affixum, suppone huic Machinulæ lancem aliquam, cujuscunq; etiam sit sectionis sphæricæ, si Tibi perinde est, sive magis sive minùs pyramidatam lentem Conicam conficias. Nam quò lanx sive patella illa ex majori fuerit præparata segmento, eò minùs lens expolienda, ut facile intelligitur, fiet gibbosa. Imò præstat, ut subjicias laminam æneam omnino planam, ac benè amplam; ne postmodùm in ipsâ operatione limitibus lancis adeò strictè inhærere coactus sis, sed, quoties volueris, laminam hanc planam loco dimovere queas, quò circumductio vitri L non omni tempore in eodem loco semper vel circulo fiat. Lamina autem

autem hæc plana, ut quoque in Tabulâ A suo loco validè claviculis affigatur opus est, ne ullâ ratione se commoveat ac vacillet. Super hanc itaq; laminam M vitrum expoliendum L, cum toto inferiori apparatu S R K H G sive fu-
so raptitario, velocissimè in orbem ducitur; sed necesse est, ut priùs H ad G cochleolâ etiam arcum sub certâ in-
clinatione ad H firmiter adstringas. Nam si K R S L
fusum raptitarium omnino secundùm ductum G F G Fu-
sariæ ad perpendiculum constituas, nonnisi lentem planè sphæricam in patellâ sphæricâ, vel super laminam, si res be-
nè succesferit, planum vitrum obtinebis. Quòd si verò angulus K I H aliquantò obtusior angulo recto constitui-
tur, conficies in lance sphæricâ, vel super laminam planam lentes Conicas, ad quævis cujusvis Coni segmenta; prout dictus iste angulus plūs vel minùs ab angulo normali dif-
ficit. Quandoquidem, si angulus K I H minùs discre-
pat ab angulo recto, parabis obtusiores sive planiores len-
tes Conicas; contrarium eveniet, si angulus notabili parte excedat rectum, vel ab eo deficiat: quemadmodùm usu & exercitatione id facile addisces. Apprehenso igitur capu-
lo L, ad quod vitrum bitumine, uti suprà meminimus, ag-
glutinatum est, alterâ manu Machinulam hanc in gyrum ducito, donec omnino lentem perficias. Nam cùm fusaria GG in primis ænea in canaliculâ suâ F, ære incrustata, admodùm sit volubilis, præsertim oleo illinita, nullo negotio id fieri potest. Sed notandum, dum vitrum ita in orbem agis, maximè necessum esse, ut sæpiùs simul, imò ferè continuo ductu columellam S in suâ canaliculâ R vertas, pari modo, ut consuevimus, liberâ manu vitra sphærica in lan-
cibus suis parare; secùs profectò jugiter aberrabis, & vix scopum unquam obtinebis. Quod si verò agili manu, tum debitè, uti diximus, rem suscipias, videbis, initio vi-
trum agglutinatum ad L circa marginem ad extremas par-
tes marginari, similiter ut usu venit lentibus sphæricis omni-
bus; deinceps successivè magis magisq; ad sectionem Conicam vergere: quemadmodùm etiam haud fieri aliter potest. Etenim, cùm vitrum juxta perpendiculum sive

ductum


*Pro diversâ
constituzione
Machinamē
ti nunc obtu-
siores, nunc a-
cutiores len-
tes conficies
conicas, etiam
in eâ ipsâ lâ-
ce sphærica.*

*In ipsâ len-
tes expoliен-
di operatione
quid obser-
vandum.*

ductum Fusariæ G F G non nihil deflectat, haud totâ suâ planicie protinus lamellam planam, nec lancem quamcunque ad circulum incurvatam attingere potest, sed oportet primùm ut margines radantur. Adhæc notes hîc velim, inter expoliendum sæpius vitrum istud L S cum suâ columellâ, attollendo scilicet G fusariam, eximendum ac examinandum esse; utrum scilicet vitrum ab omni parte uniformiter marginetur, hoc est, in laminâ suppositâ arripiat & arrodatur, atque sic cuspis ad centrum omnino tendat, vel numquid præterea deficiat, ut in reliquis lentibus fieri solet; præsertim conduceat huic rei, ut nonnunquam ipsam laminam planam subjectam, sicuti modò dicebam, etiam promoveas: quò vitrum non assiduè sub unâ eademque incedat orbitâ, sed aliam atque aliam designet, tum laminam in æquabilitate suâ retineas. Nam, nisi solitè omnia, ut facile intelligis, observaveris, citius vitrum corrumpes, quād ad perfectionem illud deduces.

Auctor aliis negotiis præpeditus hocce artificium ulteriū excolle- re haud potu- it. Hâc dictâ ratione nunc jam à benè multis annis non nullas lentes Conicas satis accurate, ut puto, elaboravi ac expolivi, quas etiamnum penes me asservo. Ulteriùs quoque progresu temporis in hocce artificio progredi aliquanto sperabam, ac plures ejus generis conficere; verùm, cùm alia planè diversa, satisque operosa supervenerint negotia, planè ea relinquere coactus sum; nec video, cùm gravissimæ præterea contemplationes Cœlestes nunquam non me maximè occupatum teneant, quomodo & quando iis vacare queam. Proinde provinciam hanc aliis committam,

Auctor sibi persuaderet posse successutē- poris ab aliis hocce negotiū absolu- us reddi. quibus plus otii est, & qui, sine dubio, hocce in negotio longè sunt exercitatores, tum plurima in lentibus expoliendis jam præstiterunt, imò omnem ferè ætatem eo opere transigerunt; penitus persuasus, si hisce vestigiis insistant, hâc normâ adhibitâ ab iis, cum Deo & die, hoc in genere forsitan adhuc præstantiora, & absolutiora detectum iri. Propterea lubens nunc, hâc occasione datâ, quale quale hocce inventum omnibus & singulis Rerum Mechanicarum & Opticarum Peritis ad examinandum, viresque ejus explorandum communicare volui; in primis vero ad magis magisq;



magisq[ue] illud excolendum; quò tandem ex voto omnium nostro non solum pro minoribus Telescopiis lentes ilias desideratissimas, quales jam, D[omi]no annuente, paratas habemus, sed etiam pro omnium maximis, feliciter impetrerimus. De quo etiam minimè despero, tandem ab illis in Re Opticâ Exercitatissimis Artificibus hocce in negotio ad exoptatū finem perveniri; quin- etiam hanc ipsam Machinulā pro lentibus Conicis elaborandis variā viā redi posse perfectiorem. Atque id etiam haud prorsùs adeò esse absolum, vide, quid ego ipse ulterius tentaverim, & quomo- do easdem operas, immutatā ex parte Machinulā superio- ri, obtinuerim. Arcum nimirūm illum N O P inferravi vel dentibus instruxi, & ad H cochleam perennem Q con- stitui; quò omni tempore crus inferius K, sive fusum raptitarium cum suo apparatu R S L, ope orbiculi illius, ad succulam cochleæ perpetuæ impositi, atque in suis particu- lis distributi, sub debitâ inclinatione, certoq[ue] angulo K I O ad unguem exactissimè locare ac constituere valeas: prout ex præcedenti Iconismo clarè elucet. Verūm h[oc]c subtilitate, ut mihi videtur, haud opus habemus; dummo- dò foramina in arcu N O P exactè sint perforata, arcusq[ue] neutquam in H vacillet.

De reliquo, Lentes h[oc]c Conicæ aliâ adhuc viâ paran- tur; sed eodem id ipsum superiori fundamento nititur, ut ut speciem præ se ferat planè diversam. Loco nimirūm H R præcedentis Schematis C c, atque arcus N O P Co- nus Z substitutus, & ad lignum illud teres, fusariam scilicet G, uti videre est ex appos. Fig. D D affixus est; deindè ad X idem Conus parte excavatus existit, quò fusus raptitari- us K, ad V beneficio cardinis ad ferrum W & fusariam G Conumq[ue] Z annexus, dilatari & coarctari, directione scilicet cochleæ longioris T, nonnequeas. Nam, quo- niam Conus excavatus est ad X, utique dictus fusus raptita- rius cum fusariâ G planè ad perpendicularum constitui pot- est; quo in situ non nisi Sphærica, in lancibus scilicet Sphæ- ricis, super laminam verò planam, non nisi plana conficies vitra. Quare fuso raptitario K cum suo apparatu R L sub

*Aliâ metho-
do eas ipsas
lentes Conicas
expolire.*

aliquali angulo constituto, atque paullulum nempe à perpendiculari discedente, necessem omnino est, ut ex hoc situ inclinato lentes Conicas conficias. Fusus autem ille rapptarius K pariter, sicuti patet, in canalem R, planè ut capulum L cum suo affixo vitro, ope ejus columellæ S, intrusus est. Atque sic eandem, labore ritè peracto, obtinebis operationem, & easdem lentes elaborabis.

Uter uteri autem nunc modus anteferendus, harum rerum Peritis dijudicandum relinquo; sine dubio progressu temporis hæc inventa adhuc facilitiora & absolutiora reddi licebit; præsertim, si quis operi isti toto animo incubuerit. Ego, quousque mihi concessum est, officio meo functus sum; quævis etiam, datâ hæc occasione, lubentissimo animo omnibus & singulis detegere volui; maximè verò, ut Exercitatoribus Opticis ansam præberem, eosque ad res has amplius excolendas, præstantioraque adinvenienda excitarem. Nam isti, qui nullis aliis studiis sunt addicti, hicque rei omnibus viribus operam dant, quidni cum tempore producent, ut pari facilimâ ratione, quâ nunc lentes ex quâvis sectione sphæricâ, tandem etiam lentes hyperbolicas pro quibusvis maximis Telescopiis, maximo Rei Astronomicæ bono, confiant atq; componant. Evidem penitus sum persuasus, etiamsi hucusque maximis nostris Telescopiis plurima notatu dignissima pateficerimus, longè tamen majora, adhibitis lentibus Hyperbolicis, ad apertum iri; quod ut quantocyùs ex voto nostro succedat, animitùs apprecamur!



Postremò, magna me quoque spes tenet, non tantùm his lentibus Hyperbolicis ritè elaboratis Contemplationes nostras Cœlestes magis magisque excrescere; sed dubio procul aliâ insuper diversâ ratione, adminiculo nimirùm tam Speculorum planorum, Sphæricorum, quam parabolicorum, si videlicet Tubis, lentibus suis jam armatis, debitè & convenienter ea adhiberentur & affigerentur, mirum in modum provehi posse: quemadmodum videmus, Clar. Nevvtonem satis feliciter hæc in parte haud adeò pridem initium posuisse, componendo nempe Tubulum breviorem

ex

*Quinā modū alteri sit
præstantior,
admotā ma-
nu operi ex-
perieris.*

*Qui uni soli
rei intērisunt
præstant ma-
jora ceteris
plurimis in-
tentis.*

*Beneficio Spe-
culorum fine
dubio Teleco-
pia reddeatur
perfectoria.*



ex binis Speculis, ac unâ lente plano-convexâ; cuius ope Telescopia usitata, ut putant, longè abbreviari posse. De hâc novâ autem inventione, Specula inferere Tubis, iisque construere, scribit Vir quidam Clarissimus: neminem ad annum hunc usque 1672 idem tentasse, si excipias Nobil. Hugenium, qui parvum quoddam Speculum æreum Tubis applicaverat, quo remoto aliâs objecta omnia ordine inverso apparebant. Verùm, ut pace illius Viri dicam, aut ipsi excidit forsitan memoriâ, aut minimè legit ea, quæ in Selenographiâ anno jam 1647 edita traduntur: Auctore nempe Selenographiæ, primum scilicet Detectorem illius Polemoscopii, jam anno 1637, ante 35 videlicet annos, simul bina Specula tam vitrea, quam metallica, simul binas lentes, alteram convexam, alteram concavam interpositis Speculis ad Tubos felicissimo successu applicasse; quod ut in oculis omnium est, sic etiam abundè ex ipsâ Selenographiâ pag. 26 luculenter patet: *Hic igitur Tubus (inquit Auctor) ex Catoptricis, quam Dioptricis paratur fundamentis: etenim duobus Speculis planis, & gemino vitro Dioptrico, concavo nimirum & convexo constat.* Adeò ut summâ veritate asseveretur, Specula jam ante 35 annos feliciter ad Tubos adhibita fuisse; citius autem, quod sciam, ab Europæis nunquam. Hincq; extra omnem controversiam est, Auctori Selenographiæ omnino primam hujus rei inventionem omnium primo adscribendam esse, cum primus extiterit, qui Specula Tubis immiserit. Verùm, inquies, Polemoscopiis solummodo, neutiquam Telescopiis? Sed, quæso, nonne Polemoscopium species Telescopii est, & non nisi incurvatum Tuboscillum, cuius beneficio tam radiis directis (si velis) quam obliquis, Selenographiâ attestante, objecta conspicerre vales. Super hæc penitus existimo, nisi me fallo, Cl. Nevvtoni, ad construendum Tubulum suum decurtatum, compositionem Polemoscopii profectò penitus viam monstrasse. Nam consideres, rogo Te, pag. 26 Selenogr. Iconismum B, quo omnes partes Polemoscopii singulatim traduntur; in primis partem priorem b ad a oculum Observatoris, quam Speculum alterum asservatur, ejusque fo-

Specula Telescopiis adhibere non nunc primum detectum est, sed jam ante 35 annos ab Auctore feliciter est tentatum.

Sine dubio Selenographiæ Auctori debetur prima inventio, Specula conjungere lenti bus.

ramen à parte laterali Tubulo inditum, per quod introspiciendum est, nonne ejusdem planè constructionis est cum Clar. Nevvtoni Tubulo? Quin-etiam Auctorem Selenographia optimè etiam compertū habuit, ope Speculorum Telescopia posse abbreviari.

Auctor Selenographiae optimè etiam compertū habuit, ope Speculorum Telescopia posse abbreviari.

ramen à parte laterali Tubulo inditum, per quod introspiciendum est, nonne ejusdem planè constructionis est cum Clar. Nevvtoni Tubulo? Quin-etiam Auctorem Selenographiae minimè latuit, sicuti paginā 27 legere est, Specula, si ad Telescopia adhibeantur, notabiliter Tubos, eodem tamen effectu, abbreviari posse (cujus gratiā, ni fallor, etiam à Clariss. Nevvtoni illa Telescopii constructio cum Speculis suscepta est) inquit enim dictus Selenographiae Auctor: *duæ insuper cautelæ opifici hujus Polemoscopii, nisi velis errare, sunt necessariæ. Altera est, quòd positus utriusque lenti, concavæ & convexæ, hic aliam elongationem, quam in cæteris Telescopiis requirat: nam distantiam in hoc Instrumento contradictionem esse manifestè operatur, si debet exspectationem explere.*

Adminiculum Speculorū Parabolicorū posse bocce negotium adhuc ulterius provehī, plānè sibi persuadet Auctor.

Persuasus quoque penitus sum, si non solùm Specula metallica uno vitro Dioptrico, sed Specula Parabolica usitatissimis lentibus illis Sphæricis, vel potiùs Hyperbolicis convenientibus ad constructiones longissimorum Telescopiorum adhiberentur, atque ad invicem combinarentur, sine dubio aliquid adhuc sublimius detectum iri. Id quod profectò inter absurdā minimè repono; verùm Artifices harum rerum capaces, ac à negotiis feriatos, qui id perpendant, examinent, explorent ac detegant, hocce opus sibi requirit: illi, qui plurimis aliis occupationibus destinantur, difficulter admodum hocce præstabunt. Etenim non tantum otio, sed & longo rerum usu opus est: quippe multis experimentis illa haurienda sunt, quæ promptiùs ex ipsâ praxi, quam theoriam deponuntur.

Quid Specula valeant in Camerâ obscurata ad exhibendas objectorum species.

Ultimò, quòd Specula tum vitrea, uno latere convexas, superindita laminis, argentoque vivo, tum illa ex ære fusca, etiam in Cameris obscuratis circa species objectorum præsentandas plus valeant, quam nuda vitra Dioptrica, ipsâ experienciâ jam à 30 annis satis superque exploravi, plurimis etiam Hospitibus, me invisentibus, saepius ostendi. Negotium autem hocce cum paucissimis forsitan adhuc innotuerit, hac occasione itidem lubens detegere volui; cù præsertim causâ, an possit alicui Opticarum Rerum Scrutatori, hocce ulterius excolendi ansam præbere, in primis Specula

Specula ad Telescopia applicandi: quò tandem idem obtineamus in Telescopiis construendis, quod in quibusvis Cameris obscuratis jam feliciter peregimus.

Exploratum enim habemus, si in Camerâ obscuratâ foraminis vitrum applicetur convexum, quòd species rerum visibilium exteriōres, per dictam lentem in tabulam albam incidentes, multò clariūs & nitidiūs cum omnibus coloribus repræsententur, quàm si per nudum foramen intrōmittantur; atque ideo adhuc accuratiūs, quò vitrum illud convexum absolutius ex minoris, vel majoris sphæræ segmento fuerit elaboratum: ita ut jurares, nihil unquam dilucidiūs, distinctiūs & absolutiūs exhiberi posse. Verū enim verò vix fidem mihi adhibebis, nisi ipsemēt rem ipsam exploraveris, oculisque Tuis subjeceris, quantò melius, clariūs, distinctiūs & nitidiūs universæ rerum visibilium species, beneficio scilicet speculi alicujus concavi, loco tabellæ expositi, exhibeantur; & quidem tam distinctè, ut ad distantiam aliquot centum pass. lateres Turrium, imò literas alicujus magnitudinis in Camerâ obscuratâ & discernere, & numerare mihi liceat, planè ac si Sol penitus totum locum illuminaret, Cœlum licet nubibus undique sit obiectum.

Id quod quidē hoc modo peragit: eodem planè loco, ubi Tabula alba, species rerum visibilium excipiens, reposita est, Speculum aliquod concavum, ex majoris alicujus Sphæræ segmento elaboratum, atque ex metallo conflatum, vel si istius Tibi non datur copia, ejus loco Speculum plano-convexum vitreum (perinde enim ferè est) à latere convexo Hydragyro obiectum exhibe; sed eā ratione (quod initio inexcitato arduum sine dubio videbitur) ut, dum Speculum inspicis, simul per foramen fenestræ, lente convexâ armatum, transpicias; tum quæcunque deprehenderis in isto scilicet foramine, in Speculo exhibito, ea, crede, mirum in modum clara & dilucida apparebunt, ita, ut in tabulâ usitatâ eadem species, per nudam lentem convexam incidentes, cum illis in Speculo nullo planè patto comparari possint. Simile ferè ope etiam alicujus vi-

*Adhibitiā
ramini lente
conve. à, ob-
jecta admo-
dū clarè pra-
sentantur.*

*Sed longè
adunc clari-
us Speculo
concavo de-
bet adhibito.*

*Quomodo id
institui posse.*

*Vitro ali-
quo Dioptrico
convexo ferè
idem presta-
tur.*

tri utrinque convexi Dioptrici aliquantò amplioris sex vel septem dig. magnitudine, tum ex segmento Sphæræ alicuius majoris expoliti obtinebis; si nimirum hocce pariter loco Speculi alterâ manu ad Tabellam admoveas, ad quam species aliâs appellunt, illudque vitrum ad certam distantiam, ratione oculi Spectatoris ita dirigas, quò vel ipse, vel alius quisquam, dum vitrum istud adspicis, beneficio radiorum reflexorum per foramen fenestræ, quicquid objicitur & volueris, animadvertere possis: atque tum objecta singula, extra Cameram obscuratam occurrentia, penè æque accuratè, clarè ac nitidè deprehendes, ac Speculi aliquujus concavi beneficio.

*Unde colli-
gere liceat, Te-
lescopiis posse
subveniri Spe-
culis rectè ad-
bibitis.*

Proinde cùm certo certius sit, tum in Opticâ probè fundatum ac demonstratum, Specula concava universis vitris convexis mirificè subvenire, eaque reddere clariora ac perfectiora, nec non vires eorum, ad species in Camerâ obscuratâ in quâvis distantiâ, ratione lentiū convexarum, accuratiùs & exquisitiùs, imò multò clariùs dignoscendas, miris modis augere & intendere; utique etiam largiendum est, dummodò Specula concava, in primis Parabolica rectè & convenienter ad quosvis Tubos longissimos applicarentur, combinatis scilicet illis usitatis lentibus convexis omnibus, vel parte immutatis, ac aliter atq; aliter dispositis, Telescopia sanè universa immane quantum reddi posse absolutiora. Quare omnes & singulos Rerum Opticarum Peritos etiam atque etiam publico nomine, Rei Literariæ bono, rogatos volo, ut quilibet pro Ingenii sui dotibus huic negotio succurrat, officioq; suo satisficiat; certissimâ spe fatus, DEUM O. M. suo tempore felicem largiturum successum: cùm unicè Studium hocce nostrum ad pleniorum Mirabilium Operum Suorum à nobis suscipiatur, atque in Ejus Honorem & Gloriam latissimè cedat, quò illius ex optissimâ Rei tandem compotes reddamur.

*Adhortatio
ad Rerum Opticarum Pe-
ritos.*

CAPUT XXIV.

*De Stellæburgo nostro, diversisq; Speculis
Astronomicis.*

Exhibitis, delineatis, descriptisq; nunc abundè affatim, Delineatis
Instrumentis
omnibus ope-
ra etiam pre-
tium est, man-
tis & loco ipsū
nostrum Stel-
læburgū sub
adspicuum po-
nere. Divinâ ope, pro modulo nostro Instrumentis quibus-
vis nostris, tam Astronomicis, quàm Opticis, quæ mihi ha-
ctenus fuerunt in usu, & etiamnum usurpantur, non negle-
ctis illis omnibus, quæ ad eorum fabricam, usum & incre-
mentum spectare videntur; operæ pretium nunc quoque
esse duco, priusquam Partem hanc Priorem Machinæ Cœ-
lestis, sive Organographiam omnino finiam, ut pariter qua-
le quale Stellæburgum nostrum cum Speculis, & Tabernu-
lis quibusdam Astrophilis exhibeam: quò pateat, quâ ra-
tione dictum Stellæburgum sit fundatum, exstructum, quo
ordine partes omnes cohærent, prout etiam series harum
rerum omnino exposcit. Nam constructis & suppeditatis
Instrumentis Astronomicis ad Sidera exhibendis, necesse
etiam omnino est, ut commodus locus adsit, Specula edita
atque patentissima, ubi, remotis omnibus obstaculis, Or-
gana singula ita disponi possunt, quò neque sibi invicem,
neque Observatoribus sint impedimento, quando fortè
simul Observationibus (quolibet nimirùm suo modo) ex-
poni & dirigi debeant.

Verùm enimverò, Benevole Lector, non est, quòd Ti-
bi persuadeas, me Tibi adeò Magnificum, Splendidum,
Amplissimum, imò Regium Uraniburgum, quale Nobi-
lissimus Tycho posedit, jussu & sumptibus Regiis maximâ
parte exædificatum, sub adspicuum positurum, quod huic
æquiparari, multò minùs præferri possit? neutiquam sanè.
Quandoquidem non Regium, sed solummodo Civicum
Stellæburgum, hominis cujusdam vix plùs, quàm privati,
mediocris Siderum Cultoris videbis; qui omnes in univer-
sum impensas in Structuras, pariter ad Instrumenta conden-
da ex solo suo marsupio depromendas, atque rem totam
ad rationem tenuum facultatum suarum dimetiendam, di-
rigendamque habuit; & quidem ad situm loci, positumq;
ædificio-

*Instrumenta
Astronomica
commodā et-
iam Specula
sibi exposcūtis*

*Hoc nostrum
Stellæburgū
quoad splen-
dorem longè
cedit Splendi-
disimo Tycho
nis Uranibut
go.*

ædificiorum jam exstructorum, super quæ universa exædificanda & disponenda fuerunt. Attamen nullus dubito,
Quoad com-
moditatē hoc-
ce nostrū Stel-
læburgū vix
ceauit alius e-
minentioribus quin pro tenui conditione nostrâ, à D E O concessâ, licet
 Stellæburgum hocce nostrum minimè ex splendido mar-
 more, magnificè, plurimis opere corynthiaco exstructis
 Turribus, Palatiis, Cryptis, Pergulis atque Podiis, iisque di-
 versimodè superbè exornatis constet; nihilominus ad Ob-
 servationes & Contemplationes Cœlestes, ad reponenda
 scilicet & disponenda Organa diversissima, tum Astrono-
 mica, tum Optica, æque aptum ac convenientissimum sit,
 quām aliud quoddam longè Splendidius, Magnificentius,
Loci com-
moditas. multoque ære excitatum. Habet enim hæc nostra Specula
 non solùm undique liberrimum prospectum, quamvis me-
 diocriter tantum in altum asurgat, ut Horizon ferè ab o-
 mni parte usque affatim pateat; sed quoque commodissi-
 mam quævis Organa nostra dirigendi facultatem: sic ut eâ
 in parte quâ ejus capacitatem, situmque, in primis commo-
 ditatem, absit jactantia, vix cedat quibusdam longè ampli-
Specula mi-
nus alta se-
piùs sunt com-
modiores cel-
sioribus. oribus & altioribus. Nam Speculæ Astronomicæ, licet
 possint esse longè sublimiores, imò posito sint editissimæ;
 nullo tamen pacto aliquid amplius præstant, quām locus ali-
 quis mediocriter asurgens, ac circumcircà liberum offe-
 rens Horizontem. Accedit, quod istæ insigniter altæ Tur-
 res atque ædicia celsissima rarò in viciniâ, ad habitacula
 atque Musea Observatorum existant. Hincque, si diu no-
 struimus Speculam ab ædibus tam remotam toties adire, e-
 amque per tot scalas ascendere oporteat, in primis tempe-
 state dubiâ & adversâ, Observatoribus sanè admodum est
 tedium atque molestum, quin- etiam damnosum ipsis
 Observationibus. Multum enim temporis elabitur, ante-
 quam eò deveniamus, ascendamus, rursùs descendamus,
 domumq; redeamus; sic ut plurimum temporis consuma-
Praestat ha-
bere Speculæ
Museo vici-
nisimam. tur, priusquam ad ipsas Observationes accedamus. Ideoq;
 penitus mihi persuadeo, quemadmodum etiam plurimi mi-
 hi hæc in parte ad stipulabuntur, satius esse, Cœlique Inspe-
 ctoribus multò commodius, præsertim his rebus assidue,
 singulisq; noctibus inhantibus, ut Speculam habeant Ura-
 nicam

nicam vicinissimam, imò in ipsis ædibus, haud procul à Museo, Observationibus universis convenientissimam, liberoque prospectu gaudentem, & quidem non usque adeò excelsam; cum primis ubi totus Instrumentorum apparatus non longè quærendus, sed quævis habentur in promptu. Modò enim hæc, modò illa ad Observationes requiruntur, nunc libri, Instrumenta, Horologia, Telescopia, nunc diversissima supellex, ad negotium Observationis valdè necessaria. Quæ si ex remotissimis ædibus semper quærenda essent, nonne plurimum temporis istis parergis consumeres, priusquam vel quicquam notatu dignum susciperes, ne dum perageres.

Cæterùm circa exædificationem alicujus Uraniburgi maximè notari debet, ut sit (prout jam tetigimus) omni tempore ad omnes universas Observationes æque aptum & idoneum; non ut egregiè & insigniter incurrat in oculos, splendeatq; à fronte, Culmina habeat Regia, Tegmina splendida, Turres artificiosas, Pergulas, Podiaque atq; Protecta illustria, ac mirâ arte exstructa. Quæ quidem ad ornatum & Magnificentiam multùm contribuunt, Magnatibus etiam arrident. Verùm, quid hæc omnia ad Observationes Cœlestes ipsas conferunt? dum Frontispicia, Pergulae, Turres, Coronidesq; ædificiorum primario negotio & prospectui sunt impedimento. Celeberrimus Tycho, uti patet ex ejus Mechanicâ, Splendidissimum Uraniburgum in Huennâ Insulâ possedit, quod quidem ab omni parte exteriori insigniter oculos Spectatorum perstrinxit; nec dubito, intra Tecta, penitus in visceribus, sicuti ipse Auctor affirmat, commodissima illud habuisse habitacula, cubicula, Musea mirè exornata; verùm, si superiores Speculas, Areasq; subdiales illius Arcis spectes, ubi diversissima Instrumenta pro rimandis Sideribus constituta erant; profectò, ut pace illius Eximii Viri dicam, atque mihi ex animi sententiâ loqui liceat, videtur mihi, quod Arx illa amplissima & Augustissima pro ejus situ, locique opportunitate, ac maximis sumptibus in eam erogatis, utiq; hoc nostro tempore, si ea nunc fundanda ac exædificanda esset, ad quasvis Observa-

Uraniburgæ
necessæ ut sint
ad quasvis
Observatio-
nes maximè
accommoda-
ta.

Tychois U-
raniburgū (si
liberè loqui li-
ceat) multis
incommoda-
tibus labora-
vit.

*Conveni-Ob-
servationibus
ur ex Urani-
burgis liber-
rimus patet
prospectus.*

tiones longè commodior & convenientior extrui potuisset. Ego sanè tot Culmina, tot Turriculas, Pergulas, tot Fumaria, ad ornatum prominentia, penitus removissem, vel saltem evitassem, atq; primariam Speculam super ipsa culmina erexissem, ut nihil quicquam illius Arcis ab ullo late-

re Observationibus fuisse obstaculo; construendo videlicet planissimam aream undique patentem: nihilominus diversissimæ contignationes, atque peculiares cryptæ pro quibusdam Instrumentis extrui potuisserent. Verùm, cùm nullam universalem aream undique liberam in suo Urani-

burgo habuerit, sed in medio altum & amplissimum te-

ctum primarii ædificii erectum; utiq; illis Instrumentis o-

*Vnde Ty-
cho non quo-
vis Instrumē-
to potuit omni-
tempore obser-
vare.*

mnibus, ad Austrum repositis, nullo modo quævis ad Aquilonem detegere & observare ipsis integrum fuit; rursus illis Organis ad Boream constitutis, neutiquam ea ad Au-

strum conspicua, exceptis quibusdam phænomenis, Stellis-

que sublimioribus ad 40 50 60 Grad. elevatis, animadvertere licuit. Id quod sane Observatoribus molestissimum accidit; quòd non eodem Instrumento, quoties placuerit, idem phænomenum ab omni Cœli plagâ, omnive situ sub-

limiori & decliviori rimari & dimetiri potuerint Observatores, sed coacti fuerint initio, si Sidus quoddam ab Austro appareret, ad Instrumenta ab eâ plagâ sita accedere; paullò pòst, discedente & promoto Sidere Septentrionem versùs, per tot anfractus ædium atque cubicula ad illa Or-

gana, quæ eo loco exposita erant, configere. Quæso, quantum temporis intervallum interea elapsum est, priusquam cò deventum, Instrumenta detecta, instructa, & ritè disposita fuerint? nonne sàpiùs præcipuum Observationis mo-

mentum interea transiit & transfluxit, ut taceam, quòd ab

omni plagâ non semper æque apta Instrumenta extiterint.

Sàpenumero enim tutius est, uno eodemque Instrumento,

cujus vires superq; cognitas habemus, quam diversis, non-

*Nonnun-
quam tutius
uno solo quam
diversis ob-
servare Or-
ganis.*

nunquam vacillantibus, Observaciones peragere. Nam

universa & singula Tychonis Organa eandem habuisse

perfectionem, uti suprà suo loco jam diximus, vix credi-

derim.

Idcircò

Idcircò persto in sententiâ; Speculas sive Observatoria ita esse exstruenda, ut, quotiescunque placuerit, in Tuâ sit potestate, quovis Instrumento quodvis phænomenum ab omni Cœli parte deprehendere ac dimetiri. Sed fateor, rādē id quidem in unâ solâ eâdemque Speculâ ulli alicui, qui plurimis Organis utitur, contingere. Conducit igitur, ut præcipuo Observatorio diversas particulares annexas Speculas, Tabernulasque habeamus, atque ita instructas omni apparatu, quò Instrumenta ibidem locata, atque ad Sidera exposita nullo pacto reliquis obstant, vel incommoden. Quæ omnia Principes atq; Magnates, quibus nec commodus locus, nec sumptus deficiunt, studio atque operâ Ingeniosissimorum Artificum condere in manu habent. Verum alicui homini Urbano, cui non obtingit locum eligere, sed ambabus manibus arripere, quem fortuna concessit, qui facultates suas ad res familiares impendendas habet, quò sibi suisque probè prospiciat; Ei, inquam, res haud leviuscula est, Speculam Astronomicam omnimodè ad quavis Observationes Cœlestes aptam, & omnibus rebus instructissimam sibi comparare.

Cùm igitur & ego meritò inter eos recensendus sim; utique & mihi res admodùm ardua accidit, priusquam loca convenientia obtinuerim, inque iis Speculas aptas exstruxerim, simul vario, debitoq; apparatu quodvis Observatorium instruxerim; quò nunquam non observanda ex voto ibidē suscipere ac peragere mihi esset integrum. Principio quidem, anno propè 1640, nondum tale ab omni parte Observatorium commodissimum erat in promptu; sed successu temporis, Deo Largitore, accommodatius & peridoneum ad propositum nostrum feliciter primùm obtinui, ut etiam ejusmodi congruens tandem in ipsis meis ædibus, annuente Divinâ Gratiâ, repererim: quo cum pro meo nempe vitæ genere, Studiis, atq; Contemplationibus affatim sum, etiam esse possum contentus. Quippe, absit gloriola, nihil quicquam ullo tempore ex Observationibus æthereis occurrere potest, quod non debitè observare ac rimari mihi concedatur; imò æque accuratè ac promptè omnia, quām

Quâ ratio-
ne Specula A
stronomica
sint exstruen-
der.

Principes
Stellaturga
exstruunt ut
volunt; sed
Privati tan-
tummodo ut
posunt.

Valde ope-
rosum Autó
ri accidit, pri-
usquā omnes
commoditates
omnemq; ap-
paratum ad
quavis Ob-
servaciones
per agendas
obtinuit.

Tandē An-
tor in ædibus
suis Specula
commoda ex-
struxit.

in alterâ quâdam Speculâ longè altiori, ampliori ac splendideriori. Quandoquidem negotium Astronomicarum Observationum non unicè ab elato, pollucibili, atq; omnimodè magnificè exstructo Observatorio; sed à probè accommodato, ab Instrumentis benè justis, æneis, maximis & volubilibus, tum ab apparatu convenienti, atq; Peritorum Observatorum diligentia dependet.

Ab anno 1635 ad 1641, ut modò dicebam, rebus illis omnibus leviusculè quidem eram instructus, erantq; omnia rara apud me retia; sed tempori tum se se accommodandum erat: pro quâvis namque occasione modò has modò illas ascendebam ædes, locumque aptum quærebam, ubi cunque dabatur. Siquidem anno 1641 priorem Speculam in Domo meâ posticâ, ut ferret tum temporis occasio, exstructa fuerit.

Auctor pe-
ciliarem Tur-
rim in culmi-
ne ædium co-
didit.

Major Spe-
cula quando
fuerit ex edi-
ficata.

x; nimirùm in contignatione superiori spatioſiſſimâ, in quâ ab omnibus quatuor Cœli præcipuis partibus non ſolum fenestras benè altas ac amplas condidi, & ad eas diverſa Instrumenta, utpote Quadrantes, Sextantes & Octantes, ſicut ex superiori Tabellâ appositi Iconiſmi E E ad A videre eſt, convenienter tranſtuli & locavi; ſed paullò pòſt etiam integrā Turrim in culmine earum ædium exædificavi, pro noſtro ſcilicet Quadrante Azimuthali Orichallico, de quibus jam ſuo loco Cap. IX abundè egimus.

Alterius verò Speculæ majoris & primariæ noſtræ poſt annum 1650 primùm jaecta fuerunt fundamenta, & quidem ſupra culmina trium ædium noſtrarum, quæ forte fortuna pari altitudine gaudebant. Nam niſi tegmina non omnino æque in altitudine conveniſſent (quod tamen à Conditore ædium minimè fuit cogitatò factum) profectò structura hujus Observatorii ex ſententiâ non ſuccedifit; quanquam tota ædificii moles culminibus prorsùs non innititur, ſed Specula hæc unicè muris lapideis intermediis ſuſtinetur, ac insuper plurimis fulcris, anteridibus, transversariis, transſtris & tenaculis ſubstructa, ac firmiſſime undiq; conſtricta eſt: ſic ut ab omni parte ſtructura ſit validiſſima, in quâ tutò absq; omni periculo, licet ſatis in altum ſit evecta, versari, negotiaque peragere, nec non Instrumenta quævis etiam

Descriptio
Specula ma-
joris.

iam omnium maxima securè regere valeamus. Aram aliqui satis amplam ultrà 50 pedes longam, ac 25 ped. latam exhibet; circumcircà sepimento ac loricâ, columnis superstructâ, Specula hæc nostra cincta est: quò securè etiam tenebris noctibus ibidem incedere, atq; operas in vado, licet oculo utroq; clauso, peragere liceat. Nam in istis editis locis circumspècte omnino agendum, ne vel Instrumenta noxam contrahant, vel etiam ipsi Observatores vitæ incurvant periculum.

In hancce ergo nostram majorem Speculam sive Stellæburgum, quatuor suis faciebus præcipuas Cœli plagas respiciens, Tabernulam D (quam suprà Cap. XI circa Quadrantem plenè jam descripsimus ac adumbravimus) in quâ Sextans & Octans alioquin asservantur, tum etiam ad Sidera exponuntur, Boream versùs constituimus. Haud procul verò ab hâc Tabernula, Occasum versùs, in eo ipso tabulato cubiculum quoddam tectum, ac undiq; lateribus clausum, fenestratum tamen ab omni parte exædificavimus; ad conservandū videlicet necesarium Instrumentorum apparatus, ad exponenda Horologia, quò injuriæ aëris non esent obnoxia, nec non ut ibidem Observationes singulæ cōnotari commodè possent, pariter supervenientibus tempestatibus Observatores ad Pergulam hanc secedere, in scamnis assidere, imò etiam, si lubeat, strato commodè incumbere illis liceat; quando vel tēpus nimirūm Observationis nondum instet, vel ad phænomena sit attentendum. Tabernula insuper hæc D super quatuor rotas mobilis est, (prout jam suo loco percepisti) ac circumduci, re sic exigente, aptè potest; residua verò pars ipsius Stellæburgi Austrū respiciens, planè vacua ac libera est, quò suo tempore locus eset diversissima Instrumenta reponendi, Tubosque ad 60, 70 pedes licet excurrentes erigendi & dirigendi. Longiora siquidem Telescopia, quæ ad 140 ped. accedunt, spatium hujus Observatorii regere non permittit. Prætereà sub hujus Stellæburgi tabulato Tubi 20 30 40 ped. in peculiaribus cistis asservantur; sed eæ in superiori Icone ob arctam nimis paginam haud conspicuntur: à latere verò Occidentali

Magnitudo
Observato-
rii.

Peculiaris
Pergula in i-
pso Observa-
torio exstruc-
cta.

Tabernula
in quâ Sex-
tans & O-
ctans asser-
vatur.

Observato-
rii area suffi-
cit pro Tubis
60pedum.

tali Observatorii longissima cista BB, suo tegumento coopta, affixa est, 32 scilicet ped. long. in quā duæ illæ partes Telescopii 60 ped. ab intemperie aëris, imbrisque custodiuntur; quò ex eà, quando opus, rursùs eximi, ac postmodum conjungi possint.

*Descriptio
Specula &
Tabernula
pro Quadrā-
te Horizon-
tali.*

Ad utrumq; ædium frontispicium plateam versùs, inter culmina, super murum lapideum aliam adhuc Speculam F, sive Tabernulam E pariter versatilem extruxi, sed aliquantò depressorem alterà D (cujus jam Capite X facta est mentio, etiam satis plenè ibidem descripta) ad conservandum Quadrantem nostrum Horizontalem illum Splendidum. Estque eo fine aliquantò decliviori loco dicta Tabernula constituta, quò hæcce E alteri D non sit obstaculo, neque in primis Observatoribus, in superiori Speculâ occupatis, prospectum impedit. Veruntamen satis in altum assurgit; sic ut liberrimè Cœlum, præprimis ab Austro & Septentrione (sub quo situ Altitudines Siderū Meridianæ hocce Quadrante sæpiùs observantur) pateat. Sunt itaq; tres præcipuæ Speculæ, D nempe, E, ac Turris illa A, quæ omnes limitibus ædium nostrarum comprehenduntur, ut ipsas ædes exire, vel plateam transire, si quando alteram Speculam adire oportet, minimè necessum habeas. Priores D & E, super iisdem ædibus constitutæ, sibi invicem sunt propinquissimæ. Sub tertiâ verò Speculâ, Turri scilicet A posticarum ædium, in superiori scilicet contignatione, obsoletum Observatorium conspicitur; in quo Instrumenta illa Tychonica, ex ligno constructa, olim condebantur. At in secundâ contignatione, sub hocce illius ædificii Observatorio Typographia nostra posita est; Typographia verò ad Tabulas æneas excudendas sub Speculâ F anterioris Domûs adornata est, unâ cum aliis quibusdam cubiculis; in quibus cum primis præcipiis apparatus Organicus non nullorum videlicet tam majorum, quam minorū Instrumentorum, quæ nonnunquam saltem ad Sidera adhibentur, nec non diverorum Tuborum, tum quicquid insuper ad Observationis negotium spectat, asservatur. Quorum alterum cubiculum alioquin etiam omnino obscurari potest, ut, quando vis, Eclipses

*Quot Spe-
culas Auctor
posideat.*

*Sub Turri
& obsoleto Ob-
servatorio Ty-
pographia no-
stra condita
est.*

clipses quoque Solares, si in Tabernulâ superiori mobili D non ita videtur commodum, deprehendere & describere nonnequeas. Adeò ut negari haud possit, universa & singula, quæ ad Observationes quascunq; spectant, nostro Stellæburgo esse vicinissima ; disjuncta quidem, sed in iisdem ædibus in procinctu , ut minimè opus habeas, modò hocce, modò illud, sive ex Instrumentis, sive adjutoriis anxiè ex omnibus latebris eruere & conquirere : nam quodlibet ordine loco suo jam repositum est, ut nunquam non etiam noctu protinus inveniri, ac præstò esse possit. Omnia superius Observatorium, cum omnibus Speculis minoribus, nonnisi quatuor scalis vel cochleis ab ipso Museo nostro removetur. Summa summarum, ut pro conditione aliquius Patrisfamilias, sive Civis frugi omnia & singula, quæcunque ad Observationes Astronomicas, cujuscunque generis illæ etiam sint, requiruntur, in promptu semper habeantur, & neutiquam longè sint quærenda. Accedit, quod nullo penè labore ad Speculas Tibi ascendere liceat, imò tutissimè, licet obscurissimâ nocte ; sic ut maximâ voluptate & jucunditate Observationes in hocce nostro Stellæburgo peragantur : præsertim ob amœnissimum prospectum , quem circa Civitatem ad mare usque Balthicum, Horizontemque ipsum longè latèque exhibit.

In viciniâ Urbis Ortum & Septentrionem versus Vistulam, cum adjacentibus patentibus pratis, silvis, Fortalito Mündano, ad oram Fistulæ sito, mareque totum, quoad in oculos incurrit, Helam usq; Peninsulam, nec non omnes simul naves velificantes, abeuntes ac redeuntes conspicis ; ab alterâ verò parte ab Austro scilicet & Occasu tota Urbs cum suburbii, Neringiâ, Insulâ minori, nec non adjacentibus amœnissimis collibus, lenissimè ascendentibus, Tibi patet. Turres & Templa nostræ Urbis, ut ut suo modo sati quidem in altum asſurgant, non sunt tamen huic nostro Stellæburgo nimis propinqua, ut adspectum Siderum quovis modo multùm impedire queant. Colles item ad Favonium & Africum siti, Observatorio nostro licet obversi, cùm vix altissimi eorum ultra gradum descendant, haud quic-

*Altitudo Ob
servatorii no
stri majoris.*

*Pro condi
tione Auſto
ris quevis fa
tis sunt com
moda.*

*Stellæburgū
noſtrū amœ
niſſimum, ac
longiſſimē pa
tentem habet
proſpectum.*

quicquam Observationibus derogant, vel prospectum nostrum intercidere si-
ve præpedire valent. Eatenus, ut hâc in parte felicem me reputem, quòd no-
Quo nomi-
ne Auctor sibi
gratulauerit. strum Stellæburgum egregiâ hâc & rarâ commoditate, quam vix alibi in totâ
nostrâ Civitate sollicitè reperissem, gaudeat, & quòd in eo tot ac tot diversissi-
mas Observationes à viginti, imò triginta propè annis ex animi sententiâ mihi
expedire licuerit. Qualem autem faciem Turris A, in ædibus posterioribus
Facies Tur-
ris pro Qua-
drante Azi-
muthali. exædificata, eminùs referat, duabus fenestrîs apertis, unâ cum Quadrante Azi-
muthali ibidem asservato; non minùs in ædibus anterioribus Observatorium
majus, unâ cum reliquis duabus Speculis sive Tabernulis D & E, nec non
Pergulâ C, tum qualem prospectum Subsolanum versùs exhibeat, satis super-
que ex præcedenti Iconismo E E cuilibet patet, ut fusiori descriptione haud
opus ampliùs habeat.

Conclusio
Operis hujus
Organogra-
phici. Finio igitur; atque hæc nunc sunt, quæcunque de hâc nostrâ Organogra-
phiâ, Parte scilicet Priori, sive Libro I Machinæ Cœlestis in medium profer-
re volui, ac planè etiam debui; priusquam videlicet Partem ejus Posteriori-
rem, sive Librum II, III & IV, cum universis videlicet Planetarum, Fixa-
rumque, nec non aliorum phænomenorum Observationibus nostris omnibus
& singulis, Astrorum Peritis, Rerumque Cœlestium Cultoribus sub adspectum
ponerem. Quò nemo non cumprimis haud obscurè deprehendat, quâm se-
riò & sollicitè, quod præfscinî dictum esto, huic negotio hactenus incubuerim,
quibus Instrumentis Contemplationes Cœlestes, à tot ac tot annis hucusque
feliciter continuatas, aggressus fuerim. Quæ omnia cùm non nisi in DEI
Omnipotentis Gloriam, & ad augendas Res Astronomicas à nobis sint suscepta
& peracta; sic penitùs confidimus, Supremum Numen, Siderumq; Directorem
porrò benignissimè largiturum, quò nunc quoque alteram Partem hujus vide-
licet Machinæ Cœlestis, ex Priori Parte prognatam, & jam typis penè
exscriptam, pariter eo fine feliciter tandem ad umbi-
licum perducere valeamus.

F I N I S.

CONDITORI
MACHINÆ MUNDANÆ UNIVERSÆ O. M.
SIT
HONOR ET GLORIA.



INDEX RERUM.

A gyptii an primi Astronom. sint inventores	12	Artificium pro dirigendo plano Quadrantis	100
quo tempore incepint observare	13	Artificum in distinguendis Instrumentis incuria	97
A equinoctia quis primus observaverit	25	Asleres pro Telescopio 140 ped. peculiari ratione, ne se se incurvent, sunt combinati	406
Acubus loco Pinnacidiorum quid tribuendum	277	quadrati perforati quare Machinæ Telescopicæ sunt affixi	406
Adamus primus Rerum Cœlestium Contemplator	11	Astra generi humano inserviunt	3
Albategnius inter præcipuos Astronomorum repo- nendus est	30	Astrologorum & Genethliacorum magnus semper numerus est	19
quando & ubi Observationes habuerit	30	Astronomia ad quos post diluvium emanaverit	12
quid observaverit & scripsierit	30	ad quid utatur Instrumentis	80
Alfarabius, Geber & Arzachel Clar. Astronomi	31	absq; Instrumentis non potest excoli	80
Almeon Rex Arabum quando Solis Declinationem &	31	an ad summum fastigium hactenus fuerit perducta	36
quantam observaverit	31	an penes unum populum semper permanerit	10
quid annotaverit	30	Astronomiæ antistites quinam fuerint	260
Alphonsini an scopum attigerint	31	Astronomia ante diluvium fuit cognita	11
quid in Astronomicis peregerint	31	Astronomiæ Cultores quem imitari debent	39
Alphonsus magnus Astronomiæ Mecænas	31	Astronomia Suos parcissimè plerunque iustentat	40
novas Tabulas motuum Cœlest. condidit	31	cum die crescat	95
quando vixerit	31	eiusque Cultores ab initio statim in magno fuerunt	
Altitudines quâ ratione obtinendæ	220	honore	7
Angina Telecopiæ in quibus Observat. obstat	394 & 95	est sumptuosa, ac plerunq; parùm lucrosa	55
Anginam Auctor removit à Tubis	395	Astronomiæ etiam Ethnici operam dederunt	2
Angina Machinam Tubi aggravat	395	quis primus ex Patriarchis detecto	11
Anginarum constringentium usus	407	Mecænates nunquam defuerunt	9
Anaxagoras cuius auditor	27	Astronomia in Dei Gloriam, Posteritatisque commo-	
quid de Sole, Lunâ & viâ Lacteâ statuerit	27	dum vergit	24
Anaximander Milesius cuius auditor	27	omnibus omnino hominibus est utilis	6
quid statuerit & in Astronomiâ præstiterit	27	Astronomiæ objecta quænam.	1
Terram centrum mundi & globosum statuit	27	Astronomiæ origo	10
Anaximenes Milesius quid de lumine Lunæ senserit	27	Astronomiæ operam dederunt simul Christiani	3
Anni tempora & vicisitudines quis primus invenerit	27	Astronomia post Alphonsinos aliquandiu filuit	32
Annorum & mensium vera distributio ab Astronomiâ		Astronomiam quæ Artes & Scientiæ adjuvant	23
dependet	5	quis primus instauravit, & ad certas leges reduxit	30
Annum quis primus in trecentos & sexaginta quinque		semper excoluerunt & maximi fecerunt Sapientio-	
dies divisérit	27	res, Reges & Principes.	2
Apparatum Astronomicum Auctor concinno ordine		Astronomiæ præstantia	1, 2
disposuit	447	prima fundamenta quis jecerit	29
Arbor ad Tubi elevationem qualis requiritur	395	primi Repertores quinam	10
Arboris pro Machinâ maximâ lōgitudo & structura	415	Astronomia quibus innititur fundamentis & ratio-	
Arbor pro Machinâ attollendâ quomodo firmata	415	nibus	1
pro Tubis elevandis quomodo ad Speculam fir- metur	391	quomodo excolenda	157
Archimedes insignis Mathematicus & cui rei operam		quomodo provehi debet	23
dederit	29	quomodo provehi debet hyeroglyphicè exponit	
Aristarchus & Archimedes quando claruerunt	28	Auctor	23
Aristarchus sententiam de motu terræ propagavit	29	quomodo successivè creverit	17
Armillarum usus lubricus	81	quo tempore non fuerit exculta	32
Armillas & Reg. Parallæt. Tycho quot possederit	89	quousq; hactenus excreverit	36
Armillæ non indigent calculo	88	Astronomiæ restaurandæ quibus subveniri possit	41
non satisfaciunt Rebus Cœlestibus	81	Astronomia Scientias Artesque omnes promovet	4
quando fuerint conditæ	80	solo ingenio non ad culmen perducitur	80
quando sunt adhibendæ	89	est Studium Regium	264
Armillis Auctor quid tribuat	89	Astronomiæ summa utilitas	4, 5
Ars & Scientia usu & exercitatione comparatur	18	Astronomia summo judicio tractanda	24
Artes & Scientias nemo ad culmen perducere potest	91		
Artes indigent Instrumentis	79		

INDEX RERUM

Astronomia tota à probis Observationibus dependet	36	Auctor diversa Horolog. Observation. adhibuit	363
ubinam primitū fuerit exculta	9	Deum veneratur ut annuat suis Conatibus	71, 78
Astronomi an Telescopiis opus habeant	382	de delineandis maculis in Luna omnibus quare	
in Reges creati fuerunt apud Asiaticos.	7	initiò desperaverit	44
Astronomicis in rebus nullà fide opus	71	Auctor de Instrumentorum suorū correctione gaudet	60
Astronomico in Studio quid haētenus sit detectum	36	de lentibus quid tradat	74
Astronomico in Studio quisnam aliquid laude dignum		necessaria peragere cupit, minùs necessaria aliis	
perficere possit	20	committens	69
Astronomicus cursus diversis animalibus instituitur,		diversos modos vastissimas Machinas Telescopicas	
& peragitur.	23	regendi monitrat	412
Astronom. post Landgravium & Tychonem qui-		quo anno dissertationem de Saturno, & ad quem	
nam extiterint	34	scripsiterit	53
quid præstiterint	6	Fixarum Catalogum & Astronomiae Prodromum	
quo honore apud Asiaticos olim fuerint affecti	7	edere laborat.	66
quonam honore apud Sinenses afficiantur	7	Auctor fundamenta novarum Tabularum jecit	66
requisita per emblemata	21	initiò se ad normam Tychonicarum Observatio-	
Astronomis quid incumbendum	22	num composuit	57
Astronomi soli magnitud. anni explorat atq; conservat	5	in proposito Deo confisus constitit	38, 42
Veteres quid Obelisci inscriptione sibi velint	22	Instrumenta quare initiò non majora construxerit	102
Veteres quare in Astronomiā non tantos progressus fecerint, quām Recentiores	18	Instrumenta sua vindicare ab interitu vult	77
Astronomi veri semper extiterunt paucissimi	18, 19	Illustriss. Societatis Angl. litteris commotus Ob-	
Astronomorū apud Europ. Reges & Christian. honor	7	servations in lucem deproperavit	64
Græciæ & Asiæ præclarissima nomina	6	Auctori quis fuerit in Observationibus ab auxiliis	55
Officium	22, 87	Auctor Instrumentis suis quid peregerit	199
quinam fuerint eminentissimi	25	in Observationibus suis ad Cœlum provocat	61
Veterum ultima voluntas	22	Instrumenta reddidit absolutiora	195
Astronomum præstat habere lignea Instrumenta quām		initiò Organa sua ad modum Tychonicū condidit	48
nulla	131	Instrumenta sua justa invenit	60
Astronomus debet esse peritus Opticæ, Picturæ &		Socium quæsivit	52
Cælaturæ	23	in Observationibus haud facile alteri fider	52
opibus pollere debet	20	Auctoris in proposito perseverantia.	54
quibus corporis & animi dotibus debet esse præ-		in itineribus quid observaverit	39
ditus	20, 21	Auctor in peregrinis locis quibus artibus operam	
secundūm Platonem & Crügerum quis	7	dederit	39
Auctor ad Nucerium de Luminarium deliquis scribit	52	initiò de Instrumentis idoneis valde fuit solicitus	54
& Ricciolo ratione dioptrarum dissentit	276	in examinandis Instrumentis exemplum Tychonis	
ad restaurandas Fixas excitatur	47, 67	imitatur	59
ad Ricciolum de motu Lunæ libratorio scribit	52	examinandis Instrumentis magnum laborem su-	
ad artes Mechanicas animum applicavit	38	scipit	59
Astronomiæ incrementa precatur	95	initiò sibi impossibile omnes corrigere Fixas pu-	
1649 gravissimè decubuit	94	tavit	51
amicorum persuasu Partem priorem Machinæ Cœ-		ligneæ rejecit & metallica Instrumenta substituit	93
lestis edere primū voluit	68	Auctor lentes ipse expolivit	383
Auctori quo anno majoribus suis Instrumentis æneis		longissimos possidet Tubos	72
observare obtigerit	50	mortuo Socio haud feriatus est	55
Auctori altitudines Solis meridianas, Solstitia & A-		meliora de suis Instrumentis sperat	60
quinoctia frequentissimè obseruavit	50	potius nihil, quām dubia peragere existimat	59
authomaturgum in capiendis distantias adhibet	36	multum operæ posuit Cometographicis laboribus	51
aliis artificium exponendi lentes excolendum		novum artificium perpendiculari dirigendi invenit	99
committit	432	nunquam omnind Res Mathematicas deseruit	40
alio artificio segmenta Conica quām Carthesius		Auctor nunquam non Ecclipses observavit	39
elaborare adinvenit	427	ob labores Selenographicos Observationes reli-	
Auctori negotium phasium Lunarium adumbratarum		quorum Siderum minimè neglexit	46
opinione felicissimè procesit	44	Observationum difficultatibus deterritus ferè ab	
Auctori ab opere Selenographicō ferè fuit & quare		Observationibus fuit	42
avocatus	44	Observationes suas edere deproperat	68
aliis ad altiora viam monstravit	70	post fata Crügeri majori ardore res Cœlestes su-	
ænea Instrumenta maxima & volubilia sibi com-		scepit	41
parare laborat.	54	propriam Typographiam sibi comparavit	62
Auctori cuius hortatu Studia Mathem. aggressus fit	37	Auctor an primus Instrumenta facilimè dirigendi ra-	
cujus auditor fuerit	37	tionem invenerit.	44
Auctori cuius consilium fecutus		Præceptorem ob fidem informationem optimâ	
cujus suasu Civilem vitam elegit	92	memoriâ prosequitur.	38
cur Organographiam prius edere voluit	40	propter opus Selenographicum ad Gasendum	
	443	scribit.	
		Auctor	45

Auctor, se nihil in Studio Mathematico tentare posse putavit.	37	Auctor non sine aliquo ardore Res Astronomicas hactenus tractavit	70, 94
pro Quad. Azim. peculiarem turrim exstruxit priores suas Observations ligneis Instrumentis obtentas æneis suis repetit	48 62	nec sumptibus nec Sanitati pepercit sublimiora posse progressu detegi putat	70, 101 70, 101
Auctor posidet Kepleri manuscripta primus motum Lunæ libratorium invenit propediem alteram etiam Machinæ Cœlestis Partem evulgabit	35 52 448	Auctor Selenographiam edere molitur	45
quales Tubos sibi comparavit	392	solicitus est de Quadrante Azimuthali	47
quanto labore Speculas suas obtinuerit	443	solicitus est de Instrumentis idoneis	123
quo anno & qualia sibi cōparaverit organa	43, 54, 92	temporis habet ratione	69
quare initio linea Instrumenta condiderit	124	Typographum suum nunc ad Observationes adhibet	57
quo anno natus	37, 69	veritatis bono quæcunque protulit	61
quot & qualia possideat Horologia	371, 372	Uxorem suam ad Observationes adhibuit	56, 57
Auctor quare de lentibus non agat	75	versiculis additissimum suum animum erga Studium Siderale exponit	234
quot Observationes unā nocte peregerit	280	Auctori quid ad Cometographiam anfam dederit	64
Plejadum distantias à se invicem dimensus est	281	Auctori quid debeatur	218
quot & quales sumptus in Rem Astronomicam fecerit	265	Auctorem Styli, penicilli ac cæli peritia quid in Selegographiā edendā juvaverit	46
quantum temporis in motum Lunæ libratorium expiscandum erogaverit	49	quid primò à Studio Astronomico deterruit	37
quos progressus in Mechanicis fecerit	38	Auctoris ætas	69
quibus de causis animum de Observationibus ferè despondit	42	ad Optices peritos adhortatio	76, 438
quid in posterum peragendum sibi proposuerit	66	altera Specula minoribus sumptibus, commodissima tamen quomodo exstruenda	424
quam viam Instrumenta examinandi elegerit	59	artificium, cujus ope Instrumenta etiam parva singula secunda ad 15 tertia usque commonstra-re valent	309, 310
quos post tot Studiosos ad Observationes adhucuit	57	ardentissimum de Instrumentis suis votum	199
Auctor quænam typis evulgaverit	52	bona intentio	70
quantum temporis impenderit lentibus hyperbolis expoliendis	49	cursus Studii Mathematici	37
quare omnes phases & delineare opus habuerit	44	commodior inventio Instrumenta regendi	118
quænam adhuc edere studet	71	circa divisiones hujus Quadrantis labor & sum-	
quid in promovendā Astronomiā peregerit	94	ptus	191, 192
plurimas, & quales Instrumentis adjecit inventio-nes	94, 136, 137	Auctoris de Hipparcho Kepleri sententia	35
quantum temporis impenderit in Organa	49	de Instrumentis majoribus sententia	100
quo anno primus Specula Telescopiis adhibuit	435	de Instrumentis Judicium	53
quid ad Instrumenta majora dirigenda invenerit	101	Epist. de motu Lunæ libratorio	52
quo anno Studium Mathem. tractare incepit	37	Instrum. initio quanta & ex quâ materiâ fuerint	93
Auctor quos sumptus erogaverit	94	ratione omnis generis sectiones conficiuntur	427
quid præstiterit, Lectoris Judicio committit	70	circa Quadr. Azim. cura	150, 156, 169
quo anno incepit observare	41	de Horologiis sibi comparandis cura	361
quot & quorum operâ in Observationib. usus est	56	de Distinctionibus consilium	97
quot Speculas possideat	446	de Astronomiæ incrementis sententia	197
quid in novis Tabulis condendis præstiterit	66	Auctoris de Telescopiis sibi comparandis cura	383
quousq; de Telescopiis in hoc opere agat	382	de Sextante encomium	83
quot annos observaverit	91	Epistola ad Reg. Societatem Angl. de variatione Magnetrī	358
Auctor quomodo Organa sua & Observata examina- verit & corixerit	57	an Tychonis modus observandi Venerem quis tutior sit	240
restitutionem Tabularum etiam meditatur	66	in Observationibus labor	65
reliquis Planetis etiam subvenire sibi proposuit	67	in conservandis Organis summa cura	241, 267
sibi de commodissimâ Speculâ gratulatur	448	inclinatio & propensio in Studium Astronomicū	37
Sculptorem in auxilium vocavit	69	Instrumenta dirigendi rationis summa commodi- tas & facilitas	225
Autholycus Pritaneus quo tempore vixerit & quid scriperit	28	Auctoris in Observationis negotio propositum	65
Auctor Structuram Instrumentorum plenè detexit	73	in Instrumentorum distinctionibus solicitude	96
vitra expoliendi artificium quare non ulterius excolere potuerit	432	in comparandis sibi Instrumentis majoribus cura	48
sudentibus Parentibus Studium Astronomicum per tempus intermisit	40	in Deum confidentia	54
sibi initio præcipuas tantum Fixas corrigere pro- posuit	15	labor in ritè collocando & examinando Quadr. Azim. ad lineam Meridianam	48
singula in Observationibus ipse peragit & annotat	52	votū ac propositū Deus benignissime fortunavit	43
		modus Instrumenta dirigendi an Tychonico sit præstantior	271
		Auctoris pro Sextantis hujus facilitandâ directione remedia	125, 126
		prima Organa quanta fuerint	43
		Auctor	

Auctor diversi generis Telescopia ipse construxit	43	Casimirus in Auctorem Propensis simus fuit	62
Auctoris prima Organa quā ratione fuerunt fabrefacta	49	Caslini ad Auctorem de Machinā Cœlesti Epistola	67
scrupulus circa rationem Instrumenta examinandi		Chaldæi Astronomiam in Astrologiam & Artem divi-	
Tychonicam	58	nandi commutarunt	12
Specula prior qualis constructionis	115	an primi Astronomiam coluerint	12
Studia itineribus interrupta fuere	39	quando Ecclipses observare incepert	13
summa inclinatio in Cœlaturam & Automatariam	38	quando Observations instituerint	13
Automathurgus moritur	56	Cheucungus Astronomus Chinensis quando Observa-	
Automathurgi exercitatio	56	tionibus invigilaverit	13
Automata quare Observationibus non satisfaciunt	361	ubi, quibus Instrumentis, & qualia observaverit	13
Automathurgo mortuo iterum alias assumitur Coob-		Chinenes, an Chaldæis priores fuerint Observat.	13
servator, qui etiam mortuus est	56	à quibus didicerint Res Cœlestes	17
Automati alteratio & motus diversitas	361	habent Historias & Observations vetustissimas	14
Averroes quo tempore & ubi vixerit	31	Ecclipsin notabilem quo anno observarunt	16
Axiculi in Directorio pro Octante maximo Orichal-		quantam Solstitionum variationem observaverint	16
cico quot strias habent	337	Chinenes quā parte Cœli Solstitium Brumale initio	
Axiculus primarius in Directorio quot strias habet	325	observaverint	16
Azimuth. simul cum Altitudinibus observare	162	quare non ulterius progressi fuerint	17
Azimutha quomodo in subtilissimis particulis deter-		quando Calendaria & Ephemerides construxerint	16
minari possint	345	quando Organis Solstitia, motum Planetary &	
Azimuth & Altitud. stellæ simul obtainendi modus	217	Poli altitudines observaverint	16
B		quid anno ante Christ. 2697 in Astronomico Stu-	
Berenicem Comam quis primus Sideribus adscripsit	28	dio detexerint	14
Blanchinus ubi floruerit	32	Chinenium quis & quo tempore annum & menses	
Borelli de Tubospicillis sententia	380	restituerit	15
Brachii diuūtis in Speculâ usus	227	Chinenes quid jam anno ante Christ. 1120 in Astro-	
lignei constructio & usus	247	nomiâ præstiterint	14
lignei Quadrantis figura & partes	301	quo tempore Lunam, Stellasque Instrumentis di-	
Brachium Aurigæ quoque à Cœlo discedat	47	mensi sint	15
lignum pro affigendâ cochleâ directrice	215	quo anno omnes Planetas in uno eodemque Signo	
lignum pro sustentandis brachiis	301	viderint conjunctos	15, 16
Bullialdi ad Auctorem de Machinâ Cœlesti Epist.	67	quo anno habuerint Calendarium & Ephemerides	15
ad Auctorem seria exhortatio	68	vetustissimi Observatores	17
Burattinus Auctorem ad machinam pro longissimis		vetustiores habent Observations Chaldæis &	
Telescopiis construendam adhortatur	404	Ægyptiis	16
Mechanicarum & Opticarum est peritis simus	404	Chinenibus ob vetustissimas Observations inter o-	
C		mnes debetur laurea	17
Calendarii in omni vitæ genere summa utilitas	6	Chinenium Observationibus quid tribendum	16
Calendarium quis restituerit	30	Ciceronis de Studii Astronomici jucunditate elogia	4
Calippus peculiarem periodum introduxit		Civile vitæ genus Studio Astronomico valde commo-	
quo tempore vixerit	28	dum est	40
Canali Auctor pro Altitudinibus Solaribus utitur	98	Clepsydræ quare Observationibus non satisfaciunt	360
Canalis angina Tubo quomodo applicanda	394	Coadjutoris in Observationibus Eclipsiū officium	377
pro Tubis longissimis dirigendis constructio	387	Cochlea adstrictaoria ubi designata	398
quomodo adhibendus	98	Cochlea Auctoris ansam præbent ad altiora	219
utilitas	98	Cochlea directoriâ Observations accuratiū pera-	
Capsularum pro Lunæ lumine avertendo cōstructio	236	guntur	193
Capsulæ quadratæ in Veneris Observatione usus	239	directoriat observandi ratio est magnificienda	221
Capsulæ ad prohibendum Lunæ lumen	300	Instrumenta dirigendi ratio Observationibus	
Caroli M. tempore quinam operam dederint Astro-		commodissima	218
nomiae	30	Cochlea Instrumenta dirigendi modi in Observationi-	
Carolus M. magnus Astromiæ Mecænas	30	bus commoditas	218
Carolus V. magnus Astronomiæ Fautor	8	Cochlea directoria usus halet plurimos	305
Carolus II. magnæ Britaniæ Rex Maximus Studio-		Sextantibus minoribus etiam adhiberi potest	273
rum Cœlestium Evergetes	8	Cochlea directoriæ descriptio	287
Illustris. Societatis Fundator ac Protector	8	directoriat figura & diversus usus	300
Carthesius quid de lentibus scripsit	426	directoriat in directione Microscopii utilitas	302
Casimirus Rex Poloniæ Auctorem ad Studia profe-		directoriat Regulam commovendi in Observatio-	
quenda animat.	63	nibus vis & utilitas	194
Auctoris supellecstilem lustrat	62	Cochleis directoriæ majora inveniri posse Auctor	
Gratiam suam Regiam erga Auctorem indicis		sperat	317
declarat	62	Cochlearum directoriæ ope Auctor singula secun-	
Typographiam Auctoris Privilegio donavit	62	da, imò eorum partes in Instrumentis discer-	
		nere potest	318
		Cochlea	

INDEX RERUM.

453

Cochlea longioris, globulis munitæ, multiplex utilitas	216, 345	Corporum explanatorum validitas	203
Cochlea longior quare diversis canaliculis armata	216	Crügeri Scripta suorum incuria perierunt	41
Cochlea longioris, globulis munitæ, structura	345	Crügerus Auctorem ad Studia Cœlestia prosequenda adhortatus est	40
Cochlea longior, globulis munitæ, quâ ratione Azi- mutha accuratisimè commonstret	346	insignis Mathematicus	37
Cochlea longioris in reliquis Instrumentis usus in Quadr. Horizontali	218	quando mortuus	41
Cochlea longior quomodo Instrum. adstringenda	216	quare Auctori fuaserit Observations	39
Cochlea longioris volubilitas	217	Crypto portici subterraneæ pro Telescopiis magni- tudo & structura	425
Cochlea perennis primaria mensæ Telescopicæ pars	400	Currus in Frontispicio libri quid significet	23
Cochlea perennis in mensâ Telescopicâ virtus	400	Astronomiæ à Ratione regitur	24
Cochlea perpetuâ quomodo Regulæ regantur	171	Cylindri alis mobilibus peculiaris structura	112
Cochlea, quâ Auctori Microscopia regat quomodo Microscopio annexatur & regatur	304	quare tantò ab invicem remoti	133
Cochlea, quæ Regulam regit, distinctiones quoque commonstrat	319	Cynosuram & Ursam minor. quis primus invenerit	27
Cochlea Regiæ usus	208		
Cochlea hujus Sextantis brevioris commoditas	110		
Cometæ anno 1661, 1664 & 1665 Auctori ad Co- metographiam quid contulerint	65		
Cometa anni 1652 quos labores Auctori facesserit anni 1652 ad corrigendas Fixas multum contulit	50		
Cometæ Auctori plurimum facesserunt negotii	65		
Cometa Auctorem ad quid amplius tentandum exci- tavit	52		
anni 1652 Auctorem ad Res Cœlestes inflammavit	10		
Cometæ aliquot Auctori ad Cometographiam scriben- dam ansam dederunt	64		
plerumq; ingenia Astronomica ad majora excitant	52		
Cometographiæ absolutâ quid Auctori peregerit	65		
Cometographia multum temporis Auctori constat	64		
Cometographiam quid protracterit	65		
Cometographia quo anno edita	65		
Cometogr. Icibere quid Auctori ansam dederit	51		
Computum annorum inter diluvium	17		
Conclavis pro Telescopiis conservandis magnitudo & structura	425		
Conica segmenta ex lamellis æneis execandi Aucto- ris modus	427		
Conjux Auctori ab Observationibus est	223		
Conon primus Observ. Eclips. Solis & Lunæ collegit, item Comam Berenices Sideribus adscriptis	28		
Conon quo tempore vixerit & quid præstiterit	28		
Cœlestium Rerum contemplatione homines mirè ad Cœlestia eriguntur	2		
Contemplationibus Cœlest. quâ ratione succurratur	434		
Copernici & Tychonis pronuntiatum	26		
Copernici Successorum quinam claruerint	33		
Copernicus magnus Astronomus unde oriundus novas Tabulas condidit	32		
Pythagoræorum sententiam secutus est	32		
quid in Astronomiâ præstiterit	26, 32		
quid circa Fixas peregerit	32		
Terram mobilem in Ecclipticâ, & Solem immo- bilem statuit	32		
Corpora oblonga quænam se se magis incurvent	202		
Cœlestia enarrant Creatoris Gloriam	3		
Cœlestia non sunt adoranda	3		
Cœlestia quâ ratione immota quasi in Tubis re- tineantur	402, 403		
Cœlestia quem in finem in æthere sint accensæ	3		
Corpora Ætherea sunt magna Jehovæ Opera	2		
Corporum Æthereorum dignitas	2		

D

Democritus Abderita cuius auditor fuerit & Impedocles quo tempore vixerint	28
quid scripserit	28
Diluvium secundum Chinenses quando incidit	15
Diodorus Siculus de primis Astronom. inventoribus	12
Dioptræ absolutiores sunt redditæ	274
non, possunt esse nimis robustæ	277
quomodo conservandæ	135
Dioptrarum præstantia unde cognosci debeat	298
Dioptras Tychonicas Ricciolianis præfert Auctor	280
Dioptris Telescopicis quare Auctor non utatur	293
Dioptræ Veterum quales	274
Directoria quot modis construuntur	335
Instrumentorum lenissimè reguntur	343
Quadrantum minorum ad singula Secunda deduci possunt	340
Directorii Minitorum & Secund. facies anterior	291
facies posterior	292
Octantis maximi Orichalcici structura	337
Octantis magni Orichalcici Index primarius quot	
revolutiones unius Gradū spatio peragat	339
Orbiculus index quomodo sit divisus	339
Directorii pro Quadr. Azimuth. unicum minutum	
quot partes centes. in Orbiculo referat.	344
pro Quadr. Azimuth. rotularum artificium quâ	
ratione sit initum	348
pro Quadr. Azim. artificii rotularum fabrica	349
pro Quadr. Azimuth. Orbiculi quot partes cen-	
tesimæ unum Gradum conficiunt	350
Directorii pro Quadr. Azimuthali structura	343
Directorii in Orbiculo pro Quadr. minori quot partes	
centesimæ uni minuto competant	341
Quadr. minoris Orich. frontispicium	339
Quadr. minoris structura & usus	340, 341, 342
pro Quadr. minori Lingulæ ubi initio Observa-	
tionum in Orbiculo constituendæ	341
Directorii Quadrantum structura & usus	145
Direct. Quadrantis minoris constructio	100
Directorii pro Sextante majori revolutio Indicis	
quid denotet	352
Sexantis à Quadrantis Horizontalis differentia	335
Index primarius quot revolutiones unius gradū	
spatio peragat	335
Directorium divisionum quomodo regatur	292
Directorii præstantia	293
Directorium Octantis maximi Orichalcici Instru- mento quomodo applicetur	337
pro dirimendis Azimuth. constructu difficilimū	346

Dire-

Directorii usus & quomodo illud Quadr. Azim. applicandum	350	Eclipses observare Machinâ Helioscopicâ admodum jucundum	377
Directorio adhibito non opus est nudis manibus altitudines capere	146	Eliæ de Leonibus de restauratione Fixarum literæ ad Auctorem adhortatoriæ	47
Quadrantis minoris quando Minuta & Secunda ex Orbitâ divisionum absque tabellâ cognosci posunt	341	de Leonibus sinistra de Telescopiis opinio	379
Quadrantis minoris dena Secunda determinari posunt	341	Explicatio emblematis in Frontispicio libri positi	20
quousque Auctor divisiones deduxerit	325	Epochas Solares Auctor jam deduxit	66
Directoriorum pro commonstrandis subtilioribus sub divisionibus pro Instrumentorum commoditate variatur	320	Eratosthenes Cyrenæus quis fuerit & quid in Astronomiâ pere gerit	29
Quadr. Azimuthalis	305	Eratosthenis hortatu Armillæ & Regulæ Alexandriæ fuerunt constitutæ	29
Sextantis Magni Orichalcici	335	Ergatæ fabrica, quâ Machina Telescopica maxima attrahitur	416
Directoriorum diversus usus & utilitas ope in tenebris distantia & altitudo stellarum cognosci potest	351, 352	Erronum motus frustâ absque restitutione Fixarum observatur	46
Distantiæ Fixarum Tychonicæ ab Auctoris distantia nonnunquam discrepant	251	Euclæmon & Meton quid observaverint	28
majores 60 Grad. quibus Instrument. capiendæ	130	Europæi nunc superant in Observat. Chinenses quid à Chinensibus acceperint	17
Stellarum quo ordine ab Auctore sint dispositæ	72	Examen Instrum. quomodo rigidissimè instituatur	252
minimæ quo Instrumento capiendæ	132	Examen Instrum. quale adhibuerint Tychonici	57
Distantias Auctor & Declinationes calculo experitur	60	Examen Auctoris rigidissimum Instrumentor.	250, 251
Distinctiones Octantis majoris ordinariæ quando in utroq; Octantis arcu numerandæ	310	Examen Sextantis quamdiu duraverit	250
quare ab ipso Observatore sunt perficiendæ	257	Exploratorem distribuendi ratio	308
in marginibus Dioptriarū quo ordine denotetur	314	F	
Distinctionum errores difficilimè corriguntur	97	Fistulæ hydragyro repletæ usus	197
Divisiones in Orbiculo directorii quâ ratione tutò adsequendæ	329	Fixarum Catalogum & globum Cœlestem quis pri-	
interiores in Orbiculo Indicis brevioris quid dent	332	mus considerit	25
in Pinnacidia transferendi modus	313	Catalogus correctione indiget	37
novâ ratione secunda commonstrantes	259	negotium Auctori spe melius succedit	51
Octantis magni lignei	136	restauratio est præcipua Astronomiæ pars	63
Orbiculi in Directorio Quadr. minoris secundum quam normam institutæ	341	Fixas Auctor majoribus æneis Instrum. observavit	62
quâ ratione Orbiculo sunt adscriptæ	327	Fixæ in plurimis adhuc sunt restaurandæ	47
Divisiones per lineas transversales & rectas in majoribus Organis convenient	140	Fixarum Observationes quibus Instrum. indegiant	47
Quadratum	141	Fixas quo anno Auctor observare serìo incepit	62
Quadrantis quâ ratione fuerunt factæ	97	Fixarum novum Catalogum & Globum Auctor ede-	
quomodo in secundo observâdi modo numerâdæ	258	re promittit	68
quomodo in tertio observandi modo numerâdæ	258	Fridericus, Daniz Rex maximus Studii Astronomici,	
rectè initas esse unde cognoscatur	259, 309, 315	ejusque Cultorum Mæcenas	8
Sextantis quales	105	Fridericus II. Imperator magnus Astronomorum	
Instrument. cui committendæ	306	Promotor	8
Divisionum initium in Directorio	324	Fridericus III. Imperator magnus Studii Astronomici	
in Instrumentis Atron. summa necesitas	306	ejusque Cultorum Mæcenas	8
in Orbiculo Directorii solidum fundamentum	328	Fulcimentum portatile pro Quadrantibus	148
interiorum in Orbiculo initium ubi	332	Fulcra Quadratum qualia	143
Minutorum & Secundorū in directorio Quadr. minoris initium ubi	341	Fulcra Sextantum Auctor non opus habet elevare	
negotium quantam requirat diligentiam	113	vel deprimere	111
nova inventio	139	Fulcrum brachiorū quomodo sustentaculo affigendū	272
summa cura est habenda	306, 336	Sext. semper eandem servat altitudinem	103
bina Secunda quomodo etiam cognoscantur	112	Fulcimenti brachiorum structura & usus	273
Dominicus Maria ubi floruerit	32	Funependula quâ ratione Auctor instituerit	363
E		Funependulum se ipsum commovere & numerare fe-	
Ecclipses Solis & Lunæ quis primus prædixerit	27	cit Auctor	365
Ecclipsis ☽ anno 1639 ab Auctore observata	41	quo adminiculo restituatur	195
Eclipsium Solarium ad Observationes Machinâ He-		Observationibus Auctor adhibuit	363
lioscopicâ quot requirâtur Observatores	377	Funiculorum in directione Sextantis utilitas	245
G		Funis directarius quomodo Machinæ Telescopicæ	
Gassendi binæ Epistolæ ad Auctorem adhortatoriæ ad Selenographiam absolvendam		alligandus	411
Gassendi de Astrologorum pluralitate & verorum Astronomorum paucitate Epistola		ductarius per quot trochleas ducatur	416
Gassendi		Funium in Speculâ usus	324

Gassendi elogium de Aegyptiorum & Chaldaeorum Astronomia	12	Hydrologia quare Observationibus non satis faciunt	360
Epistola de Observatorum paucitate	41	Hypatia Rebus Cœlestibus fuit dedita.	30
Gedanensis Magistratus in Studia Liberalitas	150	I	
Genethliacorum ubique & semper magnus numerus	41	Indices Directorii ante Observat; ubi constituendi	329
Geometria Objecta	79	Indicis brevioris una revolutio in Orbiculo directorii	
Geographia iisdem utitur polis & circulis, quibus Astronomia	5	quot Secunda referat.	332
Globi versatilis constructio	246	in directorio ratio velocitatis ad Cochleam directoriam.	324
volubilis pro commovēdis Sextant. constructio	107	in Orbiculo Directorii pro Quadr. Azim. velocitas	349
Globus volubilis non sufficit Sextantib. majoribus	107	Indicum in Orbiculo Directorii Quadr. Azimuthalis velocitas.	344
Globorum in cochlea longiori constructio	215	Initia omnia sunt gravia, progressu leviora.	44
volubilium in Cochleā directoriā usus	248	Inspira sæpius in maximum cedunt commodum.	46
Gnomonis ex umbrâ horas distinguere quis primus docuerit	27	Instrumenta ænea immane quantum excellunt lignea.	55
Graphicæ Arti Auctor operam navavit	38	Auctoris quantum discrepaverint à Tychonicis.	57
Gravitatis centrum in Instrum. scire quid intersit	226	Auctoris molestiā quidem exstruuntur sed maximo	
Gravitatis centrum unde varietur	211	Astronomiæ commodo.	205
H		Auctoris cum Tychonicis non convenient.	57
Hassia Princeps, Wilhelmus Astronomiæ Peritisimus, ejusq; Cultorum singularis Mæcenas	8, 34	Auctoris minora quis distinxerit.	306
Hassia Princeps, Wilhelmus quid, quo tempore & quamdiu observaverit	34	Auctoris quomodo sint distincta.	306
Stellis Inerraticis invigilavit	34	Auctoris minutorum quartam partem common-	
cum quibus observaverit	34	strant ratione vulgari.	307
quibus Instrumentis observavit	34	Auctoris majora quina Secunda ostendunt.	307
Instrumentorum defectui subvenit.	82	Auctoris quā ratione exstructa.	204
qualia possederit Instrumenta	82	Auctoris in quibusdam ad duo Minuta discrepave-	
Habet, quod agat, omnis ætas	26	runt à Tychonicis.	58
Hipparchi & Ptolomæi pronunciatum.	25	Instrumenta Astronomica redigi possunt absolutiora.	95
Hipparchi, Ptolomæi, Copernici & Tychonis laudes	25	ænea comparare sibi Auctor proponit.	121
Hipparchi Successorum quis stellas Fixas restituerit	33	Instrumenta quā ratione construi & qualia esse de-	
Hipparchum quanti Auctor faciat	260	beant.	53, 54, 90, 91, 231
Hipparchus & Ptolomæus ad quid nos adhortentur	25	examinandi Auctoris ratio.	59
Hipparchus in Astronomiâ quid præstiterit.	25, 29	examinandi quænam norma sit optima.	60
Hypotheses & Tabulas pro Sole & Lunâ condidit	29	explorare & ad Observationes exponere, non est	
prima fundamenta Astronomiæ posuit.	29	res leviuscula.	48
præcipiūs Astronomus quo tempore vixit.	29	exstruendi & combinandi artificium.	201
Æquinoctia, Catalogum plurimarum Fixarum & Eclipses reliquit.	29	examinandi modus vetustior.	230
Homines habent semper quod agant.	26	faciliè dirigere majoris artis est, quā exstruere	101
Horologia Observatorum quomodo debent esse comparata.	371	idonea construere, est res ardua.	53
oscillatoria an in navigiis rectificari possint	369	idonea construere est artis.	54
pendula quo anno inventa.	366	lignea quare Auctor ab Observation. removerit.	131
vibratoria Auctor commendat Observatoribus.	371	lignea mutationi sunt obnoxia.	53, 119
vibratoria confici curat Auctor	366	Instrumenta lignea Auctor rejecit.	55
vibratoria licet etiam reliquis perfectiora, tamen non sunt absolutissima.	368	lignea sæpissime sunt corrigenda.	120
vibratoria reliquis omnibus sunt præferenda.	367	lignea Tychonicis plurimum fecerunt negotii.	85
Horologis pendulis an longitudines locorum pervertigari possint.	369	Instrumenta maxima volubilia construere Auctori visa	
quantum Auctor in seriis Observationib. tribuat	372	est res ardua.	121
Horologiorum in Observationis negotio necessitas.	360	maxima quare uno semper certo loco conservada.	266
Oscillatoriorum in temporum dimensione æquabilitas.	370	metallica Tycho intractabilia putat.	84
Oscillatoriorum commoditates.	370	non debent esse nimis ponderosa.	54
usitatorum inæqualitates non possunt tolli.	367	per differentias Ascensionales omnium optimè	
usitatorum incommoda.	371	examiantur.	59, 252
Horologij vibratoriū Auctor Regi Poloniæ obtulit	366	sua Auctor initio ad Tychonica necessitavit.	58
Solare quis invenerit	28.	quo ordine Auctor locaverit.	55
Hugenius horolog. pendula primus in lucē protulit	366	qualem Speculam sibi exposcant.	439
Humenus quo tempore & ubi floruerit	31	quænam præ cæteris retinenda.	137
Hydragyrū quid in rectificandis Quadrant. præstet.	198	quæ majora, ed meliora.	136
		quomodo peractis Observationibus conduntur.	241
		robustissima exstruendi modus.	203
		Instrumentū corruptū recorrigere difficilimum est.	266
		Instrumentis Auctoris vitium inesse initio videbatur.	60
		hoc seculo non vulgaria acceserunt.	94
		lignis quare non sit fidendum.	53
		lignis in quantum fidendum.	120
		Veterum cædere possumus.	8, 8, 90
		Instru-	

Instrumētis quibusdā elaborādis quot anni effluxere	192	Lentes diversæ figuræ in eadem Lance Sphæricâ	
Tychonicis in quibus subveniendum.	136	elaborare.	431
Instrumentorum arcus quā ratione sit distributus.	307	expoliendi alia adhuc Auctoris methodus.	433
bonitas ex quo colligi possit.	232	expoliendi artificium absolutius reddi potest.	432
discrepancia à Tychonicis Auctore perturbavit	58	expoliendi ratio cautè peragenda.	431
lignorum inconstantia.	120	expoliendi rationem Auctor non tradit.	73
structura cui committenda.	285	Lentes hyperbolicæ ut pro longissimis Tubis elabo-	
& Pinnacidiorum certitudo unde cognoscatur.	286	rentur, exoptandum.	434
Examen quā ratione instituendum.	231	oculares quomodo tubulo inferendæ.	399
forma Tychonica an retinenda.	137	quā ratione Machinæ Telescopicæ apponantur.	414
vitia contracta non facile deprehenduntur.	120	expoliendi Ars paucis hactenus fuit rectè cognita	75
vitia insperata valde sunt damnsa Observation.	120	Lens objectiva quā ratione Tubo inferatur.	390
Inventionis novæ Auctoris summa utilitas & com-		Lentium Conicarum ipsa expolitio quomodo ag-	
moditas.	74	gredienda.	430, 431
Inventio Auctoris pro maximis Organis regendis non		hyperbolicarū elaborationē Eruditi desperarunt	426
est leviuscula.	74, 116, 117	expolitionem Auctor aliis commitit.	75, 76
Inventio Auctoris Tychonicā commodior.	116	Leveræ sinistra de Telescopiis opinio.	380
in quibus à Tychonicā differat.	116, 117	Lignum est corruptibile.	121
Specula lentibus conjungendi debetur Auctori.	435	Ligilla quā ratione construenda & Machinæ Tele-	
sub dio obseruare, quot patiatur incomoda	265, 266	scopicæ applicanda.	413
Inventum Auctoris omnes Sextantes commodissimè		Lingulæ in Orbiculo directorii quā ratione concita-	
dirigendi.	108	tiores reddantur.	325
novum Auctoris pro cōmonstrandis subtilissi-		Lingularum in Directorio Octantis maximi Ori-	
mis distinctionibus.	290, 291	chalcici velocitas.	337
novum pro directione Quadrant. quid præstet	102	Lineam Meridianam cognoscere quid intersit.	353
Isaac Hanan Rabbi Alphonſinarū Tubularū Conditor	31	Meridianam invenire quis docuerit.	353
Johannes de Sacrobusto & Jacobus Alkindus quo		Meridianam inveniendi Auctoris modi.	353
tempore floruerint.	31	Longomontanus Tabulas construxit Danicas.	34
Julii Cæsaris seculo maxima extitit tēporū cōturbatio	5	Ludovicus XIV. Rex Christianissimus, Benignissimus	
Julius Cæsar Astronomiæ peritisimus.	6	& Munificentissimus Sideralis Scientiæ Ever-	
Julius Cæsar cujus Studio Calendarium correxerit.	29	getes.	8
Julius Cæsar quid in Astronomiâ præstiterit.	6, 30	Ludovicus XIV. Rex Christ. Illustris Collegii Astro-	
sibi immortale nomen restituzione Calendarii		nomici Liberalissimus Fundator.	8
comparavit.	30	Ludovicus XIV. non solum in Regnis suis Astrono-	
		miam Colentium, sed & exterorum est Mæ-	
K		cenas Clementissimus.	8
Keplerus abstrusarum Rerum Cœlestium Scrutator		Ludovicus XIV. Rex Galliarum Christ. Splendidi	
acutissimus.	35	& Magnifici Uraniburgi Exstructor.	8
Astronomiam mirè excoluit.	35	Lumen in Oblervationibus nocivum.	279
multum operæ posuit in Hipparcho.	35	Lunæ conjunctionem cum Plejadibus Agrippa ob-	
qualia Scripta reliquerit.	35	servavit.	30
quid in Astronomiâ præstiterit.	35	lumen quā ratione à Cylindro avertendum.	235
Tabulas Rudolphinas construxit.	35	motum libratoriū quo anno Auctor exploraverit.	49
Kepleri ad Mæstlinum de Catalogo Fixarum Tycho-		splendor Observatoribus nocet.	235
nico emendando epistola.	50	Luna quanta secundum Thaletem.	27
de Fixis ad Schickardum Epistola.	50	Lunam habere colles, valles, habitacula quis statuerit	27
Hipparchus quanti habendus.	35	exquisite observare est artificium.	236
manuscripta & Epistolas quisnam posideat.	35	M	
Scripta omnia an sint edita.	35	Machinam Cœlestem Auctor edere meditatur.	65
Kretzmerus egregius Astronomiæ Cultor.	55	quare Auctor ediderit.	77
quot annos fuerit Auctor ab auxiliis.	55	Machinæ Cœlestis librorum argumenta.	71
L		Partem Priorem quare Auctor edere cupit.	68
Landspergius quid in Astronomiâ præstiterit.	86	Prior Pars quid exhibeat.	68, 72
qualia & quanta habuerit Instrumenta.	86	Machina Helioscopica duos motus poscit.	375
Lamellæ quomodo Pinnaciis imponendæ.	238, 239	Helioscopica quomodo regatur.	378
Laternæ in Speculâ usus.	188, 248	Helioscopica quid in Eclipsibus præstet.	372
Lentes Conicas Auctor Ipse olim elaboravit.	75	Machinæ Heliosc. prioris incomoditas ubi lateat.	374
Conicas elaborandi ars.	75	recentioris structura.	375, 376
Conicas expoliendi artem Auctor aliis ulterius ex-		vetusioris constructio.	373
colendam tradit.	76	recentioris usus.	377
Conicas elaborare Mechanicorum plurimi despe-		Machina attractoria pro Telescopiis sustollendis.	423
raverunt.	75	Auctoris maxima quomodo constructa, ne lumen	
Conicas elaborare Auctor aliâ ratione aggreditur	428	Observatori noceat.	417
Conicas elaborandi modi Auctoris diversi.	426	Auctoris maxima Telescopica an cooperta.	417
Conicas expoliendi ratio Auctoris est plana.	429	Machinæ	

Machinæ constructionem novâ ratione Auctor ag-			
gressus est.	405		
curvatura quomodo prohibenda.	409		
foramina quare facta sint inæqualia.	418		
Machinamenti pro lentibus Conicis cōstructio.	429, 430		
Machinā pro Telesc. 150 ped. Auct. elaborari curavit.	404		
pro Telesc. maximis construere quāti laboris sit.	404		
pro Telesc. maximis ubi ad Astra exponat Auctor.	415		
Telescopiam maximam regendi artificium.	412		
Telescopiam per ligilla ad rectitudinem reducen-			
di artificium.	413		
Machinæ pro Telescopio 150 ped. constructio.	405		
Telescopicæ partes quomodo conjungantur.	407		
Telescopicæ inflexio lateralis quomodo evitāda	413		
Telescopicæ usus.	401		
Machina quomodo facilimè dirigi poscit.	417, 418		
Telescopica 200 ped. quomodo regi posset.	412		
Telescopicæ maxima quot funibus ad attollendum			
opus habeat.	411		
Telescopiorum 150 ped. pariter ac minora Tele-			
scopia regitur.	416		
Telescopica quomodo absque ligillis ad rectitudi-			
nem revocatur.	414		
Machinamenti Directorii artificium rotularum quale			
debet esfe.	328		
Machinulæ divisionum subtiliorum pro quadrante Ho-			
rizontali descriptio.	321		
structura.	322, 323		
divisionum usus.	323, 333		
pro inveniendâ lineâ meridianâ constructio.	355, 356		
novæ Auctoris pro dirigendis Regulis constructio			
magnitudo & usus.	170, 171		
Machinula direct. quomodo ad Observ. adhibetur.	332		
Machina Telesc. quomodo ad rectitudinē deducatur	411		
Machinā Telesc. quomodo Observat. instituendæ.	402		
directorii quomodo Observationes instituendæ.	332		
tractatoria ubi designata.	398		
portatilis pro quo Instrumento constructa.	267		
Machinula lentiū Conicarum expoliendarum debet			
esse volubilissima.	430		
Machinulam suam pro lentibus expoliendis meliora-			
vit Auctor.	433		
Macularum Lunarium Observationes quibus Telesco-			
piis Auctor peregerit.	383		
Lunariū typum fore gratū Posteris Auctor putavit.	43		
Maculas Lunares occasione Eclipseos delineare sibi			
Auctor proponit.	43		
Magnetis declinatio ubivis locorum variatur.	357		
an ubivis locorum cognita.	357		
declinationis Observationes ab Auctore habitæ.	357		
variationes Dantisclci.	358		
variationum Observationes Anglorum.	359		
Majora progressu adhuc speranda.	251		
Mathesis indiget Instrumentis.	79		
Mathematum Studiosi perpauci existunt.	55		
Mechanica Tychonis ab interitu ejusdem vindicavit			
Instrumenta.	77		
Menelaus & Theon quibus invigilaverint.	30		
Mensam Telescopicam pro dirigendis Tubis Auctor			
primus excogitavit.	398		
Mensa Telescopica est insigne Telescopia dirigendi			
adjutorium.	403		
Mensæ Telescopicæ constructio.	400		
Telescopicæ in regendis Tubis utilitas.	399		
Menso Telescopicæ versatilis constructio.	388, 389		
Meton quid excogitaverit.	28		
Microscopia pro ratione objectorum dirigi debent.	303		
quā ratione Auctor exactissimè regat.	304		
quā ratione hactenus adornata & directa fue-			
runt.	302, 303		
quare consuetā ratione non exactè dirigi possunt.	303		
Microscopio quānam detecta sint.	381		
Minuta & Secunda quomodo dignoscantur.	315		
Minuta & Secunda quomodo ex particulis centesimalis			
in Orbiculo Directorii cognoscantur.	327		
Minuta in Quadrantibus quomodo distinguenda.	142		
Momi natura.	193		
Momo omnia sunt levia.	268		
Monimentum in honorem Copernici & Tychonis			
ab Auctore erectum.	261		
Hiparchi & Ptolomæi ab Auctore erectum.	261		
Mors omnia rapit.	77		
N.			
Natura nihil citd magnum fieri voluit.	18		
Nemo potest simul omnia.	34, 70		
Neutoni quis ad Tubum suum decursum viam mon-			
stravit.	435		
Nihil ab initio absolutum.	18		
Numerum aureum quis invenerit.	28		
O.			
Obeliscus quid significet.	20		
Obelisci Stellæ Antecesores quid indicare voluerint.	22		
Inscriptio quid sibi velit.	21		
Objecta quomodo in Camerâ obscuratâ nitidissimè			
præsententur.	437		
Observandi Auctoris ratio quanti æstimanda.	223		
modus quinam pro Octante dirigendo aptior.	258		
Sextante modus	227		
Observationes Auctoris quot Voluminibus conti-			
nentur.	65, 68		
multrum temporis ad edendum depositum.	68		
sunt Astronomiæ fundamenta.	41		
Cœlestes administrare est negotium subtilissimum.	54		
Observat. singulis noctibus invigilare, operosissimum.	263		
Observationis negotium nonnullis levis res videtur.	127		
Auctor fidissimis Instrumentis aggreditur.	62		
Observationes quibus Instrum. peragendæ.	37, 48, 57		
Observationes Cœlestes quot requirant Instrumenta.	90		
diurnæ Solis & Veneris quā ratione instituendæ.	237		
diurnæ Auctoris ratione lusu expediuntur.	240		
dirigere est res magni momenti.	224		
diversa sedilia poscunt.	175		
incurvato corpore infeliciter peraguntur.	111		
Auctor tatione sedendo perficiuntur.	135		
Observationes liberrimum ex Uraniburgis exposcent			
sibi prospectum.	442		
procerissimis Telescopiis peragere, labor est.	396		
quanti habendæ.	36		
quomodo Lunâ splendente instituendæ.	235		
debent semper esse convenientes.	121, 252		
per quos expediendæ sint.	91		
quis optimè peragere potest.	92		
Solares quā ratione Auctor peragat.	118, 290		
Auctor quid hactenus protraxerit.	64		
Observationes tutius interdum uno Instrumento per-			
aguntur quā diversis.	442		
quā ratione exquisitissimè instituantur.	196, 227, 228		
Tychonicas Auctor maximi facit.	61		
M m m			Obsr

INDEX RERUM

Observationes suas Auctor æquisimo aliorum.		Octantis Pinnacidia.	259
judicio committit.	61	præ cæteris Instrumentis excellentia.	256
Octante triplici ratione instituuntur.	257	volubilitas cui adscribenda.	255
paucissimæ semper sunt habitæ.	63	Optica Instrumenta qualia.	79
Quadr. Azimuthali sedendo perfici possunt.	174	Opticæ Objæcta.	79
quomodo absque molestiâ peragantur.	221	Oldenburgius adhortatur Auctorem, ut in restauratio-	
Observationes plures requirunt.	52	ne Fixarum perget.	63
Tychonis quænam sint tutiores.	124	Orbiculi Directorii pro Quadr. minori magnitudo.	340
unde maximè dependeant.	444	in Directorio Quadr. Azimuth. divisiones.	350
Observationibus quare maximoperè invigilandum.	36	in Directorio Quadr. Azimuth. magnitudo.	344
quid tribuendum.	39	Arcus pro Orbiculo mobili quâ sectione constat.	347
quibus in primis invigilandum.	36	indicis pro Directorio Quadr. Azimuth. mobilis	
Observationis negotium unde discendum.	127	descriptio.	347
præcipuum est in totâ Astronomiâ.	39	Orbiculi in Pinnaciis quid designent.	281, 282
Observatio Quadr. magno æneo volubili quomodo		Orbiculorum quænam magnitudo.	328
instituenda.	217	Orbiculum distinguendi methodus Auctoris Obser-	
Sextante Chalybeo quomodo instituenda.	113	vationibus apta est.	326
Observationum Sociis quantum tribuendum.	91	Directorii in Gradus, Minuta & Secunda distin-	
Observatores semper fuerunt paucissimi.	42	guendi ratio quare Auctori non visa fuit ope-	
à quibus Instrumentis sibi cavere debent.	121	ri conveniens.	326
Siderum ex Ethnicis quinam primi extiterint.	12	Orbiculus index Directorii multimodè distingui	
Observatorii Auctoris area quantis Tubis regendis		poteſt.	326
sufficiat.	445	index pro Directorio Quadr. Azimuth. quibus ad-	
majoris altitudo.	447	miniculis redditus fit mobilis.	347
Auctoris magnitudo.	445	Ordo Instrum. in hoc opere ab Auctore observatus.	72
Observatoris habilitas unde petenda.	229	Organa Astronomica Orientalium qualia fuerint.	80
primarii Officium.	232	Astronomica initio fuerunt simplicissima.	80
primarii requisita.	229	sua Auctor denud examinare statuit	58
Observatori quid de funicularum & ponderum di-		sua Auctor justa invenit.	61
rectione sciendum.	245	Astronomica qualia initio fuerint, ignoratur.	80
Observatorium ratione Auctoris exstructum quan-		Auctoris ænea etiam à Tychonicis discrepant.	58
tum Observationibus adjutorium.	424	Organographiam Auctor cur in antecesum ediderit.	69
Observator primarius quomodo se accingat operi.	247	Organa Auctoris ex quâ materiâ initio fuerint.	43
Observatorum ad Sextantem diversus positus.	242	 P	
nemo sibi nimium fidat.	231	Pedestale quadr. minoris cōjungi & disjungi potest	99
Octantis explorator, ubi collocatus.	311	Octantis magni Lignei.	135
Subdivisiones diverso ordine Sextantibus sunt		Sextantis.	226
adscriptæ.	311	Pedestalis pro Sextante constructio.	103
Octans Auctoris major duo & dimidium scrupulum		Pergulam Auctor in Observatorio exstruxit.	445
secundum determinant ratione vulgari.	309	Pergulæ usus & commoditas.	445
quot & qualia habeat Pinnacidia.	311	Permutatio Instrumentorum nonnunquam Observa-	
Octante ex quâ speculâ observetur.	255	tionibus est nociva.	91
Octantis combinatio.	262	Perpendicula quadr. habent suum æquipondium.	142
distinctionum ratio unde clarè cognoscatur.	312	Perpendiculi directio magni momenti res est.	116
Limbus quomodo sit distinctus.	258, 312	directio quomodo instituenda.	99
Octantis inscriptio.	262	ænei Index.	141
maximi Orichalcici descriptio.	253	Quadr. Azim. usus.	163
magni lignei descriptio.	132	Perpendiculorum quadr. constructio.	141
constructio.	254	Peurbachius & Regiomontanus maximi Astronomiæ	
Octans magnus ligneus quomodo constructus.	132	periti fuerunt.	32
Octans maximus Orichalcicus.	253	quando vixerint & ubi floruerint.	32
novis Dioptris gaudet.	254	quid intenderint & quid in Astronomiâ peregerint	32
novâ ratione singula secunda commonstrat.	259	an finem suum assecuti fuerint.	32
quare in medio nullas habet distinctiones.	257	Phases deliquiorum non possunt absque macularum	
in quibus reliqua Instrumenta excellat.	257	Lunarium cognitione dignosci.	43
quomodo condatur.	262	Lunares Auctor nocte adumbravit, die exculpit.	46
Octantem quis primus invenerit.	83	Pinnacidia Auctoris nunquam restauranda fuerunt.	277
Auctor quanti faciat.	253	Auctoris artificio constructa quid præstent.	288
Octantes loco superioris Dioptæ Cylindrū habent.	283	consueta Tychonica an rejicienda.	295
nullas habent regulas.	134, 311	& Cylinder Sextantis.	105
Dioptras habent mobiles.	134	Octantum inferiora qualia sint.	283
Octante quænam Distantiæ dirimi possint.	254	Quadrantis quot & qualia.	118
Octantis ad regendum maxima volubilitas.	255	in Observat. Solaribus quomodo constituenda.	283
anterioris & posterioris faciei materia.	262	quomodo minimè in Limbo nutent.	287
Auctoris ænei maximi nova constructio.	283	non sunt dimovenda.	130, 277
magni lignei structura.	132	Pinna-	
magni lignei magnitndo, materia & usus.	132, 133		

INDEX RERUM.

459

Pinnacidia nova Auctoris quid commonstrent.	286	Ptolomæus quo tempore vixerit & quid præstiterit.	30
Auctoris constructu sunt difficilima.	284	primus Astronomiæ Conditor.	30
Octantis maximi quomodo in quinque locis bina secunda commonstrent.	284	Pupilla in tenebris dilatatur.	279
Octantis sunt mobilia.	256, 257	Pythagoras primus Terram moveri & Solem stare statuit.	28
Pinnacidia Octantis cochleâ reguntur.	287	quando & ubi claruerit.	27
Quadrantis.	98	Solem pro ceto Planetarū & totius universi habuit	28
qualia debent esse.	276	unde didicerit Scientiam Sideralem.	27
Octantis quare sunt exsecata & marginata.	286	Pythagoræ sententiam de motu quis sequutus.	28
Quadrantum quot rimulis construenda.	282	Astronomi plurimum debent.	27
quatuor locis Minuta simul commonstrant.	259		Q
Pinnacidia quomodo in Observationibus Solis & Ve- neris munienda.	289, 290	Quadrans Azim. quomodo ad perpendicular erigatur	167
quot in Sextantibus requirantur.	127	Azimuth. solus non sufficit ad Observaciones.	49
Tychonica quare Auctor in Instrum. retinuerit.	299	Azimuth. status exornatus est.	157
quomodo debent esse constructa.	312	Azimuthalis maximus ubi repositus fuerit.	48
Riccioliana quid præstant.	278	Azimuth. non sæpius loco movendus.	156
Sextantum quot rimulis construenda.	282	Azimuthalis quo anno, cuius instinctu, & cuius sumptibus exstructus.	150
Pinnacidia Telescopica Auctor quanti faciat.	299	Azimuthalis quâ ratione ad lineam meridianam præcisè revocandus.	180
Telescopica quâ ratione instruantur.	294	Quadrans hydrogyro exactius, quam perpendiculo rectificatur.	198
Tychonica qualis fuerint constructionis.	281	Horizontalis ligneus.	114
Tychonica quot rimulis constructa fuere.	282	magnus quâ materiâ constiterit	89
Tychonis qualia fuerint.	275	magnus Horizontalis æneus volubilis.	183
quatuor rimulis quomodo construenda.	282	magnus Tychonicus quot viris ad dirigendum opus haberet.	89
Pinnacidi facies antica & postica.	281	quomodo ab aëris injuriâ conservetur.	187
Pinnacidi in Observat. Solaribus lamella imponēda	289	quare cochleis non restituatur & ad perpendicu- lum revocetur.	212, 213
lucernam adhibere in omnibus Instrumentorum si- tibus est impossibile.	278	quo adminiculo æquipondiū suum semper servet.	212
Telescopicis nocte quâ ratione sit utendum.	294	Quadrans Auctoris magnus ob multitudinem rerum vix describi potest.	184
Pinnacidorum Auctoris interior constructio.	282	Horizontalis fixo loco reponendus est.	114
confuetorum commoditas.	295	hic meretur quam diutissim conservari.	198
directio.	256	Orichalcicus.	96
descriptio.	274	minor Regulâ caret.	96
de foraminibus quid notandum.	98	minor perpendiculo gaudet.	96
margines quâ ratione dividantur.	313, 114	minor quare Regulâ careat.	96
Octantis magni lignei fabrica.	134	Horizontis ligneus quomodo solâ cochleâ in o- plagas regatur.	116
Octantis lignei & Orichalcici differentia.	285	magnus quare dicatur Horizontalis.	185
facies antica.	286	Quadrantis Azimuth. planum examinandi rationes.	168
Pinnacidorum quot genera.	274	Quadrante Azimuthali quanta altitudo capi potest.	180
rimulas laxandi & constringendi nova ratio.	281	Azimuthali quid Auctor peregerit.	182
rimulae dilatari & comprimi posunt.	223	Azim. quomodo Altitudines meridianæ capiantur	175
Sextantis & Quadrantis differentia.	126	æneo magno volubili quomodo die & nocte ob- servari possit.	193
subdivisiones ubi initium sumant.	314	ligneo Auctor initio sæpius usus est.	119
Telescoporum incommoditates, difficultates &	295, 296	magno quid præstiterit.	90
inconvenientiae.		Quadrante minori ad quas Observat. Auctor uratur	100
Telescoporum meliorationem Auctor sperat.	300	Quadrantem Azimuthalem Auctor quo loco habet.	182
Telescoporum præstantiam Auctor nondum co- gnoscere licuit.	298	ad situm Horizonti parallelum deducere.	210
Pinnacidium in centro quadr. quale constituendum.	282	ad planum verticale dirigere.	208
Planetæ non posunt corrigi nisi prius restitutis Fixis	67	Azimuthalem debitè constituendi adminicula.	163
Platonis encomium de Studio Astronomico.	2	Azimuth. exætè adornare difficile.	169
Plejades Auctor dimensus est.	255	Azimuth. Auctor perfecit.	151
Plenilunium quare Auctor adūbrare sibi proposuerit	44	Azimuth. condere magnum artificium.	149, 155
Poetarum de Cœlo, Athlante quid sit habendum.	26	Azimuth. quis fabricari curaverit.	48
Polemoscopium quis primus invenerit.	435	Azimuth. Auctor accepit imperfectum.	48
Ponderum in Speculâ ad situm Instrumenti conser- vandum gravitas.	224	Quadrantem Azimuthalem sub meridiano existere certum indicium.	175, 189
in Directione Instrumentorum utilitas.	245	ad quasvis Altitudines dirigendi artificium.	117
Posteriorum præ Antecesoribus felicitas.	95	facilimè dirigendi adminicula.	210
Prædecessorum de Instrumentorum in Astronomiâ necessitate opinio.	80	juxta ductum Azimuthi dirigere singulatis ratio	188
Prisci quomodo tempora distinxerint.	5	M m m 2	Qua-
Prodromum Cometicum & Mantissam Prodromi Au- ctor quo anno edidit.	65		
Proscenii pro Telescopiis adservandis magnitudo.	421		
structura.	421		

INDEX RERUM

	R
Quadrantem orichalc. minorem quis distinxerit.	96
minorem quare Auctor primo loco ponat.	96
minorem Auctor rejecit.	96
Quadrantem Azimuth. quo anno Auctor acceperit.	48
magnum Horizontalem dirigendi ratio.	206
pauxillum tantum declinantem restituendi adm-	
niculum.	211
Quadrantes Auctoris majores quina scrupula secunda	
commonstrant ratione vulgari.	309
dirigendi ratio tum aliorum tum Auctoris.	143
usitatâ ratione dirigendi lubricitas.	144
Quadrantes Orichalcici minores.	138
110 Grad. continent.	138
nullas Regulas vel perpendicula filaria habent.	138
Minuta commonstrant.	138
quomodo & ubi firmentur.	147
Quadrantes Sextantibus ad Altitudines capiendas sunt	
commodiores.	83
Tychonici quales.	183
Quadrantibus altitudines obtinēdi novū directoriū.	145
quomodo distantiae dirimi possint.	148
veteri ratione dirigendi Auctor quomodo sub-	
venerit.	144
Tychonis quid tribuendum.	89
Quadrantis Azimuthalis descriptio magnitudo & stru-	
ctura.	149, 152, 157
Dioptræ.	173
divisiones.	159
Regulæ descriptio.	159
materia.	153
encomium.	153
Pedestale elegantissimum.	153
latus posticum.	164
axiculus super jaspidem volvitur.	164
manubrium directorium.	165
sustentaculi præcipui constructio.	166
fulcrum in partes potest disjungi.	155
Circuli Azimuth. descriptio.	154
Quadrans Azimuthalis quare transtris & retinaculis	
consolidatus.	164
ad quid conducat.	166
Quadrantis magni Horizont. genuinum positum ex	
canali vitreo hydragyro replete cognoscere	197
Inscriptio.	199
latus posticum.	200
Pedestale seu sustentaculum.	200
magnitudo, volubilitas.	201
materia.	185
locus, ubi asseratur.	185, 204
quanti sit ponderis.	183
descriptio.	183
combinatio.	184
sustentaculum.	206
facies antica & magnitudo.	183
Quadrantis Horizontalis lignei magnitudo, & con-	
structio.	115
orichalcici magnitudo & constructio.	96
Quadrati in quadrante Azimuthali usus.	158
Quadratum minorum descriptio.	136
minorum Pinnacidia.	148
minorum structura & magnitudo.	138
minorum perpendiculo gaudentium observatio	
est facilior.	96
Quina Secunda quâ ratione Auctor in Instrumentorum	
divisionibus obtainuerit.	308
	Radii quid præstent.
	31
	Radiorum usus valde lubricus.
	31
	Recentiores in Astronomiâ promovendâ antiquiori-
	bus sunt feliciores.
	18
	nondum omnia detegerunt.
	95
	qualia habeant Instrumenta.
	86
	Recentiorum præ Antiquioribus in dirigendis Instru-
	mentis felicitas.
	101
	Regis Christianissimi erga Scientiam Sideralem &
	ejusdem Cultores Clementia.
	63
	Christianissimi judicio Auctor inflammatur.
	63
	Regula cum cochleâ directoriâ.
	302
	debet esse volubilis.
	193
	quare plumulis chalybeis munita.
	233
	quomodo cochleâ directoriâ munita.
	219
	quâ ratione ad unguem regatur.
	232
	Quadr. magni Horizont. singulari ratione regitur.
	193
	Regulam ad quamvis Altitudinem velocissimè obti-
	nendam deducere.
	220
	dirigendi novam rationem Auctor invenit.
	105
	nudâ manu nemo exactè regit.
	194
	Quadr. magni Horizont. dirigendi novum inven-
	tum quid præstet.
	193
	Regulæ cētrū gravitatis variatur in maxim. Instrum.
	195
	structura in Sextante minori.
	103
	motus in Directorio rigidissimè explorandus est.
	330
	Quadrantis Azim. longitudo.
	174
	Regulæ Parallacticæ quid præstant.
	81
	qua cochleâ adstrictoriâ limbo annexuntur, quid
	præstant.
	104
	Sextantum olim nudis manibus regebantur.
	104
	Regulas commovendi nova adhuc ratio.
	172, 173
	dirigere novâ Auctoris machinulâ.
	170
	exactissimè dirigēdi duæ novæ Aucto. invētiones.
	161
	Quadr. Azimuth. regendi modus Tychonis.
	159
	Sextantum dirigendi altera ratio Auctoris.
	163
	Sextantum per funiculos regendi inventum præ-
	stantisimum.
	162
	Regulis nudis manibus dirigendis nihil certi efficitur
	104
	Res arduæ lentè procedunt.
	18
	Rheticus quid peregerit.
	33
	Rex Christianissimus Auctori Regiam Suam Gratiam
	detegere jussit.
	63
	Riccioli de Dioptris Tychonicis sententia.
	280
	Dioptræ.
	275, 276
	Instrumenta an Tychonicis fuerint aptiora.
	86
	Ricciolus Almagesti Scriptor.
	86
	Astronomiæ Reformatæ Auctor.
	86
	quibus usus est Instrumentis.
	86
	quanta & qualia habuerit.
	86
	quid iis præstiterit.
	86
	candelam admovit Pinnacidiis.
	276
	Dioptras Tychon. in tenebris molestas autumat.
	280
	desperat de motu Lunæ libratorio.
	52
	in tenebris ad Observationes laternam requirit.
	249
	Rimulæ Pinnacidiorum non semper retinere possunt
	eandem amplitudinem.
	282
	Romani paucissimi extiterunt veri Astronomi.
	30
	quid in Studio Astronomico peregerint.
	30
	Rotula coronata in Directorio quot dentes habet.
	325
	coronata Directorii divisionum quâ ratione binos
	diversos simul regat Indices.
	322
	index quomodo à subdivivâ dependeat.
	323
	Rotulæ Directorii pro Octante maximo Orichalcico
	quot habeant dentes.
	337

INDEX RERUM.

461

Rotulæ & axiculi Directorii Divisionum quot dentes habeant.	322	Sextantes quomodo faciliter regantur.	225
& Indices Directorii non eadē velocitare agitātur.	324	Tychonici facilimè vacillant.	128
Rudens gestatarius quomodo Machinæ Telescopicæ alligandus.	410	artificiosè ponderibus reguntur.	245
Rudentis gestatarii longitudo.	410	Sexrans ad dimensiones Siderum commodissimus.	38
Rudolphus II Astronomiam jugiter promovit.	8	chalybeus.	108
Saracenorum & Arabum Principum & Regum quinam Astronomiæ operam dederint.	30	chalybeus Tychonis qualis & quantus fuit.	89
Sapiencia Divina est imperscrutabilis.	26	chalybeus Cylindros habet loco Pinnacidiorum.	112
Saturni libellum ad quem Auctor scripserit.	53	chalybeus potest disjungi.	109
Scala quomodo quadr. Azimuthali applicanda.	178	chalybeus Auctoris in quo à Tychonico differat.	109
Scientiæ & Artes hactenus creverunt.	35	Tychoni parallaxin creavit.	112
Scientia Sideralis an primò in Abrahamum, & ejus Patrem Thare ceciderit.	72	quomodo constructus.	108
Scientiarum homines sunt cupidissimi.	10	quomodo regendus.	110
Sciaterica quare Observationib. non satisfaciunt.	360	non habet Regulam.	110
Sacrarum Scripturarum encomium Studii Astronomici	3	quali cochleæ regatur.	110
Scrupula secunda quomodo quærenda.	316	quare non cochleæ longâ Tychonica regatur.	110
Seculum nostrum sublimiū ingeniorū fuit fertilissimū	35	Sextans magnus ligneus.	123
Singula secunda & tertia cognoscendi novum Aucto- ris artificium.	317	magnus orichalcicus.	222
Sectiones Conicas conficiēdi ratio an fuerit cognita.	428	orichalcicus minor.	102
Secunda & Tertia quomodo ex Tabellis investiganda	331	Sextans portatilis.	264
quâ ratione absq; Tabellis cognoscantur.	332	ad Sepimentum Speculæ adstringi potest.	272
singula & eorum partes discernendi artificium ubi delineatur.	318	quomodo consolidatus.	246
Secunda singula cognoscendi quo artificio Auctor aggressus sit.	319, 320	Sextans magnus orichalc. quomodo combinandus.	107
Secunda quâ ratione cognoscantur.	191	Sextante chalybeo Tycho quid peregerit.	89
Secundorum subdivisiones quâ ratione in limbo co- gnoscantur.	308	chalybeo Auctor raro usus est.	114
Sedecula mensæ Telescopicæ.	401	magno orichalcico quid Auctor præstiterit.	222, 250
Selenographiæ absoluta Auctor se ad Planetarum Observations accingit.	46	quomodo minores distantiae capiendæ.	131
Selenographiam quo anno Auctor absolverit.	46	Sextantem magnum orich. fulcro imponere quo re- quirantur.	241
quo anno Auctor ediderit.	435	chalybeum unus regere potest.	108
Selenographia quâ labore & sūptu Auct. cōstiterit.	46	portatilem quis primus invenerit.	83
Selenographici Auctoris labores magnis Viris non fuerunt ingratii.	46	magnū orichalc. quomodo Auctor examinaverit.	250
Selenographicum laborem Auctor hortatu magnorum Virorum fortiter aggreditur.	45, 46	magnū ligneum quare Tycho non ex ære fecerit.	124
Sellarum diductilium structura.	228	Sextantibus ad quid Auctor utatur.	105
utilitas, commoditas & necessitas.	228, 229	quomodo distantiae minores & majores 60 Grad.	
Sellæ cessilis in Observationibus commoditas.	111	capi posunt.	128, 129
Semicirculus Azimuth. Tychonicus quantus fuerit.	85	quomodo 150 & 180 Grad. dirimantur.	129
Azimuth. Tychonicus quâ materia constiterit.	89	Sextantis magni orichalcici anterior facies.	223
Senatus Gedanensis propensio in Studia Mathemat.	48	centrum gravitatis ubi.	226
Sextantes Auctoris majores quina Scrupula secunda in limbis commonstrant.	306	divisiones.	232
& Octates etiā absq; Speculæ regēdi modus.	263, 265	Pinnacidia.	233, 235
Senecæ encomium de Studio Astronomico.	2	facies posterior.	271
Sextantes debent esse ad nutum volubiles.	105	Inscriptio.	234
dirigendi diversi modi.	106	descriptio.	222
& Quadrantes Armillis sunt tutiores.	88	magni orichalc. materia & magnitudo.	222
& Quadrantes indigent calculo.	88	posterior facies.	242
loco Dioptræ habent Cylindrum.	283	Sextantis magni lignei intractabilitas.	123
majores quare non sustentaculo, dupli cardine vo- lubili, regantur.	106	constructio.	123
minores quomodo regendi.	106	descriptio.	123
non debent parallaxin inducere.	112	Pinnacidia.	126
quot Observatores requirant.	123, 127	magnitudo.	123
per funes regendi artificium est præstantissimum	225	bonitas.	124
		usus.	128
		chalybei fulcrum.	109, 111
		divisiones.	113
		quoad Pinnacidia structura.	112
		chalybei ratione Pinnacidiorum structura Tycho- nica.	112
		ipsius structura.	109, 110
		minoris cum majori convenientia.	271
		Sextantis orichalcici minoris magnitudo & com- binatio.	102
		portatilis fabrica, magnitudo, materia & divisiones	267
		magni orichalcici pondus.	226
		Sustentaculi pro Sextante minori posterior facies.	271
		Sex-	

M m m 3

INDEX RERUM.

Sextanti magno orichalcico Auctor quid tribuat.	250	Specularum celsissimarum in commoditatem.	440
in quo situ ejusdē centro gravitatis subveniendū.	226	Museo vicinarum commoditatem.	441
Sextantes quomodo Auctor gubernet	106	Speculas omnes Auctor in ædibus suis habet.	446
Sidera ad fiduciam observare, novumque Fixarum condere		Speculi convexi in præsentandis objectis vires.	437
Catalogum est res ardua & laboriosa.	64	Speculorum in Camerā obscuratā usus qualis.	436
Societas Illustr. Britann. Auctorem ad Studia excitat	63	usum quem in finem Auctor detegat.	436
Societas Illustris. Britann. litteræ ad Auctorem.	63	Speculū cōcavū quid in præsentādis object. præfet.	437
Socios Observationum s̄p̄ius permutare est Modera-		Sphæram quis primus construxerit.	27
tori molestū & Observationib. perniciosum.	56	Statuæ in Pinnacidiis, quorum effigies repræsentent.	260
Socius Auctoris moritur.	55	in Quadr. Azimuth. quid significant.	157
Solis cursum à conversione in conversionem quis pri-		in Pinnacidiis quid significant.	233
mus detexerit.	27	Stellæburgi Auctoris Commoditas.	440
maximam Declinationem quis annotaverit.	30	Auctoris jucunditas unde.	447
Lunæ ac Stellarum errantium motus quis in Sphæ-		Auctoris situs & prospectus jucundissimus.	447
ram transtulerit.	29	& Specularum Auctoris Astronom. descriptio.	439
Solē & Venerē interdiu observare modus Typhonis.	237	Stellæburgum Auctoris nulli splendidissimo com-	
in Pinnacidiis circello quasi immotum retinere est		moditate cedit.	440
artificium.	196, 374	Stellarum commercium modò in his, modò in illis	
quis primus in centro mundi esse statuerit.	26	Regionibus exercetur.	9
Solstitia & Solis æquinoctia quis ostenderit.	27	genuinas facies Telescopiis contemplari admo-	
Sol cujus ope in Machinā Helioscopica immobilis		dum jucundum accidit.	4
detineatur.	376	Stellæ quomodo quasi immotæ retineri possit.	217
Sosigenis studio Julius Cæsar Calendarium correxit.	29	Stöflerus ubi floruerit.	32
Specula Astronomica quomodo secundūm Auctorem		Selenographiam Auctor absq̄ue styli ac cæli peritiā	
exstruenda, ut omnis labor evitari possint.	419	edere non valuerit.	46
Auctoris major est commodissima.	443	Studio Astronomico non quilibet aptus.	19
Auctoris prior quomodo exstructa.	444	Studii Astronomici difficultates.	42
ne centro exeat, quomodo struenda.	243	Astronomici requisita.	37
mobilis pro Sextante quo labore Auctori cōstiterit.	223	Studii Astronom. cui rei præprimis incumbendum.	39
quomodo gyratione orbis centrum non exeat.	187	Studiorum Astronom. magni Evergetæ quinam præ	
peculiaris pro Telescopiis maximis.	419	cæteris ex Principibus Christianis extiterint	8
pro Quadr. Horizont. quare deppressior.	446	Astronomicorum quinam ex Regibus & Principi-	
pro Telescopiis maximis quomodo exstruenda.	420	bus hujus seculi Mæcenates & Promotores.	8
pro Tubis longissimis convenientissima quomo-		Studium Altronom. à quō suscipi debeat.	24
do exstruenda.	396	à rudi non excolitur.	23
Specula quo anno in Camerā obscuratā Auctor ad-		est Studium Regium.	37
hibuerit.	436	est res difficilima & sumptuosissima.	9
promovent Telescopia.	434	Deus nunquam in cultum reliquit.	9
Specula quis primus adhibuerit Telescopiis	435	ad feliciter excolendum quæ requirantur.	23, 24
quomodo ad Objecta clarè præsentanda debent		est res sublimis.	2
esse comparata.	437	& honestum & honorificum.	41
quomodo ad Objecta præsentāda adhiberi debet.	437	mirè recreat & oblectat.	4
Speculæ Astronomicæ quā ratione exstruendæ.	443	Moysis & Jobi temporibus jam fuit detectum.	11
Auctoris pro Telesc. maximis commoditas.	420	Munificentia Principum, tranquillā vitā & otio o-	
Auctoris ratione exstructæ commoditas & uti-		pus habet.	42
litas.	397, 423	quales poscat sumptus.	37
majoris descriptio.	444	quousque vigebit.	9
minus altæ commodiores sunt nimis excelsis.	440	quo anno innoverit.	11
Speculæ pro Quadr. Horizont. descriptio.	446	quos poscat sumptus.	264
pro Quadr. magno Horiz. æneo volubili structura.	186	quomodo ex voto procedat.	24
Crypta.	189	successu temporis reddetur perfectius.	18
mobilis commoditas ad Ecclipses Solares obser-		Subdistinctionum subtiliorum fundamentum.	330
vandas.	244	Subdivisiones subtiliores undè promptissimè cognoscendæ	331
Symmetria.	243, 420	Subdivisionum in margine superiori Dioptrarum ubi-	
pars anterior.	224	nam terminus.	314
pro magnitudine Instrument. sunt componendæ.	24?	in inferiori Dioptrarum margine ubinā terminus	314
Structura.	242, 243, 244	Sustentaculi Quadr. Horizontalis fabrica.	207
que aliis præstantiores.	440	tripedanei cæsilis pro direct. Telesc. constructio.	386
tegmen quare debet esse mobile.	421	versatilis descriptio.	268, 269, 270
Speculam Astronom. quo anno Auctor exstruxerit.	43	versatilis ope Instrumenta levioribus pondiculis	
ampliorem Auctor pro Instrum. æneis & quo loco		regi posunt.	270
ædificavit.	55	Sustentaculum dupli cardine volubili Auct. rejicit	107
majorem Auctor ubi & quo anno exstruxerit.	443	Quadrantis magni dilucidiūs exhibitum.	301
commodam quo anno Auctor exstruxerit.	443	Quadr. perpendiculariter debet esse erectum.	207
priorum quo anno & ubi exstruxerit Auctor.	444	Susten-	
Speculam non omnibus datur adornare.	264		



Sustentaculū Quadr. quomodo ab Auctore firmatū.	209	Timochares & Arystillus quo tempore vixerint &	
versatile quomodo ad Observat. exponendum.	268	cui rei operam dederint.	28
versatile quid præstet.	268	primus Spicam Virginis punctum Äquinoctii Au-	
		ctumnalis octo Gradibus antecedere detexit.	28
T		Tornaturam Auctor didicit.	38
Tabellæ pro divisionibus Quadr. Horizontalis	334	Torqueta in Studio Astronm. quid præstent.	81
pro divisionibus Sextantis magni Orichalcici.	336	quot partibus constant.	82
pro Octante magno Orichalcico.	338	Tubi Auctoris quanti sunt.	73
pro Quadr. minoris Directorio.	342	disjungi & conjungi possunt.	75
Tabellas Auctor pro subdistinctionibus subtiliori-	331	longiores quomodo regēdi & ad Sidera exponēdi	384
bus construxit.	243	ex quā materiā longissimi Auctoris.	75
Tabernula super quo volvatur.	445	Tubi longissimi quare hactenus non fuerrint in usu.	404
mobilis pro Sextante & Octante ubi exstructa.	445	partes quomodo combinandæ.	392
Tabulas Astronomic. restituere Auctor molitur.	65	partes, ne se reflectant, quomodo firmandæ.	392, 393
Danicas quis construxerit.	34	quomodo rectificandi.	393, 394
Rudolphinas quis construxerit.	35	60 & 70 pedum an ubivis inveniantur.	391
Solares jam dum construxit Auctor.	66	ubi & quomodo ad serventur.	446
Tabulæ Astronomicæ adhuc defectu laborant.	65	60 pedum structura.	392
correctione opus habent.	36	rectitudo quomodo cognoscenda.	393
Tabularum Solarium Auctoris à reliquis discrepantia.	66	Tubis quale fulcrum olim Auctor adhibuerit.	384
Telescopia Auctoris ratione dirigendi commoditas.	403	Tubis quā ratione minutissimum objectum uno oculi	
ad quānam Auctor adhibeat.	43	ictu inveniendum.	389, 390
Auctor in pretio habet.	294	Tubo quomodo rudentes adstringēdi, ne frāngatur	392
à quibusdam contemnuntur.	379	Tubus antequam elevatur quā observanda.	399
per ligilla dirigendi ratio.	398, 402	ne fese in attollendo incurvet quid observandum	394
multum adjuvant Observationes.	404	quā ratione in linea recta conservetur.	393
dirigendi modus.	386	quomodo ad quodvis phænomenum immotus	
in quantum absolutiora sint redditæ.	382	quasi retineatur.	403
Telescopia initio quanta fuerunt constructa.	382	quomodo elevetur.	397
in quibus Observationibus adhibenda.	295	& ne decidat sufflaminetur.	398
longiora possunt construi.	73	quomodo remotā anginā altius tollatur.	395
plurimi fiunt à Principibus & Eruditis.	73, 380	Tubum Auctor pro longissimis Telescopiis ex duabus	
per Specula abbreviari posse, Auctor in Seleno-		asferibus omni ferro remoto construxit.	405
graphiâ suâ indicat.	436	extollendi planior Auctoris via.	395
Telescopia quomodo ad serventur & ubi.	423, 424	Tubos longissimos dirigendi ratio.	387, 388, 389
longiora 70 ped. hactenus non fuerunt in usu.	404	Opticos & regendi adminicula quomodo Auctor	
quomodo in mensâ Telescopiâ regantur.	401	melioraverit.	384
quā ratione perfectiora effici possint.	434, 436	Opticos longissimos levissimè dirigendi Aucto-	
præstantissima Auctor. sibi comparare studuit.	391	ris nova inventio.	74
Telescopiis quā detecta sint.	381	Tuborum effectus quis.	297
quibus Speculis præ aliis subveniatur.	438	nonnullorum constructio.	385
Speculis subveniri posse Auctor experimentis		Tubospicilla an perfectiora reddi possint.	381
demonstravit.	438	Turris Auctoris commoditas & prospectus.	178
ulterius promovendis quis aptus.	436	pro Quadrante Azimuthali.	176
Telescopiorum ope Scientiæ creverunt.	73	structura tota.	176
utilitas in Studio Sidereo.	73, 381	magnitudo & figura.	176
Terræ motum quis primus statuerit.	28	structura quare non amplior.	178
Terræ motum multi Altronomi sunt amplexi.	28	tegmen quā ratione regatur & circumgyretur.	422
Terram immobilem quis primus statuerit.	26	pro Telec. exponēdis quot cōtignationes habet	421
Trochlearæ quomodo & ubi ad arborē alligādæ.	415, 416	pro Telec. maximis tabulato circumdanda.	420
quo ordine disponendæ & machinæ Telescopicæ		pro Quadr. Azimuth. facies & situs.	448
affigendæ.	408, 409	Turrim pro Quadr. Azim. Auctor ubi exædificaverit	444
Thales primus anni tēpora & vicissitudines invenit.	27	Typographiæ Auctoris ubi constitutæ.	446
Thales primus annum intrecentos & sexaginta qui-		Tychone nemo unquam majora in Altron. præstit.	85
que dies divisit.	27	Tychoni debetur gratia & memoria immortalis.	85
primus cursum Solis à conversione in conversionem		Tychonici quomodo Instrumenta & Observations	
detexit.	27	examinaverint.	57
primus Ecclipses Solis prædixit.	27	Tycho Brahe à quo tempore & quousque Astrono-	
Thales primus Cynolurā & urſam minorem invenit.	27	mia operam dederit & observaverit.	33
primus Græcorum Astronomus.	27	Catalogum Fixarum condidit.	23
Lunæ magnitudinem quantam statuerit.	27	cur Instrumenta lignea præ æneis elegerit.	121
quando vixerit & quomodo mortuus.	27	felicissimus Fixarum & Planetarum Observator.	26
quid scripserit.	27	Tycho horologiorū in æqualitatē tollere allaborat.	362
quid de Cursu Solis senserit.	27	Instrumēta universa quare non cōdiderit metallica	84
Thebetius Arabs & Prophatius Judæus quando vixe-		Tycho	
rint & quid observaverint.	31		

INDEX RERUM

Tycho Sextantis & Octantis primus inventor.	83	Tychonis de horologiis sententia.	361
Pinnacidia correctiora fecit.	275	de Planetarum restitutione judicium.	67
post Hipparchum primus Stellas Fixas restituit.	33	de Sextante ligneo & Torqueto judicium.	81
plures aluit Coadjutores.	92	& Auctoris Instrum. dirigendi diversa ratio.	224, 225
præventus morte omnia elaborare minimè potuit.	34	modi inæqualitatem horologiorum tollendi.	362
Tycho Instrumentorum defectui subvenit.	82	Instrumenta ex quâ materiâ constiterint.	82, 84
Princeps Astronomorum.	33	Instrum. plurimù ad Veterum rationē fabrefacta.	88
Quadrantibus qualia Pinnacidia adhibuerit.	275	Instrumenta quænam supersint.	77
quantos sumptus in Rem Astron. erogaverit.	33, 51, 84	judicium de Instrumentorum qualitate.	87
Instrumenta metallica sibi cur non comparaverit.	84	Tychonis modus regulas dirigendi incertus.	160
quare Octantem & Semicirculum Azimuthalem		Organa præcipua quænam fuerint.	83
ex ligno confecerit.	85	Pinnacidia Ricciolianis Auctor præfert.	279
quando natus.	33	Quadrantes Azimuthales quales.	151
Tycho quænam Instrumentorum suorum rejicit.	89	ratio Solem observandi non fuit tuta.	175
quid nobis reliquerit.	33	regulas dirigēdi modus quare Auct. non placuerit.	160
quid præstiterit.	26	solicitudo & solertia in Astronomiâ.	85
quid unicuique Instrument. suorum tribuerit.	89, 90	V	
quomodo Sextantes gubernaverit.	106	Venerem observare interdiu difficultimum.	237
quot annos in corrigendis Fixis laboraverit.	51	Venus à Sole quomodo observetur.	238, 239
quot annos vixerit & quo tempore mortuus.	34	Veteres nondum omnem superarunt difficultatem.	25
Tycho quot & qualia possederit Instrum.	33, 83, 89, 90	Veteri Instrum. dirigendi modo quid præstetur.	219
quot habuerit Instrumenta, quibus inniti potuit.	87	Veteris modi Instrum. examinandi inconvenientiæ.	230
quot habuerit Quadrantes & Sextantes.	83	Veterum modi horas & dies distinguendi.	360
quot Studiosos eâ de causâ aluerit.	51	Vibrationum in temporibus determinandis præstâria.	364
Reges & Monarchs Instrument. apparatu vicit.	85	numerationem quomodo Auctor evitaverit.	364
sex ex Instrumentis suis in pretio habuit.	90	Vitro Dioptrico Convexo ad objecta præsentanda	
Succesoribus viam ad altiora stravit.	85	quomodo uiendum.	438
unde in quibusdam Observationib. aberraverit.	92	Vitrum dioptricum Convexum quid præstet ad ob-	
non quodvis Instrumentum semper in Urani-		jectiva præsentanda.	438
burgo suo adhibere potuit.	442	objectivum debito loco collocandum.	399
Tychonis adhortatio à quibus Instrum. cavendum.	89	Uraniam excolere non omnibus datur & quare.	37
Antecesores defectū Instrum. supplere sunt conati.	82	Uraniburgi Tychonis incommoditates.	442
Armillarum Æquatorearum structura.	83	Uraniburgum Tychonis an convenientius Observa-	
de Astronomorum paucitate querela.	18	tionibus exædificari potuisset.	441
de horologiorum inæqualitate querela.	362	Tychonis quale fuerit.	441
de Instrumentis lignicis judicium.	53	Uraniburgorum in exædificatione quid notandum.	441

ERRATA.

Pag.	Lin.	Menda	sic emenda.	Pag.	Lin.	Menda	sic emenda
14	21	integra & salvam conservari	integrā & salvam cōservare	264	1	164	264
37	15	conscius	conscium	264	29	Scienrum	Scientiarum
39	4	solo	soli	308	36	lineola aliqua	lineolam aliquam
39	36	Catoprices	Catoprices	310	ultima	discribere	describere
42	ultima	requirentur	requirerentur	315	22	illuc	illud
44	23	solo	soli	316	8	in	à
97	6	penioris	penitioris	316	9	priori subsequens	priori versùs subsequens
186	5	Tabernacula	Tabernula	334	11	5789	5780
187	3	constructa	constructum	336	13	5272½	5227½
191	31	poposcit	poscat	338	9	3966½	3926½
262	1	162	262	375	28	conjungantur	conjungatur



Biblioteka Śląska

225119

W

Pass I

MF

kdd — 496/63 90000 szt.

31 tabl.
15 IX 2008v
D.J.

